



გამომცემლობა
„საბავთა საკარტველო“

გამომცემლობა



გამომცემლობა
„საბავთა საკარტველო“



ცნობილი ისლანდელი მწერალი ჰალდორ ლაქსნესი მკითხველს იზყრობს თავისი გულწრფელობით, ცხოვრების ღრმა ცოდნით და ანტირმაკ ყველაფერი, რაც მის კალამს შეუქმნია, მართალი და დამაჯერებელია.

„დამოუკიდებელი ადამიანები“ დიდი სოციალური რომანია. მწერალი რეალისტურად გვიხატავს ლარიბი გლეხის ამაო ბრძოლას დამოუკიდებლობისათვის; ამ უთანასწორო ბრძოლაში იგი ჰკარგავს უკანასკნელ საარსებო წყაროს, ახლობლებს, რჩება მარტო, მაგრამ ფარ-ხმალს არ ყრის და იბრძვის თავისი ოცნების განსახორციელებლად.

თარგმანი
ნინო სამუშაველიძისა

ნაწილი პირველი

თავი პირველი

კოლუმბილი

ისლანდიური მატიანე მოგვითხრობს, რომ შორეულ წარსულში ისლანდიაში დასაველეთიდან მოსული ხალხი დამკვიდრებულა. მათ შემდეგ მარტო-ოდენ ჯვრები, ზარები და აგრეთვე საჯადოსნო სხვადასხვა რამ საგანი დარჩენილა. ლათინური წყაროებიდან ჩვენთვის ცნობილი გახდა იმათი სახელი, ვინც ისლანდიაში პაპობის* პირველ წლებში დასახლებულა. წინამძღოლად ჰყოლიათ ვინმე ირლანდიელი კოლუმბილი — სულთა ცნობილი შემლოცველი. იმხანად ისლანდია განთქმული ყოფილა ნაყოფიერი მიწით, მაგრამ როცა ქვეყანას ჩრდილოელები სწვევიან, პირველი ახალმოშენები აყრილან და გადაქარგულან. უძველესი მატიანეები მოგვითხრობს, კოლუმბილიმ შური იძია, ჯადოთი შეკრა ჩრდილოელები, დანავსა, ათასნაირი უბედურება დაატეხა თავს; ისეთი მოუსავლიანობა იყო, რომ ქვეყანა გაჭირვებაში ჩაეარდაო.

დიდი ხნის შემდეგ, ისლანდიაში დასახლებული ჩრდილოელნი, თავის ჭეშმარიტ რჯულს განდგომიან და სხვა, უცხო ტომის მიბაძვით, კერპთაყვანისმცემლობა მიუღიათ. ყველაფერი ყირაზე დამდგარა ისლანდიაში, ჩრდილოელთა ღმერთებს მასხრად იგდებდნენ, აღმოსავლეთ-დასაველეთი ქვეყნების მიბაძვით თავყანს სცემდნენ ახალ ღმერთებსა და პატარა კერპებს. ლეგენდა გადმოგვცემს, რომ იმ მიყრუებულ ხეობაში, სადაც შემდგომ გაშენდა დიდი ხუტორი ალბოვასტადი, კოლუმბილის ხსოვნის უკვდავსაყოფად, თითქოს სწორედ მაშინ აუგიათ ტაძარი. მას მერე კი, რაც ავმა სულმა დააქცია ხუტორი, 1750 წელს, უტირედსმირ-რეიკიდალის ოლქის მოსამართლე იოუენი გამგზავრე-

* ისლანდიაში 1056 წლიდან 1550 წლამდე გაბატონებული იყო კათოლიკური ეკლესია.

ბულა იმ მაღალმთიან ხეობაში, სადაც, როგორც ამბობდნენ, მოჩვენებამ დაიწყო. მოსამართლე იოუენი ფრიად ახირებული შემთხვევების მოწმე გამხდარა და თავის ცნობილ მოხსენებაში „ალბოგასტადელი ეშმა“ ასეთ ამბავს მოგვითხრობს: შუაზამთრიდან მოყოლებული სამეხამდე ალბოგასტადელებს მოსვენება დაუქარგა თურმე იმ მოჩვენების კივილმა და მაშინ ხალხი ხეტორიდან აყრილა, დაბაში გაქცეულა. მოსამართლე იოუენს მოჩვენებამ ორჯერ ჩასძახა ყურში თავისი სახელი და ყოველ შეკითხვაზე თურმე „ლათინური უხამსი ლექსებით და უწმაწური სიტყვებით“ პასუხობდა.

მოჩვენებაზე ხალხში შემორჩენილი ყველაზე გავრცელებული თქმულებები იმ უძველეს ხანას ეკუთვნის, როცა ოლქის მოსამართლე იოუენი ჯერ კიდევ ცოცხალი იყო და ისლანდიაში ცხოვრობდა. ჰოდა, ზედმეტი არ იქნება, თუ ამ ამბავს შევასხენებთ მათ, ვინც ოდესმე ამ სანაპირო ველებს წვივავა, გაივლის ხავსმოდებულ, დაკლანძვილ, ოდესღაც ცხენთა ფლოქეებით ნატკენ ბილიკებს და იქნებ სანახაობით მოხიბლული წამითაც შედგეს ქაობში ამართლ იმ უძველეს ბორცვთან, სადაც ოდესღაც იდგა ხეტორი ალბოგასტადი.

ეპისკოპოს გუდბრანის სიცოცხლის უკანასკნელ წლებში, ალბოგასტადში ცხოვრობდა ცოლ-ქმარი, ქმრის სახელი არაიენ უწყის, ცოლს კი გუნვერი თუ გუდვერი რქმევია. ამბობდნენ, ის ქალი საშინელი რამ ასპიტი და ჯადოქარი, ისეთი ღვთის გარეგანი იყო, რომ ყველა გაურბოდაო. ქმარი სუსტი ნებისყოფის ყოლია, ყველაფერში ემორჩილებოდა დედაცას, კაცი კი არა, ნამდვილი ზვარი ყოფილა. პირველ ხანებში ცოლ-ქმარს ცხოვრება უჭირდა, ცოტა მოჯამაგირეები ჰყოლიათ. თქმულება ამბობს, გუნვერი თავის ახალშობილ ბავშვებს ქმარს ახოცინებდაო. აიყვანდა თურმე გუნვერის ქმარი ახალშობილ ბავშვს მთაზე და დიდი, ბრტყელი ქვის ქვეშ ამოღებდა — გაზაფხულზე, თოვლი დნობას რომ იწყებს, დღესაც მოისმის იმ მთიდან ბავშვების ტირილი. ან კიდევ, კისერზე ქვამობმულ ჩვილს ტბაში გადაუძახებდაო — ზამთრობით, მთვარიან, ცივ ღამეებში იმ ტბიდან მუდამ ისმის მათი კვნესა. ამას ავდრის მომასწავებელნი მნად თვლიან.

გუნვერი თანდათანობით მიჩვეულა ადამიანის სისხლის სმას და ტვინის წოვას. ამბობდნენ, შვილებს ძარღვებს გადაუჭრიდა ხოლმე და სისხლსა წოვდაო. თავის სახალსუკან გუნვერმა ქოხი ააშენებინა და იქ ღამდამობით ცეცხლს ანთებდა ეშმა კოლუმეკილისთვის პატეის მისაგებადო.

თურმე, ერთხელ გუნვერის ქმარს გაქცევა გადაუწყვეტია, უნდოდა მთელი სოფლისთვის შეეტყობინებინა ცოლის ამბები, მაგრამ აღქაჯი გამოჰკიდებია, უღელტეხილზე, რედსმირის მახლობლად დაუჭერია ქმარი და ქვით ჩაუქოლავს. გვამის შეგინებასაც არ დარიდებია, ნაწილ-ნაწილ დაუჭერია,

ძელები ამოუცლია, გვამი ყვავ-ყორნის საჭიჯგნად დაუგდია მთაზე, ძელები კი ქოხში წაუღია. მერე სოფელში ხმა დაუყრია, ქმარი მთაში ცხერის ძებნისას და-მელუპაო.

ქმრის სიკვდილის შემდეგ გუნვერი გამდიდრებულა, კარგი ცხენები გა-უჩინია... სამრევლოში ხმა დაიჩხა თურმე, ამ სიკეთეს გუნვერი კოლუმეკილის უნდა უმადლოდესო.

იმხანად სოფელში სხვადასხვა კუთხიდან ბევრი ხალხი ჩადიოდა: ზაფხუ-ლობით გლეტჩერის მიდამოებში სათევზაოდ, გაზაფხულობით კი გასახმობი თევზის მოსამარაგებლად.

რაც მეტი დრო გადიოდა, მით აშკარად ხედავდა ხალხი, რომ გუნვერი ძალ-ზე საეკეოდ იქცეოდა, რომ თანდათან მოიძრავლა ცხენები. თქმულემა გადმო-გვეცმს, მართალია, გუნვერი იმდროინდელი ადამ-წესის მიხედვით საყდარში კი დადიოდა, მაგრამ ყოველ სამება დღეს, რედსმირის საყდარში. წირვას რომ მოისმენდა, ისე გულაყრილი იყო ამ წუთისოფელზე, რომ მისთვის მზე აღარ მზეობდაო.

ბოლოს ხმა გავრცელდა, გუნვერის ქმარი თავისი სიკვდილით არ მომკვ-დარა, გუნვერი კაცის მკვლელიაო—ზოგს ფულის გამო ხოცავს, ზოგსაც სისხ-ლსა და ტვინს სწოვსო. თითქოს ალბოგასტიადის მახლობლად, ხეობის სამხ-რეთით, პატარა, ეგრეთწოდებულ „წურბელების ტბაში“ ჰყრიდა თავის მსხვერპლთ. სტუმრებს ჩვეულებრივ ღამით ხოცავდა, მძინარეებს, მერე ყელს გამოლრნიდა, აკუწავდა და მათი ძელებით კოლუმეკილისთან თამაშობდა. ხან-დახან უშენამდე მისდევდა მსხვერპლს, ჩასცემდა ალესილ დანასა და ჰკლავდა. ღონით არც ერთ მამაკაცს არ ჩამოუყვარდებოდა, კოლუმეკილიც ეხმარებოდა თურმე ბოროტმოქმედებაში. ერთი მოშიშვლებული გორაკის კალთაზე, თოვლ-ზე დღესაც ჩანს სისხლის ნაკვალევი, განსაკუთრებით შობის წინა დღეებში. გვამს გუნვერი ქვას გამოაბამდა და ტბაში აგდებდა. მოკლულის ტანსაცმელს, ფულსა და ცხენს კი ინახავდა. გუნვერის შვილები შერეკილები ყოფილან, ხან ზღრუბლთან ისხდნენ თურმე ქვაზე და შემზარავად, უაზროდ კრეკდნენ კბი-ლუპს, ხანაც სახლის სახურავზე აძვრებოდნენ და ძაღლებივით იღრინებოდ-ნენ. ეშმამ წაართვა მათ ჭკუა და ლაპარაკის უნარი. ამიტომ იმ კუთხეში ბავ-შეებს მწუხრის ჟამს დღემდე უმღერიან ამ სიმღერას:

ვინც მორთულია*,
ვინც მდიდარია. ნუ მიენდობა,
ნუ მიენდობა გუნვერს,
გუნვერი წყალში ისვრის ყველაფერს,
არავის ინდობს თურმე.

* ლექსები თარგმნილია მორის ფოცხიშვილის მიერ

სადაც გუპეერია — იქ სისხლის ღვარია.
 გუნვერთან ვერავის ვერ გაუხარია, —
 იძინე, იძინე ბალო!
 ვისაც ცხენი ჰყავს, ნუ მიენდობა,
 ნუ მიენდობა გუნვერს,
 გუნვერს ძალიან მკრელი დანა აქვს;
 გულიც მკრელი აქვს თურმე.
 სადაც გუნვერია — იქ სისხლის ღვარია,
 გუნვერთან ვერავის ვერ გაუხარია, —
 იძინე, იძინე, ბალო!
 ვისაც კი უღუღს მგზნებარე სისხლი,
 ნუ მიენდობა გუნვერს,
 გუნვერი სისხლს ღვრის, რათა ეს სისხლი
 თვით შეიწოვოს თურმე.
 სადაც გუნვერია — იქ სისხლის ღვარია,
 გუნვერთან ვერავის ვერ გაუხარია, —
 იძინე, იძინე, ბალო!
 ვისაც ღმერთი სწამს, ნუ მიენდობა,
 ნუ მიენდობა გუნვერს,
 აღამიანებს ცოცხლად სქამს თურმე, —
 არ გაქეკარო ასლო...
 სადაც გუნვერია — იქ სისხლის ღვარია.
 გუნვერთან ვერავის ვერ გაუხარია, —
 იძინე, იძინე, ბალო!
 გულქვი კოლუმეილის უბრძანებია
 სისხლის დაღევა მისთვის,
 აღამიანთა ძელის ტვინის ხვრება,
 აღამიანთა ზიზღი...
 სადაც გუნვერია — იქ სისხლის ღვარია,
 გუნვერთან ვერავის ვერ გაუხარია, —
 იძინე, იძინე, ბალო!

ბოლოს მანც გამოაშკარავდა გუნვერის ბოროტმოქმედება, ხალხმა გაიგო, რომ ერთისა და ორის კი არა, ვინ მოსთვლის, რამდენი კაცის ცოდვა ედო კისერზე. ხოცავდა მამაკაცებს, ქალებს, ბავშვებს, ლამდამობით კი კოლუმეილისთან ღრეობდა. საოლქო თინგმა* გუნვერს სიკვდილი მიუსაჯა, სამება დღეს, რედსმირის სასაფლაოს ჰიშკართან შაყი ჰკრეს. გუნვერი გულადად შეხვდა განაჩენს, მაგრამ სიკვდილის წინ დასწყევლა და შეაჩვენა ხალხი. გუნვერს თავი მოჰკვეთეს, დაჰკრეს, ჩადეს ტომარაში, ალბოგასტადის დასაავლეოით, უღელტეხილისკენ წაათრიეს, აიტანეს ყორანის მწვერვალზე, რომელიც დღესაც

* თინგა — ვრდობა (ისლანდ.).

შეგიძლიათ იხილოთ, და იქ მიწაში ჩაფლეს. ყორღანი ახლა ბალახითაა დაფარული და ხალხი მას გუნვერის ყორღანს ეძახის. როცა მეზავრი ამ უღელტეხილს პირველად გადაივლის, ყორღანზე ქეას ააგდებს — ეს ყოველგვარა განსაცდელისაგან დაიფარავს მას, მაგრამ ზოგი ყოველ გავლაზე ქეას ესვრის ალქაჯის ყორღანს, რამეთუ ხიფათი ასცდეს და სიმშვიდე ჰპოვოს.

თუ სიცოცხლეში გუნვერი ასპიტი იყო, სიკვდილის შემდეგ მთლად აიშვა თავი. საფლავში მშვიდად არ ნებადა წოლა, მოველინებოდა ხუტორს, აცოცხლებდა თავის მსხვერპლთ: კაცებს, ქალებს, ბავშვებს და შემოდგომის ბნელ ღამეებში ალბოგასტადში მოსვენება აღარ იყო ალქაჯისაგან, თავისი ჩვეულების ერთგული გუნვერი აწამებდა მკვდრებსა და ცოცხლებს. დამდამობით ხუტორში ისეთი წივილ-კივილი ისმოდა, თითქოს აწრიალებულ, მბორავავ სულთა ხროვა ჩივის და ჰვოდებს თავის უბედურებასო. ხანდახან დედამიწიდან აისვეტებოდა გოგირდის სქელი ორთქლი, მოედებოდა მიდამოს, ავსებდა ყველაფერს, ხალხს სული ეხუთებოდა, ძაღლები, თითქოს ცოფდებოდნენ, გაავებით უღრენდნენ ერთმანეთს. ღამით ხან ისე გაშმაგდებოდა გუნვერი, ისე აიწყვეტდა თავს, ისეთ ამბავში იყო სახლების სახურავებზე, რომ კოჭებს ჭრიალი გაჰქონდა, მკვიდრად ნაგები სახლებიც კი ვერ უძლებდა ალქაჯის ჭირითს. გუნვერი ხან ზურგზე მოახტებოდა რომელიმე ხუტორელს და ცხენივით გააჭენებდა, ხან ხერხემალს ჩაუმტვრევდა ძროხას, ჭკუაზე შლიდა ქალებსა და ბავშვებს, აფრთხობდა ბერიკაცებს, არც ჭვარი აშინებდა უწმინდურს და არც შელოცვა. თქმულება გადმოგვცემს, ერთმა დიდად განსწავლულმა რედსმირელმა პასტორმა, როგორც იქნა, მოთოკა და კუდიით ქვა ასროლინაო ალქაჯს. გუნვერმა თურმე მთას შეაფარა თავი, იმის წინ კლდე გაიპო და გაჩნდა ხეობა, რომელიც დღესაც არსებობსო. ზოგი ამბობდა, გუნვერი ტროლად გადაიქცა, კლდეში დაიდო ბინაო, ზოგი კი ამტკიცებდა, ტბაში დაივანაო. თუმცა, ვინ რა იცის, შემდგომ ხომ რამდენიმე თაობა გახდა იმის მოწმე, რომ ტბაში რალაც საშინელი საფრთხობელა ცხოვრობდა? ბევრს შეეძლო დაეფიქრა, მინახავს ეს საფრთხობელაო, იმათაც კი, ვისაც მოჩვენებების არსებობა არა სწამდათ. ზოგი ამბობდა, ავმა სულმა სამჭერ დააქცია ხუტორი ალბოგასტადიო, ზოგი კი გაიძახოდა, სამჭერ რა სათქმელია, შვიდჯერ მაინც დააქციაო. ვერც ერთმა გლეხმა ვერ გაბედა იქ ფეხისმოკიდება საბოლოოდ, ყველამ აიკრა გულა-ნაბადი და ბოლოს ხუტორი გაუკაცრიელდა. როცა რეიკდალის ოლქში მოსამართლედ იოუენი იყო, ხუტორი ალბოგასტადი უტირედსმირს მიაწერეს და იქ ზამთრობით ცხვარს აბინავებდნენ. ამიტომაც შეარქვეს „საზამთრისი“. ბოლოს იქ ბატონებისთვის გააშენეს ფარეხები.

ქაობით გარშემორტყმულ მაღალ ბორცვზე დგას ნახევრად დანგრეული სახლი.

ეგებ ეს ბორცი მარტოდენ ბუნების შექმნილი არ არის. იქნებ ის გლეხები, რომლებიც კარგა ხანია ქვეყნად აღარ არიან, ოდითგან ამ ხეობაში, ამ ნაკადულის პირას აგებდნენ სახლს და ხხალი ხუტორი ძველის ნანგრევებზე შენდებოდა?

უკვე ას წელზე მეტია, რაც ამ ბორცვზე მხოლოდ ცხვრის ფარეხი დგას, მთელი საუკუნის მანძილზე ცხვრების ზღაველი და ბატკნების კიკინი ისმის. ბორცვის სამხრეთით გაშლილ ვრცელ ქაობში აქა-იქ თავი ამოუყვია მანანის ბუჩქებით დაფარულ კორამს. რედსმირის უღელტეხილიდან ქაობში ჩადის პატარა მდინარე, მეორე მდინარე სათავეს ტბიდან იღებს და უშენის აღმოსავლეთით გარბის ხეობაში. ფარეხის ჩრდილოეთით ამართულია მთა, მის კალთებზე ვეება ლოდებია დახორავებული. ამ ლოდებსა და ქვებს შუა ფესვი გაუუდგამს მანანის ბუჩქებს. აქა-იქ ამართულა პიტალო, დაკბილული კლდეები, ერთ ადგილას, ფარეხის პირდაპირ, კლდე გაპობილა და დამსკდარი ჭეოდან გაზაფხულობით ჩანჩქერის წვრილი, გრძელი ნაჲაიდი გადმოსჩქეფს. ზოგჯერ სამხრეთის ქარი წყალს აქაფებს, ზევით იტაცებს და ამ ღროს ისე გეჩვენებათ, თითქოს ჩანჩქერი დაღმა კი არაა. ზეგით მიეღინებათ, მთის მწვერვალისკენ. კლდის ძირი რიყის ქვითაა მოფენილი. ფარეხი იმ უშენ ადგილასაა გამართული, სადაც ხუტორი ალბოგასტადი იდგა, ამიტომაც დიდხანს შემორჩა სახელი „საზამთრისი“.

პატარა ნაკადული ჩაუდის ფარეხს, ნახევარწრედ გარს ურბნენ საძოვარს, კაშკაშა, ცივი, არასოდეს არ შრება. ზაფხულობით მზის სხივები ირეკლება მის მჩქეფარე ზვირთებში. ნაპირზე კი ცხვრები გაწოლილან და იცოხნებიან. ლაქვარდი ცა, ტბა, ტბაში მოცურავე თეთრი გედები და კალმახით სავსე მდინარე, მშვიდად რომ მიიკვლევს გზას ქაობში — ყველაფერი ბრწყინავს, გალობს და ხარობს.

ხეობას ყოველი მხრით გარს აკრავს მთები და უშენი ადგილები. დასავლეთით უღელტეხილია, უტირედსმირის იქით რედსმირია, ანდა უბრალოდ მირი, ადგილობრივი სამრევლოს მამასახლისის კარ-მიდამო, ის გახლდათ აქამდე მთელი ამ მაღალმთიანი ხეობის ბატონ-პატრონი.

რედსმირის ქვემოთ უფრო მჭიდროდ დასახლებული ადგილებია. უშენი კი აღმოსავლეთ მხ-იდან, სადაც ფიორდის გზა გადის, სულ რაღაც ხუთიოდ საათის სავალზეა ქალაქიდან. სამხრეთით ხეობას დაბალი ბორცვების გრეხილები გასდევს, ბორცვები თანდათან მალლდება და ერწყმის დიდ მთას. — ბლა-უფიედლს, რომლის დათოვლილი მწვერვალი (თოვლი იქ ივანობამდე არ დნება), ქვემოდან ისე მოჩანს თითქოს ცას მიზჭენაო. ბლაუფიედლის მიღმაც ვრცელი უშენი ადგილია. ზაფხულობით ხეობაში თბილი ქარი ჰქრის.

როცა გაზაფხულის სიო უბერავს ხეობაში, მზე დაკაშკაშებს მდინარის ნაპირად შემორჩენილ შარშანდელ ჰალახს, ტბას და თეთრ გედებს, როცა მზის ცხოველყოფელი სხივი კაობიდან ამოიტყუებს მცენარეთა ნორჩ ყლორტებს, ძნელი დასაჯერებელია, რომ ამ მშვიდობიან, ნაყოფიერ ხეობაში უწინ საშინელი ბოროტმოქმედება ხდებოდა. მხედრები მიჰყვებიან მდინარის ნაპირს, დაჰქრის გაზაფხულის მაცოცხლებელი სიო, მზე დაკაშკაშებს ხეობას. ასეთ დღეებში მზის სხივები წარსულის ჩრდილებს ჰფანტავს.

ახალმა თაობამ დაივიწყა ის მოჩვენებები, ძველად რომ ასე აწამებდა ხალხს. აჰმა სულმა რამდენჯერმე დააქცია ხუტორი ალბოგასტადი, მაგრამ იგი ავ სულთა ჯიბრზე კვლავ აღსდგა. საუკუნიდან საუკუნემდე ბარის სოფლების ღატაკი გლეხები ამოდიოდნენ ტბისა და კლდის შუა ამართულ ამ ბორცვზე ბედის საძიებლად, ბრძოლაში იწყებდნენ შავბნელ ძალებს, რომელთაც მოაჭადოვეს ეს მიწა, რომელთაც სწყუროდათ ადამიანის სისხლი. ღატაკი გლეხი კვლავ და კვლავ იწყებდა შრომას ამ ბორცვზე, ავი სულის ჯინაზე, მის ხელყოფას რომ ლამობდა. ხეობის ისტორია, ეს გახლავთ მოთხრობა დამოუკიდებელ ადამიანზე, უშიშრად რომ შეერკინა ლანდებსა და მოჩვენებებს, ყოველ გამოჩენაზე ახალ-ახალი სახელით რომ ევლინებოდნენ — ის ხან სატანა იყო. ხან პატარა კერპი, მთელ ქვეყანას შეჩვენებდას რომ უთვლიდა, ხან კი ალქაჯი. ძვლებს უმტრევედა ჰირუტყვებს, ხან ურჩხულად იქცეოდა, ჰკუპაზე შლიდა დიდსა და პატარას და ხუტორს განადგურებით ემუქრებოდა. ბოლოს და ბოლოს, ეს გახლდათ ერთი და იგივე მოჩვენება, საუკუნეების მანძილზე რომ დევნიდა ადამიანს. „არა, არ დაგნებდეჰი“, — ამბობდა გამოწვევად ადამიანს.

და აი, უკანასკნელი ხუტორის დანგრევის შემდეგ ას ორმოცდაათი წელიწადი რომ გავიდა, ერთი კაცი კვლავ გაუდგა ალბოგასტადის გზას. უღელტეხილზე, გუნვერის ყორღანთან რომ გაიარა, კაცმა გააფთრებით გადააფურთხა: „ვერ ეღირსები ჩემგან ქვას, წყეულო ალქაჯო. ვერა!“ — და გუნვერის ყორღანზე ქვა არ შეაგდო.

კაცი წინ მიიწევს, არ ეპუება ქარს, სხეულის მოძრაობას უხამებს მის ქროლვას და სულ უფრო მტკიცედ მიაბიჯებს ოღრო-ჩოღრო ნიადაგზე. კაცს

ძუნძულით მისდევს ყვითელი ძაღლი, ჩვეულებრივი, ბინძური ქოფაკი, წაგრძელებული დრუნჩი აქვს, ბალანში იმდენი რწყილი ჩაბუღრებია, რომ წარამარა წკაფწკაფ-წკუტუნით წეება მიწაზე და გორაობს. ძაღლი ბალანს ჰამს. ეტყობა, ვიტამინები აკლია. ყოველ შემთხვევაში, ცხადია, რომ პირუტყვს ჰია ჰყავს და ეს ძლიერ აწუხებს. კაცს შუბლი მიუშვერია გაზაფხულის გამახალბეებელი სიოსთვის და ეჩვენება, თითქოს ცხრათვალა მზის შუქით გაჩახჩახებულ გზაზე მიაფრიალებენ ცხენები ფაფარს, ის ცხენები, შორეულ წარსულში რომ უქროლიათ ამ ბილიკებზე, ქარის ზუზუნში კი დიდი ხნის წინათ მიმწყდარი ფლოქვების თქარათქური ჩაესმის: საუკუნეების მანძილზე ტკეპნიდნენ ცხენები წყლის ნაპირზე ამ ბილიკს, რომელზეც დღესაც დადის ხალხი. აი თვითონაც, მეოცდაათე თაობის ისლანდიელი, გულადი, უშიშარი ჰაბუკი, ჯერ კიდევ გუშინ მოჯამაგირე რომ იყო, დღეს კი ხუტორის პატრონია, თავის ძაღლთან ერთად მისდევს ამ გზას. კაცი თვალს ავლებს გაზაფხულის ცხოველი მზით შექმთფენილ ხეობას, ძაღლი შეეტოტა და დრუნჩით დამსკლარ, ნაჯაფარ ხელს ულოკავს. დვას ძაღლი, კუდს აქიციანებს, კაცი კი ჩაფიქრებული დაწყურავს ძაღლს, იგი მორჩილება და ერთგულება საკუთარი ძალის რწყენას უდგომებს, წამით მის ეზიარა ადამიანის ყველაზე უზენაეს ოცნებას — ოცნებას ძალაუფლებაზე, როგორც სარდალი, თვალს რომ გადაავლებს თავის ჯარს და მტკიცედ სჯერა ერთგულება ლაშქრისა. გადის ხანი, ძაღლი მდინარის პირას, პატრონის ფერხთით ჯდება ბალანში და კითხვით შესციციანებს მას. კაცი ამბობს: „რასაც ადამიანში ეძიებ, მას საკუთარ ძაღლში ჰპოვებ“.

კაცი ხმამალა ფიქრობს, მაშინაც კი, როდესაც ბილიკიდან გადაუხვევს და ჰაობს გაჰყვება ფარეხისკენ. ათასნაირად ატრიალებს, აბრუნებს ერთსა და იმავე აზრს: „ძაღლი პოულობს მას, რასაც ადამიანში ეძებს. ეძებდღე და ჰპოვებდღე შენც“. კაცი იხრება, ხელით მოსინჯავს ისლის ფესვს ჰაობში, მსხვილი თითებით ზომავს ფესვის სიგრძეს, ამოგლეჯს ერთ ფესვს ხავსიდან, შარკალზე გაისვ-გამოისვამს, წმენდს, პირში იღებს, ცხვარივით ცოხნის და თითქოს აზროვნებასაც ცხვარივით იწყებს. ისლი მწარეა, მაგრამ კაცი დიდხანს ღეჭოის. პირში სიმწარეს გრძნობს. გრძელი ზამთრის მანძილზე ნაშიმშილევი, დაქსლევებული რამდენი ცხვრის სიცოცხლე გადაურჩენია ამ ბალანს. მიუხედავად სიმწარისა, რაღაც თაფლის მაგვარი გემოც დაჰკრავს ისლის ფესვს. სწორედ ჰაობის ეს ბალახი იხსნის ხოლმე გაზაფხულობით დამშეულ ცხვარს გაწყვეტისაგან, შემოდგომაზე კი ცხვარი იხსნის ადამიანის სიცოცხლეს. კაცი მსჯელობს ამ ბალახზე... აი, მან უკვე მიაღწია ფარეხს და ახლა ისე დგას ამ ყველაზე მაღალი ბორცვის მწვერვალზე, როგორც შორეულ წარსულში იდგა იქ პირვე-

ლი ახალმოსახლე და ირჩევდა საცხოვრებელ ადგილს. კაცი აქეთ-იქით ირბოდა, შარდვას იწყებს, ჯერ ჩრდილოეთით შებრუნდება მთისკენ, მერე აღმოსავლეთით—ჭაობისა და ტბისკენ, ჭაობეზს შუა კი მშვიდად მიედინება მდინარე, მერე სამხრეთით გადაშლილი, მზით გაკაშკაშებული უშენისკენ იზამს პირს, ბოლოს თოვლით დაფარული ბლაუფიედლისკენ, ცის ტატნობს რომ სწყდება.

ბორცვის სამხრეთ კალთაზე უტირედსძირელთა ორი ცხვარი წიწკნის ნორჩ ბალახს. მიუხედავად იმისა, რომ ცხვარი მისი ყოფილი ბატონისაა, კაცი მაინც მიერეკება პირუტყვს: „ეს ჩემი მიწა!“

მაგრამ უცებ ჩაფიქრდება: ჯერ ხომ მთლიანად არ გადაუხდია ამ მიწის საფასური? ამიტომ ძაღლს უცაცხანებს, რომ ცხვრებს არ გაეკიდოს.

საკუთარი მიწის ნაკვეთზე მდგარი კაცი თვალს ავლებს შემოგარენს, მან რომ იყიდა. მალე ამ მიდამოს ზაფხულის მზე მოჰფენს შუქს. კაცი ძაღლს ეუბნება:

— „საზამთრისი“ შეუფერებელი სახელწოდებაა ასეთი ხუტორისათვის. სახელწოდება არც კი ეთქმის. არც „ალბოგასტადი“ ვარგა, პაპობის დროებას გვაგონებს და ცრურწმენის ჩრდილიც დაჰკრავს. დალახვროს ეშმაკმა, არ მინდა, რომ ჩემი ხუტორის სახელმა წარსულის შემზარავი ამბები მოაგონოს ვინმეს. მე ბიარტური* მქვია და ამიტომ ჩემს ხუტორს „ზაფხულის სავანეს“ დავარქმევ.

და აი, ზაფხულის სავანის მეპატრონე ბიარტური დააბოტებს საკუთარ მიწაზე, ათვლიერებს ხავსმოდებულ ნანგრევებს, ფარების ნახევრად ჩამონგრეულ კედელს, აზრით ასუფთავებს ადგილს, აშენებს ახალ ხუტორს, ისეთივეს, როგორშიც თვითონ დაიბადა და გაიზარდა უშენის აღმოსავლეთით.

— დიდ სახლს აიშენებ თუ პატარას, განა საქმე ის არის, — ისე ეუბნება კაცი თავის ძაღლს, თითქოს შეეკვდაო, რომ პირუტყვმა ძაღზე შორს შესტოპა, — იცოდე, ტიტლა, თავისუფლება ყველაზე მაღალ ჰერზე ძვირფასია. თერამეტი წელიწადი ვიშრომე წელგაუმართავად იმისათვის, რომ ეს თავისუფლება მომეპოვებინა. ვისაც საკუთარი მიწა აქვს, ის არის დამოუკიდებელი ადამიანი ჩვენს ქვეყანაში, ის არის თავისი თავის ბატონ-პატრონი. ეს ზამთარი თუ როგორმე გავიტანე, ცხვარი თუ შიმშილით არ გამიწყდა, ყოველ წელს თუ შევიკაუნ ვალის ანგარიშში განსაზღვრულ თანხას, ამ ვალისგან მალე დავიხსნი თავს. თავისუფლება სწორედ ის განლაგს, ტიტლა, რასაც ელტვის ყოველი ადამიანი

* ბიარტური — ნათელი (ისლან.).

ჩვენს ქვეყანაში. ვისაც სხვისი არა მართებს რა, ის ხელმწიფეა. ვინც თავის ცხვარს გამოკვებავს, ქოხშიც ისე იცხოვრებს, თითქოს სასახლეში იყოს.

ტიტლა: თითქოს პატრონს გაეხმიანაო, მხიარულად ყეფს, გარს ურბენს მას, მაძებარი ძალღვივით წვება, დრუნჩს მიწას. ვაკკრავს, თითქოს პატრონის კვალს ეძებსო და კვლავ გარს ურბენს პატრონს.

— აბა, აბა, — სერიოზულად ეუბნება ბიარტური, — ნუ ეშმაკობ, ტიტლა! განა მე ვტრიალებ და ვყეფ? მიწას ცხვირს ვახლი? განა ვანცობ ან ვისმე ვუსაფრდები? არა, ასეთი ოინბაზობით ვერ ველირსებოდი დამოუკიდებლობას. თვრამეტი წელიწადი ოფლი ვღვარე უტირედსმირში, ჯანი შევალე მამასახლისს, პოეტ ქალს, ინგოულღ არნარსონ იოუნსონს, ახლა რომ დანიაში გაუვზავნიათ. შენ გგონია საკუთარი სიამოვნებისთვის დავებტებოდი ყინვაქარში, იმ უშენის სამხრეთ კალთებზე, დავძვრებოდი მთებში, ვეძებდი პატრონის ცხვარს? ერთხელ ნამქერში მომიხდა დამის გათევა და იმ კეთილ აღმინანებს როდი უნდა ვუმადლოდე, რომ მეორე დილით ნამქერიდან ცოცხალი ამოვძვერი.

ძალი დამშვიდდა, მიწაზე დაჯდა და ბალნიდან რწყილებს იწიწკნიდა.

— ცამ და ქვეყანამ იცის, რომ დღედლაშეს შრომაში ვასწორებდი. აი რატომ მოვახერხე შეთანხმებისამებრ. აღდგომა დილას პირველი შესატანის გადახდა მიწის ამ პატარა ნაკვეთის შესაძენად. ახლა ოცდახუთი გაუკრეჭავი ნურბი მყავს. ბევრ სხვას ჩემზე ნაკლები ცხვარი ჰყავდა საქმის წამოწყებისას, უშეტესობა კი მთელი სიცოცხლე მონობაში რჩება და ფარას ვერასოდეს ვერ გაიჩენს. მამაჩემმა ოთხმოც წელს ისე მიაღწია, რომ ახალგაზრდობაში აღებული ვალი — ორასი კრონი (ავადმყოფობისას სამკურნალოდ რომ მიუყია მრევლს) ვერ გადაიხადა.

ძალმა პატრონს ეკვით შეხედა, თითქოს არა სჯერაო მისი ნათქვამი, ის იყო ყეფა უნდა აეტეხა, მაგრამ გადაიფიქრა, ფართოდ დაალო პირი და დაამტყნარა.

— გასაკვირი არც არის, შენ რომ არ გესმის ჩემი, — თქვა ბიარტურმა, — ძალის ცხოვრება აუტანელია, მაგრამ კაცის ცხოვრება მგონი ბევრად უარესია. თუმცა, იმის იმედი მაინც მაქვს, რომ ჩემს ძვირფას როზას, თუკი ოცდასამ წელიწადს გაძლებს ამ ზაფხულის სავანეში, არც ისე ცუდად ექნება საქმე, რომ შობის წინა დღეს მოჯამაგირეებს ბებერი ჯაგლაგის ძვლებით გაუმასპინძლდეს, როგორც შარშან უტირედსმირელმა პოეტმა ქალმა გააკეთა, შობის წინა დღეს ურცხვად რომ მიართვა მუშებს გადამღრძეალი ცხენის ხორცი.

ძალლი ისევ გულმოდგინედ იწიწკნიდა ბალნიდან რწყილებს.

— ჰოდა, რაღა გასაკვირია, თუ ასეთი ხალხის ხელში ძალი გაქეციანდა და ბალახის ძოვა დაიწყო. მათ ოჯახში ხომ მნე ქალსაც ოცი წლის მანძილზე საუკუნაოს გასაღებრ თვალით არ უნახავს. ხშირად გავიფიქრებ ხოლმე, მამასახლისის ცხენებმა, იმ უბედურმა პირუტყვეებმა, უცებ ენა რომ ამოიდგან, კაი-კაი ამბებს მოჰყვებიან-მეთქი. ცხერებზე ხომ რაღა ვთქვა. საცოდავი პირუტყვეებისთვის გაუთავებელ წამებაში განვლო ამ წლებმა, კიდევ კარგი. ცხერებს ზეცაში თავისი სამსჯავრო არა აქვთ, თორემ ზოგ-ზოგ მეპატრონეს კარგი დღე არ დაადგებოდა.

მთიდან ფარების ნანგრევებისკენ ნაკადული ჩამორბოდა, თითქოს განგებო, ჭერ ხუტორისკენ ეპირა გეზი, მერე დასავლეთით მიემართებოდა, გორაკს უვლიდა ირგვლივ, შემდეგ ჭაობში მიიკვლევდა გზას. ორ ადგილას ჭორომი დამდგარიყო, მუხლამდე მიწვდებოდა წყალი კაცს, ზოგან კი ღრმა გუბე იდგა. ნაკადულის ფსკერი სილითა და კრელ-კრელი კენჭებით იყო მოფენილი. ნაკადული ბევრგან აკეთებდა კლაკს და ყოველი მოსახვევის იქით სულ სხვა პანგზე მირაყარებდა, ოღონდ ნაღვლიანად კი არა, ისე მხიარულად, ისე მოკისკისედ, როგორც თვით ყრმობა. მის მელოდიაში მრავალხმოვანი ნოტა ჟღერდა და როგორც ჭეშმარიტი სკალდი*, დაუცხრომლად მიიმღეროდა თავის სიმღერას, სრულიად არ აღეღებდა ის. რომ ასეული წლების მანძილზე არავინ ჟსმენდა. კაცი ყურადღებით ათვალეიერებდა. ყველაფერს, ზემო ჭორომთან შედგა და თქვა: „აქ თერთულს გავრეცხავთ ხოლმე“, ქვემო ჭორომთან: „აქ კი დამარილებულ თევზს დავაღბობთ“. ძალმა წყალში პირი ჩაჰყო და სვლეპას მოჰყვა, კაციც გაწვა ნაკადულის ნაპირას, წყალს დაეწაჟა და ცოტა წყალი ცხვირში წაუვიდა.

— საუცხოო წყალია, — თქვა ზაფხულის სავანელმა ბიარტურმა, ძალს გადახედა, პირი სახელოთი მოიწმინდა და დაუმატა, — ეს დალოცვილი, ისე კარგია, გეგონებათ ნაყურთხიაო.

მაგრამ ამ სიტყვის თქმაზე, უთუოდ თავში გაუელვა, ავსულთა წინაშე სისუსტე გამოვამჟღავნეო, უცებ შებრუნდა, სახე გაზაფხულის ნიავს მიუშვირა და წამოიძახა:

— ჩემთვის სულ ერთია, ნაყურთხია ეს წყალი თუ არა. ვერ შემაშინებ, გუხვერო, ვერა. ცუდი დღე დავადგება, ალქაჯო, ჩემს ბედნიერებას თუ წინ გადაეღობები და ხელს შემშიშილი! მოჩვენებების არ მეშინია, — კაცმა ხელები დამუშტა, ბრაზით მოავლო თვალი მთის ნაპრალს, უღელტეხილის დასავლეთ მხარეს, სამხრეთით გადაშლილ ტბას და უძველესი საგის გმირივით, გამომწვევად ჩაიღუღუნა: „არა, არ მოხდება ასეთი რამ!“

* სკალდი — პოეტი, მთქმელი (ისლანდი).

ძალს ეგონა, პატრონი გაბრაზდაო, წამოხტა, ფართო ნახტომებით გაენტო ცხვრებისკენ, ბორცვის ძირას რომ ბალახობდნენ და ფეხებში მიეტანა საკბენად. ბიარტური კი მარტოდენ ახალი დროის სულისკვეთებით იყო განმსკვალული, მტკიცედ ჰქონდა გადაწყვეტილი, დამოუკიდებელი ადამიანი გამხდარიყო, ისეთივე, როგორც ძველი თაობის ხალხი; ოდესღაც რომ სახლობდა იქ.

— კოლუმეკილი! — ზიზით გადაიხარხარა ბიარტურმა და ძალს დაუცაცხანა, — მიქარვაა, ლაყაფია. ასეთი სისულელე ვილაც ტაკიმასხარამ მოჩმანა დედებრების გასაბრძოლებლად, ეგ იყო და ეგ.

თ ა ვ ი მ ე ს ა მ ე

ქ ო რ წ ი ლ ი

მუშა ხელის* დაქირავეების დრო რომ მოახლოვდება, ისლანდიის მცენარეულობა ისე იყრის ტანს, იფურჩქნება, ლუის, მწვანდება ირგვლივ ყველაფერი, გინდ შოთიბე კიდევ. ცხვარი სუქდება, ხშირი ბალახი ფარავს მძორს ჰაობში. წლის ამ დროს ცხოვრება მშვენიერი და საამური ეჩვენება ადამიანს და სწორედ ამ დროს არის კარგი ქორწინება.

ძველ ნანგრევებში თავის სოროები ამოძირკველია, გაწმენდილია იქაურობა, აგებულია ახალი სახლი—ბიარტურის ხუტორი — ზაფხულის სავანე. მოზიდეს ქვა, დაჭრეს კორდი, ამოიყვანეს კედლები, გამართეს კოჭები, ჩააწყეს ნივნივები, გადახურეს სახურავი, ხავსით ამოქოლეს ღრიკოები კედლებში. ამოაშენეს ქუჩა, გაიყვანეს საკვამური მილი და სახლი მზადაა — იგი უკვე შეერწყა ლანდშაფტს.

ქორწილი პატარძლის სახლში, ხუტორ ნიდურკოტში გადაიხადეს. სტუმრების უმეტესობა ნიდურკოტისნაირი ხუტორების მცხოვრები იყო, მთის ძირას მიუყუული ან უღელტეხილის სამხრეთ კალთაზე მიკრული პატარა ხუტორების მოსახლეები. ყოველ ასეთ ხუტო ს ნაკადული ჩაუდის, ქვემოთ გადაშლილია ჰაობი, რომელსაც მღორე მდინარე ჰკვეთს. ერთი ხუტორიდან მეორისკენ მიმავალ ადამიანს მოეჩვენება, თითქოს ერთი და იგივე ხუტორია მის წინ, ერთი და იგივე სახელი აქვთ, ერთი და იგივე ხალხი ცხოვრობს. მაგრამ ეს ასე

* ისლანდიაში წელწადში ორჯერ ქირაობენ მუშა ხელს, გაზაფხულზე და შემოდგომაზე.

არ გახლავთ- მაგალითად, ნიდურკოტელი ბერიკაცი ტოურდური მრავალი წლის მანძილზე ოცნებობდა წყლის წისქვილზე, უნდოდა თავისი ნაკადულის ნაპირას, სადაც წყლის დინება უფრო მძლავრი იყო, დაედგა წისქვილი, ახლო-მახლო მცხოვრები გლეხებისთვის დაეფქვა ქერი და ამით საარსებო სახსარი გაეჩინა. მაგრამ როცა ტოურდურმა საწადელს მიადწია და როგორც იქნა, ააშენა წისქვილი, ისლანდიაში უკვე შეწყვიტეს მარცვლეულის შემოტანა. რადგან ხალხი მეტი ხალისით ყიდულობდა მზამზარეულ ფქვილს. გაზაფხულობით, როცა დამის ბინდს მსწრაფლ ენაცვლება გარეყრავი, ტოურდურის ბავშვებს უყვარდათ წისქვილთან თამაში. იმ დღეების ლაჟვარდი ცა მთელი ცხოვრების მანძილზე ჩარჩათ ხსოვნაში. ბერიკაცს შვიდი შვილი ჰყავდა, შვიდივემ იბრუნა ტეხი მშობლიური სახლიდან, ორი ვაჟი შორეული, უცხო ქვეყნის ზღვაში დიხბრჩო, ერთი ქალი და ერთი ვაჟი, ქვეყნის დასალიერში—ამერიკაში გადაიხვეწა. მაგრამ ვგონებ, ერთ ქვეყანაში მცხოვრებ ღარიბ ნათესავებს უფრო დიდი მანძილი აშორებს ერთმანეთისაგან. მომდევნო ორი ქალი-შვილი გათხოვდა და ბეთევზეთა დაბაში ცხოვრობდნენ. ერთი დაქვრივდა, წერილშვილი დარჩა, მეორე კლეჩიანს გაჰყვა ცოლად და სამადლოდ მრეველის შესანახი გახდა... რას იზამ, ასეთია წუთისოფელი.

ყველაზე უმცროსი ქალიშვილი — როზა, თავის დაძმებზე მეტ ხანს ცხოვრობდა მშობლებთან. ბოლოს იმანაც აიკრა გულა-ნაბადი, წაეიდა და უტირელსმირელ მამასახლისს დაუდგა მოახლედ. ნიდურკოტში დარჩნენ მშობლები, მათთან შეკედლებული დედაბერი და ერთი ოთხმოცი წლის ბერიკაცი, რომლის შესანახ სარჩოს ტოურდურს მრეველი აძლევდა...

დღეს როზაც თხოვდება, დღეიდან აღარ დასკირდება სხვისი მოახლეობა. ხვალ სამუდამოდ გამოეთხოვება მშობლიურ კერას და დარჩება მიტოვებული წისქვილი ნაკადულის პირას... ასეთია წუთისოფელი.

მართალია, ბიარტური ბავშვობიდან დიდ კარმიდამოში ცხოვრობდა, მისი ნაცნობ-მეგობრების უმეტესობა მაინც შორეული სოფლების ლატაკი გლეხობა იყო. ბიარტურივით არც ის გლეხები მისდევდნენ ვაჭრობას, ისინიც მხოლოდ ცხვარს უვლიდნენ, ზამთარ-ზაფხულ წელგაუმართავად შრომობდნენ, ასე ატარებდნენ თავის საწუთროს. ზოგი მათგანი კულტურის ისეთ საფეხურზეც ავდა, რომ ხის სახლი აიშენა — თუნუქით გადახურული კოლოფი. ასეთ სახლში მუდამ დაქიქნებს ქარი, ჩნდება ნესტი. პირქარისაგან სახსრების ტკივილი, ხოლო ნესტისგან კლეჩი ემართებათ. გლეხების უმეტესობა იმიტაც კმაყოფილი იყო, ხუთ წელიწადში ერთხელ თუ მოახერხებდნენ მიწური ქობის კედლების შეახლებას. მართალია, ყოველი მათგანი ოცნებობს უკეთეს მერმისზე, პროველ ხუტორში ბუტუაეს უკეთესი ხვედრის იმედი. ხალხი ხომ საუკუნე-

ობით იმ რწმენით ცოცხლობს, რომ რაღაც იღუმალი გზებით მიალწევს მიზანს, ბედი გაუღიძვებს, თავს დააღწევს გაჭირვებას, აიშენებს კარგ სახლს, გახდება შეაღებული. ოდითგანვე ეს ყოფილა გლეხის სანუკვარი ოცნება. ზოგი ფიქრობს, ეს ოცნება მხოლოდ ცათა სასუფეველში თუ ახდებოა.

აქ ხალხი თავისი ცხერებისთვის ცხოვრობდა, ჰყიდა ცხვარს ფიორდში. მამასახლისის გარდა, მყიდველი ყველას ერთი ჰყავდა, ვაჭარი ტულინიუს იენსეხი (ბრუნე). მამასახლისი თავის ცხვარს მუდამ ვიკში ჰყიდა და რაკი ვასაყიდ ფასს თვითონ ადებდა საქონელს, ამბობდნენ, ალბათ საეაჭრო ფირმის თანამშრომელიაო.

დიდ მიღწევად ითვლებოდა ბრუნისთან კრედიტის მიღება. მართალია, როგორც კი ვაჭარი გლეხს ანგარიშს გაუხსნიდა, გლეხი საკუთარ ფულს თვალით ველარ ხედავდა, მაგრამ დარწმუნებული იყო, რომ ვაჭრის ფრთას შეფარებული, როგორღაც გაიტანდა ზამთარს, ექნებოდა ჰეავის ფეკელი, მეორეხარისხოვანი თევზი და ყავა ჯალაბის გამოსაკვებად. გაზაფხულობით კი გლეხები დღეში ერთხელ ჰამდნენ. ამბობდნენ, ბრუნის თუ გლეხი თვალში მოუვიდა, მიწის ნაკვეთის ყიდვაშიც ეხმარებოა. ასეთი გლეხი შემდგომ ხეტორის მეპატრონე ხდებოდა, ყოველ შემთხვევაში, ჭაღალზე მაინც და საბეგრო ქვითარებზე, აგრეთვე სამრევლო სიაში აღინიშნებოდა, როგორც მიწის მფლობელი, სიკედილის შემდგომ კი მისი გვარი საეკლესიო წიგნში შექონდათ საგვარეულოს დამდგენელთა საყურადღებოდ.

მიწის მეპატრონე გლეხები მონებად აღარ თვლიდნენ თავს, დატაკთა მასაში არ ითქვიფებოდნენ, მარტოოდენ საკუთარი თავის იმედი ჰქონდათ, მათი ყველაზე დიდი კაპიტალი დამოუკიდებლობა გახლდათ, სჯეროდათ თავისი ძალისა, დიდად აფასებდნენ ფხიანობას და თუ ცოტას გადაჰკრავდნენ, ზეპირად კითხულობდნენ უძველეს საგებსა და პოემებს. ამ ძლიერი ნებისყოფის ადამიანებს არავითარი დაბრკოლება არ აშინებდა. განა ისინი უსულგულო მატერიალისტები, ან სულიერად დატაკნი იყვნენ, რომ მარტო დღიურ ლუქმაზე ეფიქრათ? ურიცხვი ლექსი იცოდნენ ზეპირად, თეთრი თუ ოსტატურად გართობული, ზოგი მათგანი თვითონაც თხზავდა ლექსებს — მეგობრებზე, თავის დუხჭირ ყოფაზე, საფრთხესა და ბუნებაზე, უკეთესი, ნათელი დღის იმედზე, იმედზე, რომელსაც მარტოოდენ ცათა სასუფეველში უწერია ახლომა და სიყვარულზეც კი (უხამს ლექსებს). ბიარტურსაც ეხერხებოდა ლექსების შეთხზვა. გლეხებმა მოთხრობებიც იცოდნენ სასაცილო დედაბრებზე, ბერიკაცებზე, ილიოტებზე, ან კიდევ ახირებულ პასტორებზე. თვითონ მათ ძალზე ახირებული სულიერი მწყემსი ჰყავდათ, ოღონდ სულელი და თაღლითი კი არ იყო მათი პასტორი გულმუნდური. გლეხები ბევრ საინტერესო ამბებს ჰყვე-

ბოდნენ ამ გულმუნდურზე და დიდადაც ემაღლიერებოდნენ მათ სამრევლოში ჩინებული ჯიშის ცხვრის მოშენებისთვის. მის ცხვარს „პასტორ გულმუნდურის ჯიში“ შეიარქვეს. პასტორი თავის ქადაგებებში დღენიადაც ჰყიციხავდა გლეხებს, ერთთავად ჩასჩიჩინებდა, ძალიან თავგამოდებით ზრუნავთ ცხვარზე, მამაზეციერი კი გავიწყდებათო. და მაინც პასტორმა გლეხებს დიდი სამსახური გაუწია, მისი ცხვარი, მართალია, ნადიტა იყო, მაგრამ დიდი გამძლეობითა და ამტანობით გამოირჩეოდა. ამიტომ გლეხები პატრივს სცემდნენ პასტორს, ხათრი ჰქონდათ მისი და სხვებთან შედარებით, ბევრ რამეს უთმობდნენ.

პასტორის აზრით, მარტო ცხვარი კი არ იყო იმის მიზეზი, რომ გლეხობამ ღმერთზე თითქოსდა გული აიცრუა, გონივრულად ველარ აზროვნებდა, არ ზრუნავდა სულის ცხოვნებაზე, რაიც მარტოდღენ ღმერთშია — ჰეშმარიტი რელიგიისაგან განდგომაში ხელს უშობდათ უტირედსმირის მეპატრონე ქალი, რომელსაც „ფრუ“*-ს ეძახდნენ. ახლა ამ ფრუს შესახებ მინდა მოგახსენოთ.

ფრუ ვიკელი გლეხის ქალი იყო, იქაური ქალთა სასწავლებელი ჰქონდა დამთავრებული და გლეხკაც იოუნს მხოლოდ იმიტომ გაჰყვა ცოლად, რომ უნდოდა სოფლად ცხოვრების სიხარული გამოეცადა. სოფლად ცხოვრების სიტუბობას უცხოური წიგნებიდან დასწაფებოდა, განსაკუთრებით ბიორსტერნე-ბიორსონის** ნაწარმოებებში, რომელთაც ფრუ ჯერ მამის სახლში, შემდეგ კი ქალთა სასწავლებელში კითხულობდა. პირველად რომ დაორსულდა ფრუ, სიზმარში ისლანდიის პირველი პიონერი — ინგოულფ არნასონი გამოეცხადა და ენაშხიანად, მოქარგული სიტყვებით აუწერა სოფლად ცხოვრების სილამაზე, თან სთხოვა, შენს შვილს ჩემი სახელი დაარქვიო. ფრუმ მეუღლეს მზითევად მოუტანა ათი ათასად ღირებული მიწის ნაკვეთი, გარდა ამისა, თავისი წილი მემკვიდრეობა — მოძრავი ქონება. ქალი ხშირად ამბობდა, ამ ხეობის ხალხი ქვეყნად ყველას მიჩვენიანო და, როგორც კი შემთხვევა მიეცემოდა, არწმუნებდა ყველას, სოფლად ცხოვრებას რა სჯობია, აქ, ამ მინდორ-ველად სიცოცხლეც და სიკვდილიც ნამდვილი ნეტარებააო. ფრუ სულიერ შუქს ჰფენდა მთელ ოლქს: დააარსა ადგილობრივ ქალთა კავშირი, რომელსაც თვითონ თავმჯდომარეობდა, დედაქალაქის გაზეთებში ჰგზავნიდა სტატიებსა და ლექსებს სოფლის ყოფიერების სილამაზეზე, იმ სულიერ და ხორციელ ნეტარებაზე, რასაც მარტოდღენ ბუნების წიაღში ჰპოვებს ადამიანი. მისი აზრით, ისლანდიაში მხოლოდ კულტარულ სარეწს ჰქონდა არსებობის უფლება. თვითონ ოსტატურად ქსოვდა პრიმიტიულ ხის დაზგაზე. ამიტომ აირჩიეს დელუ-

* ფრუ — ქალბატონი (ისლან.).

** ბიორსტერნე-ბიორსონი (1832—1900) — ნორვეგიელი მწერალი, გლეხთა ცხოვრებაზე დაწერილი მოთხრობებისა და დრამების ავტორი.

გატად ქალთა კავშირების ყრილობაზე დედაქალაქში გასაგზავნად. ამ ყრილობაზე ირჩეოდა კუსტარული სარეწების საიოთხი, აგრეთვე მსჯელობა ჰქონდათ იმ ზნეობრივ ღირსებებზე, რასაც სოფლის ყოფა ჰქმნის და დაასკვნეს, რომ მარტოოდენ ამას ძალუძს ისლანდიელი ხალხის ხსნა მოსალოდნელი საშიშროებისაგან, რომელსაც უქადის ესოდენ მძიმე დროებაო.

ასეთ ქალს იმის უნარიც გააჩნია, რომ იგარძნოს და დააფასოს წლის სხვადასხვა დროის ცვალებადობისა და ლურჯი მთების სილამაზე, უტირედს-მირში თავისი სახლის ფანჯრებიდან რომ ხედავდა. ბუნების სილამაზეზე ფრუ ისეთივე აღტაცებით ლაპარაკობდა, როგორც საზაფხულო არდადეგებზე ჯამოსული ტურისტები. ბუნების წიაღში შრომას ფრუ სასარგებლო ფიზიკურ ვარჯიშად თვლიდა, მით უფრო რომ ამ სასარგებლო ვარჯიშს ქვეყნის თვალწარმტაც ადგილებში ეწვეიანო... ფრუს შურდა კიდევ ღარიბი გლეხის ბედი. მისი აზრით, გლეხებს დიდი საზარუნავი არ გააჩნდათ, არც დიდი ხარჯი და გასავალი ჰქონდათ. მისი ქმარი კი ვალებში იყო ჩაფლული დიდი მშენებლობების, მელიორაციისა და სასოფლო-სამეურნეო მანქანების ყიდვის გამო, თუ აღარაფერს ვიტყვით მოჯამავიერების ხელფასზე, ასეთ მძიმე დროში, მაშინ, როცა გლეხს სრული ბედნიერებისთვის დიდი გარჯა როდი სჭირდებოდა, მას მხოლოდ დილით ერთი საათით ადრე ადგომა და საღამოს სამუშაოს ერთი საათით გვიან დამთავრება უხდებოდა. შეძლებულ ხალხში იშვიათია ბედნიერი ადამიანი, ლატაკები კი მცირე გამონაკლისის გარდა, ყველა ბედნიერები არიანო. როცა რომელიმე გლეხი ჯვარს იწერს, ფრუ „სულიერად უერთდება“ მათ, „მათი ფეხის ნაკვალევს ჰკონცის“. ბიარტურს საქორწინო სუფრისთვის ფრუძ დიდი კარავი დაუთმო, რომ ხალხს იქ ყავა. დაელია და მისალოცი სიტყვები ეთქვა ნეფე-დედოფლისათვის.

გლეხები ეზოში იდგნენ, ვინ სახლის კართან, ვინ კედელს მიყრდნობილი, ესაუბრებოდნენ ნეფეს, თან ბურნუთს ყნოსავდნენ და საშინლად იჰყანებოდნენ. როგორც ყოველ გაზაფხულზე, ახლაც საუბარი ერთ უცვლელ თემას — ცხვრის დაავადებას უტრიალებდა. ოდითგან გლეხის დაუძინებელი მტერი მუცლის ლენტისებური ჰია იყო. ეს ჰიირი მხოლოდ მას მერე დათრგუნეს, როცა ძალღებს წესიერად უმკურნალეს. მაგრამ ბოლო წლებში ჰიის ახალი სახეობა, პირველზე არანაკლებ საშიში — ფილტვის ჰია გაჩნდა. მართალია, გლეხობის მუდმივი სალაპარაკო თემა ჯერჯერობით ისევ მუცლის ლენტისებური ჰია იყო, ბოლო ხანებში მაინც ახალმა ჰიამ მიიპყრო მეტი ყურადღება.

— ჩემის აზრით, — თქვა გილტიეგელმა ტრუირმა, — თუ ზამთარში ცხვარს როგორმე დავიცავთ ფალარათისაგან, მაშინ შეგვიძლია არხეინად ვი-

ყოთ. გიხდაც ცხვირში გამოეჩაროთ ჭია, საშიში არა არის რა. მუცელი თუ არ აეშლებათ, ცაზაფხულის ბალახს კარგად მოინელებენ, თუმცა, ვინ იცის, იქნებ ვცდები?

— არა, არა, მართალი ხარ, — უპასუხა ნეფემ, — სწორედ ამასვე ამბობდა ურდარსელელი ტოურარი, ახლა რომ ლოგინად არის ჩავარდნილი. ამ საქმეში კი, თქვენც კარგად მოგეხსენებათ, ის ჩახედული კაცია. თუ ბატენებს ფაღარათი დაერეოდა, საღეჭი თამბაქოთი წამლობდა. რამდენიმე წლის წინათ ტოურარის სახლში მომიხდა ღამის გათევა და მაშინ მითხრა, ზამთარში ჩემს ბატენებს ზოგჯერ მთელ ჩარეკ თამბაქოს ვაჭმევ ხოლმეო. გირჩევნია ყავა დაზოგო, შაქარზე აღარაფერს ვამბობ, ბატენებს კი თამბაქოს ნუ მოაკლებო, დამარიგა.

— მართალია, სამაგალითო მეურნედ არასოდეს არავინ მთვლიდა, — თქვა ფსალმუნებისა და საგალობლების მთხვეელმა, უნდირხლიდელმა ეინარმა, — მაგრამ დაკვირვებით ვიცი, ყველაზე მეტად იმათ უჭირთ ცხოვრება, ვინც მარტო თავის კუჭის ამოვსებაზე ფიქრობს, ბედი თითქოს დასციინის მათ. მე მგონია, თუ საკმაო საყვები არ გექნებათ ბატენებისათვის, თამბაქო ვერას გიშველით. თუმცა, ადვილი შესაძლებელია, საღეჭი თამბაქო, რაღაც შეღავათს აძლევდეს, როცა უკვე უბედურება თავს დაატყდებათ, მაგრამ თამბაქო თამბაქოა, მთავარი კი მაინც საყვები გახლავს.

— სრული ჭეშმარიტებაა, — სიტყვა ჩამოართვა ისტადალელმა ოულაფურმა და მწივანა ხმით, სხაპასხუპით განაგრძო: — მთავარი, რა თქმა უნდა, საყვებია, მაგრამ საყვებიცაა და საყვებიც. ასე არ არის განა? ეს ხომ ყველასთვის ნათელია. განა ბეითლები ერთთავად ამაზე არ წერენ გაზეთებში? საქმე ის არის, რომ ზოგჯერ საყვებში ის ტიალი მიკრობები ბულობენ და აი, სწორედ მათგან ჩნდება ჭია. ჯერ ქვეყნად არც ერთი ჭია არ გაჩენილა უმიკრობოდ, ეს ყველამ იცის, მაშ სადღა მიკრობები, თუ არა საყვებში, მიპასუხეთ?

— აბა, რა გითხრათ, — თქვა ტოურირმა, — ჩვენ ფრთხილად ვარჩევთ ცხვრისთვის საყვებს და მოწიწებით ვასწავლით ბავშვებს საღვთო სჯულს. უცებ საიდანღაც ჩნდება მატლი. ასე ემართება კაცსაც და ცხვარსაც.

ქალები კარავში იხსდნენ და გილტეიგელ სდენიკაზე ჰორაობდნენ. სდენიკა მამის ოჯახს უძღვებოდა, გაუთხოვარი იყო და გასულ კვირას ბავშვი შობა. ზოგიერთმა ქალმა იტვირთა მელოგინისა და ჩვილის მოვლა. ასეთ გასაჭირში ჩავარდნილ ახალგაზრდა ქალს ხომ ხალისით სთავაზობენ დახმარებას, ყოველ შემთხვევაში, პირველი კვირის მანძილზე მაინც, ვიდრე არავინ იცის მამის ვინაობა. საბრალო სდენიკას მძიმე მშობიარობა ჰქონდა, ბავშვიც ძალზე სუსტი დაიბადა, შეიძლება ვერც იცოცხლოსო, ამბობდნენ. ქალები წელ-

ნელა საკუთარ მშობიარობაზე, სნეულებაზე, მერე კი ბავშვების ავადმყოფობაზე ალაპარაკდნენ. ახლა ხალხი თავისი ჯანმრთელობით ვერ დაიტრბაბებეს, მართალია, ბოლო ხანებში, ისეთი საშინელი სნეულებების, როგორც შავი ჭირია და ყვავილი, ხსენებაც გაქრა, მაგრამ სულ რაღაც შეუძლოდ არიან — კბილის ტკივილი, გამონაყარი, ყელჭირვება, გულის დაავადება, სახსრების შესუპება, დაყევილობა, თუ აღარაფერს ვიტყვით ნაწლავების ბერვაზე და მუცლის საშინელ ბუყბუყზე, მაგრამ სულისა და სხეულისათვის ყველაზე დამაძაბუნებელი და ილაჯის წამრთმევი, მინც ნერვების მოშლილობააო, დაასკვნეს ქალებმა.

უტირედსმირის მეპატრონე მგოსანი ქალი გაექცა ამ მოსაწყენ საუბარს, კაცებთან გავიდა ეზოში, მაგრამ როცა გაიგონა, რაზე მასლაათობდნენ ისინი, სთხოვა, გაჩუმდითო და გლეხები დაემორჩილნენ. ფრუ წარმოსადეგი ქალი იყო, სათვალეს ატარებდა, ისეთი ფართო, დიდებული სახე ჰქონდა, ზედგამოჭრილი რომის პაპი ვახლდათ. ქალმა გლეხებს სთხოვა, ისეთ რამეზე ისაუბრეთ, რაც უფრო პარმონიული იქნება გაზაფხულის ასეთი ჩინებული დღისთვისო, თან ხელი გაიშვირა თავისი საყვარელი ლურჯი მთებისკენ, ლავარდი ცისკენ, მდებლობებისკენ, სულ მალე რომ აბიბინდებოდნენ მწვანედ. სტუმრად მოსულ გლეხებში, მთელ ოლქში განთქმული ორი სკალდი ერია — თვით ნეფე და უნდირხლიდელი ეინარი, აგრეთვე ისტადალელი ოულაფური, მეცნიერების დიდი თაყვანისმცემელი, „ხალხის მეგობრის“ კავშირის წევრი. გაზაფხულზე, ბუნების წიაღში, ვინ იცის, რანაირი საუცხოო აზრები არ მოუვა თავში ადამიანს.

მაგრამ სკალდები არასოდეს ისე არ გაჯიუტებულან, როგორც ახლა, ამ ქალის თანდასწრებით. ორივემ ცივი უარი თქვა საკუთარი ლექსების წაკითხვაზე. მართალია, ფრუ ცხარედ უმტკიცებდა მათ მეგობრობას და აღტაცებული იყო მათი ცხოვრების პირობებით, მაგრამ ამავე დროს, ისე ცივად ილიმებოდა, გეგონებოდათ, მათ შორის მთელი ოკეანეა გადაშლილიო, იმდენად განსხვავებული აზრთა წყობა და შეხედულებები ჰქონდათ ორივე სკალდსა და უტირედსმირელ ქალბატონს. ფრუ მსოფლიოს უდიდესი პოეტებით იყო გატაცებული, ჭებთთ ცამდე აპყავდა გლეხური ცხოვრების სილამაზე, მტკიცედ სწამდა სამყაროს განმგებელი ღმერთი, სწამდა, რომ ყველაფერში ღვთის ხელი ურევია, რომ ადამიანის ვალია — ღვთის შემწე იყოს ყველა მის წამოწყებაში. იმიერ ცხოვრებაზე ფრუს არასოდეს სიტყვა არ დასცდენია, სწორედ აზრთა ამგვარი წყობა მიაჩნდა პასტორ გულმუნდურს წარმართობად და ამიტომაც ჰკიცხავდა ქალს. ეინარი ცხოვრებას კრიტიკულად უყურებდა, მხოლოდ გარდაცვლილებზე თხზავდა ლექსებს, ნუგეშს რელიგიაში ეძიებდა, ასე ეგონა, ღმერთი საიქიმოში მინც. მინიჭებსო შევბას ლატაკს. მაგრამ პასტორმა გულ-

მუნდურმა გლეხებს სასტიკად აუკრძალა ეინარის შეთხზული, სულის მოსახსენიებელი საგალობლების სიმღერა გარდაცვლილთა დაკრძალვისას, რამეთუ ვერ წარმოედგინა, როგორ უნდა გაეწიათ აღიარებულ, ნაციონალურ მეფსალმუნეთათვის მეტოქეობა ღვთისმეტყველებაში უმეცარ, უბირ გლეხებს. ბიარტური კი პატივს სცემდა ხალხურ პოეზიას, ამ პოეზიაში ჩაქსოვილ სულისკვეთებას, ყველაზე უფრო იმით აფასებდა, ვისაც საკუთარი ძალისა და ძლევამოსილების რწმენა გააჩნდა, როგორც, მაგალითად, ზერნოუტს, ბორნეიარკასს, იომსის ვიკინგებს* და წარსულის სხვა გმირებს. ლექსთა წყობის წესებში უძველეს პოეტთაგან აეთვისებინა, არად აგდებდა ისეთ ლექსს, რომელშიც არ იყო წრიული რითმა.

ამ დროს გამოჩნდა ცხენზე ამხედრებულ, წარმოსადეგი, ზეინივით ზორზოხა პასტორი, ხენეშა-ქოშინით დაქვეითდა, აპარხლებული სახე ჰქონდა, ჭაღარა თმა. პასტორი ერთი უცხვირპირო ვინმე იყო, არასოდეს არავის არაფერში დაეთანხმებოდა. პირველად პოეტ ქალს მოჰკრა თვალი და მისი დანახვა არაფრად ექაშნიკა.

— ნეტა ვიცოდე, რისთვის მომაჩანჩალეს აქ? — უკმაყოფილოდ თქვა პასტორმა. — ამ ხალხში ზოგიერთებს ხომ ჩემზე უკეთ ეხერხება სიტყვითა წარმოთქმა?

— დიახ, დიახ, — ჩაიცინა ბიარტურმა, თან პასტორის ცხენს სადავეში სწვდა, — ასეა, მაგრამ ჩვენ ჩვენი სიყვარულის დაკანონება გვინდა.

— რა სიყვარული, რის სიყვარული, — ჩაიბურღლუნა პასტორმა და აჩქარებით წავიდა სახლისკენ, ცერემონიის დაწყებამდე უნდა მოესწრო ყავის დალევა. დრო არა ჰქონდა, შაბათი იყო, ბავშვი ჰყავდა მოსანათლი და, გარდა ამისა, ჩრდილოეთ მხარეს, სანგდოლში მიეჩქარებოდა, ერთი იქაური საყდარი მის სამრევლოს მიაწერეს.

— რაც კურთხევანში წერია, იმას ერთ სიტყვასაც არ დაეუმატებ. შეყოფა საქორწინო სიტყვებით გამოსვლა ხალხის წინ. დაუფიქრებლად იწერენ ჭვარს, წარმოდგენა არა აქვთ, თუ რა არის საჭირო ქრისტიანული ქორწინებისთვის და რა მოსდევს ამას. უკვე თორმეტ წყვილს დაეწერე ჭვარი და დღეს ისინი თავისი ოჯახებიანად მრევლის სარჩენი გახდნენ. ჰოდა, კეთილ ინებე, იქადაგე ასეთებისთვის, — პასტორი დაიხარა, რომ წითხლისთვის თავი არ აეკრა და შინ შევიდა.

ოცტა ხნის შემდეგ, უტირედსმირის მეპატრონემ კარავში ნაციონალურ

* იომსის ვიკინგები—ვიკინგები ციხე-სიმაგრე იომსიდან (ოდერის შესართავთან), ცხოვრობდნენ მე-10 ს-ში. სახელგანთქმულნი იყვნენ გმირობით, შამაქობით, სიკვდილისაღმი ზიზღით. ძველისლანდიური საგა იომსის ვიკინგებზე დაწერილია მე-12 საუკ.

ტანსაცმელში გამოწყობილი პატარძალი შემოიყვანა. ქალი ძალიან დარცხვენილი იყო, ცალ თვალს ოდნავ აელმებდა. პატარძალს ფეხდაფეხ შემოჰყვინენ ქალები და კაცები, თავიანთი ძალებიანად. ყველაზე ბოლოს დაჰმუქნილ სტიქარში გახვეული პასტორი გულმუნდური შემობრძანდა, ის იყო ყავის სმა მოთავებინა.

როზას ოცდაექვსი წელი შეუსრულდა, საშუალო ტანის, ფუნთუშა, პირგვალი, ლოყაწითელი, ჩუმი ქალი იყო, ცალ თვალს ოდნავ აელმებდა. კარავში შემოსვლისთანავე თავის წინსაფარს ჩააშტერდა და თავი აღარ აუწევია.

კარავში მდგარი პატარა მაგიდა საკურთხევლის მაგივრობას სწევდა. პასტორი მაგიდასთან შედგა, კურთხევანი გადაფურცლა.

ხმას არავინ იღებდა, მხოლოდ მგალობლები ჩურჩულებდნენ და ცოტა ხნის შემდეგ, ულახათოდ, ხმაშეუწყობლად წამოიწყეს საქორწინო ფსალმუნი. ქალებს თვალთ ცრემლი მოადგათ.

პასტორმა ჯიბეში მოაფათურა ხელი, ამოიღო საათი, ზედ ნეფე-პატარძლის ცხვარწინ მომართა და ჯვრისწერას შეუღდა. კურთხევანში კითხულბდა ლოცვის. ფსალმუნის გალობა შეწყვიტეს, პასტორმა თავისი მოვალეობა შეასრულა, მიულოცა ახალგაზრდებს. მერე ნეფეს ჰკითხა, წავიდა თუ არა ვინმე ჩემი ცხენის გამოსაყვანად, ყოველი წუთი გამომზომილი მაქვსო. ბიარტურო სიხარულით გაიქცა ცხენის გამოსაყვანად. ქალები კი პატარძალს შემოეხვივნენ და გადაჰკოცნეს.

ყავის გამოტანის დრომ მოაღწია. გააწყვეს მაგიდები, დადგეს სკამები და სტუმრები სუფრასთან მიიწვიეს. უტირედსმირის მეპატრონე ნეფე-პატარძალს მიუჯდა გვერდით. წავიდა თუ არა პასტორი, ლანგარებით შემოიტანეს ქიშმიშინი ღვეზელები და ფუშფუშა ბურბუშელა. კაცები ბურნუთს ყნოსავდნენ, თან ისევ საქონელზე ლაპარაკობდნენ. ყავაც ჩამოარიგეს. სტუმრები როგორღაც უხალისოდ გამოიყურებოდნენ, ჩუმად სვამდნენ ყავას, ზოგმა ოთხი ფინჯანი დალია, ზოგმა რვა, ქიშმიშს კნაწაკნუწი გაუღიოდა მათ კბილებში.

სახეგაბრწყინებული ბიარტური გულლიად უმასპინძლებოდა ხალხს.

— კიდევ მიირთვიეთ ყავა, ნუ დაგვიწუნებთ ნამცხვარს, — სთავაზობდა სტუმრებს.

ყველამ გული იჭერა ყავით, გარედან კრონშენებების სტვენა ისმოდა, იმათაც სიყვარულის ხანა დასდგომოდათ. ბოლოს წამოდგა რედსმირელი ფრუ, ეპრომის პაბივით დიდებული ქალი სტუმრებში სახითაც გამორჩეოდა და წარმოსადეგი ტანითაც. მგოსანმა ქალმა ჯიბეში ხელი ჩაიყო, ქაღალდის ფურცლები ამოიღო.

ასეთ საზეიმო წუთებში, როდესაც ორი გული ერთდება, მან რამდენიმე სიტყვა უნდა თქვას. იქნებ, მას კი არა, სულ სხვა ვინმეს მართებდა შუქის გადმოფრქვევა ახალჯვარდაწერილთათვის, ახლა რომ იწყებენ ცხოვრებას, რათა თავისი ვალი მოიხადონ სამშობლოსა და ღვთის წინაშე — ეს უწმინდესი ვალი. მაგრამ რაკი ღვთით მოწოდებულნი თავს არიდებენ წმიდათა წმიდა მოვალეობას, სხვა გზა არა აქვს, თვითონ უნდა უთხრას ორიოდ სიტყვა ნეფე-პატარძალს. ეს მისი ვალიცაა, ჯვარდაწერილები თითქმის მისი შვილები არიან, მის ოჯახში ერთგულად მუშაობდნენ, ნეფე — თვარამეტი წლის მანძილზე. ჰოდა, მისთვის მძიმეა იმის წარმოდგენა, რომ ეს ორი ახალგაზრდა ცხოვრების ამ წმიდათა წმიდა გზას ისე დაადგეს, ორიოდ გამამხნევებელი სიტყვით არავინ დაულოცოს მათ მომავალი. რა ქნას, ასეთი ადამიანია: როგორც კი შემთხვევა მიეცემა, მუდამ აქებს გლახებს მათი კარგი ღირსებებისთვის. მართალია, თვითონ ქალაქში გაიზარდა, მაგრამ ბელმა წილად გლეხის ცოლობა არგუნა და ამით უკმაყოფილო როდია, პირიქით, თავს ბედნიერად თვლის, რადგან ბუნება უზენაესი გახლავთ ყველა იმაზე, რაც უფალს შეუქმნია. ბუნების წიაღში გატარებული ცხოვრება, სრულყოფილი ცხოვრებაა, მასთან შედარებით ყველა სხვა მხოლოდ მტვერია, ამოებია.

— ქალაქის მკვიდრი, — განაგრძო ფრუმ, — წარმოდგენა არა აქვთ იმ მყუდროებასა და ნეტარებაზე, რასაც აქ გვანიჭებს ღვთაბუნება, და ვიდრე არ ეზიარებიან ამ სიმშვილესა და განცხრომას, ამოებასა და წარმავლობაში ეძიებენ სიამოვნებას. მათ აკლიათ სიღინჯე, ისინი დღევანდელი დღით ცხოვრობენ, ზრუნავენ გარეგნობაზე, აინტერესებთ მოდა, ეტანებიან უშინაარსო, ბედითი გასართობებს. სოფლელები კი ბუნების წიაღში ატარებენ ცხოვრებას, სუფთა პაერს სუნთქავენ, მათ სულსა და სხეულში იღვრება უზინარი სასიცოცხლო რამ ძალა, მყუდროებით მოცული მიდამო გულს უმშვიდებს ადამიანს, სისხლ-ხორკით ავსებს, სოფლის კაცის ფეხქვეშ ყვავილებით მოქარგული, ხასხასა, მწვანე ხალიჩა და ეს არა მარტო სილამაზის შეგარძნების უნარს, თითქმის მოწიწების გრძნობას უღვიძებს მას. რა სჯობია ყვავილოვანი სურნელებით გაჟღენთილ ამ მიდამოში დასვენებას, სიმშვიდით დატკობას. მდელი, ჩანჩქერები, მთები ჩვენი სიყრმის მეგობრები ხდებიან. რაოდენ ბუმბერაზი, რაოდენ მომხიბლავია ჩვენი მთები. გულის სიმებს ისე მძლავრად არა ეხმიანება რა, როგორც ამ მთების ამაღლებული, სპეტაკი იერი. მთები ბარს მფარველობენ, ისინი ჩვენც მოგვიწოდებენ, მფარველობა გავუწიოთ ჩვენზე სუსტს. საღ პპოვებს ადამიანი, საღ შეიგრძნობს, — იკითხა პოეტმა ქალმა, — ისეთ ნეტარ სიმშვიდეს, როგორც მთიან ხეობაში, სადაც ყვავილები, ეს ანგელოზთა თვალები, თუ ნებას მომცემთ, ასე გამოვთქვა, ცას შეჰყურებენ და

მოგვიწოდებენ მუხლი მოვიყაროთ მისი მძლეთამძლეობის, სილამაზის, სიბრძნის და სიყვარულის წინ? დიახ, ამაშია ჭეშმარიტი, ყოვლისმომცველი სიღიადე. ასეთმა შთაბეჭდილებებმა, შეუძლებელია ადამიანის გულში კვალი არ დასტოვოსო, — ასეთი აზრი გამოთქვა ფრუმ.

სუსტთა მფარველობა შუა საუკუნეების რაინდთა ვალი იყო, რატომ დღესაც არ უნდა ვიქცეოდეთ ასე? სუსტებად პოეტ ქალს ისინი მიაჩნდა, ვინც ჩვენზე ნაკლებ უნარიანია, ვისაც ჩვენი დახმარება ესაჭიროებაო.

— ზამთარში პირუტყვზე ზრუნვა, მისი მოვლა, კეთილშობილური საქმეა. როცა ამ სიტყვებს ვამბობ, აზრით მადლობას გიხდი, შენ, ბიარტურ, უტირედსმირში ჩვენი ფარის მოვლისათვის. დიდ, საპატიო საქმეს უძღვებოდი ჩვენს ოჯახში, როცა მწყემსად გყავდი. ერთ უძველეს ლექსშია ნათქვამი: „შეიყვარე მწყემსი შენი, როგორც სისხლი და ხორცი შენია“.

მწყემსი უთენია დგება, ყინვასა და ქარში გადის გარეთ, რომ უენო უტყვ საქონელს მოუაროს. ის როდი ჩივის, — განაგრძო ფრუმ, — მას თანაგრძნობა ამოქმედებს, ქარბუქი და ნამქერი აკაეებს, საკუთარ თავში ისეთ ძალას გრძნობს, როგორზეც უწინ წარმოდგენაც არ ჰქონია. სტიქიასთან ბრძოლაში გაკაეებული, გმირულ საქმეებს აკეთებს და მთელი გულით ხარობს, რომ ათას გაჭირვებას იტანს უსუსური, უმწეო არსებების გამო.

რა მშვენიერია ცხოვრება ბუნების წიაღში. ეს ყველაზე ნაყოფიერი ნიადაგია ხალხის აღსაზრდელად. გლეხები თავისი ქვეყნის კულტურის ბურჯები არიან, მათი უპირველესი აღთქმაა — ვალის პირნათლად, დინჯად აღსრულება სამშობლოსა და ხალხის საკეთილდღეოდ.

პოეტი ქალი თავის სიტყვას დიდი დამაჯერებლობითა და აღტაცებით კითხულობდა, კარავში ცხელოდა, ქალს ფართო შუბლიდან დაჟღაჟა ლოყებზე ოფლი ჩამოსდიოდა. მან ცხვირსახოცი ამოიღო და ოფლი მოიწმინდა.

— არ ვიცო, თქვენთვის ნაცნობია თუ არა სპარსთა რელიგია. ამ ხალხს სწამდა, რომ სინათლისა და წყვიდადის ღმერთებს გამუდმებული მტრობა ჰქონდათ და ხალხს სინათლის ღმერთის დახმარება წილად ხვდა, მას მიწა უნდა დაემუშავებინა, მოევლო, გაენაყოფიერებინა. ეს სწორედ ის გახლავთ, რასაც გლეხები მისდევენ, ისინი, ასე ვთქვათ, სინათლის ღმერთს ეხმარებიან, თანამშრომლობენ ღმერთთან, ზრდიან მცენარეებს, საქონელს, ხალხს. ამაზე საპატიო ამოცანა დედამიწაზე სხვა არა არის რა. ამიტომ გლეხებსა და უწინარეს ყოვლისა, ჩვენს ნეფეს მინდა შემდეგი სიტყვებით მივმართო:

— თქვენ, გლეხაკებო და გლეხის ქალებო, მთელი დღე წელგაუმართავად რომ შრომობთ, იგრძენით, რაოდენ კარგსა და კეთილ საქმეს აკეთებთ, თქვენ მონაწილეობთ ღვთის შემოქმედებით საქმიანობაში და იგი წყალობის თვალით

გვიყურებს ჩვენ, ნუ დაივიწყებთ, რომ ის ნაყოფი, რომელსაც საკუთარი შრომით იწევთ, შემოქმედების წყალობა გახლავთ.

შემდგომ ამისა ფრუმ ორიოდ სიტყვით მიმართა როზას, „ამ კარგად აღზრდილ, ნიდურკოტელ მშვიდ ქალიშვილს, ესოდენ რომ გვიყვარდა ყველას და პატივს გცემდით ორი წლის მანძილზე, როცა იგი უტირედსმირში ჩვენი მარჯვენა ხელი იყო, გვეხმარებოდა საქმეში“.

— ჩვენი პატარძალი — ზაფხულის საეანის მომავალი დიასახლისი! ესოდენ საპატიო სახელი ტყუილუბრალოდ როდი ეძლევა ქალს, რომელიც ოჯახს მართავს. ჩვენმა წინაპრებმა იცოდნენ, რომ ქალი დედობრივი სიყვარულის შუქს აფრქვევს ჯალაბს, არა მარტო უელის მათ, არამედ მთელ მათ ცხოვრებას აცისკროვნებს დედობრივი სიყვარულის სითბოთი. ყოველი ქალი, ვისაც კი ოჯახის დიასახლისობა და დედობა ელირსება, უნდა ფიქრობდეს, თუ როდენ ამდღებულო, როდენ ყოვლისშემძლეა მისი მოვალეობა, რომ მისი მაღლი წინ ხედება მესამე და მეოთხე თაობებს, თუმცა მეოთხეს კი არა, რატომ შეათასე თაობას არა? ძალზე საპასუხისმგებლოა ცოლობა, დიასახლისობა და ცოდნა იმისა, რომ გენიჭება ამქვეყნად უღიდესი, ყველაზე კეთილშობილური ვალის აღსრულება.

ალბათ, ბევრი ქალი იტყვის, შეუძლებელია საქმე ისე ააწყო, რომ შენს ოჯახში ყველაფერს დღენიადღე ღიმილის შუქი ანათებდესო. ყოველ უმნიშვნელო წვრილმანს იმდენი ძალა უნდა შთაჰბერო, რომ ახლობლებს მშვიდობისმყოფელი ანგელოზივით გაუხარო გული, შენი სახლის კედლებში ისეთი მშვიდობა და თანხმობა უნდა დაამყარო, რომ ყოველმა შენმა ახლობელმა წარინოცოს გულიდან მძულვარება, გულის ჯავრი და საკუთარ თავში ჰპოვოს ძალა უღიდესი გმირული საქმეების ჩასადენად და მაშინ შენი ოჯახის ყოველი წევრი იგრძნობს, რომ თვით ღმერთს მიჰყავს იგი მარადიული იდეალების გაზაფხულისკენ. თავს ყველა უმწიკვლო, თავისუფალ, გულად ადამიანად შეიგრძნობს, შეიგრძნობს ღმერთთან და სიყვარულთან ნათესაობას. ეს ჭეშმარიტად რთული, საპასუხისმგებლო ამოცანაა, მაგრამ ეს შენი მიზანია, შენი ვალია, დედაც და დიასახლისო, ეს გახლავთ ის ვალი, რომლის მოხდასაც თვით შემოქმედი გვიბრძანებს. შენ გაქვს საამისო ძალა, გინდაც თავად არა გრძნობდე, შენ აასრულებ ამას, თუკი გწამს სიყვარული. არა მარტო იმ ქალში, ვინც განგების ნებით ცხოვრების მზიან მხარეს მოხედება, კარგ განათლებას მიიღებს, არამედ იმ ქალშიც, ვისთვისაც არაფერი უსწავლებიათ, ვინც ცხოვრების ჩრდილოვან მხარესაა, შეყუჟულია ქონში, მძიმე პირობებში მიაჩანჩალებს წუთისოფელს, მასშიც კი ცოცხლობს ეს ძალა. ყო-

ველ თქვენგანს აქვს კეთილშობილების ასეთი ნიშანი, ყველანი უფლის შვილები ხართ.

იმ ქალის ძალა, ვინც თავის სახლსა და კერას ამქვეყნიური ბედნიერების მწვერვალზე აიტანს, იმდენად განუზომელია, რომ ეს ძალა მის უბადრუკ ქონს სასახლეს გაუთანაბრებს, ერთიცა და მეორეც ერთნაირად ნათელია, თბილია. სწორედ ეს ძალა გახლავთ ჰემმარიტი თანასწორობა.

გახსოვდეს როზა, რომ შენ ყოველდღე იწვევ ტალღათა სრბოლას. ეს სრბოლა თვით არსებულის საზღვრებს აღწევს, ტალღები მარადისობისკენ მიიწრაფვიან. არსებობს სინათლის ტალღები, ყოველი კიდით რომ ჰყვებენ სიბრძნისა და ბრწყინვალეობას, არსებობს წყვილიანის ტალღებიც, რომელთაც მწუხარება მოაქვთ და ცივად ისადგურებენ ადამიანის გულში.

აღიქვი სიყვარული მისი ყველაზე სრულყოფილი სახით — უდრტინგელი მსხვერპლის სახით — სიყვარული, შეხამებული ადამიანის სულის ყველაზე ამაღლებულ, კეთილშობილურ გრძობებთან. ყურადღება მიაქციე, რაოდენ დიდი ძალა აქვს სიყვარულს, რაოდენ იმორჩილებს ყოველად მდაბალსა და არაადამიანურსაც კი. ჩაუფიქრდი ძალას სიყვარულისა, როზა, ძალას, რომელიც ქონს სასახლედ აქცევს, სილატაკეს სურნელოვან ბაღნარად და ყინვას მარადიული ზაფხულის მცხუნვარებას ანიჭებს.

ნეფე-პატარძალი და სტუმრები მღუმარედ უსმენდნენ მგოსან ქალს, მართო ბურნუთის მყნოსავთა ქშიტინ-სრუტუნი, ორი დიდი ბუზის ბზუილი კარავის ჰერქვეშ და ჩიტების სტვენა-ჟღერტული არღვევდა ჟამით ჟამ მღუმარებას. კაცებმა დაცემინება მაშინლა გაბედეს, როცა ფრუმ სიტყვა დაამთავრა და დაჯდა. აღტაცებულმა ქალებმა ერთმანეთს რაღაც გადაუჩურჩულეს. კვლავ სიჩუმე გამეფდა.

სიცხისა და ყავისგან მოთენთილი, ბუზების ერთფეროვანი გაბმული ჰზუილით გაბრუებული, მზეზე კარვის თეთრად მოქათქათე კედლებსისაგან მოჯადოებული სტუმრები გარინდებული მიჩერებოდნენ სივრცეს.

ბოლოს კელდელმა ჰროდლოგურმა, დიდცხვირა, თეთრწვერა ბერიკაცმა დაარღვია დღემილი და ბიარტურს ჰკითხა:

— ბიარტურ, მართალია, რომ ამბობენ, თითქოს თქვენთან უტირედს-მირში ამ გაზაფხულზე ცხვარს რეტი შეეყარა?

ამ შეკითხვამ, სულგანაბული, ოცნებაში წასული ხალხი შეაერთო. უცებ ამოიდგეს ენა, გაახსენდათ, რომელ კუთხეში გაჩნდა იმ გაზაფხულზე რეტი. ლენტისებურ კიაზე რამდენიმე სათაქლო სიტყვა წამოისროლეს და და-

ასკვნეს, რომ მათ კუთხეში, ამ უკანასკნელი ორი წლის მანძილზე, გულის-
ყურით აღარ ეკიდებოდნენ ძაღლების კუჭის გაწმენდის საქმეს. ამაში ზო-
გი გლეხი მთების მეფეს* — იგივე მნათეს ადანაშაულებდა. პასტორის დახმა-
რებით ჩაიგდო ხელში ძაღლის მკურნალის თანამდებობა.

— ასეა თუ ისე, მე კი მტკიცედ გადავწყვიტე, შემოდგომაზე საკუთარი
ხარჯით გავუწმინდო ჩემს ძაღლს კუჭი, — თქვა ნეფემ.

გლეხეცის კეთილდღეობისთვის მთავარია ჯანმრთელი ძაღლი, მაგრამ
საოცარი ის არის, რომ ხალხს ეს არ ესმის, ძაღზე უდარდელად ეკიდებიან მი-
კრობებს, ასე გასინჯეთ, კარგ ოჯახებშიც კიო, დაასკვნეს გლეხებმა.

— ხალხი რომ მიკრობებს უფრთხოდეს, — თქვა ამ საკითხში დიდად გა-
ზოციდილმა და პირნახულმა ტოურიჩმა, — რა გვიჭირდა მაშინ. მაგრამ უდარ-
დელობაა ყოველგვარი უბედურების სათავე. ყველას რომ ესმოდეს, რა დიდი
მნიშვნელობა აქვს მიკრობებთან ბრძოლას, მაშინ ძაღლიც საღსალამათი გვე-
ყოლებოდა. თუ ძაღლი დაგისნეულდა, საკუთარ თავს დააბრალებ.

კიდევ დიდხანს ისაუბრეს ამ თემაზე, ყველა ცდილობდა ლაპარაკში ჩა-
რეუელიყო, თავისი აზრი გამოეთქვა. ეინარს რწმენა დაკარგული ჰქონდა,
არ სჯეროდა, თუ ამ საქმეში ადამიანის ჩარევა რაიმეს შეცვლიდა: სამყარო
დასაღუპავადაა განწირული, ვერავითარი წამლები და ექიმები ვერას გახდე-
ბიან. ჩვენ დროში ხომ განსაკუთრებით ნათელია ეს. გარდა ამისა, ძაღლი
ძაღლად რჩება, მიკრობი მიკრობად, ცხერები კი ცხერებადო. ოულაფური არ
ეთანხმებოდა ეინარს და ამბობდა, რეტის გამომწვევია ლენტისებური ჰიაო,
ამით შეიძლება ადამიანიც დაავადდესო. ჰიაო კი იმიტომ უჩნდება პირუტყვის,
რომ ძაღლებს მეცნიერული წესით არ წამლობენ. კარგად რომ მოუარონ და
უწამლონ ძაღლებს, კუჭი წესრიგში ექნებათო.

თ ა ვ ი მ ა ო თ ხ ე

მ ს რ ბ ო ლ ა ვ ი ღ რ უ ზ ლ ე ბ ი

მეორე დღეს ბიარტურმა პატარძალი შინ წაიყვანა. ქალი ბლესიზე შესვა
და რაკი ცხენი ჯერ კარგად გახედნილი არ იყო, ჩქივდებოდა, ტლინკებს ჰყრიდა,
სადავეში ჩაავლო ხელი ჰირვეულ პირუტყვის და წინ გაუძღვა. ბიარტურს

* მთების მეფე—გლეხი, რომელიც შემოდგომაზე მთაში ცხვრის შეკრებას ხელმძღვანე-
ლობს.

ზურგზე ბოხია ჰქონდა წამოკიდებული. ბოხიაში, როზას მზითვევი, ბუმბულის საბანი იყო გამოკრული. უნაგირზე საწყვეტებით მიბმულ ორ ტომარაში სხვადასხვა საქორწინო საჩუქრებთან ერთად, ქვაბი და ჩამჩაც ეწყო. ქვაბი და ჩამჩა ერთმანეთს ეხლებოდა, ისეთი რახარუხი გაუდიოდა, რომ დამფრთხალი ცხენი განზე ხტებოდა, მაგრამ ბიარტური ღუზასავით ეკიდა სადავეს. ტიტლა უკან მოძუნძულებდა, ხალისიანად იყნოსავდა გაზაფხულის სურნელებას, როგორც იციან ხოლმე ძაღლებმა კარგ ამინდში. შეკრთებოდა თუ არა ბლესი, ტიტლა გააფრთხებით ეცემოდა, უკანა ფეხებზე ეტანებოდა საკბენად და უფრო აფრთხობდა ცხენსაც და ქალსაც. ბიარტური ხან ცხენს უწყურებოდა, ხან ძაღლს უცაცხანებდა, ისე აიარეს უღელტეხილა, რომ მთელი გზა სულ მისი ქოთქოთი ისმოდა.

გუნვერის ყორღანს რომ მიუახლოვდნენ, როზამ იფიქრა, დავკვიითდები, სასაფლაოზე ქვას დავაგდებ, ეგებ ამან ბედნიერება მოგვიტანოსო.

— ბიარტურ, გუნვერი ქვას თხოულობს, ყველას ხედავს, უღელტეხილს ვინც გადაივლის.

— არა, როზა, არა, სისულელეა. ეგ ვერ მოგვიტანს ბედნიერებას. მოჩვენებასთან კუდის ქნევა და ლაქუცი ჩვენ არ გამოგვადგება და არც მინდა. იწვეს ჭე, თავის საფლაოში, ბებერი ალქაჯი.

— მე მაინც მინდა ცხენიდან ჩამოვხდე და ყორღანზე ქვა ავაგდო, — არ დაუთმო ცოლმა.

— რა ეშმაკად უნდა ქვა, იმ წყეულს? ვერა, ვერ ეღირსება ჩემგან, ან რომელიმე ჩემიანისგან ქვას! ჩვენთვის ისა სჯობს, ცოცხლებს გადავუხადოთ ვალი, ვიდრე იმათ, ვინც ასი წლის წინათ ჯოჯოხეთში ამოჰყო თავი.

— ბიარტურ, გემუდარებში, მომეცი ნება! — ისევ სთხოვა ცოლმა.

— ცრურწმენაა ეგ და სხვა არაფერი, — მოუჭრა ბიარტურმა.

— ბიარტურ, ყორღანზე ქვის დაგდება მინდა.

— პასტორსაც მთლიანად გადავუხადე ჯვრისწერის საფასური, მაგრამ თუ მესხიერება არ მალატობს, გუდმუნდურმა მაინც არ ინება სიტყვის წარმოთქმა. ასე რომ, არავისი არა მმართველს რა.

— ბიარტურ, იცოდე, თუ ყორღანზე ქვას არ დამაგდებინებ, რალაც უბედურება დაგვატყდება.

— მე მეგონა, ჩვენთვის ისიც საკმარისი იყო, რომ პასტორ გუდმუნდურის უნდა გვჯეროდეს. როგორც ჩანს, ეს არ ყოფილა საკმაო, თურმე ეშმასიც უნდა გვწამდეს. შენ ხომ თავისუფალი ქალი ხარ, როზა?

— ჩემო ძვირფასო, ჩემო კარგო ბიარტურ, — თითქმის ტირილით ემუღა-

რებოდა ქალი. — ასე მგონია, უბედურება რამ შეგვემთხვევა, თუ ქვას არ დაეგდებ. ეს ამბავი ხომ ძველთაგანვე ასე მოდის.

— ჯანდაბას იმ წყეული ალქაჯის თავი! გაინძერი, ბლესი, ხმა ჩაიწყვიტე, ტიტლა!

ქალი შეშინებული ბავშვივით, ორივე ხელით ჩააფრინდა ცხენს ფაფარში, ბაგე მთლად ბავშვურად აუთრთოლდა, სიტყვის თქმა ვეღარ გაბედა, გატრუნული იჭდა უნაგირზე. როცა უღელტეხილი გადაიარეს და ქაობს მიაღწიეს, ზაფხულის სავანეც გამოჩნდა. ბიარტური შედგა, ცხენს მიეყრდნო და როზას ასალ ხუტორზე მიუთითა. ახლად შემწვანებული მაღალი ბორცვის კალთაზე მიკრული სახლი შორიდან კოპწია და მზიარული ჩანდა. სახლს უკან მთა იყო ამართული, წინ ქაობი, იქვე მახლობლად ტბა ლაპლაპებდა. ქაობს მდორე მდინარე ჰკვეთდა, მიწის ბელტებით ამოშენებული კედლები ჭერ არ ამწვანებულ იყო და სახლი შავად მოჩანდა.

— აი, ჩვენი სახლი, — წამოიძახა ბიარტურმა. იგი მოუთმენლად ელოდა იმ სასინარულო წუთს, როცა ცოლს შორიდან დაანახებდა თავის ხუტორს, სწორედ აქედან, ამ მთიდან, სადაც ახლა იდგა. მას ეგონა, რომ როზა სიამოვნებისაგან, ან აღტაცებისაგან შეჰყვირებდა. მაგრამ ქალმა გულგრილად მიმოავლო თვალი ხეობას, სახეზე წყენისა და შიშის ჩრდილი გადაჰფენოდა. იქნებ იმიტომ არ მოეწონა სახლი, რომ კედლები ჭერ ამწვანებული არ იყო?

— უცებ ხომ ვერ დაიფარება სახლი ბალახით. მომავალ ზაფხულს სახურავსა და საძოვარს ვეღარც კი გაარჩევს კაცი.

ქალმა არაფერი უპასუხა.

— ხომ კარგი სახლია? — ჩაეკითხა ბიარტური.

— ყორღანთან ცხენიდან ჩამოხდომის ნება რატომ არ მომეცი?

— წყეული ალქაჯის საფლავეზე ქვა რომ ვერ შეაგდე, ნუთუ იმიტომ მეტუტები? — ჰკითხა ბიარტურმა.

ქალი გულგრილად და ჯიუტად დასჩერებოდა ცხენის ფაფარს. უცებ მთლ ხეობას ჩრდილი დაეცა. აღრიანი ზაფხულის დღე იდგა. ადამიანის სახესავით ცვალეზადი დღე, აზრივით, გამალებით მსრბოლი თეთრი ღრუბლები უცებ დაიგრაგნენ ცაზე, მთელ ხეობას გადაეფარნენ, ჩააბნელეს იქაურობა, მთის მწვერვალს კი მაინც ადგა ნათელი. რაკი როზამ ხმა არ გასცა, ბიარტურმა ისევ სადავეს ჩაავლო ხელი, ტიტლას გასძახა, თუმც ტიტლას სულაც არ სჭირდებოდა დაძახება და ცხენს გაუძღვა, უნაგირზე გადაკიდულ ტომრებში კვლავ არახრახნდა საქორწინო საჩუქრები.

ხეობის გასწვრივ გზა ფერღობს ჩასდევდა, იქით, სადაც მდინარე რეტ-

სტადი უღელტეხილისკენ გზას მიიკვლევდა. წვიმის წვეთი დაეცა ხეობას და მღუმარე პატარაძალმა ხმა ამოიღო.

— ბიარტურა!

— რა იყო? — ჰკითხა ქმარმა და შემობრუნდა.

— არაფერი. ცხენიდან ჩამოხდომა მიშველე. შინ მინდა, — უთხრა ქალმა.

ბიარტური შედგა, ცოლს შეხედა.

— ხომ არ შეიშალე, როზა?

— შინ მინდა, — გაიმეორა ქალმა.

— საღ, შინ?

— შინ!

— ვერასოდეს ვერ წარმოვიდგენდი, თუ ასეთი ხუსტურიანი იქნებოდი, როზა, — უპასუხა ბიარტურმა და ისევ ცხენს გაუძღვა.

ქალი ცრემლი წასკდა. ადამიანის გულს არაფერი არ აძლევს ისეთ შეებას, როგორც გულამოსკვნილი ტირილი.

ნეფე-პატარაძალი ხეობისკენ ჩაუყვანენ ფერდობს, ტიტლა უკან მოძუნძუნებდა. ხუტორს რომ მიუახლოვდნენ, ბიარტურმა პირდაპირ ჭაობში შეიყვანა ცხენი. ჭაობი ღრმა იყო, ერთგან ცხენი მკერდამდე ჩაეფლო ბლანტეში. პირუტყვმა ერთი ბიძგიტ სცადა ტანის ამოთრევა და ქალი ძირს გადმოავლო. როზა ჭაობში ჩავარდა, თიხასა და წყალში გაილუმბა. ბიარტურმა ამოიყვანა ქალი და კაბა ცხვირსახოცით ჩამოუწმინდა.

— მდებრობითი სქესი მამრობითზე სუსტია, — თქვა ბიარტურმა.

როზამ ტირილი შეწყვიტა და გვერდით გაჰყვა ქმარს. ხუტორის მახლობლად, ღელის ნაპირას ჩამოჭდა, კაბის კალთა გამოირეცხა. ბიარტურმა კი ცხენს უნაგირი მოხადა და დაბორკა. ველზე ჩრდილები აიკრიბა და პატარა საძოვარს მზის სხივები მოეფინა.

სახლსა და ფარეს ერთი სახურავი აერთიანებდა. მიწის ბელტებით ნაშენი კედლების შავ ფონზე გამოირჩეოდა ორ ბოძს შუა ჩადგმული ხის ისეთი დაბალი კარი, რომ შინ შესვლისას თავი უნდა დაედუნათ. ფარეში ბნელოდა, ციოდა, სინესტისა და სოკოს ობის სუნი იდგა. როცა საძვრომის კარს აღებდნენ, ჰერიდან სუსტი შუქი იჭრებოდა ფარეში, კედლების გასწვრივ ბაგები იყო გამართული, გვერდითა კედლის ბოლოს კი სათივეში გასასვლელი, თუმც სათივე ჰერ არ აეშენებინათ. შვილსაფეხურიანი კიბე აერთებდა ფარესა და საცხოვრებელ ოთახს. ბიარტური წინ გაუძღვა ცოლს, თითქოს უნდა უჩვენოს, რომ კიბე მტკიცედ არის ნაგები, საიმედოაო. როზა ფეხდაფეხ აჰყვა ოთახში, მიმოიხედა და სარკმელი ძალზე პაწია ეჩვენა.

— გვგონებთ სასახლეში იყო გაზრდილ-დაბადებული, — უთხრა ქმარ-მა, — მზე თუ გინდა, გარეთ რამდენიც გნებავს, იმდენია...

— დასანანია, რომ ისეთი სარკმელი არა გვაქვს, როგორიც რედსმირშია, — უთხრა როზამ.

— იქნებ შენ რედსმირში სხვა რამეც დაგჩა დასანანი? — მკვახელ შეაწყვეტინა ბიარტურმა.

— ვითომ რას გულისხმობ, როგორ არ გრცხვენია? — იწყინა როზამ.

ოთახი პატარა იყო, ისეთი დაბალი ქერი ჰქონდა, ბიარტური ლამის თავით ებჯინებოდა. გაურანდავი ფიცრებისაგან შეკრული ორი საწოლი კედლებზე იყო მიკედებული, მაგიდა კი ფანჯრის რაფაზე მილურსმული. კიბის თავთან მარცხნივ პატარა ქურა იყო ამოშენებული, ქურის ზემოთ ხელისგულისოდენა სარკმელი ჩაესვათ. სარკმელს მიღმა, კედლის შევრილზე ამოსულ ბალახის რამდენიმე ღერს ქარი არხევდა. კედლები იმსისქე იყო, რომ მზის სხივები ვერ ატანდა პატარა ფანჯრის მინებიდან, თუ მზე პირდაპირ არ მოადგებოდა სარკმელს, ვერც ერთი სხივი შინ ვერ შეაღწევდა.

მაგიდის გვერდით, კედელზე მიკედებულ ნეფე-პატარძლისათვის გამზადებულ საწოლზე, ხავსით გატენილი ლეიბი იდო. საწოლქვეშ იატაკი არ იყო დაგებული. იქვე იდგა სანოვავის დიდი ყუთი. ბიარტურს უკვე მოემარაგებინა ზოგი რამ: ქვავის ფქვილი, ბრუნისთან ნაყიდი საუკეთესო ხარისხის შაქარი, ცოტაოდენი პურის ფქვილი მაჭკატებისათვის (რაიმე განსაკუთრებულ შემთხვევაში) და ვინ იცის, კარგად რომ მოგვეჩხრიკა, იქნება ყუთში ცოტაოდენი ქიშმიშიც გვეპოვა. ყუთის ძირში ერთი ტომარა საუცხოო, გამხმარი თევზი იდო. გილიელმა კრუსმა საქორწინო საჩუქარი გაუკეთა ბიარტურს, ცხვრის ერთი საპალნე წივა მოართვა. კრუსის კვიცი შარშანწინ ჭაობში ჩაიფლო, ბიარტურმა ამოიყვანა და ამისათვის ემადლიერებოდა. მაგრამ წივას უნდა მოფრთხილებოდნენ, ჯერჯერობით საწვავად ხავსი და მანანის ბუჩქები უნდა ეკმარათ. გარდა ამისა, ჭაობიდან ტორფის ამოსალგბად ბარის ერთი დაკვრა საკმარისი იყო.

როზა ჭაობში ამოგანგლული კაბით ნეფე-პატარძლის საწოლზე იჯდა, ქუთუთოები დაწითლებოდა, მუხლებზე უღონოდ დაწყობილ თავის დიდ ხელებს დაჩერებოდა.

— მაშ არ მოგწონს ჩვენი სახლი? — ჰკითხა ბიარტურმა.

— შენ გგონია, უკეთესს ველოდი? — უპასუხა როზამ.

— ყოველ შემთხვევაში, ერთი რამ მაინც კარგია: ვისაც ასეთი ხუტორი აქვს, მოჯამაგირესავით დილიდან დაღამებამდე წელგაუმართავად აღარ მოუხდება შრომა, — თქვა ბიარტურმა. — ჰკვიან ქალად გთვლიდი, როზა, მე-

გონა, დამოუკიდებლობას აფასებდი. ცხოვრებაში მთავარი ხომ ეს არის. ჰო-
და, მე ასეთი აზრისა ვარ, რომ სხვებზე დამოკიდებული კაცი კაცი არ არის,
მისი სიცოცხლე სიცოცხლედ არ ჩაითვლება. ეს იგივეა, რაც კაცისთვის
უძაღლოდ დარჩენა.

— უძაღლოდ დარჩენა? — ცხვირის სრუტუნით გულგრილად გაიმეორა
როზამ.

ბიარტური ერთი ხანი ფანჯარასთან იდგა და ფიქრში გართული მღუმარედ
გაპყურებდა მთას.

— ამ ხეობის მიწა ჩვენს ცხვარს გამოჰკვებავს, — დაარღვია მღუმარება
ბიარტურმა.

როზამ ხელის გული გაისვა ცხვირზე.

— სადაც ცხვარი ცხოვრობს, კაცსაც შეუძლია იქ ცხოვრება, — განაგრძო
ბიარტურმა. — მამარჩემი სწორად ამბობდა: კაცი და ცხვარი თითქმის ერთი და
იგივეაო.

— საშინელი სიზმარი ვნახე, — დაიჩურჩულა როზამ.

ბიარტურმა დამცინავად, ცერად გაჰხედა ცოლს.

— მერე რა მოხდა? სიზმარს იმიტომ ხედავს ადამიანი, რომ სისხლი აწ-
ვება თავში, ან უხერხულად წევს, ან აბურღული ლეიბი აწუხებს. გაზაფხულზე,
ძველი ხუტორის ნანგრევებს რომ ვასუფთავებდი, ერთ ღამეს მეზმანა, თით-
ქოს მთა გაიპო და იქიდან მზეთუნახავი გამოვიდა.

— ჰო, ეგეთები ხართ კაცები, სიზმარშიც ქალი გელანდებათ.

— მართალია, სიზმრებისა არაფერი მჯერა, — განაგრძო ბიარტურმა, —
მაგრამ რატომღაც მგონია, რომ ეს სიზმარი კეთილად უნდა ამიხდეს. ალბათ,
შემოდგომაზე სარფიანად გაგყიდი ბატყნებს.

— ამბობენ, რომ აქ, ქვეყნის დასანახად, მოურიდებლად დაძრწის გუნვე-
რი, — თქვა როზამ, — შარშანწინ თურმე ერთი კაცი ამ ხეობაში მიდიოდა
ცხენით, უცებ, სულ უმიზეზოდ, დღისით-მზისით დაუფრთხა ცხენი და თავ-
აწვევტილი გაიჭრა.

— სიტყვა აღარ გამაგონო იმ შეჩვენებულ ალქაჯზე, — შეაწყვეტინა
ბიარტურმა.

— ამ ხეობიდან გუნვერის შიშით განა ცოტა ხალხი აყრილა და გაქცე-
ულა?

— უსაქმურები იქნებოდნენ, — უპასუხა ბიარტურმა, — როცა ასეთებს
საქმე უკუღმა შეუტრიალდებათ, უბედურებას სხვას გადააბრალებენ ხოლმე,
ლობე-ყორეს ეღებინან.

— მაშ შენ გგონია, რომ ქვეყნად არ არსებობს ბოროტება?

— ამას არ ვამბობ. ზღვა იქნება თუ ხმელეთი, ყველგან შეიძლება საშინელ საფრთხეს გადააწყდეს კაცი. მერედა რაო? თუ განსაცდელში ჩავარდი, ან დაიღუპები, ან გადარჩები. მაგრამ იმის ფიქრი, თითქოს ქვეყნად მოჩვენებები, ავი სულები და სხვა ასეთი უწმინდურები არსებობენ, ამის ნიშანია, რომ სისხლი არ გივარგა.

— ძაღლები მაინც ბევრ რამეს გრძნობენ, — თქვა როზამ.

— ძაღლი მაინც ძაღლია, — შეესიტყვა ბიარტური.

— აკი ამბობდი, ძაღლმა ქვეყნად ყველაფერი იცის, ყველაფერს გრძნობსო?

— არასოდეს არ მითქვამს ეგ. მე მარტო იმას ვამბობდი, რომ ძაღლი ერთადერთი პირუტყვია, რომელსაც ადამიანისა ესმის, მაგრამ ძაღლი მაინც ძაღლია, კაცი კი კაცი, როგორც უნდირხლიდელი ეინარი ამბობს.

— მისნები ერთხმად ამბობენ, ამ ხეობაში მოჩვენებები დაძრწიანო.

— შიმიფურთხებია მისნებისთვის. ეშმაკსაც წაუღია იმათი თავი და ტანი, ვისაც საკუთარი ხუთი გრძნობის მართვა-გაძლოა არ შეუძლია. ჰოდა, აი ასეთებს, ათასი ონრობა ელანდებათ, იმ შერეკილისა არ იყოს, ცოტა ხნის წინათ, ფიორდში ხელის გულზე რომ ატარებდნენ და ელორიავებოდნენ. რაღაც ტრანსში ვარდებო, ამბობდნენ, ისიც ჩმახავდა, რომავდა აბდაუბდას იესო ქრისტეზე, ბერდლუ-კარაზე და ქრისტიან მეცხრეზე*. ბოლოს, საქმე იმით დამთავრდა, რომ იმ მისანმა ციხეში ამოჰყო თავი. თურმე ყალბი ხელმოწერა გაუკეთებია, ოლქის მოსამართლის სახელით.

— დარწმუნებული ვარ, შენ ღმერთიც არა გწამს, ბიარტურ, — ჩაფიქრებით თქვა ქალმა.

— მოდი, ამაზე ლაპარაკს მოვეშვათ, — სთხოვა ბიარტურმა ქალს, — ერთი რამ კი ცხადია ჩემთვის: პასტორ გულმუნდურის გამოყვანილი ახალი ჭიშის ცხეარს მთელ ოლქში ბადალი არ მოეპოვება.

— ნუთუ ძილის წინაც არ ლოცულობ?

— არა, რატომ. თუ ლოცვა კარგად არის გართმული, ძილის წინ ერთ-ორს წავიკითხავ. თუმცა, გულახდილად რომ ვთქვა, ამას უწინ ვაკეთებდი, როცა ამდენი საზრუნავი არა მქონდა, მაგრამ „მამაო ჩვენო“ არასოდეს არ წამიკითხავს. ეგ ხომ ლექსი არ არის. ჰოდა, რაკი ეშმაკის არსებობა არა მჭერა, რისთვის უნდა ვილოცო. თუმცა, კმარა ამაზე ლაპარაკი. მოდი, ყავა ავადუღოთ და დავლიოთ.

— შენ რომ ყურს გიგდებ, თმა ყალყზე მიდგება, — უპასუხა როზამ, —

* ქრისტიან მეცხრე (1818—1906) — დანიისა და ისლანდიის მეფე.

ასეთი ლაპარაკის შემდეგ, ღვთიური ანგელოზები ხომ ზურგს შეგვაქცევენ. მაშ, შენი აზრით, გარდა იმისა, რასაც საკუთარი თვალით ხედავ, ქვეყნად არაფერი არსებობს? აი, თურმე როგორი ყოფილხარ.

— მე ხუთი გრძნობა მაქვს, — მიუგო ბიარტურმა, — და არ მესმის, რაში მჭირდება კიდევ მეექვსე ანდა მეშვიდე გრძნობა?

— შენზე უკეთეს ხალხს ვიცნობ და ვიცი, რომ მათ სჯერა ბოროტისა და კეთილისა.

— ეგებ ასედაც იყოს. ვიცი, ვისაც გულისხმობ. უთუოდ იმ კაცს, ამ გა-
ზაფხულზე, მირში, სულ ერთთავად თქვენ რომ გიტრიალებდათ და მოჩვენე-
ბებზე ათასი ამბების როშვით გიტყუებდათ.

— ვის „თქვენ?“ — როზამ ქმარს შეხედა, ელამ თვალში ნააერწყალმა გაუ-
ელვა, — რას გულისხმობ მაგ ნართაულში?

ბიარტურმა ღიღინით დაიწყო ქვების ძებნა, რადგან მტკიცედ გადაწყვი-
ტა, ყავისთვის წყალი აედუღებინა. კიბეზე რომ ჩადიოდა, შემობრუნდა და
ცოლს ამოსძახა:

— განა მავანი მავანს არ ეკურკურებოდა? ჰაი, ჰაი, რომ არ გამიკვირდება
ეს.

თ ა ვ ი მ ე ხ უ თ ი

ს ა ი დ უ მ ლ ო

ერთი შეხედვით, თითქოს ბიარტურის მიერ წამოსროლილი ეს სიტყვები
გარკვეულ აზრს არ შეიცავდა, მით უმეტეს არც მრავალმეტყველი იყო, მაგ-
რამ, მიუხედავად ამისა, არაფერს ისეთი გავლენა არ მოუხდენია ახალგაზრდა
წყვილის ცხოვრებაზე ზაფხულის სავანეში, როგორც ამ ანაზღეულ ნართაულს,
განსაკუთრებით კი იმას, რა საბაბითაც ითქვა ზემოთ მოყვანილი სიტყვები.

— არა, — თქვა როზამ, — ეგ არ არის მართალი.

იგი ჭიუტად შებრუნდა კედლისკენ, საცოდავი და გულმოკლული.

— ვინ არის? — ჰკითხა ბიარტურმა.

— ეგ არ არის-მეთქი მართალი.

— შენს ადგილზე მე გულახდილად ვიტყვოდი.

— განა შენს ამბებს მიყვები?

— რატომ, შემძლია გაიმბო, დასამალი არაფერი მაქვს.

— სულაც არ მაინტერესებს.

— ასეთები ხართ დედაკაცები, ქორწილის დღემდე წყნარები, ჩუმები. რწყილს არ გააღვიძებთ, მაგრამ ამავე დროს, ვინ იცის, ვისთან რას აკეთებდით. ჩვენ, ქმრებს, სიყვარული კი არაა, მხოლოდ ნასუფრალი, ყვავ-ყორნისგან ნაჭიჯგბნი გვამის მსგავსი რამ გვრჩება.

— შენ თვითონ ვითომ ანგელოზი ხარ?

— ის ტინსტადალელი ხომ არ იყო?

— მიიდი და ჰკითხე.

— თუ ფიორდელი რეგვენი, ხენაში რომ გვეხმარებოდა?

— შეიძლება.

— იმედი მაქვს, იმ მუსუს მასწავლებელთან არ გექნებოდა საქმე, გილტი-იგელი სდენიკა რომ შეაყინა და ბუში გააჩენინა?

— იქნებ ჩვენი სამრევლოს ყველა მუსუსის ჩამოთვლას აპირებ?

— არც ეგ გამიკვირდება, თუ ყველასთან გქონდა საქმე. თავჩალუნული და კუდაბზეკილიო, ნათქვამია.

რისხვით ანთებული ქალი ზეზე წამოიჭრა და გაწიწმატებით შეჰყვირა:

— ღმერთთა მოწმე, იმას კი არ ვნანობ, რომ სხვადასხვებთან მქონდა საქმე, ვნანობ მას, რომ ცოლად გავყევი ასეთ კაცს, ვინც ცხვარს ადამიანზე მალა აყენებს, უძალოდ დარჩენა კი ყველაზე დიდ უბედურებად მიიჩნია. რა ღმერთი გამიწყრა, რატომ ქკუა არ მეყო და დღესვე უკან არ გავბრუნდი, ჩემს მშობლებთან.

— ოო, მე მაშინვე მივხვდი, რომ ბებერმა ალქაჯმა კი არ შეგაშინა, უკან გაბრუნება რომ დააპირე, — თქვა ბიარტურმა, — შენ გგონია, ჩემს ცხვირს იქით ვერაფერს ვხედავ? არ გეგონოს, თითქოს გამოძიებას ვაპირებდე და მინდა სიმართლე გამოგტყუო. გულთამხილობა არ არის საჭირო, რომ ქალს გაუუგო. ასეთი ზნისანი ხართ დედაკაცები, ისინი გიყვართ, ვისაც გასართობად უნდინხართ და მიჰყუებით იმათ, ვინც გეზიზღებათ.

— ტყუიხარ, — თქვა როზამ.

— აი, თურმე რატომ დადიოდი ამ გაზაფხულზე ისე გაბრუნებული, როცა ის ვაჟბატონი სასოფლო-სამეურნეო სკოლიდან დაბრუნდა. აი, თურმე, როგორ გესმის დამოუკიდებლობა, თავისუფლება. შენ გგონია ის ჩემზე კეთილშობილი შთამომავლობისაა, იმიტომ რომ მამამისმა წუწურაქობითა და ათასგვარი თაღლითობით დააგროვა ქონება? შიმშილით კუჭს იხმობდა, როცა მეთევზეობას მისდევდა, კუპრისა და ზეთის ქონის ნარევი საპოხის მაგვარი რალაციით იკვებებოდა, არაყს წყალს ურევდა და ამხანაგებში ასაღებდა, ამ გზით ნაშოვნი ფულით დაბეხრეკებულ ცხენებს ყიდულობდა, მერე ის ცხენები ბაზარში გასაყიდად მიჰყავდა, ჯაგლაგებს კულქვეშ მღოგვის საფენს დაადებდა და ცხენი

გაუხედნავ ურასავით ხტოდა. თუ ზოგს ბედმა გაუღიმა, რადგან თაღლითი დამევახზე მამა ჰყავს, ადვილად მიიჩემებს დიდკაცობას, რაღა დაუდგება წინ, ღამლამობით მოახლე გოგოებთან თავს შეიქცევს, მერე მთელი დღე ლოგინში გდია გამოსაძინებლად.

— ტყუიხარ, ტყუიხარ! — იმეორებდა გააფთრებით ქალი.

— ჰოდა, იმ ტარტაროზის გულისთვის ვღვრიდი ოფლს თვრამეტი წელიწადი, ჩემი ცხოვრების თვრამეტი საუკეთესო წელი იმას შევწირე, რომ ვაებატონს ჯიშინი ცხენები ჰყოლოდა, ესწავლა, ემოგზაურა, შენც იმ ტარტაროზის გულისთვის ითმენდი მამასახლისისაგან ლანძღვა-გინებას, მარდად გაინძერი, დროზე გაიტანე ღამის ქოთანით, რომ გიყვიროდა, ახლა ისღა მაკლია, იმისი ბუში გამოვზარდო ჩემს ჰერქვეშ.

ზაფხულის სავანელ ბიარტურს ისე შემოენთო ცეცხლი, ისე დაპკარვა გონება, რომ საწოლიდან გაშმაგებული წამოხტა და ნახევრად გაშიშვლებულ ქალს ხელის ერთი დავლებით ისე გადააძრო საბანი, თითქოს ესაა უნდა ეცეს და გაგუდოსო. დაფეთებულმა როზამ ლოგინში წამოიჩოქა, ხელები კისერზე შემოაჭლო ბიარტურს და ყველა წმინდანი დაიფიცა, რომ არც ერთს კაცს მისთვის ხელი არ დაუკარებია, იმას ხომ, არასოდეს, არასოდეს... ღმერთო, ყოველად ძლიერო, დამსაჯე, თუ ვტყუოდე! ვიცი, ეს ხუტორი დანავსულია და დაწყევლილი. აკი შეიდჯერ დაანგრია ეშმამ აქ სახლი. რა აზრი აქვს იმას, რომ ახალ ხუტორს ზაფხულის სავანე შეარქვე, თუკი ჩემი მოკვლა გადაგიწყვეტია, თუკი მოკლავ შენს ცოლს ქორწილის ღამეს და მის ძელებს კოლუმეილის მიუგდებ.

ცხარე ცრემლით მტირალი როზა ქმარს მანამ ემუდარებოდა შეწყალებას, ვიდრე ბიარტურს გული არ მოუღობა, მან ხომ იცოდა, რომ ქალი მამაკაცზე სუსტია. ბიარტურმა ერთი მწიკვი თამბაქო აიღო და დასაძინებლად დაწვა.

ჯვრისწერის ღამე, ღამე ზაფხულისა.

ასე დაიწყო ერთ ჰერქვეშ მათი ცხოვრება.

თ ა ვ ი მ ი ი ქ მ ს ი

ს ი ზ მ რ ე ბ ი

ყოველ დღით, გარიერაზე, როცა ბიარტური ღებოდა, როზას ისე მშვილად ეძინა, რომ ენანებოდა მისი გაღვიძება... ტანთ რომ იცვამდა, ცოლს დასცქეროდა და გუნებაში ამბობდა:

— ყვავილსა ჰგავს, ნამდვილი ყვავილია.

ბევრს უთმობდა როზას, ბევრი რამ შეუნდო.

და მაინც უყვირდა, რომ ასეთი უმანკო ძილით, მშვიდად მძინარე ქალს. უთუოდ სხვა მამაკაცები უყვარდა, ოღონდ ამაში არ უნდოდა გამოტყდომა. „ისეთი ჩუმი, მოკრძალებული ქალიშვილია, — ფიქრობდა უწინ ბიარტური. — თავდაპირველია, მოურიდებელი, კადნიერი მოპყრობის ნებას არავის აძლევს, ცოლად შევირთავ, მიწას ვიყიდი“. ჰოდა, ეს ქალი უკვე მისი ცოლია, მიწაც იყიდა და მერე რა გამოვიდა? ის, რომ ამ ქალს სხვა მამაკაცები უყვარდა, ოღონდ ამის შესახებ ძე-ხორცეულმა არაფერი იცოდა. როზა მხოლოდ მაშინ იყო ბედნიერი, როცა ეძინა. რომ გაიღვიძებდა, ბიარტური მის თვალეშში ძუღამ სასოწარკვეთილების და სევდის ჩრდილს ხედავდა, ერთი მხრივ, მის გაღვიძებას ამიტომაც ერიდებოდა. ხმას იშვიათად სცემდნენ ერთმანეთს, ზოგჯერ თვალსაც კი არიდებდნენ, თითქოს ოცი, ოცდახუთი წელიწადია ერთად ცხოვრობენ და ერთმანეთს ვეღარ ამჩნევენო.

ღილით, შინიდან რომ გავიდოდა ბიარტური, სახლის კუთხესთან გაუხვევდა, ანგარიშმიუტეველად, ძველი ჩვევის ძალით შებრუნდებოდა აღმოსავლეთით და პირკჯარას გადაიწვრდა. ფანჯრის ძირას, მიწაყრილზე მძინარე ტიტლა, პატრონის დანახვაზე ჩამოხტებოდა ძირს, ისეთი მზიარული ყუფით და კულის ქი-ცინით გაიქცეოდა მისკენ, თითქოს დიდი ხანია არ უნახავსო, გარს ურბენდა, წკაფწკაფებდა, ძუნძულით მისდევდა ფარების ბოლომდე, აცემინებდა, ცხვირ-პირს ბალახს უგლუსუნებდა. ყოველ დილას ასეთი ყოფით მიაცილებდა ხოლ-მე საძოვრამდე. ბიარტურმა უკვე თიბვა დაიწყო.

ალიონი იყო, სუსხავდა, ტბა საჩქევსავით ლაპლაპებდა, პატარა კუნძულ-ზე დედალ-მამალ გედს ბუდე გაეკეთებინა, იხვები და ყურყუმელები გუნდ-გუნდად დაცურავდნენ ტბაში, გარეულ იხვებსა და მექვავიებს უფრო ღრმა წყალი უყვართ, ბუდეს კი ნაპირზე იკეთებენ. ზოგჯერ გლეხი უნებლიეთ შეჩერდებოდა, თვალს მოსტაცებდა მამალი იხვების მდიდრული ბუმბული, რდგა და უყურებდა მათ. აღმოსავლეთიდან რამდენიმე ღალლა მოფრინდა, დაი-ნახეს ბიარტური და ხმამაღალი ჟრიკრიკით მიესალმნენ. ტბის ნაპირას ზღვის მერცხლები კვერცხებზე ისხდნენ და მატლებზე ოცნებობდნენ. ხშირი ბალახი-დან გარეულ ბატებს ამოეყოთ თავი, წყვილ-წყვილად, მედიდურად დააბო-ტებდნენ ტბის ნაპირზე. „ფრინველები აღამიანზე ბედნიერები არიან, მათ ფრთები აქვთ. ნაცარა ბატო, მათხოვე შენი ფრთები“. მარტო ჩომგა კიოდა შესაბრალისად, ეს აბეზარა, მუდო ფრინველი. საფხულის სავანელმა ბი-არტურმა ცელი აიღო და თიბვა დაიწყო.

პირველ წუთებში, მთელ სხეულში რალაცინიერი მოთენთილობა იგრძნო,

ჰკლავი ისე აღარ უპირდა, მუხლი ისე აღარ მოსდევდა, როგორც ამ თორმეტი წლის წინათ, მძიმე საქმეს არაფრად რომ არ აგდებდა, მაშინ არც ძილი ახსოვდა, არც დასვენება. საუზმეს ჩვეულებრივ მინდორში ჰამდა ცელის ტარზე დაყრდნობილი. ეს უკანასკნელი ხუთი წელია, რაც იგრძნო, რა არის დადლა. ახლა დიდი დროებით ხან სად გაჰკრავს ტყვილი, ხან სად, ხან გვერდი ჩხვლეს, ხან წელი სტესს. მაგრამ ასე იყო თუ ისე, ბიარტური უკვე მიწის კანონიერი მფლობელი გახდა. ამის შესახებ თინგზეც კი გამოაცხადეს. ნაწილ-ნაწილ უნდა იხადოს მიწის საფასური, ვალიდან თორმეტი წლის შემდეგ განთავისუფლდება, როცა უკანასკნელ კაპიკამდე გადაიხდის, ამ დროისათვის მუშაობის ოცდაათი წელიწადი შეუსრულდება. დიახ, ბიარტური თავის პატარა სახელმწიფოს მეფე გახლავთ, საუცხოო ბუმბულით შემოსილი, წყრი-ალა ხმით მგალობელი ფრინველები მისი სტუმრები არიან. შინ მის ცოლს სძინავს, მის საკუთარ, კანონიერ ცოლს, მიუხედავად იმისა, რომ უწინ, ადვილი შესაძლებელია, ვიღაც სხვა ფლობდა ამ ქალს და ბიარტური პირველი მამაკაცი არ იყო მისთვის. დიდი დროებით ბიარტური თავის აზრებს ლექსავდა, ოღონდ ამ ლექსებს არავის უკითხავდა. ამ დროს ტიტლა ჰაობში ფრინველების დაფრთხობით იქცეოდა თავს, ზოგჯერ ისე იმარჯვებდა, რომ ტყის ქათამს ან ბეკასს დაიჭერდა და ნადავლს იქვე შესანსლადა, მერე ჩაჯდებოდა ბალახში და ტანს ილოკავდა, ხან ყურაქცევტილი გაჰყურებდა სივრცეს, ბოლოს ბურცოზე მოიკალათებდა, გორგალივით დაეხვეოდა და ჩასთვლემდა. მზე მალა-მალა იწევდა, ჩრდილი ილეოდა, შუადღისას ხშირად ცაზე ღრუბლები დაიგრანებოდა, ხეობაში ცივი, ნოტიო ქარი დაქირქილებდა. საუზმის ეამ-მაც მოატანა, დღის ყველაზე უკეთესი დრო უკვე წავიდა. ერთი დღია მეორეს არა ჰგავდა, ყოველი დღია ახლებური იყო და რაც მეტი დრო გადიოდა, თანდათან წყდებოდა ფრინველთ გლობა, ბლაუფიედილიც ელფერს ჰკარგავდა. დღე ზრდადამთავრებულ აღამიანს ჰგავდა, დღია კი მუდამ ნორჩი იყო.

ბიარტური ოცნებობდა, რომ შინ მისულს ცოლი ალერსიანად შეეგებებოდა, ყავას დაახვედრებდა და იქნებ მზეზე ან ქარბუქზე შეთხზული მისი ახალი ლექსების მოსმენასაც მოიწადინებდა, მაგრამ, როგორც ჩანს, ქალი შეუძლოდ იყო, ყოველ შემთხვევაში, ისე კარგად ვერა გრძნობდა თავს, რომ ლექსების მოსმენის ხალისი ჰქონოდა, გარდა ამისა, პოეზიისაც არაფერი გაეგებოდა.

ბიარტურმა საზაფხულო ჭრელი კაბა უყიდა როზას, მაგრამ ქალი თითქოს ჯიბრზე სულ ტილოს კაბას იცვამდა, უწინ, უტირედსმირში ძროხების წველისას რომ ეცვა ხოლმე, ან შალის ქვედატანსა და დაკერებულ კოფთას ამოიჩემებდა და აღარ იხდიდა. სულ შეუძლოდ იყო, სულ რაღაც აწუხებდა, ხან თავბრუს ეხსმოდა, თანაც ისე ძლიერ, რომ უსათუოდ უნდა ჩამჯდარიყო რამდენ-

ნიმე წუთით. ხან გული ერეოდა. დილით ცოლ-ქმარი ერთად სვამდა ტკბილ ყავას, ჰამდნენ ქერის პურს. უწინ როზა გამრჩე, მარჯვე მუშა იყო, ახლა კი, ხშირად დაეყრდნობოდა ფოცხს და ღიბხანს იღგა გარინდებული.

— რა გაფითრებული ხარ! — ეტყოდა ბიარტური.

როზა ხმას არ იღებდა.

— აბა, უფრო ცოცხლად გაინძერი, — ისევ გაეხმიანებოდა ბიარტური.

ქალი ტუჩს იკენეტდა, ხმას არ იღებდა. საუზმის დრო რომ მოახლოვდებოდა, როზა ერთი საათით ადრე მიდიოდა შინ, თევზის მოსახარშად, მაგრამ ვერაფრით ვერ ახერხებდა ქურის ანთებას და ქმრისთვის ცივი თევზი, შავი პური და ყავა მიჰქონდა მინდორში.

— მაგ ოხერ შაქარს რისთვის ზოგავ, ყაირათს რად ეწევი, — ბუზღუნებდა ბიარტური. ტკბილეულობაზე ჩვეულებრივ აგდებულად ლაპარაკობდა.

ნასაუზმევს ბიარტური მდინარის ნაპირას წამოწვებოდა ხოლმე რამდენიმე წუთით. როზა კი იჯდა ჩაფიქრებული და ხავსს ძიძგნიდა.

კვირა დღეს ბიარტური ან მთაზე ადიოდა ფიჩხის მოსაგროვებლად, ან საკუთარი სიამოვნებისთვის ცხვრების დასახედალ იალაღზე მიდიოდა. ერთი შეხედვით არჩევდა, რომელი ცხვარი ვისი იყო, ან რა ჯიშისა. გარდა ამისა, სიამოვნებას ჰკვირდა ხეობაში დიდი ქვების გადაგორება.

როზა ნაკადულის ნაპირას ქვემო ჭორომთან რეცხდა სარეცხს. ერთ კვირა დღეს ბიარტურმა ძალიან დაიგვიანა, საღამო ხანს დაბრუნდა შინ და სიხარულით გაბრწყინებულმა ჰკითხა ცოლს, თუ მიხვდები, რა ვნახეო. თურმე წყაროს მახლობლად, სამხრეთ მხარეს, თავისი თეთრა ცხვარი ნახა, მშვენიერი ბატკანი მოუგია.

— სანაძღოს დავდებ, რომ ბატკანი შემოდგომამდე ისე გაიზრდება, ოცდაათ გირვანქას მაინც აიწონის.

მაგრამ როზას სიხარული არ გამოუმჟღავნებია.

— კარგი ჯიშისაა, გულმუნდურის ჯიშის, — განაგრძო ბიარტურმა, — ამ ჯიშის ცხვარი მაწანწალა როდია, უაზროდ არ დაბორილობს აქეთ-იქით. არა, რაც სჭირდება ადვილად პოულობს და შორს არ მიდის. ჰკვიანი პირუტყვია, უსათუოდ უნდა გავიჩინო ამ ჯიშის ერკემალი.

— მაშ სწორედ ეგ არის შენთვის შესაფერი ჯიში, არა? — ჩაილაპარაკა როზამ.

— რაო? — ჰკითხა ბიარტურმა.

— არაფერი, კარგია-მეთქი, — უპასუხა როზამ.

როზა არ იზიარებდა ქმრის სიხარულს, გულგრილად ხვდებოდა მის ყოველ სურვილს, განზრახვას და თავის საფიქრალს ფიქრობდა.

— ბიარტურ, — წამოიწყო ცოტა ხნის დუმილის შემდეგ როზამ, — ხორცი მინდა.

— ხორცი? — გაიოცა ბიარტურმა. — ამ შუა ზაფხულში?

— ნერწყვი მომდის, ცხვარს რომ ვხედავ.

— ნერწყვი? — ისევ გაიოცა ბიარტურმა. — ყელი ხომ არ გტკივა?

— ამ დამარილებული თევზით ძალსაც ვერ დაანაყრებ.

— ჩემო ძვირფასო, თუ ატყობ, რომ ამ ბოლო ხანებში ძალზე უცნაური გახდი?

— რედსმირში კვირაში ორჯერ გვაკმევდნენ ხორცს.

— გთხოვ, მეორედ აღარ გამახსენო ის ოხერი ცხენის ხორცი.

— კვირა დღეს მულამ ცხვრის ხორცს გვაკმევდნენ, ზაფხულშიც კი არც ცხენის ხორცია ურიგო, გემრიელია.

— მოჯამაგირეებისათვის მხოლოდ ბებერ ცხვრებსა და ჯაგლაგებს ჰკლავდნენ. ასეთი ხორცი იმათთვისაა კარგი, ვისაც სხვა გზა არა აქვს და იძულებით ემსახურება ვინმეს.

— უკეთესი სადღაა?

— თავისუფალი კაცი თევზითაც დაკმაყოფილდება. დამოუკიდებლობა ყველაფერს სჯობია.

— ღამლამობით სულ ძებვი მელანდება. ვხედავ, ქვაბიდან ვიღებ ცხელ-ცხელს, ქონი ჟონავს, წვეთავს... ხან ჯიჯრის ძებვი მესიზმრება, ხან ცვრიანი... იესო მაცხოვარო, მიშველე.

— ძებვი ავდრის მომასწავებელია, — აუხსნა ბიარტურმა, — ქონი კი დარის. ეტყობა, გამოიღარებს. იქნებ კარგმა დღეებმა გასტანოს, ვიდრე თიბვას დავამთავრებდეთ.

— რძეც ხშირად მესიზმრება.

— რძე? თოვლი ამ შუა ზაფხულში?

ეს სიზმარი კი ამოუხსნელი დარჩა ბიარტურისთვის.

— ამას წინათ დამესიზმრა, თითქოს რედსმირში ვარ, საკუქნაოში, სებარა-ტორში ვატარებ რძეს, ერთი მილიდან მოხდილი რძე გამოდის, მეორედან ნალები. ისე მეჩვენებოდა, რომ ნალები პირდაპირ პირში მელვრებოდა.

— რა ძალა გადგას, რად ფიქრობ ძილში მოლანდებულ სისულელებზე. არაფერსაც არ ნიშნავს ეგ შენი სიზმრები, — უთხრა ბიარტურმა ცოლს და გადაწყვიტა ყურადღება აღარ მიექცია მისი სიზმრებისათვის.

— დღისითაც, როცა არ მძინავს, ვზივარ და სულ რძე მელანდება. მინდორში მუშაობის დროსაც სულ რძე და ხორცი მიდგას თვალწინ.

ბიარტური ჩაფიქრდა და, ბოლოს უთხრა:

— ჩემო კარგო როზა, ჩანს გულის საქმე ვერა გაქვს კარგად.
— ბიარტურ, მითხარი, ნუთუ არ შეგვიძლია ძროხის ყიდვა?
— ძროხის? — გაიმეორა საგონებელში ჩავარდნილმა ბიარტურმა. —
ძროხის?

— ჰო, ჰო, ძროხის ყიდვა! — ჯიუტად გაიმეორა როზამ.

— ჩემთვის უკვე ცხადია, რომ გულის ავადმყოფობა დაგეწყო. განსვენებულ დედაჩემსაც ასე დაემართა. რაღაც უცნაური, ახირებული სურვილები აეკვიატა, ბოლო ხანებში კი სულ რაღაც ხმები ესმოდა. ჯერ ექიმბაში მოეუყვანეთ, იმან რომ ვერ უშველა, მერე ექიმს მივმართეთ. მოკლე ხანში თუ არ გაგიარა, მითხარი, ვიდრე გვიან არ იქნება, ექიმ ფინსენს უფრო მაგარ წვეთებს გამოვართმევ შენთვის.

— წვეთები მე არ მესაჭიროება, მე ძროხა მინდა.

— მერე სადა გვაქვს ძროხისთვის საძოვარი? მგონი საკუთარი თვალით ხედავ, ამ ოხერ ბორცვზე რამდენი ბალახია, მოშიშვლებულ ბურცოებსაც ყოველდღე ხედავ ბალახის თიბეისას. საიდან მოვიტანოთ ძროხის საყოფი თივა?

— მდინარის ნაპირები ისლითაა დაფარული.

— ვინ მოთიბავს, ვინ მოიტანს? სახლამდე რით მოვზიდოთ? იქნებ გგონია, რომ მდიდრები ვართ. არა, შეძლება ჩვენ არ გავაჩინა, ახლა გავზდით ხუტორის მფლობელები. საიდან გავაჩინოთ ძროხის საყიდელი ფული? შენს ჭკუაზე ხარ, როზა?

— მე კი მეგონა, რომ შენ თავისუფალი ხელმწიფე ხარ, — მიუგო ქალმა.

— დამარილებული თევზი ცოტა გვაქვს, თუ რა არის? ჩვენ, ჩვენი თავის ბატონ-პატრონები ვართ, საკუთარ ხუტორში ახლა ვიწყებთ ოჯახის მოწყობას. რედსმირელი მოჯამაგირეებივით დამპალ თევზს ხომ არა ვჭამთ? დამარილებულ, სურნელოვან ქარიყლაპიას შევექცევით. კარტოფილი დიდი ხანი არ არის, რაც გავვითავდა. პური საემოდ გვაქვს, არც შაქარი გვაკლია. რა ჩემი ბრალია, თუ ჭკავის ფქვილის გაღებები დაგიობდა. ხანგამოშვებით უნდა გეჭამა, შენ კი დააობე. გაღეტი ხომ ნამცხვარია, შემოტანილი ნამცხვარი. ჩემო ძვირფასო.

— მამაჩემი სამ ცხენს გვათხოვებს ისლის გადმოსაზიდად.

— მათხოვრობას არ ვაპირებ, უკიდურეს გასაჭირში თუ არ ჩავვარდი, ისე არავის არაფერსა ვთხოვ. ჰოდა, მოდი მოვრჩეთ ამაზე ლაპარაკს ერთხელ და სამუდამოდ. ასეთ მიყრუებულ ხეობაში მცხოვრები გლეხისთვის ფუჭი საქმეა ძროხაზე ოცნება. ჩვენი საქმეა ცხვრის მოშენება, ჩვენი კეთილდღეობა ამაზე არის დამოკიდებული, კმარა, სისულელეების ყურის გდება აღარ მინდა.

— ბავშვი თუ გვეყოლა, მაშინ?

— ჩემი შვილი დედის რძით გამოიკვებება. ძუძუთა ბალლი რომ ვიყავი, თევზის ქონში გაქნილ, დამარილებულ, მოხარშულ თევზს მაჭმევდნენ თურმე საწოვარათი და მინც ხომ ხელავ, გავიზარდე.

როზამ შიშით შეანათა ქმარს თვალები, თავის ჭკუაზე აღარ იყო. ბიარტური შეცბა და თითქოს აბოდიშს უხდისო, ჩაილაპარაკა:

— თვითონაც კარგად იცი, რომ ჩვენთვის ყველაზე მთავარი ვალის გადახდაა. ბატკნების უმეტესი ნაწილი მამასახლისის ვალის გასტუმრებას შეეწირება. ჭკუიდან გადასული უნდა იყო კაცი, რომ ასეთ დღეში მყოფმა, კიდევ თავადებით, დაუფიქრებლად ახალი ვალი დაიდო, დაკლა ცხვრები ძროხის გულისთვის. მომავალ წელს, ჩემო ძვირფასო, პატარა ბოსტანს გავიშენებთ. და მან ისე დაჰკრა მხარზე ხელი ცოლს, თითქოს ცხენიაო.

თ ა ვ ი მ ი უ ვ ი დ ე ა

გ უ ლ ის ღ ა ა ვ ა დ ე ბ ა

უქეიფობამ თანდათან უფრო დარია ხელი როზას. და ბიარტურმა გადაწყვიტა, წავალ, ფინსენს წამალს გამოვართმევო. საღამოობით როზა ქმარს დამარილებული ცივი თევზითა და პურით უმასპინძლდებოდა, თვითონ კი შვრიის ფაფას ჭამდა. ფაფის მოსახარშავად ქურაში ცეცხლს რომ დაანთებდა, ოთახი კვამლით ივსებოდა, ფიჩხი ნედლი იყო, ცეცხლი ვერ ჩაღდებოდა. ბიარტური ფხას აცლიდა თევზს, ერთ ნაჭერს მეორეზე დებდა, თითქოს ბუტერბროდს აკეთებდნენ, თან ცერად გაჰყურებდა ცოლს. ამ ერთი წლის წინათ როზა ლოყაწითელი, ხალისიანი ქალიშვილი იყო, საღამოობით ირთვებოდა, კოპწიაობდა, თუ რამე სასაცილოს დაინახავდა, წკრიალა ხმით კისკისებდა. ახლა გათხოვილი ქალია, ხამი ტილოს ძველ კაბას, უწინ ძროხების წველისას რომ იცვამდა, აღარ იხდის, დაჟღავნა ლოყები გაეცრიცა, სახე ჩაეთეთქვა, თვალში სხივი ჩაუქრა, ტანი უფორმო გაუხდა. ასე ანაზღად დაჰქნა ეს ყვავილი. მერედა რატომ? განა აკლდა რამე? თევზი გინდათ, პური თუ ბურღული, უხვად ჰქონდა. შემოტანილი კარტოფილი და გლეტები დიდი ხანი არ არის, რაც გაუთავდათ. გლეტი ხომ შემოტანილი ნამცხვარია. „კაცი იფიქრებს, რომ ვიღაცის სიყვარული ჰკლავს“, — ისე ჩაილაპარაკა ბიარტურმა, თითქოს თავის თავს ელაპარაკებო. დეე, გაიგონოს, არაფერია. ერთი რამ ნათელი იყო მისთვის: ცოლი იმდენად ვერ იტანდა, რომ დასაძინებლად მაშინ წვებოდა, როცა ბიარტურს

ეძინა. თუ ამ დროს ბიარტურს გაეღვიებოდა, ხელად ზურგს შეაქცევდა, თუ ბიარტური ყურში რამეს ჩასჩურჩულებდა, როზა ისეთ სახეს მიიღებდა, ვითომ ვერ გაიგონაო და მკედარივით გაუნძრევლად იწვა ლოგინში. როზას ასეთი საქციელი ძალზე აწუხებდა ბიარტურს, დაღონდა, დამძარდა, რაღაც სისუსტე მოერია, თითქოს დაქანცული იყო და გულში ილანძღებოდა: ცხოვრების თვრამეტი საუკეთესო წელი მამასახლისსა და მის ოჯახს შესწირა, ჯანი მათ შეაღია და ახლა, როცა დამოუკიდებლობა ეღიოსა, ვერ ტყბებოდა ცოლქმარული ბედნიერებით. იმ დამეს ბიარტურს გაცოფებული ძროხა ესიზმრა, ისე შეეშინდა, როგორც ბავშვობისას შეშინებია რამის. თვალი გაახილა და ძილ-მღვიძარემ ჩაილაპარაკა: „ძროხის ყიდვას სიკვდილი მირჩევნია“. მას მერე, დილით პირჯვარს რომ გადაიწერდა და იტყოდა: „სახელითა მამისათა და ძისათა!“ თან დაატანდა: „ძროხის ყიდვას სიკვდილი მირჩევნია. უკუნითა უკუნი სამდე, ამინ!“

როზა ფაფას აკეთებს, უმატებს და უმატებს ქურაში საწვავს, ფიჩხს ტკაცატყუცი გაუღის, კვამლიც მატულობს, ბოლქვეზად გამოსჩქეფს ქურიდან.

— მოუფრთხილი ფიჩხს, ძვირფასო, — ეუბნება ქმარი.

ქალი ყურს არ უგდებს ქმარს, კიდევ უმატებს ფიჩხს.

— რა მენალვლება, შენვე მოგიწევს ფიჩხის მოგროვება, ჩემო ძვირფასო. როგორც იქნა, ფაფა მოიხარშა. როზამ ჯამი პირთამდე აიღვსო. ნუთუ ამდენ ფაფას შეჭამს? როზამ მაგიდის უჯრაში ჩაპყო ხელი, მოიტეხა დიდი ნატეხი შექარყინული და ფაფას შეატანა. ბიარტური ცერად გაპყურებს ცოლს, უკვირს, როგორ შეუძლია შექარყინულის და ფაფის ერთად ჭამა. განა შექარყინული ენანება მისთვის? პირიქით, ეამაყება კიდევ, რომ მისი საკუთარი ცოლი ჭამს მის საკუთარ შვრიის ფაფას, თუნდაც შექარყინულით. მაგრამ როცა როზამ ისევ დაავლო ჭეაბს ხელი, ჯამი ისევ გაიღვსო და შექარყინული ჩამოტეხა, ბიარტური შეშფოთდა. ფაფით პირთამდე საესე ორი ჯამი მოაღარეილა! ამას ჭამს ქალი? თან შექარყინულს ატანს? სულ უფრო აოცებდა როზას ახირება, რასაც იგი გულის დაავადებას მიაწერდა. გუშინ როზას ხორცი და რძე მოეპრიანა, ღღეს ორი ჯამი ფაფა შეჭამა შექარყინულით, ვინ იცის, ეგებ ხვალ სპილო მოეხასიათოს! ბიარტურს არაფერი უთქვამს ცოლისთვის და როგორც წესად ჰქონდა, როცა მძიმე მდგომარეობაში ჩავარდებოდა ხოლმე, ორმაგრითმიანი ლექსების ბუტბუტი დაიწყო თავისთვის, მერე ლილინით განაგრძო კითხვა, მახვილს შინაგან რითმაზე სვამდა. ეს გახლდათ მისი სულის მონოლოგი. ნავაზშმევს როზამ გასარეცხი წინდები მოკრიბა და ნაკადულისკენ გასწია. ბიარტური კი დასაძინებლად დაწვა.

მეორე დღით, როცა ბიარტურმა გაიღვიძა, როზა ლოგინში აღარ დახვდა. ძალზე ეუცნაურა ეს, სწრაფად ჩაიძვრა და სახლიდან გავიდა.

— როზა! როზა! — ყვიროდა ხუტორის წინ, მოედანზე მდგარი ბიარტურა. შემოიბრინა მთელი ხუტორი, მთის მხარეს გასძახა: „როზა!“ მაგრამ ლამაზ სახელს როდი გაეხმინა მთა. შუე ამოვიდა, მიწაზე ზოლებად გაწვა ჩრდილი და პატარა ხუტორი სასახლედ აქცია. დასავლეთი კი ჩაბნელებული იყო. ზაფხული უკვე მიიწურა, ჩიტებმა უკვე იგალობეს თავისი ყველაზე დამატკბობელი სიმღერები, მოკლედ, აჩქარებით უსტვენდნენ, თითქოს ახალა გაიგეს, რა არისო დრო.

— ტიტლა! — დაიყვირა ბიარტურმა. ძალი არ გამოჩნდა, არც მიწაყრილზე იყო, სადაც ჩვეულებრივ იძინებდა. როგორც ჩანს, ტიტლამაც უღალატა ბიარტურს. რაღაც უბედურება მოხდა, მაგრამ ბიარტური არ დანებდებოდა, მან მთას მუშტი მოუღერა, დაემუქრა და ისევ ტიტლას გასძახა. რიგრიგობით უძახდა ხან ცოლს, ხან ძალს. გინდაც ამკუწონ, არ დავენებდები. როზა! ტიტლა! გინდაც ამკუწონ, არ დავენებდები! — ბუტბუტებდა ბიარტური.

უცებ ჭაობის დასავლეთით გაისმა ტიტლას ყეფა. ძალი წკაპწკავით მოარბოდა უღელტეხილის მხრიდან. ბიარტური ძალისყენ გაიქცა.

— სადა არის? — ჰკითხა ძალს.

ტიტლა ტალახში ამგოგანგლულიყო, ენაგადმოგდებული მძიმედ სუნთქავდა, ზედ მკერდზე შეაბობლდა ბიარტურს და დაღებულ პირი პირდაპირ სახეში ატაკა, მერე შებრუნდა და იმ მხარეს გაიქცა, საიდანაც მოვიდა, პირდაპირ ჭაობში, ბლანტეში შეტოპა. ბიარტური უკან გაჰყვა, დროდადრო ძალი ჩერდებოდა და პატრონს ელოდა, როცა ბიარტური დაეწეოდა, ისევ მოწყდებოდა ადგილს და გარბოდა. ტიტლა გონიერი ძალი იყო. მზეს ღრუბელი გადაეფარა, უცებ აგრილდა, გაავდრებდას აპირებდა. ტიტლა გარბოდა, გზას უჩვენებდა პატრონს, ბიარტური ფეხდაფეხ მისდევდა. უღელტეხილზე შედგნენ, ყორღანთან, ასეული წლების წინათ გარდაცვლილი ქალის საფლავთან.

აღლომ არ უღალატა ტიტლას, ბიარტურის ცოლს ყორღანის ძირში, ბალახზე ეძინა. ისევ ის ძველი, ხამი ტილოს გაცვეთილი კაბა ეცვა, თავზე თავშალი წაეკრა, წინდები ჩაჩაჩოდა, მუხლამდე ტალახში იყო ამოსვრილი, იმ მაწანწალა დედაკაცივით, უღელტეხილზე რომ იპოვეს მკვდარი, თავქვეშ ფუთა ჰქონდა ამოდებული. ბიარტურმა ცოლი გააღვიძა. როზამ შემფოთებით მიმოიხედა, კბილს კბილზე აცემინებდა, კანკალებდა. ბიარტური დაელაპარაკა, ქალმა ხმა არ გასცა, წამოდგომა დააპირა, მაგრამ ვერ მოახერხა. ნუთუ მოჩვენებებმა მოათრეის აქ მძინარე?

— რა მოგვივინდა, როზა, სად მიდიხარ?

— გამეცალე!

— მძინარე მოხვედი აქ?

— მომშორდი!

— ძალით ხომ არავინ წამოგაყვანა?

მიუხედავად იმისა, რომ ბიარტური ცრემორწმუნე არ იყო, ლამის გაიფიქრა, მოჩვენების ხელი ხომ არ ურევია ამ უცნაურ ამბავში. როზა წამოაყენა, წინდები აუწია, გათოშილი ქალი სიცივისაგან ძაგძაგებდა, ლაპარაკი უჭირდა, სისუსტისაგან მუხლი ეკვეთებოდა. ბიარტურმა ბილიკზე გაიყვანა.

— აბა, ფეხზე დადგომა სცადე, ჩემო ძვირფასო, — უთხრა ბიარტურმა.

— ისე მინდოდა რძე, რომ... — ჩაილაპარაკა როზამ.

— დიახ, ჩემო ძვირფასო, ეგ სულ გულის დაავადების ბრალია, — უპასუხა ბიარტურმა.

მაშ ასე, როზა უტირედსმირში მიდიოდა რძის სათხოვნელად, შემთხვევით ისარგებლა, და ბარემ, გუნვერის წინაშეც მოვიხდი ვალსო, იფიქრა.

მაშასადამე, ავ სულელებს არ შემოუტყუებიათ აქ, თუ სათვალავში არ ვაგდებთ იმ ავ სულს, რომელიც მის გულში ბუღობდა. რძე მოეპრიანა! ზაფხულის სავანის შემპატრონის ცოლი სხვის ხუტორში წავიდა რძის სათხოვნელად? არა, ბიარტურს ამის გაგონებაც არ უნდა.

— მათხოვრობას არც ვაპირებდი, — თქვა როზამ.

— ეგ რა გაქვს მანდ? — ჰკითხა ბიარტურმა.

როზამ ხელი დაავლო თავის ფუთას და ილღიაში ამოიჩარა, თითქოს ეშინოდა, არ წამართვანო.

— ჩემია, — თქვა ქალმა.

მაგრამ ბიარტური არ მოეშვა, მითხარი, რა მიგაქვსო და გამოირკვა, რომ როზას ფუთაში თავისი საკუთარი ცხერის — კოდლას მატყლი ჰქონდა გამოკრული. კოდლა როზას საკუთრება იყო, ოცდაექვსი წლის მანძილზე მძიმე შრომით მონაპოვარი. როზას უნდოდა ეს მატყლი მიეცა უტირედსმირის დიასახლისისთვის ერთ ბოთლ რძეში, მაგრამ უღელტეხილს რომ მიაღწია, ღონე უმტყუნა, ფეხებში ძალა გამოეცალა, ქვა დადო გუნვერის ყორღანზე და იქვე დაეძინა.

— მომავალ ზაფხულს ექვს-შვიდ ცხვარს გამოვარჩევთ და წველას დავიწყებთ, — უთხრა ბიარტურმა.

ღონემიხილი ქალი ცუდად გახდა, ღებინება დააწყებინა. ბიარტურმა თავი დაუჭირა. ამასობაში გაწვიმდა კიდევ. ჰერ კანტიკუნტად ცვიოდა წვეთები, მერე უმატა. როზას მთლად გამოეცალა ძალ-ღონე, უკვე კოკისპირულად

დაუშვა და ბიარტურს ხელში აპყავდა ცოლი, როცა გუბე ან ბლანტი ჰაობი ჰქონდათ გადასავლელი.

— ნუთუ დიდხანს გასტანს ავდარი? — თქვა ბიარტურმა, — ცა თუ მოიწმინდა, არა გვიშავს რა, მაგრამ თუ ზღვაურმა დაგვექროლა, კარგა ხანი გადაულეებლად იწვიმებს და ხეირი არ დაგვეყრება.

ზოგჯერ ავდარი გლეხის რამდენიმე დღის ნაშრომს მიწასთან ასწორებდა. ცის ცვალებადობის წინასწარ განჭვრეტა შეუძლებელი იყო. ხუტორელები-სათვის ეს გახლდათ თავისებური მსოფლიო ომი. ბიარტური მხედართმთავარივით მეთაურობდა და არმია ემორჩილებოდა — პატარა არმია, ყველაზე პატარა, როგორც კი მსოფლიო ომის ისტორიას ახსოვს, ზორცს, რძეს, ნოყიერ საყვებს წონატრებული.

ბალახის ხორომებად შეეკრა ვერ მოასწრეს, ცამ ისევ მოიხსნა პირი.

ერთ ასეთ წვიმიან დღეს, როზამ ტბის ტოტის მახლობლად მოაქუჩა თივა და უცებ თვალი ჰკიდა ისლით, შლამით და ჭუჭყით სავსე ტოტში რაღაც ცოცხალი მოძრაობდა, იკლანებოდა. როზამ ფოცხის ტარი მოსდო და წყლიდან ერთი წყრთის სიგრძე გველთევზა ამოაგდო. გველთევზა ზევით აიჭრა, თავს გადაუარა ქალს და მის უკან დაეცა, უზარმაზარ ჭიკაყელასავით იკლანებოდა მოთიბულ ბალახში. ქალში მონადირის ინსტინქტმა გაიღვიძა. ეს ხომ ძევზა იყო და, ბუნებრივია, ხმელეთზე ცუდად გრძნობდა თავს. როზას ბიარტურისა ეშინოდა, იცოდა, ის არ მოუწონებდა ამ საქციელს, გაიცხავდა. მაგრამ მაინც გადაწყვიტა, ხელიდან არ გაეშვა ნადავლი. ამოიღო ჯიბის დანა, დასწვდა გველთევზას. გველთევზა იკლანებოდა, უსხლტებოდა, ხელზე შემოეწნა. მაგრამ როზამ იმარჯვა და დანით შუაზე გადაჭრა. ახლა ორი გველთევზა ჰქონდა, ორივე სხვადასხვა მხარეს მისრიალებდა და როზამ გაჭირვებით დაიჭირა. როგორც ექნა თავშალი მოიხსნა, შიგ გამოკრა თევზის ორივე ნაწილი და ფუთა ბურცოზე შემოღო. ფუთა სადამომდე გაუჩერებლად ირხეოდა. როცა როზამ ვახშმის გასამზადებლად შინ დააპირა წასვლა, ფუთა ბურცოდან ძირს ჩამოგდებული დახვდა.

— ჩემო კარგო, სულ არ უფრთხილდები საწვავს, მაგ სისამაგლეზე ხარჯავ, — უთხრა ბიარტურმა და საყვედურით შეხედა ცოლს, რომელიც მისი აზრით გულით ავადმყოფი იყო. გველთევზას ნაჭრები ქვაბშიც იკრუნჩხებოდნენ, რგოლებად იხვეოდნენ, ვიდრე არ მოიხარშა. როზამ მოხარული თევზი ქვაბიდან ამოიღო და ქმარს ჰკითხა:

— გინდა თევზი?

— რა ეშმაკად მინდა! ფუი, ჭიის ჭამას დავიწყებ სწორედ. ეგ ხომ წყლის ჭიაა.

— ეგრე იყოს, მე უფრო მეტი დამრჩება, — უპასუხა როზამ და ჭამას შეუდგა. ქმარი ზიზლით უყურებდა, ვერ გაეგო, როგორ შეეძლო ასეთი სისაძაგლის პირში ჩადება.

როზამ გველთევზა სულ შექამა.

— უთუოდ ელექტრული გველთევზაა. რაღა ეგ და რაღა ზღვის რომელი-მე ურჩხული. შენ კი არხეინად შეექცევი, ვითომც აქ არაფერიაო.

— დიახ, — უპასუხა როზამ და ახლა თევზის ნახარში დაისხა.

— მართალი გითხრა, ვერასოდეს ვერ წარმოვიდგენდი, თუ ჩემი ცოლი ასეთ სისაძაგლეს პირს დააკარებდა, როცა შინ ყველაფერი უხვად აქვს.

— მართალს თუ ვიტყვი, სისაძაგლე ეგ შენი დამარილებული ქარიყლა-პიაა, მთელი ზაფხული რომ მაქმევე, — უპასუხა როზამ.

ბიარტურმა გადაწყვიტა, არ აპყოლოდა ცოლს, ის ხომ გულით ავადმყოფია, არ უნდოდა ძილის წინ წაჩხუბებოდა. ტანთ გაიხადა. იქეჭებოდა, დუღუნებდა ლექსებს გონგუროლფზე, მეზღვაურ გრიმურზე*. ბოლოს დასაძინებლად დაწვა.

თ ა ვ ი მ ე რ ვ ა

ხ ო რ შ ა პ ი

გამოიღარა, მაგრამ ჩრდილოეთიდან ისე მძაფრად დაჰბერა ნაპირის ქარმა, რომ მშრალი ამინდი გულს აღარ უხარებდა ცოლ-ქმარს. ქარი თივას ხელიდან გლეჯდა მათ, აქეთ-იქით ფანტავდა. ნაწილი თივისა მოუთიბავ ბალახს შოედო, ნაწილი წყალში ჩაცვივდა. სამი კვირის ნაშრომი გაატიალა ამინდმა. ბიარტური და როზა სამი დღე აგროვებდნენ გაფანტულ თივას, პატარა-პატარა ზვინებს აწყობდნენ. ბოლოს ქარი ჩადგა და ცაზე კვლავ დაიგრაჯნა ღრუბლები. ზაფხულის საუკეთესო დრო წავიდა, თავი უნდა გადაეკლათ და რაც შეიძლება მალე გადაეზიდათ თივა ეზოში, ვიდრე გაავდრდებოდა. არა, მუცლის ამოსავსებად საკმელის კეთებაზედ დროს ვედარ დაჰკარგავდნენ, არც ძილისათვის ეცალათ. წელში უნდა გაწყვეტილიყვნენ და დაეჭიზნათ სტრქია. ზაფხულის სავანის მეპატრონე ბიარტურისთვის ეს თავისუფლებებისათვის ბრძოლა

* გონგუროლფი და გრიმური — ვიკინგები, ისლანდიური საკების გმირები.

გახლდათ. როცა გაფანტული თივა მოაქუჩეს, ბიარტურმა ხორომების შეკვრა დაიწყო. დღე მიიწურა, შემოდგომა მოახლოვდა და დღემ საგრძნობლად იკლო. როცა მთლად ჩამობნელდა, ბიარტური ცხენის საძებრად წავიდა, უნდა დაეწყოთ თივის ეზოში გადატანა. ცოლი მინდორში დასტოვა, რომ ილაგ-გაწყვეტილ ქალს ცოტა სული მოეთქვა და თვალი მოეტყუებინა. ბლესირედისპირელთა რემაში იპოვა. ვიღრე შეეჯახა ცხენი და უკან დაბრუნდა, ინთა კიდევ. თივის ზეინზე როზას ეძინა. ცოლ-ქმარმა ისევ ხორომების შეკვრა დაიწყო, მერე ცივი თევზით დანაყრდნენ და წყაროს წყალი დააყოლეს. ცაზე კვლავ წამოიშალა ღრუბლები, გაავდრებას აპირებდა, უნდა ემარჯვათ, მოესწროთ თივის გადაზიდვა. ბიარტურმა ცხენი დატვირობა, როზას უთხრა, უკან რომ გამობრუნდები, სულ ჰენებით ატარე ცხენიო და გაისტუმრა.

როზა ჭაობში მიიკვლევდა გზას, მიუძლოდა დატვირთულ ცხენს, ეზოში გადმოყრიდა ხორომებს, შეჯდებოდა ცხენზე და უკან მიდიოდა ახალი ტვირთის წამოსაღებად. ქარმა ღრუბლები გაფანტა, ნამვალა მთვარემ გამოანათა. ამან ცოტა გაამხნევა ქალი, ასეთი მძიმე ჯაფის შემდეგ მთვარის კაშკაში ზღაპარი ეგონა. ელფები ადამიანზე ბედნიერები არიანო, ფიქრობდა, გამოდიან თავისი მღვიმეებიდან და მთვარის მზერით ტკბებიანო. მაგრამ შუალამე რომ გადავიდა, ველარც კი ამჩნევდა მთვარეს, მნათობის კაშკაში აღარ ახარებდა, ოცნების თავი აღარ ჰქონდა, შიმშილმა და დაღლილობამ ყველა სხვა გრძნობა დაჩრდილა. იმ ღამეს, ვინ მოსთვლის რამდენჯერ გადაიარა ჭაობი იქით-აქეთ, არაქათგამოცლილი ქალი ბორძიკობდა, ეცემოდა, უკან გამობრუნებისას ცხენზე მჯდომარე თვლემდა, როცა ცხენი შედგებოდა და ბალახს დაუწყებდა წიწქნას, ეღვიძებოდა.

— ოჰ, რა საშინელი ძილის გულა ხარ. ასე როგორ შეიძლება? მე და შენ ხომ საკუთარი თავისთვის ვშრომობთ, — უსაყვედურა ქმარმა.

როზამ ხმა არ გასცა, ენა აღარ ემორჩილებოდა, ხმის ამოღება უჭირდა. დასცქეროდა მთვარის ანარეკლს ნაკადულში, იქვე რამდენიმე ქათამი ცურავდა, მოხდენილად, ნარნარად აკანტურებდნენ თავს. ბედნიერი ჩიტუნები, მათ ხომ არსად მიეჩქარებათ, შეჭნარიან მთვარის შუქს. ისეთი საამური ქათმები იყვნენ, რომ როზას მათი შექმა მოუნდა, განთიადი ახლოვდებოდა; ცხენმა ნაბიჯი შეანელა, ძლივსღა მიათრევდა ტანს, მოძრაობა უჭირდა. მთვარე შავ ღრუბლებს ამოეფარა, აღარც ის მძაფრი სურნელი იგრძნობოდა ჯერ კიდევ გუშინ რომ უდიოდა თივას, თითქოს გაქრა, როზა ველარ ამჩნევდა, წყალში მიტოპავდა, თუ მიწაზე მიაბიჯებდა. ირგვლივ ყველაფერი გაბუნდა, გაიღდა, პირში მწარე გემო ჩაუდგა და გულისრების აუტანელი გრძნობა აწუხებდა. დროდადრო როზა ჩერდებოდა, აღებინებდა, მწარე ნაღველა

ამოსდიოდა, შებლიდან ცივ ოფლს იწმენდა და მწარე ნერწყვის გადაყლაპვას ცდილობდა. აი, როგორი იყო ეს მსოფლიო ომი.

ირიერაჟა, ღრუბლები კი კუპრივით ჩაშავდა. ბიარტურმა თივის უკანასკნელი ხორომი შეკრა. გამარჯვება მოახლოვდა, მაგრამ როზა ისე იყო მოწყვეტილი და დაძაბუნებული, რომ ესეც კი არ უხარებდა გულს. არავის არ ახარებს მსოფლიო ომში მოპოვებული დიდი გამარჯვება. ქალს სწყუროდა, ნაკადულის ხავსმოდებულ ნაპირზე გაწვა, წინ გადაიხარა, რომ პეშვით ამოედო წყალი და უცებ მოეჩენა, თითქოს ალერსიანი ხელები შემოეკვდო, ნაზად მოუჭირა და ისიც მთელი არსებით მიეცა ამ ალერსს, სამულამოდ, სამარადისოდ, თავისი ბებნის მსგავსად, ნეტარი სიკვდილით რომ მოკვდა და ერთადერთი რამ, რაც ებადა, ბუმბულის საბანი, როზას დაუტოვა ანდერძით. როზა გრძნობდა, რომ ქვევით მიექანებოდა, ხედავდა. წყლის ნაკადში როგორ ქრებოდა მისი გამოსახულება, მიწაც მასთან ერთად მიქროდა სივრცეში, როგორც ანგელოზი მიგვაქროლებს სიკვდილის ჟამს და მან კვლავ იგრძნო მიწის მსუყე სურნელება, შემოდგომის მიწის სურნელება. ბოლოს მიწა დედასავით ლოყაზე მიეკრა როზას, წყალმა სიყვარულით, ალერსიანად ჩასჩურჩულა ყურში რაღაც — და უცებ ყველაფერი გაქრა.

თ ა ვ ი მ ა ც ხ ა

გ ა ს ე ი რ ნ ე ბ ა „ ტ ყ უ შ ი “

კ ვ ი რ ა დ ლ ე ა. გაავდრდა. ბიარტურმა ცოლი ნაკადულის ნაპირას იპოვა. როზას ხელი თავქვეშ ამოედო. ლოყით მიწას მიეკროდა და ეძინა. თივის ურთადერთი ხორომი გარდიგარდმო იღო ნაკადულზე, უნაგირი გატეხილი იყო, მოსართავი გაწყვეტილი. ცხენი კი მშვიდად ბალახობდა. როზამ შიშით ისე მიმოიხედა ირგვლივ, როგორც გულისძილით მძინარე ადამიანმა, მოულოდნელად რომ გაადვიებენ. ქალი ჩუმად ყურს უგდებდა გულმოსული ქმრის ბუზლუნს. ბიარტურმა მიწის ბელტები დააწყო ხორომზე, რომ დროებით მაინც დაეთარა წვიმისაგან. როზა კი წამოდგა, ზურგი დაბეკოდა, საშინლად ტეხდა, ხმისამოულებლად წაჩანჩალდა შინისკენ. შევიდა თუ არა სახლში, მაშინვე დაწვა და დაიძინა, ქმრისთვის ყავაც კი არ გაუცხელებია.

შუადღისას ისევ გადაისარკა ცა. ბიარტური აქოშინებული შევარდა შინ, როზა გააღვიძა და უთხრა, ადექი, ყავა მოხარშეო. თურმე აღმოსავლეთ მხარეს

მხედრები გამოჩნდნენ, მათი სახლისკენ მოაქროლებდნენ დაოთხილ ცხენებს. ეტყობა, ვიღაც უქნარები არიან. ნახეს რაღა დრო!

— მე მათთან ვერ გამოჩნდები, — თქვა როზამ.

— აქ თუ მოვლენ, ყავის მოხარშვა მოგიხდება, — უბასუხა ბიარტურმა, — მოსარიდებელი რა გვაქვს?

ბიარტური სარკმლისკენ დაიხარა, გზას გააჩხედა, აკვირდებოდა მხედრების ჯგუფს და როცა ცხენები ისეთ მანძილზე მოახლოვდნენ, რომ მათი გარჩევა შესძლო, იცნო მხედრებიც და ცხენებიც. მდიდარი გლეხის ქალ-ვაჟი, პასტორის სამი ქალიშვილი და უტარედსმირელი სეზონური მუშები იყვნენ, მათ შორის ინგოულფ არნარსონ იოუნსენი, თავის რუხ ტაიჭზე ამხედრებული.

ბიარტურმა უკან რომ მოიხედა, როზა ოთახში აღარ იყო. ახალგაზრდებს ცხენებით გასეირნება გადაწყვიტათ, ქალიშვილებს—მწიფე კენკრის დაკრეფა. ამას ეძახდნენ „ტყეში“ გასეირნებას. თან წამოეღოთ საკმელ-სასმელი, პურის ჰამას „ტყეში“ აბირებდნენ. ინგოულფ არნარსონმა ბიარტურს ჰკითხა, შენ! სამფლობელოში ნადირობის და თევზაობის ნებას თუ მოცემე, ქალიშვილებს კი კენკრის დაკრეფა სურთო.

ბიარტურს ემაა, ნებართვას რომ სთხოვდნენ და თქვა, გოგონებმა უკეთ იციან, რისთვის დაძვრებიან აქ, ჰოდა, რაკი მობრძანდნენ, არ ენანება, დაკრეფონ, რამდენი კენკრაც უნდათ. რაც შეეხება მამასახლისის ვაქს, თუკი მან ტბაში რამდენიმე საცოდავი კალმახის დაჭერა გადაწყვიტა და ამ კვირაუქმე დღეს სწადია სიცოცხლე მოუსპოს ჰაობზე მოფრთხილად ამ ყოვლად უწყინარ ფრინველებს, ნება მისია, საწინააღმდეგო არაფერი აქვს.

— ოღონდ ეს კია, რომ, — დასძინა ბიარტურმა, — ავრონომი დიდად არ შესცოდავდა, თუ სახლში შემოვიდოდა და სალამს შეეტყოდა. თავის დროზე მე ხომ არა ერთხელ და ორჯერ მივხმარებდივარ მას შარვლის შეკვრაში. მამამისის წინაშე ვალს მუდამ კეთილსინდისიერად ვიხდიდი, არ მეშინია თამამად შევხედო ხალხს, არც იმას ვუწვევ ანგარიშს, შეუძლიათ თუ არა სხვებს ჩემთვის თვალის გასწორება. მაგრამ, დალახეროს ეშმაკმა, ნეტა სად გადაიკარგა როზა?! მოგვხსენებთ, როგორები არიან ქალები, ცერემონიები უყვართ, საშინაო კაბაში სხვებთან ვერ გამოჩნდებიან, არა, უსათუოდ უნდა მოიკაზმონ. რა გაეწყობა, შემობრძანდით, ადრე თუ გვიან, მაინც გამოჩნდება როზა. კეთილი იყოს თქვენი მობრძანება ზაფხულის სავანეში! ყავა საქმით გვაქვს და თუ გულდაგულ მოვძებნით, იქნებ ცოტაოდენი შაქარიც ვიპოვოთ.

ახალგაზრდებმა მადლობა გადაუხადეს ბიარტურს, ყავაზე კი უარი თქვეს. ზოგიერთს მაინც უნდოდა შინ შესვლა და სახლის დათვალიერება. ამ კაბუქებისა და ქალიშვილების უმეტესობა მდიდარ ხუტორებში ცხოვრობდა და ზაფ-

ხულის სავანის ვიწრო, დაბალ კარში მოკუზული შესვლა, ბოსლის წყვილიად-
ში გამდგარი მიწის სუნი, მძიმედ რომ შემოჩქროლათ, ერთგვარი გასართობი იყო
ნათთვის. ზოგმა დაქვეითება არ ინება, საკემელში შეიხედა მხოლოდ. საკემე-
ლი ისე დაბლა იყო, რომ ადამიანი ხელს მიუწვდენდა. ზოგი კი აპყვა ჭრკუნ-
კიბეს. ქალიშვილებმა როზა მოიკითხეს, კენკრის საკრეფად გვინდა წავიყვანო-
თო. ბევრი ეძებეს, უძახეს, ჰალს ძახილით გააყრუეს იქაურობა, მაგრამ ქა-
ლი არსად ჩანდა. როზა ამ დროს ცხენის ბაგის ქვეშ, მიწის კედელს ეკვრო-
და, ღმერთს ევედრებოდა, რომ არ მიეგნოთ მისთვის. გოგონების წიკვინმა და
ძახილმა ბიარტურს თავი მოაბეზრა, ცოლს ძებნა დაუწყო, მიაგნო, ხელი ჩაპ-
და, გამოათრია ბაგის ქვემოდან და გულმოსულმა ჩაილაპარაკა: — რასა
ჰგავს ეს. ნეტა ვისი რცხევიანა, განა ჩემი კანონიერი ცოლი არ არის?

— მე მინდა, — უთხრა ბოლოს ცოლს ბიარტურმა, — რომ შენ ჩემს სტუმ-
რებს ყავით გაუმსახინძლდე, ვიდრე ყავა მოგვეპოვება სახლში. ასეთი ბაიყუ-
ში როგორ უნდა იყო. აბა, მიესალმე ხალხს.

და ასე ხელჩაყიდებული აიყვანა ცოლი ზევით. როზას ტილოს ძველი, გაც-
რეცილი კბა ეცვა, ასეთივე ძველი თავშალი მოესხა მხრებზე, თავით ფეხამდე
მწასა და მტვერში ამოგანგლულიყო. თავშალის ბეწვს სოკოს ობი მოსდებო-
და.

— აი, როზაც აქ გახლავთ.

გოგონები უცებ დადინჯდნენ, თავაზიანად მიესალმნენ როზას.

არა, ყავის დაღვევა არავის უნდოდა. ქალიშვილებმა როზას ხელი ჩაჰკიდეს
და თან წაიყვანეს. ნაკადულის ნაპირას რომ ჩამოსხდნენ, გოგონებმა თქვეს
რაოდენ საამურიანა, აი ასე, ზედ სახლთან რომ ჩამორბის ალერსიანად მორაქ-
რაკე ნაკადულიო. მერე როზას ჰკითხეს, როგორ ცხოვრობო და ქალმა უბა-
სუხა:

— კარგად.

— სახე რატომ შეგიშუბდა?

— კბილი მტკივა, — მიუგო როზამ.

— როგორ შეეწყვე ამ მიყრუებულ, უკაცრიელ კუთხეში ცხოვრებას? —
ჰკითხეს ქალიშვილებმა.

როზამ უხერხულობისაგან ცხვირით დაისრუტუნა, თვალი არ აუწევია, ისე
ჩაილაპარაკა, რომ აქ ლაღად და თავისუფლად გრძნობს თავს.

სტუმრებმა ახლა მოჩვენებებზე ჩამოაგდეს სიტყვა, მაგრამ როზამ უპასუ-
ხა. არავითარი მოჩვენებები აქ არ არსებობენო. ქალიშვილები ცხენებზე შესხ-
დნენ და გაქუსლეს.

ახალგაზრდობა საღამომდე დაყიალობდა მდელივლებზე, მათი მხიარული

კისკის-ჭრამული ხუტორამდე აღწევდა. ქაობის მხრიდან დროდადრო ისმოდა სროლის ხმა. ბიარტური ისვენებდა. ბოლო ხანებში ისეთი ჯაფა დაადგა, რომ არაჩათგამოცლილს ახლა ჩაეძინა. როზა ფანჯარასთან იჯდა, ყურს უგდებდა სროლის ხმას, თვალჩაყვებით გასცქეროდა ქაობს, კრთომით ელოდა თოფის ყოველ დაქუხებას, თითქოს ეშინია, მას დასჭრიანო... მხოლოდ მას, პირდაპირ გულში. შიგ გულში მოარტყამენ. თურმე ბიარტურს არც ისე ღრმა ძილებით ეძინა, ბურანში წასული თვალს მიანიც ადევნებდა ცოლს, ხედავდა, როგორ კრთოდა იგი და უცებ ჰკითხა:

— რა იყო, სროლის ხმა ხომ არ გეცნაურა?

— მე? — აიმრიზა როზა, დაიბნა, წამოდგა, — არა!

— მაგ ხალხს, მთელ ოჯახს, ისე არ შეუძლიათ არსებობა, თუ არ ისარგებლეს, თუ არ მოსპვს ყოველი სულდგმული. რომელსაც კი თვალს მოჰკრავენ, — თქვა ბიარტურმა და ისევ ჩათვლიმა.

შებინდებისას სტუმრებმა ისევ ხუტორთან მოიყარეს თავი, იქ უცვლიდნენ შობადირეს. ინგოულფს კი გადაწყვეტილი ჰქონდა, მანამ ედევნა გარეული ფრინველისთვის, ვიდრე მთლად არ ჩამოზნელდებოდა. ქალიშვილებს თავისი ტოლჩები პირთამდე აევსოთ კენკრიოთ. ცოტ-ცოტა ყველამ უწილადა ზაფხულის სავანის დიასახლისს, ასე რომ ტოლჩა აავსეს და როზას დაუტოვეს.

როზა უარობდა, არ უნდოდა ამ საჩუქრის მიღება, მაგრამ ქალიშვილებმა არ დაუთმეს:

— რას ამბობ, ძვირფასო, ეს კენკრა ხომ შენს საკუთარ მამულშია დაკრეფილი!

სტუმრები სათიბზე გაიფანტნენ და სხვადასხვა თამაში წამოწყეს. მთა მათ კისკისსა და შეძახილს მქუხარე ექოთი ეხმიანებოდა. წყნარი საღამო იდგა, ტბა მოსარკულიყო, ჰაერში ურიცხვი მუშლი ირეოდა, ცაზე ნამგალა მთვარე ეკიდა. ბიარტური მივიდა სტუმრებთან და უთხრა, როგორც ჩანს, ამ შუა თიბვის ეამს დაბაში შრომით წელს არავინ იწყვეტსო.

— ნეტა ერთი დამანახა, მამასახლისის ბალახს თუ გათვლავთ ეგრე და როგორ ამღერდებიან თქვენი პატრონები, გაზაფხულზე თუ თივა შემომაკლდა და ცოტა დავესესხე.

პასტორის ქალიშვილებმა და რედსმირელმა მუშა ქალებმა ბიარტურს ბუზლუნი შეაწყვეტინეს, მის გამხიარულებას ცდილობდნენ, დაქვრობანას თამაშში ჩააბეს და მალე დაიჭირეს კიდევ. მიუსხედავად იმისა, რომ ბიარტურა გულში წყევლა-კრულვას უთვლიდა გოგონებს, მიანიც გაეკიდა დასაძვრად, — ოდესღაც ხომ დასდევდა და იჭერდა მფრთხალ ბატყებს; ჰოდა ახლაც დაიფურთხა ხელებზე, ვიდრე გაეკიდებოდა ქალიშვილებს. ქალიშვილებ-

მა ბიარტური განზე გაიყვანეს და სთხოვეს, ლექსები წაგვიკითხეო. ამის გაგონებაზე, ბიარტური მთლად დადნა და ენად გაიკრიფა, აღარ გაჩერდა, ვიდრე უწმაწური სტროფები არ წაუკითხა ზეპირად გონგუროლოფიდან, იმ ადგილიდან დაწყებული, სადაც ელვერი ბრალსა სდებს როლოფურს ვილიამისადაში არაბუნებრივ სიყვარულში (ქალიშვილები ერთიმეორეს ამოეფარნენ და ჩაიხიბთხიბეს), ბოლოს დაამთავრა იმით, სადაც აღწერილია, ინგებორგმა მენდელსას როგორ გადაასხა თავზე სიბინძურე ღამის ქოთნიდან (აქ კი ქალიშვილებმა თავი ვეღარ შეიკავეს და გულიანად გადაიხარხარეს). შემდგომ ამისა. გოგონებმა ბიარტურს სთხოვეს, აბა ჩვენზე გამოთქვი ლექსიო. ბიარტურმა უპასუხა, რომ სწორედ იმ დილას, როცა გოგონები კენკრას კრეფდნენ, რამდენიმე სტროქონი მოუვიდა თავში, მაგრამ მათ გასართმად დრო არა ჰქონდა. პირველი ოთხი ტაეპი მიინც შედარებით კარგად გაიხრითმა.

სივა და გუნა ერთად მიდიან,
თვალწინ ეშლებათ ზურმუხტი ველი,
ცა არის თითქოს ლურჯი კარავი.
გზა არის თითქოს ხალიჩა ჭრელი.
სიცილი აწუღებდა ცარავლ მღვიმეს,
მრცვის ბუჩქებთან დახტიან ლხენით,
სივას და გუნას ხონხისფერ ველზე
სიცილთან ერთად სიმულრაც შევნით.
ჩაანის ღვინოზე ძლიერი სურნელით
სავსეა ვარემო, —

მოცივი კრთის ალებრივ ..

ლურჯი დარაია ახურავთ ბუჩქებს
და მთვარეულუბივით დადიან ქალები.

ლექსმა აღტაცებაში მოიყვანა ახალგაზრდები, სიცილი წასკდათ, ერთმა ქაბუქმა ჩაიწერა კიდევ ლექსი.

ასეთ მხარულელებაში რომ იყვნენ, მამასახლისის ვაჟი, ინგოულფ არნარსონ იოუნსონიც დაბრუნდა. ცივად, ისევე თავმოწონედ და მედიდურად იღიშებოდა, როგორც დედამისის სჩვევოდა. ასეთი ღმილის გამო ფრუს ლექსები კიდევ უფრო ბუნდოვანი და გაუგებარი ხდებოდა მსმენელებისთვის. ინგოულფს მხარზე გადაგდებული თოკის ერთ ბოლოზე იხვები და ქათმები ეკიდა, მეორეზე — კალმახები, ნანადირევი მწყემსის მისცა, უნაგირზე დაამაგრეო და ბიარტურს ცივი, გამაღიზიანებელი, მფარველური ღმილით მიესალმა.

— მე მიინც მგონია, მამაჩემს დიდი შეცდომა მოუვიდა, როცა, ასე ვთქვათ, გაჩუქა ეს „საზამთრისი“ მთელი თავისი მდიდარი გარემოთი. რამდენი გერგება ჩემგან, ნადირობის ნება რომ დამრთე?

— ოო, ეს კი შეტისმეტი იქნება, გადასახადი რომ მოგახოვოთ თქვენსავე წაბოქვარში, — უპასუხა ბიარტურმა, — ნამდვილად, შენი თქმისა არ იყო, ერთი მტკაველი მიწა, რომელსაც მე ზაფხულის სავანე შევარქვი, თუ შენ აქამდე არ იცოდი ეს, ისეთი საგანძურია, რომ ეგ მძორი, რომლის ღვეწაშიც მათელი დღე დააღამე. არ მესაჭიროება, ჩემო პატარა ინგე. ჩემს ცხვრებს ამ ს...ნაპიროზე მოთიბული ბალახი უფრო ეპრიანებათ. მაგრამ იქნებ თქვენ რედ-სირში საქონელს ბაგაში თივის ნაცვლად ფრინველსა და თევზს უყრიო? თუ ასეა, დიდი სიახლე იქნება.

— ოპო, პო, პო, რა კაცი ხარ, რანარი ხასიათი გაქვს, დალახტროს ეშმაკ-ნა — წამოიძახა ინგოულღ არნარსონმა ცივი ღიმილით. მერე ჩამოხსნა რამდენიმე იხვი და კალმახი და ფეხებთან დაუქარა ბიარტურს.

— ჩემი თხოვნა იქნება, ამ სამოვარზე არ დასტოვო ნანადირევი, — უთ-სრა ბიარტურმა, — მე ვამპოზინებდი თავად შენ გეზლო კვირა დღეს დახოცი-ლი ფრინველის ცოდვა.

ქალიშვილებმა ხვეწნა დაუწყეს ბიარტურს, უარს ნუ იტყვის იხესა და ცეცხზე; როზასთვის მაინც წაიღე, თუ შენ არ გინდაო.

— ფრინველის ხორცს რა სჯობია, — ეუბნებოდნენ ქალიშვილები.

— როცა რედსირში ვმუშაობდი, ფრინველის ხორცი კარგ საკვებად არ ივლებოდა, ცხენის ხორცი კი დიდ პატივში იყო, — თქვა ბიარტურმა, — და თუ ახლა რედსირში ფრინველის ხორცს შეექცევიან, მაშინ გთხოვთ ესეც გან წალოთ მამასახლისისთვის.

— დარწმუნებული ვარ, — უთხრა ერთმა ქალიშვილმა, — რომ როზას გასარებს ფრინველი, ამ ზაფხულს უთუოდ არც ისე ხშირად უგემნია ახალი ლორცი.

— ჩვენთვის, ღარიბი გლეხებისთვის. ყველაზე მთავარია პირუტყვის სკეპა, — თქვა ბიარტურმა, — რა მნიშვნელობა აქვს, რასა ჭამს კაცი ზაფ-სკელში, თუკი ზამთრისთვის ცხვრის საკვებს მოიმარაგებს.

ამ პასუხზე ყველას გაეცინა. ერთობ ფუქსავატურად მოეკიდნენ ღარიბი გლეხის ცხოვრებისეულ სიბრძნეს. ბევრი მათგანი ახალგაზრდობის კავშირის წევრი იყო. ამ კავშირს ინგოულღ არნარსონი თავმჯდომარეობდა და მათ რწმენ-სა ჰქონდათ თავისი ქვეყნისა. მათი ღვევი იყო — „ყველაფერი ისლანდიისა-ცის!“ „ისლანდია ისლანდიელებისათვის!“ და აი ისინი პირისპირ დგანან ეს კაცთან, რომელიც დამოუკიდებელი გახდა, გახდა მიწის მფლობელი, რო-მელსაც სწამდა თავისი ჭიკჩინისა და საქმითაც დაამტკიცა ეს. მართალია. ის-ინი გუნებაში დასცინოდნენ გლეხის შეხედულებას, აზრთა წყობას და მარც-ს ამ წყნარ კვირა საღამოს, საკუთარ მიწაზე მდგარმა გლეხმა, შეუპოვრად რომ

იბრძოდა თავისუფლებისათვის, მტრული ძალების წინააღმდეგ — ბუნებრივი თუ ზებუნებრივი ძალების, თავს რომ არ ზოგავდა საქმის ბოლომდე მისაყვანად, შთაბეჭდილება მოახდინა მათზე. ახალგაზრდებმა ცოტა ხანს კიდევ შეიცადეს იქ, ვიდრე მუშები ცხენებს შეკრებდნენ, არავის სწყენია ბიარტურის ახირებული ლაპარაკი.

ინგოულფ არნარსონმა თანამგზავრებს სთხოვა, ვიმღეროთო.

— მე და ბიარტური ძველი მეგობრები ვართ. თითქმის ძუძუმტეები, — თქვა მან, — ასე, რომ კარგად ვიცნობ ბიარტურს და მწამს, გულის სიღრმეში ჩვენ გვესმის ერთიმეორისა. ყოველ შემთხვევაში, მე დიდად ვაფასებ ბიარტურს, ასევე როზას. მათ დაგვანახეს, რომ პირველმოსახლეთა გულოვნობა კიდევ ცოცხლობს თანამედროვე ისლანდიელებში. მაშ გაუმარჯოს ისლანდიელ გლეხს.

კვლავ გაუმეორა თანამგზავრებს, ვიმღეროთო და წამოიწყეს:

დედს სამშობლოს ვიცავთ და ძმები
კვლავ ერთმანეთის მხარდამხარ ედგებით.
ღუთანს მივღევთ და ვუყურებთ ერთხმად:
— სამშობლოვ, მეტად ვაშალე მხარები!

ახალგაზრდები ფიქრობდნენ, რომ ამ სიმღერით ხოტბას ასხამდნენ ბიარტურს, სწორედ მას, ისლანდიელ პიონერს, მთის ხეობის მოსახლეს, ისლანდიის ამ გულად ძეს. ზაფხულის საეანის მფლობელ — ბიარტურს და მის მეუღლეს! ერთ პატრიოტულ სიმღერას სტუმრებმა მეორე მოაყოლეს:

მთების დედოფალო, დედაო-ღმერთო,
შენსკენ ვისწრაფვით ერთობ!
სიხარულს შენთან ვიპოვით. გჯერა,
შენ მოგაპყარით აძვირად მზერა.
შენი შეილები, ბოლოს და ბოლოს,
შენით ცოცხლობენ მხოლოდ!

გაუმარჯოს ახალგაზრდა ისლანდიას! დღეგრძელი იყოს, ვაშა! მთიდან ექო ეხმიანებოდათ, გამოძახილი გრგვიწვით ჰკვეთდა ზაფხულის ღამის მყუდროებას. ვიდრე ტბაში ბატასინი გაოცებისაგან არ დადუმდა. მუშებმა ცხენები შეკრიბეს, ყველა გულთბილად გამოეთხოვა ბიარტურს, რამდენიმე ქალიშვილი შინ შევიდა, როზასთან გამოსამშვიდობებლად, მაგრამ როზა ისევ გაქრა. როცა ეველა შესხდა ცხენებზე, ინგოულფ არნარსონმა კვლავ წამოიწყა სიმღერა, ახლა სოფლური ყოფის სადიდებელი საგალობელი და ჭაობიდან ისე მოაქროდა მათი ხმა, თითქმის სწალამს უძღვნიან ზაფხულის საეანის მეპატრონეთო:

შორეულ მხარეში, მზის სილუვარეში,
ბედნიერ ბავშვობას, ვით სიზმარს ვხედავ,
სხვა გაზაფხულია, სხვა გზნება, სხვა ეშვი,
მსგავსი გაზაფხული

საფი არის ნაბა?

შორეულ მხარეში, მზის სილუვარეში,
ზალხიც წმინდაა და თუთიაც წმინდა,
შორეულ მხარეში, მზის სილუვარეში
მარადიული სიცოცხლე მინდა!

გვანობამდე არ შემწყდარა მხიარული ჰმეები და როცა მხედრებმა ჰაობი გალიეს. უკვე მყარ ნიადაგზე გადაიყვანეს ცხენები, ახლა ფლოქვების თქარათქურა გაისმა. ზაფხულის ბინდი ჩამოწვა ხეობაზე, გლეხი ერთ ხანს მარტო იდგა საძოვარზე. მერე დასაძინებლად წაივია.

საიდანდაც გამოძერა როზა, არაფერი უკითხავსა ქმრისთვის.

— ქვევით. მდინარის პირას საჩუქარი დავიტოვეს, — უთხრა ბიარტურმა?

— მე დამიტოვეს?

— დიახ. ფრინველი და თევზი.

— ვინ?

— წადი და ნახე, იქნებ მისი ნიშანი იცნო.

როზას შინიდან გასასვლელი შემთხვევა მიეცა და ისარგებლა ამით, მდინარესთან ჩავიდა. იქ მართლა იდო მისი ფრინველი. მისი თევზი. ქალს მოეჩვენა. თითქოს იმ ხალხის ხმა, ცოტა ხნის წინათ რომ მღეროდნენ აქ, კვლავ ისმოდა, სიმღერა ჭერ კიდევ უღერდა მის ყურში, ეფინებოდა ჰაობს.

იხვების დამფრთხალმა გუნდმა დაზლა გაუქროლა საძოვარს.

— ნურაფრისა გეშინიათ, — დაიჭურჩულა ახალგაზრდა ქალმა, — ის აქ აღარ არის.

დღხანს იდგა როზა მდინარესთან ბინდში და ყურს უგდებდა მიმწყდარ სიმღერას, სროლის მიმწყდარ გრგვინვას და ფიქრობდა მისი ხელით დახოცილ ფრინველზე.

მალე შემოდგომა მოვა.

თავი მათი

მთაში ლაშქრობის წინ

მთაში წასვლის წინ, ბიარტურმა მოშვებული წვერის გაპარსვა გადაწყვიტა. მთელი ზაფხული მის სახეს სამართებელი არ მიკარებია. ვერ დავმა-

ლავთ, რომ ეს ცერემონია ჭირავით სძულდა ბიარტურს და წვერის პარსვისას საშინლად ივიწებოდა. მაგრამ ახლა ამას ვერაფრით თავს ვერ დააღწევდა. რადგან ახლოვდებოდა ცხერის დღე. გარდა ამისა, ერთი უსიამოვნება კიდევ ელოდა. ბიარტურის ცოლს ეშინოდა ხუტორში მარტო დარჩენა: რას იზამ, გულით ავადმყოფია. ბიარტურს სამი დღე მოუხდებოდა მთაწი ცხერის ძებნა, იქიდან სხვა გლეხებთან ერთად ქალაქს უნდა წაესხა გასაყარი ბატკნები. ცოლმა კი გამოუცხადა, არასგზით არ დავრჩები მარტო ხუტორში, ოუ ძაღლს არ დამიტოვებო. მთაში წასვლა უძაღლოდ, მთის მწვერვალზე უფეხოდ ასვლას უდრისო, მიუგო ბიარტურმა. როზა აღარ ჩააცვიდა. მაშასადამე. ერთი გზა დარჩენია. უნდა წავიდეს უტირედსმირში, ამ მიყრუებულ კუთხეში. სადაც აკი სულელები ბუდობენ, მარტო რა გააჩერებს. ბიარტურისთვის იმის გაფიქრებაც კი აუტანელი იყო, თუ თვითონ, ან მისი ცოლი ოდესმე. დახმარებას ითხოვდნენ უტირედსმირში, ამიტომ შეპირდა ქალს, ძაღლის ნაცვლად ბატკანს დაგიტოვებო, ცოტა ხნის წინათ ცხერის პატარა ფარაში რომ ნახა. ზუწია. წვერის პარსვას რომ მორჩა ბიარტური. ბატკნის საძებრად წავიდა, ტრტლას დახმარებით დაიჭირა და საღამოს შინ მოჰგვარა ცოლს. ბატკანი საპირის ნაპირას, ღობეზე მიიბა, სასელიც შეარქვა: „გუდულბრაუ“. მაგრამ იმ დამეს როზამ თვალი ვერ მოხუჭა, ბატკანი გაუჩერებლად ბლაოდა, ვერ გაეგო ხალხის უცნაურობა და ახირება.

ჯერ სად იყო განთიადი, მწყემსებმა რომ მოაგელვეს ცხენები, ყველას თავთავისი ძაღლი მოსდევდა. ბიარტური ღია კარში იდგა, შარვალი წინდებში ჩაეტანებინა და რაღაცნაირი საზეიმო იერი ჰქონდა, სიამოვნებისაგან გაპარწყინებულმა ჩამოუარა სტუმრებს, სათითაოდ ჩამოართვა ხელი და ყავაზე მიიპატიჟა. ბევრს უნდოდა მისი სახლის დათვალიერება, ზოგი ზევით ავიდა როზასთან. კვამლით სავსე ოთახში, ხალხს ძაღლებიც მიჰყვნენ, მაგრამ სწორად აყუდებულ კიბეზე წკაფწკავით ჩამოცურდნენ ქვემოთ.

— აი ჩემი სასახლე, — უთხრა ბიარტურმა სტუმრებს, — ვალს ჯერჯერობით პირიანად ვიხდი.

— ზოგს მაგდენიც არ ებადა საქმის წამოწყებისას, რაც შენა გაქვს და მაინც გზაზე დადგა, პატივისცემა დაიმსახურა, — თქვა მთების მეფემ. თვითონაც იმათ რიცხვს ეკუთვნოდა, ვისაც ერთ დროს არა ებადა რა, ახლა კი ხალხში გამოვიდა, მრევლის მნათე იყო, ძაღლების მკურნალის თანამდებობაც ეჭირა და ვინ იცის, ეგებ მომავალში ბედმა გაუღიმოს, სამრევლო საბჭოშიც გავიდეს.

— გადმოცემა ამბობს, ხუსავიკელმა იოუნმა ეშმასგან ნაბოძებ ერთ

მტკაველ მიწაზე მიჰყო ხელი მეურნეობასო, — დაუფიქრებლად წამოაყრან-
ტალა ერთმა ახალგაზრდამ. ეს ყმაწვილი შეძლებული ოჯახიდან იყო.

— აბა, ყმაწვილებო, მოცოცხეთ აქედან, — დაუტატანა მოების სეფემ
ახალგაზრდებს.

ძალიან გაბრაზებული იყო ამ ყმაწვილებზე და სახლიდან უნდოდა გაებრ-
ანებია. აქეთ რომ მოდიოდნენ და აღმართს შეუდგნენ, თურმე ბიჭები უკან
ბოექცნენ. დააოთხეს ცხენები და მთების მეფის ცხენს მიერეკებოდნენ. ჰობ-
ნი კი დაწინაურებულან, სულ შხეფებს აყრიდნენ, ჰოდა ამიტომ არაფრად
ეპიტნაებოდა ყველა ვიგინდარასთან ერთად სუფრასთან ჯდომა და ყავის
სმა. მას დარბაისელ ხალხთან უყვარდა მასლაათი, იმათთვის არაყსაც არ და-
იშურებდა. აქ კი ყველა ნარჩიელას უნდა გაუყადროს თავი, დარიბ ზუტორე-
ლებს, მოჯამაგირეები რომ არა ჰყავთ და მთაში ცხვრის შესაკრებად თვითონ
მიდიან. ამ ნარჩიელებში ერია ნიდურკოტელი ბერიკაცი ტოურდურიც, ბიარ-
ტურის სიმამრი. ბერიკაცმა ბევრი შვილი დაჰკარგა, გადარჩენილ შვილთაგან
კი არავითარი სიხარულს და შემწეობას არ ელოდა. თავისი ერთადერთი ოც-
ნების (საკუთარი წისქვილის) მარცხიც იგემა და გადაიტანა, მაგრამ აღდენ
უბედურებას მისი გული არ გაუბოროტებია, როგორც ეს საერთოდ ხდება.
აბა, ტოურდური ყოველგვარ განსაცდელს ფილოსოფიური სიმშვიდით და
ღვთისმოსაური მორჩილებით ხედებოდა. ახლა მისი საყვარელი უმცროსი ქა-
ლიშვილის სახლში კეამლიც კი რალაცნაირი განსაკუთრებული ეჩვენებოდა და
ბერიკაცს ცრემლი მოერია. როზამ მამას ხელი შეაშველა კიბეზე ამოკვლისას,
სახით მიეკრა ქარდაკრულ, ჰადარა, აბურძგნული წვერით დაფარულ ლოყაზე.

— დედამ მთხოვა, გულითადი სალაში და ეს პატარა საჩუქარი გადავცე
მის ქალიშვილს, — თქვა ტოურდურმა და როზას ცხვირსახოცში გამოკრული,
ნახევარი გირვანქა შაქარი და ყავა გაუწოდა.

როზა ვედარ მოსწყდა მამას, გულში ჩაეკონა, წინსაფრის ბოლოთი იწმენდ-
და თვლებს, მის საქციელში ისე დიდი უშუალობა და ბავშვური გულთბი-
ლობა იყო, რომ ბიარტური გაოცებული შეჰყურებდა, თითქოს პირველად
ხედავსო როზას. ქალმა წამით გადაიყარა უგუნებობა, სევდა-ნადევლი, თით-
ქოს პატარა გოგოდ გადაიქცა და არ რცხვენოდა თავისი გრძნობის გამომკლავ-
ნებისა.

— შამიკო, ჩემო ძვირფასო, საყვარელო! — იმეორებდა როზა, — როგორ
მომენატრე, რომ იცოდე!

ასე თქვა როზამ. ბიარტურს ფიქრდაც არ მოსვლია, თუ მის ცოლს მამა
ენატრებოდა, ელოდა მშობელს და როცა დაინახა, როგორი ბავშვური ალერ-
სით ეკვროდა ქალი მამას, ისევ გააკრა უსიამოვნო ეჭვმა, როგორც ქორწილის

ლამეს — რომ მისი მეუფება, მეუფება უშენის მფლობელისა, არცთუ იმდენად განუსაზღვრელი იყო, როგორც მას უნდოდა და წარმოედგინა.

კაცები ჩამოსხდნენ, სათუთუნე ამოიღეს და ამინდზე გააბეს მასლათი. სერიოზულად, საქმის დიდი ცოდნით, როგორც ყოველთვის, ერთი და იგივე გამოთქმებით მსჯელობდნენ ამ საკითხზე. ზამთრის თვეების საერთო მიმოხილვას რომ მორჩნენ, მერე გაზაფხულის თვეებზე გადაიტანეს საუბარი, შემდეგ ცხვრების, ბატკნების, მატყლის შესახებ ილაპარაკეს, ბოლოს კი ზაფხულის ამინდზე. არჩევდნენ ყოველ ცალკეულ კვირას. ერთიმეორეს უსწორებდნენ, ასე რომ სიზუსტეში ეკვივს შეტანა არ შეიძლებოდა. იხსენებდნენ ღროის ცოტა თუ ბევრად მნიშვნელოვან მონაკვეთს, როდის იღვა მშრალი ამინდი, როდის გაავდრდა ან შტორში ამოვარდა, იხსენებდნენ, ვინ რას ვარაუდობდა ამინდზე, მაგრამ მიუხედავად მათი ვარაუდებისა, ყველაფერი თავის რიგზე წავიდა. ყოველმა მათგანმა გადაიტანა თავისი მსოფლიო ომი უღმობელი სტიქიის წინააღმდეგ. ზოგმა მოახერხა თივის აღება და შინ გადახრდა, ვინ მშრალი მიიტანა, ვინ წვიმისგან დასველებული. ზოგს ჯერაც არ ჰქონდა აღებული თივა, ზოგს ქარმა გაუფანტა, ზოგს კიდევ წყალმა წაართვა.

მთების მეფის გარდა, იმ დღეს ბიარტურის სახლში სულ დატაკი გლეხები შეიყარნენ, არც ერთს არა ჰყავდა მოჯამაგირე, ამის საშუალება არა ჰქონდათ, სჯერდებოდნენ თავისი მოზარდი შვილების, მოხუცების, ჰკუპასუსტებისა და ოჯახის სხვა დაუძლეურებული წევრების დახმარებას.

— თხუთმეტი წელიწადი მეც ისე ვუძღვებოდი მეურნეობას, მოჯამაგირე არ მყოლია, — თქვა მთების მეფემ, რომელსაც საშუალო შეძლების გლეხად თვლიდნენ, — და გულახდილად თუ ვიტყვი, სწორედ ის იყო ჩემი ყველაზე საუკეთესო წლები. მოჯამაგირეების ხელფასი ისეთი ხარჯია, ვისაც გინდა გააკოტრებს.

უნდირხლიდელი ეინარი სულ სხვა აზრისა იყო. მისი ფიქრით, თუ კაცს მოჯამაგირე არა ჰყავდა, მის ცხოვრებას ცხოვრება არ ეთქმოდა. ეს არის ძალური ცხოვრება სხეულისთვის და შიმშილით სიკვდილი სულისთვისო.

— ეჰ, ჩემო ეინარ, შენ მაინც არ გეთქმის საყვედური, — უთხრა ეინარს გილიელმა კრუსიმ, — ვიდრე სტეინი შინა გყავს, მანამ არა გიჭირს რა.

ეგ არც ისე დიდი ნუგეშია ჩემთვისო, თქვა ეინარმა. განა შინაურები უცხოებით არ თხოულობენ გასამრჯელოს? გარდა ამისა, მიწა ზღვას ვერასოდეს ვერ გადასძლევეს, და სტეინიც, დღეს თუ არა ხვალ ფეხს იბრუნებს შინიდან, ისიც იქით წავა, საითაც სხვებმა მოუსვენესო.

— შედერებას ვერც კი მოასწრებენ ხეირიანად, რომ მათი კვალი გამქრავ

ლია. მიწა მიწაა, ზღვა კი ზღვაა. მაგალითისათვის ავიღოთ ურდარსელები განსვენებული ტოურარი. სამი ვაჟიშვილი ჰყავდა, ზორბა, მოსული ბიჭები, ჯერ ასაკი არც კი იყვნენ შესული, ზღვისკენ რომ გაუწიათ გულმა. მიატოვეს დეღ-მამა და წავიდნენ. ერთი დაიხრჩო, ორმა ამერიკაში ამოჰყო თავი. ჰოდა. როგორ ფიქრობთ, ორიოდ სიტყვა მინც მოსწერეს დედას ამ გაზაფხულზე. მამა რომ გარდაეცვალათ? თქვენც არ მომიკვდეთ, არც უფიქრიათ. ორიოდ კრონიც არ გაიმეტეს ქვრივი დედის სანუგეშოდ. ახლა დედაბერმა და მისმა ქალიშვილმა ხუტორი პასტორს დაუთმეს და გუდმუნდური ინახავს მათ. -- ენარი ფიქრობდა, მეც ეს ბედი მეწვეაო. ორი ვაჟიშვილი უკვე გამოუჩნდა. სტეინიც აღარ ემორჩილებოდა. გილიელი კრუსი კი ამბობდა, ბავშვები არც ისე დიდი უბედურებაა, მოხუცებია რაც არის, მგლის მანა აქვთო. აი. თუნდაც მამამისი, ოთხმოცდახუთი წელიწადი იცოცხლა და შარშანდა გარდაიცვალა.

— ყველამ კარგად იცით, რომ მე სკედერის შენახვა დამაქისრეს. მართალია, პატარა შეღავათი კი მომცეს, ბეგარა შემიმცირეს, მაგრამ ქალი უკვე ოთხმოცდაროი წლისაა, სიბერისაგან ისე გამოჩურჩულდა, რომ მოსვენება აღარ არის მისგან. თქვენ წარქოიდგინეთ, ამ ზაფხულს სამზარეულოდან მთელი ჯამ-ჰურკლის გამოტანა მოგვიხდა. ვადაძალა აიჩემა, ვადაირია ამაზე, ხან სად შეჩურთავდა ნივთებს, ხან სად. მიდი და ეძებე.

— თავის დროზე კი, რა მარჯვე ქალი იყო, -- სიტყვა ჩაურთო ნიდურკოტელმა ტოურდურმა.

— ეჰ, ჩემო კეთილებო. თქვენ რა გეთქმით, — დაიწყო გილტიგელმა ტოურირმა სდენიკას მამამ, იმ სდენიკასი, გაზაფხულზე, ყოველგვარი გაფრთხილების გარეშე, თავისი მამა ბაბუად რომ გახადა. — ვაჟიშვილები თავის თავს თვითონ მიხედავენ, საითაც არ უნდა გადასტყორცნოს ზედმა, არც მოხუცების ყოლაა ოჯახში დიდი უბედურება, თუმც ზოგი მათგანი მართლაც ცას შეაბერდება ხოლმე, მაგრამ იმათაც უწევს თავისი ჯერი. ქალიშვილები კი, კეთილო ხალხო, ქალიშვილები! აი, სად ტრიალებს ცოდო-ბრალო. იმათ გადამკიდეს საჭრუნაეი არასოდეს გამოეღევა. არ მშურს იმათი ბედი, ვისაც ამ მძიმე დროში ქალიშვილი ჰყავს. თქვენ გგონიათ შინაქსოვი შალის კარგ წინდებს დაგჯერდებიან? ნურას უკაცრავად. კობტაობა, პეწიანად ჩაცმა ნებავთ, მშობლებს სულ გეინკლავებიან, კრიკაში უდგანან.

— არც ეგრეა-საქმე, ტოურირ, ქალიშვილებისგანაც ბევრ სიხარულს ხედავენ მშობლები, — შეესიტყვა მთების მეფე. — აბა, რა სჯობია, როცა ოჯახში უღარღელი, მხიარული არსება დაცქრიალებს?

— ნეტა რა არის მავაში სასიხარულო? თუ საშუალება არა გაქვს, ჯიბეს

ვერ გამოუტენი ფულით, რომ თავის გემოზე ფლანგონ ქალაქში, ამას თუ ვერ მოახერხებ, ვაი შენი ბრალი, ატყდებიან, სამხრეთში გაგვიშვი, მოახლედ დავუდგებით ვინმესო. ჰოდა თუ არ გაუშვებ, აი მაშინ გამოიჩენენ თავს. ბამბის ძაფის თხელ წინდებს მოგთხოვენ. მეჩედა, არ იციოხაეთ რა წინდებია? ხალხის გასაყვლეფად თაღლითების მიერ მოგონილი. ასეთ ძონძში უნდა გადაყარო ტანჯვით ნაშოვნი ფული. ათბობდეთ შინც. ის ოხერი, იმ სიგრძეა, საზარდულამდე სწვდებათ, სითბო კი სულ არ აქვს. თანაც თვალი თუ ჩაუვარდა, მოგკამა ჭირი, რაღა ფასი აქვს, გადასადგებია. ჩემს ახალგაზრდაში, ქალს თუ წინდა პერანგის ამხანაგამდე სწვდებოდა, ვითომ რა უჭირდა. მაშინ ასეთი ურცხვი როღა იყვნენ ქალები, განა ასეთ მოკლე კაბებს იცვამდნენ, როგორც ახლა?

— მართალი ხარ, — კვერი დაფკრა მთების მეფემ, — მაგრამ, მე ოუ მკითხავ. ეგ არც არის ურიგო. რომ კაბებზე ახლა ნაკლები ქსოვილი ეხარებათ ქალებს. ვიდრე უწინ.

— ჰოდა, რა მოჰყვება ამას? სარწმუნო წყაროდან ვიცი. რომ ახლანდელ ქალიშვილებს ბამბის წინდებიც აღარ ეპიტნავენათ! როგორც ყურა მოვკარი, თურმე ერთ ქალიშვილს უყვიდა... როგორ ფიქრობთ, რა? აბრეშუმის წინდები, გესმით? — თქვა ტოურირმა.

— აბრეშუმისა?!!

— სრულ სიმართლეს მოგახსენებთ. აბრეშუმის წინდები! სუფთა აბრეშუმის ძაფისა. იმ ქალიშვილსაც დაგისახელებთ: პასტორის შუათანა გოგო გახლავთ, შარშან რეიკიავიკში რომ იყო წასული.

— მოუგონეს, ალბათ. — უღვაშში ჩაიდუღუნა ნიდურკოტელმა ტოურირმა.

— მართალია, ჩემს სდენის ცოტა ნაკლი არა აქვს, მაგრამ სხვებზე მატყუარა როდია. დიაფიცა, საკუთარი თვალით ვნახეთ. ქალიშვილები კოპწიობისთვის ჯერ ქვედაწელს იხდიან, მეჩე ბამბის თხელი წინდები მოუნდებათ. წყვილი ასეთი წინდის ფასად ბატკანს იყიდი კაცი, მეჩე კაბებს იმოკლებენ და რაკი ურცხვობას იადვილებენ, დიდი დრო არ გავა, ყველა აბრეშუმის წინდას მოგთხოვს. იქნებ მალე ქვედაწელიც გაიხადონ.

— შვიდი წელი ხდება. რაც შარვლის ყიდვა მინდა და ვერ მომიხერხებია. — ჩაიბურტყუნა ტოურირმა. — ასეთი მოდა კარგს არაფერს მოგვიტანს, დაგვაჭკეპებს და ეგ იქნება. თუ ხალხი სინდისს დაჰკარგავს, თუ დედაკაცები ნაშუსზე ხელს აიღებენ, რაღა ხეირს უნდა ველოდეთ. ბევრ მამას ძვირად დავუჯდება ქალის ასეთი ფუქსავატობა, წელში გაწყდებიან, აბა რა მოუვათ.

— პასტორის ქალიშვილებს რა ენაღვლება, გაჭირდება რა არის, არ იციან, — თქვა ვილაცამ.

— ასე გახლავთ, ასე, — კვერი დაუკრა ტოურირმა, — პასტორს რა უჭირს, როცა ხაზინა ყოველი წლის დამდეგს ათას ხუთას კრონს ჩაუჩხრიკლებს ხოლმე ჭიბეში. მერედა რისთვის? ათასნაირი ობროლობისთვის! აი, მესმის ცხოვრება! ჩვენსავით ხომ არ წყდება წელში.

— არა, ეგ შეუძლებელია, — თქვა ნიდურკოტელმა ტოურდურმა, — ათას ხუთას კრონს როგორ მისცემენ. შეპირდებოდნენ მხოლოდ.

— მე ჩემი სიტყვა უკან არ მიმაჭვს, — უპასუხა ტოურირმა.

— მაგ ბებრუნანას თავისი კარგი მხარეებიც აქვს, — საუბარში ჩაერია ბარტური. არ მოსწონდა, როცა პასტორზე ვინმე აუგს იტყოდა, რადგან დილად აფასებდა ცხვრის კარგი ჭიშის გამოყვანისთვის, — ჩინებული ცხვარი ჰყავს მაგ ბებერ ობროდს, მიუხედავად იმისა, რომ სწავლულია. მართალი გითხრათ, მარჩვენია პასტორის ერთი ცხვარი ჩავიგდო ხელთ, ვიდრე მისი სამივე ქალიშვილი, გინდაც ათას ხუთასი კრონი ზედ დამისართონ. ჰო, სიტყვამ მოიტანა და, ხომ არავის გაგიგიათ, ამ შემოდგომაზე ქალაქში როგორია ხორცის მაზანდა?

მთებზე მეფემ უამბო, რაც გაეგონა ამის თაობაზე, მაგრამ როცა საქმე ფასებს ებება. ყურბოკრულს ძნელად ენდობა კაცი. კელდელმა პროდლაუგურმა, რომელსაც მამასახლისის ერთ-ერთი ხუტორი იჯარით ჰქონდა აღებული, თქვა, ისევე მირეკ იოუენს მიეყიდი ცხვარს, იჯარისა მაინც უნდა გადაეუხადო. განსხვავებას კი, რა თქმა უნდა, ბებერი მელა ნაღდ ფულად მისცემს. მართალია, მცირე ფასს აძლევს, მაგრამ პროდლაუგურს მაინც დღევანდელი კვერცხი ურჩევნია ხვალინდელ ქათამს. ფიორდში ხომ ფულს თვალთ ვერავეინ ხედავს, იქ მუდამ ვალშია კაცი.

ბიარტური არ უარაყოფდა, რომ კარგია, თუ კაცი ნაღდ ფულს ხანდახან მაინც მოიგდებს ხელში, მაგრამ თუ საკითხს ისე დააყენებენ, ვისი ვალი სჯობია კაცმა დაიდოსო, მას მაინც ურჩევნია ბრუნის მოვალე იყოს. მამასახლისთან გარიგებისას, მამასახლისის მეტი ფულს ვერავეინ ხედავს, კარგად ახერხებს ხელის მოთბობას, დიდ სარფას ნახულობს იმათგან, ვისაც ბრუნი კრედიტზე უარს ეუბნება. აქვე, ადგილზე აძლევს იმის მესამედს, რასაც მათ ბრუნი ფიორდში მისცემდა. მერედა, რამდენს იგებს, როცა ჩალის ფასად ნაყიდ საქონელს ვიკში ასაღებს? ბრუნიზე ორჯერ მეტს იგებს. ასობით, ბითუმად ჰყიდის ცხვარს, მაშინ როცა სწვები ოც-ოცს ძლივს გააჰყიდიან. სავაჭრო ფირმასაც თვითონ უდგენს ფასს.

— არა მგონია, მთლად ასე იყოს, — დაეჭვდა ნიდურკოტელი ტოურდური, რადგან მას დიდი გაქანებისა არაფერი გაეგებოდა და არცა სწამდა, — წარმოუდგენელი რისკია, ძვირად დაუჯდებათ მათ, ვინც სამხრეთისკენ გა-

რეკავს ცხვარს, გზაში არ შეიძლება პირუტყვი არ დაეარდეს და ზარალი არ ნახონ.

მთების მეფე ამტკიცებდა, ბრუნის კრედიტს ბევრი დაუხსნია გაჭირვებულანო, ბრუნი მუდამ ზრუნავს იმაზე, რომ მისმა მუშტრებმა როგორმე გაიტანონ თავიო. აბა, თუ ვინმეს გაუგონია, გლახისთვის ბრუნს უარი ეთქვას. თუ მისი ნდობა აქვს? მართალია, ასეთ მძიმე დროში, ნაღდი ფულით ანგარიშის გასწორება არც ბრუნის უყვარს. დიდი ხანია მისგან გროშიც არავის ახსოვს, გარდა ამისა, კარგ საქონელსაც ხელს უჭერს. მაგრამ მისი მუშტრები ზარს შედარებით უზრუნველყოფილი არიან. თუ განსაკუთრებული რამ არ შეეძინებათ. ისე კი, გაზაფხულობით. გასაქირს ვერაფერ დააღწევს თავს. თუმცა, დასკვნა ბოლოს მთების მეფემ. ყველაფერი ფულზე როდია დამოკიდებული, ზოგს ფული თვალითაც არ უნახავს და მაინც გსაზნე ღაღა, ხალხში გამოვიდაო.

— ჰო, ვიდრე არ დამეიწყებია, — განაგრძო მთებმა მეფემ. — ამ გაზაფხულზე. თინგზე ოლქის მოსამართლე შემხვდა და მკითხა, ხომ არ გეგულება ისეთი კაცი, ძალის მკურნალობისა რამე გაეგებოდესო.

— კარგი იქნება, თუ ამაზე იზრუნებენ, — თქვა ბიარტურმა, — ძალეებს მოვლა სჭირდება. თუ გახსოვთ, ჩემს ქორწილში ვთქვი, ტიტლას მე თვითონ ვუწამლებ-მეთქი, ასედაც გავაკეთებ, თუ შენმა ძველისძველმა მიქსტურამ ვერაფერი უშველა.

— ვინ გაბედავს იმის თქმას, რომ ოლქის ექიმის წამალი უვარგისია? — შეაწყვეტინა ბიარტურს მთების მეფემ ოფიციალური ტონით, — ეს წამალი მეცნიერული წესების მიხედვით მზადდება. მაგრამ, რა თქმა უნდა, იმის თავდები ვინ იქნება. რომ წამალს ყოველთვის დანიშნულების მიხედვით და წესიერად აძლევენ პირუტყვებს. აი რატომ მოაჩნია საჭიროდ ოლქის მოსამართლეს ჩემთვის საიმედო თანაშემწის დანიშვნა.

გლეხებმა ერთხმად გადაწყვიტეს. სასწრაფო ზომების მიღება საჭირო, რადგან ამ გაზაფხულზე უტირელსმირიც გაჩნდა რეტოო.

— რამეს მოვისაზრებთ, — ისეთი კილოთი თქვა მთების მეფემ, თითქოს ამბობდა, დაკისრებული პასუხისმგებლობა შეგნებული მაქვსო. — ძალეების მკურნალობა მნიშვნელოვანი საქმეა. მაგრამ საკმაოდ საზიზღარიცაა, როგორც საერთოდ ექიმის სამუშაო. საქმიანი კაცია საჭირო, ადვილად შესაძლებელია იმასაც მივალწიო, რომ მოსამართლეს თანაშემწისათვის კარგი ხელფასი დავანიშნინო. თუმცა, ამაზე ჭერჭერობით ნუ ვილაპარაკებთ.

— მამასახლისი ხომ არ დაენიშნოთ მავ აღვიღზე? — იკითხა ბიარტურმა,

მას ხომ მირის ხსოვნა გულში ხინჯად ჰქონდა ჩარჩენილი. — ჩემის აზრით, იოუნე ურიგო თანაშემწეობას არ გაუწევს ძალღების მკურნალს.

გლახებმა ბიარტურის წინადადება ხუმრობად ჩათვალეს, ხმა არავის ამოუღია. დაცინვით ჩაიფრუტუნეს მხოლოდ და დაიღრიჯნენ.

ამ დროს შემოვიდა როზა. ყავა შემოიტანა, ფინჯნები არ ეყოთ და სტუმრებმა რიგრიგობით დალიეს.

— მიირთვით, — სთხოვდა ბიარტური სტუმრებს, — იმის შიში ნურავის გექნებათ, რომ ნაღებისაგან მუცელი აგეშალოთ. ყავა კი არ დაგვიშურებია.

— დანიური ნაღები ხომ არ გავსინჯოთ, — თქვა მთების მეფემ და უბის ჯიბიდან ძათარა ამოაცოცა. ამოაძრო საცობი და გლახებს გახევებული. გაცრეცილი სახე ნეტარი დიმილით გაუბრწყინდათ, — მთაში წასვლის წინ მეგობრებსა ყოველთვის სიხარულით ვუმასპინძლდები, — ბრძანა მოების მეფემ და ფრანგებში ცოტ-ცოტა არაყი დაუსხა ყველას, — ვინ იცის, იქნებ ამ ჩემმა მეგობრებმა მეც რამით მასიამოვნონ დაბაში. უკანასკნელ წლებში გლახობის უფრო მოუპირეს მარწყუხები, სულსა ხლიან მძიმე ბეგარით. თქვენ ეს სხვებზე უკეთ იყო. მაგრამ ეგებ საქმე ისე შეტრიალდეს, რომ ახლო მომავალში დატაკებმა თავისი წარმომადგენელი გაიყვანონ სამრევლო საბჭოში. თუმცა, ამაზე ჯერ ნუ ვილაპარაკებთ.

— ნამცხვარი მიირთვით, მეგობრებო, — სთავაზობდა ბიარტური სტუმრებს. — ნუ გენანებათ ეგ ოხერი შაქარი, შეექცეით. როზა, ერთი ფინჯანი ყავა კიდევ დაუსხი ჩვენს მთების მეფეს.

— მაშ ასე. მეგობრებო, — თქვა მთების მეფემ, არაყი რომ ჩამოარგა, — მართალია. ამ ზაფხულს ამინდმა გიმტყუნათ, მაგრამ ვიცი, თიბვის დროს მაინც შეიხზავლით ლექსებს.

ურიგო არ იქნება, კარგი ლექსების მოსმენაო, — მხარი აუბეს მთების მეფეს სხვებმა.

— როგორც მოგესხენებათ, — სიტყვა ჩაურთო ეინარმა, — ოსტატურად გამოთვლილ ლექსების მოყვარული არ გახლავარ, თვითონაც ვთხოვ ჩანდახან პატარა. უმნიშვნელო ლექსებს, მაგრამ მე იმდენად რითმას არ მივდექ, რამდენადაც ქეშმარიტებას.

ყველამ კარგად იცოდა, რომ ზაფხულის სავანელი ბიარტური დიდად არ აფასებდა ეინარის პოეზიას, თვითონ უძველეს საგებზე იყო აღზრდილი, სათავჯლოდაც კი მიაჩნდა ფსალმუნების წერა, ახალმოდურ პოეზიასაც აბუჩად რგდებდა ისევე. როგორც ყოველგვარ სხვა ახირებულ უცნაურ ფანტაზიებს.

— ნამაჩემს, — დიწყო ბიარტურმა, — ძალზე უყვარდა ლექსები, ოსტატურადაც თხზავდა. მისგან ჯერ კიდევ ბავშვობაში ვისწავლე ლექსთაწყობის

საიდუმლოება. მას შერე მივდევ ამ წესებს, მიუხედავად თანამედროვე სკალდების ხსალმოღური გამონაგონებისა, როგორც მაგალითად უტირედსმირელი ფრუს ლექსებია. მამამ ლექსების შვიდი კრებული დამიტოვა და უნდა მოგახსენოთ, რომ იმ დროს ჩვენს ქვეყანაში ნამდვილი ოსტატები იყვნენ, მკაცრად იცავდნენ ზომას, მათ ოთხი პწკარის მეტი არ სჭირდებოდათ ერთი სტროფისათვის, რანაირ კილოზეც არ უნდა წაგეკითხათ ის ლექსები. აზრს მაინც არ ჰკარგავდა. მაშინდელი პოეტები სევდა-კაეშანს ან ცრემლთა ფრქვევას როდი უგალობდნენ, ფსალმუნების შეთხზვას პასტორებს უთმობდნენ. ისინი არაფერზე არ ჩიოდნენ, მკერდში მჯილს არ იცემდნენ. მაგალითისათვის ავილოთ თუნდაც ულფარის ლექსები, დიდ ბრძოლებს, გულოვანი ხალხის ბრძოლებს რომ აგვიწერს. აი ვინ იყვნენ ჰეშმარიტი გმირები. ისინი ქალის წინ მუხლებზე როდი ხოხავდნენ, როგორც თანამედროვე პოეტები. მაგრამ თუ რომელიმე მზეთუნახავის სახელს ყურს მოჰკრავდნენ, ცხრა მთას იქით რომ ყოფილიყო ის ქალი, მაინც დაადგებოდნენ გზას იმ ქალის ხელის მოსაპოვებლად, იპყრობდნენ ქვეყნებს, ხალხს. მათ განვლილ გზაზე გვამთა მთები რჩებოდა.

გლებები გამოდებით პოეზიაზე კამათობდნენ, მაგრამ ყველას თაეთა-ვისი აზრი ჰქონდა. ზოგს უძველესი, ჰეროიკული სულისკვეთებით განმსჭვალული პოეზია იზიდავდა, ზოგიც საეროს ან საღეთთა პოეზიას ანიჭებდა უპირატესობას. ისე გაიტაცებდათ ხოლმე კამათი, რომ საკუთარი ლექსების წაკითხვას ვეღარც კი ასწრებდნენ.

— ვისაც თავსატეხი ლექსები უყვარს, ისინი უმეტეს შემთხვევაში ქედმაღლობენ, თავის თავს იმათზე მაღლა აყენებენ, ვინც ადამიანის სულისთვის წერს, — თქვა ვინარმა.

ბიარტურმა უპასუხა, რომ არასოდეს დიდ სკალდად არა თვლიდა თავს, მაგრამ სძაგს ცუდად შეთითხნილი ლექსები. ლექსი ოთხტაეპიანი მაინც უნდა იყოს, წრიული რითმით.

— მე რომ სკალდი ვიყო, — თქვა ბიარტურმა, — ხალხში არასოდეს არ გავავრცელებდი ისეთ ლექსებს, რომლებშიც სამ შინაგან რითმაზე ნაკლები იქნება.

მთების მეფე მიხვდა, რომ მისმა მაგარმა სასმელმა ალაგზნო და გააცხარა გლებები. მაგრამ რაკი ახლა ამ საკითხზე მსჯელობის დრო არ იყო, ამიტომ გადაწყვიტა კამათი შეეწყვიტა და გლებებს მიმართა:

— მე მგონია, არ დამემღურებით, თუ კამათში ჩავერევი და ჩემს აზრს მოგახსენებთ. მართალია, თავის დღეში ლექსი არ დამიწერია, მაგრამ ვფიქრობ, რომ პოეტები საშუალო გეზს უნდა მისდევდნენ ჰეშმარიტების სიყვა-

რულსა და რითმებში. რითმაში უნდა მოაქციონ ის ჭეშმარიტება, რისთვისაც თავის გამოღება შეუძლიათ და ხობტა არ უნდა შეასხან ჭეშმარიტებას, თუ მას რითმაში ვერ მოაქცივენ.

— თუ ჭეშმარიტება რითმაში ვერ თავსდება, მაშინ ის ჭეშმარიტება აღარ არის. თუ რითმა სწორია, თავისთავად უკვე ჭეშმარიტებაა, — თქვა ზიარტურმა.

— ეს კი ნამდვილად გაუგებარია ჩემთვის, — წამოიძახა ეინარმა, — მიკვირს ასეთი სიტყვები თქვენისთანა ჭკვიანი ხალხისაგან, რითმა მუდამ რითმად რჩება, ჭეშმარიტება — ჭეშმარიტებად.

ისტადალელი ოულაფური გულგრილად უგდებდა ყურს მათ კამათს. მას უფრო მეცნიერულ საკითხებზე მსჯელობა და რთული პრობლემების გადაჭრა უყვარდა. უნდოდა საუბარში ჩარევა, თავისი წვლილის შეტანა, ასეთ სიამოვნებას ვერ დასთმობდა და როგორც კი დრო იხელთა, მარჯვედ ჩაურთო:

— დიას! ჭეშმარიტად ბევრი უცნაური მოვლენაა ქვეყნად! ამბობენ, მომავალ წელს აღდგომა შაბათ დღეს მოუწევსო...

ერთ ხანს ყველა დუმდა.

— შაბათს? — ჩაფიქრებით გაიმეორა მთების მეფემ. — შეუძლებელია აღდგომა მუდამ კვირა დღესაა.

— მეც ასე მეგონა, — ზეიმურად განაცხადა ოულაფურმა. — ოღონდ, რაც ახლა გითხარით, ჩემი შეთხზული არ გეგონოთ, აღმანახში წავიკითხე. ხალხთა მეგობრობის კავშირის აღმანახში თეთრ ქაღალდზე შავი ასოებით წერია, აღდგომა მომავალ წელს შაბათ დღეს ხვდებაო.

— შეცდომა იქნება, — თქვა მთების მეფემ.

— შეცდომა აღმანახში? რა ბრძანებაა. ასეთი რამ როგორ მოხდება. ნუთუ აღმანახში შეცდომა გაეპარებათ? ვიფიქრე, ვიფიქრე ამაზე და აი, რა გადაწყვიტე: ამ რამდენიმე წლის წინათ პასტორ გუდმუნდურის სახლში გავათიე დამე და მახსოვს, ერთ ძველ წიგნში წავიკითხე, ხანდახან ხდება, რომ მზე ცოტა ხანით ყოვნდებაო. თუ ეს მართალია, ასეთ შემთხვევაში დროც უნდა ჩამორჩეს. აკი ბიბლიაშიც ნათქვამია, რომ ოდესღაც მზე გაჩერდა.

— ჩემო კარგო, ოულაფურ, — უთხრა ბიარტურმა, — ძე-ხორციელს არ გაუმხილო, რომ გჯერა ეგ. ფრთხილად უნდა მიუდგე იმას, რასაც წიგნებში წერენ. პირადად მე არასოდეს არ ვენდობი წიგნებს, ყველაზე ნაკლებ კი ბიბლიას. ვის შეუძლია შეამოწმოს, მართალი წერია იმ წიგნში, თუ ტყუილი? წიგნში, რამდენიც გინდა, იმდენ ტყუილს იპოვი. შენ ხომ იქ არ იყავი... დრო რომ მართლაც ჩამორჩებოდეს, მაშინ იმით დამთავრდებოდა, რომ აღდგომა შობა დღეს მოუწევდა.

— მე მხოლოდ იმას ვეყრდნობი, — თქვა მთების მეფემ; — რასაც ისტორია გვასწავლის. იესო ქრისტე მკვდრებით აღსდგა კვირა დილას, მამასადავად, აღდგომა კვირას იწყება, დამოუკიდებლად იმისა, წინ მიდის დრო, თუ ჩამორჩება.

— არ ვიცი, — სიტყვა შეაგება ბიარტურმა, — როდის აღსდგა ქრისტე, ვინცსწრებოდა ამას? უთუოდ რამდენიმე ისტერიული დედაკაცი. მერედა, განა შეიძლება ისტერიულ დედაკაცებზე დანდობა? მაგალითისათვის გეტყვი: ამ რამდენიმე წლის წინათ უტირედსმირში ერთი მოახლე ქალი იყო, წარმოშობით სამხრეთელი. ჰოდა, ერთ მშვენიერ დღეს ამ ქალს მოეჩვენა, რომ პატარა ბავშვის ტირილი შეესმა, მთის კალთაზე დაგდებული ბავშვის. ზაფხულში მოხდა ეს ამბავი. გვიანი საღამო იყო, ქალს პაწია ბავშვის შესაბრალისი ტირილი ესმოდა. ჰოდა, არ იკითხავთ, რა იყო სინამდვილეში? დალაზვროს ეშმაკმა, თურმე გარეული კატა ჩხაოდა ასე.

მთების მეფეს არ უნდოდა ასეთ განყენებულ თემაზე კამათში ჩაბმა და ხმადაბლა უთხრა მეგობრებს:

— რაკი ბიარტურმა გარეული კატა ახსენა, მინდა გავიგო, ნათლიდედა მელაზე რასა ფიქრობთ?

— ფიქრი არა კმარა, რაღაც უნდა ვიღონოთ, — უპასუხეს გლეხებმა, — რას იტყვი, მამასახლისის ნომ არ მოველაპარაკოთ ამ საკითხზე?

— ოო, მამასახლისის ის გაქნილი გრძელკუდა მაინცდამაინც არ აწუხებს, — თქვა ბიარტურმა, — შარშან მელიის ოცი ტყავი გაპყიდა, კარგა სარფიანადაც გაასალა.

ღარიბ გლეხებს მელა ხეირს არ დააყრის. შარშან რამდენჯერ დაეცა ცხვარს, ამ შემოდგომაზეც შემოგვეჩვია ის წყეული, — თქვეს გლეხებმა. მთების მეფემ კი ავტორიტეტულად გამოაცხადა, მელა, ეჭვს გარეშეა, ადამიანის ყველაზე უღმობელი მტრების რიცხვს ეკუთვნისო. ნიდურკოტელმა ბერიკაცმა შეაჯამა კულდგრძელაზე ნათქვამი, და ასე დაასკვნა:

— მელამ შარშან დაატრიალა უბედურება, უბედურება დაატრიალა ამ გაზაფხულზე და შემოდგომაზეც დაატრიალებს.

ყავის სმას რომ მორჩნენ, მთების მეფემ თავი დაუტყვა მათარას, ჯიბეში ჩაიღო. უკვე ისე ინათა, რომ ცხვრის გარჩევა შეეძლოთ.

— მაშ ასე, — თქვა მთების მეფემ და წამოდგა, — ერთხელ და ორჯერ არ წემომივლია უშენი ადგილები, მაგრამ ასე არასოდეს არავის არ მივუღივარ: გულს ეამება შემოდგომის სუსხიან დღეს სტუმართმოყვარე მასპინძელთან მოხვედრა. დიდებულად გავვიმასპინძლდი, ჩემო ბიარტურ. ახლა კი, ძმებო, დროა წავიდეთ, ვლით ჩვენს ცხვარს.

— სტუმართმოყვარეობაში კი არ არის საქმე, — მიუგო ბიარტურმა, — მთავარი დამოუკიდებლობა გახლავთ. ცოცხალი ხარ, თუ სული გძვრება, არავის ეკითხება შენს მეტს. მე მგონია, სწორედ ეს არის დამოუკიდებლობა და თავისუფლების ასეთი წყურვილი ყველას აქვს სისხლში გამჟღავნებული.

— მართალი ხარ, მართალი, — კვერი დაუკრა მთების მეფემ, — ჩემთვის ეს საეხებით გასაგებია. ისლანდიელი ხალხი დამოუკიდებლობისა და თავისუფლების მოყვარული ხალხია. თავის დროზე, ისლანდიაში ცხოვრობდნენ თავისუფალი ხევედინგები*. ის ხალხი უცხო ხელმწიფის სამსახურში სიცოცხლეს თავისუფლებაში სიკვდილს ამჯობინებდა. ბიარტური და სხვა მისი მსგავსნი თავისუფლების მოყვარული ისლანდიელები არიან, სწორედ მათ ეყრდნობა და კვლავც დაეყრდნობა ისლანდიის დამოუკიდებლობა. ჩანს, არც როზა დაუსუსტებია ამ ხეობაში ცხოვრებას. არასოდეს ასეთი გაფურჩქნილი და ჭანით საცხე არ მინახავს. როგორ გრძნობ თავს ამ მიყრუებულ კუთხეში, როზა?

— რა თქმა უნდა, ლაღად და თავისუფლად, — უბასუხა როზამ და ცხვირში დაისრუტუნა.

— დიახ, ჩემო კეთილებო, — განაგრძო მთების მეფემ. არაყი რომ გადაჰკრა, რაღაცნაირი ზეიადობა დაეტყო, ისეთი, მდიდარ გლეხს რომ ახასიათებს. — ძთელი ჩვენი თაობა ასეთივე სულისკვეთებით რომ იყოს განმსჭვალული, როგორც ეს ახალგაზრდა წყვილია, ისლანდია გულდამშვიდებული შეხედებოდა მომავალს.

— რას იტყვი, გამგზავრების დრო ხომ არ არის. ეპ, ერთხელ კიდევ მომიწევს ჩემს ბებერ ჯაგლაგზე აბობლება, — თქვა ნიდურკოტელმა ტოურდურმა.

ტოურდური კიბის თავთან იღგა და მთების მეფეს არ შეეძლო მღუმარედ ჩაეელო ამ პირდამჰქნარი ბერიკაცის გვერდით, ოცნებებით ღარიბი ცხოვრების გზა რომ გალია და მთების მეფემ გამამხნეველად დაჰკრა მას მხარზე ხელი.

— ასეა, ბერიკაცო, არა! ყოველი ჩვენთაგანისთვის ცხოვრება ლატარიის მსგავსი რაღაცაა.

— რაო, რაო? — გაოცებით იკითხა მოხუცმა. ვერ გაიგო ამ შედარების აზრი, თავის ცხოვრებაში ერთხელ ჰქონდა ლატარიის ბილეთი. რამდენიმე წლის წინათ რედსმირის დიასახლისმა ლატარიაში გასათამაშებლად სასაფლაოს ფონდისთვის კვიცი შესწირა. გათამაშება იმით დამთავრდა, რომ მამასახლისმა საკუთარი კვიცი მოიგო.

* ხევედინგი — ბელადი, მეთაური (ისლანდ.).

— მამიკო, ძვირფასო, — უთხრა როზამ ტოურდურს, ეზოში რომ გააცი-
ლა, — აბა, შენ იცი, ამელამ, მთის ქოხში რომ იქნებით, თბილად დაიხურე.

— ეეჰ, გაკირვეებას რა ვუთხრა, თორემ განა მე უნდა, დავდევდე ამ
მფრთხალ ბატყნებს მთასა თუ უშენ ადგილებში? ოთხმოც წელს მივალწიე
უკვე, საკუთარ ხუტორშიაც ძლივსლა დავჩანჩალებ, — დაიჩივლა ტოურდურმა
და სადავე ზურგზე გადაუგდო ცხენს.

მთის კალთაზე ძაღლები ერთმანეთს დაერივნენ, ერთი ვაიუშველებელი, გნი-
ასი და დავდავი ჰქონდათ. გლეხებმა თავ-თავის ძაღლებს უხმეს. საძოვრის ნა-
პირას, ლობეზე მიბმული ბატყანი, ძაღლებს და ხალხს რომ ხედავდა, გაუჩე-
რებლად ბლაოდა. ტოურდურმა ქალიშვილს აკოცა, ცხენზე შეჯდომა დააპირა,
როზამ უხანგი დაუჭირა. უნაგირზე ტოურდურს შავი ცხვირის ტყავი ეგო, რომ
უფრო რბილად მჯდარიყო და უნაგირი არ გაფუჭებოდა. როზამ ცხვირ-პირ-
ზე ხელი ჩამოუსვა ბებერ გლაისის, საყვარელ პირუტყვს, ამ თვრამეტი წლის
წინათ პატარა კვიცი რომ იყო. როგორ უყვარდა როზას და მის დაძმებს. გლა-
ისისთან თამაში, რა დიდ სიხარულს ანიჭებდათ. მაშინ როზას დაძმები ჯერ
არ იყვნენ დაქსაქსულები, ერთ ჰერქვეშ, მშობლებთან ცხოვრობდა ყველაჃ
ახლა კი აქეთ-იქით წავიდ-წამოვიდნენ. ამ დროს, ძაღლებთან ბრძოლით და-
ქანცული, აქოშინებული, ენაგადმოვადებული სამური მოიჭრა, იცნო როზა,
ხელად გადააიწყლა ბრძოლის პერიპეტიები, მხიარული წკმუტუნით მივარდა
ქალს... როზას გულმა არ მოუთმინა, შინ შებრუნდა და თევზის ნაჭერი გამო-
უტანა მამის ძაღლს.

— მამი, რომ არ ვიცოდე, როგორ გჭირდება სამური, გთხოვდი, დამიტო-
ვე-მეთქი. არა მგონია, ემაგ ბატყანმა რამით მანუგეშოს.

ამ დროს ბიარტური მივიდა მათთან, ბლესი სადავეთ მოჰყავდა. ცოლს
აკოცა, დავალებები მისცა, ტიტლას უხმო და დაიძრნენ კიდევ. როზამ მიმავალთ
თვალი გააყოლა, მამამისი ყველაზე უკან მიჩაქჩაქებდა, მხრებში მოხრილი ბე-
რიკაცი ფერლებში ფეხებს სცემდა გლაისის, მძიმედ რომ მიდგოფუნობდა ტა-
ლახში.

თ ა ვ ი მ ა თ ა რ თ მ ა ბ ა

ს ა მ ბ ა მ ბ რ ი ს ლ ა მ მ

დიდხანს არ გაუვლია გლეხების წასვლის შემდეგ, რომ ეინეცლა დაიწყო,
ცას კუპრივით შავი ღრუბლები გადაეკრა, წვიმის წვეთები თანდათან გამს-
ხვილდა, დამძიმდა და ბოლოს შემოდგომის ნამდვილი დელგმა წამოვიდა, ყრუ

ხმაურით რომ ავსებს სამყაროს და შიშა ჰგვრის ყველას. ცა თითქოს ფეხად ჩამოვიდა, იფიქრებდით, ველარაფერი შეაკავებს ამ უკიდევანო სივრციდან გადმოხეტოილ ღვარსო. რუხმა საბურველმა შესუდრა შორეთი, მძიმედ დააწვა მიდამოს. ერთფეროვნად, ნელა შხაპუნებდა წვიმა ჭაობის ჩამქვანარ ბალახზე, ამღვრეულ ტბაზე, წყლიდან ამოყუბცულ ქვიშოვან მეჩჩეჩებზე, ჩაშავებულ მთაზე. ბურუსი მრუშე კედლად აღიმართა ხუტორის წინ, დაფარა თვალსა-წიერი და ეს ყრუ, სასოების წარმკვეთი ხმა თითქოს სახლის ყოველ კუნ-ქულში იჭრებოდა, ყურს აგუბებდა, ფარავდა ყოველივეს შორს თუ ახლოს -- როგორც თვით ცხოვრებაზე დაწერილი პროზაული ნაწარმოები, რომელსაც არც რითმი გააჩნია, არც ძლიერი, არც სუსტი ადგილები, მაგრამ მიანიც გზიბლავთ, გიტაცებთ თავისი სიღრმით. და ამ უფსკრულივით ღრმა, აბობოქ-რებულ ოკეანის ფსევრზე იდგა პატარა სახლი, სადაც გულით ავადმყოფი ქალი იჭდა მარტოდმარტო.

როზამ წინდების კემსვა დაიწყო, მაგრამ მალე თავი დაანება საქმეს, სულ არა ჰქონდა მუშაობის ხალისი, წვიმის შხაპუნით გაბრუებული, გარინდული მიმჭდარიყო სარკმელთან და უაზროდ გაპყურებდა რუხ ბურუსს, ხან ბავშვი-ვით დანცქეროდა სარკმლის რაფაზე დაგუბებულ წყალს. საღამოს ქარი ამო-იჭრა, ცხვრის ფარასავით მიერეკებოდა საავდრო ღრუბლებს, ქაფმოგდებული ღვარი ჩარბოდა ჭაობში, იქოჩრებოდა, ეცემოდა და იშლებოდა, როგორც წყალკვეთების დროს ზღვის ტალღები.

ბატკანი მიყუჩდა და რამდენადაც საბმელი ამის საშუალებას აძლევდა, წინ წაიწია, მოიკუზა, თავი დახარა, რქები ქარს მიუშვირა. როზას ეცოდებო-და პირუტყვი, ასეთი მწარე ხვედრი რომ ხვდა წილად, მარტოდმარტო დატო-ვეს დატყვევებული და გადაწყვიტა ფარეხში შემოეყვანა. გუდღბრაუ ქალის დანახვაზე დაფრთხა, გაქცევა დააბირა, მაგრამ სად წავიდოდა, მაგრა იყო მიბმული. როზა თოკს წასწვდა, მოზიდა, რქებში ჩაავლო ხელი ბატკანს, ფეხებ-ში მოიქცია, წათარია, ფარეხში შეაგდო და კარი გადაარაზა. გუდღბრაუმ ვერც ფარეხში მოისვენა, ჯერ ტანი შეიბერტყა, მერე სირბილს მოჰყვა, აქეთ-იქით აწყდებოდა და რაკი დარწმუნდა, ტყვეობას თავს ვერ დაეაღწევო, ისეთი საში-ნელი ბლავილი მორთო, მთელ ხუტორში ისმოდა მისი ხმა. როზას ბატკნის დამშვიდება უნდოდა, წყალი დაუდგა წინ. გუდღბრაუმ არც დახედა წყალს, ქალმა ახლა თივა დაუყარა, არც თივას დააკარა პირი, დამფრთხალი განზე გახ-ტა, ფარეხის კუთხეში შეიყუჟა და როზას შიშით, უნდოდ უყურებდა, სიბნე-ლეში მისი თვალეები მწვანედ ანათებდა, მერე იატაკზე ისე დააბაკუნა ფეხე-ბი, თითქოს ემუქრებოდა ქალს. როზამ თევზი და პური დაუღო წინ, და რაკი

არც ამას მიეკარა ტყვე, გადაწყვიტა თავი დაენებებინა. დამფრთხალი ცხვარი საშინელი ხმით ბლარდა.

ასე მიდიოდა დრო. ბინდი ჩამოწვა. როზამ ფაფა გააკეთა და შექამა. ამასობაში დაღამდა კიდეც. როზა ხშირ-ხშირად უკეთებდა ცეცხლს ფიჩხს, სახლში ციოდა, ნესტი იდგა, ორ ადგილას სახურავიდან წვიმამ ჩამოქონა, გარდა ამისა, ლამპა არა ჰქონდა და ცეცხლის მბუქრავ შუქზე ცოტა მშვიდდებოდა. დიდხანს იჯდა ასე, ქურის კარი ნახევრად გამოღებული დატოვა, რომ ცეცხლისთვის ეტკირა. მერე გაიფიქრა, რა დაშავდება, თუ ცოტა თავს გაივინებო, დედის გამოგზავნილი ყავა მოხარშა, ჰამდა დედის გამოგზავნილ შაქარს, ერთი ნატეხის ნაცვლად, ხუთი შექამა, სვამდა ყავას, ერთ ჭიქას რომ გამოცილდა, მეორეს დაისხამდა, თან ცეცხლს თვალს არ აშორებდა, მაგრამ შიში იქვე იყო ჩასაფრებული, მხოლოდ შემთხვევას ელოდა, რომ დაუფლებოდა როზას, საცაა ქრეოლით დაუვლიდა ზურგში. როზა განზრახ იგონებდა წარსულის მხიარულ შემთხვევებს, ერთ ხანს ამით შეიქცა თავი, თითქოს დამშვიდდა კიდეც. წვიმა გადაღებას არ აპირებდა, ისევე შხაპუნით ასკდებოდა სარკმელს, ქარი უფრო ძლიერ ღმუოდა და ზუზუნებდა, სახლი ირწყოდა. როზა ქურას ვერ სცილდებოდა, ეჩვენებოდა, რომ წყვილიაღში ჩაძირული სახლი სავსე იყო ავი სულებით. ფეხმორთხმული იჯდა, ხელები იღლიაში ამოედო, ეგონა, თუ წინ გაიწვილიდა ხელებს, ვილაც მოეჭიდებოდა და ამაზე რომ არ ეფიქრა, კვლავ მოგონებებს მისცა თავი. დიდხანს, დიდხანს იჯდა ასე ფეხმორთხმული, გულხელდაკრეფილი, თავის საფიქრალს მისცემოდა, თითქმის დათრგუნა შიში, მაგრამ გულღბრაუს, როგორც ჩანდა, მობეზრდა წოლა, წამოდგა და ისეთი ყურთასმენის წამლები ხმით აბლავლდა, თითქოს ვილაცამ ძალით წამოაგდრო ზეზე, მერე აქეთ-იქით მიაწყდა, გეგონებათ, დასდევს ვინმეო. რამდენჯერმე შედგა, იატაკზე დააბაკუნა ფეხები. როზას მოეჩვენება, რომ ვილაცამ ვილაცას სახეში სული შეუბერა. ვინ ვის? იქნებ არავის...

როზა ფრთხილად წამოდგა, ფეხაკრეფით მიიპარა კიბის თავთან და დაიყვირა:

— ცხვარო, ნუ გეშინია!

მაგრამ წყვილიაღში ჩაძირულ მღუმარე სახლში რომ გაისმა მისი ძახილი, ქალს გული აუთრთოლდა, ისე ეუცხოვა საკუთარი ხმა. როზა ერთ ხანს უძრავად იდგა კიბის თავთან. ვაგლახ! უბედურება, რომელსაც მთელი დამე ელოდა, მისკენ მოისწრაფოდა. როზას ტანში გასცრა, მწვავე ტკივილმა შებოჭა, ერთ ადგილზე გააქავა. ქვევით ვილაც იყო, ცხვარს დაეცა, გააფთრებით ყელში წაუჭირა, ახრჩობდა, გულღბრაუს ხმა ჩაუწყდა, მერე იმ ვილაცამ ცხვარი ას-

წია და კედელს მიანარცხა... როგორც იქნა, კვლავ გაისმა პირუტყვის უფრო განწირული, შემზარავი ბღავილი...

როზას გული არ წსავლია, ისევ ქურას მიუჯდა, შეყარა ფიჩხი, ფიჩხის ტყაცატყუცი, ცეცხლის მოლურჯო ალი, ეს იყო მისი ერთადერთი იმედი. არა, არა, როგორ შეიძლება ცეცხლის გაქრობა. ღმერთმა ნუ ჰქმნას.

იქნებ სულაც არააინ არის ქვევით? გაუელვა როზას და გაშეშებული თითებით კიდევ შეყარა ფიჩხი ქურაში.

ვილაცამ რალაც... იქნებ არააინაც არ არის... როზა დასტკეროდა ნაკვერჩხალს, თავისი პატარა კერის ცეცხლს, თავისუფლებისა და დამოუკიდებლობის საღიღებლად აგუზგუზებულ ცეცხლს და გადაწყვიტა საფრთხეზე აღარ ეფიქრა, დამშვიდებულიყო. არავითარი მოჩვენებები არ არსებობს, არავითარი კოლუმპილი არ ბუღობს ამ კუთხეში, აქ მხოლოდ თავისუფლების კეთილი ღმერთია, ღმერთი, რომელიც ადამიანს ძალზე მაღლა აყენებს (შესაძლოა). ვინ იცის, იქნებ ოცდასამი წლის შემდეგ როზაც მამასახლისის ცოლი გახდეს, უტირედსმირელ ფრუსავით? „ცხოვრება თავისებური ლატარიაა“, — უთხრა მამამისს მთების მეფემ. — ღმერთო, წყალობას ნუ მოაკლებ იმ კეთილ მოხუცს! ნეტავი კი არ გაცივდეს და ფილტვების ანთება არ დაემართოს... მან ხომ ოთხმოც წელს მიაღწია. და ახლა მთელი ღამე მთის ქოხში უნდა გაატაროს... თქ, არა, არა, ამაზე ფიქრიც კი აუტანელია როზასთვის. ცუდ რამეზე არ იფიქრებს, არა, მხოლოდ კარგზე მხოლოდ ლამაზ რამეზე უნდა იფიქროს. „რა საამო ხარ, რა კარგი, მიწაზე ჩვენო!“ ღიახ, ჰეშმარითად ლამაზია!

მას შემდეგ, რაც გათხოვდა და ამ მიყრუებულ კუთხეში დასახლდა, როზას ერთხელაც არ უმღერია და ახლა ჩაბნელებულ სახლში კერასთან მჯდარმა ახალგაზრდა ქალმა პირველად წამოიწყო ეს სიმღერა; მაგრამ სუსტი ხმა ჰქონდა და არ შეეძლო ესოდენ ლამაზი სიმღერის შესრულება, დიდა მონღომებით კი ცდილობდა მელოდიის გადმოცემას, მაგრამ სუნთქვა ეკვროდა, შიშით ხმა ჩაებლიჩა, ყოველ ნოტაზე უწყდებოდა და რაც უფრო აგრძელებდა სიმღერას, მით უფრო გამალებით უცემდა გული. და მაინც არასოდეს არავის უმღერია პატრიოტული სიმღერა ასეთი გრძნობით. სიმღერის ხმას როზასავით დამფრთხალი ცხვრის ბღავილი ერთვოდა: მე-ე-ე... ღიახ, არც ერთი პატრიოტული სიმღერა არ გამოუხატავთ ესოდენ ცოცხლად, ესოდენ ნათელი ბგერებით.

ბოლოს ცხვრის განწირულ ბღავილს შესაბრალისი კვნესა, თითქმის ხრილი მოჰყვა. როზას ეკვმა გაჰკრა: ვითომ ცხვარი კია, ცხვარი ბღავის ასე? ბღავილი კი არა, საცოდავი გმინვა ისმის. ვაითუ რომელიმე ურჩხული აწამებს პირუტყვს, უნდა ბოლო მოუღოს? ცხვარი დროდადრო ჩუმდებოდა, ისევ

ფხაკურს და სირბილს იწყებდა. აი, ვიღაც კიბებს მოექიდა, შეანჯღრია, კართან აბრაგუნდა, კოჭები ააჭრიალა. მერე ისევ მიყუჩდა ყოველივე, მხოლოდ გრიგალი აწყდებოდა ზათით სარკმელს და როზას გულს ბაგაბუვი გაჰქონდა. როზას მოეჩვენა, რომ ქართველი ჩადგა, ცხვარიც მიყუჩდა და როცა გულმა თანაბრად დაუწყო ცემა, უცებ გარეთა კარზე სამინელი ბრაგუნი გაისმა, რაღაც მძიმედ ეკვეთა სახლს, ისეთი გრუხუნ-ჭრიალი და ღრაჭუნი ატყდა, თითქოს ყველაფერი ინგრევაო.

როზას ჯერ ეჩვენებოდა, რომ გრუხუნი მთიდან ისმოდა, მაგრამ როცა კარს მოასკდა რაღაც, მოელანდა, თითქოს სახლის წინა ნაწილი ჩაიქცა. ამ დროს ფარებიდან ისეთი ბლალივი გაისმა, აშკარა იყო, ვიღაც ახრჩობდა ცხვარს. როზა ხელებით საწოლის კიდეს ჩააფრინდა, შიშით აცახცახებული, ანგარიშიშუკემლად, როგორც სასიკვდილოდ განწირული ადამიანი, ღმერთს შეველას ევედრებოდა. ბოლოს ფრთხილად, სუნთქვაშეკრულმა დაიწყო კაბის გახდა. მარტო კაბა გაიხდა, ეშინოდა, ვაითუ წყველიადში მიმალული მოჩვენება ოდნაემა ფაჩუნმაკი გააღვიძოსო. ასე ფრთხილად შეძერა საბანქევშ, კარგად ჩაიფუნა, თავფეხიანად ჩაიმალა და გაისუსა. დიდხანს იწვა განაბული, მთელი ტანიც ცახცახებდა, გული ეკუმშებოდა, შვება ველარ მოჰგვარა მხიარულმა მოგონებებმა, შიში სძლედა ცხოვრებაში განცდილ ყოველგვარ ბედნიერებას. და შორეულ განთიადზე დაიწყო ფიქრი. ადამიანი მუდამ რაღაცაში ეძიებს ნუგეშს, მაშინაც კი, როცა არსიდან არავითარი იმედის ნიშანწყალი არ არის. ეს კი იმას ნიშნავს, რომ ადამიანი ჯერ კიდევ ცოცხლობს. ჯერ არ დამდგარა ისეთი ბნელი და გრძელი ღამე, რომ ხალხს განთიადის იმედი დაჰკარგოდეს.

როზა იწვა, დიდხანს ცახცახებდა შიშით, ბოლოს რული მოერია, მაგრამ ამას არც ძილი ეთქმოდა, არც დასვენება, ეს უფრო მძიმე, დამქანცველ, იძულებით მოგზაურობას ჰგავდა ქვეყნის გარშემო, ქვეყნისა, რომელსაც სივრცე არ გააჩნია და სადღაც დროის მიღმაა. როზა ხელახლა განიცდიდა შორეულ წარსულში მომხდარ და გაგონილ დაუჯერებელ ამბებს, ხედავდა ხალხს, უწინდელ ნაცნობებს. ამ ზმანებებში ყველაზე არაბუნებრივი ის იყო, რომ საოცრად ცხადად, ზუსტად ცოცხლდებოდა განცდილი. აი როზას ჩაესმა დიდი ხნის მივიწყებული მელერი ხმა, რომელსაც მის გულში კვალი არ დაუტოვებია, კვლავ დაინახა დიდი ხნის დავიწყებული სახე, ნაოკი ამ სახეზე, ასე ანაზღუფლად რომ გაიჭროლა მის ცხოვრებაში. ამ ზმანებებში, ყოველი სახე მის ცნობიერებას აფეთისებთან სიმსივნესავით ესისხლხორცებოდა. იმ დილას მათ ოჯახში მოსული სტუმრებიც გამოეცხადნენ, ისე გამოწველივით ხედავდა მათ, რომ თითქმის ურცხვობის მიჯნაზე იდგა და რაც უფ-

რო ნათლად ეხატებოდნენ ისინი, მით უფრო კრთოდა და ამ ხილვებს თავს ვედარ აღწევდა. გარიჟრაჟის ძილისმომგვრელ ბინდბუნდში ერთი მეორეს ცვლიდნენ, ირეოდნენ მიცვალებულივით სახეგაყინული ქალი თუ კაცი, რო-
ჯორც სიზმარში ვხვდავთ მათ: გამოგეცხადებიან, ცოცხლებივით იქცევიან, თქვენ კი იცით, რომ მკვდრები არიან, დიდი ხნის დამარხულები, მათი უნდლილი, ქუში ღიმილი—მიცვალებულის ღიმილია, მათი შემზარავი ლაპარაკი—მიცვალე-
ზულის ლაპარაკია, მათი ნილაბი — ყინულის საბურველივით ფარავს გარდუ-
ვალი მარცხის შიშს. ოდესღაც ისინიც ოცნებობდნენ უკეთეს ხვედრზე, ნათელ
ნერმისზე, მაგრამ არც ერთ საღად მოაზროვნე ადამიანს არ სჯეროდა ამის.
ბიარტური? ისიც ხომ იმ იმედით ცხოვრობს, რომ ოცდასამი წლის შემდეგ
მამასახლისი გახდება? „მე სად ვიქნები მაშინ?“ — გაუელვა როზას. განა მამა-
მისი კი არ ოცნებობდა ნათელ მომავალზე, შეძლებაზე, ეგებ მამასახლისობა-
ზე? მან ააშენა წისქვილი ნაკადულის ნაპირას. ჰოდა, სად არის ახლა მამა-
მისი ამ დამით, ოთხმოც წელს მიღწეული, ფილტვებსუსტი, ქარებით დასნეუ-
ლებული ბერიკაცი? მიყრუებულ ადგილას, მთაში, გაყინულ ქოხში წევს.
წისქვილი კი, ნაკადულის პირას მდგარი, ხავსს დაუფარავს. ნეტა რა იქნა
ცხვრის ძვლები, ნიდურკოტში რომ თამაშობდნენ ბავშვები? პატარაობისას
როზაც ოცნებობდა ცხვრის ფარაზე, ჯიშთან, ცურსავსე ძროხებზე, საყუთარ
იალალებზე მოჭირითე კვიცების რემაზე. ოცნებობდა, რომ ისეთივე ჭკვიანი
და ნიჭიერი გაიზრდებოდა, როგორიც უტირედსმირელი ფრუ იყო და ისეთივე
დიდებულ სახლში იცხოვრებდა. ჰოდა, სადა ცხოვრობს ახლა როზა? სად
არის მისი ჯოგი? სად გაქრა მისი ნიჭი? გაჭირვებით ისწავლა წერა-კითხვა და
ერთადერთი ცხვრის პატრონია. ბავშვობისას მეწისქვილის ქოხში ის მდიდარი
იყო, ოცნებობდა, რომ მასაც ეყოლებოდა ძროხები, ზუსტად ისეთი ცხენები,
ლექსებში და სიმღერებში რომ აღწერენ. ნაკადულს თავისი განსაკუთრებული
მელოდია ჰქონდა, წიქვილს, რომელიც არასოდეს არ ამუშავებულა, — თავი-
სი განსაკუთრებული მომხიბლაობა, რომელსაც ქვეყნად ვერაფერი შეედრე-
ბოდა. როზა ხედავდა ცხვრის ძვლებს იქ, თავის ქოხთან და ნიჟარას, რომელიც
მამამისმა იპოვა ზღვაში. როზას უყვარდა ნიჟარა, მისთვის ის ყველა საგან-
ძურზე ძვირფასი იყო ქვეყნად, დაძმებს ხელს არ აკარებინებდა, არავის არ
აძლევდა სათამაშოდ... ნეტავ, სად არის ახლა ის ნიჟარა?

— მე-ე-ე-ე!..

ამ კვიცნმა როზას ყურში უცნაურ, არგაგონილ ნოტასავით გაიხმინა
და უცებ თვალი გაახილა.

ჯერ კიდევ ძილ-ღვიძილში მყოფ ქალს ეჩვენებოდა, რომ ცხვარი ამ სამი სა-
ათის წინ მოკლეს და ახლა ეშმამ მკვდრეთით აღადგინა. ეს ჩახლეჩილი ხმა

თითქოს მიწის სიღრმეიდან ამოდოდა. არა, ცოცხალი არსება ვერ გამოსცემდა ასეთ ხმას. ეს წამებულთა გოდებას უფრო ჰგავდა, იმათ კივილს თუ ხავილს, საღვთო წერილში რომ არის აღწერილი. უთუოდ უშენი ადგილის მთელი მოჩვენებები და ეშმები ჩაბუდებულან ამ ცხვარში, მასში ჩაბუდებულან ქვიან უღბნაოში, კლდის ძირას მიგდებულ ბავშვთა აჩრდილები, იმ ბავშვთა, რომელთაც ყელი გამოლადრეს, ტვინი გამოსწოვეს, ანდა პაპისტების — იმათი, ვისაც სძულს ღმერთი და იესო ქრისტე, ვინც მხოლოდ ერთს ოცნებობს: რომ ყოველი ცოცხალი არსება მათსავეთ განწირული იყოს, სამარადისო ტანჯვა-წამება ხედეს წილად.

ასე მიიწურა ღამე.

როგორც იქნა, როზამ გაბედა საბნიდან თავის გამოყოფა და ოთახში შუქის მკრთალი სხივი რომ დაინახა, ენით გამოუთქმელი შვება იგრძნო, დარწმუნდა, ღამე მიიწურა, რომ ყველაზე საშინელ, გაკვიანურებულ ღამესაც კი ენაცვლება ღღე. ქარი ჩამდგარიყო, წვიმა კი არემარეს ძველებურად აყრუებდა შეუწელებელი დგაფუნით. გუღლბრაუ ბლაოდა. შუქმა თანდათან იძალა და როზასაც გუნება შეეცვალა. ღამის შემზარავი ზმანებები მოახლოვებული დღის შუქმა უკუავადო. ის მოთენთილობაც გაქრა. ახლა როზას ცხერისა აღარ ეშინოდა, მხოლოდ სძულდა, თავის მტრად მიაჩნდა. მისი ბღაილი თანდათან უფრო უშლიდა ნერვებს. არა, რაღაც არ უნდა დაუჭდეს, ხმა უნდა ჩააწყვეტინოს მაც მიწრიელს. ერთი კარგად გათენდეს, გამხნევედება და ხელს ველარაფერი შეუშლის, რა ხერხითაც არ უნდა იყოს, მაინც გააფრთხობინებს სულს. ბოლოს ველარ მოითმინა, გადმოხტა საწოლიდან, ჩაცმაზე არც კი უფიქრია, პერანგის ამარა, მკერდმოშიშვლებული, გახლებული დარბოდა ოთახში წინ და უკან. იმ უძილო ღამის შემდეგ ჩვეულებრივზე უფრო გაფითრებული იყო, ანთებული თვალები საზარლად უელავდა. როზამ ჰერქვეშ, კედელზე მოაფათურა ხელი, სატომრე ნაჭერში ვახვეული ცელი გამოიღო, ფანჯარასთან მივიდა, დახედა ცელის პირს, თმაზე მოსინჯა, კარგად იყო თუ არა გალესილი და ქვევით ჩავიდა. გუღლბრაუ უფრო დაფეთდა, კედლებს აწყუდებოდა, როზა დასდევდა, ხან ფოცხს წამოსდო ფეხი, ხან ოკის კონას, ღამით გუღლბრაუს შფოთვისა და ალიაქოთში რომ ჩამოცვივნილიყო ძირს. როზას აღარ ეშინოდა, ვერავითარი ძალა ველარ დაახევივებდა უკან. ცოტა ხანი სდია და ბოლოს მოახერხა ცხერის დაქერა, თოკს დაავლო ხელი, ცხვარი ეზოში გაათრია. გუღლბრაუ გაჩიქდა, ფრუტუნებდა, როზამ მაინც მითარია ნაკადულთან, იქ, სადაც წყალი ჰაობს ერთვოდა, წამოაქცია და ფეხები შეუკრა.

როზა არ ჩქარობდა, გამოცდილი, დახელოვნებული ყასაბივით გადაუწია

პირუტყვის ყელზე ბეწვი. ცხვარმა იგრძნო აღსასრულის მოახლოვება, გამწარებული ფართხალებდა, ბლაოდა, პირს აფჩენდა, ნესტოებს ბერავდა, ფხარკალებდა, გასლტომას ლამობდა. მაგრამ იმ წუთებში როზას გულს სიბრაღული არ ეკარებოდა, გადაალაჯა ძირს გართხმულ ცხვარს, მაგრა მოუჭირა ფეხები, მიადო კისერზე ცელი და გაუსვა. ასეთი საქმისთვის ცელი ვერ იყო მოსახერხებელი იარაღი, პირი კი ბასრი ჰქონდა, მაგრამ დანასავით მაინც ვერ მოიხმარდა ადამიანი, ამიტომ სიფრთხილე იყო საჭირო, რომ ხელი არ გასჭროდა. როზა იძულებული გახდა ცხვრის თავისთვის ხელი გაეშვა, მაგრამ ვერც ამ სიძნელემ შეაშინა, ორივე ხელი ჩასჭიდა ცელს, მანამ უსვამდა, უხერხავდა ცხვარს კისერს, ვიდრე თბილი სისხლი არ შეეშხეფა სახეში და ხელეზი არ დაესვარა. სისხლის დაკარგვისაგან ცხვარი თანდათან დასუსტდა, წინა-აღმდეგობას აღარ უწევდა, გაუნძრევლად იწვა და ხრიალებდა. ბოლოს, როგორც იქნა, ცელის პირი კისრის მალას შეეხო, თანდათან ღრმად შევიდა მალაში, როზამ იგრძნო, მის ფეხებში მოქცეულ ცხვარს უკანასკნელად როგორ დაუარა ტანში თრთოლვამ. გულღბრაუ კედსდა აქიციანებდა. ქალმა მალა გადახერხა, გამოჩნდა ხერხემლის თეთრი ტვინი, გულღბრაუ ერთხელ კიდევ შეთრთოლდა და ყველაფერი გათავდა. როზამ ცხვრის თავი ვანზე გადადო. კისერი ნაკადულში ჩაუყო, რომ სისხლს წყალში ედინა, მაგრამ ბალახზე მაინც დარჩა წითელი გუბე. როზა ნაკადულის ნაპირას ჩაცუცქდა, ხელ-პირი დაიბანა, ცელი საგულდაგულოდ გაწმინდა ხავსით. უცებ შეაქრყოლა. ახლალა იგრძნო დაღლილობა, მოთენთილობა, არც დაფიქრებულა რა ჩაიდინა, შინისკენ წალასლასდა ტანისამოსის ჩასაცემლად. აღგზნება ჩაცხრა, უკვე დამწვიდდა და მთელ ტანში საამო სისუსტემ დაუარა. ოთახში დილის რუხი შუქი შემოქრილიყო, როზას ტანთ არ ჩაუცვამს, დაწვა, საბანი თავზე წაიფარა და იმ წუთს დაეძინა.

შუადღე იყო, როზამ თვალი რომ გაახილა, სახეზე ხელი მოისვა, თითქოს გამოფხიზლებდა უნდოდა, უნდოდა გარკვეულიყო, ცხადში რა შეემთხვა და სიზმარში რა ნახა. მას უტირედსმირის დიასახლისი ეზმანა. როზამ ისეთი საშინელი რამ ჩაიდინა, რომ მთელი მრევლი შეაძრწუნა: მან უტირედსმირის დიასახლისის ყელი გამოლადრა. ქალმა სარკემელს გახედა და გაახსენდა, რომ მხოლოდ და მხოლოდ ცხვარი დაკლა, საცოდავი პირუტყვი, რომელსაც მარტო ემაში მიუძღოდა ბრალი, რომ როზასავით ეშინოდა ღამით მარტო დარჩენა. როზას სინდისის ქენჯნა არ უგრძენია, მხოლოდ გაოცდა, მისთვის თითქო უცხო იყო ის ქალი, ამ საწოლიდან უძილო ღამის შემდეგ უთენია რომ წამოღვა სიკვდილივით ხელში ცელმომარჯვებული. როზამ ტანთ ჩაიცვა, თავზე ხილაბანდი წაიკრა და ახლა ისეთივე ქალი იყო, როგორიც გუშინ. მან იცოდა,

რომ ყოველგვარი კვალი უნდა მოესპო, ბიარტურისთვის უნდა დაემალა, რაც ჩაიდინა. ჩაეიდა იქ, სადაც ცხვარი დატოვა, გულდბრაუს ფეხი წაჰკრა. ნაკლავი, ნაკლავი! და უცებ საკმელს დახარბებულ ქალს სიხარულით შეუთრთოლდა ყოველი ძარღვი. შიგანიც აქვს, და ხორციც... ხორცი!.. ახლა კი მიხვდა, რაც ჩაიდინა: ხორცი, ქვაბში მოსახარში ხორცი იშოვა. ზაფხულის ოცნება, ყველაზე სანუკვარი ოცნება, აუხდა.

როზას ნერწყვი მოერია, შიმშილით კუჭი ეწვოდა, აზრით ხედავდა, როგორ გააკეთებდა კერძს და გაძღებოდა, ტკბებოდა ამის წარმოდგენით, მაგრამ ჭერ ცხვარი უნდა გაეტყავეებია, ცეცხლზე ქვაბით წყალი უნდა დაედგა. ჭიბის დანა ამოიღო, ქვაზე ალესა და საქმეს შეუდგა. მართალია, თავისი ხელით არასოდეს გაუტყავეებია საქონელი, მაგრამ ნახვით ბევრჯერ უნახავს და დაახლოებით იცოდა, რა უნდა ექნა. ჭერ შიგანი გამოაცალა ცხვარს, ფრთხილად ააძრო მუცლის ქონი, რომ ნაღვლის ბუშტი არ გაეხეთქა და ნაკადულში გარეცხა შიგანი. ეს საქმე მოთავებული არა ჰქონდა, მაგრამ საკმლისთვის ისე მისდობდა სული, რომ შინ გაიქცა, ცეცხლი დაანთო და ქვაბით წყალი შედგა. ნერე ქონი და ღვიძლი დაკეპა, გამოტენა ცხვრის ნაწლავი, გააკეთა ძეხვი. გული და თირკმელები ძეხვთან ერთად ჩაღო ქვაბში. მალე მთელ ოთახში გემრიელი საკმლის სუნი დატრიალდა. ვიდრე ძეხვი და თირკმელები მოიხარშებოდა, როზამ ცხვარი აქნა და ისე მოასუფთავა ის ადგილი, რომ ყვავიც კი ვერ იპოვნოდა ერთ ნამცეცს. შემდეგ კარის წირთხლს გამოაბა ცხვრის მსხვილი ნაწლავი, გაასუფთავა, ხორცი კი ორად გაჰყო, ყუთში ჩაღო და დაამარილა.

ამასობაში ძეხვი და თირკმელებიც მოიხარშა.

უთუოდ მდიდარი გლეხის ოჯახში საღვთისაწაულო სუფრაზეც კი არ მიუტანიათ ასეთი გემრიელი, პირის ჩასატკბარუნებელი კერძი. ყოველ შემთხვევაში, ის კი ცხადია, რომ გულდმუნდურ მდიდარის დროიდან არასოდეს არავის უგრძნებია სულისა და სხეულის ისეთი ნეტარება, როგორც განიცადა როზამ, როცა ქონით გაპიპინებულ ძეხვს, ცხვრის ნაზ გულს შეექცეოდა, თირკმელები ხომ ენაზე აღნებოდა. ამის შემდეგ გაროიანი, მარგებელი წვნიანიც დაისხა და შეექცა. ჰამდა დიდხანს, ჰამდა ისე ხარბად, გეგონებოდათ, ვერასოდეს ვერ გაძღებოთ. გათხოვების შემდეგ როზასთვის ეს იყო პირველი ბედნიერი დღე. ბოლოს ყავაც ააღულა, დედის გამოგზავნილი ყავა, კარგად დაატკბო და შეექცა.

ნასადილევს ისევ მოერია ძილი. ჭერ ქურასთან იჯდა, ხელები მუხლებზე ეწყო, მაგრამ როცა ჩაყვინთა, იგრძნო, რომ ჯდომა აღარ შეეძლო, ჩაწვა ლოგინში და დიდხანს, დიდხანს ეძინა.

მ ა მ ი შ ი ს რ ა ჩ ე მ ა

ბიარტურის მეოთხე დღეს, საღამო ხანს, დაბრუნდა სხვა გლეხებთან ერთად და კვლავ გაუდგა გზას, ამჯერად ქალაქისკენ. თითქმის მთელი ფარა ჩამორეკა საძოვრიდან, თორმეტი ბატკანი ვალის ანგარიშში მამასახლისის ჩააბარა, ოცი გასაყიდად წაასხა. დანარჩენ ბატკნებში ვაჭარმა ერთი ტომარა ჰვევის ფქვილი, რამდენიმე გირვანქა პურის ფქვილი, დამარილებული თევზი, ყავა, შაქარი, შერია და ცოტა ბურნუთი მისცა. გარდა ამისა, ორი ბატკნის ჯიგარიც ჩამოიტანა. სამჯერ მოუხნა ნავაჭრის გადმოსაზიდად ქალაქს ჩასვლა, რადგან ცხენის დაქირავება არ უნდოდა, თავისი ბლესით გავიდა იოლად. ცოტა ეძინა, დღედაღამ გზაში იყო, მაგრამ ახალი ვალის აღებას სამი გზობის გაკეთება ერჩივნა. შეძლებულ გლეხებს ამდენი სიარული არ უხდებოდათ, რამდენიმე ცხენით ერთბაშად გადაჰქონდათ სარჩო. ყველაფერი რომ მოაგვარა ბიარტურმა და დაქანცული, შემოდგომის წვიმით თავით ფეხებამდე გალუმპული, წალეკილ გზებზე სიარულით მუხლამდე ტალახში ამოსვრილი დაბრუნდა შინ, გული გაუხარა როზას ჯან-ღონით სავსე იერმა. ქალი მოფერიანებულოყო, თურაშაული ვაშლივით ღაჟღაჟებდა, დამშვენებულოყო. ალბათ, მოჩვენებებზე აღარ ფიქრობდა და ცხვარი გაუშვაო, გაუელვა გულში ბიარტურს.

ქალაქში ყოფნისას ბიარტურმა ექიმ ფინსენთანაც შეიარა, რადგან იცოდა, რომ გულის დაავადება ეგრე ადვილად არ მოეშვება კაცს, არ შეიძლება დროდადრო არ გაუშეოროს. სიფრთხილეს თავი არ ასტკივაო, ნათქვამია და ექიმი მოინახულა. ბიარტურმა ჯიბიდან აბებით სავსე ბოთლი ამოიღო, როზას გაუწოდა.

— ამბობენ, თითქოს ამ აბებში დიდი ძალაა, მთელი მეცნიერებაა ჩაქსოვილი. ძაღლების წამალი როდია. გულ-მუცელს ჩაგიწმენდს და სატკივარი ვეღარ მოგერევა. რაღაცნაირი წვენია თურმე მაგ აბებში, მავნე ნივთიერებას ისრუტავს, აღარც მუცლის გვრემა აუტყდება კაცს, სისხლსაც წმენდავს და ძალას ჰმატებს.

როზამ საჩუქარი ჩამოართვა. ისე ასწია ბოთლი, თითქოს წონისო.

— როგორ ფიქრობ, რა დამიჯდებოდა ეგ წამალი? — ჰკითხა ბიარტურმა აბა, საიდან ეცოდინებოდა როზას, რა მისცა ბიარტურმა წამალში?

— იცი, ბერიკაცმა ფინსენმა რა მითხრა, როცა საფულე ამოვიღე? „კარგე ერთი, ბიარტურ, როგორ გეკადრება, ეგ რა წვრილმანობაა. ჩვენ ხომ ერთი პარტიის წევრები ვართ!“ რაო, რაო-მეთქი, კვითხე, ჩემთვის ასეთი პარტიე აქა-

მდე არავის დაუდგია, ექიმმა რომ თავისი პარტიის წევრად ჩამთვალოს, მე ხომ ღარიბი გლენი ვარ, უბირო, ჯერ წელიწადიც არ გასულა, რაც ხუტორის მეპატრონე გაეხდით. ის კი მეუბნება: „პო, ჩემო კარგო, სიტყვამ მოიტანა და ხომ არ გახსოვს, უკანასკნელ არჩევნებზე მე და შენ ვის ვუჭერდით მხარს?“ მე ამას ვუჭერ მხარს, ვისაც მუდამ ვუჭერდი. მოჯამაგირის ან ლატაკი გლენისთვის სახელმწიფოს მართვაში და სხვა ამგვარ საქმეებში ცხვირის ჩაყოფა ფუჭი საქმეა. ყველასთვის ნათელია, რომ მთავრობა მუდამ წარჩინებულთა და ძლიერთა მხარეზეა და არა უბრალო ხალხის! ასე რომ, თუკი ძლიერნი ამა ქვეყნისანი უბრალო ხალხთან ურთიერთობის გაბმას ინებებენ, უბრალო ხალხი ამით ვერაფერს მოიგებს-მეთქი, ვუპასუხე.

„ამაში მთლად მართალი არ ხარ, ჩემო კარგო ბიარტურ, — ისე მიპასუხა ფინსენმა, როგორც თანატოლმა თანატოლს. — მთავრობა, უწინარეს ყოვლისა, ხალხისთვის არსებობს და თუ ხალხს ჰკუთნება არ ეყოფა, ალლოს ვერ აუღებს, ვის უნდა მისცეს ხმა, ადვილი შესაძლებელია უპასუხისმგებლო ხალხი გაძვრეს მთავრობაში. ყველას უნდა ახსოვდეს ეს, მათ შორის იმათაც, ვისაც ქონება ბანში არ ამოსდით“.

სრული სიმართლეა (გულახდილად რომ გითხრა, ბერიკაცთან კამათის თავი სულ არ მქონდა), შენ, ფინსენ, რა თქმა უნდა, სწავლული კაცი ხარ-მეთქი.

— ჩემის აზრით, ბედმა ნამდვილად გავვიღიმა, რაკი ალთინგში ჩვენი წარმომადგენელი ასეთი სწავლული კაცია. სწავლული რომ არის ფინსენი, ამაში უმალ დარწმუნდები, როგორც კი ხელებზე დახედავ. ისეთი სათუთი ხელები აქვს, თანაც ოქროს ჩარჩოიან სათვალეს ატარებს. მე მაინც არ მინდოდა წამლის მუქთად წამოღება და ექიმს ვეთხარა: როცა რამეს ვყიდულობ, მუდამ ფულს ვიხდი, ასე ვარ ჩვეული და მე მგონია, ხალხის თავისუფლება და დამოუკიდებლობაც ამაში მდგომარეობს-მეთქი. როცა კაცს არავისი არაფერი მართებს, იგი თვით არის თავის ბატონ-პატრონი. ამიტომ, გთხოვთ, ძვირფასო ფინსენ, ნუ მოგერიდებათ, გამომართვით ფული ამ ოხერ აბებში. დარწმუნებული ვარ, კარგი, სასარგებლო წამალია, რაკი თქვენი ხელიდან მივიღე-მეთქი.

მაგრამ ბერიკაცს ფულის გაგონებაც არ უნდოდა. სამაგიეროდ, მითხრა, შემოდგომაზე გავიხსენოთ ერთმანეთი, სადაც საჭიროა, იქ შევხვდეთ სათანადო დროს, რომ ხმა მივცეთო. ეჰ, ცუდი, ძალზე მძიმე დროა, ბევრი რთული ამოცანა დგას ალთინგის წინაშე. კეთილგონიერი ხალხი გვჭირდება ამ ამოცანების გადასაჭრელად, იმისათვის, რომ გაჭირვებულ ხალხს შევუძ-

სტუქოთ აუტანელი ყოფა და ისლანდიის დამოუკიდებლობისათვის ვიბრძო-
ლოთ.

ჰოდა. წამოდგა ეს კეთილშობილი, დარბაისელი კაცი. მხარზე ხელი დამ-
კრა და მითხრა: არ დაგაიწყდეს, მოიკითხე შენი მეუღლე, სალაში გადაეცი
ჩემგან და უთხარი, რომ ამ აბებს საცდელად ვუგზავნი. ყველაზე საიმედო
საშუალებაა სხეულში დაგროვილი სითხის საწინააღმდეგოდ და გულსაც ამა-
გრებსო.

თ ა ვ ი მ ე ც ა მ მ ბ მ

კოეტი ძალი

შემოდგომით ზაფხულის სავანეს ბევრი სტუმარი ჰყავდა. დაბიდან ქალა-
ქისკენ მიმავალი გზა ხეობას გასდევდა. ყოველდღე დატვირთული ცხენების
გრძელი ქარავანი მიუყვებოდა მდინარის ნაპირს აღმოსავლეთით. შეძლებული
გლეხები ალაღსა და მოჭამაგირებებს უკან მოიტოვებდნენ, თვითონ კი დაწინა-
ურდებოდნენ ხოლმე. ზოგჯერ მდიდარი გლეხები შუალამისას მიადგებოდნენ
ზაფხულის სავანეს, ფეხზე წამოჰყრიდნენ ბიარტურსა და როზას, ხმამაღ-
ლა დიდხანს ლაპარაკობდნენ პოეზიაზე, გოგონებზე, ღრიალებდნენ ოსტა-
ტურად შეთხზულ სახუმარო კუპლეტებს, პატრიოტულ ჰიმნებს, უხამს სიმღე-
რებს, კომიკურ ფსალმუნებს და ასე მხიარულობდნენ მთელი დამე, ვიდ-
რე არ ასაქმებდათ. მერე კი დასაძინებლად წებოდნენ ცოლ-ქმრის ლოგინში.
ყიშთან ცხენებზე ამხედრებული მანდილ-ოსნებიც, მდიდარი გლეხის ცოლები,
ზწირად გზიდან გადაუხვევდნენ, ჭაობს გადაჭრიდნენ მხოლოდ იმისათვის, რომ
საყვარელი როზა მოენახულეზბათ, ეკოცნათ მისთვის. ამ ქალბატონებს შორის
გახლდათ უტირედსმირის მეპატრონის ცოლიც, ისიც ცხენით ქალაქს მიდი-
ოდა, ფარჩის კაბაში გამოწყობილი. ეს კაბა იმისიგან იყო, ნახევარი მრევლი
ჩაეტეოდა შიგ, თავზე პირბადიან ქუდს იხურაედა; გზად მიმავალი შეივლიდა
ძვირფასი როზას მოსანახულეზბლად, კოცნიდა თავის საყვარელ, გამოჩჩეულ
გოგონას. ერთხელ ფრუმ პატივი დასდო როზას და მის ოჯახში ოთხი ფინჯანი
ყავა დალია. ახალგაზრდა ქალმა უჩვენა სურსათის მარაგი და ფრუმ თქვა,
რომ დამარილებული თევზი შობამდე ეყოფოდა ცოლ-ქმარს, ჭევების ფქვილს
კი, თუ ყაირათიანად დახარჯავდა, ახალწლამდეც გამოიზოგავდა. ახალ მი-
წებზე ხალხის დასახლება მეტად ღირსშესანიშნავი მოვლენააო, ტყუილად

როდი ჰპოვა ამან ხალხში მოწონებაო, განაცხადა ფრუმ. ეს ხალხი პირველი ახალმოშენების სულისკვეთებით არის განმსჭვალული და სწორედ ამას ემყარება ხალხის ბედნიერება და მომავალიო. ეს მოძრაობა „კერძო ინიციატივის“ განვითარებას გამოიწვევს, დაჯანს იმ მანვე მიმართულებას, რომელიც დღეს ფხვს იკიდებს სანაპირო ქალაქებში. ამ მანვე მიმართულების არსი ადამიანის სულიერი და ფიზიკური დამცირება გახლავთ, ადამიანის დაყვანა ძალის დონემდეო. ფრუს განწირულად მიაჩნდა ისინი, ვინც მიწას მოწყდა და დარწმუნებული იყო, რომ ასეთ ხალხს დაღუპვა არ ასცდებოდა. როგორ უნდა მივიდეს ადამიანი იქამდე, რომ ეს კურთხეული ხეობა მიატოვოს, მიატოვოს ეს ყვავილები, ეს ლურჯი მთები, ადამიანის სულს ზეცისკენ რომ უკაფავენ გზას? ისინი, ვინც უშენში სახლდება, ღმერთის ჭეშმარიტი თანაშემწეები არიან, იცავენ, განამტკიცებენ სილაამაზესა და სიკეთეს. ხეობაში მცხოვრები გლეხი — მუდამ იყო ისლანდიელი ხალხის ბურჯი, არის და იქნება მომავალშიცო.

— მართალი ბრძანებაა, — კვერი დაუკრა როზამ, — კარგია დამოუკიდებლობა, თავისუფლება, ეს არის ადამიანისთვის თავი და თავი.

ეს სიტყვები ძალიან მოეწონა პოეტ ქალს. აი მესმის სწორი შეხედულება. ასეთი მარტივი, სწორი აზროვნება ქალაქად ცხოვრების მოჩვენებით სიამესა და ფუფუნებას აცამტვერებსო. აი, ჩვენს წინ დგას ქალი, რომელსაც უმაღლესი იდეალებისკენ მიუპყრია მზერა და ვერავითარი მოჩვენებები ვერ ააცდენენ სწორ გზას. ამ ქალმა კარგად იცის, რომ უძველეს ხანაში მცხოვრები უმეცარი, სულმდაბალი ხალხის მოგონილია ის ამბავი, თითქოს ამ ხეობაში მოჩვენებები დამრწიან. შემდეგ სტუმარმა დიასახლისს მადლობა გადაუხადა კარგი ყავისთვის და თქვა, რომ განსაკუთრებულ შურს უღვივებს გულში აი, ეს პაწია ოთახი, სადაც ყველაფერი ხელთა აქვთ. სულ სხვაა დიდი სახლი, არავინ იცის, დიდი სახლის მოზინადრენი რამდენ ღამეს ათენებენ თეთრად. ავილოთ, მაგალითად, მისი სახლი. ოცდასამი ოთახი აქვს, როზამ შეუძლია დაუმოწმოს, ოც კაცზე მეტი ცხოვრობს ამ სახლში, სულ სხვადასხვა ასაკის, სხვადასხვა ზნისა და ჩვეების. მან თვალი უნდა აღევნოს ამდენ ხალხს, არაკეთილსინდისიერ მოსამსახურეებს, უნდა მოაგვაროს ყოველგვარი გაუგებრობა, დააშოშმინოს, სითბო აგრძნობინოს მათ, შეალამაზოს მათი ცხოვრება.

— ჭეშმარიტი ბედნიერება, — განაცხადა ფრუმ, — ის როდია, რომ დიდი სახლი ჰქონდეს კაცს. გაცილებით უკეთესია პატარა ხუტორი, ერთი მტკაველი მიწა, პაწია სახლი. და იცი, რატომ? პოეტის სიტყვებით გიპასუხებ: „სადაც სიყვარული და თანხმობაა, იქ სიხარულიცაა და სინათლეც“. შემდეგ იბადები-

ან პაწიები, მათ ახალი სიხარული მოაქვთ. შენ რას იტყვი, ჩემო ძვირფასო როზა, როდის ელი?

ამ მოულოდნელმა კითხვამ ისე შეაცბუნა როზა, რომ განზე გაიხედა და პასუხის გაცემა ვეღარ მოახერხა. და როცა პოეტმა ქალმა მუცელზე წაატანა ხელი, ისე გადახტა, თათქოს ფრუს ხელის მიკარებაში რაღაც ამაზრუნენი უტიფრობა იყო, თან ანთებული თვალებით ისე ბურღავდა უტირედსმირელ ქალბატონს, რომ ასეთი მზერა სრულიად არ შეეფერებოდა მათ მშვიდობიან, ალერსიან მასლაათს. რა იყო ეს? შიში, სიძულვილი, დაბნეულობა, თუ ყველა ეს გრძნობა ერთად? როზას თვალებში ერთი რამის ამოკატხვა შეიძლებოდა: „ხელი არ მომაკარო“, და კიდევ მონეიმე სიამაყე: „ნუ გეშინია, შენთან არასოდეს არ მოვალ დახმარების სათხოვნელად“.

რაც არ უნდა ეფიქრა, როგორც არ უნდა აეხსნა როზას საქციელი ინგოულფ არნარსონის დედას, ერთი რამ ცხადი იყო: ქალბატონი მგოსანი, ცოტა არ იყოს, დაიბნა, ბავშვზე ლაპარაკი შეწყვიტა, როზას თვალს ვეღარ უსწორებდა და სარკმელს მიაჩერდა, მაგრამ, სამწუხაროდ, ბლაუფიელი ამ დროს ბურუსში იყო გახვეული და საბაბი არ მიეცა, რომ ეთქვა, მთები მწვერვალებს ცად აღაპყრობენო. ისე შეცბა ფრუ, ახალგაზრდა ქალს ვერც კი შესთავაზა დახმარება, ახლა თუ მომავალში. ბოლოს თქვა, ყველაფერი იმაზეა დამოკიდებული, ჰპოვებს თუ არა ადამიანი თავის მოწოდებასო. და ეს ერთი ბრძნული წარმონათქვამი საკმარისი გახდა იმისათვის, რომ პოეტი ქალი კვლავ თავის კალაპოტში ჩამდგარიყო.

— ეკვი არ მეპარება, რომ ამ უშენ ადგილას დასახლებულმა ცოლ-ქმარმა ჰპოვა საკუთარი თავი. წელანაც ვთქვი, ღარიბები ეგრეთ წოდებულ მდიდრებზე ბედნიერები არიან-მეთქი. რას წარმოადგენენ მდიდრები? მართალია, ქონება ბანში ამოსდით, მაგრამ მათ ხომ მეტი საზრუნავიცა აქვთ, და ბოლოს, როცა დაჰკრავს ჟამი აღსასრულისა წუთისოფელს ისეთივე დატაკები ეთხოვებიან, როგორც სხვები. საზრუნავი მათ არასოდეს არ ელევა, ნამდვილი სიხარული კი რა არის, არ იციან. საკუთარ თავზე მოგახსენებ. ჩვენი ოფლითა და ჭაფით ნაშოვნე ყოველი ერე მოჯამაგირეების ხელფასში მიდის. სამი წელიწადია ახალ კაბაზე ვოცნებობ და ამის საშუალება დღემდე ვერ გამოვნახე.

— დიახ, — გულგრილად თქვა როზამ.

— სულით და გულით მინდა დავეხმარო სხვებს, — განაგრძო ფრუმ, — მაგრამ ასეთ მძიმე დროში ძალაუნებურად თავის შეკავება მიხდება ხოლმე.

— ჩვენ ყველაფერი საკმარისი გვაქვს, — თქვა როზამ.

ამ სიტყვებმა ფრუ ძლიერ გაახარა: სწორედ აზრთა ასეთი წყობა უდევს საფუძვლად ხალხის დამოუკიდებლობას.

— იქნებ შენ არც კი იცი, ჩემო ძვირფასო როზა, — თავმომწონედ დაიწყო პოეტმა ქალმა, — რომ ბიარტური რამდენიმე წლის მანძილზე მოსვენებას არ აძლევდა ჩემს ქმარს, მომყიდე მიწის ნაკვეთიო, რომ მთელი მრევლი წინააღმდეგი იყო, არავინ მხარს არ უჭერდა ბიარტურს, ის კი თავისას არ იშლიდა, თხოულობდა. მრევლში ასეთი აზრი ჰქონდათ: ბიარტური ცოლს ვერ შეინახავს, აბა რას გახდება მაგ უნაყოფო მიწაზე, გარდა იმისა, რომ წიწილებივით მოამრავლებს შვილებსო. ბოლო ხანებში იმდენი ოჯახი დააწვა მრევლს სარჩენად, რომ ეს უკვე ჩვეულებრივ მოვლენად იქცა. ცოტაა ისეთი, ვინც წელში გაიმართა, თავის რჩენას ახერხებს, უმეტესობა თავს ვერ ართმევს გადასახადებს და ტვირთად გვაწვება ჩვენ, ეგრეთ წოდებულ, შეძლებულ გლეხებს. პოდა, ეს მძიმე ტვირთი ჩვენთვის თანდათან აუტანელი ხდება. აი, რატომ არ უჭერდნენ მხარს შენს ქმარს და შარშან ზამთარს უტირედსმირში მითქმა-მოთქმაც იყო თქვენზე. დაახლოებით იმ ხანებში შედგა სამრევლო საბჭოს სხდომა და მაშინ გადაწყვიტე, უსათუოდ დამეცვა ბიარტური. — ნუ სწუხნართ ბიარტურზე, — ვუთხარს საბჭოს წევრებს, — თუ თქვენ ფიქრობთ, რომ აილურკოტელი ტურადურის ქალიშვილს არ შესწევს შრომის უნარი, რომ ხუტორაში ვერ ჰპოვებს თავის მოწოდებას და ქმარს მხარში ვერ ამოუდგება, მაშინ ტყუილებრივად ნულარ კვარგავთ დროს, მეც მრევლის კმაყოფაზე ჩამრიცხეთ. თუ ჩვენი სამრევლოში სანდო, შრომისმოყვარე კაცი მოაპოვება, პირველ რიგში ეს ნილურკოტელი, ჩვენი ძვირფასი ტურადური გახლავთ. ამ მოხუცს ვერავინ დაასწრებს ბეგარის შემოტანას. ახლაც თვალწინ მიდგას, როგორ ძოვა ხოლმე ჩემს ქმართან, ქუდს მაგიდაზე დადებს, უბის ჯიბე ინგლისური ქინძისთავითა აქვს შეკრული, გამოაძრობს ქინძისთავს, ამოიღებს ორ ცხვირსახოცში გახვეულ ფულს, ერთი ცხვირსახოცი წითელია, მეორე — თეთრი. ასეთი კაცი ტვირთად არასოდეს არავის დააწვება. ასევეა ბიარტურიც, მას ხომ მე საკუთარი თავივით ვიცნობ. ეს ახლაგაზრდა არც ფათერაკების მაძიებელია, არც მოგებისთვის იკლავს თავს, არც ქლესაა და მლიქვნელი, პატიოსანი, პირდაპირი კაცია, არავისი არაფერი მართებს. ასეთი კაცი სამადლოდ არავის გაუშვერს ხელს, არავის შესანახი არ გახდება, ასეთი კაცი ხალხის გული გახლავთ-მეთქი.

როზამ არც ახლა ამოიღო ხმა. ფრუ ხომ მხოლოდ იმის შემდეგ დაუდგა თავდებად ბიარტურს, როცა თავის მოახლე გოგოს უდროოდ დროს ძალზე შეუფერებელ ადგილას წააწყდა. როზამ გულგრილად მოისმინა ფრუს ნაამბობი იმაზე, თუ რა მონაწილეობა მიიღო მან ბიარტურის ბედ-იღბლის გადაწყვეტაში, რომ მისი მეშვეობით და მეცადინეობით მისცეს ბიარტურს ამ ხუტორის ყიდვის ნება და შეუმჩნეველი არ დარჩენია, როგორ აიმრიზა იმედ-

გაცრუებული სტუმარი. ცოტა ხნის შემდეგ პოეტი ქალი წამოდგა, მადლობა გადაუხადა მასპინძელს, აკოცა თავის ძვირფას როზას, პირბადე ნიკაპამდე ჩამოიწია და თავის სოუტის მოახტა.

თ ა ვ ი მ ე თ ო თ ხ მ ე ტ ა

ბ ა მ ო თ ხ ო ვ ე ბ ა

მეორედ რომ მოიარა ბიარტურმა მთა და დაბრუნდა, ბებერი ცხვარი დაქლა, ხორცი დაამარილა, კასრში ჩაღო. ხორცი უნდა გამოვიზოგოთ, მარტო კვირა დღეს და დღესასწაულებში ვჭამოთო. მაგრამ ზოგჯერ, კვირა დღეს, ხორციან კერძს რომ შეეცქეოდა, ისეთი გემრიელი ნაჭერი შეხვდებოდა, უკვირდა, იმ ბებერ, ძარღვიან ცხვარს ასეთი ნაზი ხორცი როგორ აქვს, რომ პირში მადნებაო. გულდბრაუ, რა თქმა უნდა, ვერ იპოვა. მეორედ რომ ავიდა მთაში, ბებერი ეძება, მაგრამ უშედეგოდ და ძალიან შეაშფოთა ამ ამბავმა, რას არ ფიქრობდა, რას არ ვარაუდობდა. ყველაზე სარწმუნოდ მიიხსენებდა, რომ ღობეზე მიბმული ცხვარი შიშით გადაიხრია, გაწყვიტა თოკი და სამხრეთ მხარეს, ბლაუფიედლისკენ გაიქცა. ხშირად ეკითხებოდა როზას: უკანასკნელად როდის ნახე ცხვარიო. დიდი ხნის წასული არ იყავი, თოკი რომ გაწყვიტა და ქაობისკენ გაიქცაო, გუბნებოდა როზა.

გლეხებმა მესამედ მოაწყეს ლაშქრობა მთაში, ბიარტურმა მთელი თავისი ცხვარი შეკრიბა, გულდბრაუ კი ცამ ჩაყლაპა თუ მიწამ, არსად ჩანდა. უკვირდა, ასე უგეშოდ როგორ დაიკარგა, სწორედ ისე, როგორც ძველ იგავ-არაკებში წერიაო.

— რა საუცხოო ცხვარი იყო, — სინანულით ამბობდა ბიარტური, — რა ლამაზი პირუტყვი, რქებმოღუნული, ხორციანი, გულდმუნდურის ჯიშისა. ანდა, როგორი გამოხედვა ჰქონდა: მტკიცე, უნდაო, თითქოს გეუბნება, მე დამოუკიდებელი ცხვარი ვარ, აღამიანი არ მჭირდებო... ასეთი ცხვარი მთაში დედოფალივით გამოიყურება. მართალია, მფრთხალები კი არიან ამ ჯიშის ცხვრებში, მაგრამ თავადებით არ გარბიან უგზო-უკვლოდ. უკეთეს ადგილს თუ ეძებენ, პოულობენ კიდევ.

საღამოობით, დაწოლის წინ, ხშირად იტყოდა ხოლმე ბიარტური:

— ნეტა კი ამელამ ჩემი გულდბრაუ დამესიზმროს!

— შენ არ ამბობდი, საზმრის არაფერი მჭერაო? — უთხრა ერთხელ როზამ.

— მე იმისი მჭერა, რაც მინდა, — მკვახედ მიახალა ბიარტურმა, — მჭერა ის, რაც გონიერულია. ისეთი სიზმრებისა კი, გულს რომ ასწულულებს და ხალისს უქარგავს ადამიანს, არაფერი მწამს, — და გულმოსული შებრუნდა კედლისკენ.

ერთ დილას ბიარტურმა თვალი გაახილა და უცებ გაახსენდა, რომ წადილი აუსრულდა.

— ახლა კი იმედი მომეცა, გულღბრაუ ნამდვილად ცოცხალია, ხიფათი არ დასტეხია, — უთხრა ცოლს ბიარტურმა. — წუხელ დამესიზმრა, თითქოს პატარა ხეობაში ვარ, თითქოს ბალახი იქ ჭერ არ დამჭკნარა. ჰოდა, ვხედავ: დგას ჩემი გულღბრაუ. ნეტა კი გამახსენდეს, სად ვიყავი, მეცნაურებოდა იჭურობა, ნამყოფი ვიყავი იქ, მაგრამ ვერასგზით ვერ ავედი მთაზე, რომ კარგა დამეთვალეიერებინა მიდამო და გამეგო დანამდვილებით სადა ვარ. მგონი, თბილ წყაროებთან ვიყავი, ბლაუფიედლის სამხრეთით. ცხვარი კი მაშინვე ვიცანი, ჩემი გულღბრაუ იყო.

— ჰოო, — თქვა როზამ და სუფრაზე კვირა დღის სადილის მონარჩენი დადგა თეფშით — იმ ცხვრის ნეკნები, რომელიც ღამით ეზმანა მის ქმარს.

გვიანი შემოდგომა იყო, ხან წვიმა წამოუშენდა, ხან თოვლ-ჭყაპი წამოვიდოდა. ბორცვები უკვე თეთრი საბურველით დაიფარა, უშენი ადგილიც ალაგ-ალაგ გადათეთრდა, მთამ თოვლის ქუდი დაიხურა, მაგრამ ჭერ მაინც სითბო იდგა, საქონელი ნაევროტზე ჰყავდათ გაშვებული. ბიარტურის ფარა რედსშირელთა ცხვართან ერთად ძოვდა, ხუტორის დასავლეთით. რამდენიმე დღე ისევ გამოიხედა მზემ, მთამ თოვლის თეთრი ქუდი მოიხადა, მარტო ხეობის ჩრდილოეთი მხარე იყო ჭირხლით დაფარული.

— დღეა ჩემი გულღბრაუსათვის კარგი დღეა, სადაც არ უნდა იყოს, — თქვა ბიარტურმა.

მაგრამ მალე ისევ შეიცვალა ტაროსი, აცივდა და ერთ დილას დაინახეს, რომ ჰაობის ზედაპირი უკვე მოყინულიყო, ჩამჭკნარი ბალახი ჭირხლს გადაე-ათებინა, ნაკადულს კი ყინულის ნაწიბურები გაეკეთებინა. ნაწიბურებქვეშ ჰაერის ბუშტები დასხლტოდა, როზა წყლის ნაპირზე იდგა, ყურს უგდებდა კამკამა ნაკადულის რაკრაკს. მისი ბავშვი ამ ნაკადულის ნაპირზე გაიზრდება, როგორც თვითონ გაიზარდა წყლის ნაპირას, წისქვილის გვერდით.

ერთხელ ბიარტურმა ცოლს უთხრა:

— როზა, ჩემო კარგო, სამი დღის საგზალი მომიმზადე, წავალ; მივივლ-მოვივლი უშენის სამხრეთ მხარეს.

ზამთარი ორი კვირის დამდგარი იქნებოდა, ეს რომ მოხდა.

— სისულელეს თავი დაანებე, — უბასუხა როზამ, — დარწმუნებულნი ვარ, ცხვარი სადღაც გადაიჩენა და ტყუილად გაირჩები.

— გადაიჩენა? — გაიმეორა შეურაცხყოფილმა ბიარტურმა. — ჩემი გულდბრაუ? პასტორ გულმუნდურის ჯიშის ცხვარი? რომელიმე საცოდავი დამპყლვეებული ბატანი ხომ არ იყო? რას ამბობ, რას, კქუაზე ხარ?

— თუ არ გადაიჩენა, მაშ ჰირი მოკლავდა, — არ დაუთმო როზამ.

— არა, — მტკიცედ თქვა ბიარტურმა, — ჰირი არ შეჰყრია გულდბრაუს, გეყოფა სისულელის როშვა.

— მერე, ზამთარი რომ არის, დაგავიწყდა? რა იცი, როგორი ამინდი დადგება?

— ვინ მოსთვლის, რამდენჯერ მივლია, ჩემი კი არა, სხვისი ცხვრის სამებრად და განა ზამთრის დასაწყისში? შუა ზამთარში. მაგრამ არავის შეეცოდებივარ. თუმცა, რა მქონდა შესაბრალი?

— ჩემზე სულ არ ფიქრობ, ხომ?

— საბანქვეშ მუდამ კარგი ამინდია.

— არც კი გრცხვენია!

— კმარა, შევწყვიტოთ კამათი, — თქვა ბიარტურმა, — ბიბლიაშიც კია ნათქვამი, რომ გზააბნეული ცხვრის პოვნა ადამიანს გულს უხარებს.

— კი მაგრამ, ვთქვათ და ცხვარი მართლა ჰირმა მოკლა?

— ვერ მოვისვენებ, თუ არ გავიგე, რა დაემართა, ცოცხალია თუ მკვდარი. ხომ არ გინდა, სინდისის ქენჯანმ მომკლას?

— თუ ავად გავხდი შენს დაბრუნებამდე?

— არ გახდები ავად. ყოველ შემთხვევაში, მოკლე ხანში არაფერი მოგივა.

— ქარბუქმა რომ მოგისწროს სადმე და დაიღუპო?

— კარგი-მეთქი, — შეჰყვირა ბიარტურმა, — მეყოფა, ყელამდე/სავსე ვარ ასეთი ბოღით. სულ გულის სნეულების ბრალია. რაც არ უნდა მოხდეს, ნუგეშად ის გექნება, რომ ცხვარი აქვე გყავს, გვერდით. ძალს კარგად აჰამე. ახლა კი საგზალი მომიშადე. რამდენიმე ცვრიანი და ჯიგრის ძებნი შემიხვიე. კარგი იქნება, თუ ერთ ბოთლ ყავასაც გამოატან. მაგარი ყავა მომიღულე.

როზა ერთი წუთით ჩაფიქრდა. ძალა ხომ მის ხელთაა. მის ერთ სიტყვაზეა დამოკიდებული, წავა თუ დარჩება ბიარტური. მაგრამ მეტისმეტად ამაყი იყო, რომ ეს ძალა გამოეყენებინა. მან მუქარა ამჯობინა, თუმცა ეს ხელსაყრელი საშუალება არ გახლდათ ბიარტურის მოსატეხად.

— იცოდე, ბიარტურ, თუ მარტო დამტოვებ, ავდგები და დაბაში წავალ.

— დაბაში? არა, ასე არ შეირცხვენ თავს. შენ ხომ დამოუკიდებელი ქალი ხარ!

— ასეა თუ ისე, მე მაინც წავალ, — გაიმეორა როზამ.

— რასაკვირველია, წახვალ თუკი გაჭიურდი. ცხვრები გაჭირიანები არიან, მაგრამ დედაკაცებს მაინც ვერ გაუტოლდებიან სიჭიურტეში.

— შენ ხომ იცი, რომ ბავშვს ველი?

— მე მარტო ის ვიცი, რომ ჩემი ბავშვი ნაახალწლევს უნდა დაიბადოს. სხვის ბავშვებთან კი არა შესაქმება რა.

— დიდია ხანია, რაც იძრა.

— მერე რა, მე ეგ არ მეხება.

რაც არ უნდა ეთქვა როზას. ბიარტური იორის ოდენს არ უთმობდა, ქმარი წასვლის თადარიგს შეუდგა, ორი წყვილი წინდა და შალის ქურთუკი ჩაიცვა და რაკი დარწმუნდა, რომ როზა მისთვის საგზლის ჩალაგებას არ აპირებდა, ამ საქმესაც თვითონ მიპყო ხელი. როზა ქურასთან მიმჭდარიყო, ქმრისკენ ზურგშებრუნებული, ფიქრალაც არ მოსდიოდა, გამოტყდომოდა, რომ ცხვარი დაკლა. ბიარტური ზოზინობდა, თითქოს ელოდა, რომ როზა გონს მოვიდოდა. რამდენიმე ლექსიც ჩაიდუღუნა. მაგრამ როზა ისევ გაუნძრევლად იჯდა ერთ ადგილას.

— მაშ ასე, რაღას ვაყოენებ, დრო არ იცდის, — ჩილაპარაკა ბიარტურმა.

როზა არც ახლა გაინძრა. ისევ ისე იჯდა ქურასთან თაჩაქანდრული.

ბიარტურმა ერთხელ კიდევ მოსინჯა ფეხსაცმლის ყაითანი, რალაც ჩაიბუზღუნა, მოლუნული თითით დააკაუნა ჭერზე, გვეგონებთ სახლი საცაა დაინგრევა და ამოწმებსო. რომელიღაც პოემიდან რამდენიმე სტრიქონი წაიკითხა და ისევ თქვა:

— მაშ ასე, მივდივარ.

როზა არც ახლა განძრეულა. კონიტი არ დაუქრავს.

— როგორ ფიქრობ, ძალლი დაგატოვო? მე მგონია, ბევრ ცხვარს ვერ შეეკრებ.

ისევ დუმილი.

— რაც იქნება, იქნება, დაგიტოვებ ტიტლას და გთხოვ, როზა, არსად წასვლაზე არ იფიქრო. ვისაც არ უნდა მიაღგე კარზე, ყველას მძიმე ტვირთად დააწეები, იცოდე. ჰოდა, რა გჭირს სააჰისო. შენ ხომ დამოუკიდებელი ქალი ხარ.

დუმილი.

— დალაზეროს ეშმაქმა, რა მკვდარივით ხარ გაშეშებული? — დაიყვირა მოთმინებადაკარგულმა ბიარტურმა. — საფლავშიც გეყოფა დუმილი.

მერე ქვევით ჩავიდა, ძალლს გასძახა. ტიტლა ხელად მიხვდა, რომ მისი პატრონი სადღაც აპირებდა წასვლას, გაუხარდა, ეგონა, თან წამიყვანსო,

მაგრამ როცა ივრძნო, შინ მიპირებენ შეყვანასო, შეეკვდა, ადგილიდან აღარ დაიძრა. ყველაზე მეტად იმის ეშინოდა, რომ ბიარტური შინ გამოკეტილს დატოვებდა.

— აქეთ, ტიტლა, ადგილზე, — დაიყვირა ისევ ბიარტურმა, — თქვენ, ქალთა სქესს, ერთად ყოფნა გირჩევენიათ.

ძალდი ათასნაირი ხრიკებით ცდილობდა თავის დაძვრენას: კუდი ააქიცინა, აქეთ-იქით იყურებოდა, ყური აცქვიტა, აწყმუტუნდა. ძახილზე რომ არ გამოჩნდა ძალდი, ბიარტური მის საძებრად გაიქცა და მოყინულ ბალახზე იპოვა, ტიტლა ბავშვივით წვანოდა, მაგრამ მალე დანებდა, მუტეულზე გაწვა, პირი მიწას დაადო და პატრონი რომ მიუახლოვდა, თვალები მოწყურა, მერე ზურგზე გადაბრუნდა, თათები გაჭიმა. ბიარტურმა იდლიაში ამოიჩარა ძალდი, ფარეხში რომ შეიყვანა, ქეჩოში დაავლო ხელი, კიბე აიარა და ოთახში შეაგდო. წვეს ტიტლა იატაკზე, აღარ ჭიუტობს, მაგრამ ჭერ კიდევ თრთის.

— შეხედე, როზა, ძალდი მოგვგარე. იცოდე, კარი ჩაუკეტე, თორემ გამოძევილება. აბა, ნახვამდის, ჩემო ძვირფასო. შენ იცი, თუ არ შემარცხვენ და იმ ოხერ მამასახლისთან არ წახვალ. ნუ დაიწყებ ხეტორებში წანწალს.

ბიარტურმა ხელსახოცში გამოკრული საგზალი და ჯოხი აიღო, ერთხელ კიდევ აკოცა ცოლს.

— ნახვამდის, ჩემო როზა, — გაიმეორა მან.

როცა როზამ ქმრის სიტყვებში სითბო ივრძნო, ხელად მოუღბა გული და ვიდრე ქმრის საკოცნელად წამოდგომას მოასწრებდა, ცრემლი წასკდა.

— მშვიდობით, — ხმადაბლა უთხრა როზამ ქმარს და ცრემლით დანამული სახე კაბის კალთით მოიწმინდა.

ძალდი კიბის თავთან გაწოლილიყო, თათები გაეჭიმა.

ბიარტური დაჰყვა ჭრატუნა კიბეს, დახურა საძვრომის კარი, მერე ფარეხის და ჩქარი ნაბიჯით სამხრეთისკენ გაუყვა კირხლით დაფარულ ჭაობს.

თ ა ვ ი მ ე თ ხ უ თ მ მ ბ ა

ქ მ ზ ნ ა

ზაფხულის სავანელმა ბიარტურმა სხვებზე უკეთ იცოდა მთის იალადების შორეული, მივარდნილი ადგილებიც კი, სადაც ჭერ კიდევ შეიძლებოდა კაცო ცხვარს წაწყდომოდა. თვითონ თვალუწყდენელი უშენის აღმოსავლეთ კალთა-

ზე. გაიზარდა, სიჭაბუკეში დასავლეთ კალთაზე ამოვებდა ცხვარს, ახლა კი, როცა დამოუკიდებელი გლეხი გახდა, ისეთ ხეობაში დასახლდა, რომელიც ათასწერ ჰქონდა შემოვლილი, იცოდა მისი ყოველი ბილიკი, მისი სურნელება, ფრინველები, ვინ მოსთვლის რამდენჯერ უვლია იქ ქარბუქსა და თოვლჭყაპში თუ დარში ცხვრის საძებრად, ცხვრისა, რომელმაც მტკიცედ დაუკავშირა ის ამ ხეობას. მაგრამ ბიარტურისთვის უშენს სხვა მნიშვნელობაც ჰქონდა: იგი იყო მისი დედა, მისი ტაძარი, მისი სამყარო, ისეთივე სამყარო, როგორც ზღვაა მეზღვაურათვის. როცა აღრიანი ზამთრის სუსხიან, ნათელ დღეებში მარტოდმარტო დადოდა ამ უშენში, სახეს უშვერდა მთის თავანკარა ქარს, მისთვის უფრო გასაგები ხდებოდა სიმღერები სამშობლოზე, ამ დროს დაბის სანიაღვრეო წვრილმანები ყოველგვარ შინაარსს ჰკარგავდა მისთვის, იგი ტკბებოდა თავისუფლების იმ ნეტარი შეგრძნებით, რომელსაც ქვეყნად ვერაფერი შეედრება, თუმცა, იქნებ ამ გრძნობას გაუტოლდეს კიდევ ცხვრების სიყვარული მშობლიური მთებისადმი. ისინი თავისით არასოდეს ჩაველენ ბარში, მთაში დაიხოცებიან, თუ ძაღლებმა არ ჩამორგეკს. ანთ დღეებში, როგორც იმ დღეს იყო, ბიარტური რომ გულდბარაუს საძებრად წავიდა და ერთი ნაკადულიდან მეორისკენ მიდიოდა, უღელტეხილიდან უღელტეხილისკენ, თითქოს მისი გზა თვით მარადისობაზე გადისო, ოღნავი ნალველიც კი არ ბურავდა სკაალდის ამაყ გამოხედვას. არაფერი ისე არ ანვითარებს სკაალდის ნიჭს, როგორც მარტოობა მთაში. მას შეეძლო ათასნაირად შეერთიალეებინა ერთი და იგივე სიტყვა, ვიდრე ამ სიტყვებს ლექსებად არ გართათქვამდა, აქ მის გულისყურს სხვა არაფერი იპყრობდა, შეეძლო მხოლოდ ჰოეზიაზე ეფიქრა. დღეს, როცა ამ უშენში კვლავ შეხვდა ქარს, თავის ძველ ძეგობარს, უსიამოვნო ფიქრმა, ცოლთან გამოთხოვებისას რომ აეკვიტა, ხელი ვერ შეუშალა დამტკბარიყო იმ ქვეშაირი თავისუფლებით, რითაც აქ სუნთქავდა ბუნება. შემოდგომით უშენ ადგილებში ხეტიალზე მაცუენებელი და შიმშიდველი არა არის რა და ბლაუფიდლი თავისი ელვარებით არასოდეს ისე არ ხიბლავს ადამიანს, როგორც შემოდგომაზე. ზაფხულის ფრთოსანი სტუმრებიდან თითქმის ყველა გაფრინდა, მხოლოდ თეთრ კაქებებს შეგვიანებოდათ, დაბლა ეშვებოდნენ, დასტრიალებდნენ მოყინულ ქაობს, კუტკუტებდნენ და პაწია, ცნობისმოყვარე თვალებს აფახულებდნენ. იხეებმაც თბილ ქვეყნებს მიაშურეს, უშენში ხომ მდინარეები და ტბები უკვე დაფარა ყინულით. მხოლოდ ყვავები დაჰქროდნენ, ჩხაოდნენ, მათი საზარელი ყრანტალი ხშირად იმის მომასწავებელია, რომ სადღაც მახლობლად გდია სულთმობრძავი ან მკვდარი ცხვარი. მართალია, თოვლი თხლად ეფინა მიწას, მაგრამ ქვიანი ნიადაგი, სადაც ბალახი არ იზრდება, უკვე შეებოჭა ყინვას. აი, ზორცვს გა-

დალაზა გელამ გაიკრიბინა, ცოტა ხნის შემდეგ ფაფუკ თოვლზე ბიარტურმა ირ-
მის ნაკვალევით შენიშნა.

ამ დღეს ბიარტურმა ორი ხეობა შემოიარა. ერთ ხეობაში, როგორც ახ-
სოვდა, ბორცვები მანანის ბუჩქებით იყო დაფარული. ასეთ ადგილებში იცის
ცხვარმა დამალვა. მეორე ხეობაში, ცხელი წყაროს მახლობლად, მწვანით და-
ფარული, ჭაობიანი სივრცე გადამლილიყო. მაგრამ სულდგმულისთვის არ-
სად მოუტრავს თვალი, მხოლოდ ხეობის სამხრეთ მხარეს, მდინარის გაუყინავ
ზოლში ცურადნენ შეგვიანებული იხები.

შებინდა, თოვდა, მიდამოს კარგად ველარ არჩევდა თვალი და ბიარტურმა
გადაწყვიტა, ბლაუფიედლისკენ აედო გეზი. იქ ერთი მყუდრო გამოქვაბული
ეგულებოდა, სადაც ხშირად გაუთევია ღამე. ხვალ ისევ მთებისკენ გაუყვება
გზას, მოივლის სამხრეთით მდებარე ხეობას, რომელიც შედარებით უფრო და-
ტულია სიცივისაგან. ყოფილა შემთხვევა, რომ ცხვრებს მთელი ზამთარი გაუ-
ტრავებიათ იმ ხეობაში, უბალახნიათ. ჩამოწვა თუ არა ბინდი, მთვარემ გამოანა-
თა. ქედობა და ხეობას ცისფერი შუქი მოჰფინა, ოქროსფრად აბზინდა სილით
ნახევრად დაფარული ყინული, ირგვლივ მდუმარება მეფობდა და ამ მდუმარე-
ბაში. ამ ცისფერ შუქში, ბუნების ამ წიაღში, სრულყოფილი ჩანდა ადამიანიც,
რომელიც იმას ეძებდა, რაც მის ცხოვრებას აზრსა და შინაარსს ჰმატებდა.

კარგა შებინდებული იყო, როცა ბიარტურმა მიაღწია თავის მყუდრო სა-
ვანეს — გამოქვაბულს სდრუტფიედლის ძირში. გამოქვაბულთან ჩამოკდა
და მთვარის შუქზე ვახშამს შეექცა. წვრილი ქვებით მოფენილ იმ გამოქ-
ვაბულში ერთი დიდი ლოდი იდო. მგზავრები ძველთაგან აქ შედიოდნენ
მუხლის ქარის ამოსადგმად და ამ ლოდზე ჯდებოდნენ. ბიარტური ქვაზე გა-
წვა. ხელსახოცში გამოკრული საგზალი თავქვეშ ამოიღო. უკანასკნელი
რამდენიმე წლის მანძილზე, მის გარდა შემოდგომაზე თითქმის არავინ შე-
დიოდა იმ გამოქვაბულში ღამის გასათევად. ბიარტური კი, როგორი ამინ-
დიც არ უნდა ყოფილიყო, არხეინად იძინებდა ლოდზე, ერთხელაც არ
გაცივებულა. ეს ადგილი ძალიან მოსწონდა და ახლაც ტკბილად დაიძინა, მაგ-
რამ მალე სიცივით აკანკალებულს გამოეღვიძა, ცივ ამინდში სხვა დროსაც
ასე დამართნია, საშიში არაფერი იყო, ამის წამალიც იცოდა. ადგებოდა,
ლოდს ხელებს დაავლებდა და გადააბრუნებდა, იმდენჯერ გადაატრიალებდა,
ვიდრე არ გათბებოდა. ღამეში სამჯერ მიინც ადვიძებდა სიცივე, დგებოდა,
ქვას აბრუნებდა და კვლავ იძინებდა. დათვლილი ჰქონდა, თვრამეტჯერ უნდა
გადაებრუნებინა ლოდი, რომ გამთბარიყო. სადმე სხვაგან გათბობის ასეთ
ხერხს, ალბათ, უხერხულად მიიჩნევდნენ, რადგან ლოდი ორმოცდაათი გირ-
ვანქა მიინც იქნებოდა, ბიარტურისთვის კი თითქოს სრულიად ბუნებრივი

იყო ამ მძიმე ლოდის ღამეში ორმოცდაათობმეტყვერ გადაბრუნება. საერთოდ, უყვარდა ქვეების გადაგორება, ხელად თხებოდა. მეოთხედ რომ ვაიღვიძებოდა, უკვე დასვენებული იყო, თავს მხნედ გრძნობდა. ამ დროს, ჩვეულებრივ, ინათებდა კიდევ, ადგებოდა და წაეიდოდა, მოივლიდა მთელ ხეობას, ახლა სიარულშიც გათბებოდა, დაჯდებოდა და ცვრიან ძეხვს შეეკეცოდა.

მეორე დილას ბიარტურმა კლდეკარი გაიარა და შუადღისას რეიკის ხეობას მიაღწია. რეიკში ზოგიერთ ადგილას მიწა თბილია, მის სილოვან ზედაპირს ორთქლი ასდის, მაგრამ ცხელ წყაროს აშკარად არ ამოუხეთქავს. ცოტა ქვემოთ. ფართო სივრცე ალაგ-ალაგ წითლადაა შეფერილი რკინის წყლით და ამ აჭრელებულ სივრცეს მანანის ბუჩქებითა და ბალახით დაფარული მთების კალთები ერტყმის. ხშირად იქაც იმალება ცხვარი. იმ დღეს კი სულდგმული არ ჭკანებდა, მარტო ერთ ჩიტს მოჰკრა თვალი. უთუოდ იმ ფრინველთაგანი იყო, ცხელი წყაროების მახლობლად რომ ბუდობენ.

ხეობაში რამდენიმე სამკურნალო წყარო ამოჩუჩხებდა და ბიარტური იქით წავიდა, რომ ამ წყლით გული მოეყვრებინა. დაწმუწმებული იყო, ეს სამკურნალო წყალი ყოველგვარ მავნე სითხეს აქრობს სხეულში, სისხლსა და ღვიძლს წმენდს, ავადმყოფობისაგან იცავს ადამიანსო და წელიწადში ერთხელ მაინც უსათუოდ უნდა დაეღია ეს წყალი.

ბიარტურმა ახლა აღმოსავლეთით აიღო გეზი, უნდა მოეარა ყოველი ხეობა, რომელიც იმ უშენი ადგილისკენ ეშვებოდა, სადაც მდინარე იეგულა მზუილით მიედინება და ის ღამე მთის ქოხში გაეთია. დიდი გზა ჰქონდა გასავლელი. მართალია, არც ისე ყინავდა, მაგრამ ცა ღრუბლებმა დაფარა და ცოტა ხანში ბარდნა დაიწყო. ბიარტური იეგულას დასავლეთ ნაპირს მიჰყვებოდა, მეორე სანაპიროდან უკვე სხვა ოლქის იალალები იწყებოდა. ცხვარი იშვიათად გადადიოდა მდინარეს, რადგან იეგულა ძალზე წყალსავსე, ჩქარი და ღრმა მდინარეა, სათავიდან მოყოლებული თვით მყინვარამდე. მაგრამ მდინარე ბევრგან უხვევდა, მოსახვევები ბუჩქნარით იყო დაფარული და ცხვარი ხშირად შუა ზამთრამდე იქაც იმალებოდა. მყინვარსა და დაბის შუა გამავალ გზაზე ერთი უპატრონოდ მიტოვებული სახლი იდგა, ამბობდნენ, ავმა სულებმა დაიბუდეს იქ და პატრონები ამიტომ აიყარნენო. თოვლის ბუქში იეგულა შავად მოჩანდა, ისეთი ხმაურით მოაგელვებდა ტალღებს, ისე ენთქებოდა ნაპირებს, რომ მისი ხმა შორს ისმოდა. თოვლის სქელმა საბურველმა ჩამოაბნელა თვალსაწიერი, უკვე შემოღამდა, მსხვილმა ფანტელებმა მალე შესუდრა დედამიწა. ძგზავრს გაუჭირდა სიარული, ყინვა ისე ეკბინებოდა, გეგონებათ, ეს სუსხი სწორედ გაუყინავ, ჩქარ მდინარეს, იეგულას მოაქვსო.

ბიარტური მიხვდა, რომ ასეთ ამინდში ცხვრის ძებნას აზრი არა ჰქონდა

ქარბუქი გაძლიერდა, ლანდშაფტი მოიქუფრა. გაახსენდა ბატკნები, ნაეროტზე რომ ჰყავდა გაშვებული და შეშფოთდა, ვითუ ქარბუქმა მოუსწრო, მაშინ საფრთხე არ ასცდებათო. მაგრამ ახლა ბატკნების მისახედად შინ დაბრუნებაზე ფაქირც არ შეიძლებოდა, ამ ქარაშოტში, ღამით, ასეთ გრძელ გზას ვერ დაადგებოდა, თანაც ძალზე დაიქანცა და ბიარტურმა გადაწყვიტა, ყველაზე გონიერული იქნება, თუ ჩემს პირველ გეგმას განვხორციელებ, იეგულას მარცხენა სანაპიროს გავყვები მთის ქოხისკენ და ღამეს იქ გავათევო. მაგრამ კაცი ყოველთვის როდი იცის, მოკლე ხანში სად ამოჰყოფს თავს, ზოგჯერ რაღაც უცნაური, თითქოს დაუჩქარებელი შემთხვევა ჩაშლის ზუსტად ნავარაუდევს. ასე დაემართა იმ ღამეს ზაფხულის სავანელ ბიარტურს, ის იყო გადაწყვიტა, მდინარისკენ გადაჰიშული მთის ერთ-ერთი ვიწრო გადაეჭრა, რომ უცებ ფეხმარდ პირუტყვებს ჰკიდა თვალი. ერთი მამალი ირემი იყო, სიმი დედალი, ხტუნვა-ხტუნვით მიჰქროდნენ ქვემოთ, მამალი წყლის ნაპირას შედგა, დედლები ისე ამოუდგნენ უკან, როგორც მფარველს. ოთხივე რქებით მდინარისაკენ შებრუნდა, საიდანაც ქარი უბერავდა.

ბიარტური პირუტყვებს ათვალიერებდა, ოთხივე ახალგაზრდა იყო, ერთ-თავად ინაცვლებდნენ ადგილს, მაგრამ ისე, რომ კაცი მხოლოდ უკანიდან ხედავდა მათ. მგონი, ბედმა გამიღიმა და ეგ არის, — გაითქიქრა ბიარტურმა, — ერთ-ერთი რომ დავიჭირო, კარგი იქნება, რა თქმა უნდა, მამალი სჯობია, უფრო დიდი, ხორციანი. ირმის ხორცი კი ბატკნების სუფრაზეც ნუგზარ საჭმელად ითვლება. თუნდაც ვერ ვიპოვო ჩემი გულდბრაუ, რაც მის ძებნას დრო მოვანდომე, ამაოდ დაკარგული არ იქნება, ირემს თუ დავიჭერ. მაგრამ ისე როგორ მოვკლა, რომ სისხლიდან არ დაიცილოს? მისი სისხლით კარგი ძეხვი გაკეთდება. ამიტომ, უმჯობესი იქნება, თუ ცოცხალს მივიყვან შინო. ბიარტურმა ჯიბე მოიხჩჩიკა იმ ორი საგნის ამოსაღებად, რაც მგზავრისთვის აუცილებელია. იპოვა ერთი და მეორეც, თოქის სქელი კონა და ჩაყვა. დავეცემი მამალ ირემს, დანით ცხვირს გავუხვრეტ, თოქს ნახვრეტში გავუყრი და ლაგამი მზად იქნება. ასე უფრო გამიადვილებდა მისი წაყვანა. თუ ძალიან გამიჭირდა, სადმე ისეთ ადგილას დავაბამ, ადვილი მისაგნები იყოს, და-ლაში ჩავალ და მაშველს მოვიყვან. აქედან ზაფხულის სავანემდე, ქვეითად მავალისთვის, ერთი დღის გზაა. თავდასხმის გეგმა რომ შეადგინა, მოიკუზა. ფრთხილად, სულგანაბული გაჰყვა ხეობის ნაპირს. ირმები იეგულასა და ხეობის შუა მიწის ვიწრო ზოლზე იდგნენ.

ბიარტური ფრთხილად აცოცდა ხეობის ნაპირზე და დაინახა, რომ დაახლოებით თორმეტი ფუტი აშორებდა იმ ადგილს, სადაც რქაბუღიანები იდგნენ. მასში გაიღვიძა მონადირის ინსტინქტმა, გული აუქვერდა, უჩუმრად მიეპარა

მამალ ირემს, კიდევ ერთი, კიდევ ნახევარი ნაბიჯი და ეცა, რქის ძირში სტაცა ხელი. ადამიანის მოულოდნელ გამოჩენაზე პირუტყვები შეკრთნენ, თავი ასწიეს, ყურები ცქიტეს, დედლები ადგილს მოწყდნენ. დაოთხილი დაეშვნენ თავქვე. მამალმაც გაიწია, კაცის წათრევა სცადა, მაგრამ ბიარტური ადგილიდან ვერ დაძრა, გამწარებული იქნევდა თავს, გასხლტომას ლამობდა და მაინც ვერას გახდა. ვერ მოიწყვიტა რქებზე ჩამოკიდებული კაცი, ბიარტურმა ეგრძნო, რომ საკმაოდ მკვიდედ ვერ ჰყავდა ჩაჭერილი პირუტყვი, რქები ძალზე სლიბი ჰქონდა, საოცრად სხარტი იყო, ბიარტური კი სხვა საყრდენ წერტილს ვერ პოულობდა. ჰოდა, ექვმა გაჰკრა, მოვერევი კი? რქები ხომ ძალზე საშიში იარაღია, თუ ნაწლავებში გამიყარა, კარგი დღე არ დამადგებაო. ორთა ჰიდილი გაგრძელდა, ირემმა თანდათან იმძლავრა, კარგა დიდ მანძილზე წაათრია ბიარტური. უცებ ბიარტურს ბავშვობაში ნასწავლი ერთი ილეთი გაახსენდა. პატარა მანძილზე სირბილით გვერდით გაჰყვებოდა გაუხედავ ცხენს და უცებ ზურგზე მოექცეოდა. ბიარტურმა ეს ნაცადი ხერხი გამოიყენა. ერთ წამში ზურგზე მოექცა ფეხმარდს, ხელებით რქებში ჩააფრინდა, შემდეგ უყვებოდა ნაცნობებს, ანც ერთ პირუტყვზე ის ძნელი არ არის ამხედრება, როგორც ირემებს. ვაკირეებით იკავებდა თავს ირმის ზურგზე, მაგრამ ეს მოგზაურობა დიდხანს არ გაგრძელებულა. მცირე მანძილი რომ გაიარინა ირემმა თავისი მქისე ტვირთით და ვერაფრით ვერ მოახერხა მისი გადმოგდება, გადაწყვიტა თავი გაეწირა, ოლონდ კი როგორმე კაცი მოეშორებინა. და აი, ერთი სწრაფი ნახტომი საწინააღმდეგო მიმართულებით, წამიც და ირემი იეგულაში გადაეშვა, უცებ ისეთ ადგილას ამოჰყო თავი, სადაც უფრო უადვილდებოდა ცურვა.

ვაგლახს ბიარტური ცხვრის საძებრად წავიდა და აი, რა დავიდარაბაში გაეზა: იეგულაში, წელამდე წყალი რომ ფარავდა, ჩვეულებრივ ცხენზე კი არ გახლავთ ამხედრებული, ისეთ ფიცხ ბედაურზე ზის, როგორსაც უთუოდ ფათერაკების სახელმძოხვეცილი მაძიებლები თუ დააქროლებდნენ ოდესმე. ვითომ თავი მოაქვს ბიარტურს ამ თავგადასავლით? არა, ასეთი რამ აზრად არ მოსვლია. სად იყო იმის დრო, რომ ამ უჩვეულო მოგზაურობის თავისებურებაზე ეფიქრა, მთელი გულისყური იქით ჰქონდა მიპყრობილი, როგორმე წონასწორობა დაეცვა, ირმის ზურგს არ მოწყვეტოდა და წყალში ტყაპანი არ მოელო. ირმის რქებს მთელი ძალით ჩაფრენოდა, ფერდებზე ფეხებს უჭერდა პირუტყვს, ხარბად ისუნთქავდა ჰაერს, თვალთ უბნელდებოდა. დინებამ ირემი ქვევით გაიტაცა, თითქოს არც ფიქრობდა ნაპირზე გასვლას. მდინარის მეორე ნაპირი ძალზე ციცაბო იყო. თან ბურუსიც ფარავდა, დროდადრო თუ მოჰკრავდა ბიარტური თვალს ნაპირს და მაშინ ეჩვენებოდა, რომ შუაგულ ოკეანეშია, დან-

ჯღრეულ, უნიჩბო ნაგში ზის და ტალღები თავის ნებაზე მიაქროლებენ. ორემს ხან ტალღა თავს გადაუვლიდა და მაშინ ყინულივით ცივი წყალი ბიბტურს ნიკაპამდე წედებოდა. თიარტურს თავებრუ ეთხოდა, არ იცოდა, რა მოელოდა, გრძობას დაჰქარგავდა, თუ ირემი ჩაჰყვინთავდა და ასე მოიშორებდა მას თავიდან. სულ ერთია, ერთიცა და მეორეც სიკვდილს უქადა. ასე მიცურავდნენ ირემი და ბიარტური მდინარე იეგულაში.

თ ა ვ ი მ ე თ ე ქ ვ ს მ ე ბ ა

რ ი თ მ ე ბ ი

ბოლოს, ბიარტურმა იგრძნო, რომ ირემი წყლიდან ამოსვლას აპირებდა. გარშემო მიმოიხედა, თურმე უკვე მიუახლოვდნენ მდინარის აღმოსავლეთ ნაპირს, სულ რამდენიმე წყრთალა ამორებდათ ყინულის ნიწიბურს. ერთ ხანს მიცურავდნენ ყინულით დაფარული ნაპირის გაყოლებით, ფრიალო კედლად რომ აღმართულიყო, ყინულის ამ სლიპინა ნაწიბურებზე კაცი ფეხს ვერ მოიკიდებდა. ბიარტური მიხვდა, მოთმინება ყველაფერს სჯობს, უნდა დავიცადო, ვიდრე ირემი ნაპირს მიუახლოვდებაო, როგორც კი მიატანს ნაპირს, ჩამოვხტები და როგორმე ავცოცდები ყინულის ციკაბო კლდეზეო. ცივ წყალში მეტ ხანს გაჩერება შეუძლებელი იყო, მაგრამ ისიც კარგად ესმოდა, რომ ძალზე საშიში ნახტომი უნდა გაეკეთებინა, რომ სასიკვდილო საფრთხის წინ იდგა. ამასობაში ირემი უკვე ერთ წყრთაზე მიუახლოვდა ნაპირს. ბიარტურმა შემთხვევით ისარგებლა, რქებს ხელი უშვა და წყალში გადაეშვა. აქ დაშორდა ირემს, მერე თვალი აღარ მოუქრავს, იმ დღიდან სძაგდა ის ცხოველი.

იყო ისეთი წუთები ამ განსაცდელის ეამს და შემდგომაც, როცა ბიარტურს ეჩვენებოდა, რომ ირემი სხვა არავინ იყო, თუ არ ეშმა კოლუმკილი. ყინულის თხელ ნაწიბურზე ფეხი რომ შედგა ბიარტურმა, ნაწიბური გასკდა, ყინულის ჩამოტეხილმა ნაჭერმა კინალამ თან წარიტანა, მაგრამ, როგორც ჩანს, სიკვდილი არ ეწერა, ყინულის უფრო საიმედო ნაჭერზე გადაინაცვლა, თავით ფეხამდე გალუმპული იყო, ძაგძაგებდა, კბილს კბილზე აცემინებდა. ყინულის ამ ვიწრო ლოდზე დიდხანს დგომა საშიში იყო და ბიარტურმა ნაპირზე აცოცება სცადა. არც ეს გახლდათ იოლი, ფეხი ან ხელი რომ დასხლტომოდა, საქმე გათავებული იქნებოდა. ბიარტური ძლიერ დაიქანცა, რის ვაი-

ვაგლახით მაინც აფოფნდა ციკაბო ფერდობზე და აი დგას საღი და საღსალამა-
თი იეგულას აღმოსავლეთ ნაპირზე, სხვა ოლქის მიწაზე. ქურთუკი გაიხა-
და, გაწურა, თოვლზე გაგორდა-გამოგორდა გასაშრობად, და თოვლი იეგუ-
ლას წყალზე თბილი ეჩვენა. ხან წამოდგებოდა, ხან ისევ გაგორდებოდა.
მაინც, რა ოინი უყო იმ ირემმა? ჯერ წყალაწყალ ათრა, მერე კი, ხედავთ, საღ
ამაყოფინა თავი, როგორ აურია გზა-კვალი? მთის ქობში ხომ ვეღარ გაა-
თევეს ღამეს, როგორც ეს გადაწყვეტილი ჰქონდა, მაგრამ ამას კიდევ შეურიგ-
დებოდა კაცი, ყველაზე მეტად ის აწუხებდა, რომ ასე ანაზღად იეგულას აღ-
მოსავლეთ სანაპიროზე აღმოჩნდა. იეგულა ჩრდილო-აღმოსავლეთისკენ მიე-
ღინება, მას კი ჩრდილო-დასავლეთისკენ ეღო გზა. ერთადერთი გამოსავალი
ღარჩა იეგულას მარცხენა ნაპირზე გადასასვლელად: თავისი საბლის საწი-
ნააღმდეგო მიმართულებით უნდა წასულიყო, შორი გზა მოეველო, ვიდრე არ
მიადწევდა იმ დაბას, სადაც ბორანი მუშაობს. იქიდან კი თხუთმეტ საათს მა-
ინც მოუნდებოდა იეგულას ხეობაში ყველაზე მახლობელ ხუტორამდე. ფეხ-
ჩაუქრებავად რომ ევლო, ორი დღე-ღამე მაინც მოუნდებოდა შინ მისვლას, მას
კი ბატენები ნაეროტზე ჰყავდა გაშვებული.

ბიარტურს შთელი ტანი სტეხდა, თუმც თავისთავს არ უტყდებოდა იმაში,
რომ სველი სამოსი ვერ დაიცავდა ყინვისაგან, თუ თოვლში ჩაეფლობოდა. ყინ-
ვა თანდათან მძაფრდებოდა, ფიფქები კბენდნენ და სუსხავდნენ, ბარდნიდა
და ბარდნიდა შეუწელებლად. სველი ზედა სამოსი ისე შემოიყვინა, რომ სანამ
მოძრაობდა, საცვლებამდე ვერც კი შეატანდა სიციფე, წარბები და წვერი შეე-
ჭირხლა, ხელსახოცში გამოკრული ძეხვი ქვასავით გამაგრა. ჭოხი დაჰკარგა,
წყვედიანი თანდათან ისე შედგდა, რომ ეჩვენებოდა, დანით შეიძლებაო ჰისი
გაჭრა. აღმოსავლეთის ქარი შიგ სახეში სცემდა, ხან თხრილში ჩავარდებო-
და, ჩაიფლობოდა წელამდე თოვლში, ფიფქები ისე დაფრინავდნენ ირგვლივ,
როგორც ნაცარი ქარში, ნუგეშად ისღა დარჩენოდა, რომ გზას ვერ ასცდე-
ბოდა, რადგან მარცხენა მხრიდან მდინარის შხულო-ბუბუნის ისმოდა.

რაც უფრო ცუდად ხდებოდა, მით უფრო გააფთრებით იგრებოდა. თან
სულ ის სახელოვანი ბრძოლები ანსენდებოდა, უძველესმა პოეტებმა რომ
აკაზმეს რითმებად. კბილქვეშ სტრიდა ძლიერ სტროფებს, განსაკუთრებით
მკვეთრად გამოთქვამდა სიტყვებს ისეთი ღემონური გმირების აღწერისას, რო-
გორიც გრიმური და ანდრი იყვნენ. ეჩვენებოდა, თითქოს გრიმურს ებრძვის,
ელანდებოდა, რომ ღიდი ხანია, რაც ამ წყეულ ტროლგამელ ეშმას შეერკინა.
და აი ახლა დადგა გადამწყვეტი წუთი. გონებით გადაავლო თვალი გრიმურის
ამაზრზენი ცხოვრების გზას, იმ წუთიდან მოყოლებული, როცა მკითხავი
გროუა მდინარის ნაპირას წააწყდა მას, როცა სიავით გააფთრებული გრიმუ-

რი ვერაგული ხრიკების მოწყობას აპირებდა. ბიარტური ამ ავგულ დემონს, ამ ჯადოქარს, სკალდების სიტყვებით აღწერდა. აი, ის წელამდე ჩაფლულა მიწაში, პირიდან ტეცხლს აფრქვევს, ბრდღენავს, ადამიანს არ ძალუძს მისი დამორჩილება:

როგორც ეშმაკის მეჯლისზე, ღამით
ხტის ჯადოქარი... საკბილოს ელის...
ეს ღმუის, როგორც შშიერი მგელი —
მარადეამს ხარბი და სისხლის მსმელი.
რა არის მიწა,
რა არის წყალი,
სუყველაფერზე მრძანებლობს ივად.
მიწა კი არა, ზღვა რომ ზღვა არი,
ზღვისაც გასცურავს,
უფსკრულზეც გავა.

იმ ტარტაროზისადმი ბიარტური არავითარ სიბრაალულს არა გრძნობდა, თუ ფეხი დაუცდებოდა და ღრანტეში ჩაეარდებოდა, მაინც არ ნებდებოდა, პირიქით, გოარკეცებული ძალით ებრძოდა. ამობობლდებოდა, გზას აგრძელებდა, კრიჭაშეკრული, წყველა-კრულვას უთვლიდა გრიმურს, მის ღღენიიდაგ დაფჩინილ ტეცხლისმფრქვეველ ხახას. მტკიცედ გადაწყვიტა, არ მოშვეებოდა, ვიდრე იმ წყეულს ჯოჯოხეთის ყველაზე შორეულ კუთხეში არ შეაგდებდა, მლით არ განგმირავდა. ვიდრე აცეკვებული მიწისა და ზღვის ბუბუნზე სასიკვდილო კრუნჩხვა არ დაუვლიდა ურჩხულს.

კვლავ მოეჩვენა, რომ ჩააძალა გრიმური, აი, ის გაისტუმრა ჯოჯოხეთში, გზა დაულოცა პოეტის უკვდავი სიტყვებით. და მაინც, როგორც კი სულის მოსათქმელად შეჩერდებოდა, ქარბუქი საშინელი ძალით აცხრებოდა, თვალეებსა და სახეში ბრჭყალეებს უყრიდა, ყურში ავად ჩაჰმღუოდა და მიწაზე განრთხმას უბირებდა. ბრძოლა გრძელდებოდა, ხელჩართული ბრძოლა ურჩხულთან, რომელიც ისე ბობოქრობდა და მძვინვარებდა, რომ დედამიწას ზანზარი გაჰქონდა:

ღია აქვს ხახა,
გამხეცებული
ომს მოითხოვს და ყვირის,
თვალეებს აბრიალებს,
კბილებს აღრქვიალებს,
ღუკით სავეს აქვს პირი.

ამჯერად ანდრი და გარეკი შეებნენ ერთუართს:

ანდრი მრისხანებს, ბობოქრობს,
დაწრილ ღომივით ღრიალებს

ვით ხმალი ხმალზე,
კბილებზე
კბილები გაიხრკიალებს...
ანდრის და გარეკს ომი აქვთ,
თელა აღარა აქვთ იარებს, —
მტრის სისხლი ბრძოლის ველიდან
მოედინება მდინარედ.

შემოგარენი ცეცხლშია,
ხეც კი აღარ ჩანს აღარსად, —
ანდრის მახვილი ძლიერი
გაჰკვეთს ქეასაცა მაგარსა.

და ასე შემდეგ, ისევ და ისევ.

ვერა, ვერ დაუძვრება ის ტარტაროზი დამსახურებულ სასჯელს. განა ოდესმე გაუგონია ვინმეს, რომ გარეკი, გონგუროლფური, ანდა ბერნოუტი დამარცხებულიყვნენ გადამწყვეტ ბრძოლაში? ასევე ვერაგონ გაბედავს იმის თქმას, თითქოს ბიარტური დანებდა ურჩხულს, რამდენჯერაც არ უნდა დაგორდეს, რამდენჯერაც არ უნდა ჩავარდეს ღრანტეში. „უჯანასკნელ ამოსუნთქვამდე ვიბრძოლებ, როგორც არ უნდა გაშმაგდეს ქარი!“ ბოლოს ბიარტური შედგა და ქარს ისე მიეყრდნო, როგორც კედელს, მაგრამ ვერც მან დაასველია ქარს, ვერც ქარმა მოაცვლეინა ფეხი ადგილიდან. მაშინ ბიარტურმა გადაწყვიტა, თოვლში ჩაწოლილიყო და დაეხენა. მყუდრო ადგილს დაუწყო ძებნა, ხელებით ჩაალრმავა ნამქერი, ჩაჭდა, მოიკუზა და გარშემო თოვლი შემოიხვეტა, რომ შიგ თავით-ფეხამდე ჩამალულიყო, მაგრამ თოვლი ფაშარი იყო, იმქლეოდა, ცული თავშესაფარი გამოუვიდა, დიდხანს ვერ დარჩებოდა იქ, მთლად გაითოშა, ეს კიდევ არაფერი, უარესი იმ იყო, რომ ძილი მოერია, მაცთუნებელი ბურანი, ქარბუქში სიკვდილს რომ უადვილებს ადამიანს. შთავარია, არ აპყვეს ცთუნებას, სითბოსა და სიმშვიდის ქვეყნისკენ რომ უხმობს და იზიდავს. სხვა დროს, ასეთსავე განსაცდელში ჩავარდნილი ბიარტური, ცთუნებას რომ არ აპყოლოდა და არ ჩაეთვლიდა, ლექსების კითხვას იწყებდა, ან მთელი ხმით მღეროდა. მღეროდა ყველაზე უხამს სიმღერებს, რომლებიც კი ბავშვობიდან ახსოვდა, მაგრამ ახლა სიმღერა უჭირდა, ხმა უწყდებოდა, რული კი ეძალებოდა, გრძნობას, გონებას უბინდავდა. აი, თვალწინ გაუქროლა წარსულის სურათებმა, ნაცნობთა სახეებმა, განცდილმა, ნანახმა, თუ ძველ პომეებში აღწერილმა სურათებმა. აი, დიდ ლანგარზე ცხენის ცხელ-ცხელი ზორცი დევს, ოზშივარი ასდის, ფარეხში ცხვრები ბღავიან, გადაცმული გოლიათი ბერნოუტი, პასტორის აბრეშუმის წინდიანი თავქარიანი ქალიშვილები. და ბიარტური ვალდვა თითქოს უცხო პიროვნებად, ძალოვანი ულფარის

ძმად, გრიმურ ამაყად გადაიქცა. მათმა მამამ, ხელმწიფემ, სიბერეში შეიერთო ახალგაზრდა ქალი. დედოფალი დამღამობით ლოგინში მოწყენილი იყო. ერთხელ დედოფალმა თვალი მოჰკრა უფლისწულ გრიმურ ამაყს, რომელსაც ტოლი არ ჰყავდა მთელ სახელმწიფოში და ქალს სიყვარულის ისეთი ცეცხლი შემოენთო, რომ მოსვენება დაჰკარგა, ველარც ჰამდა, ველარც სვამდა, ღამეებს თეთრად ათენებდა, ბოლოს გადაწყვიტა, ღამით საწოლ ოთახში სწვეოდა გრიმურ ამაყს. შევიდა კიდევ და მამამისს, მოხუც ხელმწიფეს, დაცინვა დაუწყო:

ვაი, შე უბედურს, ძნელია ერთობ
ზეგერი ხელმწიფის ცოლობა, ღმერთო.
თეთრი ბქვს თმები და უძღურიც არი,
ვის რაში არგია ასეთი ქმარი?!

გრიმურ ამაყს არაფრად ექაშნიკა დედოფლის სტუმრობა და ასეთი ურცხვი ლაპარაკი თავის მამაზე. ათასი რამ მიზეზი მოიგონა ქალის თავიდან მოსაშორებლად:

გაურბის გრიმური ქალს, როგორც ხანძარს,
ო, რა რიგ ძნელია გაექცე ვნებას...
წამით ავიწყდება ყოველი გრიმურს,
ღიაცო გრიმურთან წვება...

მაგრამ ვიდრე გრიმურ ამაყი გონს მოვიდოდა, აი რა მოხდა:

მეფისწულს ეხვევა ღიაცო გზნებით,
დედოფალს მგზნებარე ამბორი წყდება,
ძნელია ფიზიკობდგი, როდესაც თვრები,
ო, რა რიგ ძნელია, გაექცე ვნებას.

ახლა კი თვალნათლივ დანახა გრიმურ ამაყმა, რაოდენ უტიფრად იქცეოდა დედოფალი, რისხვით ანთებული ჰაბუკი წამოხტა და ქალს ხელი ჰკრა:

მეფისწულს არ სურს ცოდვილად დარჩეს,
ვერც მორევია ცოდვილი დარღებს, —
მაცდურ დედოფალს, ვით კატის ცინდალს,
სარეცელიდან იშორებს, ავღებს...
გღია დედოფალი ძირს,
ლაფით ვასგრილია ყოველი...
— შენ ქალი კი არა,
ყოფილხარ
მთლად სულწაწყმედილი ცხოველი!

— ეშმაკსაც წაუღიხარ!— დაიდრიალა ბიარტურში. წელში გამართული იდ-
გა თავის თავშესაფარში, ხელი ჰკრა გარყენილ დედოფალს. ქალმა თავისი ოს-
ტატური ხრიკებით ვერაფერი ვააწყო. — არა, ვაგონილა, რომ პოემის გმი-
რები მრუშობას ეწეოდნენ? ასეთი ხალხი ხომ ბრძოლის ველზე შიშით თრთის,
ქალის მკლავებში კი გმირად წარმოიდგენს თავს. ვერავენ გაბედავს იმის
თქმას, რომ ზაფხულის სავანელმა ბიარტურმა ბრძოლის ველზე მტერს
ზურგი შეაქცია იმისათვის, რომ საზიზღარ, აღვირახსნილ რომელიმე დედო-
ფალთან თავი შეიქციოს. ბიარტური გაბრაზდა, გამწარებული აფართხალდა
თოვლში. რაც ძალი და ღონე ჰქონდა, ხელებს ტანზე იტყაპუნებდა და მა-
ნამ არ დაჯდა, ვიდრე არ დასძლია მოთენთოლობა, ის მაცთუნებელი გრძნობა.
როცა სხეული ნეტარ სიმშვიდეს, იარაღის დაყრას, დანებებას გთხოვს.

ერთ ხანს ასე გაშმაგებით იქნევდა ხელებს, მკერდსა და მხრებზე იტყა-
პუნებდა. მერე გაყინული ძეხვი ჩაიდო უბეში, თავისი სხეულით გაათბო,
ხელში ჩაბლუჯა და ჩაეხიჩა. მადიანად ჰამდა ზამთრის ამ უღმობელ ღამეში
თოვლით შეკაზმულ ცვირიან ძეხვს.

ეს იყო უსასრულო გრძელზე გრძელი ღამე. არასოდეს არ წაუკითხავს ერთ
ღამეში იმდენი ლექსი. თავისი მამის მთელი ლექსები წაიკითხა. ყველა უძვე-
ლესი პოემა, საკუთარი, ოსტატურად შეთხზული სიმღერები. ისეთი სიმ-
ღერები, რომლებიც გინდ თავიდან წაიკითხოთ, გინდ ბოლოდან. აზრს მაინც
არ ჰკარგავენ. ამას უხანსი კულტეტი მოაყოლა, ერთი ფსალმუნიც. დედამ
რომ ასწავლა, და ყველა სახუმარო ლექსი, ოდითგან რომ იცოდნენ მათ კუთ-
ხეში—მამასახლისებზე, ვაჟებზე და მოსამართლეებზე. ხანგამოშვებით ამოძ-
ვრებოდა თავშესაფრიდან და მანამ იბრაგუნებდა ხელებს მკერდსა და მხრებ-
ზე, ვიდრე სული არ შეუგუბლებოდა.

ძალიან ეშინოდა გაყინვისა, ველარ დარჩებოდა თოვლის ნამქერში. განთი-
ადი ალბათ შორს აღარ იყო და არაფრად ეჭაშნიკებოდა მთელი დღე თოვლში
ჯდომა, ისიც ამ სიშორეზე ადამიანის სამყოფელიდან და წასვლა გადაწყ-
ვიტა. გაუდგა კიდევ გზას. ჭერ გამართული, თავაწეული მიაბოტებდა
ქარის საპირისპიროდ, მაგრამ უღელტეხილზე რომ ავიდა, ფეხებმა უმტყუ-
ნეს, ჩაჯდა, ხან ხოხვით მიიწევდა წინ. ხან მიბობდავდა ქვა-ლორლიან ფერ-
დობზე, და გორდებოდა ხრამსა და ღრანტეში. ხელთათმანები დაჰკარგა, თითე-
ბი მთლად გაუშეშდა.

მეორე საღამოს, როცა იეგულას ხეობაში ყველაზე განაპირა ხუტორის —
ბრუნას ბინადართ უკვე ეძინათ, ერთ დღე-ღამეზე მეტი იყო, რაც ქარიშხალი
მძვინვარებდა — ოჯახის დიასახლისი რაღაც ხმაურმა ვააღვიძა, მიაყურა ქალ-
მა, თითქოხ ფანჯრის მიღმა ვიღაც კვნესოდა, აკაუნებდა. ქალმა ქმარი ვააღ-

ვიძა, ისევე მიაყურეს და გადაწყვიტეს, რომ ფახარაზე გონიერი არსება ჯაკუნებდათ, თუმცა ასეთ შორეულ ხუტორში, ასეთ საშინელ ქარბუქში სტუმარს არავინ ელოდა. კაცია თუ ეშმაკი? ცოლ-ქმარმა ჰაიპარად გადაიცივა და ლამპით ხელში წავიდნენ კარისკენ. როცა კარი გააღეს, ნამქერიდან ფეხებთან ჩამოუგორდათ კაცი, თუკი მისთვის შეიძლებოდა კაცის დაძახება. ყინულის კავწით შებოჭილი აღამიანი შემოგორდა სახლში, სახეც ყინულის ქერქით ჰქონდა დაფარული, თავით ფეხებამდე თოვლით გადათეთრებული კაცი წამოიძარა, მერე ჩაცუქდა, კედელს მიეყრდნო და თავი მკერდზე ჩამოუყარდა, თითქოს რომელიღაც ურჩხულმა შემოაგდო აქ და კედელს მიაჭყლიტა, რაკი მისი მოსაბობის იმედი გადაუწყდაო. ლამპის შუქი ეცემოდა სტუმარს, იგი მძიმედ სუნთქავდა, მკერდიდან ხრინწიანი კენესა-გმინვა აღმოხდა, დახველებას და ამოფურთხებას ლამობდა. მასპინძლებმა ჰკითხეს, ვინა ხარ, საიდან მოხვედიო. მან წამოდგომა სცადა და თავისი სახელი უთხრა: ზაფხულის სავანელს ბიარტური ვარ. ამასობაში მასპინძლის ვაჟიშვილიც ადგა, მამა-შვილმა სტუმრის შეყვანა დააპირა ოთახში, მაგრამ ბიარტურმა არ დაანებათ:

— მე თვითონ წავალი — თქვა მან.

ბიარტური მასპინძლის ვაჟის საწოლზე გარდი-გარდმო გადაესვენა და როცა შეკითხვას მისცემდნენ, მთვრალივით გაუგებრად ლულულუდებდა, ასაბლავლებლად მომზადებული ხარივით ქშინავდა. ბოლოს, როგორც იქნა, ხმა ამოიღო:

— წყალი მწყურია!

დიასახლისმა დიდი ბადიით (ლიტრანახევარი ჩადიოდა) რძე მიუტანა. ბიარტურმა ბადია პირზე მიიღო, დაეწაფა, გამოსცალა და ქურჭელი რომ დაუბოუნა დიასახლისს, უთხრა:

— მაღლობთ, დედი!

დიასახლისმა, ამ ხანშიშესულმა ქალმა, რომელსაც ლამპა ეჭირა ხელში და რძე მიუტანა, დედა მოაგონა ბიარტურს. ქალმა თბილი ხელებით ჩამოუწმინდა ყინული წარბებიდან და წვერიდან, გახადა გაშეშებული-გაფშეკილი ტანისა-ქოსი. მარჯვედ უპოვა მოყინული ადგილები ხელ-ფეხზე, თითები გაშეშებული, უგრძნობელი ჰქონდა, მოყინული კანი ეწვოდა, მაგრამ მძიმე დაზიანება არსად ეტყობოდა. როცა ბიარტურს ყინულის ჯავშანი შემოადნა, დედიშობილა წაწვა ბიჭის ლოგინში, თავფეხიანად ჩაძვრა ბუმბულის საბანში. იშვიათად უგრძნვია ასეთი ნეტარება. როცა დიასახლისი სტუმრისთვის ვახშმის მოსაპოხადებლად გავიდა, მამა-შვილი ბიარტურს მიუსხდნენ, ისე დაბნეულები და გაოცებულნი უყურებდნენ, თითქოს არ სჯერათ, რომ ასეთი საოცრების

მოწმენი არიანო, აღარ იცოდნენ, რა ეთქვათ. ბოლოს ისევ სტუმარმა ამოიღო ხმა, საბანქევოდან ჩახლეჩილი ხმით იკითხა:

— ცხვარი თუ გარეკეს საძოვრებიდან?

მასპინძელმა უპასუხა, ცხვარი უკვე დაბინავებულია ფარეხებშიო და ჰკითხა, აქ საიდან გაჩნდი, იეგულას აღმოსავლეთით, ადამიანისთვის ახეთ მომაკვდინებელ ამინდშიო.

— ადამიანისთვის? — ბრაზით გაიმეორა ბიარტურმა, — დიდი ამბავია, თქვენმა მზემ! მე მუდამ ვფიქრობდი და დღესაც ასე ვფიქრობ, რომ მთავარი ცხვარია.

მასპინძელმა ისევ ჰკითხა რალაც.

— მართალი მოგახსენოთ, ამ მხარეში პირადი სიამოვნებისთვის წამოვედი, ჩემი ერთი ცხვრის საქებრად. ჰოდა, უღელტეხილზე ავედი!

ცოტა ხნის დუმისის შემდეგ დაუმატა:

— ვაჰ, როგორ გადაირია დღეს ეს ტიალი ქარი!

— არც წუხელ იყო უკეთესი ამინდი. ნამდვილი გრივალის დაგვატყდა, ლამის წაიღოს ქვეყანა.

— დიას, — კვერი დაუქრა ბიარტურმა, — წუხელაც უღვთოდ ქროდა.

ღამე საღ გაათიეო, ჰკითხა მასპინძელმა.

— თოვლში, — უპასუხა ბიარტურმა.

მასპინძლებს ძალზე აინტერესებდათ, როგორ გადმოლახა მდინარე, როგორ, რა გზით გაჩნდა აღმოსავლეთ სანაპიროზე, მაგრამ ამაზე ბიარტურმა წაუყრუა, არაფერი უპასუხა.

— კარგი საქმე კი იქნება, ასეთ ყიამეთში ბატკნები თუ საძოვარზე წარჩენენ, — კუშტად ჩაილაპარაკა ბიარტურმა.

— შენს ადგილზე, ცხვრებზე კი არ ვინაღვლებდი, გამჩენს მაღლს შევწიარავდი, რომ ცოცხალი დავრჩიო, — მიუგო მასპინძელმა.

— როგორ გეტყობათ, რომ შეძლებული ხალხი ხართ, — თქვა ბიარტურმა, — მე კი ეს არის ახლა დავიწყებ დამოუკიდებლობისათვის ბრძოლა. თერამეტი წელიწადი ჯანი სხვას შევალე იმისათვის, რომ პატარა ფარა გამეჩინა და თუ ახლა ქარბუქში დამეღუპა, სანანებლად ისლა მექნება, რომ ცოცხალი გადავრჩიო.

როცა დიასახლისმა ვახშამი ლოგინში მიართვა, ბიარტური კარგა მაგრა მიიძღა საკმელს, მერე ბალიშზე გადაესვენა და იმ წუთას ხვრინვა ამოუშვა.

შინ დაბრუნება

მეხუთე დღეს, საღამო ხანს, ბიარტურმა ქაობი გადალახა, გულდამძიმებული მიუყვებოდა ვახს, მისი ლაშქრობა სამარცხვინოდ დამთავრდა, ხელმოცარული ბრუნდებოდა. საძოვარზე დატოვებულ ბატენებზე რომ ფიქრობდა, ხან შიში გაჰკარავდა, ხან თავს იმიედებდა. ყველა ამას ისიც დაერთო, რომ შინ დაბრუნებულ ოჯახის მეთაურს ხუტორი ალერსით არ შეეგება, არსად ჩანდა შუქი, სახლი ჩაბნელებული იყო, მონამქერებელი, კარ-ფანჯრის წინ არავის გადაეხვეტა თოვლი, მილიდან კვამლი ამოდიოდა. აი, ბიარტური მიადგა ფანჯარას, ხელით ჩამოწმინდა მინა და დაიყვირა:

— როზა, როზა, ნიჩაბი მომაწოდე!

ოთახში გამწარებით აყმუვდა ძაღლი. ბიარტურმა ისევ დაუძახა ცოლს. ძაღლი ფანჯარას მოაწვდა. თათებით დაუწყო მინას ფხოვნა. ავად ხომ არ გახდა როზა? — გაუელვა ბიარტურს და ელდანაცემმა გამხეცებით დაიწყო კართან მონამქერებელი თოვლის გადახვეტა ხელებით. ადვილი არ იყო ხელით თოვლის ზეინის გადახვეტა, მაგრამ ბიარტურმა, როგორც იქნა, იმდენზე მაინც მოახერხა კარის გამოღება, რომ გაქირვებით შემძვრალიყო შინ.

კიბე რომ აიარა, ძაღლი ცოფიანივით გადმოხტა და ყმუილით ეცა, თითქოს კუდზე ვინმემ ფეხი დაადგაო. ზამთრის პირი იყო, ადრე ბინდდებოდა და ოთახში ისეთი წყვილიადი იდგა, თვალთან თითს ვერ მიიტანდა კაცი. ორივე ფანჯარა ნამქერს დაეფარა, ბიარტური ის იყო ხელის ცეცებით დაიძრა ადგილიდან, რომ უცებ რაღაცას წამოჰკრა ფეხი.

— ეს რაღა ოხრობაა, დალახვროს ეშმაკმა! — შეიგინა, როგორც ჩვევად ჰქონდა, როცა წაიბორძიკებდა.

ბიარტური დიდხანს ეძებდა ასანთს, როგორც იქნა, იბოვა, გაჰკრა და დანახა, რომ ლამპაში საწვავი ამოწმვარიყო, შუშა კვარტლისაგან შებოლილიყო. როცა ლამპა გამართა, პატრუქი გაიქვინდა და ოთახს შუქი მოჰტინა, მაშინდა დანახა, რაც მომხდარიყო: თურმე თავის ცოლს წამოჰკრა ფეხი. როზა სისხლის გაყინულ გუბეში ეგდო იატაკზე, სიცოცხლის ნიშანწყალი არ ეტყობოდა. როგორც ჩანდა, რაღაცისთვის წამოღდა ლოგინიდან, ძალა აღარ ეყო. საწოლამდე ვედარ მიდწია და იატაკზე გაიშხლართა. ხელში სისხლით გაყდენთილი პირსახოცი შერჩენოდა. მიცვალეზულს რომ უყურებდა ბიარტური, მიხვდა, რა ამბავიც დატრიალდა მისი შინ არყოფნისას. ბიარტურმა საწოლს გადახედა. ძაღლი ლოგინიდან წამოიძარა და მისი მუცლის ქვემოდან გამოჩნდა

პაწაწინა, ყვითელი, თვალდახუჭული, ბებერივით დაქყანული სახე. უბედური პაწაწა არსება ძლივს გასაგონად კნაოდა.

ტიტლა ცდილობდა, რაც შეიძლება კარგად დაეფარა პაწაწა არსება, რომელზეც მზრუნველობა იყისრა, რომელსაც მისცა მხოლოდ ის, რაც მას გააჩნდა — თავისი დამშეული, გაძვალტყავებული, ქუჭყიანი სხეულის სითბო. როცა ბიარტური საწოლთან მივიდა, რომ უფრო კარგად დაეთვალეირებინა ჩვილი, ძაღლმა ისე დაკრიჭა კბილები, თითქოს პატრონს ეუბნება, ამაზე შენ არავითარი უფლება არა გაქვსო. დედას ქიპლარი გადაეჭრა, თავისი საცოდავი ბავშვი შალის ძველ ჩვარში გაეხვია. ეტყობა, მისი გაბანება უნდოდა, ამიტომ წამოდგა, ქურაზე ქვებით წყალი იღვა, დიდი ხნის გაციებული, რადგან ცეცხლი ჩამქრალიყო, მაგრამ ძაღლის სხეულის სითბოს წყალობით ბავშვს სიცოცხლის ნიშანწყალი შერჩენოდა.

ბიარტურმა ასწია ცოლის გვამი და თავისუფალ საწოლზე დაასვენა, მათი საწოლის პირდაპირ რომ იღვა. როგორც კი შეეძლო, ჩამობანა სისხლი. ბებერი იწვალა, იჯახირა, რის ვაი-ვაგლახით გაუმართა ტანი, რადგან ქალის სხეული იმ მდგომარეობაში გაყინულიყო, რა მდგომარეობაშიც დალია სული. ხელებს არ უნდოდა გულზე გადაჯვარედინება, ამღვრეულ თვალებს არ უნდოდა დახუჭვა, განსაკუთრებით მარჯვენას — ელამს. ისევ ის სიჭიუტე. მაგრამ ყველაზე ძნელი და ყველაზე მთავარი ახალშობილის სხეულში შემორჩენილი სიცოცხლის ნაპერწკლის გაღვივებაა და აქ კი დამოუკიდებელი ადამიანი საგონებელში ჩავარდა. ამ საქმეში გამოცდილი ქალი იყო საჭირო. თვითონ პაწაწინა სხეულს თითსაც ვერ მიაკარებდა. ნუთუ უცხო ხალხს სთხოვს დახმარებას? ნურავის გაუშვავს ხელს, თავს ნუ შეირცხვენ! ამ სიტყვებით გამოემშვიდობა ბიარტური ცოლს. დამოუკიდებელი ადამიანისთვის ეს იგივეა, რომ მოსისხლე მტერს სამოწყალოდ გაუშვავოს ხელი. ახლა კი მას, ზაფხულის სავანელ ბიარტურს, მაინც მოუწევს თავის დამცირება. და მან მტკიცედ გადაწყვიტა, ყველასათვის გადაეხადა შრომის საფასური, რაც არ უნდა დაჯდომოდა.

თ ა ვ ი მ ე თ ვ რ ა მ ე ბ ი

უ ტ ი რ ე ლ ხ მ ი რ ი

— სად არ მატარა, სად არ ამომაყოფინა თავი ბედისწერამ ამ უკანასკნელ დღეებში! — ჩიბბურდღუნა თავისთვის ზაფხულის სავანელმა ბიარტურმა, საღამო ხანს უტირედსმირის სამზარეულოს კარზე რომ დააკაჟუნა.

კარი მოჯამაგირემ გაულო, წინდების ამარა იყო, ხელში ახლად მოთელილი შაუდი ეჭირა, ორთქლი ასდიოდა ნაჭერს, უტირედსმირში, როგორც ყოველთვის, კუსტარული წარმოება ჰყვარდა.

— მადლი უფალს, შენი ნახვა რომ გველირსა. ცოცხლებში აღარც კი გვეგულეობდი, — წამოიძახა მოჯამაგირემ.

— სიკვდილს ჯერ არ ვაპირებ, — უბასუხა ბიარტურმა, — ცხვრის საძებრად ვიყავი მთაში წასული.

— ჭკუაზე ხომ არ შეიშალე? — ჰკითხა მოჯამაგირემ.

— უგეშოდ დავკარგე ცხვარი.

— შენს მეტი სხვა ვინ იზამდა ამას. აქ მთელი ფარა საბალახოზე უპატრონოდ დაჰყარე და ერთი ბატენის საძებრად გადაიკარგე მთაში.

— რა გაეწყობა, იქნებ წინდაუხედავდაც მოვიქეცი, მაგრამ აქი ბიბლიაშიც წერენ, მთაში ნაპოვნი ერთი ცხვარი შინ დატოვებულ ათ ცხვარზე ძვირფასიანო, — უბასუხა ბიარტურმა, ძალიან უყვარდა ის ადგილები ბიბლიაში, სადაც ცხვარზე ეწერა რამე. — მდიდრების მეზობლად ტყუილად როდი ვცხოვრობ, ვინ იცის, ეგებ უამინდობაში გაჭირვებიდან მიხსნან კიდეც.

სწორედ ასე მოხდა იმ საღამოს, ქარიშხალი რომ გაძლიერდა, რედსმირელების მწყემსებმა ბიარტურის ცხვარი თავის ფარასთან ერთად წამოასხეს. მამასახლისმა უთხრა, ხეალ დილით გარეკეთ ბიარტურის ცხვარი ზაფხულის საგანეში და გაიგეთ, ხომ არაფერი შემთხვა იმ კაცსო.

— ცხვარი თუ იპოვე?!

— ცვარი კი არა, დალახვროს ეშმაკმა, ერთი სულდგმულისთვის არ მომიკრაეს თვალი, თუ პატარა ჩიტს არ ჩავაგდებთ სათვალავში, ბლაუფიედლის სამხრეთით, ცხელ წყაროებთან რომ ვნახე, — მიუგო ბიარტურმა, — ბატენები როგორ არიან, დაიჭაშნიკეს თუ არა თივა?

— არა უშვავთ რა, ნელ-ნელა იკარვენ სუნს, — დაანუგეშა მოჯამაგირემ. — ღარდი ნუ გაქვს, შენი ბატენები გემოს მალე გაუგებენ თივას.

ამ საუბარში რომ იყვნენ, კარში მნე ქალი გულენი გამოჩნდა, ხმით ეცნო ბიარტური, სამზარეულოში შეიპატიჟა, ფაფას და ცხენის ხორცს ხომ არ ინებებო, შესთავაზა. ბიარტურმა ჯიბის დანით ჩამოიფხვია ტანსაცმელზე შეყინული თოვლი, ქუდი რამდენჯერმე ჩამოჰკრა კარის წირთხლს და შევიდა. სამზარეულო ოთახი დიდი იყო, საჯალაბოს მაგივრობასაც სწევდა. მოჯამაგირეები და მოახლებები თავ-თავის საქმეს მიჯდომოდნენ, ვინ მაულს თელავდა, ვინ ცხენის ძუას ამუშავებდა, ქალიშვილები მატყლს ჩეჩავდნენ. ძაღლებიც იქვე გაწოლილიყვნენ იატაკზე. ყველა ბიარტურის ძველი ნაც-

ნობი იყო აქ, ძაღლებიც კი. ბიარტურს შიშნით კუჭი ეწვოდა. მოჯამაგირე-
ვბი მოულოდნელად ამოვარდნილ ქარიშხალზე ლაპარაკობდნენ, ცხერებზე
როგორ იმოქმედებს ასეთი ამინდო, ბუობდნენ.

— ისეთი პირი უჩანს, ნამდვილად საშინელი ზამთარი გველის. ჯერ შო-
ბა სად არი და ხედავთ, როგორი ყინვები დაიჭირა? — თქვა ერთმა.

— როზა როგორ არის? — იკითხა მეორემ.

— ჰმ... — ჩაიზმუვლა ბიარტურმა, პირი ფაფით ჰქონდა გამოტენილი, —
მაინც როგორ ბობოქრობდა ეს ტიალი ქარი იეგულას აღმოსავლეთით... უწი-
ნაც კი მივლია უშენ ადგილებში ქარბუქში, ნაცადი ვარ, მაგრამ ასეთი რამ
ჯერ არ მომსწრებია.

— იეგულას აღმოსავლეთით? — გაოცებით იკითხეს მოჯამაგირებმა. —
როგორ არა, ხელად დავიჭერეთ, რომ იეგულას აღმოსავლეთ ნაპირზე იყავი.

— რატომ, ვითომ რაო? ფონს მიუვალ ადგილებშიც ისევე იპოვის კაცი,
როგორც სხვაგან. ყველა ხომ თქვენსავით შინაყულა არ არის!

— ნეტა რას დატორღილობ უშენ ადგილებში, როცა როზა, როგორც ამ-
ბობენ, ისეთ მდგომარეობაშია? — თქვა გულმოწყალე გუდნიმ.

— სხვის საქმეში ცხვირს ნუ ჩრი, გუდნი, — დამცინავდ ესროლა ბიარ-
ტურმა. — ჩემი თავის ბატონ-პატრონი რომ ვარ, ნუთუ ეს არ იცი? — და
ძაღლს ძვალი მიუგდო. — ქალბატონი დაწვა უკვე, თუ როგორ არის საქმე?

სახლის შიდა განსასვენებლიდან შემოცურდა მამასახლისის ტანადი, მო-
სული, მკერდფუშფუშა მეუღლე. გამომცდელი თვალი ჩააშტერა სათვალის
შუშიდან სტუმარს, შუშები, თეთქოს ჩარჩოში კი არა, სქელ, ლეყდაჟა ლო-
ყებში ჰქონდა ჩასმული, ჩვეული ცივი, მედიდური ღიმილი შეჰყინოდა სახე-
ზე — ისეთი ღიმილი, რომელიც მიუხედავად მაღალი იდეალებისა და პო-
ეტური ნიჭისა, მტკიცე ზღუდელ აღიმართებოდა ხოლმე პოეტ ქალსა და მათ
შორის, ვის კეთილდღეობასაც საერთო არაფერი ჰქონდა რომანტიკასთან.

ფაფისა და ცხენის ხორცისთვის ბიარტურმა ზრდილობიანად მადლობა
მოახსენა მასპინძელს.

— არა მგონია, იმიტომ გარჯილიყავ, რომ ერთი კოვზი ფაფისთვის გადა-
გებხადა მადლობა, — უპასუხა ფრუმ, ცხენის ხორცზე კი არა უთქვამს რა, ვი-
თომც არ გაუგონიაო.

— რა თქმა უნდა, არა, — მიუგო ბიარტურმა, — ერთი პატარა საქმე მაქვს
შენთან... იცი რა... არ შეიძლება პირისპირ მოგელაპარაკო?.. მე... ჯერ ერთი,
მადლობა უნდა გადაგიხადოთ შენ და შენს ქმარს იმის გამო, რომ თქვენმა
მწყემსებმა წამოასხეს ჩემი ფარა, მთაში რომ ვიყავ წასული.

სტუმარმა კარგად იცის ამ ხუტორის ადათ-წესები, ისიც მოესხენება, რომ

პირუტყვის მოვლა-პატრონობის საქმეში ის არ ერევა, ამას სხვები უძღვებიან.

— ვიცი, — თქვა ბიარტურმა, — ცხერის წასასხმელად ხვალ მოვალ. მე მგონია მამასახლისის დიდად არ დაზარალებს ჩემი პირუტყვი. თუ გაზაფხულზე თივა შემოაქვლდება. რა გაეწყობა, მომციას მიეცია უნდაო, გამომართვას.

— მაგას თავი დაანებე და მითხარი, როგორ არის ჩვენი ძვირფასი როზა?

— საქმეც სწორედ ეს არის. ამიტომ გეახელი. მოსალაპარაკებელი მაქვს შენთან, ერთ უბრალო რამეზე, მნიშვნელოვანი არაფერია.

ფრუ ბიარტურს მიაჩერდა, ეკვმა ვაჰკრა, რალაციის თხოვნას აპირებსო და მისი სული მსწრაფლ გაქრა, როგორც ვარსკვლავი უსასრულო ცივ სივრცეში, მიწაზე კი დარჩა მხოლოდ მისი გაყინული ღიმილი.

— მე მგონია, იმით არაფერი დაშავდება, თუ ჩემი ქმარიც მოისმენს ჩვენს საუბარს. ამას შენივე კეთილდღეობისათვის გეუბნები, ასე აჯობებს, — მტკიცედ განაცხადა ფრუმ.

— არა, არა, ამასახლისი ასეთ წერილმან საქმეებში არ ერევა, — შეესიტყვა ბიარტური.

მაგრამ ფრუმ მაინც მამასახლისის ოთახში შეიყვანა ბიარტური. მთელ სახლში ეს იყო ყველაზე პატარა ოთახი. უკვე დიდი ხანი იყო, რაც ცოლ-ქმარი განცალკევდნენ და ფრუს თავის უმცროს ქალიშვილთან, ოდურთან. ერთად ეწინა. მამასახლისის ოთახი უბადრუკ სენაკს ჰგავდა. ასეთ სენაკებში მრევლის კმაყოფაზე დარჩენილ უპატრონო ბერიკაცებსა და დედაბრებს მიუჩენდნენ ხოლმე ბინას, განსხვავება მხოლოდ ის იყო, რომ სენაკის ერთ კედელზე გამართულ თაროებზე შავყვავილაკრული სქელი ტომები ელაგა — ეს გახლდათ მთავრობის განკარგულებები. წიგნების ყუბაზე დაწებებულ თეთრ ქაღალდზე წელი და რიცხვი იყო აღნიშნული, გაურანდავი ფიცრისაგან შეკრული ისეთივე საწოლი, როგორც დატაკებს ედგათ, კედელზე იყო მიკვდებულა და ზედ შეულებავი შალის ძველი საბანი ეგო. იატაკზე იდგა ქაშანურის ლურჯი საფურთხებელი სილის საათის ფორმისა, საწოლს ზევით გამართულ თვითნაკეთებ თაროზე მონატული ბადია, თიხის ფინჯანი და ძელები დასაწელი მალამოთი სავსე ქილა იდგა. კედელთან გაურანდავი ფიცრის პატარა მაგიდაზე თანამედროვე საწერი მოწყობილობა ელაგა, ხოლო ფანჯრის ქვეშ — დიდი ყუთი. მაგიდასთან მიდგმულ ძველ, გაქუცულ, დანჯღრეულ საგარძელს ზამბარები ჩაწყვეტოდა და თოკით შეეკრათ. კედელზე მყვირალა ფერებით ნახატი ორი სურათი ეკიდა, იესო ქრისტეს გამოსახულება და რუსთ ხელმწიფის ნიკოლოზ პირველის პორტრეტი, აგრეთვე კალენდარი, რომელზეც ვიკელი ვაჰრის გვარი იყო დაბეჭდილი.

მამასახლისი იოუნე საწოლზე იწვა, ხელები თავქვეშ ამოედო, სათვალე ცხვირის წვერზე ჩამოცურებოდა, ის-ის იყო დაემთავრებინა გაზეთების კითხვა. მასპინძელი სტუმარს მიესალმა, რაღაც გაურკვეველი ბგერა გამოუშვა ცხვირიდან, პირის გაღებისა კი ეშინოდა, თამბაქოს ღეჰავდა, პირი წვენით ჰქონდა საესე და არ უნდოდა ის ძვირფასი წვენი გადმოეღვარა. მამასახლისს ჩვევად ექცა თამბაქოს ერთი ნაჭერის დიდხანს ღეჰვა, რომ რაც შეიძლება ძეტი წვენი გამოეწურა ყოველი მისი ბოჭკოდან. ისე იყო ჩაცმული, მათხოვარი გეგონებოდათ, დალაქავებული, დაკერებული, მოთელილი ქურთუკი ახლა მიწითაც ჰქონდა დასვრილი, ალაგ-ალაგ ბეწვიც მოსდებოდა, რაც იმის ნიშანი გახლდათ, რომ ეს-ეს არის ფარეხში ბრძანდებოდა. ასეთივე გაქუცულ-გაცრეცილი, ალაგ-ალაგ დაკერებული შარვალი შალის ყავისფერ წინდებში ჰქონდა ჩატანებული. დაკერებული ადგილები ისე იყო დაძენილი. რომ ფოჩებად ეკიდა. ცხენის ტყავის დაღრეცილი ხაზი ეცვა, ისე საშინლად ყარდა, რომ ცხადი იყო, მთელი ფარეხები შემოველო. ზაფხულის სავანელი ბიარტური ჩაცმითაც და გარეგნობითაც გაცილებით წარმოსადეგი ჩანდა, ვიდრე მამასახლისი.

ნუთუ არ იყო რაიმე ისეთი ნიშანი, რაც მამასახლისს გაუთლელი გლეხისაგან განასხვავებდა? დიან, გახლდათ ასეთი ნიშნები: მიუხედავად მათხოვრული იერისა, თვალის ერთი შევლებითაც შეატყობდა ადამიანი, რომ ეს კაცი სხვებზე მალა იდგა, რომ სხვათა ბედ-იღბალი ეპყრა ხელთ. ეს კაცი ტურებს კუმავდა, თამბაქოს წვეს უფრთხილდებოდა, არ უნდოდა წვენი გადმოეღვარა და ამით უნებლიეთ ამქლავებდა. რომ ხელიდან არასოდეს არაფერს გაუშვებს, ვიდრე არ გამოსწურავს წვეს უკანასკნელ წვეთამდე. ღია ნაცრისფერი, ცივი, მკაცრი თვალები ჰქონდა, სახის ზედა ნაკვთები სწორი, ფართო შუბლი, ხშირი, მუქი, საფეთქლებზე უკვე შევერცხლილი თმა, მკვეთრად მოხაზული ყბები და ნიკაპი, მკრთალი ფერი — ნიშანი იმისა, რომ უმეტესად ჯდომა უხდებოდა. და განსაკუთრებით თხელი. ლამაზი ფორმის, თეთრი, მიუხედავად აშკარა მოუველელობისა, სათუთი ხელები — მის ძლიერ ბუნებაზე, მის რთულ ხასიათზე მეტყველებდა. ისინი კი, ვინც მძიმე ჯადით შოულობს ლუკმაპურს, ასეთ ნიშნებს მოკლებულნი არიან.

ბიარტურმა თავის ყოფილ პატრონს ხელი გაუწოდა, მამასახლისმა, როგორც ჩვევად ჰქონდა, ხმის ამოუღებლად ორი თითით ჩამოართვა ხელი, დანარჩენი თითები მოკუმშული ეჭირა. ოცი წელიწადი იყო, რაც ბიარტური ამ კაცს იცნობდა და ამ ხნის მანძილზე მასთან მოქცევის განსაკუთრებული ხერხიც გამოიმუშავა. ამის მიზეზი ის გახლდათ, რომ ბიარტური მამასახლისზე იყო დამოკიდებული, აქედან გამომდინარეობდა ხერხის ძიება, რადგან ერთთავად

თავის დაცვა სჭირდებოდა უხიაკი, ექვიანი პატრონისაგან. ასეთ მდგომარეობაში მყოფ ადამიანს თანდათან იპყრობს ძლიერთა წინაშე თავისი უფლებების დაცვის მძაფრი სურვილი, იწყებს ბრძოლას, იბრძვის წლების მანძილზე დაუცხრომელი დაძაბულობით. ასეთ შემთხვევაში დათმობაზე ლაპარაკიც ზედმეტია.

მამასახლისის ცოლმა სტუმარს შესთავაზა, ყუთზე ჩამოჭექიო და თან დასძინა, სკამზე მამასახლისის მეტს არავის ეხერხებოო ჯდომა.

— ფუი! — აღშფოთებით წამოიძახა ბიარტურმა, — რა თავში ვიხლი ჯდომას? საკმარისი დრო მექნება დასაჯლომად, როცა დავბერდები. — და დაუმატა, — ეს-ესაა დიასახლისის ველაპარაკებოდი, ძვირფასო იონუ, თუ ზამთარში თივა შემოგაკლდებათ-მეთქი, იმის გამო, რომ შენმა მოჯამაგირეებმა ჩემი ცხვრები ორი ღამით შეიფარეს, გაზაფხულზე ერთ დატვირთულ ურემს მოგართმევ.

მამასახლისმა ფრთხილად წამოსწია ბალიშიდან თავი, თამბაქოს წვენი რომ არ გადმოლეროდა პირიდან, ან ყელში არ გადასცდენოდა და კრიჭაშეკარულმა კბილებში გამოსცრა:

— საკუთარ თავს მიხედე, ყმაწვილო!

ამ თვითკმაყოფილ, თანაგრძნობ კილოში, აშკარად შეურაცხმყოფელი არაფერი იგრძნობოდა, მაგრამ ბიარტურს მამასახლისის ხმაში მუდამ რაღაც ისეთი ჩაესმოდა, თითქოს ამცირებდა მას, კაცთა მოდგმის უკანასკნელ ნაშირალათა რიცხვს აკუთვნებდა, რაღაც ბოროტმოქმედებაში. ადანაშულებდა და ეს მეომრულ განწყობილებაზე აყენებდა, თავისუფლებისა და დამოუკიდებლობის ლტოლვას უღვიძებდა.

— საკუთარ თავს მივხედო? არხეინად იყავი, ვზრუნავ და ვიზრუნებ ციდევაც. ჩერჩვრობით, მგონი, შენი არა მმართვებს რა, ბერიკაცო, გარდა იმისა, რაც ხელშეკრულების თანახმად გერგება და რასაც თავის დროზე გიხლი.

მამასახლისის ცოლმა ბიარტურს უთხრა, ბარემ თქვი, რა გინდა, თუკი მასთან მოსალაპარაკებელი გაქვს, უკვე გვიანააო.

ბიარტური ჩამოჯდა იმ ყუთზე, ცოტა ხნის წინათ რომ შესთავაზა დიასახლისმა და „ჰჰ“, — თქვა, კეთა მოიფხანა, თან დაიჟყანა.

— საქმე ის არის... — დაიწყო ბიარტურმა და ცერად გაჰხედა დიასახლისს. ასე აკეთებდა მუდამ, როცა ნიადაგის მოსინჯვას აპირებდა. — საქმე ის არის, რომ მთაში ცხვარი დავკარგე.

კარგა ხანს ვაგვრძელდა დუმილი, ბოლოს ფრუმ მოთმინება დაჰკარგა და ჰკითხა:

— მერე, რა მოხდა?

ბიარტურმა საბურნუთე ამოიღო, ხელის გულზე დაიყარა ერთი მწიკვი.

— გულბრაუ ერქვა, — განაგრძო მან. — გასულ გაზაფხულზე ერთი წელი შეუსრულდა იმ საცოდავს. საუსხოო პირუტყვი იყო, სულ თქვენ გელღირას ჰგავდა. ისიც პასტორ გულმუნდურის ჩივისა გახლდათ. ამ ჩივის ცხვარს მუდამ ვაფასებდი. კარგი ცხვარია! — გულბრაუ ცოლს დავეუტოვე ნუგეშად და გასართობად, პირველად რომ წავედი მთაში სალაშქროდ. თურმე ცხვარი გაქცეულიყო, მაგრამ გულბრაუ ვერსად ვნახე. მაშინ ჩემთვის ვთქვი: სჯობს სამხრეთით წავიდე, გადავჭრა უშენი და მოვეძებნო ჩემი პატარა გულბრაუმეთქი. სამხრეთ მხარეს, მთებში განა ცოტა ცხვარი მიპოვია ფარის ჩამორეკის შემდეგ, თანაც ჩემი კი არა, სხვებისა. თქვენც კარგად იცით ეს. რაღა ბევრი გავაგრძელო, აგერ შარშანდელი შემოდგომა გავიხსენოთ.

მამასახლისი გაოცებული მიჩერებოდა ბიარტურს, ვერ მიმხვდარიყო, საით უმიზნებდა, რა უნდოდა.

— ჰოდა, წავედი, მამასადამე, სამხრეთისკენ, გადავჭერი უშენი, ავედი ბლაუფიედლზე, მოვიარე რეიკის ხეობა, მერე აღმოსავლეთით გავეშურე, იეგულას აღმოსავლეთ სანაპიროზე გავედი.

— აღმოსავლეთისკენ? იეგულა გადაცურე? — გაოცებით ჰკითხა ფრუმ.

— ამაზე არც კი ღირდა ლაპარაკი, ერთი სულდგმულისთვის მაინც რომ მომეკრა იქ თვალი. მაგრამ ეშმაკმა წამიღოს, თუ ერთი ჩიტისა და ირმის გარდა მენახოს ცოცხალი არსება. ჩიტი უთუოდ იმ ფრინველთაგანი იყო, ცხელ წყაროებთან რომ ბუდობს, ირემს კი პირუტყვად არა ვთვლი. ხუთი დღე და ოთხი ღამე დავეყავი გზაში. ჰოდა, როგორ ფიქრობთ, ამ საღამოს, შინ დაბრუნებულს, რა ამბავი დამხვდა?

ცოლ-ქმარმა ვერაფრით ვერ ამოხსნა ეს გამოცანა, მაინცდამაინც არც უნდოდათ ამაზე თავის მტკრევა და მამასახლისის ცოლმა ბიარტურს უთხრა, რაღას აჭიანურებ, თქვი, რა მოხდაო.

— შენ ხომ პოეზიას დიდად აფასებ. ჰოდა, ლექსს წაგიკითხავ, ერთ უბრალო ლექსს, მაშინ რომ მომივიდა თავში, როცა დავინახე ჩემი არყოფნის დროს, რა ამბავი დატრიალებულიყო ოჯახში.

და ბიარტურმა წაიკითხა ლექსი, მახვილს, როგორც ჩვევად ჰქონდა, შინაგან რთმამზე აკეთებდა:

მიმწუხრი, ისე ვით მეკობარი,
სინათლეს იპარავს მიმქრალი ნისლებით,
სიკვდილის ფრინველი ამთავრებს ფრენას.
ტოტს წყდება ვარდი — ჩემი მეგობარი,
ხემა ერთადერთი რწმენა.

მამასახლისმა ნელა მიაბრუნა თავი ბიარტურისკენ, გაკვირვებით აძგება წარბები, მაგრამ პირის გაღებას და სიტყვის თქმას ჯერ მაინც ვერიღებოდა. სამაგიეროდ მამასახლისის ცოლმა ჰკითხა:

— ვიმედოვნებ, მაგ ლექსით იმის თქმა არ გინდა, თითქოს როზას რაღაც უბედურება დაემართა.

— ვერ ვიტყვი, დაემართა უბედურება თუ არა, ან როგორ უნდა შეეხედოთ ამას. მაგრამ ჩემს მიწაზე ის აღარ ცხოვრობს.

— ჩვენი როზა? — აღელვებით წამოიძახა ფრუმ. — შენ ამბობ, რომ როზა მოკვდა? ასეთი ახალგაზრდა ქალი?

ბიარტურმა ღრმად შეიყნოსა ბურნუთი, თამბაქოსგან აცრემლებული თვალი ასწია და ამაყად თქვა:

— დიახ, მოკვდა. მოკვდა მარტოდმარტო.

ამ ახალი ამბის გაგონებაზე მამასახლისი წამოიწია, ფეხები ძირს დაუშვა, საწოლის კიდეზე ჩამოვდა, ყბა არ გაუჩრებია, ლეჭავდა და ლეჭავდა თამბაქოს, ძვირფას წვეს ვერ ელეოდა, ჯერ არ არის გადმოფურთხების დროო, ფიქრობდა.

— მაგრამ ეს კიდევ არაფერია, — ფილოსოფიურად განაგრძო ბიარტურმა, — სიკვდილი ისეთი ვალია, რომელიც ყველამ უნდა მოვიხადოთ, თქვენც ვერ დააღწევთ თავს. ყველა, ყველა მოახერხებს ამ ვალის მოხდას. სამაგიეროდ, ეგრეთ წოდებული სიცოცხლის ტვირთად წამოკიდება ყველას არ ძალგვიძს. ახალი სიცოცხლე გამუდმებით ევლინება ქვეყანას და სულელურად იწყებს ძიებას, ვინ არის მისი მამა. თუმცა, ზოგიერთ შემთხვევაში, ურავო არ იქნებოდა იმის გაგება, ვის ევალება ბავშვზე ზრუნვა. მერწმუნეთ, ცოლის სიკვდილის გამო არ მოვსულვარ აქ — ქალი მკვდრებით ვერ აღსდგება, — მხოლოდ იმ საცოდავის გამო მოვედი შენთან, პატივცემულო ფრუ. ძლივს რომ ფეთქავს ჩემი ძაღლის მუცელქვეშ. მე მინდა... რაღაც მინდა გკითხო...

— რაშია, კაცმა რომ თქვას საქმე, ძვირფასო? — ჰკითხა ფრუმ, თან ისევე ცივად იღიმებოდა, როგორ ცივადაც უელავდა თვალები სათვალის შუშის მიღმა.

მამასახლისი კი დაიხარა საფურთხებელზე, ერთბაშად, ერთ ნაკადად, უქანაქნელ წვეთამდე გამოასხა პირში დაგუბებული წვენი, თამბაქოს დალეპილი ნაჭერი ენის წვერით ყბის ქვეშ ამოიღო, სათვალე ერთი აკვრით ცხვირის ფუძეზე აიგდო და გამგმირავე მზერა ესროლა სტუმარს.

— საინტერესოა, რა ნართაულებით ლაპარაკობ, რას მიედმოელები? — განაგრძო პოეტმა ქალმა. — თუ იმის თქმა გინდა, რომ შენი ცოლი მშობიარო-

ბას გადაჰყვია, ბავშვი კი ცოცხალი დარჩა, ქარაგმებს თავი დაანებე და პირდაპირ თქვი. ვეცდებით დაგეხმაროთ, როგორც ბევრ სხვას დავხმარებდით, უანგაროდ და უსასყიდლოდ. ოღონდ ერთ რამეს კი მოვითხოვთ ყველასგან: არავინ გაბედოს, შენ იქნები თუ სხვა, აქ მოსვლა და უცნაური, გადაკრული ლაპარაკით ჩემთვის და ჩემი ოჯახისთვის ჩრდილის მიყენება.

რაკი დაინახა, რომ ამ საქმის ხელმძღვანელობა მისმა ცოლმა ითავა, მამასახლისი დამშვიდდა და მთქნარება აუტყდა. ასე ემართებოდა, როცა თამბაქოს არ ღეჰავდა, მაშინვე მოიწყენდა, ძილი მოერეოდა, თვალებს აცეცებდა. ფრუმ კი ვერ მოისვენა, ვიდრე ბიარტურმა შიში არ გაუფანტა. არა, ბიარტური იმისათვის არ მოსულა აქ, რომ ბავშვინ მამის ვინაობა დაადგინოს, რომელიც ზაფხულის სავანეში ელის ახლა.

— მე ბატკნებზე უფრო მეხერხება ლაპარაკი, ვიდრე ბავშვებზე, პატრიცეშულო ფრუ, — ისეთი კილოთი უთხრა ბიარტურმა, თითქოს ბოდიშს უხდისო. — ოღონდ ის მინდა გკითხო, როგორ ფიქრობ, ორიოდ წვეთი თბილი რძე არ უნდა მივცეთ პაწიას, თუ იმ საცოდავს დილაშენ შერჩა სული? რა თქმა უნდა, გადავიხდით, რამდენსაც მოითხოვთ.

რაკი გამოირკვა, რომ ბიარტური ბავშვს თავზე არ ახვევდა მათ, ფრუმ ბრძანა, ჩემი ყველაზე დიდი, უკანასკნელი სიხარული ასეთ მძიმე დროსაც კი ის არის, რომ დანხარების ხელი გავუწოდო სუსტს, მხარი მივცე უძლურს, საყრდენად ვექმნე ახლადგადვიძებულ სიცოცხლესო. ჩემი გული მთლიანად, განუყოფლად ეკუთვნის გლეხს არა მარტო სიხარულისა ჟამს, არამედ მწუხარებაშიცო.

თ ა შ ი მ ე ტ ს რ ა მ ბ ა

ს ი ც ო ც ხ ლ ე

მამასახლისის ცოლი ცარიელ დაპირებებს როდი დასჯერდა, იმავე საღამოს გაგზავნა ზაფხულის სავანეში თავისი მწე—გულნი. გულნი ცხენით გაუდგა გზას, თან წაიღო ბოთლით რძე, პრიშუსი, ჩვრები და სახვევები ახალშობილისათვის. ბიარტური წინ მიუძღოდა ცხენს, გზას უკვალავდა.

სიმყარაღე—ეს იყო პირველი, რაც გულნიმ ზაფხულის სავანეში ფეხის შედგმისთანავე შენიშნა. ფარეხში მიწის კედლები ნესტით გაუღენთილიყო, დამარჩილებული, აყროლებული თევზის სუნი იღგა. ზევით გვამის სუნი და აბო-

ლებული ლამპის მხუთრი ეცა ქალს ცხვირში. პატრუქი ისევ ამომშრალიყო და ოდნავდა ბეუტავდა. გუდნიმ ბიარტურს უბრძანა. პირველ რიგში, ფანჯრები გააღე, რომ ჰაერი გაიწმინდოსო, მიცვალეზუს საბანი წააფარა და ბავშვთან მივიდა. ძალლი არ უთმობდა, დამშუულ-გაძვალტყავებული ტიტლა დედასავით გადაეფოფრა ჩვილს, მაგრამ არაეის აზრად არ მოსვლია, დაეფასე-ბინა მისი ერთგულეზა, საკებნადაც კი მიეიტანა გუდნის. ბიარტურმა აყმუე-ლებულ ძალლს კისერში ჩაავლო ხელი და კიბეზე გადასტყორცნა. ბავშვს სი-ცოცხლის ნიშანწყალი აღარ ეტყობოდა. გუდნი ატრიალებდა პატარას, თავით ძირს დაჰკიდა, მერე კართან მიიყვანა, და პირი ქარისთვის მიაშვერინა. პატარა, დამანქულ არსებას, დაუპატიეებლად, არასასურველ სტუმრად რომ მოევილინა ქვეყანას, თითქოს უკვე დაჰკარგოდა ძალა და ბრძოლის უნარი თავისი უფლებების მოსაპოვეებლად.

ახალგაზრობაში დაქვრივებულ გუდნის ეცოდებოდა პატარა, არ უნდოდა დაეჯერებინა, რომ ვერაფერს უშველიდა უმწეო არსებას. ქალმა კარგად იცოდა, რას ნიშნავს მთაში, მიყრუებულ ხუტორში, ქარის ღმუილ-ზუზუნში შრობიარობა. გუდნიმ პრემულსზე ქვებით წყალი დადგა. უკვე მეორედ აღუ-ლებდნენ წყალს ახალშობილის გასაბანად. როცა წყალი გაცხელდა, ქალმა ბავშვი დაბანა, მთლიანად ჩამალა წყალში, მარტო ცხვირიდა მოუჩანდა და ასე დატოვა ერთ ხანს. ბიარტურმა ჰკითხა, ბავშვის მოხარშვას ხომ არ აპირებო, მაგრამ გუდნის არც გაუფგონია მისი ხმა. სული ვერ ჩაუდგა ახალშობილს. მაშინ გუდნიმ წყლიდან ამოიყვანა ბალლი, ფეხით ასწია, თავქვე დაკიდებულს ატრიალებდა, იქნევედა გამწარებით. ბიარტური ქალს შეშფოთებით აღევენებ-და თვალს და გაიფიქრა, უნდა შევაწყვიტინო ბალლის წვალეზა, ვთხოვ გუდ-ნის დაეხსნას, შეობრალს პაწიყო.

— თქო ხომ არ გინდა ამოუგლო ბავშვს, შე ეშმაკის კერძო?

გუდნიმ ასლალა დაინახა, რომ ბიარტური ოთახში იყო და დაუტატანა:

— ამწუთში გამეცალე აქედან, ვიდრე არ დაგიძახებ, აღარ გაბედო აქ შე-მოსვლა.

ბიარტურს პირველად აგდებდნენ საკუთარი სახლიდან. სხვა დროს წინააღ-მდეგობას გაუწევედა, შეეცდებოდა შეეგნებინებინა გუდნისთვის, შენი არა მძართებს რაო, მაგრამ ახლა ნაცემი ძალლივით, უჩუმრად გაიძურწა იქით, საი-თაც ცოტა ხნის წინათ ტიტლა გადასტყორცნა. აღარ იცოდა, სიბნელეში რა ვკეთებინა, ილაჯაწყვეტილი იყო განცდილი ვაი-ვაგლახით და უცებ რა-დაც საშინელი უმწეობა იგრძნო, თითქოს ზედმეტია ამ ქვეყნად. მან ისიცი კო ფიქრა, მგონი, ზოგჯერ ცოცხლები არსებითად მკვდრებზე ზედმეტნი არიანო.

ზეინს ერთი იღლია თივა გამოაძრო, ძირს გაშალა და ძაღლივით მიეგდო. ბოლოს და ბოლოს, მაინც თავის სახლშია.

ღილით ბიარტური ბავშვის ტირილმა გააღვიძა. როცა ზემოთ ავიდა, დანახა როზას საწოლზე ჩამომჯდარი გუდნი. ქალს ბავშვი კალთაში ეწევა, საკინძე გაეხსნა და თავის, გულმკერდის სითბოთი ათბობდა, მათ პირდაპირ კი, მეორე საწოლზე, ახალშობილის დედა ესვენა. გუდნიმ მატყლის პაწია ფთილა გამოკრა ჩვარში, ბოთლის ყელზე დაამაგრა საწოვარასავეით და ბავშვს წოვას ასწავლიდა. ბიარტური შუა ოთახში იდგა, როგორღაც დარცხვენით უყურებდა ამ სურათს, თითქოს კდემამოსილებების გრძნობა შეუღახესო, მაგრამ მალე მისი ქარდაკრული, წვერმოშეებული სახე, ნაშქერში სიარულით აწითლებული თვალები ღიმილის შუქმა გაანათა.

— აი, შენი ქალიშვილი, საღი და საღსალამათი! — ამყად უთხრა გუდნიმ, რაკი გაიმარჯვა და ეს პაწია წუთისოფელს დაუბრუნა.

— ეტყობა, რომ ასეა, — თქვა ბიარტურმა, — საბრალო!

გაოცებული ათვალეიერებდა სუსტ, ნაზ არსებას, გუდნის კალთაში რომ იწვა.

— აბა, როგორ, უცებ ხომ ვერ დადგებოდა ფეხზე, — თქვა ბიარტურმა მოზობილებით. — არა, მაინც რა საცოდავია ადამიანი. აი, ასეთ პაწიას რომ უყურებ, მაშინ ხედავ ადამიანის უსუსურობას.

— აი, შე პაწიავ, შენა! — თქვა გუდნიმ და ალერსით გადაუსვა ხელი ბალღს, — ვნახოთ, ერთი, რას დაგარქმევს მამაშენი?

— ასეა თუ ისე, მამობას მაინც გავუწევ საბრალოს. ლამაზ სახელსაც დავარქმევ.

გუდნის ხმა არ ამოუღია. ბალღს საწოვარა ჩაუდო პირში, თან ნანა დაუღილინა. ბიარტური შეჰყურებდა მათ, ერთ ხანს რალაცაზე ფიქრობდა და მერე მტკიცედ განაცხადა:

— აბა, ყველაფერი რიგზეა, — და თავისი დაკოყრებული ხელი სახეზე მიადო ჩვილს, ის ხელი, რომლითაც თვით ურჩხული მოსპო და მტკრად აქცია.

— მისი სახელი იქნება აუსტა სოულილია*.

ეამაყებოდა, რომ პატარა არსებას ქვეყნად მის გარდა მფარველი არ ჰყავდა და მტკიცედ გადაწყვიტა, მწედ შექმნოდა, სიხარულიცა და მწუხარებაც გაეზიარებინა მასთან.

— და ამაზე ნულარ ვილაპარაკებო, — თქვა თითქოს თავისთვის.

საცოღვილო და საღავეიდარაბო ბიარტურს ჯერ კიდევ ბევრი ჰქონდა. ცხვა-

* აუსტა — სიყვარული. სოულილია — მზის შრომანა (ისლანდ.).

რი უნდა გადმოეყვანა უტირედსმირიდან, ქალი დასამარხი იყო, კუბოზე უნდა ეზრუნა, პასტორთან მისასვლელი იყო, მეჭინეები უნდა დაებარებინა, ჭალაქს უნდა წასულიყო, მიცვალებულისათვის ქელები გადაეხადა.

— იცი, რა მინდოდა მეთქვა, ძვირფასო გულნი: ეომს ხომ ვერ მოზელავ? ქელებისათვის ღვეზელია გამოსაცხობი. ქიშმიში და ის შავი რაღაც რომ არის, მგონი, ქლიავს უძახით, ბლომად უყავი, ყაირათს ნუ გასწევ, ყველაფერს გადავიხდი. მაჰკატებიც ბლომად გააკეთე, იმდენი, რომ ძლომაზე ეყოს ყველას. უავა კი, იცოდე, ისეთი მაგარი უნდა იყოს, კუბრივით შავი. მე არ მინდა, რომ ჩემს სტუმრებს, ჩემი ცოლის ქელებში, ყავის ნაცვლად თხლე დააღვიწონ.

თ ა ვ ი ა ე ო ც ა

რ უ ღ უ ნ ი

ექვი აღარავის ეპარებოდა, რომ ზაფხულის სავანეში კვლავ თარეშობდა მოჩვენება. გულნისაც ეშინოდა იქ მარტო დარჩენა და კაცი გაგზავნა რედსმირში მოახლე გოგოს ჩამოსაყვანად. როზას სიკვდილმა ათასნაირი მითქმა-მოთქმა გამოიწვია, იღუმალი რამ ხმები გავრცელდა ხალხში და რაც უფრო შორს გაცდა ეს ხმა ზაფხულის სავანეს, მით უფრო იღუმალი ხდებოდა. ყველას სარწმუნოდ მიაჩნდა ეს ხმები. ამ უკაცრიელ ადგილს, სადაც ხუტორი იდგა, ხომ ძველთაგან დაუმკვიდრდა ცუდი სახელი. ჰოდა, რაკი პირველსავე წელს ასეთი უბედურება თავს დაატყდა ოჯახს, მომავალში რაღა ხეირი დაეყრებათო, შიშობდა ყველა. დაბაში ბიარტურს სამრევლო საბჭოს თავმჯდომარე შეხვდა, საუბარში სწავთა შორის ჩაურთო თავმჯდომარემ, რომ მას მუშა კაცის დაჭირავება მუდამ შეუძლია, თან გადაჰკრა, რომ ბიარტურს ხუტორში გაუჭირდება ცხოვრება, ქვრივს, ძუძუთა ბავშვით, ვაითუ ისე შეტრიალდეს სექმე, რომ მერე ეს მთელ სამრევლოს დაეტყოს. კაცმა ყველაფერი უნდა აწონ-დაწონოს. ჰოდა, რას აპირებს? ამბობენ, თუ ბიარტური უტირედსმირის პატრონებს შეეხებწევა, ბავშვის გაზრდას იყისრებენ, ჩვეულებრივ გადასახადსაც კი არ გადაახდებიანებენ, ოღონდ იმ პირობით, თუ მიწას დაუბრუნებსო.

— შე თუ მკითხავ, — დასძინა სამრევლო საბჭოს თავმჯდომარემ, — ამას იოლად გადაარჩენა ჰქვია.

ბიარტურმა ვაიფიქრა, რაკი რედსმირელები წინადადებით მომმარაგენ. თუნდაც ასეთი მიკიბულ-მოკიბული გზით, ჩანს, საამისო საბაბი აქვთო.

— იქნებ თქვენ, სამრევლოს უფროსობა, იოლად გადარჩენას უძახით იმას, — მიუგო ბიარტურმა. — რომ კაცმა თავისი ბავშვი უტირედსმირელებს მისცეს ვასაზრდელად. ჩემის აზრით კი ეს სულაც არ არის გადარჩენა. მე თვითონ ვიზრდებოდი უტირედსმირეში, მთელი თვრამეტი წელიწადი გავატარე იქ. ახლა კი დამოუკიდებელი კაცი ვარ, თავისუფალი ქვეშევრდომი ჩვენი ქვეყნისა. ჩემს მოვალეობას პირნათლად ვინძი ღვთისა და ხალხის წინაშე. ჰოდა, ჩემს შვილსაც მე თვითონ გავზრდი, რედსმირეში კი არასოდეს, არასდროებით არ გავგზავნი.

— კარგი, მაგრამ, ვთქვათ და ისე მოხდა, რომ მთელი შენი სურვილები მიუხედავად, თავი ვერ დააღწიე ვალს, — უპასუხა სამრევლო საბჭოს თავმჯდომარემ, — ვთქვათ, მუშის დაქირავება დაგჭირდა მიწის დასამუშავებლად. მაშინ რაღა დარჩება შენი დამოუკიდებლობიდან? ხოლო სხვას თუ დაუდგები, უზრუნველყოფილი იქნები.

— თვრამეტი წელიწადი ვშრომობდი იმისათვის, რომ პატარა ფარა გამეჩინა და მიწის ყიდვის უფლება მომეპოვებინა. ავიშენე სახლი, თუმც მფუფური როდია, მარმარილოთი და მეწამული ქვით არ გახლავთ მოპირკეთებულნი. მაგრამ ჩემთვის მაინც სასახლეა იგი. ისეთ საძირკველზეა აგებული, რომლის ამოყვანასაც თვრამეტი წელიწადი დასჭირდა. ჭერჭერობით არც მამასახლისის, არც ვაჟისა არაფერი მმართებს, ხელშეკრულების თანახმად შესატანი დროზე შემეაქვს. ჩემი სახლი ისეთივე სასახლეა, როგორც შენი და მამასახლისისა. არასოდეს არაფერი მესაქმებოდა მამასახლისის შვილებთან. აურზაური არ ამიტენია იმის გამო, თუ ვის გვარს ატარებდნენ ისინი. ჰოდა, ამიტომ მეც მოვიტხოვ, რომ მამასახლისმა ჩემს პირად საქმეებში ცხვირი არ ჩაყოს, თავი დაანებოს ჩემს შვილს, როგორც სახელიც არ უნდა დაეწათლო მას. ჩემი სალამი გადაეცი მამასახლისს და ყველა იქაურს.

იმ დღესვე წავიდა ბიარტური სტადურში პასტორ გუდმუნდურთან. ან კაცს დიდად აფასებდა, იმიტომ, რომ მან ჩიხებული ჯიშის ცხვარი გამოიყვანა. ბიარტური თამბაქოს კვამლით დაბურულ ოთახში შეიყვანეს. პასტორ ბოლთას სცემდა, საქადაგოდ ემზადებოდა, სამეურნეო ანგარიშგებაც ჰქონდა ვასაკეთებელი, იგი იშვიათად ჩერდებოდა და უფრო იშვიათად ჯდებოდა. ჰალარა, გაფიქვინებული, წითელცხვირა უნჯიკი კაცი იყო, ერთთავად სულ სადღაც მიეჩქარებოდა, იბლინებოდა, ძველი, წარჩინებული გვარის ჩამომავალი. ახალგაზრდობაში სამხრეთ მხარეს დიდი მრევლი ჰყავდა, მაგრამ ცხოვრების უმეტესი ხანი ამ კლთხეში გაუტარებია. დრო მიდიოდა, პასტორი გუდ-

მუნდური მუყაითი მეურნე იყო, გახლდა შეძლებული, თუმც ამქვეყნიურ კეთილდღეობაზე გლახებთან მულამ ზიზლით ლაპარაკობდა. სოფლის მეურნეობის დიდი მცოდნე იყო, ოღონდ ამ ცოდნას გლახებთან არ ამჟღავნებდა. საერთოდ სიტყვაძვირი გახლდათ, როგორც საქმით დატვირთული ყველა ადამიანი. მასთან საუბარში, რაც არ უნდა გეთქვათ, სისულელედ ჩათვლიდა. ყველაფერზე საკუთარი აზრი ჰქონდა, მაგრამ თუ ვინმე დაეთანხმებოდა, იმ წუთშივე შეიცვლიდა შეხედულებას. ყველას უნდოდ უყურებდა, იშვიათად იტყოდა ვინმეზე კარგს, მხოლოდ დანიის ხელმწიფის ჩამოშვალთ აქებდა. ცამდე აპყავდა მათი ნიჭი, სათნოება, განსაკუთრებით პრინცესა ავგუსტა ხიბლავდა და მისი სურათი სამუშაო ოთახში ეკიდა კედელზე. პრინცესა დიდი ხნის გარდაცვლილი იყო. პასტორი გულმუნდური მაინცდამაინც კარგი შეხედულების არ გახლდათ თავის სამწყსოს ზნეობაზე, ამ საგანზე მულამ გადაკერით ლაპარაკობდა. მისი აზრით, მას შემდეგ, რაც ეს სამრევლო ჩაიბრა, აქ ბევრი დანაშაული იქნა მიჩქმალული. პასტორზე ისეთი აზრი იყო შექმნილი, რომ განსაცდელში ჩაგარდნილ ადამიანს მულამ ეხმარებოდა, მაგრამ მისი თანდასწრებით კაცი ვერავის შეაქებდა ან გაჰკიცხავდა, ერთნაირად აღიზიანებდა ქებაც და გმობაც. ისეთ ხალხთან, ვისაც მტკიცე რწმენა არ ჰქონდა, რელიგიაზე ძალზე სერიოზულად ლაპარაკობდა, იმათთან კი, ვინც ჭეშმარიტი მორწმუნე იყო, მისი საუბარი დიდი ღვთისმოსაობით არ გამოირჩეოდა. მისი ქადაგებანი უთავებოლო იყო, გაუგებარი და მრევლიც დიდად თავს არ იწუხებდა, რომ ამ ქადაგების შესაბამისად ეცხოვრა.

— ოჰო, არ იშლი შენსას ხომ, დაეხეტები ხუტორ-ხუტორ, არა? — წამოიძახა პასტორმა ჩვეულებრივი, ბრაზიანი კილოთი, ბიარტურს ხელი ჩამოართვა და ელვის სისწრაფით ჩაუქროლა, თან გამწარებული ჩიბუხს ქაჩავდა, კვამლის ბოლქვები თავზე ისე ეფინებოდა, როგორც დაოთხილ ცხენს მტვერი.

— როდის მქონდა ჩვევად ხუტორ-ხუტორ ხეტიალი? — ჰკითხა ბიარტურმა. — მაგრამ იმას კი არ დაგიმალავ, რომ დაბაში ვიყავი და იქ სამრევლო საბჭოს თავმჯდომარე შემხვდა.

— ფუი, სამრევლო საბჭოს თავმჯდომარე, — ზიზლით თქვა პასტორმა, ლუმელს ჩაურბინა და ნახშირის სათლში ჩააფურთხა.

— ვიმასლაათეთ აქეთურ-იქითურზე და ჩემს თავს ვკითხვ: ჩვენ ორში რომელს უფრო აქვს-მეთქი გულში გამჯდარი თავისუფლების სიყვარული? ჰოდა, გადავწყვიტე, პასტორთან შემომეგლო.

— თავისუფლების სიყვარული? — გაიმეორა პასტორმა, შედგა, წვრილი თვალები ბიარტურს ჩააშტერა, განმარტებას თხოვდა.

— მე ლატაკების თავისუფლებაზე მოგახსენებთ.

— ჩემის აზრით, თავისუფლება არც ლატაკებს სჭირდება და არც მდიდრებს, — აჩქარებით მიუგო პასტორმა და ისევ გააბოლა.

— იცი რაშია განსხვავება? — ჰკითხა ბიარტურმა, — მე მუდამ ვიბრძოდი, თავისუფლებისათვის, სამრევლო საბჭო კი სულ იმის ცდაშია, წელში მოდრიკოს ყველა.

— არ არსებობს არავითარი თავისუფლება, გარდა იმ ერთისა, რაიც მოგვანიჭა ჩვენმა მხსნელმა მაცხოვარმა, — ისე სხაპასხუპით, გულგრილი კილოთი უპასუხა პასტორმა, როგორც სულსწრაფი ვეპარი მიახლის ხოლმე მუშტარს, რომელსაც არაფრად აგდებს: — არავითარი ტილო არა გვაქვს, გარდა ქერელის ტილოსიო, — საქმე ისე გახლავთ, როგორც ძველ ხალხსა აქვს აღწერილი, — და პასტორმა უცხო ენაზე დაიმოწმა ციტატი. მერე ბიარტურს ჰკითხა: — მაინც რა არის თავისუფლება? განა არ ვიცოდი, რომ თავდაც არაფერი გაგეგებოდა ამის. არ იფიქრო, თითქოს იმის საწინააღმდეგო რამე მქონდეს, რომ შენ საკუთარ ხუტორში ცხოვრობ, მთაში, ეს შენთვის ყველაზე შესაფერი ადგილია. როგორც უძველესი ხალხი ამბობს, — ამას მოპყვა ისევ ციტატი გაუგებარ ენაზე.

— მე კამათს არ დაგიწყებ ძველებრალ ენაზე, ძვირფასო პასტორო, — უთხრა ბიარტურმა, — ჩემთვის სულ ერთია, რას ამბობს სხვა, ოღონდ ეს კი ვიცი, რომ მეცხვარობის საქმეში არავის ჩამოუვარდები. ისიც კარგად გამეგება, რომ შენმა ცხვარმა ამ კუთხეს დიდი სარგებლობა მოუტანა.

— ღმერთმა დასწყევლოს ეგ ცხვარი! — წამოიძახა პასტორმა. — დიდი სარგებლობა? დიახ, იმათ. ვინც თავყვანს სცემს საკუთარ სტომაქს და ამაყობს იმით, რისიც უნდა რცხვენოდეს.

— ჰმ, თუ მეხსიერება არ მღალატობს, ბიბლიაში ცხვარი საღვთო კრავად იხსენიება.

— არა, ეგ არ არის მართალი, — უპასუხა პასტორმა, — მე უარვეყოფ, რომ ბიბლიაში ცხვარი საღვთო კრავად იწოდება. რა თქმა უნდა, იმას არ ვიტყვი, ცხვარი უფალს არ შეუქმნია-მეთქი, მაგრამ გადაჭრით უარვეყოფ, თითქოს ღმერთი ცხვარს უფრო სწყალობს, ვიდრე სხვა პირუტყვებს. — ერთ ხანს იყუჩა პასტორმა და მერე საყვედურის კილოთი დაუმატა: — ცხვრის ღვენა უშენში, მთასა და ხეობებში, აბა რისთვის? რა აზრი აქვს ამას?

— კარგი, მამ მოგახსენებ, გულწრფელად, გულახდილად, რომ მე და შენ თითქმის ერთი აზრისა ვართ ცხვარზე. მართალი გითხრა, პასტორო გულმუნდურ, შენთან იმიტომ შემოვიარე, მინდა ერთ საქმეზე მოგელაპარაკო, კარგა ხანია ამაზე ვფიქრობ, მესიზმრა კიდევ ერთხელ. მინდა გკითხო, ხომ არ მომყიდი შემოდგომის ერთ-ერთ ბატკანს, ღვთის. შეწევნით, ნალდ ფულს მოგცემ.

ყოველ შემთხვევაში. აუ ეს არ მოხერხდა, ვაჟარს მაინც გადმოვარიცხინებ შენს სახელზე.

მარტური თავგამოდებით ცდილობდა, როგორმე ეპოვა საშუალო გეზი ლუისის მოსაზრებასა და „საკუთარი სტომაქის“ მსახურებას შორის, რომ პასტოროსთვის თავდასხმის საბაზო არ მიეცა, მაგრამ ასეთი ხრიკებით პასტორთან რას განდებოდა.

— ვადმორიცხევა? — გაგულისებით ჰკითხა პასტორმა. — მე არ მინდა არავითარი ვადმორიცხევა ღმერთიდან ეშმაზე. ჩემს უფროს მოჯამაგირეს მოელაბოაჯე.

— კიდრე პირადად შენ არ შეგითანხმდებოდი, შენს ხელქვეითებთან ამაზე არ მინდოდა ლაპარაკი.

— აუ ყავა გინდა, პირდაპირ თქვი, არაყი კი, ღმერთია მოწმე, არა მაქვს.

— მე ჯერ არ ვადმომიფურთხებია ყავა, თუნდაც უარყო იყოს. ჩემისთანებო, ვისაც მთელი ცხოვრება უარყოფდ გაუტარებია, საკმაოდ ბევრია.

პასტორი სამზარეულოში გავიდა და განკარგულება გასცა, ყავა მოგვარაჯათო. ცოტა ხნის შემდეგ დაბრუნდა, ისევ ჭაჩავედა ჩიბუხს, კვამლის სქელი ბოლქვები ეხვია თავს.

— შენ მარტო ვარდკაჭაჭას მიიღებ, — უთხრა პასტორმა სტუმარს, — ჰო, რაღაც არასოდეს არ შემომჩნევია, რომ სულის ცხოვრებაზე ზრუნავდე. თქვენ მარტო უღარდებლობით კი არ მოგდით, თავი რომ აგიღერაით და მთებში დავებტებოთ. არა, ნამდვილად ყველა ცოდვაში ხართ ჩამხრჩვალნი და გულუბრყვილოდ კი ფიქრობთ, ვითომ ხალხს მარჯვედ უხვევთ თვალს.

პასტორის ერთ-ერთმა კოსტაპოლუა ქალიშვილმა სპილენძის დიდი ყავადანით სურნელოვანი ყავა შემოიტანა, მაგიდაზე დაალაგა ფაიფურის მოხატული ფრჩხლები. შაქარი, ნაღები, სხვადასხვანაირი ღვეხელი. მერე ბიარტურს მადლობა გადაუხადა, რომ იმ ზაფხულს ისე გულთბილად შეხვდა მას და მის მგებობრებს ზაფხულის საფანეში. ქალიშვილს არ დავიწყებოდა ბიარტურის ლექსი და მის პატრისაგან დახეობილად ზეპირადაც წაიკითხა. პასტორი უხალისოდ უგდებდა ყურს, თან რაღაცას ბუტბუტებდა.

— ფუი, რა უშნოდ შეთითხნილია, მაგას ხომ ლათინურად ვერ გადათარგმნი, — თქვა პასტორმა, როცა ქალიშვილმა ლექსის კითხვა დაამთავრა და დაითხოვა შვილი: — წადი, გუნსა, შენ აქ არა გესაქმება რა.

როგორც კი ქალიშვილი გავიდა, პასტორი დაიხარა, საწერი მაგიდის უკრა გამოაღო და უცებ საშინელი ხველა აუტყდა თამბაქოს კვამლისაგან. უჭრიდან არყით სავსე მათარა ამოიღო, რაღაცნაირი გაბოროტებით ჩაასხა ვიქსი არაყი, პირამდე გაავსო და ყავადანაში ჩაუძახა. ყავა ფინჩნებში

დაასხა. ბიარტურს კრინტი არ დაუძრავს მასპინძლისა და არყის პატევისცემით. შეუღდგნენ ყავის სმას. სამი ფინჯანი რომ გამოცალა, ბიარტურს ოფლმა დაასხა.

— დალიე, დალიე, მეგობარო, — უთხრა პასტორმა. — აბა, რისთვის გიმასპინძლდებიან ქალები ყავით ასეთ ამინდში?

— უკვე სამი ფინჯანი გეახელით, — ზრდილობიანად მიუგო ბიარტურმა.

— რა ვიცი, მე დღეში ოცდაათ ფინჯანზე ნაკლებს არასოდეს არა ვსვამ, — თქვა პასტორმა და ისევ გაავსო ფინჯნები. ასე შეექცეოდნენ, ვიდრე ყავადანი არ გამოცალეს. ექვს-ექვსი ფინჯანი ყავა დალია თითომ. ბიარტურს შუბლიდან და საფეთქლებიდან წვეთ-წვეთად ჩამოსდიოდა ოფლი. იჭდა და მოხატულ ფინჯნებს ათვალიერებდა.

— ურიგოები როდი არიან ეს უსაქმურები, — მხედველობაში ჰყავდა ფინჯნებზე გამოსახული იაპონელი ქალები, — ვიცი, ბევრი წყალი ჩაივლის, ვიდრე ზაფხულის სავანეში ასეთი ფინჯნები გაჩნდება ზედ მოხატული მოლიმარი ქალიშვილებით, მაგრამ ეს არაფერია, ძვირფასო პასტორო, — თქვა ბიარტურმა და ოფლი სახელოთი მოიწმინდა, — იცი, რა უბედურება დამატყდა?.. ჩემი ცოლი, გაზაფხულზე ჰვარი რომ დამწერე, ეს-ეს არის გარდაიცვალა.

— როგორ მოხდა ეგ? — დაეჭვებით ჰკითხა პასტორმა — მე აქ არაფერ შუაში ვარ.

— რასაკვირველია, შენ არაფერ შუაში ხარ, მაგის თქმა ხომ არ მინდოდა, — მიუგო ბიარტურმა და ამ სიტყვებით მთლიანად მოხსნა პასტორს პასუხისმგებლობა. — ბუნებრივი სიკვდილით მოკვდა, როგორც ჩანს, სისხლის დაკარგვის გამო. კარგად მესმის, რაც მოხდა, მაგრამ ის კი ველარ გავიგე, სად გაქრა გუდღობრაუ, ერთი წლის შიშაგი, შენი გამოყვანილი ჯიშისა... ვფიქრობ და ვერ გამოვიცა, რა მოუვიდა. ღობეზე მიბმული დავეტოვე, შემოდგომაზე პირველად რომ ავედი მთაში ცხვრის შესაქრებად. ცხონებულ ჩემს ცოლს დაეუტოვე გუდღობრაუ, რომ მარტობაში გაემხიარულებინა და გაერთო ცხვარს.

— რა მოგახსენო, — ცივად მოუჭრა პასტორმა, — მე ხომ ცხვრებს არ ვიპარავ. ჰოდა, გთხოვ ამისთანა საქმეებში ნუ გამრევე.

— რალაც უნდა მოვისაზრო და ვიღონო. — წინდახედულად თქვა ბიარტურმა, — ყოველ შემთხვევაში, ცოლზე მაინც.

— ახლავე შემიძლია გაგირიგო ქალი. წყნარი ქალია, მშვიდი, რბილი ხასიათი აქვს, გამრჯეა და დაუზარელი, მაგრამ დედა ჰყავს ბებერი აღქაჯი. ასე რომ, დაუფიქრდი, კარგად ასწონ-დასწონე. დედამისმა ზეპირად იცის მთელი დავითნი.

— ჯერ მაინც ცოლის დამარხვაზე უნდა იფიქრო, — მოკრძალებით თქვა ბიარტურმა.

— ოჰ, რა საშინლად მეჭაყვება დამარხვა, — თქვა პასტორმა.

— საქმე ის არის, რომ ხუტორში არავის უნდა გაჩერება, ვიდრე მიცვალებულს არ დაეპარხავ. ხალხის ცრურწმენას და სისულელეს ხომ საზღვარი არა აქვს.

— თქვენ შეგიძლიათ გაზაფხულამდე, დროებით იქვე დამარხოთ მიცვალებული. აზრადაც არ მომივა იმ მაღალ მთაზე ასეთ ქარბუქში ამოსვლა. დაუძღვრებელი ბერიკაცი ვარ, დაბადებით სუსტი ფილტვები დამყვა. ვინ იცის, იქნებ ღვთის კიბოც მაქვს. გარდა ამისა, შემოწმებული და დამტკიცებული არ არის, რით მოკვდა შენი ცოლი. ხეობის მოსახლეებს ყოველთვის შეგიძლიათ თავი იმართლოთ იმით, რომ თქვენი ცოლი საიქიოს სწორედ მაშინ გაემგზავრა, როცა მთაში ცხვარს დაეძებდით. მე კი ვიცი, ქალს ცხვარზე ნაკლები მოვლა როდი სჭირდება. ბევრი რამის თქმა შემიძლია ამ ოლქში გარდაცვლილებზე... ოცდაათი წლის მანძილზე, რაც ეშმაკმა მიხიმანა და აქეთ გადმომტყორცნა, ბევრის მოწმე გავხდი, ბევრ რამესაც დავამტკიცებდი, ჩემი მრევლის სიბრაღული რომ არ მაჩერებდეს. თანაც მოხუცი ვარ, სუსტი იმისათვის. რომ დამაღალ ხელისუფალთ ვებრძოლო. ისინი ხომ დიდ ავაზაკებს, ცეცხლის გამჩაღებლებსა და მკვლელებს ხელს არასოდეს ახლებენ.

— მაგრამ შენ ისინიც დაგიმარხია, პასტორო, ვინც უფრო უცნაური სიკვდილით მოკვდა, ვიდრე ჩემი როზა.

— ვაგლახ, რომ ასეა, — მძიმედ ამოიოხრა პასტორმა. — მაგრამ წელანაც გითხარი, ავადმყოფი ვარ-მეთქი, მძიმე ავადმყოფი.

— განა მთაში ამოსვლას გთხოვ? არა, მხოლოდ ის მინდა, რომ შაბათს რედსმირის საყდარში მოხვიდე, თუ რიგიანი ამინდი იქნება.

— რედსმირის საყდარში ბარი გატეხილია, ღმერთსა ვფიცავ, — პასტორი ათას მიზეზს იგონებდა, — მიცვალებულის ხვედრზეც პასუხს არ ვაგებ, არც განკითხვის დღეზე, არც იმიერ ცხოვრებაზე, თუ ბარის ნაცვლად, რაღაც ნატეხი დაგვხდა იქ. ალბათ, შენ ორიოდ სიტყვის თქმასაც მომთხოვ. არ მესმის, რა საჭიროა მიცვალებულზე ლაპარაკი ასეთ ამინდში? გარდა ამისა, სათქმელიც არაფერია.

— გრძელი სიტყვა არც არის საჭირო, — უპასუხა ბიარტურმა.

— იქნებ რედსმირელმა დედაბერმა თქვას სიტყვა, პა? — შესთავაზა პასტორმა. — გაზაფხულზე ხომ წარმოთქვა სიტყვა, შემოდგომაზე ვითომ რაღა შეუშლის ხელს?

— რაღა დაგიმალო და, — დაიწყო ბიარტურმა, — მისი ნდობა არა მაქვს.

ხშირად ვფიქრობ, იქნებ ჩვენი საქმე ასე უკუღმა არ შეტრიალებულა, გაზაფხულზე რომ შენ გეთქვა სიტყვა. თუმცა, მართალი მოგახსენო, ასეთი სიტყვების საერთოდ არაფერი მწამს, ყველაზე მეტად კი გრძელი სიტყვისა.

— მე თუ ვიკისრებ სიტყვის თქმას, უსათუოდ გრძელ სიტყვას ვიტყვი, — თქვა პასტორმა, — როცა საკუთარი აზრის გამოთქმას იწყებ ადამიანი, სათქმელს ბოლო არ უჩანს ხოლმე. ხალხის ურთიერთ დამოკიდებულებაზე, მრევლთან მათ ურთიერთობაზე...

— როგორ შეეხედოთ ამას? ზოგი ამბობს, რაც უფრო სიტყვაძუნწი იქნები, პასუხისმგებლობაც ნაკლები გექნებაო. თუმცა, ჩემთვის სულ ერთია რას იტყვი, ოღონდ ცუდი არაფერი თქვა. მთავარი ის არის, რომ პასტორმა წარმოთქვას სიტყვა თავის დროზე და თავის ადგილზე, თორემ მე რე დაიწყებენ ენის ფხანას, აქაოდა ისეთი უბადრუტია, იმის თავიც არა აქვს, რომ პასტორისთვის სიტყვა შეეკვეთაო. ასეთ შეურაცხყოფას კი ვერ ავიტან, ვიღ რე დამოუკიდებელი კაცი მქვია. ჩემი ცოლიც დამოუკიდებელი ქალი იყო.

— მაინც, რამდენის გადახდა შეგიძლია სიტყვაში?

— ოო... ამაზე კი უნდა მოვილაპარაკოთ. მე მგონია, გაზაფხულიდან ჩემი შოვალე ხარ, პასტორი გულმუნდურ. ქორწილში სიტყვისაც გადაგიხადე, შენ კი არ იხებე. ჰოდა, ახლა შემიძლია ის სიტყვა მოვითხოვო. ვფიქრობ, ძალზე ნაადრევი არ იქნება.

— არა, — მოკლედ მოუჭრა პასტორმა, — არ ვიტყვი სიტყვას ისეთ ცოლზე, რომელმაც სულ ერთი ზაფხული იცხოვრა ქმართან და ასე უცბად მოკვდა. ღმერთს უმადლოდე. რომ მსგეღლობა არ მივეცი ამ საქმეს. უკეთესი იქნება, თუ უფასოდ ვიტყვი საქორწინო სიტყვას, საქორწინო სიტყვის ნაცვლად გამოსათხოვარს კი არავეთარ შემთხვევაში, არ მინდა, ასე ვერ მოვრიგდებით.

-- მე კი მგონია, ძვირფასო პასტორო, რომ შემიძლია დასაყრძალი სიტყვის მოთხოვნა, ამის უფლება მაქვს. თუ როზა სიბერეს ვერ ელირსა, ის მაინც ცოლი იყო ჩემი და კარგი ცოლიც, როგორც შეფერის ქრისტიანს.

— განა ქრისტიანი იყო? — გაგულისებით ჰკითხა პასტორმა. არ უყვარდა, როცა მასთან ვინმეს აქებდნენ.

— დიახ, — მიუგო ბიარტურმა. იგი ცდილობდა ზოგი რამ დაეღო პასტორისათვის, ოღონდ როგორმე დაეყოლიებია, — იქნებ წმინდა ქრისტიანი არც იყო, მაგრამ თავისებურად მაინც ქრისტიანი გახლდათ.

— ჩემთვის ახალი ამბავი იქნება, ამ კუთხის ხალხში თუ ერთი ჭეშმარიტი ქრისტიანი გამოერია, — გულფიცხად შეაგება სიტყვა პასტორმა, — რანგარეალის ოლქში, აი სად იყო წმინდა ღვთისმოსავი ხალხი, ყოველ მეორე

ხუტორში ერთი წმინდანი ან წინასწარმეტყველი მაინც ცხოვრობდა. აქ კი, ოცდაათი წელიწადი გავატარე განდევნილობაში და ამ ხნის მანძილზე ერთხელ არ გავმხდარვარ მოწმე ჭეშმარიტი ქრისტიანული გრძობისა, წრფელი მონა-ნიებისა ღვთის წინაშე. მხოლოდ დანაშაულებანი, საზარელი დანაშაულებანი... თოთხმეტი მკვლელობა, მიტოვებული ბავშვები, მუცლის მოწყვეტაზე ზომ არაფერს ვამბობ.

— ასეთ ამბებს ჩემამდე არ მოუღწევია. ერთი რამ კი ვიცი: ჩემი ცოლი კარგი ქალი იყო. გულში ღმერთიც სწამდა და ხალხიც, მაგრამ იმას როდი კდილობდა, არიქა. ქვეყანამ დაინახოს, როგორი მორწმუნე ვარო. თუ აპირებ ჩემს ცოლზე სიტყვის თქმას, კარგი რამ თქვი, რადგან განსვენებულს დიდად ვაფასებდი.

პასტორს მოერიდა, ველარ დაჰკვმო თავისი სტუმარი უბრალო ქალის ესოდენ გავზიადებული ქებისთვის, ქალისა, რომელმაც სულ ერთი ზაფხული იცხოვრა ქმართან და მოკვდა. სულიერი მამა იმით დაკმაყოფილდა, რომ მრავალმეტყველი მოძრაობით მიუთითა ბიარტურს პრინცესა ავგუსტას პორტრეტზე და დამამოძღვრებელი კილოთი თქვა:

— თუ შენ გინდა იხილო ისეთი პიროვნება, რომელიც კარგი ქალის, კარგი პრინცესის და კარგი ადამიანის მაგალითად გამოდგება, მაშინ შეხედე, აი — შენს წინაშეა იგი. და ურიგო არ იქნება, თუ ყველა ჩაუფიქრდებით ამას, თქვენ — საცოდაო კაცუნებო. თქვენ ხომ მუდამ დამცირებად, ღირსების შელახვად მიგაჩნდათ სული წმინდის მადლის წინაშე ტილიანი თავების მოხრა, ძიუხედავად იმისა, რომ ერთი საფეხურით დაბლა დგახართ საკუთარ ცხვრებზე, თქვენი უგერგილობის გამო შიმშილითა და ჭიით რომ იხოცებიან უფლის მიერ თქვენთვის ნაწყალობევე ყოველ გაზაფხულზე. ხელმწიფე ქრისტიანის შვილებს კი დილის ექვს საათზე აყენებდნენ ლოგინიდან, როგორი ამინდიც არ უნდა ყოფილიყო, რათა მაცხოვარი ედიდებინათ. ისინი ლოცულობდნენ სასახლის ეკლდერში, ლოცულობდნენ, ვიდრე სასახლის მოძღვარს შიმშილისაგან ყელში არ წაუჭერდა და ხმა არ ჩაუწყდებოდა. ხედავ, როგორი არიან ჭეშმარიტი მორწმუნენი?

ბიარტურმა თავი ველარ შეიკავა, სიცილი წასკდა.

— ჰა, ჰა, ჰა! ამან რედსმირში მომხდარი ერთი ამბავი გამახსენა. ძალლი რომ მიეჩვია ცხენის ხორცს და ვერაფრით ველარ მოაშლევინეს.

— რაო, რაო, რას ამბობ? — ჰკითხა სერიოზულად პასტორმა, განცვიფრებისაგან პირი ღია დარჩა, წარბები აძვინა.

— ასე იყო საქმე, — დაიწყო ბიარტურმა, — რედსმირში ცხოვრობდა ერთი ქალაქელი ყმაწვილი, ნამდვილი ბიჭი იყო. ონავარი, სულ იმას ფიქრობდა,

ნად რა ზრიკი და ოინი მოეწყო. ჰოდა, ამ ბიჭმა გადაწყვიტა, ძაღლებს დამე-
გობრებოდა, მათ შორის ჩემს ძაღლსაც. იშვიათი ერთგული პირუტყვი იყო,
ჰკვიანი, ჰა, ჰა, ჰა!

პასტორი ისევ ისე გაუნძრევლად იდგა.

— არ მესმის შენი, — უთხრა ერთი ხნის დუმულის შემდეგ სტუმარს პას-
ტორმა.

— არც არის გასაკვირი. — სიცილით მიუგო ბიარტურმა, — მეც არაფერი
მესმოდა, ვიდრე ერთ მშვენიერ დღეს ჩემს ძაღლს პირიდან ცხენის ზორცის
დიდი, თითქმის მუშტის ხელა ნაჭრები არ ამოუვიდა. თურმე ის ეშმაკის კერ-
ძი ბიჭ მთელი ზამთარი სამზარეულოდან ცხენის ზორცს იპარავდა, რომ ძაღ-
ლები შეეცდინა.

— ფუი, ამის გაგონებაც კი ზიზღსა მგვრის! — დაიყვირა პასტორმა. —
ღვთის გულისათვის, წადი, გამეცალე აქედან.

— კარგო, ძვირფასო პასტორო, — უკვე დინჯად უთხრა ბიარტურმა, —
აბა, პასუხს ვინ აგებს საკუთარ აზრებზე, ან ამით ვის რა უშავდება. დიდი
მადლობელი ვარ ყავისთვის. კარგა ხანია ასეთი გემრიელი ყავა არ დამილე-
ვია. მაშ ასე, შეეთანხმდით შემოდგომის ბატკანზე და სხვა დანაჩრენზე, ხომ?

— იმედი მაქვს, გაზაფხულზე მოკვდები. მოკვდები და თავს დავაღწევ
მიელ ამ ბრბოს. მშვიდობით.

მაგრამ ბიარტურს ასე არ უნდოდა პასტორის სახლიდან წასვლა, ტოკავდა,
ფეხს ინაცვლებდა. ბოლოს გამბედაობა მოიკრიბა:

— ჰო, რისი თქმა მინდოდა, პასტორო გულმუნდურ. თუ ყურმა არ მომა-
ტყუა, წელან ვიღაც ქალი ახსენე, თუმცა ქალი კი არა, უფრო სწორად ორი
ქალი.

— რაო? — ბრაზით ჰკითხა პასტორმა, — გინდა თან წაიყვანო? არ გეგო-
ნოს, რომ ძალიან მეჩქარება იმათი თავიდან მოშორება.

— ვინ არიან, რა ხალხია?

— ცისა და მიწის შუა ჰკიდიან, ცხოვრობენ უფლისა წყალობით, უწინ
კი, ჩრდილოეთ მხარეს, სანგდელში სახლობდნენ, იმ სამრევლოში. ჩემსას
რომ მიაწერეს. ოჯახის თავი რაღაც შინაგანი დაავადებით გარდაიცვალა.
მთელი მათი ავლადიდება ჩვიდმეტი გაძვალტყავებული ცხვარი, ორი ბებერი
ჯაგლაგი და ძველი საოჯახო ხარახურა იყო. საქონელი შემოდგომაზე ჩამორეკეს
აქ. ქალები დარდით გულმოკლულები არიან. ბერკიაცი ორმოცი წელიწადი
ღვრიდა ოფლს იმ ხუტორში, მაგრამ შავი დღისთვის ერთი გრომის შემონან-
ვაც ვერ მოახერხა. ძალზე მწირი მიწა იქ.

— ჰმ! მაშასადამე, ერთი მტკაველი მიწა აქვთ? — ჰკითხა ბიარტურმა.

— კი, მიწა აქვთ, — უპასუხა პასტორმა, უცებ კარისკენ შებრუნდა, გა-
ალო და გასძახა: — ახლავე აქ გამოგზავნეთ ფინა და დედაბერი ჰალბერი,
ერთ კაცს მათი წაყვანა უნდა.

ცოტა ხნის შემდეგ ორივე ქალი ღრიჭოდ გამოღებულ კარში შემოძვრა.
დედა რაღაცას ქსოვდა, თავზე ღია ყავისფერი ჩაჩი ეხურა, წარბები აძგიბუ-
ლი ჰქონდა, როგორც გულჩახვეულ ადამიანს ახასიათებს, თვალი არ აუწევია,
თავი უცანცარებდა, ცერად, როგორღაც ისე იხედებოდა, თითქოს თავის
ცხვირის წვერს უყურებო. ქალიშვილი ორმოც წელს მიღწეული იქნებოდა.
ტლანქი იყო, გვერდელა, მაგრამ მის გარეგნობას ძალზე ლმობიერი, ნაზი
გამომეტყველება ამშვენებდა, რაც დედამისს არ გააჩნდა. ორივე ქალი ზედ
კარის ზღურბლთან შედგა ერთიმეორის გვერდით. ასე რომ კარის მიხურვა
აღარ შეიძლებოდა.

მოხუცი ქსოვდა. ქალიშვილი კაცებს შეჰყურებდა. მის ვაფართოებულ
თვალეში იმედის შუქი ენთო. უთუოდ ოდესღაც ლოყები მოჰყინოდა, მო-
ღურჯო სიწითლე დაჰკრავდა სახეზე და იმ წუთებში აშკარად გული უფან-
ცქალბდა.

— აი, ამ კაცს უნდა მძიმე ხედრისაგან გიხსნათ, — მიმართა პასტორმა
ქალებს, — წაყვანას გიპირებთ თავის სახლში. ეს არის ახლა გარდაეცვალა
ცოლი. ღმერთია მოწმე, რომ დარდით გულმოკლულია.

— გასაგებია, საბრალო! — ისე ჩაიბუტბუტა მოხუცმა, რომ თვალი არ აუ-
წევია. ქალიშვილი კი თანაგრძნობით მიაჩერდა უბედურ კაცს.

— თუ არ ვცდები, ესენი დედა-შვილი უნდა იყვნენ ურდარსკელიდან, გან-
სვენებული ტოურარის ქვრივი და ქალიშვილი, — თქვა ბიარტურმა და ქალებს
ხელი ჩამოართვა. მერე გულითადი მადლობა გადაუხანდა პურადი მასპინძლო-
ბისთვის, ამ ხუთი წლის წინათ რომ გაუწიეს, როცა მთაში მამასახლისის ცხვარს
ეძებდა და მათ ესტუმრა, ღიახ, კარგად ახსოვს ბიარტურს თავისი მეგობარი
ტოურარი, ის კარგი, საქმიანი კაცი. ტოურარზე მარჯვედ, აბა, ვის შეეძლო
ავადმყოფი ცხვრის მოვლა? თავის ჯალაბს უშაქროდ და უყავოდ დატო-
ვებდა, ბატყებს კი საღეჭ თამბაქოს არ მოაკლებდა. მგონი, ნიშანსაც ადებდა
ცხვარს, ორივე ყურს ხრტილამდე ჩაუჭრიდა ხოლმე. მისი ძაღლიც ახსოვს,
ღია ყავისფერი, იშვიათი პირუტყვი, სიბნელეში ისევე რომ ხედავდა, რო-
გორც ღლის სინათლეზე და თითქოს. ნათელმჭვრეტელი იყო. მერე ასეთ
ჩაღლს სად ნახავს კაცი.

ნამდვილად ასე იყო ყველაფერი. ტოურარის ქალიშვილი ფინა ბიარტუ-
რის სიტყვების გაგონებაზე მადლიერებით გაბრწყინდა, გული აუჩვილა იმან,
რომ სტუმარს ასე კარგად დაეხსომებია ყველაფერი. თვითონაც ისე ცხადად ახ-

სოვდა ის დღე, თითქოს გუშინ იყო. მათ ხომ იშვიათი სტუმარი ეწვიათ, რედსმირელი მწყემსი. მათ სახლში საერთოდ იშვიათი იყო სტუმარი, მით უმეტეს ბატონის კარ-მიდამოდან. დედა-შვილი დიდხანს ჩურჩულებდნენ მამინ, ისეთი რა გავაკეთოთ, რომ რედსმირელ სტუმარს ვასიამოვნოთო, ის ხომ კარგს არის ნაჩვევიო. პალბერამ თქვა, მოდი ნაკვერჩხალზე გამოვაცხოთ კვერულებიო. ფინამ კი შეიცხადა, დედა, ტორფზე გამომცხვარ კვერულებს როგორ შექვამს რედსმირელი კაციო.

-- გახსოვს, დედი?

მაგრამ დედაბერმა უპასუხა, რომ ყველაფერი დაავიწყდა, წარსულიც და დღევანდელიც, მარტო თავისი პატარაობა ახსოვს, როგორ იზრდებოდა სახნრეთში და რამდენიმე საეკლესიო ლექსი. ძალზე მოტყუდა და თუ ამ ღვთისნიერ კაცს, პასტორ გულმუნდურს, გულმონწყალება არ გამოეჩინა, არ შეევერდომა, როცა ყოვლად ძლიერმა იხმო მისი ტოტურაი...

— აკი გითხარით, რომ ზაფხულის სავანელ ბიარტურს თავისთან უნდა იქვენი წაყვანა, — მოუთმენლად შეაწყვეტინა პასტორმა, — გაზაფხულზე ამ კაცმა კარგი მიწა იყიდა ხეობაში. მოდური ახალმოშენა და გადაწყვიტა იმ სიახლეთა დანერგვა, რის შესახებაც ალთინგზე მსჯელობენ და დედაქალაქის გაზეთებშიც წერენ.

— მე დიდ ანგარიშს არ ვუწვევ იმას, რასაც დედაქალაქის გაზეთებში წერენ, მაგრამ ის კი ღრმად მწამს, რომ ვინც თავისუფლებას აფასებს და უნდა დამოუკიდებელი კაცი გახდეს, ზაფხულის სავანე მას კარგ მომავალს უქადის.

დედაბერმა ხელი, ჩახლეჩილი ხმით თქვა:

— ძვირფასო ბიარტურ, ჩემს ახალგაზრდობაში რომ მომხდარიყო ასეთი რამ, ეჭვი არავის შეეპარებოდა, რომ შენი ცოლი თავისი სიკვდილით არ მომკვდარა. დიდი ხანია მაგ ხეობაზე და ფარებზე ცუდი ხმები დადის. ასე ამბობენ აქაური ძველი მკვიდრნი.

— ფუი! — გაჭაჭრდა პასტორი, — ურდარსელში განა ცოტა ურჩხულები იყო! ორჯერ ამებნა გზა იქ, ისიც დღისით-მზისით, კარგ ამინდში, ორჯერვე კვირა დღეს, ღმერთთა მოწმე.

— დიახ, ხანდახან მოხდებოდა უცნაური რამ ზოგიერთი სტუმრის ჩამოსვლისას, სამაგიეროდ, მეზობლები კარგი გვეყავდა. ორმოცი წელიწადი მშვიდობიანად გავტარე იქ. ღმერთმაც ოცის ეს და ხალხმაც.

— დედას იმის თქმა უნდა, რომ ჩვენთან არასოდეს არ ყოფილა მოჩვენებები, იშვიათად, ზოგიერთი სტუმრის ჩამოსვლისას თუ მოხდებოდა უცნაური რამ, — თქვა ქალიშვილმა, — სამაგიეროდ, კარგი ნაცნობები გვეყავდა, ზნირად ხელს გვიმართავდნენ.

— აბა, რაღა კარგები იყვნენ, თუ არც ერთი მათგანი არ არის საეკლესიო წიგნში აღნიშნული.

— და მაინც, ცოტა ყავა როდი დაგვიღევია ერთად, ვმუსაიფობდით, ვოცნებობდით, — თქვა ქალიშვილმა, — შაქრის ყაირათს იქ არავინ სწევდა.

— არა, მეზობლები ურიგოდ როდი გვიმასპინძლებოდნენ. ყავაჲც იყო, სხვადასხვანაირი ხორაგიც, — კვერი დაუქრა შეილს მოხუცმა.

პასტორი ოთახში დააბოტებდა და ბრაზიანად ფრუტუნებდა. ბიარტურმა კი თქვა, რომ ბუნებაში ბევრი უცნაურობაა.

— საცვებით შეიძლება ირწმუნოს აღამიანმა, რომ ელფები არსებობენ, გინდაც საეკლესიო წიგნებში ნახსენები არ იყვნენ, არავის არაფერს უშავებენ, სიკეთეს კი უკეთებენ, მაგრამ იმის დაჯერება, თითქოს ქვეყნად მოჩვენებები და ავი სულები დაძრწიან, სისულელეა და ქრისტიანისთვის სრულიად შეუფერებელი. ჩემის აზრით, ეს პაპობის დროინდელი ცრურწმენაა ხალხში შემორჩენილი.

ბიარტური ყოველნაირად ცდილობდა დაეჯერებინა ქალები, ავი სულებისა ტყუილად გეშინიათო.

თ ა ვ ი ო ც ლ ა მ ე ა რ თ ა

მ ე ჯ ი ნ ე ე ბ ი

შაბათ დილას ხუტორისკენ მიმავალ გზაზე გამოჩნდნენ მეჯინეები თავიანთი ძაღლებიანად. ოთხნი იყვნენ, ბიარტურის ძველი მეგობრები: მთების მეფე, სკალდი, უნდირხლიდელი ეინარი, არაჩვეულებრივი და ზებუნებრივი მოვლენების მოყვარული—ისტადალელი ოულაფური და, ბოლოს, გარდაცვლილი ქალის მამა — ნიდურკოტელი ტოურდური. ერთმანეთს კარგა დიდი მანძილით დაშორებულნი მიდიოდნენ, თითქოს შემთხვევით მოხვდნენო ერთ გზაზე. ხუტორში ყველაზე ადრე მთების მეფე მივიდა, შემდეგ ერთიმეორის მიყოლებით ეინარი და ოულაფური, სულ ბოლოს კი ნიდურკოტელი ტოურდური. ყველა სადღესასწაულო სამოსში გამოწყობილიყო, შარვალი წინდებში ჰქონდათ ჩატანებული.

ბლაუფიედლს თოვლის სქელი საბურველი ეფარა.

ყინვა ჰახჰახებდა, მიწისპირა ქარი ამოვარდა. ამ დროს ცხვარს უკვე ფარეხში აჰმევედნენ.

ბიარტური ისეთი კაცი როდი იყო, თავისი მწუხარება სწვისთვის ეჩვენებინა, მეფური გულთბილობით შეეგება სტუმრებს.

— შემობრძანდით, შემობრძანდით ჩემს დარბაზში, მეგობრებო. ყინვა ძვალ-რბილში ატანს, მაგრამ იმედიანად იყავით, ქალებმა უკვე დადგეს წყალი ცეცხლზე.

სტუმრებმა ჯიბის დანები ამოიღეს და ტანსაცმლიდან თოვლის ჩამოფხეკა დაიწყეს.

— საშინელი ამინდია, — თქვა ტოურდურმა, — რაღაცნაირი კოწიწა თოვლი მოდის, სულ ლანჩებზე ეკვრის ადამიანს.

მთხუცი ხვნეშით, ფრთხილად ჩამოჭდა გარეთა კართან და ძვლებმა ისე გაიტკაცუნა, თითქოს ესაა დაეშლებოთ. გაოგნებული იყო. სახე გაღურჯებოდა, თხელი წვერი ლოლუებდა ეკიდა, ქუთუთოები დასწითლებოდა, თვალის ფერადი გარსი სიბერისაგან გამოხუნებოდა.

კუბო შუა ფარეხში იდგა იატაკზე, ფისიან ფიცარს ბეწვი მოსდებოდა. ალბათ ცხვრები გაეხახუნენ, ერთმანეთს რომ მიაწყდნენ გარეთ გასვლისას. როცა დასაარწყლულებლად გარეკეს ყინულჭირილისკენ.

მთხუცმა გაღურჯებული, დაკორძებული ხელი ჩასჰიდა კუბოს, თითქოს ამოჰშემს, კარგად არის შეკრული თუ არაო, ან იქნებ ეს ალერსი იყო... ფრთხილად, გულდაგულ შემოაცალა ფიცარს მიწებებული ბეწვი. ფარეხის ერთი კუთხე დედაცხვრებისთვის გამოეყუთ, მეორე კუთხეც გადატხორული იყო ბატკნებისთვის და ცხენისთვის. ჩასადენი ვერ მოეწესრიგებინათ და ფარეხში ცხენის შარდის მძაფრი სუნი იდგა. ზემოთ, საცხოვრებელ ოთახში, ორი უცხო ქალი დიასახლისობდა, ერთი ბავშვს უვლიდა, მეორე ცეცხლთან ტრიალებდა. ქალებს საგულდაგულად გაეფხიკათ ჭერი და იატაკი, მოეკრიალე ბინათ იქაურობა. ძაღლები ფარეხში არ შეუშვეს მიცვალებულის პატივისცემის ნიშნად. კაცები ჩვეულებრივად იქცეოდნენ, ისეთივე ხალისით, როგორც ყოველთვის, ცხარედ გააბეს კამათი ამინდზე, არჩევდნენ ყოველ კვირას და დღეს. საბურნუთე ქისა ხელიდან ხელში გადადიოდა. უნდირხლიდელმა ეინარმა ბიარტურს გადასცა დაჰმუჭნული ქაღალდის ნაგლეჯზე დაწერილი სულის მოსახსენიებელი ლექსი, რაც ასეთ შემთხვევაში აუცილებელი იყო, ბიარტური დამცინავად დაიჰყანა, წაიკითხა სათაური, მას ხომ არ მოსწონდა ის მიმართულება, რომელსაც მისი მეგობარი ეინარი მისდევდა ჰოეზიაში. ხელში რამდენჯერმე შეატრიალა ქაღალდი და, მერე გულგრილად ჩაჩურთა ნივნივას უკან. ნიდურკოტელი მთხუცი თამბაქოს ლაქებით აჭრელებულ ცხვირსახოცს დაწითლებულ თვალებზე ისვამდა. როცა სტუმრებმა დაასკვნეს. სამხრეთის ქარს ისეთი პირი უჩანს, მოკლე ხანში არ ჩადგებაო, ნიდურკოტელი

მოხუციც ჩაერია საუბარში, მოკლე ხანში კი არა, მთელი ზამთარი გასტანსო, თქვა და ამის შემდეგ ხმა აღარ ამოუღია, მან უკვე ისეთ ასაკს მიადწია, როცა აღამიანი რწმუნას კარგავს! აღარ სჯერა, თუ კარგი ამინდი კიდევ დადგება. ცხოვრებაში აღარაფერი დარჩა მოხუცს, წისქვილის გვერდით მდგარი ქონის გარდა, მაგრამ გული არ გაბოროტებია, უბრალოდ, ლაპარაკი უქირდა ახლა, როგორც კი პირის გაღებას დააპირებდა, ყელში რალაც მოებჯინებოდა და ხმას ვეღარ იღებდა. ისეთი უცნაური გამომეტყველება ჰქონდა ამ დროს, თითქოს საცაა შერეკილივით ჩაინთხინებდნო, თითქოს სახე გაეღლანა, შიგნიდან გაუსკდა და საკმარისი იყო ოდნევი დაძაბულობა. თუნდაც ამინდზე რაიმეს თქმა, სახე დაეშლებოდა და ნაჭურ-ნაჭურ გაიფანტებოდა. ოულაფურმა თქვა ავღრიან ზაფხულს მუდამ სუსხიანი ზამთარი მოსდევსო. ეს გასაგებიცაა, ბუნებაში ხომ სველი და მშრალი ერთურთს აწონას-წორებსო. მთების მეფემ კი განაცხადა, რაკი ყინვები ადრე დაიჭირა, საშო-ზაოდ თოვლი დნობას დაიწყებს და ზომიერი ამინდი დიდხანს გასტანს, ასე მოხდა ამ ექვსი წლის წინადაცო. დარწმუნებული ვარ, მიუხედავად ადრიანი ყინვებისა, ზამთარი ზომიერი იქნება და ნაადრევად დარდი და წუხილი არ გეშარებოსო.

ეინერმა თქვა, რომ ყოველთვის წინათგრძნობით და სიზმრებით იგებს ამინდს, ახლაც გული უგრძნობს, ზამთარი მეტისმეტად მკაცრი იქნება, ამიტომ თოვა უნდა გამოვიზოგოთ. სამაგიეროდ, ასეთ ზამთარს კარგი გაზაფხული უნდა მოჰყვეს. ასეთი სიზმარი ნახა: გამოეცხადა სამხრეთელი მზექალი, მართალია, შორს იყო მისგან, მაგრამ მაინც კარგის მომასწავებელია ესო.

— ძილში თუ ქალი გამოეცხადა, მაგისტანა სიზმრის მაინცადამაინც არ უნდა გწამდეს, — უთხრა ბიარტურმა, რადგან უსაფუძვლო იმედებით თავის მოტყუება არ უნდოდა. — ქალზე დანდობა ცხადშიც არ შეიძლება, სიზმარში ნანახ ქალზე ხომ ლაპარაკიც ზედმეტია.

— თუ საერთოდ გვეჯერა სიზმრებისა, — შეეციტყვა ეინარი, — იმ სიზმარ-მა რაღა დააშავა, რომელშიც ქალსა ვხედავთ, რით არის სხვაზე უარესი.

— ოღონდაც, ოღონდაც! — ჩაერია საუბარში რედსმირელი მნე — გუდნი. — რა ბრძანებაა, ქალზე დანდობა არ შეიძლებაო? სირცხვილია, დიდი სირცხვილი, ასეთი ლაპარაკი, როცა მისი ცოლი კუბოში ასვენია.

— მოდი, დროებით დავივიწყოთ სიზმრები, — სთხოვა მთების მეფემ მეგობრებს. ის სულ იმის ცდაში იყო, ამ ორ გამოჩენილ სკალდს შორის თანხმობა დაემყარებია. — გახსოვთ, შემოდგომაზე აქ რომ შევიყარეთ, რაზე ვლაპარაკობდით? ვიდრე არ დამეიწყებია, გეტყვით, რომ ექიმმა ფინსენმა ახალი წამალი გამომიგზავნა. მე ექიმს გადავეცი ადგილობრივი მოსახლეობის საჩივარი, აგრეთვე შენი საჩივარი, ბიარტურ. ჰოდა, განსაკუთრებული წამალი

გამომიგზავნის — სპეციალური. ახლა უკვე თავს დასდებს იმაზე, რომ ეს ახალი წამალი არა მარტო ლენტისებურ ქიას მოსპობს. არამედ სისხლსაც გაუწმენდს და ნერვებსაც დაუწყნარებს ძალღებს.

სწორედ სულზე მოგვისწრო წამალმაო, თქვეს გოჩებმა. მეღა დიდუბედღურებაა ჩვენთვის, ჭია ხომ იმაზე უარესიაო. ყოველ მათგანს შეეძლო ერთი და იგივე ამბის მოყოლა თავის ძალზე. ჭიამ არ დაინდო არც ერთი, ხალხსაც და პირუტყვსაც საფრთხე მოელოდა. ჰოდა, ბოლო უნდა მოეღოს ამასო. განუცხადეს მთებარს მეფეს.

— მოკლე ხანში მიიღებთ ჩემგან ცირკულარს, როგორც გასულ წლებში ვაკეთებდით. მე მგონია. უმჯობესი იქნება, თუ მკურნალობას არჩევნების დღეებში ჩავატარებთ. თქვენ არჩევნებზე ძალღებოანად ჩამოხვალთ და ორ საქმეს ერთად გააკეთებთ. იმ ხუტორელებისთვის. ვისაც დამხმარე არა პყავს. დიდი მნიშვნელობა აქვს ორი საქმის ერთდროულად მოგვარებას, — თქვა მთების მეფემ.

— ძალღის მკურნალის თანაშემწის დანიშვნის საქმე როგორღა? — ჰკითხა მთების მეფეს ისტადალელმა ოულაფურმა, რადღან სხეებიღით ისიც ოცნებობღა მსუქან ლუკმაზე და იმ პატრზე, რასაც თანაშემწის ადღილი მოუტანღა. — შემოდღომაზე აკი თქვი, ოლქის მოსამართღემ უკვე გაღაწყვიტა ეს საქმე, მკურნალის თანაშემწეს ნიშნავს ჩვენს ოლქშიო?

— როგორ გითხრა, — ზეიღად მიუღო მთების მეფემ, — ასეთ მძიმე დროში ვითომ ოლქს ექნება იმის საშუაღება. რომ კიდევ ახალი ხარჯი იკისროს? გარღა ამისა... თუ ჩვენ სამრეღლოში დაინიშნება თანაშემწე, ვიდრე მე მკურნალად ვითღლები და ამ საქმეს ვუძღვები, ეს უკვე უნდობღობის გამოცხადება იქნება არა მარტო ჩემი და ექიმ ღინსენის. არამედ მთავრობის მიმართაც, რადღან, როგორც მოგესხენებათ. წამღებით მთავრობა გვამარაღებს. მე რა, სიხარულით დავუთმობ ჩემს ადღილს სხვას. ასეც ვუთხარი მოსამართღეს: ან ხელს ავიღებთ ამ საქმეზე. ან მარტო მე უნდა ვიყო პასუხისმგებელი-მეთქი.

— სულ ამას არ გავიძახოღი, — ისე წამოინროღა ოულაფურმა, თითქოს დიღად გულგატეხილი არ არისო მთების მეფის პასუხით, — იმთავითვე ზეირიანი წამალი რომ გამოეგზავნათ. ასე ვთქვათ, ცოღნა არ დაეზოგათ, დღეს ძალღები საღი გვეყოღებოღა.

— აკი წეღანაც მოგახსენეთ, — მიუღო მთების მეფემ, — წამღებით მთავრობა გვამარაღებს-მეთქი.

— ყვეღა ყვეღა და მთავრობა, რა თქმა უნდა, არ მოგვატყუებს, — აჩქარებით ჩაურთო სიტყვა ნიდურკოტელმა ტოურღურმა, უსაფუძღლო ნდობით აღღსიღმა მოხუტმა.

— სწორია, მეც მაგ აზრისა ვარ, მთავრობა, ყოველ შემთხვევაში, ეს მთავრობა, უკანასკნელი წლების მანძილზე რომ განაგებს ჩვენს ქვეყანას, ხალხის საკეთილდღეოდ იღვეწის, — თქვა მთების მეფემ, — ალთინგში ჩვენი წარმომადგენელი გვაყავს, კარგი ადამიანი. ექიმი ფინსენი ყველაფერს აკეთებს ჩვენთვის, როგორც ექიმი. როგორც ადამიანი და როგორც დეპუტატი.

დღემილი ჩამოვარდა, მამაკაცებმა თვალი დახარეს, ჩაფიქრდნენ, დააცქერდნენ თავის ტლანქ, ფართო ხელებს, გრძნობდნენ, ახლა სიტყვა პოლიტიკაზე ჩამოვარდებოდა.

— ზოგი ამ საქმეს სხვანაირად უყურებს, — წამოიწყო ეინარმა, — ერთი რამ კი ცხადია: ვინც ფიორდელ ვაჭართან არ ვაჭრობს, ხმას ვერ მისცემს ფიორდელ კანდიდატს.

— ეჰ, ვინ არ იცნობს ჩვენს მამასახლისს, — ჩაერია საუბარში ბიარტური, — მთავრობა რომ იყიდებოდეს, იმასაც იყიდის, არ მოერიდება და მერე სარფიანად გაასაღებს, თუკი მუშტარი იშოვავ.

გუდნი ქურასთან ფუსფუსებდა და ამ სიტყვების გაგონებაზე ჩაიდუღუნა:

— ვაი სირცხვილო, ეს რა მესმის, როგორ ლაპარაკობს თავის კეთილისმყოფელზე, თითქმის მამობილზე! ჰოდა, რაღა გასაკვირველია, თუ ასეთ ხალხს უბედურება ფეხდაფეხ მისდევს.

აშკარა გახდა, რომ ეინარის შეხედულება პოლიტიკაზე მცდარი იყო და მოების მეფემ გადაწყვიტა, სწორ გზაზე დაეყენებინა მეგობარი.

— ერთი ეს მითხარი, ეინარ, ფინსენს ოდესმე თუ მოუთხოვნია შენთვის ფული იმ წამლებში, რომელსაც განსვენებული დედაშენი ღებულობდა თავის დროზე?

ეინარი იძულებული იყო ეთქვა, რომ ექიმს ფული არასოდეს მოუთხოვია და რომ თითქმის ორასი ბოთლი წამალი ჰქონდა მისგან წამოღებული.

— ცოტაც და ერთ ძროხას იყიდდა კაცი მაგ ფულით, — თქვა მთების მეფემ.

ეინარს სიტყვა პირში გაუწყდა. მან ხომ მამასახლისის ვალის მოსაშორებლად ძროხაც დააგირავა და თავისი ფარას ნახევარიც. ერთ ხანს ჩუმად იჯდა, ბოლოს მაინც თქვა: „ძროხა—ძროხაა, წამალი—წამალია, მთავრობა კი მთავრობაა“. საერთოდ, ასე ფიქრობს, რომ მომავალ არჩევნებზე შინ იჯდება.

პოლიტიკაზე რომ გააბეს ლაპარაკი, ისტადალელი ოულაფური უხალისოდ უგდებდა მათ ყურს, სულ არ აინტერესებდა ეს თემა. ამ დროს ბავშვმა გაიღვიძა, ტირილი მორთო, გუდნი წამოდგა ჩვილის მისახედად. ოულაფური იმ ხალხის რიცხვს ეკუთვნოდა, ერთთავად რომ აოცებთ პატარა არსება, თუკი შეიძლება მათ არსება ვუწოდოთ, ქვეყნად რომ ჩნდებიან და ამ წუთისოფლიდან წასულებს ენაცვლებიან.

— ამას რომ ჩაუფიქრდები, ტვინი გადაგიტრიალდება კაცს: უცებ ჩნდება ახალი პაწია სხეული, ახალი სული. საიდან მოვიდა, რისთვის მოვიდა? ხშირად დღედაღამ ამაზე ვფიქრობ, რამდენად მარტივი იქნებოდა ცხოვრება, ერთსა და იგივე ხალხს რომ ეცხოვრა და ეცხოვრა. მაშინ იქნებ ადამიანს იმის იმედი ჰქონოდა, რომ შრომა-გარჯით ოდესმე კარგ ცხოვრებას ეღირსებოდა.

მაგრამ თვით გუდნისაც კი არ შეეძლო, ან არ მოისურვა ეს საკითხი გაერკვია და ისტადალელმა ოულაფურმა განაგრძო:

— ამბობენ, ახალშობილი ბავშვი წყალში რომ ჩასვა, გაცურავსო. აი რა მოაქვს ყველაზე მეტად. გუდნი, ოდესმე ხომ არ გიცდია ეს?

არა, მნე ქალს არასოდეს არ უცდია ასეთი რამ და მან ცივად მოუჭრა ოულაფურს, მასეთი ცნობები გირჩევნია შენთვის შეინახოო. იქნებ ფიქრად მოვივიდეს და საკუთარ შვილებზე ჩაატარო ასეთი ცდა. მაშინ ვნახოთ, ხალხი რას იტყვისო. ოულაფურმა უპასუხა, დარდი ნუ გაქვს, გუდნი, არც ისე მიყვარს ჩვილი ბავშვების ლოლიაივო.

— ეს არ მიცდია, მაგრამ, — დაუმატა ოულაფურმა, — ძაღლის ლეკვები კი ბევრჯერ დამიხრჩვია. საინტერესო ამბებიც შემიძლია გაიმბოთ ამაზე. თავს წავაცლიდი ლეკვს მდინარის პირას ჩემი ჭიბის დანით, ტანს წყალში გადავუძახებდი. ჰოდა, როგორ ფიქრობთ? მიცურავს თუ არა ტანი?

ბიარტურის სტუმრები ახლა ამ საკითხს ჩაუფიქრდნენ, უკვე დაავიწყდათ პოლიტიკა, ორი კანდიდატის წამოყენება — ერთი ფიორლიდან რომ უნდა ყოფილიყო, მეორე — ვიკიდან. ქალებმა თქვეს, რასაკვირველია, ლეკვები იძირებოდნენო. ეინარმა კი ეპვი გამოთქვა, ვინ იცის, ეგებ წყალზე სხეულს იკავებდნენ კიდევო. მთების მეფის აზრით, კი, ლეკვები წყალქვეშ მიცურავდნენ.

— არა და არა, — უპასუხა მეგობრებს ოულაფურმა, გაამაყებულმა იმით, რომ საუბარი მეცნიერულ თემაზე გადაიტანა. — უნდა მოგახსენოთ, ჩემო ძვირფასებო, რომ უთავო ლეკვები ზუსტად ისე მიცურავდნენ, როგორც ცოცხალი თავფეხიანი ძაღლები ცურავენ. უწინამც მიწა გამისკდეს, თუ სრულ სიმართლეს არ ვამბობდე.

— ბევრი რამ არის ბუნებაში უცნაური, — ჩაურთო ბიარტურმა, — ვის შეუძლია ასეთ რამეზე დავა, მეც გეტყვით ერთ ამბავს, გინდ დაიჯერეთ, გინდ არა. ცხოვრებულ მამაჩემს შეემთხვა ახალგაზრდობაში. ერთ დღეს მამამ ხბოს დაკვლა გადაწყვიტა, დაიჭირა პირუტყვი თავის ხუტორთან, ზედ სახლის კართან, ფეხებში მოიქცია ხბო, როგორც ჩვეულებრივ აკეთებენ და ყელი გამოუჭრა. ჰოდა, მეც ოულაფურივით გკითხავთ: როგორ ფიქრობთ; რა ქნა ხბომ?

ხმა ვერაფერ ამოიღო და ისევ მეცნიერული აზროვნების მოტრფიალე ოულაფურმა უპასუხა:

— მე ძვონია, უთავო ხბომ ისკუპა და პირდაპირ სამოვარზე გადახტა.

— ბარაქალა. ოულაფურ. — თქვა ბიარტურმა, — თითქმის გამოიცანი. მთლად ზუსტად კი ვერა. საქმე ის არის, რომ რეიკში, ზედ ხუტორთან ცხელი წყარო ამოდიოდა და ღრმა ნატბორი იდგა, წელამდე წვდებოდა კაცს. ქალები იქ რეცხდნენ სარეცხსა და მატყლს. ჰოდა, წარმოიდგინეთ, უთავო ხბო მამას ზელადან გაუსხლტა. დაეჭანა ფერდობზე და პირდაპირ ტბორში ჩახტა.

— აბა, მაგას საიდან გამოვიცნობდი, თუ იქვე ცხელი წყარო ამოდიოდა. ან ნატბორი იდგა? — ცოტა არ იყო. ნაწყენი კილოთი თქვა ოულაფურმა.

ამ ღროს ქალებმა დიდი ხნის ნალოდინევი ყავა შემოიტანეს და ბუნების სასწაულებზე ყურადსაღები საუბარი შეწყდა. ყავა ისეთი გემრიელი იყო, წარჩინებული ხალხიც კი ვერ დაიწყებდნენ. ასეთი ყავისგან ოფლად იღვრება ადამიანი.

— დალიეთ, მეგობრებო. დალიეთ — სთავაზობდა ბიარტური სტუმრებს. ყავასთან ერთად ქალებმა საშობაო ქიშიშიანი ღვეზელის დიდი ნაჭრები შემოიტანეს, კარგი ბურბუშელა და ბლომად მაკკატები. მაკკატებს სქლად ჰქონდა შაქრის ფხვნილი მოყრილი.

— მიირთვიეთ. მეგობრებო, მიირთვიეთ!

კაცები ხარბად დააცხრნენ ტუბილეულს. ჯანდაბას პირადი შეხედულებები და ინტერესები! დასცილდნენ ჭიქას, ისევ ისხამდნენ ყავას, კრინტს არავინ ძრავდა, მხოლოდ პირის წკლაპუნი, ბურბუშელის ხრაშუნი, ხვრეპა ისმოდა და ცხვირის ქშიტინი ბურჩუთის ყნოსვისას.

— ვინ იცის, ამ ჩემს სახლში კიდევ როდის მოიყრით თავს, — თქვა ბიარტურმა.

ძღომაზე რომ სვეს და ქამეს, ზოგმა ხელის გულით მოიწმინდა პირი, ზოგმა სახელოთი. სიჩუმე ჩამოვარდა, ისეთი განსაკუთრებული სიჩუმე, როგორც აღრე თუ გვიან დგება დაკრძალვისას. სტუმრები დროდადრო ჩაახველებდნენ ხოლმე ყელის ჩასაწმენდად, თან უაზროდ აჰყეტდნენ თვალებს.

— პარაკლისს შინ არ გადაუხდით?

— არა, — თქვა ბიარტურმა, — ვერაფრით პირი ვერ დავაბანინე იმ კერპ პასტორს. ხომ ცვით, რა ახირებული კაცია... თუმცა, განა სულ ერთი არ არის, აქ გადაუხდით პარაკლისს. თუ საყდარში?

— დედას უნდა. რომ სახლიდან გამოსვენებისას საეკლესიო გალობა დაიწყონ. -- მორიდებით თქვა მოხუცმა ტოურდურმა; — დავითნი თან წამოვიღწ.

— რა საჭიროა ეგ, ძვირფასო ტოურდურ? — ჰკითხა ბიარტურმა.

-- ის ჩვენი ბავშვი იყო, ჩვენი ქრისტიანული შვილი, — ხალვლიანად მიუგო მოხუცმა.

რაკი ბიარტურმა დაინახა, რა დიდი მნიშვნელობა ჰქონდა მოხუცისთვის ამ ცერემონიას, აღარ შედაგებია.

ბლესი უკვე შეეკანხათ, კარის წირთხლზე გამობმული იდგა გარეთ. მძიმე ცხენი იყო, გრძელი ცხვირ-პირი ჰქონდა, დროდადრო ქვედა ტუჩს ისე ჩამოსწედა, ამოძრავებდა და ფურტუნებდა, თითქოს თავის თავს ელაპარაკებოდა. ხან ყურებს ცქვეტდა. სახლში რაც ხდებოდა, თითქოს მის გონივრულ, მეტყველ თვალბში იხატებოდა. კიბის ქვეშ შეყუყულო კუდამოძებელი ტიტლა მთელი ტანით ძაგძაგებდა და საშინლად ყმუოდა. აღარც ხტოდა. აღარც ყეფდა.

ცხვარი უკვე სარწყულბლიდან ბრუნდებოდა. ზოგი ცხენს გვერდით გაძვრა, შევიდა ფარეხში, გაემართნენ ბაგებისკენ, ჩატაყეს შიგ ცხვირი და ბაგა ცარიელი რომ დახვდათ, იმედგაცრუებულნი აბლავლდნენ. შემოდრიოდა და შემოდრიოდა ცხვარი, იმათაც იმედის გაცრუება ელოდათ. ზოგი კი გარეთ შექრდა, კარს უკან, და გამომწვევად უყურებდნენ უცხო ძაღლებს. ისე დგნენ იქ, თითქოს გამცილებლები შეყრილანო და თოვლით გადათეთრებულ უშენ მიდამოს, ყინულით დაფარულ ჭაობს რაღაც ისეთი სითბოს კვალს აჩნევდნენ. რასაც მეტად დიდი მნიშვნელობა აქვს ამ დროს.

ყველამ კუბოსთან მოიყარა თავი. ნიდურკოტელმა ტოურდურმა ცხვირ-სახოცში გახვეული თავისი ცოლის დავითნი ამოიღო და დაუწყო ძებნა იმ ადგილს, სადაც გვერდი ჩაყცილი ჰქონდა.

— რომელსა გაქვთ კარგი ხმა, რომ დაიწყოთ? — იკითხა მოხუცმა.

დავითნი ხელიდან ხელში გადადიოდა, მაგრამ ჰანგი არავინ იცოდა. ეს ხალხი იშვიათად დადიოდა საყდარში, დაიწყებოდათ ფსალმუნის მოტივი. წიგნი ისევ მოხუცს დაუბრუნდა და მან ხმის მოსინჯვა დაიწყო.

ერთი ცხვარი ტოურდურს მიჩერებოდა. უცებ ბლავილი მოართო და, აი, საყვარელი შვილის კუბოსთან მდგარმა მოხუცმა დაიწყო გალობა. გალობდა ოცდამეხუთე ფსალმუნს, სადაც აღწერილია, თუ განსასვენებლად როგორ გამოიტანეს მაცხოვრის ნაგვემი სხეული. მოხუცმა ფსალმუნი ზეპირად იცოდა. წიგნში არც იხედებოდა, გალობდა სუსტი, ჩახლეჩილი ხმით, ჰანგის სწორად გადმოცემა არ ეხერხებოდა. ხშირად ერეოდა კილო და ყველა მიხვდა, რომ ტოურდური მელიოდის ამახინჯებდა.

ცხენმა ყური ცქვიტა, აფრუტუნდა, ძაღლი გაუჩერებლად, ისეთი საზარელი ყმუილით აძლევდა ბანს, თითქოს აწამებს ვინმეო. უთივოდ დარჩენილი ცხვრებიც ბლაოდნენ ფარეხში და გარეთ.

მოხუცმა უკანასკნელი სტროფი მკაბე, გამკვირვანი ხმით დაასრულა: დაწითლებული, ანთებული თვალებიდან ცრემლი ღვარად ჩამოსდიოდა თხელ წვერზე. გაურკვეველად გამოთქვამდა სიტყვებს, ჩიფჩიფებდა უქბილო პირით. ხმა უკანკალებდა, ყბები უთრთოდა. ამ დროს მოხუცი ბავშვსა ჰგავდა, ლაპარაკი რომ არ იცის და ტირის, ტირის დიდხანს, უნუგეშოდ.

მღუმარება გამეფდა. მამაკაცებმა დარცხვენით გადახედეს ერთმანეთს. მოხუცმა თავისი წითელი ცხვირსახოცი აიფარა სახეზე, მთელი ტანი უთროოდა. რედსმირელმა გულნიმ ჩურჩულით თქვა:

— „მამაო ჩვენოს“ არ წავიკითხავთ?

მთების მეფემ ათრთოლებულ მოხუცს ხელი შეაშველა, რომ არ წაქცეულიყო და თვითონაც ჩურჩულით თქვა:

— გულნი ამბობს, „მამაო ჩვენოც“ უნდა წავიკითხოთო.

მოხუცმა ტირილით წაიკითხა „მამაო ჩვენო“, არ გამართულა, ცხვირსახოცი არ მოუშორებია სახიდან. სიტყვების უმეტესი მის ქვითინში იკარგებოდა: „მამაო ჩვენო, რომელი ხარ ცათა შინა...“ ისე შორსა ხარ ჩვენგან, რომ არავინ იცის, სადა ხარ... თითქმის არსად... „პური ჩუენი არსობისაჲ მომეც ჩუენ დღეს“, ნამკეცები მაინც, რომ ვკამთო შენდა სადიდებლად: მოგვიტევე ჩვენ, რამეთუ ვალს ვერ ვუხდით ვაჰარს და კრედიტორებს. „და ნუ შემიყვანებ ჩუენ განსაცდელსა“, რომ არავინ მოიწადინოს ბედნიერება, „ვითარ არს სასუფეველი შენი ცათა შინა“.

ძნელად მოიძებნებოდა უფრო შესაფერი ადგილი ამ საუცხოო ლოცვის წასაკითხავად. თითქოს სწორედ ამ შემთხვევისთვის შეთხზაო მაცხოვარმა ეს ლოცვა. მამაკაცებმა თავი ჩაქინდრეს, ყველამ, გარდა ბიარტუროსა. მას ფიქრადაც არ მოუვიდოდა ქედის მოხრა გაურითმავი ლოცვის წინ.

გაიტანეს კუბო, შედგეს ცხენზე, გარდიგარდმო თოკები გადაუჭირეს და ხელის შესაშველებლად აქეთ-იქიდან ამოუდგნენ მეჭინებები.

— ცხენს ვინმე ელაპარაკა? — იკითხა მოხუცმა და რაკი გამოირკვა, რომ ეს არავის გაუკეთებია, თვითონ მოვიდა ცხენთან, ყურში ხელი ჩაავლო და ჩასჩურჩულა, ძველი ჩვეულების მიხედვით, რადგან სწამდა, რომ ცხენს ესმოდა ასეთი რამ: — შენ მიცვალებული უნდა წაასვენო... შენ მიცვალებული უნდა წაასვენო...

და სამგლოვიარო პროცესია გზას გაუდგა.

მთების მეფე წინ მიუძღოდათ, გზას მიიკვლევდა, ეძებდა ისეთ ადგილებს, სადაც ღრმა თოვლი არ იდო. უნდირხლიდელ ეინარს ცხენი სადავით მიჰყავდა. კუბოს ერთ მხარეს ოულაფურის მისდევდა ცხენს, მეორე მხარეს ბიარტუ-

რი, მოხუცი კი უკან მოჩანჩალებდა თავისი კოჰრიანი ჯოხით ხელში, დიდი, ფართო ხელთათმანები ეკეთა.

ნამტირალევი ქალები კართან იდგნენ და გაჰყურებდნენ, როგორ მიიშალა პროცესია თოვლის კორიანტელში.

თ ა ვ ი ო ც ლ ა გ ე ო რ ა

ჭ ა რ ბ უ ქ ი

ნელა მიიწევდნენ უღელტეხილზე, დაღმართზე ცხენი დროდადრო ღრმა თოვლში ეფლობოდა. კაცები ფრთხილობდნენ, თვალი ეჭირათ კუბოზე, რომ არ გადმოვარდნილიყო. ბინდდებოდა, რედსმირში რომ ჩავიდნენ. პასტორი უკვე იქ დახვდათ, კარგა ხნის მოსული იყო, მის სახეზე არაფრის ამოკითხვა არ შეიძლებოდა, მაგრამ, როგორც ჩანდა, ძლიერ ეჩქარებოდა. რამდენიმე კაცი უკვე ელოდა დაკრძალვას და შემდეგ ქელესს. პასტორმა მაშინვე განკარგულება გასცა, კუბო საყდარში დაასვენეთო. სამრეკლოზე ზარს ჩამოჰკრეს და ზამთრის გაყინულ ლანდშაფტში ისე სუსტად დაირბა ზარის ხმა, თითქოს ზევსვის ჩხარუნას აქლარუნებენო. ხალხი საყდარში შევიდა, მოკრძალებულნი. თვინიერნი წინაშე სიკვდილისა, რომელიც ადამიანს არსად ისე გარდაუვალი არ ეჩვენება, როგორც აქ, ამ ცივ, თეთრად შესუდრულ სივრცეში, ზამთრის დღის მიწურულს, მწუხრის ზარის ხმაზე. მამასახლისის ცოლი დაკრძალვას არ დასწრებია, შეუძლოდ იყო, შინ იჯდა და თბილი, მარილიანი წყლით ირეცხავდა ცხვირს—ეს გაციების საწინააღმდეგო უებარ საშუალებად ითვლება. მამასახლისი კი დაბორილობდა საყდარში, ისევ ის შარვალი ეცვა, გაქუცული, საკერებელს რომ ვეღარ იმაგრებდა, მაგრამ პიჯაკი კი საკვირაო ჩაეცვა, რაკი დაკრძალვას ესწრებოდა. როგორც ჩვევად ჰქონდა, საკურთხევლის მახლობლად დაჯდა და მთელი ცერემონიის განმავლობაში პირი სულ მომუწული ჰქონდა. ბლესი საყდრის გალავანთან დააბეს, ტიტლა საყდარში არ შეუშვეს, ზღურბლთან იდგა, ელოდა პატრონს და ძაგძაგებდა.

აი, პასტორიც შემობრძანდა, თეთრი საყელოთი გაწყობილი, დაკმუქნული სტიქარი ჩაიცვა; ეს არც ისე საზეიმო შემთხვევა გახლდათ, რომ ბრიჯი გაეკეთებინა. ვილაკამ საგალობელი წამოიწყო: „მე ვხვდავ და ვიცი...“ სხვებიც აჰყენენ, ხმაზეუწყობლად, ყველა თავისებურად გალობდა. მოხუცი კართან იჯდა, აღარც ტიროდა, თითქოს მთლად გაუშრაო ცრემლი. პასტორი კუბოს-

თან იდგა, საათი ორჯერ ამოიღო და დახედა, გეგონებათ, ასეთი წვრილმანე-
პისთვის დრო არა აქვსო. გალობა რომ დაამთავრეს, პასტორმა სათვალე გაიკე-
რა, კურთხევანი გადაშალა და ლოცვა წაიკითხა. რომელიღაც მივიწყებული.
ძალზე ცუდი ლოცვა შეარჩია. როგორც მოსალოდნელი იყო ასეთ ამინდში,
ხმაც ჩახლენოდა. შემდეგ მოკლე სიტყვა თქვა, იქაღნებოდა კი, თუ ვიტყვი.
უსათუოდ გრძელ სიტყვას ვიტყვიო. შეახსენა იქ შეყრილთ, ავი სული კაცთა
ბოდგმას ყოველ ფეხის ნაბიჯზე უდარაჯებსო. უწრმუნობებაზე საკმაოდ მკვა-
ხედ ილაპარაკა:

— მოკვდავთაგან ბევრს ავაწყდება ყოვლად ძლიერი ღმერთი და მთებში
სულელ ცხვრის ღვეწაზე კარგავს დროს. აბა, რა არის ცხვარი? — იკითხა
პასტორმა. — ცხვრები ისლანდიელი ხალხისთვის უფრო დიდი შეჩვენებაა.
ვიდრე მელა და ლენტისებური ჭია ერთად. ცხვრის ტყავში იმალება ვერაგი
ბგელი — ამ კუთხეში ალბოგასტადელ ეშმად, ანდა კოლუმკილად წოდებული.
ხალხი დასდევს ცხვარს — ეს ცთომილი ცეცხლია. არსებობს მარტოოდენ ერ-
თადერთი ქვემარტი ცხვარი — ეს გახლავთ კრავი უფლისა. და რაც ახლა
მოხდა, გაკვეთილად გამოგადგებათ.

შემდეგ პასტორმა რამდენიმე სიტყვით აღწერა ცხოვრების გზა განსე-
ვებული ქალისა, რომელსაც არსებითად არავითარი ცხოვრების გზა არ ჰქო-
ნია. ეს იმის მაჩვენებელია, თუ რაოდენ უმნიშვნელოა ყოველი ცალკეული
პირის ცხოვრება, მიუხედავად იმისა, რომ ისინი საეკლესიო წიგნში არიან აღ-
ნიშნულნიო. და პასტორმა კვლავ კითხვით მიმართა ხალხს:

— რა არის ცალკე აღებული პიროვნება საერთოდ? არაფერი — სახელ-
მხოლოდ, უკიდურეს შემთხვევაში — თარიღი. დღეს შენ, ხვალ კი მე. მაშ.
ბოდიშ, შევერთდეთ ერთსულოვან ლოცვაში უფლისა მიმართ, ყოველ ცალკე-
ულ პიროვნებაზე მაღლა რომ დგას, მაშინ, როდესაც ჩვენი სახელები ხუნდება
და სამუდამოდ ქრება საეკლესიო წიგნებში.

არც ცრემლნარევი კილო, არც გრძნობა, არც ისეთი რამ არ უღერდა მის
ხმაში, რაც ადამიანის გულის სიმებს შეეხებოდა. მხოლოდ ბლანტედ, დუ-
ნედ წარმოთქმული „მამაო ჩვენო“ და სანახევროდ ჩაყლაპული „ამინ“ ის-
მოდა. ეს უცნაური პასტორი თავისი წინააღმდეგობებით ისეთივე გამოცანა
იყო, როგორც თვით ქვეყანა. ის მორწმუნე იყო მხოლოდ პროტესტის გამო
უსულგულო ხალხის წინააღმდეგ, იმ ხალხისა, არაფერზე რომ არ ფიქრობდა.
გარდა ცხვრისა და ძაღლისა. მან გამოიყვანა უკეთესი ჯიშის ცხვარი — ცხოვრე-
ბის ზიზღით, — ამ ისლანდიელმა პასტორმა უძველესი ხალხური ლეგენდიდან.

მარტო მისი აქ ყოფნაც მანუგეშებელი იყო და თავდები იმისა, რომ ყველაფერი წესრიგზეა.

გაიტანეს კუბო.

ორი თოკით ჩაუშვეს სამარეში და ცოტა ხანს საფლავის პირას იდგა ხალხი. სამმა გლენმა ქული მოიხადა და ქარბუქში იგალობეს: „როგორც ეული ყვავილი“. ეს სუსხიანი დღე თითქოს პალდგრამ პიეტურსონის* მოსახსენებელი დღე იყო. ტიტლა კუდამოძუებული იდგა ბიარტურის გვერდით, ნაცემივით ყმუოდა და ძაგძაგებდა.

შემდეგ პასტორმა მღუმარედ მოაყარა ერთი მუჭა მიწა კუბოს. მთების მეფეს, თავის მნათეს, ბურნუთი გამოართვა, ბლომად შეიყარა ცხვირში. მეჭინეებმა ხელი დასტაცეს ნიჩბებს და გამალებით იწყეს საფლავის ამოვსება მიწით. ხალხი ნელ-ნელა დაიშალა.

თ ა ვ ი ო ც ლ ა მ ე ს ა მ ა

გ ა მ ო ს ა თ ხ ო ვ ა რ ი ს ი ტ ხ ვ ა

„ნეტარ არს ქრისტეს გულით მატარებელი“-ს პანგზე

ერმოვის ეამს, ოდეს აზიდე
შხრებით წამების შთა.
გეგონა, ღმერთმა გაგწირა,
ღმერთმა გაგწირა მთლად.
არა! ამ ქვეყნად სუყველას
ულის გამოცდა ღვთის,
ძალღებს და აღამიანებს
თანაბრად საზღვრავს ის.
გახა არა სჯონა ერთთავად
ღვთის მსახურება ცად...
ო, ღმერთი გადაგვაიწუებს
ტანჯვა-წამების მთლად.
კახუ მღერიან საამოდ
ანგელოსები ცის,

* პალდგრამ პიეტურსონი (1614—1674)—ავეორი ისლანდიაში პოპულარული ფსალმუნებისა.

ცაზე პურს არვინ თხოულობს,
კრემლსაც არავინ ღვრის.
პოლა, ამაღლი სამოთხის
ღიად ქვეყნამდე ღვთის
და მიწიერი ცოდვა რამ
მზით მოიშორე, მზით.
იქ ყველა ღიმილ შეგხვდება,
ღიმილ ჩაგიკრავს თვალს,—
არც ერთი ძალი ზეცაზე
არ გეღავება ძვალს.

უნდერხლიდელი ეინარ იოჰნსონი.

თ ა ვ ი ო ც ლ ა მ ი ო თ ხ ა

ხინვის ალი

ბიარტური მხოლოდ მეორე დღეს დაბრუნდა ზაფხულის საგანეში. ძალდა უკან მოჰყვებოდა, თითქოს სიხარულით ელოდა რაღაცას. კარგია შინ დაბრუნება. დროდადრო ტიტლა წინ გადაუბრუნებდა ბიარტურს, შემობრუნდებოდა, ღრმად ნდობით შეხედავდა და მერე ისევ უკან მოექცეოდა პატრონს, ისე ეთაყვანებოდა, რომ მის წინ წასვლას ვერ ბედავდა. რასაც ძალი ეძებს, ადამიანში პოულობს. ბიარტური წინ წახრილიყო, ქარი სახეში სცემდა, ბლესი სადავით მიჰყავდა, დროდადრო თავის ძალს თვალს შეავლებდა, რწყილებისა და ჯიისგან განაწამებ ამ საცოდავ ქმნილებას, მისი ყავისფერი თვალებიდან ხომ თვით ერთგულება იყურება, ერთგულება, რომელსაც ქვეყნად ვერაფერი შეარყევს. უბედურება, სახელის შელახვა, სინდისის ქენჯნა, რაც უნდა დატყდომოდა თავს ბიარტურს, რწმენის ამ ცეცხლს ვერ ჩაუქრობდა პატარა საცოდავ ძალს, რომლის თვალშიც ბიარტური მუდამ იქნება ყველაზე დიდი, ყველაზე კარგი, შეუღარებელი. რასაც ადამიანი ადამიანში ეძებს, ძალის თვალეში პოულობს.

დალახვროს ეშმაკმა, რა მოუვიდა დღეს, რატომ უჭირს ასე ბლესის ტარება სადავით. ცხენს ზურგზე ხომ ცოცხალი ადამიანი უზის?

ცოცხალი ადამიანი? ვინ?

ეს გახლავთ ურდარსელები მოხუცი, შალში გახვეული, გვერდულად ზის ცხენზე. ქალების ბარგი-ბარხანა უნაგირზეა დამაგრებული. ფინა უკან მოს-

დევთ, ცხენის ნაკვალევს მოჰყვება, ყინვისგან მთლად გალურჯებია სახე, კაბის კალთა აუწყევია და უღაზათოდ მიაბოტებს.

ხმას არავინ იღებს. პატარა პროცესია მიჰყვება თავის გზას ზაფხულის სავანისკენ: ხალხი და პირუტყვები, სულ ხუთი სული. მეწამული მზე, ჩრდილოეთის ზამთრის ამ დილას, ასე ძლიერ რომ ჰგავს საღამოს, ბორცვიდან ბორცვზე სხლტება. უთუოდ შუადღემ მოატანა უკვე. მზის სხივებს ოქროსფრად დაუფერავს თოვლის სქელ საფარველში გახვეული უშენი და ისე აუბრღღეიალებია იქაურობა, თითქოს ცეცხლის ზღვა რიალებს ირგვლივო. კაშკაშებს, ღაღადებს ოქროს დიდებული კოცონი, მისი მოლივლივ ალი, მოციალე კვამლი თოვლიან უსასრულობას მოსდებია, აღმოსავლეთიდან დასავლეთამდე. მგზავრები თავის გზას მიჰყვებიან ამ ოქროსფერ ყინულის ალში, რომელსაც მარტოოდენ უძველესი ბალადების ჯადოსნური მომზიბლაობა თუ შეედრება.

ხუტორში დარჩენილი ქალები ახალმოსულებს მღუმარე თავაზიანობით შეხვდნენ და მაშინვე მოსთხოვეს ბიარტურს რძე, რომელიც მას პირობისამებრ უნდა ჩამოეტანა. ქალები იძულებული გამხდარიყვნენ წყალზე მოხარული ფაფა მიეცათ ჩვილისთვის საწოვართი. ახალმოსულთათვის ყავა რომ აადუღეს, ქალებმა გადაწყვიტეს, ჩვენ ჩვენი ვალი მოვიხადეთო და თავისი ბარგის შეკვრა იწყეს. ბიარტურმა შესთავაზა მათ, გამოგყვებით, უღელტეხილს მიანიც გადაგატარებთო, მაგრამ ქალებმა უარი უთხრეს, გულგრილი თავაზიანობით გამოემშვიდობნენ ყველას და წავიდნენ. ბავშვი უკვე კალთაში ეწვა ფინას, თავის ცხოვრებაში პირველად აქმევდა ჩვილს, დედაბერი კი ხმაურით დაუტრიალდა ოჯახის საქმეს.

ბიარტურმა ცხვარს თივა დაუყარა და მიუხედავად იმისა, რომ ჯერ ძალიან ადრე იყო, მინც დაწვა, ისე იყო ილაჯგაწყვეტილი. როზასთან გატარებული იმ უკანასკნელი ღამის შემდეგ, გუდღობრაუს საძებრად რომ წავიდა, ხომ არ დაუსვენია. უხაროდა, რომ წასვლისას ცოლს გამოემშვიდობა. დიახ. ბიარტურს საოცარი ფათერაკები გადახდა და ახლალა იგრძნო, რომ ყველაფერი წარსულს ჩაბარდა. მას შემდეგ, რაც შინიდან წავიდა, მშვიდად არ დაუძინია. დაბაში ყოფნისას, ღამით ჩასთვლემდა თუ არა; მოეჩვენებოდა, რომ თოვლი ეყრება, აი უკვე საამურად დაუარა რაღაცამ, ფეხები შეუბოჭა, ზევით მოიწევს, ამოჰყვა წვიმებს, მუცლამდე მოაღწია და შიშით დაზაფრული წამოხტებოდა იმ რწმენით, რომ თუ დაიძინებდა, ნამქერში გაიყინებოდა. ღამით უცებ გამოეღვიძებოდა. პირზე ჯერ კიდევ ედგა რომელიმე უხამსი სიმღერის ან კუბლეტების სიტყვები. ეს უხამსი სიმღერები მამასახლისის ან ვაჭრის გასამასხრებლად იყო შეთხზული. მზად იყო წამოსახტომად, რომ ხელების ქნევა დაეწყო გასათობად.

იმ საღამოს კი, როგორც იქნა, დაშოშმინდა, იცოდა, საფრთხე აღარ ელოდა. ლამაზა ჩააქრეს საწვევის დასაზოგად, მხოლოდ თაროზე, მოხუცის საწოლს ზევით ბეუტავდა ქრაქი. დედა-შვილი დიდხანს ისხდნენ ერთად და ხმადაბლა საუბრობდნენ. ქვემოთ ცხერის ბლავილი ისმოდა, ბლესი ტოკავდა, ფეხს ინაცვლებდა თავის ვიწრო თავლაში, ბაგაში თავჩაყოფილი ფრუტუნებდა. ძაღლი ჭურასთან იწვა. დროდადრო წამოდგებოდა ტანის მოსაფხანად და მაშინ უკანა ფეხებს კედელს უფხაჭუნებდა, ერთს დაამთქნარებდა, ბორბალივით დაეხვეოდა და ისევ იძინებდა. ისმოდა ბავშვის ნელი ფშვინვა, ხან დაიკრუსუნებდა. თოქოს ტირილს აპირებდსო. მაგრამ მერე ისევ იძინებდა.

ქალებმა ჩურჩული შეწყვიტეს, ფინა საწოლთან მივიდა და ტანთ გაიხადა. ბიარტურს ესმოდა, როგორ გაიხსნა საკინძე, გაიხადა ქვედატანი, მეორე ქვედატანი უფრო ვიწრო იყო და გაჭირვებით გადაიძრო თავიდან, შემდეგ ბავშვს მიუწვა გვერდით და საპნის ქვეშ კიდევ რაღაც გაიხადა. ბიარტურს ესმოდა, როგორ გაიხსნა ქალმა ლილები, საპნის ქვეშ ტანი მოიფხანა და დაამთქნარა.

მოხუცი კიდევ დიდხანს იჯდა საწოლზე, ქრაქის მბეუტავ შუქზე, ნიდაყვებით მუხლს დაყრდნობილიყო და საჩვენებელი თითი უკბილო პირში ჩაეყო, თან საძრომს გასცქეროდა. რაღაცას ბუტბუტებდა, წამოდგა. ორჯერ მივიდა კიბის თავთან. მეორედ რომ მივიდა, შედგა იქ, ერთ ხანს ირწეოდა წინ და უკან, მერე ქვემოთ ჩაიხედა და წაიდუღუნა:

მაცდურო მელაე, მომწყდი თავიდან,
წადი, იარე შენთვის,
ეს კარი ქრისტეს კარია,
ამ კარს გააღებს ღმერთი.
ეშმაყო, გასწი, მომწყდი თავიდან,
წადი, იარე შენთვის,

ეს კარი მამა ღმერთის კარია.
ამ კარს გააღებს ღმერთი.
ჟუი ქაქსა და სატანას,
ღუი სატანას ერთობ,
მშვიდობის დამე დამდგარა.
სახლში შემოდი, დ მ ე რ თ ო...

ეს ძველი ლოცვა რომ ჩამოათავა მოხუცმა, პირჯვარი გადაისახა და ჩაილაპარაკა:

— უფალს მივანდოთ თავი ჩვენნი! დამე ნებისა!
დახურა საძვრომის კარი, დაწვა.
და ყველამ დაიძინა.

ლაუგარვატნი—ბარსელონა,
1933 წლის ზაფხული.
(1929 წ. მონახაზების მიხედვით)

მეორე ნაწილი

თავი ოცდამეხუთე

ჯამთრის დილა

ნელა, ძალზე ნელა თენდება ჩრდილოეთში.

იმ წამიდან, თვლების ჭუტეას რომ მოჰყვა. ვიდრე დამძიმებულ ქუთუთოებს ასწევდა, უსასრულოდ გრძელმა დილამ გაიარა, მარტოოდენ საათი საათს კი არ მისდევდა, საუკუნე—საუკუნეს, სამყარო—სამყაროს, როგორც უსინათლოს ზმანებებში; ერთი სინამდვილე მეორეს ენაცვლება და უცებ ყველაფერი ქრება: გათენდა. აი, რა გრძელი მანძილია ჯამთრის დილასა და დღეს შორის. დილა უსასრულოდ ჭიანჭურდება. პირველი მქრქალი სხივი ჰორიზონტზე და ფანჯარაში შემოჭრილი შუქი დღისა—თითქოს ორი სხვადასხვა საწყისია, სხვადასხვა სათავე. და თუ ასე გრძელია დილა, როდისღა მოსაღამოვდება? დღის საფეხურები — დილა. შუადღე, დღის მიწურული — სადღაც წინაა, შორს, როგორც ქვეყნები, რომელთა ხილვაც გვეწადია და ვოცნებობთ იქ გამგზავრებაზე, როცა გავიზრდებით. საღამო ისევე შორსაა, როგორც სიკვდილი, რომლის შესახებაც გუშინ უამბეს უმეტროს ბიჭს. სიკვდილი. დედას რომ შვილებს სტაცებს და შემდეგ მათ მამასახლისის ბაღში მარხავენ: სიკვდილი იქით მიაქროლებს ყველას, საიდანაც აღარავინ ბრუნდება, როგორც ბებიას ზღაპრებშია, და ეს სიკვდილი შენც გეწვევა, როცა მოხუცდები. კვლავ ბაღლად იქცევი.

— მაშასადამე, მხოლოდ პატარა ბავშვები კვდებიან?

რატომ ჰკითხა ასე?

იმიტომ, რომ გუშინ მამამისი დაბაში ჩავიდა. ყუთში ჩადო თავისი გარდაცვლილი ბავშვი და ზურგზე წამოკიდებული წაიღო. პასტორმა და მამასახლისმა კი დამარხეს. პასტორმა ბრძანა, მამასახლისის ბაღში გაეთხარათ საფლავი და ფსალმუნიც იგალობა.

— როდისმე ისევ პატარა გავხდები?—ჰკითხა შვიდი წლის ბიჭუნამ დედას.

დედა თავის ბიჭუნას საოცარ სიმღერებს უმღეროდა, უამბობდა უცხო ქვეყნების ამბებს. ახლა კი დედა ავად იყო და მისუსტებული ხმით მიუგო შვილს:

— ადამიანი რომ ბერდება, შვილო, პატარა ბავშვივით ხდება.

— და მერე კვდება? — იკითხა ბიჭმა.

ბიჭუნას მკერდში თითქოს სიმი ჩაუწყვდა, ბავშვობის ერთ-ერთი წმინდა სიმი, რომელიც მანამდე წყდება, ვიდრე მიხვდება, რომ მას უღერა შეუძლია. და ეს სიმები უკვე აღარ უღერს, რჩება მხოლოდ მოგონება შორეულ წარსულზე, როცა სიმები ჭერ კიდევ მთელია.

— ყველა მოვკვდებით.

ცოტა ხნის შემდეგ ბიჭი იმავე საგანს დაუბრუნდა, ახლა ბებუას გამოელაპარაკა:

— მე ერთი ისეთი ვიღაც ვიცი, რომელიც არასოდეს არ მოკვდება.

— ოჰო, მართლა, აი შე ჩურჩუტო, შენა, — მიუგო ბებუამ და ოდნავ შებრუნდა, ასე აკეთებდა მუდამ, როცა ვინმეს ელაპარაკებოდა, — ნეტა ვინ არის?

— მანა, — ცოტა ყოყმანით უპასუხა ბიჭმა და გაოცებით შეაცეცა თვალი ბებუას.

— არა. ისიც მოკვდება. — თქვა მოხუცმა გულღრმოდ, თითქოს ნიშნის მოგებით, თან დაისრუტუნა.

მაგრამ ბიჭი ვერ დაშვიდდა, ისევ ჰკითხა ბებუას:

— ბები, ჩამჩაც მოკვდება?

— ჰო, — ბრაზით მიახალა მოხუცმა, რადგან ეგონა, რომ ბიჭი ამასხარავებდა.

— ბები, შავი ქვაბიც?

— რაც მკვდარია, იმას რაღა მოკლავს, ჩემო ბიჭუნი, — უპასუხა მოხუცმა.

— არა, ისინი მკვდრები არ არიან, — შეესიტყვა ბიჭი, — დილდილობით როცა ვიღვიძებ, ლაპარაკობენ ნოლმე.

ბიჭმა უცებ წამოაყრანტალა თავისი საიღუმლო, რაც აქამდის არავისთვის გაუმხელია. დილაადრიანად, როცა ყველა გულის ძილშია, ქვაბები და ტაფები ადამიანის სახეს იღებს. ის ხომ ყველაზე ადრე იღვიძებს და ესმის, როგორ ლაპარაკობენ ერთმანეთში — ღრმავარდნად, მედიდური სახით, როგორც შეჭფერის სამზარეულოს ჭურჭელს. მაგრამ პირველ რიგში ჩამჩა შემთხვევით როდი ახსენა, ეს ფრიად ღირსშესანიშნავი ნივთია, იშვიათად ხმარობენ, როცა ხორციან წვეს აკეთებენ. ხშირად უქმად ჰკიდია კედელზე გაფხეკილ-გაქრიალებული, მაგრამ როცა ჩამოხსნიან, მნიშვნელოვანი როლი ეკისრება, ამიტომაც ბიჭი პატივს სცემდა ჩამჩას, მისი შედარება მარტოოდენ მამასახლისის

ცოლთან თუ შეეძლო. შავი ქოთანს კი სხვა ვინ იქნება, თუ არა მამასახლისი. მამასახლისის პირი ერთთავად გამოტენილი აქვს საღეჭი თამბაქოთი, ქოთანს ერთთავად სავსეა ფაფით, ხან ძირზეც მიიწვავს ხოლმე, გარედან კი ჭვარტლსა და მურს დაუფარავს; მასში მუდამ რაღაც დღუს, თუხსთუხებს, ალბათ კუჭში ცეცხლი უნთია, და ცოლი იმისთვის სჭირდება, რომ მოურიოს, თორემ გადმოვა მაშინ ნაპირებიდან, რაც შიგ არის. თუმცა, განა მარტო ქოთანი და ჩამჩა? სხვა ნივთებიც სიბნელეში წარჩინებულ ან მდაბიო ადამიანებად იქცევა ხოლმე: მაგალითად, დანები: ისინი მრისხანე გლეხებად გადაიქცევიან, ბიჭს ძალიან ეშინია ამ გლეხებისა; ფინჯნები—ფუნთუშა გოგონებად, ვარდებით მოხატული წინსაფრები რომ უკეთიათ. ეს ფინჯნები ისე აცბუნებდა ბიჭს, დღისითაც, ჭამის დროსაც, ცდილობდა ხელი არ მიეკარებინა ქალბატონებისთვის, თვალსაც კი არ იღებდა, ვაითუ მიხვდნენ, რომ მათი თავგადასავალი ვიცო. ღამით ფინჯნები თავმოძვონე, მედიდური ქალიშვილები იყვნენ, დღისით უსუფთაოები, საცოდავები, სწორედ იმ სუფელ სტუმრებს ჰვადნენ, რომ დასხდებიან ხოლმე, ქშინავენ და განძრევისა ეშინიათ. ბიჭმა კარგად იცოდა მათი ღამის ცხოვრება და ეცოდებოდა, რომ დღისით ასე უდრტვინველად იტანდნენ ყველაფერს.

ერთი ნივთი კი, ყველაზე ძვირფასი. დღისითაც და ღამითაც ერთნაირად მომზიბლავი, თავისი მშვენიერებით რომ ჩრდილავდა ყველას, მის გვერდით სხვა ნივთები უფარგის ხარახურას ჰვადდა, საგულდაგულოდ იყო შენახული სკივრის ძირში და ბავშვები მხოლოდ მაშინ ხედავდნენ მას, როცა საპატიო სტუმარი ეწვეოდათ ოჯახში, შობა ან სამება დღეს. მაგრამ ბავშვებს ამ ნივთზე ხელის მიკარების ნებას არ აძლევდნენ, ისე უფრთხილდებოდნენ. ეს გახლდათ ღვეზელის დასაწყობი დიდი ლანგარი, უტირედსმირელი მამასახლისის ცოლმა რომ აჩუქა დედას, ყველაზე ღამაში ლანგარი მთელს ქვეყანაზე. ლანგარზე საუცხოო სახლი იყო დახატული, აყვავებულ ბუჩქნარში ჩამალულ კოპწია სახლისკენ სწორი სუფთა ბილიკი მიდიოდა, ორვე მხარეს მწვანედ მოღაღანე ბალახი და ბუჩქნარი ვასდევდა გზას. ეს ვინ დგას ბილიკზე ლურჯ კაბაში გამოწყობილი, თეთრი ქუდით, ხელში რომ ყვავილები უჭირავს და სულში კი მზე ჩადგომია? ბიჭმა კარგად იცოდა, ვინც იყო, მაგრამ არავის უმხელდა გულის ნადებს. ეს ოდური გახლდათ, მამასახლისის ქალიშვილი, ყოველ შემოდგომაზე სამხრეთში რომ მიემგზავრება, გაზაფხულზე კი უკან ბრუნდება, როგორც ჩიტი. ბუჩქებს უკან მღვარი კოპწია სახლი, ეს ოდურის სახლია, იქ, შორეულ ქვეყანაში. და ოდესმე ნონიც დიდი გახდება, აბა, სულ პატარა ბიჭი ხომ არ იქნება, ახლა ბეზიას რომ უწევს ლოგინში.

ერთ ხანს ბიჭი მღუშარედ ზის საწოლის კიდებზე და თავისი ხამლის საფენსა ჰქსოვს, მაგრამ მოთმინება მალე ელევას:

— მე ვიცი. არსებობს ერთი ისეთი რამ, — თქვა ბიჭმა, საქსოვი ძირს და-
უშვა და ბებიას მიანჩერდა, — რაც არასოდეს, არასოდეს არ მოკვდება.

— საინტერესოა. რა არის ასეთი?

— არასოდეს არ მოკვდება. — მიუგო ბიჭმა.

— მაინც. რა არის. ჩემო საყვარელო ბიჭუნო?

— არა, არასდღებით არ გეტყვი.

ბიჭმა ორჯერ გადაიხვია მარცხენა ხელის საჩვენებელ თითზე ძაფი და თვალი ამოიყვანა. ნეტა კიდევ არ წამოცდეს თავისი საიდუმლო. არის ერთი რა-
ღაც. რაც სიკვდილ-სიცოცხლეზე, ღამის თავისუფლებასა და დღის დამცირება-
ზე მაღლა დგას, მაგრამ ძე-ხორციელი ვერ მიხვდება ამას. ეს ძვირფასი ლან-
გრის საიდუმლოება გახლავთ. არასოდეს ისე მწვავედ არ განიცდის ადამიანი
იმედის გაცრუებას, როგორც დილით, როცა ყველას სძინავს, მას კი გაეღვიძე-
ბა. თვალს გაახელს და უშმა იგრძნობს, რაოდენ სჯობს სიზმარი სინამდვილეს.
პატარა ბიჭს ხშირად ეზმანებოდა მონეტები, ოცდახუთი ერე, კრონი. ორი
კრონიც კი, და ყველა ეს უცებ ქრებოდა, თვალის გახელის უშმა. ხშირად
სიზმარში დიდი კოვზით უჭამია გემრიელი მსუყე წვენი, ხორცის მსუქანი ნა-
ჭერი. ისეთი მსუქანი, რომ თითებზე წურწურით ჩამოსდიოდა ქონი. იმ დიდი
ლანგაროდან გადმოიღებდა საშობაო ღვეზელის ვეება ნაჭერს, იმსისქეს, რომ
ადამიანის თვალის სიმსხო ქიშმიშებს აცლიდა. აი რა დიდ ბედნიერებას ანიჭებს
ადამიანს სიზმარი. ბიჭი ამაოდ ცდილობდა ხელახლა დაძინებას. გულით უნ-
დოდა დასიზმრებოდა კვლავ შესანიშნავი ნივთები ან ფული, ვერცხლის მონე-
ტები, ზუსტად ისეთი. როგორსაც მამა უხდიდა მამასახლისის ხუტორის ვალის
ანგარიშში. სიზმრად ნანახი ფულით ბიჭს ქიშმიშის ყიდვა უნდოდა, უნდოდა
ეყიდა ნამცხვარი, დანა ან თოკი.

გალვიძებისას საშინლად შიოდა, ოცნებობდა სიზმრად ნანახ საკმელებზე.
როგორც ძაღლი ძვალზე, მაგრამ მამამ სასტიკად აუჯრძალა, ვისიმე გალვიძება
და პურის თხოვნა დილაადრიანად. დაემუქრა კიდევ, ხელ-ფეხს შეგიკრავ და
ფარეხში დაგაგდებ პასტორ გულდმუნდურის ცხვრებთანო. ერთი მათგანი ღამი-
თაც კი არ ისვენებდა, სულ ირქინებოდა. უჰ! ამის გაფიქრებაც კი ზარავს, ნონის
არავისი ისე არ ეშინია. როგორც „პასტორ გულდმუნდურის“. ეს ცხვარი ხალხს
ვერ იტანდა, ღამეც კი არ ასვენებდა ნონის, მის ძილში შემოიჭრებოდა ხოლმე,
სიზმრად ეცხადებოდა. ბიჭი გაუბოლოდა ერთი სიზმრიდან მეორეში, სიკვდილი-
ვით ეშინოდა ამ ურჩხულისა... მართალია, მამას ძალიან ეამაყებოდა ეს ცხვარი.
ნონის კი რაღაც არაბუნებრივ სიმახინჯედ ეჩვენებოდა ისევე, როგორც არაბუ-
ნებრივად გემრიელი იყო ის ხორციანი წვენი და ღვეზელი. თურმე სიზმარშიც
კი შეიძლება ადამიანს საფრთხე რამ ემუქრებოდეს.

და ნონი შიმშილის მოსაკლავად ყურს მიუგდებდა ხოლმე ქვაბებისა და ტაფების ჩურჩულს, მათს ჩვეულებრივ საუბარს ღამღამობით კარდასა და თაროებზე. რაზე ყბედობდნენ ისინი? პატარა ბიჭისთვის არც ისე იოლი იყო უფროსების საუბრისთვის გულისყურის მიყოლება. ისინი ბჭობდნენ სამრევლო საქმეებზე, ყოველი მათგანი ცდილობდა სიტყვა ჩაერთო, სხვების ყურადღება მიექცია. ისინი ემღუროდნენ ღატაკებს, მრევლის სარჩენი რომ გამხდარიყვნენ, იმ დაუძლურებულ ბერიაკებს, რომლებიც მძიმე ტვირთად დააწვენენ ყველას. ჩიოდნენ ყმაწვილი ქალების თავქარიანობაზე, საერთოდ, ახალგაზრდობის ღტოლვაზე ქალაქისკენ, მძიმე დროებასა და ხორბლის სიძვირეზე, ჭიის ახალ სახეობაზე, ასე რომ მოედო ცხვარს. ჩამჩის აზრით, საქმე სულ სხვაგვარად წარიმართებოდა, სიმღერისა და მუსიკისთვის რომ მეტი ყურადღება მიექციათ. საოცარია, როგორ ჰგავდა ამ გამ-ქურჭლის, ქვაბებისა და ტაფების ლაპარაკი მოზრდილი ადამიანების ლაპარაკს. მათი აზრის ძალას იმდენად როდი მოჰყავდა ნონი ალტაკებაში, რამდენადაც გამოცდილებას, ცოდნას. ენამახვილობას. ყოველი შორეული კუთხის სახელწოდება იცოდნენ, ჰყვებოდნენ სად, რომელ კუთხეში გადაიხადეს ქორწილი, ამბობდნენ ოსტატურად შეთხზულ ლექსებს, შიგადაშიგ კაი მაგარ გინებასაც გაურეცდნენ, ჰყვებოდნენ ქალაქის ახალ ამბებს. ხანდახან წაყინკლავდებოდნენ კიდევ, სულ უბრალო რამეზე. ერთი მათგანი იტყოდა, საყდარში ფისპარმონია უშნოდ ხრიალებსო, ან ვიკელ ვაჭართან სჯობია საქმის დაჭერა, ვიდრე ფიორდელ ვაჭართანო, ზოგს უკანონო შეილები ჰყავდა, ზოგს კიდევ არაფერი სწამდა ნაციონალური დამოუკიდებლობის. მათ შორის ისეთებიც ერივნენ, რომელთა აზრით, ქოთანი მარტო იმისთვის ვარგოდა, რომ ცხენის ჩონჩორიკით აეცსო. ზოგი ამბობდა, ლექსი—აი, ასე უნდა იწერებოდესო:

ღვთის წყალობა დიდია,
ო, უმისოდ რა ხარობს,
განა არ გავიკეთო,
„ქრისტე იხსნის სამყაროს!“

ზოგს კი ასეთი ლექსი მოსწონდა:

სირი რომსი პომსი პრამს
პარი მიმსი ფირი
კირი სიმსი რომსი რამს
რირი დამსი ნირი.

ღმერთო ძლიერო, აღარ გათენდება?

ბიჭი ნელა წამოსწევდა თავს, რომ წყვილიაღში მიმაღულ მოჩვენებას არ მოეკრა მისთვის თვალი.

რაც უფრო ახლოვდებოდა გარიჟრაჟი, მით უფრო ცხადად ჩანდა, რომ ჯამ-ქურტკელს ელეოდა სიბრძნის მარაგი, მხოლოდ ღამის განმავლობაში რომ ჰყოფნიდა. როგორც კი მიჩუმდებოდნენ, ბიჭის სმენას ახლა სულ სხვა ხმები მისწვდებოდა; ქვემოთ იღვიძებდნენ ცხერები, ცოტას წაიბღავლებდნენ, ძილის მერე ტანს შეიმსუბუქებდნენ, ზოგიც უკანა ჩლიქებზე დგებოდა და რქებით ბაგას ეჯახებოდა, აწყდებოდნენ ერთიმეორეს. როგორც კი ბიჭი მათ ხმას გაიგონებდა, მის გულში იმედი იღვიძებდა.

მაგრამ მოახლოებული განთიადის ამ სხვადასხვანაირ ნიშნებში ყველაზე უტყუარი და სარწმუნო მამის ხვრინვა იყო.

რიჟრაჟზე, როცა ბიჭი იღვიძებდა, მამა ხვრინავდა, გაბმულ, სადღაც გულის სიღრმიდან ამოსულ ბგერებს აფრქვევდა, ეს ბგერები დილის კი არა, ღამისა იყო, მათ არავითარი დამოკიდებულება არა ჰქონდათ იმ სამყაროსთან, რომელშიც ჩვენ ვცხოვრობთ და ვფიხილობთ; ეს იყო უცხო მხარეში მოგზაურობა; მოგზაურობა უსასრულო სივრცეში, განუსაზღვრელ დროში, უცნაურ არსებათა შორის. დიახ, რაშები, რომელთაც მიაქროლებდნენ მხედრები ამ ლაშქრობისას, არაფრით არ ჰგავდნენ ჩვენი სამყაროს ცხენებს და მთელი ცხოვრება ამ ღამის სამყაროში სრულიად არ ჰგავდა ჩვეულებრივ ცხოვრებას.

რაც უფრო ახლოვდებოდა დილა, მამის ხვრინვა თანდათან ჰკარგავდა უღერადობას, მკერდისმიერი მკლერი ნოტები ყრუვდებოდა, ყელისკენ მოიწვევდა, ყელიდან პირსა და ცხვირში გადმოინაცვლებდა, იქიდან ტუჩებზე გადასკუბდებოდა სტვენით ან მოუსვენარო ქშუტუნით — მიზანი ახლოსაა, რაშები სიხარულით ტორავენ მიწას, რომ საღსალამათებმა გამოადწიეს უსასრულობის ყრულ მოგუგუნე სივრციდან. და აი უკვე გადაიშალა მშობლიური სივრცენი.

ოჯახის სხვა წევრები სულ სხვაგვარად სუნთქავდნენ. მათ სუნთქვას როდი ჰქონდა ის ძალა, დიდებულება, როგორც მამის ხვრინვას, არც დროის სრბოლვა იგრძნობოდა. მაგალითად, როგორ სუნთქავდა ბებია? მის სუნთქვას ყურს რომ უგდებ, განა შეგიძლია წარმოიდგინო, რომ შენს გვერდით ცოცხალ არსებას სძინავს? არა, ბებია ისე ნელა სუნთქავს, ისე იშვიათად ინძრევა, რომ უნიბლიეთ გაიფიქრებ, იქნებ აღარც სუნთქავს? მაგრამ როცა ნონი ბებიისკენ დაიხრება და მიაყურადებს, სიცოცხლის რაღაც ნიშანწყალს ატყაობს, დროდადრო მის ტუჩებს ნელი ფშვინვა სწყდება. რამდენიმე საათი მკვდარივით დევს, მერე კი სადღაც მიმაღულ-მიყუჩებულ სიცოცხლე ზევით მოიწევს, იმ პატარა ბუშტების მსგავსად, დროდადრო რომ ამოცურდებიან ხოლმე გუბის ფსკე-

რიდან — ეს სიოცხლე შედარდება უცნაურ ბუტბუტში, ბუზღუნში, ჩურჩულში, გაუგებარი და საშინელი ფსალმუნების დღდუნში—ეს სულ სხვა სამყაროს მაცნეა. ბებიას ხომ, როგორც ყველას, საკუთარი, იღუმალი სამყარო აქვს—ლოცვის სამყარო, სამყარო ჰიმნების, იმ გრძელი, დამქანცველი ლექსების, ასე რომ სძაგს მამას, უღძობელი და მოწყალე ღმერთის სამყარო, მრავლის ამტანი მამისა და მრისხანე მსაჯულის, ჯოჯოხეთის საშინელებებით რომ სჯის ყველა ცოდვილს. ამ სამყაროზე ბებია არავის ელაპარაკება და შეკითხვაზე პასუხის ნაცვლად, ახალ, გაუგებარ ლოცვებს ბუტბუტებს. მიუხედავად იმისა, რომ ბებია ერთთვისად ფსალმუნებს ვალობს და ბევრი რამ იცის მარადიული ცხოვრების სიხარულზე, არავის თავზე არ ახვევს თავის რწმენას. მართალია, ბებია ლოცვას ასწავლის ნონის, ძილისპირულ ლოცვას, ლოცვა ხომ მისი სამყაროს ენაა, მაგრამ ბიჭისთვის ლოცვა სინამდვილეს ისევეა დაშორებული, როგორც ის, რაც მამის ხვრინვაში ელანდება. და ეს უცხო ცხოვრება, ბებიას ჰიმნებში, მისი ტუჩებიდან შეუცნობლად მოწყვეტილ სიტყვებში რომ ეხატებოდა, ისევე ზარავდა მას, როგორც ჭაობი თავისი მღვრიე, შხამიანი წყლით, ბუსუსიანი უცნაური მცენარეებითა და წყლის ხოჭოებით.

დედ-მამის საწოლის პირდაპირ, ერთ საწოლზე სძინავს სამ უფროს ბავშვს: ჰელგი და გვენდური ერთ მხარეზე წვანან, აუსტა კი მეორე მხარეს. მძინარე ჰელგის სუნთქვა, აუსტას ტირილი და კბილების კრაქუნნი — რომელ სამყაროს ეკუთვნის ნეტა ძილის ეს ენა? უსიტყვო, მნიშვნელობას მოკლებული ენა, რომელშიც უაზრო სიაფთრის მეტი არაფერია; იგი უტრემლო და დაუკენესებელი ტირილია — ეს მხოლოდ მწვავე, მჩხვლეტავე ტყვილია, თითქოს გოგონას სხეულის გავლით ერთი სამყაროდან მეორეს მიაწვდინესო საზარელი რამ ცნობა. არც ერთი ამ სამყაროთაგანი, არც ერთი იმ ბგერათაგანი არ ემორჩილებოდა დღის კანონებს ანდა ჩვენი ჩვეულებრივი სამყაროს გრძნობებს.

სად იყო მათი დედა ზამთრის ასეთ დილას, როცა შინ არავინ რჩებოდა, ყველა შორს იყო გადახვეწილი, საკუთარ სიზმრებში და ზაფხულის სავანის პატარა ოთახში ირეოდა ჩრდილები იმ სამყაროსა, სადაც ამდენი სასწაული ხდებოდა?

სძინავს თუ თვალღია წვეს? მისი კვნესა მამის ხვრინვაში რომ იკარგებოდა, ნიშანია თუ არა იმისა, რომ დედა ფხიზლობს, თუ ძილშიაც არ შეხებია თავდავიწყების მკურნავე ხელი? რა სანატრელიც არ უნდა ყოფილიყო დღის შუქი ნონისთვის, როცა ის მარტო იწვა, გარშემორტყმული უცხო და ცივი სამყაროებით, რომელთაც წარმოდგენაც არა ჰქონდა მის არსებობაზე, უფრო მეტად ენატრებოდა და სწყუროდა დედის ალერსი.

ერთხელ ღამით. ვანთიადი ჯერ კიდევ შორს იყო, ხოლო ბიჭი კიდევ უფ-

რო შორს, ძილის საკუთარ სამყაროში, როცა შუალამის მთენთავმა, მაგრამ მაინც ტკბილმა რელმა თანდათან უფრო მაგრა შებოჭა, თუმც ბიჭი ვერ ეძლეოდა ამ ნეტარებას, რადგან ვილაც ეძახდა. ვინ ეძახის ნეტა? თავდაპირველად სადღაც შორიდან მოისმოდა ეს ძახილი, ბიჭს ყურადღებაც არ მიუქცევია; ეჩვენებოდა, თითქოს ეს იყო უცხო ქვეყნიდან მოტანილი ცნობა, მაგრამ ეს ხმა თანდათან ახლოვდებოდა, თითქოს ვილაც კენესოდა, ახლოს, სულ უფრო ახლოს, თითქოს დაბაში გაისმოდა ეს ხმა, მაგრამ იქ როდი გაჩერდა, აქეთ მოიწევდა, ახლოვდებოდა და აი ახლა უკვე მის ოთახში ისმის... ეს დედის საწოლიდან ისმის კვნესა. ნონიმ გაიღვიძა, იგი ბებიას ლოგინში იწევა, ოთახში საცოდავად ბუტბავდა წვრილი სანთელი, ბებია დახრილია დედის საწოლთან, რაღაცას აკეთებს. ფუსფუსებს, საწოლზე მამა ჩამომჯდარა, დედას ხელი უჭირავს, მოპირდაპირე საწოლზე ბავშვებს საბანი თავს წაუფარებიათ, მაგრამ დროდადრო გამოიხედავენ შიშით გაფართოებული თვალებით, თითქოს ზარავთ ერთმანეთის შეხედვა და თავს იმძინარებენ. დედა ძალიან ცუდად არის, კვნესის თანდათან უფრო ხმამაღლა, უფრო შესაბრალისად, ყვირის უკვე, ტირის... ეს არის მთელი სამყაროს ტანჯვა. ბიჭს წამოდგომა უნდა, უნდა იკითხოს, რა მოხდაო, მაგრამ ვერ ბედავს, საბნის ქვეშ იკუნტება. ბებია უკვე ქურასთან ტრიალებს, ცეცხლის გაჩაღებას ცდილობს — ეს ბებიას საუკუნობრივი ბრძოლა ცეცხლთან: მრავალი საუკუნის მანძილზე ბებია იტანჯება, ცდილობს ცეცხლის გაჩაღებას წყლის გასაცხელებლად. გადის ხანი, ბიჭს ისევ ძილი ერევა, ბებნის და შამის ჩურჩული იხშობა, წყდება, კვლავ შორს, სხვა მხარეში გაისმის მათი ხმა, მამა ბრაგუნით ჩარბის კიბეზე. სად არის? რედსმირის საყდარშია, თუ იქნებ, უფრო შორეულ საყდარში? არა, შინ არის, აი სამცხრომის კარი დახურა და წავიდა.

როგორც კი მამამ კარი დახურა, დედა უფრო შესაბრალისად ატირდა და ბიჭს თითქოს ვილაცამ ცივი, ბრკვალეზიანი თათი ისევ ჩასჭიდა გულში, როგორ ხდება, რომ ისინი, ვინც შენთვის ქვეყნად ყველაზე ძვირფასია, ასე იტანჯებიან, შენ კი ვერაფრით შევლი?

უცებ ბიჭს თავში გაუელევა, რომ დედის ასეთი აუტანელი ტანჯვის მიზეზი მამაა, ის ხომ დედის მბრძანებელია. უთუოდ სინდისი არა აქვს სუფთა, რაკი ასეთ ყურადღებას იჩენს ახლა, დედის ხელიც კი უჭირავს, ეს ხომ წინათ მამას არასოდეს გაუკეთებია. ერთი უყურეთ, დაბაშიაც გარბის ამ შუალამისას.

მერყევი და დაუნდობელია მოყვარული გული და მიანც მხოლოდ ასეთ გულში კპოვებ თანაგრძნობას. მაგრამ ძილი მოყვარული გულის ყველაზე კეთილშობილურ გრძნობებზე ძლიერია. როცა დედის ტანჯვამ უკიდურესო-

ბას მიაღწია, შუქი გაბუნდა, ნელ-ნელა მინელდა წყლის ჩუხჩუხი, ფიჩხის ტრკციალი, ბებუის ბებრული ჩიფჩიფი, ლოცვა-დუდუნე. ბრკყალეზიანი თათი აღარ უჩიჯგნის გულს.—იწყება სიზმრები, ოღონდ საზარელი და მტანჯველი კი არა, ალერსიანი, ვით ელფების ცხოვრება, და აი, კვლავ შებოჭა შუალამის ნეტარმა სიმძიმემ, მისი ცნობიერება ნელ-ნელა ჩაეშვა სიზმრის უფსკრულში, თავდავიწყებაში ჩაიძირა.

გუშინ მამამ ჩვილი ბავშვი დაბაში წაიღო დასამარხად.

დედა? გამსიარულდა თუ არა? შეურიგდა თუ არა თავისი შვილების მსგავსად, ზამთრის დღეების უღიმღამო ერთფეროვნებას? თუ გულში იხშობს კენესას, იცის, რომ ვერავინ შეიწყალებს, რომ ადამიანის გული ამოდ არ უნდა ელოდეს თანაგრძნობას? ბავშვებს ხან შოში იპყრობდა, ხან მშვიდდებოდნენ, დედის ტანჯვას კი ბოლო არ უჩანდა. ბიჭს ეჩვენებოდა, რომ გაღვიძებას არავინ აპირებს. რა მოუვიდათ დღეს, რამდენი ხანი გამოაცხვეს ძილი? აი, ცხვრები უკვე ამოდრავდნენ, წამოხტნენ, ესმის როგორ რქენენ ერთმანეთს. მამასაც ეტყობა ხვრინვაზე, რომ მალე გაიღვიძებს. ჯამ-ჭურჭელმაც იგრძნო ალიონის შოახლოება და მიუყრდა. პატარა სარკმელი, საიდანაც უკვე შემოიჭრა მკრთალი მოლურჯო შუქი, თითქოს ზამთრის დღის სარკმელია და ნელა, ძალზე ნელა იღება. ნუთუ ამ ხალხს გაღვიძებისა ეშინია? ბიჭმა ნელა დააკაჟუნა კედელზე. მიუხედავად იმისა, რომ ხმაური სასტიკად აკრძალული ჰქონდა. მამა დასჯითაც კი ემუქრებოდა, ხანდახან მაინც ბედავდა ხმაურს, როცა დილა ძალზე გაჰიანურდებოდა. კაკუნმა რიმ არ გასჭრა. წრუწუნე დაიწყო, თავგვივით წრუწუნებდა, მერე ხმას აუწია, წკმუტუნებდა, თითქოს ძალღს კულზე ფეხი დაადგესო. ბოლოს სტეენას მოჰყვა, ჯერ ნელა, მერე მთელი ხმით, გეგონებათ, სამხრეთ-დასავლეთის ქარი შემოიჭრაო გარეთა კარიდან.

— გეყოფა ცეტობა!

ეს ბებიამ უთხრა. აჰა, მაინც მიაღწია საწადელს. ბებია აბუტბუტდა, წამოიწია და ბოლოს ლოგინიდან გამოძვრა, ისეთი ოხვრითა და ვიშით, როგორიც მუღამ თან სდევდა ამ გმირულ მოქმედებას. ჩაიცვა ხამი ტილოს კოფთა და ქვედატანი, დაუწყო ასანთს ძებნა. ეს მუღამ იმით მთავრდებოდა, რომ ასანთს პოულობდა. ქურის ზევით კედელზე დაკიდული ლამპის შუქი ირხეოდა და ამ შუქზე ბიჭი ხედავდა ბებიას. მოხუცი თავშიშველი იყო, ბიჭი შესცქეროდა მის ქარდაკრულ, ნაოჭებით დაღარულ სახეს, წაწვეტებულ ნიკაპს, გამხდარ კისერს, თხელ, ჭალარა თმას და ეშინოდა მისი. ბიჭს ეგონა, დილა მხოლოდ მაშინ დგება, როცა ბებია თავშალს მოიხვევსო.

აი, ბებიამ უკვე მოიხვია თავშალი, მისი ბებრული მოძრაობა, თვალის ცეცება ნონისთვის ახალი დღის საღამს ნიშნავდა, დაბრუნებული სინამდვი-

ლის სალამს. აი, რაოდენ დიდი მნიშვნელობა ჰქონდა ბიქისთვის ამ ბებრულ, კუშტ სახეს, თავშალის ქვემოდან რომ იცქირებოდა, მის ბუტბუტს, სრუტუნს, ჩურჩულს. მოხუცი ერთთავად დაბლა იყურებოდა, თითქოს თავის ცხვირის წვერს უყურებო, სულ ფუსფუსებდა, ჯახირობდა, ქმინავდა, ცეცხლის ანთება უნდოდა. საცაა მამა მოჰყვება ქექვას, ხველებას, ფურთხებას, მერე ერთ მწიკვ ზურნუთს შეიყრის ცხვირში და ცხვრების მისახედად ჩავა ქვემოთ.

ოწყებოდა დილის ის პერიოდი, როცა რეალური ცხოვრება მთლიანად აშლავებდა თავის უფლებებს. საამო იყო ფიქრი, რომ, ყოველ შემთხვევაში. დღიდან დღემდე ერთი რამ მაინც უცვლელი რჩება: ბებიას ცხარე ბრძოლა ცეცხლთან. სახმელბელი ნედლი იყო, თუმც მოხუცი წვრილად ანაფოტებდა ტორფს, ყველაზე გამომშრალ ნაპრებს ფიხზე აწყობდა, მაგრამ არაფერი გამოდიოდა. ისმოდა მხოლოდ სუსტი ტაკატყუცი, ნესტიანი, მწველი კვამლი მიძვრებოდა სახლის წაიფარებდა თავზე, მაგრამ კვამლი ლოგინშიაც აღწევდა. კედლის ლამპის შუქი დაბლა იწვედა, თუმცა რაც არ უნდა გაეგრძელებია ბებიას სავალდებულო ბუზღუნი, ეს მაინც იმის მახარობელი გახლდათ, რომ მალე დილის ყავას მიიღებდა. კვამლის ბოლქვებს რაირი მწვევედაც უნდა აეწვით მისთვის თვალები, ცხვირი, ყელი და ფილტვები, კვამლი მაინც წინამორბედი იყო იმ სურნელებისა, რომელიც მის გულს მხნეობითა და მომავლის რწმენით ავსებდა, — ყავის დაფქული მარცვლების სურნელის, როცა მდულარე წყალს დაასხამდნენ ჩაიდანაიდან.

რაც უფრო მეტი ხანი უნდებოდა ბებია ცეცხლის გაჩაღებას, ნონისაც მეტი დრო რჩებოდა, რომ წინასწარ დამტკბარიყო იმ სიხარულით, რასაც დილის საუზმე ანიჭებდა. დროის მოსაკლავად, ნონი მრუდე ჭერის თვალიერებას მოჰყვებოდა, წინასწარ ზუსტად იცოდა ამ კვლევის შედეგი და მაინც ყოველ დღით იმეორებდა ერთსა და იმავეს, თუ კვამლი თვალის გახელის საშუალებას აძლევდა. განსაკუთრებით დაყინებით ათვალიერებდა ორ ნუქსს. კვამლი რომ გაიფანტებოდა და ცეცხლი აგუზგუზდებოდა, საშუალება ეძლეოდა გულმოდგინედ დაეთვალიერებინა ნუქრები. ე. ი. ყველაფერი წესრიგზეა, წყალი მალე აღუდღებდა. მაგრამ რას წარმოადგენდა ეს ორი ნუქრი? ორი ნუქრი—ორი კაცი გახლდათ, ღვიძლი ძმები, თითოს თითო თვალი ამოსვლოდა ზედ შუბლზე. პირმრგვალი იყვნენ დედამისივით. ეს როგორ მოხდა, რომ ცალთვალები ასე ჰგვანან დედას? საქმე ის არის, რომ ესენი დედამისის ძმები არიან, ნონის დაბადებამდე დიდი ხნით ადრე რომ გაემგზავრნენ უცხო ქვეყანაში, ზღვის გადაღმა და იქ მიაღწიეს ყველაფერს, რაც უნდოდათ.

— საოცარია, რას არ ხედავს ეს ბავშვი. — თქვა დედამ, როცა ერთხელ მარტონი დარჩნენ და ბიჭმა დედას უამბო, რასაც ხედავდა დილდილობით. დედა-შვილი დიღხანს ჩურჩულებდნენ, მუსიაფობდნენ ათას რამეზე, მაგრამ ამის შესახებ არაფერ არაფერი არ უნდა გაიგოს, ისინი სიმღერებზე, უცხო ქვეყნებზე ლაპარაკობდნენ.

ნონი დედის საწოლზე ჩამომჯდარიყო, მისი ხელი ეჭირა.

— შორს, ძალიან შორს რომ წავიდეს ადამიანი, — ჰკითხა ნონიმ დედას, — მიაღწევს ყოველივეს, რაც უნდა?

— ჰო, ჩემო ძვირფასო, — უპასუხა დედამ მოქანცული ხმით.

— და იმად გახდება, რადაც სწადია გახდომა?

— ჰო, — უგულისყუროდ მიუგო დედამ.

— როგორც კი მოახლოვდება გაზაფხული, — თქვა ბიჭმა, — ჩვენი ხუტორის წინ რომ მთაა, იმის მწვერვალზე ავალ, მინდა გავიგო, ჩანს თუ არა იქიდან სხვა ქვეყნები.

დედას არაფერი უპასუხია.

— დედი, შარშან ხეობაში ჩანჩქერი ვნახე და ქარმა უხეფი ზევით აიტაცა, თავზე გადაავლო მთას.

— ჩემო საყვარელო ბიჭუნო, — თქვა დედამ, — სიზმარში ვნახე.

— როგორ მნახე. დედი?

— დამესიზმრა, თითქოს ფერიამ თავის კლდეზე ამიყვანა, დოქით რძე მომცა და მობრქანა, დალიეო, როცა დავლიე, მითხრა: „აღერსიანად მოეპყარი პატარა ნონის, რადგან ის მთელი ქვეყნისთვის იმღერებსო“.

— ეს როგორ, დედიკო? — ჰკითხა ბიჭმა.

— არ ვიცი, — უპასუხა დედამ.

ბიჭი გულში ჩაეხუტა დედას, ქვეყნად არაფერი უნდოდა, გარდა დედის გულისა, გამალებით რომ სცემდა.

ბოლოს ბიჭი წამოდგა.

— დედი, რად უნდა ვიმღერო მთელი ქვეყნისათვის?

— ეს სიზმარია; შვილო, — მიუგო დედამ.

— ამ უშენისთვისაც უნდა ვიმღერო?

— ჰო, შვილო.

— ამ კაობებისთვისაც?

— ჰო.

— ამ მთებისთვისაც?

— ასე მითხრა ფერიამ, — მიუგო დედამ.

— მაშასადამე, რედსმირის საყდარში მომიწევს სიმღერა, — თქვა ბიკმა ჩაფიქრებით.

— თითქოს ასეა, — უპასუხა დედამ.

ბიკი ისევ მიეკრა დედას მოხიბლული ამ წინასწარმეტყველებით და დიდი ხანი ფიქრობდა ფერიის სიტყვებზე, ასე რომ აუჩქროლა გული და ფრთა შეასხა.

— დედი, მასწავლი, როგორ უნდა ვიმღერო მთელი ქვეყნისთვის? — ჰკითხა ბიკმა.

— ჰო, ჩემო ბიჭუნი, — დაიწერა დედამ. — გაზაფხულზე, — და მოქანცულმა ქალმა თვალი მილულა.

ხოსიძე კედლის როკებიდან კარადასა და თაროებზე ჩამწკრივებულ ჯამ-ქურჭელზე გადაიტანა მზერა, შეაცქერდა კედელზე დაკიდულ ჩამჩის, იატაკზე მდგარ ქოთანს: ისე გამოიყურებოდნენ, ვითომც აქ არაფერიაო. ბიკი ამას მუდამ ამჩნევდა რიჟრაჟის მოახლოებისას. როგორც კი ოღნავ გატყდებოდა სიბნელე და დაინახავდა მალალი, მსხვერვიადი ფინჯნების ბზინვას, უცნაურ ქრელურულებში გამოწყობილ ქალიშვილებს რომ ჰგავდნენ, სიბრაღულითა და თანაგრძნობით ეკუმშებოდა გული, გუნებაში ფიცს სდებდა, რომ არავის გაუმხელდა მათ საიდუმლოს, ერთი სიტყვაც არსად წამოცდებოდა, ზრდილობის გამო ცალ თვალსაც კი ხუჭავდა, მეორეთი უყურებდა და ამბობდა: არც შევარ ისეთი, როგორც ერთი შეხედვით ვჩანვარ. ის იმ სიმღერებს გულისხმობდა, მომავალში რომ უნდა ემღერა და შორეულ მხარეს, ისეთ შორეულს, როგორც ზამთრის საღამოა ზამთრის დილას დაშორებული.

დაბოლოს გაისმოდა ჩაიდანის ნაცნობი ხმა, მაუწყებელი იმისა, რომ წყალი მალე ადუღდებოდა. ამ დროს ბიკს უკვე ისე შიოდა ხოლმე, რომ ეჩვენებოდა, თივასაც კი შექამდა გამგელებული, წივასაც, ტორფსაც. და რაღა გასაკვირველია, თუ იგი ნადვლიანად ფიქრობდა პურის იმ ნაჭერზე, რომელიც მალე უნდა მიეღო. როგორი ნაჭერი შეხვდება? ბებია დიდი პურის კვერიდან მოუჭრის, თუ ნახევრიდან? ცალ მხარეს ძალიან თხელი ხომ არ იქნება? რას წაუსვამენ? დაადებს თუ არა ბებია ზედ თევზის ქონს, შუაში კი დამარჩილებული სხვა ქონის ნაჭერს ისე, რომ გუშინდელივით ქერქი მშრალი დარჩეს? ვერასოდეს ვერ ძღებოდა ამ ნუგბარი ქონით, პირში ცხარე გემოს რომ ტოვებდა. რაც მართალია, მართალია, ბებია არ ძუნწობდა, მარჯვენა ხელის ცერით სქლად წაუსვამდა ხოლმე ქონს. სამაგიეროდ შაქარს ძალიან ზოგავდა. თავშაქარს რომ

ჩამოტეხდა უსწორმასწორო ნატეხებს, ყველაზე პატარას ნონის არგუნებდა... ბიჭიც ყველა ამაზე შიშითა და ძრწოლვით ფიქრობდა.

ოთახში ყავის სურნელი დადგა. ეს იყო დილის საზეიმო წუთი. ამ სურნელებას რომ შეისუნთქავდა ნონი, ყოველგვარი გაჭირვება და ვაება ავიწყდებოდა, მომავლის რწმენა უმტკიცდებოდა გულში. ვინ იცის, ეგებ მართლა გაემგზავროს შორეულ მხარეში, შორეულ ქვეყნებში? ერთ მშვენიერ დღეს, რაგინდ დაუჭერებელი გვეჩვენებოდეს, მანაც დადგება გაზაფხული, აქიკიკედებიან ჩიტები, ფერდობებზე ბაია წამოჰყოფს თავს. ჰოდა, აღვილი შესაძლებელია, დედაც გამოკეთდეს, როცა დღე იმატებს, როგორც შარშან და შარშანწინ მოხდა.

ასეთ ფიქრებში რომ იყო ბიჭი, მღუღარე წყლის ნაკადი უკვე ყავადანში იღვრებოდა და გაისმოდა ხმამაღლა თქმული პირველი სიტყვა მთელი დილის განმელობაში — ეს შესაჯავალი სიტყვა გახლდათ, დიდდა მუდამ ჯადოსიტყვისათვის რომ წარმოთქვამდა გულის ძლით მძინარე აუსტას გასაღვიძებლად. ეს ჯადოსიტყვა ყოველ დილას გაისმოდა. მართალია, აუსტას კი ეჩვენებოდა, თითქოს პირველად გაიგონაო ეს, მაგრამ ბიჭმა დიდი ხანია დაიზეპირა იგი და სამუდამოდ დაიხსომა.

— სირცხვილი არ არის? ეს რა უმსგავსობაა? უკვე მოწიფული გოგოა. კარგია ერთი თქვენმა შვიმ! ნეტა ვიცოდე, თავში რა აქვთ ამისთანებს?

როგორ შეიძლებოდა იმის ფიქრი, რომ ასეთი წყნარი ტუქსვა მძინარეს ჭაღვიძებდა? ეს უფრო ბუტბუტს ჰგავდა, თითქოს ბებია თავის ფსალმუნებს შიგადაშიგ რაღაც სხვა სიტყვებს ურთავსო.

აუსტა, რა თქმა უნდა, ბიბიბრო არ იყო. საწოლის კუთხეში მიყუთულიყო, პირი დაეღო, თავი უკან გადაეგდო, ცალი ხელი ყურქვეშ ჰქონდა ამოდებული, მეორე საბანზე ისე ედო, თითქოს ელის, რომ ვიღაც მოვა და ხელში ბედნიერებას ჩაუღებსო. მის პერანგს ზედ ყელთან საკერებელი ედო.

ბებია კვლავ ჯადოსიტყვას იმეორებდა:

— თავიც რომ ცარიელი აქვთ, აი, ასეთ უტყინოებს. აბა, რა ხერი გამოვა ამათგან? — ბებია მუდამ მრავლობით რიცხვში ლაპარაკობდა აუსტაზე. — არა, ერთი უყურეთ, პერანგიც რომ მთელი არ აცვიათ ტანზე... (უფრო ხმამაღლა) სოულა, გოგო, დროა შენს საქსოვს მოკიდო ხელი, არ გესმის, სოულა. საუზმე მზადაა, საცაა სადილობის დროც მოვა.

ბიჭებს მუდამ აოცებდათ ბებიის წარმოდგენა დროზე.

წყლის ნაკადი ლამაზად, ყრუ ხმაურით ისხმებოდა ყავადანში, ყავადანს ორთქლი ასდიოდა, სურნელს აფრქვევდა. ბებია ისევე აღვიძებდა აუსტა სოულილიას.

— შენგან სასიკეთო არაფერი გამოვა. შენი დღე და მოსწრება თავმოქ-
ლებული იქნები.

აუსტა სოულილია გაღვიძებას არ აპირებდა.

— ხომ არ გგონია, რომ ქალბატონივით ლოგინში მოგართმევ ყავას?
შენ, ცამეტი წლის გოგოს? საცაა თოთხმეტიც შეგისრულდება და მოხედვას
ვერ მოასწრებ, რომ უკვე კონფირმაციის დრო მოვა! მაგრამ მანამდე მამაშენს
ერთი მაგრა გავაჯობინებ შენს თავს!

არც ეს ცისკრის ლოცვა ანდენდა შთაბეჭდილებას აუსტა სოულილიაზე.
მხოლოდ მაშინ ვახელდა თვალს, როცა პალბერა მის საწოლთან მივიდოდა და
ნჯღრევას დაუწყებდა. მაშინ კი გაკვირვებით ასწევდა ქუთუთოებს, შიშით
დაათახლებდა თვალებს, ირგვლივ მიმოიხედავდა. ბოლოს, როგორც იყო,
გამოფხიზლდებოდა, სახეზე ნიდაყვს აიფარებდა და სრუტუნებდა.

აუსტას მუქი თმა ჰქონდა, ფერმკრთალი იყო, ცალ თვალს ოდნავ აელ-
ძებდა, წარბ-წამწამიც მუქი ჰქონდა, თვალები კი რუხი, ფოლადისფერი.
მთელ ოჯახში მხოლოდ მის სახეს გააჩნდა განსაკუთრებული მკაფიო ფერი და
ფორმა, ამიტომ ბიჭი ხშირად აკვირდებოდა, თითქოს უყვირდა, საიდან განჩნდა
ასეთიო. ძალზე ფერმკრთალი, მოზრდილ ადამიანივით გრძელ სახეზე, გოგო-
ნას რაღაც ზრუნვის, თითქმის ცხოვრებისეული გამოცდილების დადი აჩნდა.
რაც თავი ახსოვდა ნონის, აუსტა მუდამ მისი უფროსი და იყო. მართალია,
გოგონას მხრებისა და გულმკერდის მოხაზულობა არაფრით არ მოჰგავდა ნა-
ხევრად გაშლილ კოკორს—ან უკვე გაშლილი იყო, ან არასოდეს არ ყოფილა
კოკორი, ამავე დროს, ქალისთვის დამახასიათებელი ნაზი სიმრგვალებაც არ ეტ-
ყოზობოდა. აუსტა აღარც ბავშვი იყო, დაქალბენასაც ვერ ბევრი უკლდა.

— აი, აქ დავდგამ შენს ყავას, სოულილია, — უთხრა ბებია და ყველაზე
შორეულ კუთხეში დადგა მისი ფინჯანი, — არასდიდებით არ მოგაწოდებ,
იცოდე.

სოულა თავს იქეპავდა, ამოქნარებდა, პირს აწკლავუნებდა. ბოლოს, ბა-
ლიშის ქვევიდან გამოაძრობდა თავის ქვედატანს, თბილი საბნის ქვეშ ჩაი-
ცვამდა, გამოყოფდა ლოგინიდან შიშველ, გრძელ ფეხებს, მსხვილი ძაფის
შინ ნაქსოვ წინდებს ჩაიცვამდა. ამ დროს ძალზე მოურიდებლად გადაიდებდა
ხოლმე ფეხს ფეხზე. ნონი თვალს ადევნებდა, ათვალთვრებდა გოგონას ფიზი-
კურად ჯერ კიდევ განუვითარებელ სხეულს და თანდათან რწმუნდებოდა,
რომ მართალია, სოულა მისი უფროსი დაა, მაგრამ რაც შეეხება მის აგებუ-
ლებას, ძმებზე თან სრულყოფილი ქმნილება არ გახლავთ.

ამ დროს ბებია ფიქრს აწყვეტიანებდა ნონის, მიაწვდიდა ყავას და უფრო-
სი ბიჭების გაღვიძებას იწყებდა.

ახლა კი საკუთარი თვალთ შეეძლო დაენახა ნონის, პურის რომელი ნაწილიდან მოუჭრიდნენ, სქლად წაუსვამდნენ თუ არა ქონს, ისე რომ, ქერქიც დაფარულიყო, პატარა ნატეხი შაქარი ერგებოდა, თუ მოზრდილი. საკმელში უკვე კრთოდა შუქი, ზამთრის დილა ერთხელ კიდევ ასწევდა თავის მძიმე ქუთუთოებს.

და დგებოდა დღე.

თ ა ვ ი ო ც ღ ა მ ი ა მ ა მ ს ე

დ ღ ე

ამ ოჯახში საჭმელს მღუმარედ შეექცეოდნენ, თითქმის ზეიმურად, გეგონებათ, რაღაც იღუმალ წესს ასრულებენო. თეფში მუხლებზე ედგათ, ზედ იხრებოდნენ და თევზს ისეთი დამაბული ყურადღებით აცლიდნენ ფხებს, როგორც მესაათე მუშაობს. ფაფას რომ ჭამდნენ, თეფში ზედ ნიკაპთან ექირათ. რა სწრაფად ამოაცარიელებდა ხოლმე მამა ფაფით გალიცილიცებულ დიდ ჯამს, ბებია მუდამ ქურასთან იჯდა, სხვებისკენ ზურგშექცევით ჭამდა. დილის საუზმეზე მუდამ ჰქონდათ შვრიის ცხელი ფაფა, ცვრიანი ძეხვი, პურის ნაქერი. წინა დღის სადილიდან მორჩენილი დამარილებული თევზი, შაქრის ნატეხი და ყავა. ყველაზე გემრიელი შაქარი იყო. დედა ჩიტვიით ერთი ბეწოს შეიკინიდა, ლოგინში ნახევრად წამომკლარი; მერე გადმოიღებდა წამლის ერთ-ერთ ბოთლს, იმ ოთხბოცი ბოთლიდან, ალთინგის წვეკრმა რომ გამოუგზავნა, და სვამდა წამალს. ჩათეთქვილ სახეზე ნაცრისფერი ედო, აგზნებული თვალები უბრწყინავდა, პირში რაღაც წყლულები გაუჩნდა და გაჭირვებით ღეჭავდა საჭმელს. უმცროს ბიჭს გული ეწოდა, როცა ხედავდა, რა გამგელებით ილუქმებოდა მამამისი, დედის თვალწინ იმდენ ფაფას რომ შესანსლავდა ხოლმე. დედა კი პირს ძლივს აკარებდა ამ დამარილებულ თევზს, ზიზლით ყლაპავდა. არასოდეს ისე ცხარედ არ ოცნებობდნენ ბავშვები ხორცზე და ჭვავის პურის სქელ ნაქერზე, როგორც საუზმის შემდეგ.

ნასაუზმევს ბიარტური საწოლის ნაპირზე გაწევბოდა — ასე ჩვეოდა ბავშვობიდან და იმწამსვე ამოუშვებდა ხვრინვას, მაგრამ მხოლოდ რამდენიმე წუთს წაიძინებდა ხოლმე, მერე უცებ ისე წამოვინებოდა, თითქოს რაღაც სასიკვდილო საფრთხე ელისო და ფარეხში გარბოდა ცხვრის მისახედად. ბიარტურმა ახალი ფარეხი მიაშენა სახლს, ბატკნები და ორწლიანი ცხვრები კი ისევ

საცხოვრებელი ოთახის ქვეშ ძველ ფარეხში ჰყავდა. უფროსი ბიჭები ასუფთავებდნენ ბაგებს, გაჰქონდათ ნაკელი, ყინულჭირის აკეთებდნენ ნაქადულზე, სახლის ირგვლივ გზას ასუფთავებდნენ, მაგრამ ისე გაუჩერებლად ბარდნიდა, რომ გზა ხელად იფარებოდა თოვლით. ირგვლივ ნამქერის მთები იდგა, ცხვარსაც და ადამიანსაც თოვლში გაჭრილი თვრამეტი საფეხურის ავლა უხდებოდათ თოვლის მთის გადასალახავად. სარკმელების ძირას ბიჭებმა თხრილები გაჭრეს, რომ დღის შუქს როგორმე შემოეღწია ოთახში.

მამა და უფროსი ბიჭები ფარეხში რომ წავიდოდნენ, აი მაშინ იწყებოდა უსასრულო დღე, იმდენად გაჭინაურებული, რომ ნონის ეჭვიც კი ეპარებოდა, ნეტავ თუ დაღამდებაო? მკრთალი შუქი ძლივს აღწევდა ოთახში, სარკმელი პატარა იყო, გარეთ კი მონამქერებული თოვლის მთები იდგა. დილით ორ საწოლს აწორებდნენ, მესამეზე დედა იწვა გაუნძრევლად. უკვე ნაწოლები გაუჩნდა და საშინლად იტანჯებოდა. მისი მშობიარობა, როგორც შარშან, ასევე წელს მიძიმე ავადმყოფობას დაერთო, შარშან ოთხი თვე იწვა, ის ბავშვიც მოუკვდა. სარკმელთან, საწოლზე ჩამომჯდარი აუსტა სოულილია კოფთას ქსოვდა, ფეხებს იატაკს ვერ უწვდენდა, სამაგიეროდ, დროდადრო კედელს მიეყრდნობოდა ხოლმე, ხან ჩათვლემდა კიდეც. ბებია სართავ ჯარას დაიდგამდა და მთელ სახლში ჩსმოდა ზუზუნნი, ზამთრის გრძელ დღეებს რომ ავსებდა. ჯარის ბორბალი—როგორც დრო-ჟამის ბორბალი, შორს, შორს მიგვაქროლებს, ყველას თავ-თავის საწღვრამდე.

ახლა ნონის თამაშის ნება ეძლეოდა. გამორეკავდა საქონელს საძოვარზე: ესე იგი, ყოველ საწოლზე დაალაგებდა ცხვრის ძვლებს—ესენი ცხვრები იყვნენ. ზოგს ნივნივას ქვეშ დააწყობდა, მამასადაამე, მთის მწვერვალზე და მცირედ დაქანებულ ფერდობზე გაშლიდა ფარას. ცხვრის ყბები—ძროხებს გამოსახავდა, მან ქურის ფეხებზე მიაბა ისინი. პატარა ნონი ძროხებს სულ სხვა თვალით უყურებდა, ვიდრე მამამისი, ზაფხულის სავანელი ბიარტური: ბიჭს ათი ძროხა ჰყავდა. შემდეგ შორეულ მოგზაურობაში მიდიოდა. ცხენების მაგივრობასაც ცხვრის ძვლები უწევდა.

მან ხომ იცის გზა იმ უცხო ქვეყნისაკენ, მთისა და ქაობის გადღამა რომ მდებარეობს და ფიორდისკენ მიაქროლებს თავის რაშს; გრძელი, მძიმე გზა უდევს წინ. ამ ოთახში შეიძლება იმოგზაურო შორეულ ქვეყნებში, თუ წესებს დაიცავ. ეს წესები კი პატარა ნონის მეტმა არავინ იცის. საწოლის კიდეები—მთის ხეობების სახიფათო ბილიკებია, რა განსაცდელი არ უდარაჯებს იქ ადამიანს, ნამქერი, მოჩვენებები, ზოგჯერ ნონის შემოღამდება, გზაზე უხდება ღამის გათევა (სარკმელთან, მაგიდის ქვეშ). გაზაფხულზე, როცა თოვლი დნობას იწყებს, დედაც მოიხედავს ხოლმე და ნონის თვალწინ მხოლოდ მაშინ იშ-

ლება ნამდვილი სივრცე, ოთახში წარმოდგენით შექმნილი სივრცე კი ქრება. ისე მაცთურია ამ ოთახის სივრცე, რომ ხელის გულის ოდენა პატარა მანძილიც კი—ნონის „ბოსლიდან“ კიბის თავამდე—უკიდევანო მიდამოდ იქცევა, ნონის უჭირს კიდევ ამ მანძილის გადალახვა.

აი, ნონი უკვე ქალაქშია, ელაპარაკება ექიმსა და ვაჟარს, ფუთობით ყიდულობს ქიშმიშს,—მის ოჯახში ხომ მარტო ტკბილეულით იკვებებიან: კასრები და ყუთები სავსეა ქიშმიშით, ტომრები შაქრითაა გატენილი. ექიმს წამლებით სავსე ხუთასამდე ბოთლი უდგას სახლში, თითქმის იმდენი ბოთლი, რამდენი ცხვარიც ჰყავს უტირედსმირელ მამასახლისს. მაგრამ საკვირველი ის არის, რომ ბიჭი ერთ წვეთ წამალსაც არ ყიდულობს, ჰოდა, მამასადამე, თავის მამასავით არ ჰპირდება ექიმს, რომ ხმას მისცემს ალთინგის არჩევნებში, მისგან მიღებული შინაური წამლების სამადლობელოდ. ნონის ამ ექიმის წამალზე საზოზლარი და მწარე ჭერ არაფერი უეგმნია... ეკემაც კი გაჰკრა გულში, იქნებ სწორედ ეს წამლები უშლის ხელს დედას გამოჯანმრთელებაშიო. ვინ იცის, მამა სწორედ იმიტომ ზიდავს წამლებს, რომ დედას ბოლო მოუღოს, ნეტა პირი ხომ არ შეუკრავს ექიმთან? ნონი ვერ იტანს ექიმს და ალთინგის არჩევნებში არასოდეს ხმას არ მისცემს. ექიმი ბრაზობს, ემუქრება ნონის, მოსამართლესთან გიჩივლებო, მაგრამ ნონის სულაც არ ეშინია მისი, იგი ექიმს პირდება ბებერ ძალღს გაჩუქებო, ძალღი პატარა კენჭია. გამწარებული ექიმი ილანძლება.

— რა მოხდა, რა ამბავში ხარ, ღმერთო ძლიერო, ეს რა ხმაური ასტეხე? — ეკითხება ბებია.

ბიჭი ერთბაშად როდი პასუხობს. ის სამყარო, საიდანაც ბებია მოვიდა, სულ სხვანაირადაა მოწყობილი: იქ სხვა ადათ-წესებია გამეფებული, მანძილიც სულ სხვანაირია. ბებია ტუქსავს, ეს ამის ნიშანია, რომ ჩრდილოეთიდან ქარბუქი მოისწრაფვის.

— თუ იქამდე მიხვედი, რომ საკუთარ თავს ეჩხუბები, ქამრით მომიწეეს შენი მორკულება!

— ბები, შენ სულაც არა ხარ აქ. შენ ქარბუქი ხარ, მე კი გზაში ვარ.

— მთლად გადაირიე, ბიჭო, არა გრცხვენია? — ეუბნება ბებია,—ამოდენა ვაუკაცი ხარ, ღღისით-მზისით სისულელეებით ირთობ თავს, ქსოვა კი ვერ იქნა და ვერ ისწავლე.

ბიჭი საუბარს წყვეტს წარჩინებულ მამაკაცთან და ამბობს:

— ოი, ოი, ოი, რას გეუბნებოდით? ხედავთ, ქარაშოტი დაგვადევნა.

ნონი აჩქარებით ემშვიდობება წარჩინებულ მამაკაცს და ელვის სისწრაფით მიავლელებს რაშს შინისაკენ, დაკლაკნილ ბილიკებზე, ოთახს რომ სერავს ყოველი მიმართულებით. მაგრამ აი, შუაგზაზე წამოეწია ბებია — ესე იგი ქა-

რბუქი, უცებ რომ დააცხრა უშენს. ნონი იყინება და თამაში მთავრდება. ბებია საწოლზე სვამს ბიჭს, ხელში საქსოვს მიაჩეჩებს. ნონი უხალისოდ გადაიხვევს თითზე ძაფს და ქსოვას იწყებს. მთელი კვირაა რაც ხამლის ერთ საფენს ჩაპკირკიტებს და ჯერ ნახევარიც არ მოუქსოვია. თითქოს არაფერი არ იძვრის ადგილიდან, ჭიანჭრდება და ჭიანჭრდება, დასასრული არ უჩანს არც საქსოვს, არც დღეს. არც ცხოვრებას მამის სახლში, ასეთი ფიქრებისაგან ბიჭს ძილი ერევა, ახსენდება, რომ ქარბუქში მოხვდნენ და გზაზე გაიყინა.

— ბები, მე მოჩვენება ვარ, — ეუბნება ბიჭი ბებიას.

— შენ, პატარა ცულულუტო, დღეს მგონი კარგი ფსალმუნნი არ მოვისმენია.

ჰო, მართლა, ახლავა გაახსენდა, რომ დღეს ფსალმუნნი არ მოუსმენია. რა ვუყოთ მერე. ეს არც ისე დიდი უბედურებაა, ამაზე უარესიც შეიძლებოდა დაძარბოდა. ბებიაამისი ხშირად ისე ერთობოდა „კარგი ფსალმუნით“, ისე თავდავიწყებით გალობდა, რომ ქვეყნად ყველაფერი ავიწყლებოდა და ცუდი ნაქსოვის გამო აღარ ტუქსავდა პატარა ნონის. ხანდახან, როცა ბებია განსაკუთრებით კარგ ფსალმუნს გალობდა, ნონის ჩაეძინებოდა ხოლმე:

In dulci jubilo

დაე ხარობდეს გული

Impre saepio

ღმერთს აღიდებდეს სული.

დედაღვთისა gremio

Alfa hesido!

Alfa hesido!

ღმერთო, მამაო ჩვენი, parvuli,

ღმერთო მოგვხედე ღვთით,

O pura oftime,

შენი შვილები ვართ.

Prinsinn glorii.

გვატარე შენი გზით!

გვატარე შენი გზით!

C Peturs karitas!

O Cari Penitas!

მარადიული წამებით

Per nostra crimina

აღბათ არ დავესჯი ჩვენ,

Selorum gaudia

მოვეცე სიამის წყარო,

ვარდი, სოსანი, მზე!

სამოთხის ბაღი ვრცელი

მხოლოდ ღვთის მსახურთ ელის,

ანგელოსების გუნდი kantica
ტკბილ საგალობელს მღერის.
შეება, სიაჲ სრული
გულს ნეტარებად უელის.
დაე, ხარობდეს სული
დაე, ხარობდეს სული!"

დიდხანს გრძელდებოდა ეს. ფსალმუნები არასოდეს ისე გაჰკიანურებული არ ეჩვენება ადამიანს, როგორც ბავშვობისას, რადგან ამ საგალობელთა ენა უცხოა ბავშვისთვის, მის გულს არ ეხმიანება. სიბერეში კი, პირიქით, ფსალმუნების გალობაში დრო ძალზე სწრაფად გადის. ამ წმიდათა წმიდა, უძველეს, შიგადაშიგ ლათინურ გამოთქმებით აპრელებულ ფსალმუნებში ბებიას მეორე სამყარო იმალებოდა და გალობდა დიდხანს. თავდავიწყებით, გალობდა, ვიდრე ოთახის დაბალი ჭერი არ შეერწყმოდა მარადისობის ჰორიზონტს, ძაფი წყდებოდა, ჯარა ჩერდებოდა, ხელები მუხლებზე ეშვებოდა და გალობაც მთავრდებოდა. ამ საგალობლის გამოძახილი ჯერ კიდევ უღერდა მოხუცის სულში, მის ბაგეზე, როცა გაწყვეტილი ძაფის ძებნას იწყებდა, იპოვიდა, დანერწყვავდა, გაუყრიდა ნახვრეტში და ნონის აღვიძებდა.

— განა ასე შეიძლება ქსოვა? — ტუქსავდა მოხუცი ბიჭს. — სირცხვილია, გუშინ იმსიფართე თვლები ამოგყავდა, გეგონებათ, სათევზაო ბადეს ქსოვო, დღეს კი ისეთ მკიდრო თვლებს აკეთებ. ნემსიც ვერ გაეტევა შიგ. ჩვენ უკვე მეოთხე საფენსა ვქსოვთ, შენ კი საშველი არ დაგადგა, ერთიც ვერ მოგითავებია. აბა, ორჯერ გადაიხვიე ძაფი თითზე, შე ჩურჩუტო, შენა, თორემ დაგირღვევ და თავიდან დაგაწყებინებ ქსოვას.

არა, ასე აღარ შეიძლება, რაღაც უნდა იღონოს ნონიმ, როგორმე უნდა აიცილოს თავიდან ბებიას წყრომა, მაგრამ ისე, რომ ვერათფერს მიუხვდეს. ბევრნაირი ფანდის მოგონება შეუძლია. მაგალითად, სთხოვს, კარგი ფსალმუნი ეგალობე ან საგა მიამბეო, მაგრამ ის უფრო გასჭრის, ყურადღებას სხვა რამ უფრო დიდ დანაშაულზე თუ გადაატანინებს. აჰა, დღეს ბედმა გაუღიმა ნონის. აგერ, აუსტა კედელს მიყრდნობია, ნიკაბა მკერდზე ჩამოვარდნია, ჩხირები მუხლებზე ჩამოცურებია, — აუსტას სძინავს.

— ბები, — ეუბნება ბიჭი აღშფოთებით, — შეხედე, აუსტას ჩასძინებია. ამრიგად გადაატანინა გულისყური ძილისგულა აუსტა სოულილიაზე. არა, ამ გოგოს ტანიც რომ რაღაც უცნაური აქვს, მოუთავებელი.

— ეს რასა ჰგავს, ეს რა უმსგავსობაა, — ცხარობს ბებია.

* ეს ფსალმუნი ავტორის აღებული აქვს ისლანდიური 1747 წ. ლოცვანიდან. მოყვანილ ტექსტში ლათინური უპარობამდეა დამახინჯებული.

მაგრამ როცა ჩვეულებრივი ქოთქოთით გააღვიძეს აუსტა, ყველაფერო თავიდან დაიწყო.

დღე თითქოს გაჩერდა, ერთი მტკაველითაც არ წაუწვევია. დედა ისევ ასე შესაბრალისად კვნესის, როგორც უწინ.

ბორბალი კვლავ დატრიალდა და ბიქს გაახსენდა, რომ დიდი ხანია მოჩვენებად იქცა.

— მოჩვენებები... — დაიწყო ბიქმა, — რაც უნდათ, იმას აიღებენ. ხომ მართალია?

— ეგ რა სისულელეა!

— მათ ყველაფრის გაკეთება შეუძლიათ, რასაც მოიწადინებენ!

— ქსოვე. ქსოვე!

— ბები. მიაშბე საგა მოჩვენებებზე?

— ვითომ რისთვის?

— ერთ მოჩვენებაზე მაინც მიაშბე რა, ბებიკო!

— აბა, მე რისი მოყოლა შემიძლია. დავბერდი, ცალი ფეხი სამარეში მიდგას, მეხსიერებაც მლაღატობს.

ცოტა ხნის შემდეგ ბებია აბუტბუტდა. ეს ქარიშხლის პირველ შემოქროლვას ჰგავდა, მერე რომ თანდათან ძლიერდებოდა. მისი ზღაპრები სულ ერთი უაიღისაა. შიმშილობის წლებში, ვულკანის ამოხეთქვის მერე,* ხალხი ტყავსა ჰმადა, ისე დასუსტდნენ, ისე გაილივნენ, რომ კბენარი შიგ სხეულში ეჭობოდოდათ. ბებიაშის კარგად ახსოვს ის საშინელი დრო. ერთხელ ფრანგების სანდალი, — ეს სამხრეთში მოხდა, — ქარიშხალმა ქვიშოვან ნაპირს მიახეთქა და დაამსხვრია. მთელი ექიპაჟი დაიღუპა მეჩიჩზე. ტალღებმა ნაპირზე ბევრი რამ გამოიჩია და ყველაფერი ერთმა მდიდარმა გლეხმა მოიპარა, მათ შორის ფულით სავსე ყუთი და კასრით ღვინო. სანდალის კაპიტანი და მზარეული მოჩვენებებად იქცნენ. მას მერე სდევნიან იმ გლეხსა და მის ჩამომავლებს, თვით მეცხრე თაობამდე. ახლაც ეცხადებიან გლეხის შვილიშვილებსა და შვილიშვილის შვილებს. ამაზე ლეგენდა არსებობს. ორი ძმა ქალაქს წავიდა, ერთი იმ დილითვე გამობრუნდა უკან, მეორე კი მეორე დღეს გაუდგა გზას შინისაკენ. ერთი მთა ჰქონდათ გადასასვლელი, წინ გრძელი გზა ედოთ. ამ დროს საშინელი ქარბუქი ამოვარდა, დაწინაურებულმა ძმამ მთის ქოხს მიატანა და თავი შეაფარა. იმ ადგილებში კი ავი სულელები ბუდობდნენ. ჰოდა დამით მიაღდა იმ ქოხს მოჩვენება, ხან კედელზე მიუკაკუნა მგზავრს, ხან სახურავზე აძვრა. ქოხში იატაკი ქვით იყო მოგებული, ჰაბუქმა აპყარა ქვა, მიაწყო კარზე, ჩახერგა,

* ნავლისხმევია ვულკან ჰეკლას ამოხეთქვა — 1845 წ., რომელიც 15 თვე გაგრძელდა.

გამაგრა. მოჩვენებამ საზარელი ყვირილი ატეხა, ჰაბუჟმა უფრო მეტი ჰვა მი-
ხერგა კართან, მოჩვენებას შეუჟურთხა, ჯანდაბამდის გზა გქონიაო.

ღილით ქარბუქი ჩადგა, მაგრამ საშინლად ყინავდა. ჰაბუჟმა ქვეები განზე
გადააწყო, კარი გააღო და პირდაპირ ხელებში ჩაუვარდა მკვდარი ძმა, გაყინუ-
ლიყო ის საწყალი. მკვდარი ჰაბუქი მოჩვენებად იქცა, ღამდამობით ეცხადებო-
და უფროს ძმას. უკიდევანო სივრცეებში ამართული ნამქერის უძირო მთები,
სახიფათო უფსკრულები, სადაც ადვილია გადაჩეხვა, გაყინული მდინარეები,
ყინულჭრილები, სადაც ხალხი ვარდება, და ყინულქვეშა მდინარე მათ პირდა-
პირ ზღვაში მიაქანებს. ჰოდა, მთელი ეს დაღუპული ხალხი მოჩვენებად გადა-
იქცევა ხოლმე, დაძრწიან, ფანჯრებზე უკაქუნებენ ცოცხლებს, ლექსებს ამბო-
ბენ, კლდის ძირას უსაფრდებიან და თავს ესხმიან ხალხს, ანგრევენ სახლებს,
ემუქრებიან შინ მარტო დარჩენილ ქალებს. ამბობენ ეშმა კოლუმეილი უკვდა-
ვიაო. ალქაჯი გუნვერი ხომ ამ ხუტორში ცხოვრობდა, კოლუმეილთან პირი
ჰქონდა შეკრული, მისი ამფსონი იყო, ერთად ხოცავდნენ ხალხს. ათას ამბებს
ჰყვებიან გუნვერზე, თუ როგორ გაჰკვეთეს ოთხად რედსმირის საყდრის წინ
და დაფლითეს. არც ერთი ღეთისმოსავი კაცი არ უნდა გაეკაროს გუნვერის
საფლავს: „იმან მომტეხა ფეხი. თეძო და ხელის მტევანი“. კოლუმეილი ამ-
ბობს:

სადაც გუნვერია—იქ სისხლის ღვარია,
გუნვერთან ვერავის ვერ გაუხარია, —
ძინე, ძინე ბალო.

უცებ ბიარტურმა საფვროში ამოჰყო თავი და დაიძახა:

— ჰალბერა, ცეცხლზე წყალი დაადგი, სტუმრები მოდიან.

მოხუცს სიტყვა პირში გაუწყდა, ჯარა განზე გასწია და გუნებაწამხდარმა
ჩაილაპარაკა:

— განა არა, ვიცოდი, ამ ღილიდანვე ბევრი ცული ნიშანი გამოჩნდა. ნეტა
რას აუღიათ თავი და დაეხეტებიან მთელ ოლქში!

— სოულა, იქნებ შენ გააკეთო მაჰკატები, ყავაც მაგარი მოხარშე. ვინც
აქეთ მოდის, ის ტყუილუბრალოდ არ გაიარებოდა. აბა, მარდად, გაინძერი.

ცოტა ხნის შემდეგ საძვრომის ხვრელში გამოჩნდა მამასახლისის თავი,
ხშირი, საფეთქლებთან შევერცხლილი თმით მოჩარხოებული სახის წვრი-
ლი, სწორი ნაკეთები. საცხენოსნო სქელ ქურთუქში იყო გამოწყობილი, გრძელ-
ყელიანი წინდები ეცვა და სელაპის ტყავის ჩექმები. ხელში კი ვერცხლის სა-
მი პრიალა რგოლით მორთული შოლტი ეჭირა.

ერთი მოჯამაგირის თანხლებით ქალაქს მიდიოდა თურმე და გზად ბიარ-

ტურთან შემოიარა. მიესალმა მასპინძელს, ჩვეულებისამებრ, ორი თითი გაუწოდა და უღვაწში რაღაც ჩაიდუღუნა. აუსტამ სტუმარს ბიჭების საწოლზე მოუცალა ადგილი, ბიარტური ცოლის გვერდით ჩამოჯდა თავის ქვეშაგებზე. ოთახში მაჰკატის სუნი დადგა.

— ასე, ასე, ბერიკაცო იოუნ, — უთხრა ბიარტურმა თანავრძნობით. — ალბათ, გზების შესამოწმებლად გაირჩებოდი.

— გზები კარგია, რა შემოწმება უნდა, — უპასუხა მამასახლისმა ძილმორეული ხმით, ნიკაზე ხელი ჩამოსივა, დაამტნარა და ოთახს თვალი მიმოავლო.

— ოჰო! ის დროც მახსოვს, როცა ამბობდი, დიდ თოვლში ჰაობები ცხენისთვის სახიფათოაო, — უთხრა ბიარტურმა. ის ხომ ერთ სიტყვას არ შეარჩენდა მამასახლისს, — განსაკუთრებით მაშინ, როცა ცხენს მე გთხოვდი. რასაკვირველია, პატრონმა უკეთ იცის, რისი ძალა შესწევს მის ცხენებს.

— არც ისე ხშირად დავდივარ უშენში უმიზნოდ, საკუთარი სიამოვნებისათვის, — მრავალმნიშვნელოვნად ჩაურთო მამასახლისმა. — გარდა ამისა, ცხენები ხომ ჩემია?

ამ გადაკრულ სიტყვებზე ბიარტურმა უპასუხა, რომ მდიდრებსაც და ღარიბებსაც რაღაც მიზანი აქვთ, ქალაქს მიდიან თუ უშენში, მაგრამ ბიარტურმა მაინც უნდა თქვას, რომ უკანასკნელ ხანებში უშენში თოვლი არ აკლიათ. „თქვენთან როგორღაა საქმე, ბარში?“

იმაზე მეტი თოვლი არც ჩვენთანაა, რამდენიც უნდა იყოს ზამთარშიო, მიუგო მამასახლისმა და ვერცხლის სათუთუნე ამოიღო, თითით მოზომა დასაღეში თამბაქო, ჩაკბიჩა, დანარჩენი საგულდაგულოდ ჩაჭუჭკა სათუთუნეში და თავი დაახურა. მერე საწოლზე ღრმად დაჯდა, ეტყობა, კბენარის ზიზღი არა ჰქონდა.

— კარგი, კარგი, ბერიკაცო, — შემრიგებლური კილოთი უპასუხა ბიარტურმა, — ასე იყოს. რა ისმის თქვენთან ახალი?

მამასახლისმა უპასუხა, რომ მის ოჯახში ყველაფერი ძველებურადაა, რაც შეეხება სხვებს, იმათზე არაფერი იცის.

— ჰიაზე რას ამბობენ, ან ფალარათი ხომ არ გაუჩნდა ცხვარს?

— ჩემ ცხვარს? — ჰკითხა მამასახლისმა.

— რამდენადაც გიცნობ, პირველ რიგში შენ მუდამ საკუთარ თავზე ლაპარაკობ.

— სულ ერთი არ არის, მოერევა ცხვარს ჰია თუ არა, როცა ფასები ასე დაეცა? ეს საცოდავი ცხვარი უკვე მძიმე ტვირთად გაგვიხდა ყველას.

ბიარტურმა თავს ნება მისცა და თქვა, მდიდრები მუდამ ცბიერობენ, როცა თავის ცხვარზე ლაპარაკობენო.

— რაც გინდა, ის იფიქრე, — მოუჭრა მამასახლისმა.

— განჯარგულება თუ გაეცი, რომ საქოვრებზე თოვლი გადაწმინდონ?

— თივა ჯერ საკმარისი მაქვს, — უპასუხა მამასახლისმა.

— არც მე გამომლევია.

მამასახლისი საწოლზე გადაითხლა, გაცხარებით ღეჭავდა თამბაქოს, პირი ნერწყვით ავესო, ლაპარაკს უშლიდა და მოკლედ პასუხობდა ბიარტურს, ნახევრად მილულულ თვალებს აქეთ-იქით აცეცებდა. ბოლოს ქურასთან მოფუსფუსე აუსტა სოულილიაზე შეაჩერა მზერა და კრიჰაშეკრულმა უთხრა ბიარტურს:

— იყო დრო, შენც თხოვდი სხვებს დახმარებას, როცა აუცილებელი რამ გაკლდა.

— ამაში კი სულ შენი ცოლია დამნაშავე, არაფრით არ მართმევდა ფულს. იმ ორიოდ წვეთ რძეში, ჩემი ბავშვებისათვის რომ მჭირდებოდა, როცა პატარები იყვნენ. რაც შეეხება მიწას, შემოსატანს დროზე გიხდი და შენი ერთი გროშიც არა მმართებს. ეს ღმერთმაც იცის და ხალხმაც, თუმცა თორმეტიწელიწადი უკვე შევწირე ამას.

— როგორც ჩანს, მიწა არ გყოფნის.

— საიდან ჩანს ეგ?

— შორს წასვლა არ გვჭირდება, ჯერ კიდევ გუშინ მოხვედი ჩვენთან, ზურგზე რალაც ტვირთწამოკიდებულნი. თუ არა გცდები—ეს უკვე მეოთხედ ვერ გამოიგია, რისთვის იყიდე ჩემგან ეს მიწა, თუკი მთელი ჩემი სასაფლავის დაკავება გადაგიწყვეტია?

— იქნებ თქვენ თქვენს რედსმირში მოერიეთ სიკვდილს?

ამ დაცინვაზე მამასახლისს არაფერი უპასუხნია.

— რა უთხრა, ქალაქში რომ მოსამართლე შემხვდეს?

— უთხარი, რომ მისი ცხვარი, რომელიც შარშან ივანობა ღღეს ამოვართრეე ჰაობიდან, ქეციანი იყო.

მამასახლისმა ისევ გამწარებით აამუშავა ყბები, პირში დაგუბებულ ნერწყვი ერთბაშად ისევ გადმოაპურკვია, რომ ზედ ბიარტურის ფეხებთან დაეცა.

— რამდენი წლისაა ეს გოგო? — ჰკითხა ბიარტურს, თან თვალს არ აშორებდა აუსტას.

— მეთოთხმეტე წელში გადადგა. მგონი იმაზე ცოტა ადრე გაჩნდა, როცა ამ მიწის პირველი შემოსატანი გადაგიხადე.

— შენგან არ მივირის ასეთი რამ. კაცი თოთხმეტი წელიწადია მეურნეობას ეწევი ხუტორში და ამდენ ხანს ძროხა ვერ გაიჩინე.

— ამ ერთი მტკაველი მიწის სასყიდლად აღებული ვალის დარდი რომ არ მაწუნებდეს, რასაკვირველია, ვიყიდი ძროხას, მოჯამაგირესაც ავიყვანდი. მაგრამ მე მთელი სიცოცხლე იმას გავიძახი, რომ თავისუფლება და დამოუკიდებლობა საქონელზე ძვირფასია ადამიანისათვის, ასეთი რწმენა მაქვს: ჰოდა, ახალი ვალის აღება ძროხის სასყიდლად ჯერ არა ღირს.

მამასახლისი აქშინდა.

— რა ჰქვია ამ გოგონას?

— აუსტა სოულილია.

— ეგ რაღას ნიშნავს?

— ეს იმას ნიშნავს, ბერიკაცო, რომ ვიდრე მე ცოცხალი ვარ და ამ ხუტორში ვცხოვრობ, ეგ ბავშვი სხვაზე არ იქნება დამოკიდებული არც სულით, არც ხორციით. ჰოდა, მოდი ამაზე ლაპარაკს მოვეშვათ.

მაგრამ მამასახლისი ბიარტურის დამოუკიდებლობას უსაზღვრო ზიზღით უყურებდა.

— იქნებ ამ ზამთარს ჩვენთან გამოუშვა. შენც კარგად იცი, რომ ჩემი ცოლი დიდი ხალისით ასწავლის ბავშვებს წერა-კითხვას და სხვა ყველაფერს, რაც საჭიროა. ერთი თვე მაინც ვაჭმევთ ჩვენთან.

— ზაფხულის საფანეში საქმელი საქმალ გვაქვს. რაც შეეხება იმ სისულელეებს, რასაც რედსმირში ასწავლით, იქნებ სასარგებლოც იყოს, მაგრამ მარტო იმ ბავშვებისთვის, რომლებიც საკუთარ შეილებად მიგაჩნიათ.

მამასახლისი წინ გადაიხარა, ძილმორეული სახით ისევ გადმოაპურტყვა იატაკზე, მოქნარება შეიკავა, შუბლსა და ლოყებზე ხელი მოისვა.

— მე ჩემ შეილებს ვუვლი, შენ—შენებს,—თქვა ბიარტურმა. იქით არც გაუხედავს, საითაც გადააპურტყვა მამასახლისმა.

— შენი ცოლი სულ ავადმყოფობს, — თქვა მამასახლისმა, — რამდენი დავგებარჯა წამლებში ამ ზამთარს?

— ეგ სულ სხვა საქმეა. იმის უარყოფას არ ვაპირებ, რომ ქალები არ გამომადგა. როგორც პირველს, ისე მეორეს გულის დაავადება აღმოაჩნდა. ასეთი არის, ალბათ, ნება ღვთისა, ან ბედი მღვდენის, მაგრამ ეს არავის არ ეხება.

მამასახლისის გული არ მოსდიოდა ხოლმე ბიარტურის მკვახე პასუხებზე, მოსწონდა კიდევ ასეთი კილო, ახლაც, ვითომც აქ არაფერიყო, ტანის ქექვა დაიწყო, მგონი, მკბენარი არ ასვენებდა, მერე ისე თქვა, თითქოს არავის არ მიმართავსო:

— ასეთ საქმეებში არ ვერევი, მაგრამ ჩემი ცოლი სულ სხვა აზრისაა: ბავშვებმა წერა-კითხვა უნდა ისწავლონო, ამბობს. აკი კანონიც გამოვიდა ჩვენთან სავალდებულო სწავლების თაობაზე. ყველამ იცის ჩემი აზრი ამაზე. მთე-

ლი ეს დავიდარაბა, რაც წერა-კითხვის სწავლაზე ატეხეს, უბრალო ხალხისთვის შეჩვენება და მეტი არაფერი.

— უბრალო ხალხს უბრალო ხალხმა უნდა ასწავლოს, მდიდრებს კი მდიდრებმა. ასე გადაეცი ფრუს, საღმის ნაცვლად ჩემგან.

— ხალხის სწავლება მე არავითარ სარგებლობას არ მომიტანს, მაგრამ სამხრეთში ამას მოითხოვენ. ჰო, კიდევ რა მიხლოდა მეტყვა. ჩვენი ქალები პირდაპირ გადაირივნენ იმაზე, რომ შენ უსათუოდ უნდა გაიჩინო ძროხა.

— ჩემი თავის ბატონ-პატრონი მე ვარ.

— რა ვუპასუხო, თუკი მოსამართლე ამ საქმეში ჩარევას ინებებს?

— მოახსენე მოსამართლეს, რომ ჩვენ, უშენის მკვიდრნი, დამოუკიდებელი ხალხი ვართ.

— დიახ, და საკუთარი ხელით ითხრით სამარეს, — ჩაიფრუტუნა მამასახლისმა.

და ვიღრე ბიარტური საკადრის პასუხს გასცემდა, ქურის მხრიდან ჩახლეჩილი, ხრინწიანი ხმა გაისმა:

— მართალსა ბრძანებს მამასახლისო, ასეთ სიცოცხლეს განა სიცოცხლე ქვია? ორმოცი წელიწადი გავატარე ურდასრულში და ერთი დღე არ ვყოფილვარ უძროხოდ, უფლისთვის სხვა სათხოვარი არც არა მქონდა რა.

— ყური მიგდე, — ისე წამოიწყო მამასახლისმა, თითქოს შემთხვევით გაახსენდაო რაღაც, — შემეძლია მოგვიღო ძროხა, შეიდი წლისაა, გაზაფხულზე მოიგებს. ძროხა კარგია. მართალია, რძეს მინცდამინც ბევრს არ იძლევა, მაგრამ დიდხანს იწველება ხოლმე.

— „ისევ იწყება ხრიკები“, — გააფიქრა ბიარტურმა. დიდი ხანია შესწავლილი ჰყავს მამასახლისი, პირველად კი არ ეკამათებოდა. ამ კაცის დაჭერება იგივე იყო, რომ კედლისთვის თავი გეხალა. საშინელი თავეკრძა გახლდათ, მოკედებოდა და განზრახვაზე ხელს არ აიღებდა. რედსმირელ მამასახლისს ჩვევად ჰქონდა, სათქმელს მუდამ იქიდან იწყებდა. საღაც შეჩერდა. ძნელია იმის თქმა, აბრაზებდა ბიარტურს მამასახლისის ეს თვისება, თუ აღტაცებაში მოჰყავდა. მაგრამ ამ დროს ისეთი რამ მოხდა, რომ ბიარტურმა პასუხზე თავი შეიკავა.

მისმა სნეულმა ცოლმა წამოწევა სცადა, ნიდაყვზე დაეყრდნო და მოკრძალებით დაიჩურჩულა:

— ღმერთმა ქნას, — და ისევ ბალიშზე მიესვენა.

ქალი რომ გაჩუმდა, ბიარტურმა მამასახლისის უპასუხა:

— შარშან ან შარშანწინ ხომ არც კი გაიფიქრებდი ჩემთვის ძროხის შემოთავაზებას? მაშინ ჯერ კიდევ არ იყავი დარწმუნებული, დროზე გადაგიხდიდი თუ არა უკანასკნელ შემოსატანს.

— თივაც შეიძლია მოგცე, — განაგრძო მამასახლისმა.

— ღმერთი იყოს შენი მფარველი, — გაისმა კვლავ ბიარტურის ცოლის ჩურჩული.

— ფინსენისგან ხომ ლებულობ წამლებს? აბა, თქვი, ერთი დღე მაინც მოგკლებია წამალი? — უთხრა ბიარტურმა ცოლს.

მამასახლისის ჰომეოპათიური წამლები მთელს ოლქში იყო განთქმული. უფრო იმათ წამლობდა, ვინც მრევლის კმაყოფაზე იყო. ფინსენის ხსენებაზე, მამასახლისმა ბიარტურს სთხოვა, ნება მომეცი, დავხედო, რას უგზავნის შენ ცოლს ადგილობრივი ექიმი, ალთინგის დეპუტატი ფინსენიო. ფინამ, მისი საწოლის კუთხესთან, კედელზე დაკიდული პატარა კარადის ფარდა გადასწია და სტუმარს დაანახა თაროზე ჩამწკრივებული, ყოველგვარი ზომისა და ფერის ბოთლები. ამ ბოთლებიდან ბევრი უკვე ცარიელი იყო. მამასახლისმა რამდენიმე ბოთლი გადმოიღო, საცობი მოხადა და დაყნოსა. ბოთლებზე მიწებებულ ქაღალდზე წარწერა კაურით იყო გამოყვანილი: „გუდფინას, ტურარის ქალიშვილს. დასალევი. მიიღეთ დღეში სამჯერ“. მამასახლისმა ზიზღით დაყნოსა რამდენიმე ბოთლი, თავის ადგილზე დადგა და თქვა:

— ხარშავს და ხარშავს თავის შხამიან ბანგს, ქოფაკი ბებრუხუნა!

ამ დროს ყავა დაასხეს და ბიარტურმა, როგორც სტუმართმოყვარე მასპინძელს შეეფერება, მამასახლისი და მისი თანამგზავრი სუფრასთან მიიწვია, შეეკეცით მაჭკატებსო, სთხოვა. მოხუცი ჰალბერა ქურასთან ფუსფუსებდა, თან რაღაცას ჩიფჩიფებდა თავისთვის. აუსტამ გაიგონა, რაც ითქვა სწავლასა და ძროხაზე, ჩაფიქრებული იჯდა, თითი პირში ჩაეყო, თან მოწიწებით შესცქეროდა, როგორ სანსაღდა მამასახლისი მის მიერ დამზადებულ მაჭკატებს. რაც უფრო ილეოდა შექარაოყრილი მაჭკატების დიდი გროვა, მით უფრო ფართოდ აკყეტდნენ თვალმებს ბიჭები, ფერიფური მისდიოდათ, ლანგარზე უკვე გამოჩნდა ვარდებში ჩამალული სახლი და ზღაპრული ქალიშვილი. ნუთუ მათ არ დაუტოვებენ მაჭკატებს?

— ჰო, კიდევ რა მინდოდა მეთქვა, — დაიწყო მამასახლისმა, — ადვილი შესაძლებელია, ჩემი ვაჟი, ინგოულფი თქვენს ხეობას ესტუმროს თავისი საქმეებისა გამო.

— რა გაეწყობა, გზაზე არ გადაველობები. ამბობენ, სამხრეთში დიდი კაცი ვახდაო, — თქვა ბიარტურმა.

— სამომხმარებლო საზოგადოების რწმუნებულია, — დააზუსტა მამასახლისმა.

— ოჰო! ეს უკვე რაღაცას ნიშნავს.

— არ ვიცი, ვაგებული გაქვს თუ არა, რომ მატყლი სამჯერ იმაზე მეტს ფა-

სობს, რამდენიც შარშან ბრუნნიმ გადაგიხადათ. თუმცა, რაღა მატყლზე ვლაპარაკობ, განა ხორცის ვაჭრობით ნაკლებად მოითხო ხელი?

— რაც შემეხება მე, — უბასუხა ბიარტურმა, — ვიდრე იმის შესაძლებლობა მაქვს, რომ შენ და მედუქნეს კანონით კუთვნილი გადაგიხადოთ, ჩემთვის სულ ერთია, როგორ დაადანაშაულებთ ერთმანეთს მდიდრები, თაღლითობას დასწამებთ, ქურდობას თუ კიდევ სხვა რამეს. ასე ყოფილა პირველი ახალმოშენების დროიდან და ასეა დღესაც.

— ლაჩრები ხართ ყველანი, ნამდვილი ლაჩრები, — წამოიძახა მამასახლისმა. — ისე ცხოვრობთ და კვდებით, იმ კაცის გწამთ, ვინც ყველაზე დაუნდობლად გყველფავთ.

— შენზედაც ამბობენ, არც ისეთი მამა აბრამის ბატანია, როგორც თაჯი მოაქვსო. ცოცხალი წონით ყიდულობს საქონელს ჩალის ფასადო. როგორც შემოდგომაზე მითხრა მედუქნემ, ხუთი-რვა კრონი მოგიგია თითო ბატკანში, სამხრეთში, ვიკში რომ გაპყიდე. და განა მარტო ამას ამბობენ?

მამასახლისს ერთი უცნაური თვისება ჰქონდა: თუ ქურდობაში ან მკვლელობაში დასდებდნენ ბრალს, აინუნში არ ჩააგდებდა, არასოდეს არ გაცხარდებოდა, ისე იქცეოდა, თითქოს ეს ბრალდება ეამება კიდევო, მაგრამ იმას კი ვერ იტანდა, თუ ერთ დანაშაულში — სახელდობრ, სარფიან ვაჭრობაში და ფულის მოხვეჭვაში სდებდნენ ბრალს. ასეთ ცილისწამებას ვერ იტანდა, ხელად ამოიდგამდა ენას. ახლაც ასე მოხდა, იოუნი უცებ გამოცოცხლდა, აენთო, მთელი ტანით წინ გადმოიხარა, სახე მოედრიცა, თვალებიდან ცეცხლს აფრქვევდა, უწინდელი სიმშვიდის ნიშანკვალიც აღარ შერჩა და ენად გაიკრიფა.

— საბედნიეროდ, ჩემი საქმეებისა მე უკეთ მომეხსენება, ვიდრე ფიორდელ მედუქნეს. როცა გნებავთ, საბუთებით დაგიმტკიცებთ, რომ ცოცხალი ცხერის ყიდვაში გაიკლებით მეტი ზარალი ვნახე, ვიდრე მთელი ჩვენი ოლქის გლახებს უნახავს მელიისაგან, რამდენიმე ათეული წლების მანძილზე. შენ მედუქნეს უჯარებ, რომ მე შემოდგომაზე, საკუთარი სიამოვნებისთვის ვყიდულობ ცხვარს? სინამდვილეში, თუ ჩემი სამრევლოს გლახებისგან ვყიდულობ საქონელს, ვყიდულობ მხოლოდ მათი სიბრალულოთ. რა არის სიბრალულო? გინდა დაეხმარო გაჭირვებაში მყოფ ადამიანს. კაცმა რომ თქვას, მე რატომ უნდა მადარდებდეს სხვისი გაჭირვება? მაგრამ არა, გული არ მითმენს, სულელივით ვეჩხირები, ოღონდ შიმშილსა და განადგურებას გადავარჩინო-მეთქი უბედური ხალხი. გავათავისუფლო ვალებისაგან, ყველაფერი კი სულ სამრევლოს გამო მომდის. ვითომ რა ხეირი მაქვს ასეთი თავგანწირვის პასუხად? გახდნენ მრევლის სარჩენი, მრევლი ოლქის სარჩენი, ოლქი კი სახელმწიფოს დაწვევს კისერზე — ეშმაკსაც წაუღია ყველა ერთად. განა მე

დავპატივე რომელიმე. კალთები ჩამოვახიე, გინდა თუ არა მოდიო ჩემთან-მეთქი? არა, მე არავის ვიწვევ, შეილოსან, ისინი კი მაინც მოდიან. ჰოდა, რა უნდა ვნას კაცმა? ერთი ხორბალსა გთხოვს, მეორე შაქარს, მესამე თივას, მეოთხე ფულს სესხულობს, მეხუთეს ბურნუთი უნდა. იქნებ მე ჩემი საყოფი საღეჭი თამბაქოც აღარ შემრჩა, ეს არავის აინტერესებს. მეექვსეს ესეც უნდა და ისიც. მეშვიდე თხოულობს, თამბაქო დამიპყრითო, თითქოს ეს ჩემი პირადი მოვალეობა იყოს. ბრუნის ჰგონია, რომ მე საჩუქრების საწყობი მაქვს და ყველას, რაცა ნებავს, მუქთად შეუძლია წაღება. ჰოდა, ნება მიბოძე გვითხო, ტულინიუს იენსენი რატომ საკუთარ ქონებას ბანკად არ აქცევს და დაუბრუნებელ სესხს არ დაურიგებს ხალხს? არა, გადაეცი ჩემგან ბრუნის, რომ წლითიწლობით ჩემთან მოდის მისგან გატყავებული ხალხი, დედიშობილა რომ გაუშვა და საკუთარ ანგარიშში იმ საცოდავებს ერთი მუჭა ფქვილიც კი არ მისცა დამშეულ-დასუსტებული ბავშვებისთვის. ახლა თვითონ იფიქრე, რას გამოვრჩები ასეთ წყალწაღებულ ხალხს შემოდგომაზე? საცოდავ ბატონებს, მელიის მისატყუებლადაც რომ არ ვარგვიან?

ასეთი აფეთქების შემდეგ, მამასახლისმა ჯიბეში ჩაიყო ხელი, მოაფათურა, სათუთუნე ამოიღო, მაგრამ თამბაქოს დაღეჟვას კი არ აპირებდა. ასეთი ჩვევა ჰქონდა, როცა ვინმეს ეკამათებოდა, თამბაქოს მანამ არ მოჰკიდებდა ხელს, ვიდრე მოწინააღმდეგეს ფარ-ხმალს არ დააყრვენიებდა ან ხელს არ ჩაიქნევდა, არა ღირს შენთან ლაპარაკიო.

— დროა, დრო, — დაიწყო ისევ მამასახლისმა და სათუთუნე ჯიბეში ჩაიღო, — გამოფხიზლდნენ გლეხები, როგორც აქ, ისე სხვა ოლქებში და ვინც რამეს წარმოადგენს, მოითათბირონ ერთმანეთში, გამოარკვიონ რა არის მათთვის სასარგებლო და რა არა. მაშინ, ჩემისთანა სუსტ, პატარა სახსრებისა და დიდი პასუხისმგებლობის მქონე კაცს აღარ მოუხდება საკუთარი ოჯახის გატივალება ისეთი ხალხის გულისთვის, რომლებიც უკვე გაყვლიფა მელუქნემ და შიმშილით იხოცებიან მისი წყალობით. ამის მერე, მადლობის მაგივრად, ქურდაობასაც დაგწყამებენ.

— უწინ შენზე ამბობდნენ, თუ ვინმეზე ზრუნვა დაიწყო, იცოდეთ, კარგი ნიშანი არ არის, იქ საქმე სხვანაირადააო, — უთხრა ბიარტურმა.

— ერთ რამეში შეგიძლია დარწმუნებული იყო, რომ შენი ფინასათვის გაცილებით უკეთესი წამლის დამზადება შემიძლია, ვიდრე ეგ ქაფურიანი არაყოია, ფინსენისგან რომ მოგაქვს და ჰუიპავ ცოლს. ფინსენი და ტულინიუს იენსენი ერთი ჭურისანი არიან. რამდენადაც ვიცი, მაგ ძმაბიჭებმა ალთინგში ვერაფერს მიაღწიეს, გარდა იმისა, რომ ნავსადგურის აგება დაავალეს მათ საეკპრო ხომალდებისათვის და კარგა ზორბადაც ჩასვეს ხაზინა. სუბსილია მიიღეს ორი

ნავმისადგომის ასაგებად, მაგრამ უკან მოხედვა ვერ მოასწრეს, რომ მათი ნაცოდვილარი ნაგებობა ოკეანის ტალღებმა მიღევ-მოღევწა და გადაარეცხა. ახლა მაგ ვაჟბატონებს მტკიცედ გადაუწყვეტათ, კიდევ ასი ათასი კრონი გამოცინცლონ ხაზინას—მოლოს ასაგებად, რომელიც გაშლილ ზღვაში უნდა გავიდეს ვითომდა დანგრეული ნავმისადგომების ბურჯად. მერედა ვისმა კისერმა უნდა ზლოს ნაგავივით წყალში გადაყრილ ნაგებობებზე დახარჯული ეს დიდძალი თანხა? რა თქმა უნდა, ჩვენ, გლეხებმა, უამისოდაც ცოცხლად რომ გვაძრობენ ტყავს პირდაპირი თუ არაპირდაპირი გადასახადებით. დიახ, ჩვენ, ისლანდიელა გლეხები, ვაჭრების ყურმოჭრილ მონებდა რომ არ გადავიქცეთ, უნდა გავერთიანდეთ ჩვენივე ინტერესების დასაცავად, ისევე, როგორც თინგეაში გააკეთეს ამ ოცდაათი წლის წინათ.

მამასახლისი წამოდგა, წელში გაიმართა, კისერზე შალი მოიხვია.

—პო, გოგონა, — თქვა მან და აუსტა სოულილიას გვერდით შედგა, — იმდენი სითბო იყო მის თვალებში, მისი სახის სწორ, მკაფიო ნაკვეთებში ისეთი ძალა იგრძნობოდა, რომ გოგონას აღმურმა გადაუარა სახეზე, —ორი კრონი მიინდა გარეშო. ყმაწვილი ქალისთვის ცხვირსახოცის ყიფვაც კი დიდი სიხარულია, — საფუილიდან ამოიღო ვერცხლის მონეტა და აუსტას გაუწოდა. გოგონას ყოველთვის ეშინოდა ამ კაცისა, განსაკუთრებით კი ამ წუთებში.

ბიჭებისთვის ერთხელაც არ შეუხებდავს, ქურთუკი შეიკრა, წასასვლელად მოემზადა და თქვა:

—ძროხა ას ორმოცდაათი კრონი ღაგვრდება. თივა კი, როგორც შევეთანხმდებით.

თ ა ვ ი ო ც ღ ა მ ე ა შ ვ ი დ ე

ს ა ლ ა მ ო

სალამოვდება. იმ სიმღერებისა და ზღაპრების შემდეგ, დღეს რომ უამბობებიათ, ბიჭს როგორღაც გული საგულეს არა აქვს, განძრევისა ეშინია, ავი სულელების შიშით იბუზება და ჩუმად ქსოვს. ბებია და აუსტა მისკენ ზურგშებრუნებული დგანან, საპასუხისმგებლო საქმით არიან გართული — კერძს ამზადებენ. თითქოს მღვდელმსახურებას ეწევიანო. ფიჩხი შიშხინებს, არ უნდა ანთება. ოთახი კვამლთ ივსება, წვავს, ყელში უხიციანებს ნონის. სწორედ ეს გახლავთ დღის პოეზია, ამ კვამლში რომ ცოცხლობს, ამ კვამლში ბიჭი ხედავს, როგორ

ათამაშებს გრიგალი თოვლის ფანტელებს, ხედავს უფსკრულებით დასერილ ხე-
ობას და მოჩვენებებს, მოვლენილთ ჩვენდა per nostra crimina*. ეზოდან
დროდადრო უფროსი ძმების ხმა ისმის, ისინი კინკლაობენ, მაგრამ ეს შევებას
ვერა ჰგვრის ნონის, ბიკს სევდა ერევა, თანდათან უფრო დაუდევრად ქსოვს,
უსწორამასწორო თვლები ამოჰყავს, მარცხენა ხელის საჩვენებელი თითიც დაუ-
ბუჯდა. ბინდბუნდში ოთახის კედლებმა თითქოს განზე გაიწია, მათ შორის
უკიდევანო სივრცე გადაიშალა და ბიკს ეჩვენება, რომ ადამიანს არ ძალუძს ამ
სივრცის გადალახვა. დედაც კი საღაღაც შორსაა, შორს, მგონი, ველარ ელირ-
სება დედის მკერდში ჩაკონებას, ეშინია, რომ დედა სამუდამოდ ჩაიკარგება
ბურუსის ტალღებში. განა სწორედ ამ ბურუსში არ არის ცხოვრების პოეზია,
სიკვდილის პოეზია...

ვასშობისას ბავშვები როგორღაც შებოქილად გრძნობდნენ თავს. ოთა-
ქში სამარისებური სიჩუმე იყო გამეფებული. გასუსული ბიჭები დროდადრო
თვალს გააპარებდნენ მამისკენ, მერე ერთმანეთს გადახედავდნენ. აუსტა უხალი-
სოდ ციციქნიდა საკმელს, მოხუცი ჰალბერა თავდახრილი რაღაცას ლულლუ-
ლებდა. კარგად რომ დანაყრდნენ დამარილებული თევზით, კარტოფილიც
მოათავეს, დილის მორჩენილ ცივ ფაფას პირი ადარავინ დააკარა. აუსტამ ჭურ-
ქელი აალაგა, მღელვარებისაგან უფრო შესამჩნევად აელმებდა თვალს. უფროსი
ბიჭები გაწიწმატებული ეჩურჩულებოდნენ ერთმანეთს, დედაც ჩურჩულით ამ-
შვილებდა მათ:

— კარგით, კარგით, გეყოფათ ბავშვებო!

მოხუცმა თაროდან საქსოვი გადმოიღო და ხმამაღლა, თითქოს შეწყვეტილ
ზღაპარს აგრძელებსო, თქვა:

— იზმუვე, იზმუვე, ბუკოღლავ, თუკი ცოცხალი ხარ!

— რაო? — უკმაყოფილოდ ჰკითხა ბეარტურმა.

— კუდიდან ბალანი გამომაძრე და მიწაზე დადე, — ჩაიჩიფჩიფა საქსოვ-
ზე თავდახრილმა მოხუცმა და ჩამომდგარ მღუმარებაში ისე გაისმა მისი ხმა,
თითქოს ყინვამ გაიჭახტახათო.

ბიჭები წაძიძვილავდნენ.

უცებ აუსტა მამისკენ წავიდა, ხელში თეფში ეკირა, შედგა მის წინ და
უთხრა:

— მამა, სწავლა მინდა!

ყინულის ბორკილები გალღვა.

— ვიდრე პასტორთან არ დავიწყე სიარული, რიგინად არც მე ვიცილოდი

* ჩვენი დანაშაულის საზღაურად (ლათ.), აქ: ჩვენი ცოდვების.

წერა-კითხვა. მაშინდა წავიკითხე „საგა ერვარ ოღაზე“ და კათეხიზმოც დავი-
ზეპირე, — უპასუხა ბიარტურმა ბავშვს.

— მამა, მე სწავლა მინდა, — დაეინებით გაიმეორა გოგონამ, თავი დალუნა,
თვალი დახარა, ხმა და ბაგე უთრთოდა, ხელიც, რომელშიც თეთვში ეჭირა,
უძიგძიგებდა.

— კარგი, ჩემო გოგონი, როგორმე ერთად წავიკითხავთ ლექსებს ბერნო-
უტზე და შენ მათ დაიზეპირებ.

აუსტამ ტუჩი მოიკვნიტა და თქვა:

— ბერნოუტზე დაწერილი ლექსების სწავლა მე არ მინდა.

— უცნაურია, — თქვა ბიარტურმა, — მაშ რის სწავლა გინდა?

— საღვთო სჯულის.

— მაგას მოხუცი პალბერაც კარგად გასწავლის.

— არა, რედსმირში მინდა წასვლა, როგორც მამასახლისმა თქვა.

— რად გინდა იქ წასვლა?

— მინდა ღმერთზე ვიცოდე ყველაფერი.

— ასეთი სისულელეების გაგონებაც კი არ მინდა, — უპასუხა ზაფხულის
საგანელმა ბიარტურმა.

— მე მაინც მინდა უტირედსმირში წასვლა.

— ოჰო, აი თურმე რა ნებავეს გოგონას! — თქვა ბიარტურმა. — ეს იცოდე,
ჩემო კარგო, რომ უწინ მე მიგყოფ ხელს რედსმირელი ბავშვების აღზრდას.
ვიდრე ჩემ შვილებს მათ გავუგზავნი.

— რედსმირში მინდა...

— მე რომ მოკვდები, მერე.

— რედსმირში... — ისევ გაიმეორა გოგონამ.

— განსვენებულ დედაშენსაც ერთი პირობა უნდოდა რედსმირში წასვლა.
მაგრამ არ აპყვა ამ სურვილს. სიკვდილი ამჯობინა და მოკვდა კიდევ: აი ის
იყო აღამიანი. უტირედსმირი უტირედსმირად რჩება. თვრამეტი წელიწადი
გავატარე იქ და მას მერე წელში ველარ გავიმართე. მალე ოცდაათი წელიწადი
გახდება და დღემდე ანგარიში ვერ გამისწორებია მათთან. ახლა კი ძროხა უნ-
დათ თავს მომახვიონ. დედაშენი აი ამ ოთახში მოკვდა, მოკვდა ისე, რომ მო-
წყალეებისთვის ხელი არ გაუწვდია. ის დამოუკიდებელი ქალი იყო.

ცამეტი წლის შემდეგ ბიარტური თავისი გარდაცვლილი ცოლით ამაყო-
ბდა, თავყანს სცემდა მის ხატებას, ისეთს, როგორიც ხსოვნაში ჩარჩა. მისი სუს-
ტი მხარეები კი დაივიწყა. მაგრამ როცა დაინახა, როგორ უთრთოდა მხრე-
ბი მის გოგონას, კურკელზე თავდახრილი გულამოსკვნით რომ ტირიდა, გაი-
ფიქრა, ქალთა სქესი საერთოდ სუსტია, ქალს ნუგეში უნდაო. არავის მიმართ

არა გრძნობდა ისეთ სინაზეს, როგორც ამ ელამი გოგონასადმი. მან ხომ ისეთი ლამაზი სახელი დაარქვა მას. კვირა დღეს, როცა არ საქმობდა, დიდხანს, დიდხანს უყურებდა ხოლმე აუსტას, უფრთხილდებოდა, როგორც შეეძლო, ჯაფხულობით, ავღარში გაცხარებული მუშაობისას, დღეში ორჯერ შინ გამო-ისტუმრებდა ხოლმე დასასვენებლად.—ყოველივე ამას ზედმეტი სიტყვის უთქმელად აკეთებდა. აი, ახლაც შეჰპირდა, ხვალვე გასწავლი კითხვას, რომ რელსმირელებმა შარი ვერაფერში მოგდღონო. საუცხოო ლექსების შვიდი კრებული ჰქონდა;

— გაზაფხულზე კი, ვინ იცის, იქნებ სხვა წიგნიც ვიყიდოთ, სადაც ერვაროდას ამბავი წერია და ცხვირსახოციც...

დუმილი.

— გოგონა, სჯობს ეგ ვერცხლის მონეტა მე მომცე. ეგ იუდას ვერცხლია.

პასუხი არც ახლა აღირსეს.

-- ამ ჩვენ სკივრში, ვინ იცის, იქნებ შენთვის ლამაზი კაბაც ვიპოვოთ. ჰო... ჩემ საგარეო ქურთუკშია გახვეული. ოღონდ გაზაფხულამდე ცოტა უნდა გაიზარდო, რომ კაბა გამოგადგეს!

— იზმუვლე, იზმუვლე, ბუკოდლაჲ! — ჩაიფიფიჩა ჯარაზე დახრილმა მოხუცმა. ტუჩით მიწვდა ნახვრეტში გამოყოფილ ძაფის წვერს და მოსწია.

— ჰალბერა, ბავშვებთან ასეთი სისულელეები მეორედ აღარ წამოგცდეს. ცოდე, გიკძალავ-მეთქი ამას, — შეუწყრა მოხუცს ბიარტური.

— კუდიდან ბალანი გამომაძრე და მიწაზე დადე!

აუსტას ცრემლი ღვარად გადმოსდიოდა თვალებიდან.

— რაკი ამხელა გოგო გახდი, მე მგონია, დროა უკვე ცხვარი გაჩუქო. მოყვითალო-მოყავისფრო ძალზე ლამაზი ცხვარი მყავს, ცოტა შენა გგავს.

როგორღაც დარცხვენით შეჰყურებდა ბიარტური გოგონას მოხდენილ კენარ ტანს. ამ დათოვლილ ხეობაში გოგონასაც ჰქონდა თავისი ოცნება, ასე გულსაკლავად რომ ტიროდა ახლა. ბიარტური მივიდა მასთან, ნაზ ყვავილს თავზე ხელი გადაუსვა.

— გაზაფხულზე ქალაქში წაგიყვან. იქ წასვლა რელსმირში წასვლას ათასჯერ სჯობია. ზღვას ნახავ, ზღვასთან ერთად ქვეყანას ნახავ.

და როცა მამამ ხელი შეახო, გოგონა უცებ დამშვიდდა, გადაავიწყდა თავისი ნაღველი. მამა ისე იშვიათად ეფერებოდა... მიეკრო მამას და იგრძნო, რომ ქვეყნად მასზე ძლიერი არავინ იყო. მამის ყელზე, საყელოსა და წვერს შუა, ერთი საუცხოო ადგილი იცოდა, გოგონა ტირილით ათრთოლებული ტუჩებით მიეტანა იმ ადგილს და იპოვა... ასე ანაზღად ქრება ზოგჯერ ცხოვრებისეული ჭირ-ვარამი. ბინდში წამი გაიელვებს—და ყველაფერი დამთავრებულია.

ანთეს ლამპა.

დათოვლილ უდაბნოში ჩაკარგული, პატარა, გაჭირვებული ოჯახის ცხოვრება ჩვეულებრივ კალაპოტში ჩადგა. ბიარტურმა ახალი ბაგისთვის ფიცრის გაშალაშინება დაიწყო, ხავისისა და ბურბუშელას ნამცეცები მოედო წვერში, მუშაობდა, თან დროდადრო რომელიმე ლექსის ნაწყვეტს ჩაილიღინებდა. უფროსი ბიჭები მატყლს ჩეჩნდნენ, ერთმანეთს სულ არ ჰგვანდნენ. უფროსს, თმა-ხუჭუჭა, გრძელხელება ბიჭს, მძიმე ხასიათი ჰქონდა, გულჩათხრობილი იყო. შუათანა ძმა—ჩაფსკენილი და ფიცხი—ეს გულმართალი ადამიანის თვისებაა. უფროსი ბიჭი მამას ხშირად ეპყანებოდა ზურგსუკან, ხან კი, როცა ფარეხში ან ეზოში მუშაობდნენ, უცებ მიატოვებდა საქმეს, ზემოთ აირბენდა, სადაც დედა იწვა, ლურსმნით ფხაჭნიდა მაგიდას და დედას სულელურად და ჭიუტად შეპყურებდა. როცა იჯდა, ერთთავად მუხლებს ურტყამდა ერთმანეთს. შუათანა ძმას, საქმის დროს თუ ძილი მოერეოდა, თვალებს აპყეტდა, გამოსაფხიზლებლად ხან ასანთის ღერსაც კი გაიჩხირავდა ქუთუთოს და ქუთუთოს შუა... ეს მისი გამოგონება იყო; შრომისმოყვარე ბიჭი ქანცის გაწყვეტამდე მუშაობდა. ძმები მატყლს ჩეჩავდნენ და წარამარა მუჭლუგუნებს წაჰკრავდნენ ხოლმე ერთმანეთს, ალბათ საქმე ჩხუბით დამთავრდებოდა.

აუსტამ საქსოვს მიჰყო ხელი. ფუი, ერთი ამ კუდალას უყურეთ! მაინც რამდენი აკლია, ყოველ წერილმანზე რომ იწირპლება. ფიქრად არავის მოუვა იმაზე ტირილი, რაზეც ეგ ამოუშვებს ხოლმე ფშრუყუნს... ეკ, მადლი უფალს, გაჩერდა, აღარ ტირის. დედას კი გამოკეთების პირი არ უჩანს, ისევ ისეა, როგორც გუშინ და გუშინწინ იყო. იქნებ იმ წამალმა არგოს, მამასახლისი რომ შეჰპირდა მამას? — ფიქრობს პატარა ნონი.

ჯარას ზუზუნი მიარღვევს სივრცესა და დროს.

პატარა ნონი აღარ ფიქრობს საღამოზე, აღარც კი ახსოვს, თუმც უკვე მოსაღამოვდა. ხალხი და სამზარეულოს ჯამ-ჰურტკელი ნელ-ნელა ქრება სადღაც. მანძილი ოთახში იზრდება, ფართოვდება, თვალუწყვლენელი სივრცე იშლება. ძნელი წარმოსადგენია იმაზე უფრო სულელური რამ, ვიდრე ოთახი, რომელიც ფართოვდება. ბებიის ჯარას ზუზუნი თითქოს იქვე ახლოს კი აღარ ისმის, არა, ის შორს, შორს მოქირკილე ქარია, უცნობ მთებს რომ ჩაუქროლებს ზუზუნით. ბებიის ღაწვი, ჩაჩიდან რომ მოუჩანს, ღრუბლებში იმალება. ნეტა საიდან გაჩნდა ეს ღრუბლები? სოულა უკვე უტირედსმირშია, რომ იქ ღმერთზე გაიგოს ყველაფერი? თუ ძროხა აჩუქეს? არა, არა! ეს ძაღლია, კიბის თავთან წევს და ამთქნარებს, ტანს იფხანს, უკანა ფეხებით კედელს ფხოქნის, მერე ბორბალივით დაეხვევა.

დედამისი—ეს მხოლოდ მოგონებაა, რომელიღაც ყურმოკრულ სიმღერა-

ზე, სიმღერაზე, მთელი ქვეყნისთვის რომ უნდა ითქვას, ეს სიმღერა იმაზეა, რომ მთელი დღე საითკენღაც მიუწევდა გული, მაგრამ ახლა აღარც კი ახსოვს, საით. ნეტავ მალე გაჩნდეს იქ! ახლოვდება დრო, როცა ყველა ოცნება აუხდება, თუმცა აქამდე ჭერ ერთი ოცნებაც არ ახდენია.

ასე დგება საღამო, ვიდრე შეამჩნევ, რომ გაჭიანურებული დღე მიიწურა. საღამოს თან მოსდევს ათასნაირი უშუქრდილები, გამოსახულები, ისინი დნებიან, იშლებიან. აღამიანიც დნება, ის უკვე დროის მიღმაა და ჭრება სხვა გამოსახულებებთან ერთად.

ბებია უკვე ფეხსაცმელს ხდის პატარა ნონის.

თ ა ვ ი ო ც ღ ა მ ი რ ვ ი

ლ ი ტ ე რ ა ტ უ რ ა

გულში ვინახავ ამოდ
ჩემი მიწნურის სახეს,
ო, მისი მსგავსი ქვეყნად
ვერა, ვერავინ ვნახე.

თვალებს სითბო აქვთ მწველი,
ლამის გაქციონ ლხენად,
თაფლს ღერის ნიადაგ მისი
აღერსიანი ენა.

მის ზივარდოვან ღაწვებს
მზე აელვარებს გზნებით,
შუბლს ჩანჩქერივით არხეგს
ოქროცურვილი თმები.

სახეს უნახეს მარად
ისევ ვიხსენებ თრთოლვით,
სულს სიყვარულის დარად
წმინდად აცვივა თოვლი.

და ისევ მღერის გული,
ხან ცა ციმციმებს, ხან მზე,
თვალთა უცნაურ ცეცხლზე,
ღაწვთა, ბაგეთა ვარდზე.

ასე ვინახავ სულში
ჩემი მიწნურის სახეს,
ო, მისი მსგავსი ქვეყნად
ვერა, ვერავინ ვნახე.

ვით გაზაფხულისა
დასკვნა და გაქრა ერთობ,
სდვინზე ძვირფასს ქვეყნად
ვერსად ვიპოვი, ღმერთო.

აუსტა სოულილიას სწავლა იომისს ვიკინგებზე დაწერილი საგიდან ამოღებული ამ სამიჯნურო სიმღერით დაიწყო. გოგონა დამარცვლით კითხულობდა, როცა პირველი სტროფი დაძლია, ბიარტური სკამის ზურგს მიეყრდნო, თვალეზი მილულა და იმღერა წაკითხული სტროფი, მერე ბავშვს აუხსნა გაუგებარი ადგილები. ყოველ წაკითხულ სტროფს აუსტა იზებირებდა და მარტო რომ დარჩებოდა, ხმადაბლა მღეროდა.

მთელი ეს სამიჯნურო სიმღერები მიმართული იყო ერთადერთი ქალისადმი, რომელსაც როზა ერქვა. აუსტას არასოდეს არ უკითხავს, ვინ იყო ის ქალიშვილი, ვისაც პოეტმა ასეთი, როგორც მას ეჩვენებოდა, საუცხოო ლექსები უძღვნა, მაგრამ მამასთან ერთად ხედავდა იმ ქალიშვილს, მამასთან ერთად უყვარდა იგი და გულში ღრმად ჩასწვდა ლექსის გულუბრყვილო სიტყვები, ბებუის ჯარაზე პრიმიტიულად ამოჭრილ, ღვთისმოსაურ წარმონათქვამებს რომ ჰგავდა.

აუსტას საერთოდ ბუნდოვანი წარმოდგენა ჰქონდა იმაზე, თუ როგორ იქმნება და იწერება ლექსები. მამის ხმა და გარდასული საუკუნის პოეტის გულში ანთებული სიყვარული ერთმანეთს შეერწყა, შეუსისხლხორცდა, ერო შთაბეჭდილებად იქცა. როცა გოგონა წყლით სავსე კასრში თავის გამოსახულებას ატკერდებოდა, ბავშვურად ოცნებობდა, რომ დამსგავსებოდა იმ ქალს. რომელიც აღარ იყო ამ ქვეყნად...

როცა სამიჯნურო სიმღერებიდან საგებზე გადავიდნენ, სწავლა გაუძნელდა. აქ უკვე ბიარტურის განმარტებები აღარ კმაროდა იმისათვის, რომ მოეხერხებია ზოგიერთი გასაგები ადგილების ერთმანეთთან დაკავშირება და გამოუცდელი მკითხველი დაბნეული დაბორილობდა გაუგებარი, ძნელად გამოსათქმელი სიტყვების წყვილადში, თითქოს ამ სიტყვებს შორის არავითარი კავშირი არ იყო. გმირები—ვიკინგები, მათი ლაშქრობა და ბრძოლები—ყველა ეს ბავშვის მწირი წარმოსახვისთვის ძნელად დასაძლვეი გახლდათ, და, როცა საქმე ვიკინგების სამიჯნურო თავგადასავლებამდე მივიდა, ამ ადგილებს მამა უკვე თავისთვის კითხულობდა ჩუმად, თან იცინოდა: „ერთი ამ მუსუსებს უყურე!“ დავეცავდა წიგნს და იტყოდა, ახალგაზრდებისთვის მავნეა და ურიგოც არის ასეთი ამბების მოსმენაო. ბოლოს, ვიკინგებმა თავის სამიჯნურო თავგადასავლებში ისე ღრმად შესტოპეს, რომ წიგნი ბიარტურმა ბოლომდე აღარ წაი-

კითხა. ახლა სხვა საგა გადმოიღო, საგა ბერნოუტზე. ეს უფრო შესაფერი საკა-
სხავი იყო ახალგაზრდებისათვის.

— ვიკინგების სამიჯნურო ამბების წაკითხვა რატომ არ შეიძლება ჩემ-
თვის? — ჰკითხა აუსტამ.

— ოჰო!

— მე კი ძალიან მინდა ვიცოდე ეგ ამბები!

— გრცხვენოდეს! — აენტო მამა და სილა სტკიცა აუსტას. მთელი დღე
ხმა არ გაუცია მისთვის. მას შემდეგ აუსტას აღარ წამოცდენია ასეთი რამ. რო-
ცა ბერნოუტზე დაწერილ საგას კითხულობდნენ და იმ ადგილზე მივიდნენ, სა-
დაც გადაცმული გმირი მოახერხებს პრინცესა ფაუსტინას განსასვენებელში
შესვლას, გოგონა გაწითლდა და თავი დახარა. ბერნოუტი ამბობს:

მეფის ასულს გულს გაუხსნის

ყმა—რაინდი ბოლოს:

— თქვენი სილამაზის ტყვე ვარ,

მისახურეთ მხოლოდ!

ქალი მალავს, ველარ მალავს

გულის სურვილს ბოლოს:

— მიყვარხართ და... სხვა რა ძალმიძს,

მეყვარებით მხოლოდ!

ასე იხსნენ პრინცესა და რაინდი მთელი ღამე, მზის ამოსვლამდე. აუს-
ტას კრინტი არ დაუძრავს, თვალიც არ აუწევია. მაგრამ საღამოობით, ლოგინ-
ში რომ წებოდა, საბანს თავზე წაიფარებდა თუ არა, ზაფხულის სავანის პატა-
რა ოთახი ქრებოდა. მზეთუნახავი ფაუსტინა იჯდა თავის სამთიობოში, ფიქრობ-
და რაინდზე, რომელსაც უნდა დაეძლია ყველა და მის დაბრუნებას ელოდა. მო-
ლოდინში დრო ნელა მიზოზინობდა, განსაკუთრებით მას შემდეგ, როცა ბერ-
ნოუტს, ხელმწიფის ავი ხრიკებისგან თავდასაღწევად, კუნძულ ბორნეარხზე
გაქცევა მოუხდა. მაგრამ იქაც მიწვდა მსახვრალი ხელი, ყველაზე სულმდაბა-
ლი, საზიზღარი არამზადები გაგზავნეს რაინდის მოსაკლავად. ფაუსტინა მარ-
ტო იჯდა თავის სამთიობოში, შორეულ, უცხო სანაპიროზე გადახვეწილი რა-
ინდი კი ერკინებოდა მტრის მიერ შოგზავნილ საიდუმლო მკვლელებს, მარტო
უმკლავდებოდა მათ. ერთი იბრძოდა ყველას წინააღმდეგ.

უცხო მხარეში ერთი ათასებს

ტორლეფ გმირი ებრძოდა რისხვით...

ებრძოდა მტერს და მღეროდა კიდევც,

ცას ათრთოლებდა სიმღერა მისი.

ებრძოდა მტერს და მღეროდა გმირი,

და მის სიმღერას ქარზეთ აშლილს

წებთა მტრევეა და ისართა მსხვერვეა
ვერ დაფარავლა ხმაურით მაშინ.
ებრძოდა მტერს და შლეროდა ასე.
სისხლისღვრა იყო დიდი და ხშირი...
და დადგა მერე მტრის გვაშთა შთაზე
გამარჯვებული ტორღეფ გმირი.

ეს მამა მღერის.

აუსტა საბნის ქვემოდან იჭყიტება. ყველა დაწვა უკვე, მარტო მამა ფხიზ-
ლობს, საწოლზე ჩამომჯდარა და საქმეშია გართული, სძინავს მთელ ოჯახს.
ჩამიჩუმი არ ისმის, მარტო მამა მღერის. პერანგისამარაა, ჩაფსკენილი, მხარ-
ბეჭტანდერი, მძლავრი ხელები აქვს, აჩეჩილი თმა. წარბები ისე ჩამოსწოლია
თვალებზე, როგორც ფრიალო კლდე მთას. მის მკერძზე ყელზე, წვერქვეშ, რბი-
ლი ადგილია. გოგონა დიდხანს მალვით უყურებს მამას. მამაზე ძლიერი ქვეყ-
ნად არავინ არის, ის ხომ უდიდესი სკალდია, ყველა კითხვაზე შეუძლია პასუ-
ხის გაცემა, წაკითხული აქვს ყოველი საგა, არავისი და არაფრისა არ ეშინია.
წორეულ, უცხო სანაპიროზე ებრძვის მტრის ურდოს, თავისუფალი და დამოუ-
კიდებელი — ერთი ყველას წინააღმდეგ.

— მამა, — საბნის ქვეშ დაიჩურჩულა გოგონამ.

აუსტა დარწმუნებული იყო, რომ მის წინ იჯდა გმირი ბერნოუტი, ის იყო,
სხვა არავინ და მან ახლავე უნდა უთხრას ეს მამას. მამას კი არ ესმის.

— მამა, — ჩურჩულებს ისევ გოგონა და საკუთარი ხმა ეუცხოვება.

ვერა, ვერ გაუბედა ამის თქმა. როცა მამამ მისკენ გამოიხედა, მთელ ტან-
ში ერუანტელმა დაუარა. ღრმად ჩაიმალა საბნის ქვეშ. ვაითუ ისევ სილა გააწ-
ნას, როგორც მაშინ, იომისის ვიკინგების ამბით რომ დაინტერესდა. კიდევ კარ-
გი, არაფერი უთხრა.

ბიარტური ფარეხში წავიდა, დაძინების წინ უნდა დაეხედა ბატკნების-
ოვის. ფარეხში რაღაცას ღიღინებდა. აუსტა გაფაციცებული უგდებდა ყურს,
ითვლიდა მის ნაბიჯებს, როცა იმავე ჰანგის ღიღინით ამოჰყვა კიბეს. გოგონას
უფრო ძალუმად აუძგერდა გული.

მე ვიცი, სიტყვებს არ ძალუთ ახლა
შენი მოხიბლვა, ლამაზო ქალო,
მაგრამ მე მაინც სიტყვებით ვცდილობ
მოგინადირო...
ვმღერი და ვგალობ.

როცა აუსტამ ისევ გამოჰყო საბნის ქვემოდან თავი, ბიარტურმა შეუქი
ჩააქრო.

ღამეა.

ძ რ ო ხ ა

მარტის დამდგეს, ერთ წყნარ, თოვლიან, კაშვავა ღღეს, მოხდა ისეთი რამ, რაც მთელი სიცოცხლის მანძილზე ხსოვნაში რჩება. ამის მნიშვნელობას მხოლოდ ის გაიგებს, ვისაც მსგავსი რამ გამოუყვია. დასავლეთის მხრიდან, მთის ფერდობზე უშველებელი, უცნაური რაღაც ნელა მოიწვედა. იმ ზამთარს ბიარტურის ბიჭებიც გაეცვენნენ საგებს და ახლა, მოძრავი, ვეებერთელა რაღაცის დანახვაზე დაასვენენ—ლაშქარი მოდის საბრძოლველადო. მივიარდნილ, ყრუ კუთხეში მცხოვრები ხალხისთვის, შუა ზამთარში გზაზე ჯოხით მიმავალ კაცსაც რომ იშვიათად მოჰკრავდნენ თვალს, პატარა ამბავი როდი გახლდათ ლაშქრის დანახვა, ნელა რომ მოუყვებოდა ხეობას. ნონი და აუსტა ზედ სახლის კართან ამართულ თოვლის ბორცვზე აცვივდნენ. ჰალბერამაც გაჭირვებით აიარა თოვლში გაჭრილი თვრამეტი საფეხური, თვალი მოიჩრდილა და თქვა:

— ძროხაა!

— ჰო, ალბათ, ძროხაა! — თქვეს ბიჭებმა.

ყველაზე ბოლოს, თივის ბრელოში ამოგანგლული ბიარტური გამოვიდა კარში. ვაცეცხლებული იყო. ძროხისთვის აქ ადგილი არ არის. როგორ არა, სწორედ თავის ცხვრებს მოაკლებს საკვებს და ძროხას დაუყრის. ჰოდა, მით უმეტეს, თავილიდან ხომ არ გამოაგდებს ცხენს. ძაღლის გარდა, ყველა სხვა პირუტყვზე უფრო ამ ცხენის მოვალეა. ბიარტური საღდაც მიიმალა და აღარ გამოჩენილა, ვიდრე არ დაუძახეს.

ის უცნაური რაღაც კი ნელა მოუყვებოდა ჰეობას, უკან ერთცხენიან მარხილით თივა მოჰქონდათ. ძროხა იყო, ნამდვილად ძროხა.

— ძროხაა, ძროხაა! — დაიძახეს ბიჭებმა.

ძროხა დიდი არ იყო, საძაგრავიდან ხალეებიანი რუხი თავი გამოეყო. უნდოდ, გაკვირვებით იყურებოდა. ცური თავშალით ამოეკრათ მისთვის, რომ სიარულისას კერტები თოვლზე არ ეგლასუნებინა. ჩედსმირელმა მნემ, გულნიმ, საკუთარი ხელით გამოაწყო მოგზაურობას შეუჩვეველი პირუტყვი და ზამთრის გრძელ გზას გაუყენა სალაშქროდ. ყინვიან წყნარ ჰაერში ძროხა ნესტოებიდან ბოლქვებად უშვებდა ორთქლს. დრუნჩქვეშ ბალანი შეკირხლოდა. მილიდან ამოსული კვამლი და საცხოვრებელი სახლის სუნი ცნობისმოყვარეობას უღვიძებდა; ყურებს აპარტყუნებდა, ხმაურით ისუნთქავდა ჰაერს, ქშინავდა, დაბლაგლებას ლამობდა, თითქოს დამხვდურთ უნდა მიესალმოსო, მაგრამ თოკი ყელზე მჭიდროდ შემოჰკეროდა და ვერ ახერხებდა ბლავილს.

ჯობზე დაყრდნობილი მოხუცი ჩამოსულთა შესაგებებლად წაივდა.

— დალოცვილი პირუტყვია, — ჩაიჩიფნაჟა პალბერამ. — კეთილი იყოს თქვენი მობრძანება! ბედნიერი იყოს თქვენი ფეხი!

ძროხამ დაყნოსა მოხუცი, თითქოს ხელად იცნო, მისალმების ნიშნად აკლავ დაბდაელება სცადა.

— დალოცვილი პირუტყვია. — ისევ ჩაიჩიფნაჟა მოხუცმა. სხვა სიტყვებს ვერ პოულობდა, მაგრამ ასე ალერსით იშვიათად მიუმართავს ვინმესთვის. შეკირხლულ დრუნჩზე ხელი მოუთათუნა პირუტყვს და ძროხამ ყელის სიღრმოდან რაღაცნაირი მობუყბუყე ხმა ამოუშვა. წუთში გაუფეს ერთმანეთს, ოღონდ ეს უცხო ადგილი მაინც აფრთხობდა პირუტყვს. მოუსვენრად ფეხს ინაცვლებდა, თრთოდა, მძიმედ სუნთქავდა. ქშინავდა, ფრუტუნებდა.

ბიარტურმა მოსულებს ჰკითხა, რა გინდითო. როგორ თუ რა? ძროხა უნდა ჩაგაბაროთ. საიდან მოიყვანეთ, ვინ გამოგზავნათ? რა თქმა უნდა, მამასახლისმა.

— წყეულიმც იყოს ასეთი საჩუქრის გულისთვის! — საგის სიტყვებით უპასუხა ბიარტურმა, თან დაემუქრა, ახლავე ავლესავ დანასო.

— ეგ უკვე შენი საქმეა!

— ვერ მოახერხებს, ვერა, მამასახლისი ჩემს წაქცევას. თუ ოცდაათი წლის განმავლობაში ვერაფერი გააწყო, ეს ერთი ძროხა რაღას უშველის? — თქვა ბიარტურმა.

საქმე იძით დამთავრდა, რომ ძროხა ბლესის სადგომში შეაბრძანეს. ფარეხში იატაკი ტორფით მოაკეთეს, ცხენიც იქვე, გვერდით სადგომში მოათავსეს. სადაც უწინ სუსტ ბატკნებს ინახავდნენ. ბიარტურმა გულდაგულ დაგმანა ღრჭოებში, საიდანაც ჰაერი და შუქი შედიოდა სადგომში. წინათაც უვლიდა ძროხებს და გამოცდილებით, ხალხის ათასწლოვანი გამოცდილებით იცოდა, რომ რაც უკეთ დაიცავენ სტიქიისაგან, მით მეტ რაქეს მოიწველიან ძროხები.

როცა მოციქულებმა უკან გაბრუნება დააპირეს, ბიარტურმა შეაჩერა, პატარა ხანი დამოცადეთო, ზემოთ ავიდა, ხელი შეჰყო ცოლის ლეიბქვეშ, მოაფათურა და იქ დამალული ძველი ხელთათმანი გამოაძრო.

— საღამი გადაეცით მამასახლისს და უთხარით, რომ დღემდე მისი არა მემართა რა, გარდა იმისა, რაც ხელშეკრულებით ერგებოდა. თუ იმის იმედი აქვს, რომ შემოდგომაზე ჩემს ბატკნებს დაადებს ხელს, ნურას უკაცრავად, ძალიან შემცდარა. მოწმე თქვენ იქნებით, თუ ეცოტავა, რასაც ახლა გაგატანთ ა? ძროხის საფასურად, ხვალვე უკან წაიყვანოს. თუ ამას არ გააკეთებს, სრული უფლება მექნება, როცა მომპირიანება, დაველა ძროხა, თუნდაც ხვალ საღამოს-ში.

ეს თავხედური გამოწვევა იყო.

ბიარტურმა დაანახა მათ, რომ თავისუფალი კაცია, არც მამასახლისზეა დამოკიდებული. არც სხვა ვინმეზე. ჰოდა, ამიტომ ნაღდ ფულს აძლევს ძროხაში. მაგრამ მოციქულებმა ფულის გამორთმევა არ ინებეს, რადგან ამის რწმუნებულება არ მიუღიათ. მათ ისიც არ იცოდნენ, აპირებდა თუ არა საერთოდ მამასახლისი ფულის გამორთმევას. იქნებ სხვა ვინმემ უკვე გადაიხადა. გადაიხადა? ვინ სხვამ?

ქუთუზე შეიშალნენ, თუ რაღაც შეთქმულებას უწყობენ? მაშასადამე, ბიარტური ვილაცხევა დამოკიდებული? იქ, ქვევით, ხომ არ ჰგონიათ, რომ ბიარტური ღარიბია და ძროხის ყიდვა არ შეუძლია? არა, მეგობრებო, ძალიან შემცდარან, ბიარტურს ყველაფერი საკმარისი აქვს, არც ფული აკლია. მართალია, ღარწმუნებული კია, რომ ცხვრის ხარჯზე ძროხის შენახვა არ ღირს, მაგრამ თუ ასე აუცილებელია, ნაღდ ფულზე რამდენიც საჭიროა, იმდენ ძროხას იყიდის. რაც მეურნეობას მიჰყო ხელი, ყველაფერი წინასწარ აქვს დაგეგმილ-ნაჯი-რაუდღევი, როდის რა გააყეთოს, როდის რა იყიდოს, ფული რაში დახარჯოს. მაინც რაში?

— ოჰო, თუ ამის გამორკვევა გაქვთ დავალებული, მოგახსენებთ, იქნებ მე სასახლის აშენებას ვაპირებ, გარშემო კი ხეხილი მინდა დავრგა. კარგად ბრძანდებოდეთ!

სულ მოკლე ხანში, ძროხა მთელი ოჯახის მეგობარი გახდა, ბიარტურის ვარდა. მისი საყვარელი პირუტყვები ძალღი და ბებერი ბლესი იყვნენ. როცა მოხუცმა ჰალბერამ პირველად ამოიტანა ქვევიდან სათლით რძე და ბიჭებმა დალიეს თითო ფინჯანი თბილი, ძვირფასი სითხე, დედამ კი — მთელი ტოლჩა, უკვე შეიძლებოდა იმის თქმა, რომ უშენის მოსახლეებს ახალი დრო დაუდგათ, მათ ცხოვრებას ახალმა სიომ დაჰქროლა. ყველაფერი გამოცოცხლდა, თოვლის უკიდევანო უდაბნოსაგან დაბეჩავებულ გულში თითქოს გაზაფხული ჩაუდგა ჯვალას. უფროსმა ბიჭებმა გამუდმებულ კინკლაობას უქლეს, მუჯლუგუნებით აღარ უმასპინძლებოდნენ ერთმანეთს, აღარ უძახდნენ დასაცინ, საგინებელ მეტსახელებს, მუშტით აღარ ემუქრებოდნენ ერთუროს.

აუტსამ კოფთის ქსოვა მოათავა და ჰაიჰარად დაიწყო პერანგის ამხანაგის ქსოვა — ისეთი თავგამოდებით, წინდახედულობით და ოპტიმიზმით. რომლის გარეშეც ასეთი საქმის დაწყება შეუძლებელია. ბებიას 'გაახსენდა უფრო ლამაზი, გასაგები ფსალმუნები, ამ ფსალმუნებში ლათინური სიტყვები აღარ სჭარბობდა. ზღაპრებიც შეიცვალა, მოჩვენებებიც აღარ იყვნენ ისეთი ასპიტა და ბოროტები. გაახსენდა ერთი თვინიერი მოჩვენება, რომელიც სამხრეთში ცხოვრობდა, არავის არაფერს უშაგებდა, თუკი საქმელს დაუდგამდნენ, როგორც ოჯახის სხვა წევრებს. შეიცვალა თოვლში ჩაფლულთა და კლდეზე გადა-

ჩეხილთა ზვედრიც. ხანდახან თურმე სამი დღის შემდეგ მიაგნებდნენ. კლდეზე გადაჩეხილებს, ამოიყვანდნენ უსფერულიდან, ძნელი დასაჭერებელია, მაგრამ დაშავებულები, შიუხედავად იმისა, რომ ზოგს ორივე ფეხი ჰქონდა მოტეხილი, დიდხანს ცხოვრობდნენ. ერთი კვირაც არ გასულა ძროხის მოწველის დღიდან, რომ მოხდა ყველაზე საოცარი რამ: ფინამ ლოგინიდან წამოდგომა სცადა, დედის მხარს დაეყრდნო და რამდენიმე ნაბიჯი გაიარა ოთახში. ლაპარაკიც დაიწყო, საწვავის საქმე როგორ გვაქვსო, იკითხა. შარშანდელთან შედარებით მთელი სამი კვირით აღრე დაეტყო მომჯობინება. მერე დახეული წინდები მოაჯროვებინა, მონახა თავისი ნემსი, საწოლზე ჩამოჯდა და კემსვა დაიწყო. ერთ დღილას ფინა ყველაზე აღრე აღგა და თავისი მარჯვე ხელებით ცეცხლი დაანთო. იმ დღილას ოთახი ისე აღარ გავსილა კვამლით, ფიჩხიც მალე აბრიალდა და წყალიც მალე აღუღდა. მეორე დღილას ბიარტური ფარეხში რომ ჩავიდა, ცოლი უკვე იქ დახვდა, ძროხისთვის ექმია, იღვა მის გვერდით, აურევბდა და თან ელაპარაკებოდა.

— არ ვიცოდი, თუ ამ ოხერ პირუტყვის სხვებზე აღრე უნდა მოვემსახუროთ, — თქვა ბიარტურმა და ცხვრებისთვის თივის დასაყრელად წავიდა.

იმ დღიდან მოყოლებული, ფინა უთენია ღვებოდა, აჰმევედა ძროხას, წყალს მოუტანდა, ფარეხში იატაკს ასწორებდა, ხშირად ასუფთავებდა, რომ სველი არ მოფილიყო. ძროხა ვალში არ დატრეხებდა, კარგი მოვლისთვის მოახერხებს მადლობის გადახდას. ფინა იოლად, მარჯვედ წველიდა ძროხას, დიდხანს ელაპარაკებოდა. ქალმა თანდაყოლილი ალლო გამოამქლავნა, ხალხის საუკუნოებრივი გამოცდილების საწინააღმდეგოდ იქცეოდა, დროდადრო აღებდა ფარეხის კარს ჰაერის გასაწმენდად, კარგ ამინდში კორღის ბელტს ამოაძრობდა ხოლმე ფარეხის სახურავზე დატოვებულ ნახურეტილად. ბებერი ბლესი ამ მოსაწყყენი პირუტყვის მეხოზლობით ქალზე უკმაყოფილო იყო, გაღიზიანდა, განერვიულდა, აბა, რაში ესაჭიროებოდა ასეთი ამხანაგი ამ სიბერეში? ის არ ემართო, რომ „გულდმუნდურის ცხვარს“ და მის ძმას ხედავდა ფარეხში, ტიხარს იქით? მთელი ღამე მოსვენება არ იყო იმათგან, სულ ირჩინებოდნენ, ტლინკებს ჰყრიდნენ. მათდამი ზიზღის ნიშნად, ბლესი ყურებს გადააჯიბავდა და საათობი იღვა ასე, თან მოხერხებულ წუთს ელოდა, რომ ტიხარზე თავი გადაეყო და ძროხის ბაგაში რედსმირელთა თივას წაწვდომოდა. ღამე, როცა არ ეძინა, სულ საკბენად ეტანებოდა ძროხას და ფინას ტიხარის ამალგება დასჭირდა.

— რა დიდ სიკეთეს გვიკეთებს, — თქვა ქალმა, სიყვარულით და პატივისცემით.

— იმედია, თვითონ იზრუნებ მაგის საკვებზე, მოჯამაგირეს საკუთარი ჯიბიდან გადაუხდი მოთიბული ბალახის საფასურს. — უთხრა ბიარტურმა ცოლს, —

აორემ ცხვრის დაკვლა დამჭირდება ამ წყეული პირუტყვისთვის თივის მოსამარაგებლად. ამას კი არასდინდებით არ გავაკეთებ.

— ეცი, ღმერთი იზრუნებს ჩვენი ბუკოდლასთვის, — უპასუხა ფინამ ქმარს, თვალი ცრემლით აევსო, უფრო მეტი სინაზით და ალერსით გადაუსეხელი ძროხას... ამ ქალს ღმერთი თავისებურად ესმოდა, მან ძროხაში ჰპოვა იგი, როგორც აღმოსავლეთელ ხალხს სწამს, რომ ღვთაება ძროხაშია განსახიერებული და საღვთო პირუტყვად თვლის მას.

იმ წელს საამური გაზაფხული დადგა, კარგი დარი დაიჭირა, თოვლმა დნობა იწყო და ბიარტურმა ცხვარი ჰაობზე გარეკა, იქ ქორფა საკვებს იპოვინაო — ისლის ნორჩ ყლორტებს, გაზაფხულის განთქმულ ბალახს, ყველა დაავადებას რომ კურნავს, თუკი მოინელებს პირუტყვი. გასულ წლებთან შედარებით, ცხვარი ახლა უკეთეს მდგომარეობაში იყო, რაგინდ თბილი ზამთარი უნდა გამოეყოლოთ, გაზაფხულზე ცხვარი მაინც სუსტდებოდა, მოდუნებულები დაბორილოზდნენ ჰაობში, ბინსური, აბურდული ბეწვით დაფარულ, გამხდარ, გაწვრილებულ ყელს ისე საცოდავად ძგიბავდნენ, რომ მათ შემხედვარეს გული დაეწვოდა.

ბიარტური თეითონ მწყემსავდა ფარას, ეშინოდა ჰაობში არ ჩაიფლან და ამოსათრევი არ გახდნენო, მაგრამ ამ გაზაფხულზე ცხვარი არც ისე უღონოდ იყო, გინდაც მუხლამდე ჩაფლულიყვენ ბლანტეში, მაინც მარჯობდნენ, თვითონვე ახერხებდნენ გაჭირვებიდან თავის დაღწევას, იშვიათად გამოერეოდა ისეთი, რომელიც მორჩილად ელოდა შევლას.

ხევი თოვლი დადნა, მზე დაჰნათოდა ფერდაკარგულ, ჩამჰქნარ ბალახს. ადიდებულ ნაკადულს, სამხრეთიდან უკვე მოფრინდნენ უშენის პირველი მგობრები; თბილი ქარი უქირქილებდა ლაინს და ისიც არაკრავებდა გაზაფხულის მოკრძალებულ საგალობელს. გამლღვალ ჰაობს გაზაფხულის ქორფა ბალახის და შმორის სუნი ასდიოდა, ყბედი დალდა ცხვრის ფარას ხუტორამდე მოსდევდა, რა მოასვენებდა, თუ არ უამბობდა მხიარულ ამბავს, მაგრამ საუქმელს ვერასოდეს ვერ ამთავრებდა — ჰი, ჰი, ჰი, ჰი!

პატარა ნონიმ ფერდობზე აიტანა თავისი სათამაშოები — ცხვრის ძვლები და რქები. ნაკადული ისე ადიდდა, ნაპირები გადალახა, ზღვისავით მოედო მიდამოს. იქითა ნაპირიდან ხომ არ იწყება ნეტა უცხო ქვეყნები? რამდენიმე დღის შემდეგ, როცა მთებში მთლად დადნა თოვლი, ნაკადული კვლავ თავის კალაპოტში ჩადგა. ხომ არ დანადგლიანდა ნაკადული? ნურას უკაცრავად! კამკამა და მხიარული, ძველებური კისკასით მოათამაშებდა ზვირთებს დაწმენდილ სილაზე და წვრილ კენჭებზე, გაყვითლებული, ჩამჰქნარი ბალახით დაფარულ ნაპირებს შუა. ათასეული წლები მონავარდობს იგი სულ ახალ-ახალი სინარუ-

ლით, ყოველ გაზაფხულს ოდნავ შეცვლილი პანგით ჰყვება პატარა საგებს თავის გულუბრყვილო ენაზე

ნაპირზე კი ზის ბიჭი, ათასი წელი ყურს უგდებს მის რაკრაქს. ბიჭი და მარადისობა—ორი მეგობარია და მათ უღრუბლო, უკიდევანო ცა დაჰყურებთ ზემოდან.

ღიას.

თ ა ვ ი ო ც ლ ა მ ე ა თ ე

ქ ლ ი მ რ ნ ი ა მ ა მ ვ ე ა ნ ი ს ა ნ ი

მამასახლისი ქალაქიდან შინ ბრუნდებოდა, უწინდებურად არც ახლა იყო მარტო, ოღონდ ამჯერად მისებრ წარჩინებული პიროვნებისთვის სავსებით შესაფერი თანამგზავრები ახლდნენ: სამხრეთიდან ახლახან დაბრუნებული მისი ორი შვილი—რწმუნებული ინგოულფ არნარსონი და ოცი წლის ტურდა ოდური, რომელსაც თანამედროვე განათლება მიეღო. სამოვარზე ხალხი გასულა, ნაკელს ჰვანტავენ, მიწას აპოხიერებენ, მხედრების დანახვაზე შედგნენ, დაეყრდნენ ფიწლის ტარს და გაოცებული უყურებენ ამ უჩვეულო სანახაობას. ბიარტურმა ცხვრებსა და ახალშობილ უმწეო ბატენებს თავი მიანება, სტუმრების შესაგებებლად გაემართა. ქალიშვილი დაქვეითებას და ამ ტალახში გავლას არ აპირებდა, მაგრამ აი, მამამისი ჩამოხდა ცხენიდან, თუმც უხალისოდ კი, რწმუნებულიც დაქვეითდა, დიდი ჩექმები ეცვა. მამასახლისი, ჩვეულები-სამებრ, ორ თითს უწვდის მასპინძელს. სულ სხვანაირად ესალმება ბიარტურს ინგოულფ არნარსონი, ხელისუფალთა სამყაროს თანაზიარი, ეს ახალგაზრდა როდი უფრთხის უბრალო ხალხს. თავისი ღირსებისთვის შეუფერებლად არ მიაჩნია ზაფხულის სავანელ გლეხკაცს ჩამოართვას ხელი. მხარზეც კი უტყაპუნებს ხელს, ლამის გადაეხვიოს. როგორც ჩანს, ეს დედისგან დაჰყვა. ინგოულფი ის თავქარიანი ყმაწვილი კი აღარ არის, უწინ რომ იყო, ახლადგამომცხვარი აგრონომი, უქმე დღეებში თოფის ბათქა-ბუთქით რომ იქცევედა თავს, სხვის ჭაობში ხოცავდა უმწეო ფრინველებს, ან ახალგაზრდობის კავშირის სხვა წევრებთან ერთად დაანავარდებდა ცხენს და პატრიოტულ სიმღერებს გაჰკიოდა. არა, წლების მანძილზე მან აითვისა თავდაპირის ის სოლიდური, გულისმომგები მანერა, რაიც ესოდენ საჭიროა და აუცილებელი ორატორისთვის, რომ კრებებზე გამოსვლისას მეტი დამაჯერებლობა და სიმტკიცე

ჰქონდეს მის სიტყვას, იერიც სათანადოდ შეიცვალა, ხელების ქნევა, მკერდის ჭგიშვა და თავის უკან გადაადგება ისწავლა. ზაფხულის სავანელი ბიარტური კი ისეთივე დარჩა, როგორც ახსოვს აუსტა სოულილიას, — არავითარ რიღსა და მოწიწებას არ იჩენდა წარჩინებულთა მიმართ, იმათ მიმართაც კი, ვინც შინაურულად ექცეოდა უბრალო ხალხს. და უნდა ითქვას, რომ ამ გლეხკაცის გვერდით ეს წარჩინებული ბატონები როგორღაც უცნაურები, თითქმის გონჯები ჩანდნენ, ექვსთითა ან სამთვალა მახინჯების მსგავსად.

— ნებას თუ მომცემს ფრეკენი, ცხენიდან ჩამოხდომაში ვუშველო, თორემ ასე ფეხი დაუბუქდება, — ზრდილობიანად მიმართა ბიარტურმა ოდურს. მაგრამ ქალიშვილ იმის დაუხმარებლადაც მარჯვედ ჩამოხდა ცხენიდან — კარის წინ, ქვაზე. საცხენოსნო რეიტუზები და გაპრიანებული ხამლი ეცვა, მყუდრო, ქარისგან დაცულ, სამხრეთ ფერდობზე გაზრდილ ნორჩ მცენარესავით მაგარი და ღონიერი იყო. ერთი შეხედვით შეატყობდა ადამიანი, რომ ბევრი უმოგზაურია, ბევრი რამ უნახავს და იცის. კობტად მორთულ-მოკაზმული, გაფურჩქნული ქალიშვილი, დაბალი კარის წინ, ქვის ზღურბლზე იდგა, იმ სახლთან, რომლის ასაშენებლად აღებულ ვალს გულბიარტურ იოუნსონი თორმეტი წელიწადი იხდიდა. მანამდე, ვიდრე მიწის ყიდვას მოახერხებდა, თვრამეტი წლის ჯაფა დასჭირდა. ქალიშვილი კი ცხოვრობდა ყვავილებში ჩამალულ უკვდავ სახლში, საითაც სუფთა, სწორი ბილიკი მიდის.

— მადლობთ, — თქვა ქალიშვილმა, — დრო არა მაქვს, შინ მეჩქარება.

მაგრამ მამასახლისს ამ სახლში შესვლა უნდოდა თავის ვაჟთან ერთად. მოსალაპარაკებელი ჰქონდათ მასპინძელთან, სამწუხაროდ, საქმე არ ილევა. მუდამ გამოტყვერება რაღაც საჯახრო. როცა მშვიდობიანად გასცდნენ ზედ სახლის კართან დამდგარ გუბეს და ზემოთ ავიდნენ, ოდური ყოველნიარად ცდილობდა მიეხვედრებინა მამა და ძმა, რომ საწოლზე არ ჩამოქდარიყვენენ, კბენარის ეშინოდა, მაგრამ მამასახლისი გულაზიზი არ განსლდათ: რა ბედენაა, შგწვეულია ამას. ისევ იმ საწოლზე გადაითხლაშა, რომელზეც ჩვეულებრივ ჯდებოდა აქ მოსვლისას. ქალიშვილმა მაგიდაზე მოიკალათა. ინგოულფ არნარსონი კი სკივრზე ჩამოკდა და ოთახს თვალი მიმოავლო, თავი უკან გადასწია, მზესავით ბრწყინავდა, მაგრამ თავის დედასავით ცივად იღიმებოდა. მამასახლისი ისევ გაიტაცა ფიქრმა, არც კი გაუგონია, რას ეკითხებოდნენ ცხვარსა და ამინდზე, მან რაღაცნაირი რიღით, გაუბედავად ამოიღო ჯიბიდან საფულე, ხელები ოღნავ უთრთოდა, განსაკუთრებით მაშინ ემართებოდა ეს, როცა საქმე ფულს ეხებოდა; სახეზე მოწიწება, თითქმის ფანატკური სერიაოზულობა და პასუხისმგებლობის შეგნება ეხატებოდა. საფულე გახსნა, შიგ ჩაიხედა, თავი

უკან გადასწია, ქვედა ტუჩი გამოიშვირა, რომ პირიდან საღებუ თამბაქო არ გადმოვარდნოდა და ბიარტურს უთხრა.

— რა ხანია შენთვის ამ ფულის დაბრუნება მინდა, ზამთარში მოკამაგირის ხელით რომ გამომიგზავნე. ძროხის საფასური ხომ სხვამ გადაიხადა.

— საინტერესოა, ვის მოუვიდა აზრად იტრაბახოს, რომ ზაფხულის სავაზელ ბიარტურს საჩუქრებს უქეთებს? სხვამ გადაიხადაო? არავისთვის არ მითხოვია ჩემი ვალის გადახდა და ჯანდაბამდის გზა ჰქონია ყველას, ვისაც კი ჩემი ვალის გადახდა ფიქრად მოუვა.

— ასეა თუ ისე, ფული გადახდილია.

— მოწყალებას არავისგან არ ვღებულობ, არც აქ, მიწაზე. არც ზეცაში.. გინდაც თვით მაცხოვარი იყოს, არავითარი უფლება არა აქვს იხადოს ჩემი ვალი, მე ვუქრძალავ ამას.

— რომელი მაცხოვარი? ქალთა კავშირმა გადაიხადა, — უპასუხა მამასახლისმა.

— ეგლა მაკლდა, — წამოიძახა ბიარტურმა. მერე მოდგა და მიწასთან გაასწორა ქალთა კავშირი. — იმათ ხომ არაფრად უღირთ ადამიანს ცილი დასწამონ, ლულ იმის ცდაში არიან, მოვალედ გაიხადონ პატიოსანი ხალხი, რომ მერე თავი მოიწონონ და ტრაბახით შესძრან ცა და მიწა, აქაოდა, ასეთი სიკეთე ვქენითო. დარწმუნებული ბრძანდებოდეთ, როცა იქნება დავკლავ მაგ ძროხას, ავკლავ ნაჭერ-ნაჭერ. მაგან გაუფუჭა ჩემს შვილებს მადა, ისე დაასუსტა, რომ აღარც კი ძიძგილაობენ, დედაცებებიც გახუსტურებიანდნენ. მოკლედ, მაგისგან ჩხუბისა და უთანხმოების მეტი სხვა სიკეთე არ გვინახავს.

— ხალხი კი ამბობს, რომ შენმა ცოლ-შვილმა, გაზაფხულს აქეთ-მოიკეთა.. მაგრამ ამ შენიშვნამ ვერ დაამშვიდა ბიარტური, ის ყოველთვის ეპკით უყურებდა იმათ, ვინც მისი კეთილდღეობისთვის ზრუნვას იწყებდა.

— ერთი ეს მიბრძანე, რა გესაქმებათ შენ ან ქალთა კავშირს ჩემთან და ჩემს ცოლთან? ან ჩემს შვილებთან? ჯერჯერობით არც შენი მმართველებს რამე, არც ქალთა კავშირის. ჰოდა ერთხელ და სამუდამოდ დაიხსომე, რომ ვერც შენ, ვერც ის კავშირი ცხვირს ვერ ჩაჩხირავთ ჩემს საქმეებში და ზრუნვას ვერ დაიწყებთ ჩემს ჯალაბზე. ცოლი და შვილები მე მეკუთვნიან, ცოცხლები თუ მკვდრები. გახდნენ, დაძაბუნდნენ თუ გასუქდნენ, ჩემს მეტს არავის ეკითხება. ზაფხულის სავანის მთელი ბურცოები უფრო ადრე მიუწვდნენ წვერს ცას და ყოველი ორმო უფრო ადრე გადაიქცევა ქვესკნელად, ვიდრე მე ჩემს ადამიანურ უფლებებს დავთმობ, ჩემს დამოუკიდებლობას.

ასეთი მგზნებარე სიტყვის საპასუხოდ, მამასახლისმა სათქმელი ვეღარ გამონახა, მისი გულგრილი გამომეტყველება კი მოწმობდა, რომ მასპინძლის

გულფიცობა არ სწყენია, თვითონაც დამოუკიდებელი, დიდი გაქანების კაცი გახლდათ, ბიარტურივით არც მას სწამდა ქველმოქმედებისა და ქრისტიანული გულმოწყალებისა. მან ისევ ისეთი სერიოზული გამომეტყველებით ჩაჩურთა ფული საფულეში, როგორც ამოიღო და თქვა, რომ ეს მცირე თანხა დაუბრუნდება, ვისაც ჭერ არს. „მე ხომ თავზე არ გახვევ ამ ფულს!“

რაკი მასპინძელმა ასე ითავილა და იუკადრისა ქალთა კავშირის მადლიანი საქმე, რაიც საერთოდ ქრისტიანული გულმოწყალების მაგალითად გამოდგებოდა, თითქოს სტუმრებს უკვე ხელი უნდა აეღოთ თავის განზრახვაზე, ძლიერნი ამა ქვეყნისანნი უნდა დარწმუნებულიყვნენ, რომ ვერ მოახდენდნენ სასწაულს, — როგორც ვარაუდობდნენ, და ვერ მოიშინაურებდნენ დამოუკიდებელ გლეხკაცს. მაგრამ არა, რწმუნებულმა ბიარტურს ვერცხლის სათუთუნე გაუწოდა, წვრილად დაჭრილი. სურნელოვანი ბურნუთი შესთავაზა და დაიწყო დამოუკიდებელი კაცის მოთვინიერება.

— ასეა, ასე, ჩემო მეგობარო, შენ იოლად ვერავინ მოგახრევიანებს ქედს, სტუმარ-მასპინძელმა თითო მწიკვი ბურნუთი შეიყარა ცხვირში.

შემდეგ რწმუნებულმა ჰკითხა ზაფხულის სავანელ ბიარტურს, მელოდა აუ არა, იცოდი, რომ ერთ პატარა საქმეზე უნდა მოგლაპარაკებოდიო.

— მოლოდინით არ გელოდი, მაგრამ არც გზის შეკრას ვაპირებდი.

— ალბათ გეცოდინება, — დაიწყო რწმუნებულმა, — რომ ერთ დროს ინგლისში ფეიქართა შორის დაიწყო ისეთი მოძრაობა. რომელიც ხელს აძლევდა ვაჭრების მონობაში მოქცეულ გლეხობასაც. ასეთი მოძრაობა ისლანდიაშიც დაიწყო, ჭერ კიდევ წარსულ საუკუნეში თინგეის ოლქში ვაჭრებისაგან გადატაკებულმა და განადგურებულმა გლეხობამ დააარსა სამომხმარებლო საზოგადოება. ამან დაუდო სათავე ისლანდიაში კოოპერაციულ მოძრაობას და სამომხმარებლო საზოგადოებები ახლა არა ერთი და ორი გვაქვს ჩამოყალიბებული ჩვენს ქვეყანაში. მათი მიზანია, გლეხებისათვის კანონიერი, სამართლიანი ფასების დადგენა ყიდვა-გაყიდვაში. ეს სამომხმარებლო საზოგადოებები მსხვილ სავაჭრო საწარმოებად უნდა გადაიქცეს და შეავიწროვოს ვაჭრები. თინგერს ოლქის ლატაკ გლეხთა საქმე, რომლებმაც ინგლისელ ფეიქრებს მიბაძეს. ბრწყინვალე მაგალითს წარმოადგენს ისლანდიის ახალგაზრდა საზოგადოება-სათვის.

ჩვენს დაბაში ყველა დარწმუნებულია, რომ ოქვენთვის, გლეხებისთვის. ფიორღში ვაჭრობა სახეირო არ არის. იქ თქვენგან პროდუქტებს ჩალის ფასად იძენენ, ფასს თვით ვაჭრები ადებენ, აუცილებელი საჭიროების საგნებს კი მამასისხლად გაძლევენ. ეს არის ძარცვა, და ასე ყოველ წელს გლეხების უმოწყალო ძარცვით ვაჭრები დიდძალ თანხას აგროვებენ.

რწმუნებულს გამოანგარიშებული ჰქონდა, რომ ადგილობრივი გლეხობის აარცივით ერთ წელიწადში მოხვეჭილი ფულით ბეტონის კარგი სახლის ყიდვა შეიძლება, ერთი კი არა, ორი სახლის, უკიდურეს შემთხვევაში, კარგად გამართული ელექტროდანადგარის შექმნა შეიძლება ყოველი ხუტორისთვის.

— რატომღაც მგონია, რომ ეგ დანადგარები თქვენ უფრო მოგიტანთ სარგებლობას, — თქვა ბიარტურმა.

— მთელ ამ ფულს ბრუნის სავაჭრო სახლი საკუთარ ჯიბეში იღებს, თუმცა ლომის ულუფას ტულინიუს იენსენი სულ თავისკენ ითვლის, ყოველ წელს მიემგზავრება მისი ცოლ-შვილი დანიაში გასართობად და სამკურნალოდ. მაგრამ შვილები, როგორც არ უნდა მოინდომონ, მიინც ვერ მოახერხებენ იმის ვაფლანგვას, რასაც ფირმა ყველფს გალატაკებულ, გატანჯულ ხალხს.

— შენც კი ბრძანდებოდი დანიაში, პატარა ინგე, — უთხრა ბიარტურმა.

— არავისთვის საიდუმლო არ არის ის ამბავი, რომ მმართველმა ფიორდში ნამდვილი სასახლე აიშენა, რაღაც უცნაური კოშკით, და დიდძალი ფული დახარჯა ფირმის შენობის გადაკეთებაში.

— ჰო, — თქვა ბიარტურმა, — ვითომ რატომ არ უნდა აიშენოს ბებრუ-უნამ კოშკები, თუკი უნდა?

— გარდა ამისა, როგორც ცნობილია, ექიმი ამ ფირმის ინტერესებს რცავს, იმასაც კი მიაღწია, რომ ხაზინა ზღვა ფულს უყრის მოლოცებისა და ნავმისადგომების ასაგებად. საქმის მთელი არსი ის არის, რომ ექიმი იმავე ცირმის თევზის სარეწების თანამფლობელია ფიორდში. მართალია, ჩვენი კუთხე ნაყოფიერი კუთხეა, მაგრამ იმის უარყოფა არ შეგვიძლია, რომ საზოგადო საქმეებში ბევრად ჩამოვრჩებით სხვა ოლქებს. ახლა სხვა დროებაა, მეგობარო. სამხრეთში, ისინი, ვისაც ხალხისთვის გული შესტკივა, ნათლად ხედავენ თუ შორეულ რაიონებში რაოდენ სავალალო მდგომარეობაშია გლეხობა. ამიტომ ცდილობენ დაარწმუნონ ისინი, მიზაძონ თინგეის ოლქის გლეხობას, გაერთიანდნენ ამ შეთქმულთა ბანდის წინააღმდეგ საბრძოლველად. ის ყაჩაღები ხომ ყველაფერს იჯიბავენ, რასაც წაგლეჯენ სახელმწიფოს ან ცალკეულ პირებს. თქვენც ასეთ დღეში ხართ, წლებზე ფეხს იდგამთ, შრომა-ჯაფაში დღედაღამე გასწორებულთ გაქვთ და თითო ხელი ხეირიანი ტანსაცმელიც კი არ გაბადიათ. საზრდოზე ხომ ლაპარაკიც არ ღირს, გაზაფხულობით ზოგიერთ კუთხეში ნამდვილი შიმშილობა იწყება. ფულს თვალთ ვერ ხედავთ, თუ სათვალავში არ ჩავადებთ იმ ორიოდ კრონს, რაღაც სასწაულებრივი თავგანწირვით რომ შეაგროვებთ ხოლმე.

— ზაფხულის სავანეში ფული საკმაოდ გვაქვს, — მოუჭრა ბიარტურმა.

— კი, წელიწადში ორიოდ კროხი. თვითონაც კარგად იცი, ძვირფასო ბიარტურ, რომ სიმართლეს გეუბნები და არავითარი აზრი არა აქვს საკუთარი მძიმე ყოფის შელამაზებას. ჰოდა, გეკითხები, როგორც პატიოსან კაცს: რას იტყვი ხალხის ესოდენ უმოწყალო ძარცვაზე?

— ჰმ... მართალი მოგახსენო, სრულიად არ მაინტერესებს, როგორ კინკლაობთ და ჭამთ ერთიმეორეს მოთავეები. ეგ არ არის ლამაზი. არ ვერევი ვაპირს საქმეებში. არ მეკითხება ეგ, მისგან ჯერ ცუდი არა მინახავს რა. მართო ის ვიცი, რომ ჩემმა ფარამ წელს კარგად გამოიზამთრა, ვალებსაგან გაწმენდილი ვარ, ღვთისა და ხალხის წინაშე, ფული არ მაკლია და ვერც ჯანმრთელობას დავემდურებით მე და ჩემი ჯალაბი. რედსმირელებს ამაში არ ჩამოვუვარდებით, არც ისინი არიან უკვდავნი. ყოველ შემთხვევაში, ჩემი შეილება გაცილებით ჯანმრთელები არიან ფიორდელი ვაპირის შეილებზე, მიუხედავად იმისა, რომ მათ ყოველ წელიწადს გზავნიან დანიაში სამკურნალოდ და დაასვენებლად, როგორც თვითონ ბრძანე. ამ უშენის მოსახლეები ზედს არ ვემდურით და არავის გავუცვლით ადგილს.

— დაწყნარდი, დაწყნარდი, ძვირფასო ბიარტურ!

— მე „ძვირფასი ბიარტური“ კი არა ვარ, მე მქვია გუდბიარტურ იოუნსონი, ზაფხულის სავანელი გლეხი.

— კარგი, კარგი, გუდბიარტურ იოუნსონ, — თქვა ცივი ღიმილით რწმუნებულმა, — მე კი ინგოულფ არნარსონი ვახლავართ. და, როგორც ჩემი სახელი მოწმობს, პიონერთა გვარეულობას ვეკუთვნი.

— ჰო, ცოტ-ცოტა ყველაფერია შენში არეული, — კვერი დაუკრა ბიარტურმა.

— მე მინდა, რომ ეს ქვეყანა ათვისებულ იქნას. საუკუნეების მანძილზე უმნაარსოდ და უაზროდ მიათრევედა აქ ხალხი წუთისრაფელს, შიმშილით იკლავედა თავს, ხოცავდა პირუტყვს და მაინც ვერ აითვისა იგი. აი რას გეტყვი: ჩვენს ჭიკაძანაში ორი პარტიაა, მათ არ შეუძლიათ მშვიდობიანი თანაარსებობა და მანამ არბოლებენ. ვიდრე ერთი მათგანი არ გაიმარჯვებს. ერთ მხარეს კონსერვატორები და რეაქციონერები არიან, მათგან გლეხს სიცოცხლე აქვს გამწარებული; ამ პარტიაში შედიან ვაპირები, გემთმფლობელები. მოხელეები და ექიმი. მეორე პარტიას უნდა გლეხობას დაეხმაროს, პროდუქტებში ხელსაყრელი თანხა გადაუხადოს, მიჰყიდოს გლეხს, რაც მას სჭირდება, ისე რომ ხელი არ მოითბოს. ამისათვის საჭიროა სამომხმარებლო საზოგადოებების შექმნა. გარდა ამისა, ჩვენ გვინდა გლეხები უზრუნველყოთ იაფი მუშახელით. ამ მიზნის მისაღწევად ზღვისპირა ქალაქებში უნდა მოისპოს კაპიტალისტები, მა-

შინ მუშები ნება-უნებლიეთ დაუბრუნდებიან სოფლებს. და ბოლოს, ფულითაც უნდა გაეუმართოთ გლეხს ხელი. ამისათვის სასოფლო-სამეურნეო ბანკის დაარსება გვაქვს განზრახული. ბანკის მეშვეობით სახელმწიფო გლეხს მისცემს სესხს მცირე პროცენტით. ასეთ პირობებში ყველა შესძლებს სახლის აშენებას. სინათლის გაყვანას, სასოფლო-სამეურნეო მანქანების ყიდვას. რამდენსაც მოინდომებს. ასეთია ჩვენი პროგრამა, ისლანდიის ახალი პიონერების პროგრამა. დადგება დრო, როცა ისლანდიელი გლეხი თავისუფალი ქვეყნის თავისუფალ მოქალაქე გახდება. ჩვენ გვინდა, რომ ისლანდიელმა გლეხმა შესაფერი ადგილი დაიჭიროს, რომ მას ისე სცემდნენ პატივს, ისე აფასებდნენ, როგორც ეკუთვნის ამ წოდებას. გლეხი ხომ იმისთვისაა მოწოდებული, რომ თვით შემოქმედს მოეჭმაროს წყვდიადის ძალებთან ბრძოლაში.

— ჰო, გამიგონია ეგ სიმღერა, — თქვა ბიარტურმა და ტანი მოიქექა.

— კი, მაგრამ, ბოლოს და ბოლოს, ხომ უნდა გაიგო, მეგობარო, რომ შენ გზას გიჩვენებენ, გასწავლიან, როგორ დადგე ფეხზე, გაიმართო წელში.

არა, სწორედ ეს არ ესმის ბიარტურს. მის თავში როგორღაც ვერ ლაგდება ის, რომ კულაკებსა და კულაკების შვილებს მისი სიკეთე უნდაა, უნდაა შეძლებული გახდეს ის. იმის საწინააღმდეგო არაფერი ჰქონდა, თუ ისინი დააარსებდნენ ქალთა კავშირებს და სამომხმარებლო საზოგადოებებს, — მხოლოდ თავისთვის დაარსონ რამდენიც უნდათ.

— მე ხომ დანმარებას არა ვთხოვ მდიდრებს. დიდი ხნის ლოდინი დასჭირდებათ, ვიდრე გუდბიარტურ იოუნსონი მათ დუღუკზე დაიწყებს ცეკვას. აქამდე ასე იყო: თქვენ, მდიდრები ხვეჭავდით ფულს კავშირის დანმარებით თუ კავშირის დაუნმარებლად, მაგრამ როცა ზარალს ნახულობდით, მცირე არ იყო ის ზარალი. და ამიტომ ვერასოდეს ვერ შემიტყუებთ მაგ კავშირებში, მერე თქვენი ზარალი ხომ ისევ ჩემმა კისერმა უნდა ზღოს. ოცდაათი წელიწადია ვიბრძვი და აი წელსლა მოვახერხე მამასახლისის ვალისგან განთავისუფლება. ვინ რცის, იქნებ როგორმე მოვახერხო კარგი ფარების აშენება, ბატკნებისთვის ცალკე ბინის მოწყობა. ცხვარი არ დამკლვია, გამიმრავლდა, მარტო სამოცდაათი ნერბი მყავს გაუტყრებელი და მაკე, ოცი ბუწიცი. და ამას იმით მივადრწე. რომ აქამდე ძროხა არ ვიყოლიე. დრო მომეცით და იმდენ ძროხას ვიყიდი, რელსმირშიც არ გყავდეთ. სახლის აშენებასაც შეეძლებ, ისე სიამოვნებისთვის, თორემ ჩემი სახლი ურიგო როდია, კოჭები ჯერ მაგარი აქვს, მდიდრებთან შეამხანაგება კი იმ ვაჭრის წინააღმდეგ, ვინც პატიონსად მექცეოდა მას აქეთ, რაც ვიცნობ, — მთელი ოცი წლის მანძილზე...

— და იმით დამთავრდება, რომ ბოლოს მრევლის სარჩენი გახდები,— შეაწყვეტინა ინგოულღ არნარსონმა.

ამის გაგონებაზე ბიარტურს ცეცხლი წაეკიდა და უკვე უთავბოლო ლაპარაკი დაიწყო. თქვა, რომ ის თავისუფალი კაცია, მისთვის, დალაზვროს ეშმაკმა. სულ ერთია და... დეე, ცოცხლად აკუწონ, როგორც გუნვერი აკუწეს რედსმირის სასაფლაოს წინ. ის ხომ არ დანებდათ, დასწყევლა და შეაჩვენა ყველა, და აკი უწიათ კიდევ. ქალთა კავშირი ანდა სამომხმარებლო საზოგადოება? არა. ბიარტური ამაზე არ წავა!..

— მამა და ინგი, აბა, წავიდეთ. ნუთუ ვერა ხედავთ, რომ ტყუილებრად ჰქარგავთ დროს? მარტო წავალ. იცოდეთ, იყავით აქ, თუ ასე მოგწონთ წყლის ნაყვა.

ეს მამასახლისის ქალიშვილმა თქვა. მოთმინება აღარ ეყო, მამასა და ძმასავით გიჟი არ იყო, არ ესმოდა ძლიერნი ამა ქვეყნისაწინი რისთვის იკლავდნენ თავს, კარგავდნენ ამდენ ძალას ამ გლეხის დასაყოლებლად, ცდილობდნენ რადაც არ უნდა დაჯდომოდათ. გადაერჩინათ იგი. ჯანდაბას მისი თავი და ტან. აკეთოს სისულელეები, რამდენიც უნდა. კისერიც უტეხია. ვინ იცის, კიდევ რამდენ ხანს იყურყუტებდნენ აქ, მას რომ არ შეეხსენებინა, წასვლის დროაო.

— ამ გოგონას აუსტა სოულილია ჰქვია. — უთხრა მამასახლისმა თავის ვაჟს და მასპინძლის ბავშვზე მიუთითა. გოგონა საძოვარზე იდგა, ფოცხს დაყრდნობოდა და გაოცებული უყურებდა მიმავალ სტუმრებს, — მეთოთხმეტე წელში გადადგა.

— ჰო. სწორია, — უპასუხა რწმუნებულმა, სადავე მოსწია, ცხენი შეაყენა და გოგონას თვალი შეავლო, — დამავიწყდა კიდევ. გამარჯობა, აუსტა, რამოდენა გოგო გაძნდარხარ!

— ცხვირსახოცი თუ იყიდე? — ჰკითხა მამასახლისმა. — ზამთარში ხომ მოგეცი ფული.

— ის მონეტა, — დაუყვირა ზღურბლთან მდგარმა ბიარტურმა, — ჰაოაზა დაუვარდა და ჩაიძირა. შემთხვევით, რასაკვირველია... თუმცა, რა მნიშვნელობა აქვს... ის ფული ისეთი იყო...

— წყუული გაქირიანი, — ჩაილაპარაკა მამასახლისმა.

— ჩქარა, რაღას უდგეხართ, — ჰაოზის მხრიდან დაუყვირა მათ ქალიშვილმა, — აღარ აპირებთ შინ წამოსვლას?

— რა კარგი გოგო გაძნდარხარ, აუსტა სოულილია! მშვიდობით! მშვიდობით! — დაუყვირა ბავშვს რწმუნებულმა.

ს ი მ ლ ე რ ი ს უ მ ხ ა ხ ე ბ ა

ც ა ჩ ი ტ ე ბ ის ქ რ ი ა მ უ ლ ი თ
 შ ზ ის ს ი მ ი ე თ ც ა ხ ც ა ხ ე ბ ს,
 ე ს რ ა ც ე კ ვ ა და უ წ ყ ი ა თ
 მ ღ ი ნ ა რ ე შ ი კ ა ლ მ ა ხ ე ბ ს.

სამხრეთიდან ყველა მგალობელი ფრინველები მოფრინდნენ შინ ჭაობ-
 ში; ხეცა და ბორცვებზე მოდებულ რძესავეთ თეთრ ბალახს ახლადამოწვე-
 რილი ღოთქო ბალახი ევეოია. დადგა გაზაფხული — ძროხის საბალახოდ
 გაშვების დრო. ოჯახში მთელი კვირა ლაპარაკობდნენ ამის თაობაზე, მაგრამ
 ფინას ასეთი ზეიმისთვის ნათელი, თბილი დღის შერჩევა უნდოდა. დადგა
 კიდევ ნანატრი დღე: ბოსლის კარი გააღეს. ძროხა ტორტმანით კარს მიუან-
 ლოვდა, ნესტოებს ბერავდა, ქშინავდა, ფრუტუნებდა, აი, მან თავი გაჰყო კარ-
 ში და დაიბღავლა. ზამთრის წყვილიადისა და სიმყარლის შემდეგ — გაზაფ-
 ხულის სხივი და კეთილსურნელება!

ე ა ს ო უ ლ ო დ ხ ე ლ ი ც ვ ლ ი დ ე ა ა, ძროხა უცებ ვერ ეგუება ამას. ხუ-
 ტორის წინ მოედანზე გავიდა და ხმამაღალი ბღავილით მიესალმა გაზაფხულს.
 ტორტმანობდა, გაუბედავად ადგამდა ფეხს, თითქოს მიწას არ ენდობოდა.
 ღარბად ისუნთქავდა ჰაერს, მერე ისევ დაიბღავლა, მაგრამ უცებ შეწყვიტა.
 ხომ არ ესიძმრება. ნეტა? ზამთრის წყვილიადისა და სიმყარულში ბოსელში რომ
 იყო გამომწყვდეული, ხშირად ოცნებობდა ნათელ, თბილ დღეზე, მწვანე
 მდელოებზე და აო სჯეროდა, ნაცვოა თუ აუხდელიოდა. უცებ მოწყდა ადგილს,
 ჩორთით დაეშვა ფერდობზე. აღარ შეეძლო სიხარულის შეკავება. აი, სილა-
 დე, ნამდვილი სილაღე? ზამთრის ტყვეობის შემდეგ, მართალია, სხეული რო-
 გორდაც შებოჭილი, მოუქნელი გაუხდა, მაგრამ მაინც აბზიკა კუდი და ოთხ-
 აქოლებით გაენტო ჭაობისკენ. ხან აქეთ მიაწყდებოდა, ხან იქით გაუხვევდა,
 შემოირბენდა დიდ მანძილს, მანძილი არ აშინებდა. ზმუოდა, ბრღვენიავდა —
 ეს გახლდათ გაზაფხულის ცეკვა. ბავშვები სიცილ-ხარხარით, ჟივილ-ხივილით
 მისდევდნენ, ვიდრე ძროხამ ჭაობში არ შეტოპა, მუხლამდე ჩაეფლო ბლანტე-
 ში, მძიმედ აქშინდა. შუადღემდე ინავარდა ასე; მერე კი დაშოშმინდა და ბა-
 ლახს დაუწყო ძოვია. პირველ დღეებში ძროხას მოწყალედ რთავდნენ ნებას
 საბალახოც ეძოვია. ბიარტუოა სოა ბალახის ყოველი ბღუჯი, თითქმის ყოველი
 ღერი ენანებოდა. საძოვარზე საკმარისი ბალახი იყო ძროხის გამოსაკვებად,
 მაგრამ თივა ყველაზე ძვირფასი საკვებია ცხვრისთვის ზამთარში. პატრო-

ნი ძველებურად მტრულად უყურებდა ბუკოდლას, რომელიც მის ზეტორში შემოიჭრა და ყველაფერი თავდაყირა გადაატრიალა. ძალდი პატრონის მაგალითს ბაძავდა. ეს ბებერი ქოფაკი დიდი კონსერვატორი გახლდათ, ისეთი ჭკუით კი არ გამოირჩეოდა, როგორც დედამისს ჰქონდა, ახალშობილი ბავშვის მოვლა, ვადარჩენა რომ შეეძლო. ტიტლას ზღურბლთან უყვარდა ქვაზე ჯდომა, პირქუშად იცქირებოდა, თითქოს სულ თვლემდა, მაგრამ თან ისე ფხიზლობდა. რომ ძროხის ყოველ მოძრაობას თვალს ადევნებდა, უცებ უჩუმრად მიეპარებოდა, უკანიდან მიჰქონდა იერიში, ფეხებში ეტანებოდა საკბენად. ძროხა თავს იცავდა, ტლინკებს ჰყრიდა, ურქენდა, ხან გაეკიდებოდა კიდევ, მაგრამ მალე თავს ანებებდა, გრძნობდა, რომ ძალდი მასზე ცქვიტი და მარჯვე იყო. და აი, დღანან ერთმანეთის პირისპირ: ძალდი თავი აუწევია, კბილები დაუჯრეჭია, იღრინება, ხან შეჰყეფს კიდევ, ძროხა თავს აქნევს და ფრუტუნებს...

— ვერ უყურებ ამ ოხერ პირუტყვს, აბა თუ მოასვენოს ძალდი? — წაშიოძახებდა ამის დანახვაზე ბიარტური. ის მუდამ ძალდის მხარეზე იყო.

ბიარტური ჭავრობდა, ვერ მოენდებოდა, რომ ბავშვებს შინა დაეკარგათ. ძალისძალად ჰამდნენ ეგრეთ წოდებულ მეორეხარისხოვან თევზს — დამარბლებულ ქარიყლაბიას და ვირთევზას, შარშანდელ ცვრიან ძეხვს. არასაკადრისად მიაჩნდა ცოლის საქციელიც, დღედაღამ რომ ლოცავდა პირუტყვს, ვისა წყალობითაც დაჰკარგეს ბუნებრივი შინა მისმა შვილებმა, მეგრე რამდენ ფული გადაყარა ამ თევზში, მათ კი პირის დაკარებაც აღარ უნდათ.

ერთხელ მთისკენ გარიეკეს ძროხა, ბალახით დაფარულ ფართო ხევში აიყვანეს. ქორფა მთლი უკვე ამოწვერილიყო შარშანდელი ჩამჰკნარი ბალახის ღეროებში. ჰაობს ხასხასა მწვანე სამოსი ეცვა, მთელი ხეობა აზურმუხტებულყო, მაგრამ ძროხას თვალში არ მოუვიდა ეს მიყრუებული კუთხე, დასავლეთისკენ გაქცევას ლამობდა. მეორე დღეს უფროსი ბიჭები გააყოფეს ძროხას, პირუტყვს არც მათთან ყოფნა მოეწონა, თავის ამხანაგებთან უნდოდა, იმ ძროხებთან, უტირედსმირის ბოსელში რომ ედგნენ გვერდით. საათობით გაბმით ბლადდა, დაბისკენ თავს იშვერდა. ბოლოს აღარ მოერიდა ბიჭებს, აიღო თავი და გაიქცა. დაიწყო ნამდვილი ნადირობა. ფერდობზე. თხრილთან დაწვივნენ ბიჭები, თავზე მარყუჟი გადააცვეს და შინ წაიყვანეს. დაქანცული და შორჩილი იღვა ძროხა სახლის წინ, ყბებზე ძარღვები დაბეროდა, გააფთრებით აპარტყუნებდა ყურებს და ერთთავად სულ ბლადდა. ვიდრე ფინა არ მივიდა მასთან. ქალმა პირუტყვს დაუყვავა, ალერსით გადაუსვა ხელი და მასლაათი დაუწყო ადამიანის ცხოვრებაზე. რა კარგია, როცა გყავს მეგობარი, ვისაც შეუძლია დაგამშვიდოს და ნუგეში გცეს ისეთ წუთებში, როცა არსაით გზა აღარა გაქვს. მეორე დღეს ფინამ გადაწყვიტა პატარა

ნობის გავიყოლებ და თვითონ წავეყვან ძროხას საბალახოდო. დადგა საუცხოო დღეები, ერთფეროვანი — სწორედ ეს არის კარგი დღეების ნიშანი და ამიტომ სამუდამოდ ჩარჩა ბიჭს ხსოვნაში ის გზაფხული. არაფერი არ ხდება, ცხოვრობ, სუნთქავ და მეტი არც არაფერი გინდა.

ცოტა ხანში საძოვარზე უკვე ამოიწვერა მატრეკლა, გაიფურჩქნა მოცვის წითელი და თეთრი ყვავილები, ნორჩ ბუჩქებში ბზუოდნენ ფუტკრები, უშენში ფრინველებმა უკვე დადეს პირველი კვერცხი, თუმც ჭერ შაინც არ ცხრებოდნენ, კვლავ სტვენდნენ სიყვარულის სიმღერას. ბორცვებშუა რაკადულები მორაკრავებდა, მწვანედ ხასხასებდა ღარტაფები, სადაც ძროხა ბალახობდა, აზურმუხტებულიყო მთის კალთები, იქვე ამართული იყო კლდეები, სადაც ელფები ცხოვრობდნენ და მთელი დღე მზე კაშკაშებდა. შემდეგ ნისლი ჩამოწვა, ორი დღე არ გამოჩენილა მზე. გორაკები და ბურციები ნისლში თითქოს უფრო მალა აიზიდნენ, მთები კი გაქრნენ. გაუჩინარდნენ, ხავსი უფრო ხასხასა ჩანდა ბურციებზე, ყვავილების სურნელება უფრო ძლიერ იფრქვეოდა. ბალახი ცვრით დაჩანდა, ძვირფასი მარგალიტის ძაფი მოედო მიწას და ბალახს.

ნისლი მსუბუქი იყო, გამკვირვალე, ცა შიგ იხედებოდა, მაგრამ აი, ჰორიზონტი მოახლოვდა, ღარტაფებს ზედ გადმოეფარა, ბურციებმა კი თითქოს ცას მიაბჯინეს წვერი, ზევით მიიწევედა სურნელება, ის ბალახიცა და სიმღერაც. თითქოს შენც იქ ცხოვრობო, დრუბლებში. ძროხა ენის რიტმიული მოძრაობით გლეჯდა ბალახს, ხან ნაკადულზე გადმოხრილ ტირიფის ტოტებს ეტანებოდა. ბოქმა ღარტაფის პირას მოიკალათა, საქსოვით ხელში მჭდარი დედის გვერდით. და ისინი თვალს ადევნებდნენ ძროხას, ბალახს, ნაკადულს — ირგვლივ ყველაფერს.

„იყო და არა იყო რა, იყო ერთი კაცი. ერთხელ ეს კაცი თავისი ხეტორიდან სხვა ხეტორში წავიდა. უცებ ნისლი ჩამოწვა და გზა აებნა მგზავრს, იბორიალა, იბორიალა, ნაკადულს მიადგა და მოეჩვენა, თითქოს წყალმა აღმა იწყო დენა, მთისკენ. ბოლოს კლდეებსა და წაწვეტებულ ლოდებშუა ამოპყო თავი, ირგვლივ უზარმაზარი, სწორედ აყუდებული კლდეები ამართულიყო და კაცმა გაიფიქრა, ალბათ ვეღარ გვაღწევ აქედანაო. ამ დროს ბურუსიდან გამოვიდა ცისფერ კაბაში გამოწყობილი ქალი, თავზე თეთრი ჩაჩი ეხურა, გამომყევიო, უთხრა იმ კაცს და წინ გაუძღვა. ცოტა ხანში მიიყვანა თავის კობტა, დაწყრილობულ ხეტორში, ხმა არ ამოუღია, ისე დაუდგა მგზავრს წინ მათლაფით წვენი. მან იმდენი ჭამა, რამდენიც სურდა, მერე მსუქანი ხორცა და ყავა მიირთვა. კარგად რომ დანაყრდა მგზავრი, ქალი ისევ წინ გაუძღვა და გზაზე გაიყვანა. ნისლი უკვე აკრებილიყო, მგზავრმა იცნო ის ადგილი, სადაც

ქალმა მიიყვანა, მადლობა უნდა ეთქვა მისთვის მასპინძლობისა და დახმარებისათვის, მიიხედა უკან და ვედარ იხილა თავისი მხსნელი, ცისფერკაბიანი ქალი გაუჩინარებულყო, აღარც ხუტორი ჩანდა, თითქოს მიწამ ჩაყლაპაო, იმ ადგილზე ჩვეულებრივი კლდე იდგა, აღარც წვეტიანი უშველებელი ლოდები იყო სადმე, ნაკადულოც თავქვე მიჩუჩჩუხებდა“.

„იყო და არა იყო რა, იყო კიდევ ერთი კაცი. გაზაფხულის ერთ მრუმე დამეს ეს კაცი, ძალზე დაქანცული და გულდამძიმებული, შინ მიდიოდა. თურმე მამასახლისსა და ვაჟარს წაეჩხუბა, განწირული იყო, ქვეყნად არავის იმეღო არ ჰქონდა. მრევლის კმაყოფაზე უნდა გადასულიყო. ვალის გადახდა ვერ მოახერხა. ვაჟარმა სურსათი აღარ მისცა, მამასახლისი კი დაემუქრა, სახლს წაგართმევო. ვინ იცის. საით უკრავენ თავს ჩემს ცოლ-შვილს, ბავშვებს აქეთ-იქთ დაქსაქსავენ, სამუშაო დღეებში ჭაფით ჭანს გააგდებინებენ, შიმშილოთ სულს ამოხდიან, უქმებში კიმუნჯებით გაუმასპინძლებიანო, ფიქრობდა გულმოკლული კაცი. შინ ჭალაბი მიელოდა, ის კი ხელცარიელი მიდიოდა. მაგრამ ისეთი ამაყი იყო, რომ დახმარებას არავის სთხოვდა. დიახ, მძიმე იყო იმ კაცის ნაბიჯი, მაგრამ განა მარტო იმისი? ვინ მოსთვლის იმ ღამით კლდე რამდენი მიბაძიებდა ასე. რა უნდა ექნა?“

უცებ კლდეში შუქი გამოკრთა.

ხშირად ჩაუვლია მას იმ კლდეებთან, ღამითაც. ბინდშიც და გაუყვირდა. ნეტა ეს შუქი საიდან გაჩნდაო. ამასობაში მიატანა კიდევ იმ ადგილს და რას ხედავს: მის წინ პატარა ხუტორია, ჰიშკართან კაცი დგას, ძალიან მოეწონა მგზავრს უცნობი: ეს იყო იმ ხუტორის პატრონი — ელფი. ელფმა საუბარი გაუბა კაცს, თავაზიანად, მოკრძალებით, დინჯად ლაპარაკობდა. ელფები სულ ასეთები არიან, მათ ხომ საზრუნავი არა აქვთ რა. მხოლოდ სიკეთეს ეძებენ და პოულობენ კიდევ. იმ კლდესთან გლეხს ყავა მიართვეს, ძალიან ტკბილი. ნაღებიანი და თვითონაც ვერ მიხვდა, უცნობს გულის წადები როგორ გადაუშალა, უამბო თავისი გასაჭირი. გამომშვიდობებისას ელფმა უთხრა: „ხვალ. როგორც კი გაიღვიძებ, გარეთ გადი და მიმოიხედეო“.

გლეხი შინ წავიდა. მის ჭალაბს უკვე ეძინა, ვერ გაბედა მათი გაღვიძება. რომ ეამბნა თავს დატეხილი უბედურება. დილით როცა თვალი გაახილა, ადგა, გავიდა გარეთ და რას ხედავს: ზედ ზღურბლთან აწყვია ფქვილით საესპარაკები, შაქრით სავსე ყუთები, საუცხოო თევზი ტომრებით. ისეთი თევზი: ქაურ ხალხს თვალითაც არ უნახავს, ღოჭით სიროპიც კი დგას“.

„იყო და არა იყო რა, იყო ერთი პატარა ბიჭი. უშენში, ხეობაში ცხოვრობდა ეტეხო ღალბთან. ოჯახის პატრონს ბიჭი საყდარში არასოდეს არ მიჰყავდა. ამ ბიჭუნას დაძმა არ ჰყავდა. ერთ ზაფხულს, კვირა დილას, ჩვეულებისამებრ

ყველანი გამოიპარანქნენ საგარეო სამოსში, შესხდნენ ცხენებზე და საყდარში წავიდნენ. ბიჭი იღვა, გასცქეროდა, როგორ დაუყვენენ მხედრები მდინარის გასწვრივ ბილიყს და მტერის კორიანტელში გაეხვივნენ, შინ მისი და მოხუცების გარდა არავინ დარჩენილა. როგორ ფიქრობ, გული ეტკინა ბიჭს, თუ ათა? ცრემლი წასკდა საცოდავ ბავშვს, გამოვიდა ხუტორიდან. აუყვა აღმართის მთისკენ. მიდიოდა და ფიქრობდა, ცხოვრებაში კეთილს მუდამ რატომ სძლევს პოროტიო, თითქოს ცხოვრებას სწორედ ეს ბოროტი წარმართავსო. მაგრამ იცო, რა გაიგონა იმ ბიჭმა კლდეებს შორის, მთის ძირში? ტკბილი გალობდა, ორი ან სამი ადამიანის ხმა კი არა, მთელი მრევლი გალობდა. საყდარში სიო მსახურებას ასრულებდნენ. ასეთი ტკბილი ფსალმუნი ჯერ არასოდეს მოუსმენია. მიმოიხედა, საიდან მოდის ეს ხმაო და დაინახა, რომ მის წინ კლდე კი არა, საყდარი დგას, კარი ღიაა, იქაურობა შუის შუქითაა გაჩირალდნებული. საყდარში ელფები სხედან, მწვანე სამოსელში გამოწყობილი პასტორი საკურთხეველთან დგას. შევიდა ის ბიჭი იმ ჭადოსნურ საყდარში: თავის სიცოცხლეში არ ენახა ასეთი კეთილშობილი, ბედნიერი ხალხი. აი რა დიდი მნიშვნელობა აქვს, როცა ერთმანეთში მშვიდობა და თანხმობა სუფევს, როცა ცხოვრებას ვალობით ალაშქებენ. ფსალმუნის ვალობა რომ დამთავრეს. პასტორი ამბიონზე ავიდა. არასოდეს, არც მანამდე, აღარც ზერე არ გაუგონია ბავშვს ისეთი ჭადაგება, სამუდამოდ ჩარჩა ხსოვნაში პასტორის სიტყვებზე და შემდეგ სულ იმაზე ფიქრობდა, რაც იქ გაიგონა, სულ იმის ცდაში იყო. ისე ეცხოვრა, როგორც იმ ჭადაგებით მოუწოდებდა პასტორი თავის მრევლს, მაგრამ იქ მოსმენილი არავისთვის არ გაუმხელია. იქნებ პასტორი იმაზე ლაპარაკობდა, ადრე თუ გვიან ცხოვრებაში მაინც კეთილი გაიმარჯვებსო? შემდეგ პასტორი ისევ საკურთხეველთან მივიდა და წირვა დაიწყო. ისეთი გულში ჩამწვდომი, ტკბილი ხმით ვალობდა, ჩვენი მიწიერი პასტორები ისე ვერასოდეს ვერ ივალობებენ. ბიჭს მოეჩვენა. თითქოს გულზე ნახად, ალერსიანად შეახო ვილაკამ ხელი. ვალობა დამთავრდა, წავიდა ყველა. ბიჭიც გამოვიდა საყდრიდან, მოიხედა უკან და აღარსად იყო საყდარი. აღარც ხალხი, გაქრა ყველაფერი, დარჩა მხოლოდ ის ჭადოსნური კლდე, სალი. შიშველი, როგორიც იყო მუდამ. კლდის ნაპრალებიდან სტვენა-ყიჟყივით გამოფრთხილდნენ ჩიტები. ბიჭი ხშირად ადიოდა იქ, მაგრამ მას შემდეგ ჭადოსნული კლდე აღარ გაპოვილა. იქ ნანახი და განცდილი კი სამუდამოდ ჩარჩა ხსოვნაში, ეს მოგონება ჰგვრიდა შვება-ნუგეშს. როცა გრძნობდა, რა რიგ დაბეჩავებული და უბედური იყო. იგი თავდაბალი ადამიანი იყო და არ ემდურა თავის ბედს.

თეთრი ნისლით მოხურვილი ციდან, სადაც უტკბილეს აღთქმასავით იმალებოდა მზე, დედას ურიცხვი მშზინავი მარგალიტი სცემდა თმაზე. ზღაპარი

რომ დაამთავრა, დედამ ისეთი ზეიმური სერიოზულობით მოკუჟმა ტუჩი, გეკონებათ, საღვთო თქმულებაზე ლაპარაკობდაო. თან ფრთხილად დაუსვა საქსოვს ხელი. ირგვლივ ყველაფერს თითქოს რაღაც დიადი იღუმალების სიომ დაჰქროლა, ღრმად, მშვიდად სუნთქავდნენ. დედის ყველაზე საუკეთესო პეგობარი ფერია იყო, ელფსაც იცნობდა, იმ ფერიის ძმას, მაგრამ ეს დიდი, უდიდესი ხნის წინათ იყო, ურღარსელები.

— ნუთუ თვალი ჩამივარდა? — ჩაილაპარაკა დედამ და ამოიოხრა. — ჰო, დიდი. დიდი ხნის წინათ იყო, ახლა რა მნიშვნელობა აქვს ამას? რაც იყო, აღარასოდეს არ დაბრუნდება.

ნონის კი ეჩვენებოდა, რომ ძალზე საყურადღებო და მნიშვნელოვანია ეს, ამიტომ უთხრა დედას, მოდი შენს მეგობრებთან წავიდეთ, ჩვენც ელფებად ვადავიქცეთ, ვიდრე მამა და აუსტა ფიორდს იქნებიანო.

— ბუკოლლაც თან წავიყვანოთ, დედიკო, — სთხოვა ბიჭმა.

— არა, გვიანაა უკვე, — თქვა ჩაფიქრებით დედამ, -- გარდა ამისა, ბეზიას ვინ მოუვლის?

ამაზე ბიჭმა ველარ უპასუხა, სახეში მიაჩერდა დედას, აკვირდებოდა. იმაზე მშვენიერი ქვეყნად არავინ იყო, ქვეყნად ვერაფერი შეეღრებოდა იმ დიდ სიკეთეს, სევდას, სინაზეს, რასაც ეს სახე გამოხატავდა. დიდი ხნის შემდეგ, როცა ნონის აგონდებოდა ის გარდასული დღეები, ყველაზე უწინ დედის სახე ცოცხლდებოდა მის წარმოსახვაში და ეჩვენებოდა, თითქოს იგი შეერწყა ლურჯ მიწებს, თითქოს მათთან ერთად განიცადა ამ დიადი სილამაზის ჰერმის ბედნიერება. ნონი მთელი არსებით ისვენებდა, კრძალვით, მოწიწებით აღვისილი იმ ძალისადმი, რომელიც აერთიანებს, ათანაბრებს დიდსა და მცირეს, სილამაზისა და სევდის ერთ ნაკადად აქცევს მას, მაშინ ქრება გულისაჟქმა, ყოველგვარი წადილი და განსაცდელის მძიმე ტვირთქვეშაც, მოუნელეველი სევდის წუთებშიც კი ფიქრობდა, ცხოვრება მაინც ღირს იმად, რომ ბოლომდე იცხოვროთ.

როცა დადუმდება ვილინო,
ცაზე ისადგურებს შებინდება.
ისლი სიზმარივით მირონინობს
და ველს თოვლნამქერი ეფინება.
როცა ფერმკრთალდება ცის ნაპირი
და თვალს ეშორება ველიანი,
მე ჩემს სათაყვანო ისლანდიელს
სიზმრად ვინახულებ ცრემლიანი.
გული უგულობით ველარ გაჰლეკს,
გულთა დაშორება რატომ ხდება?!

აღმათ ორი სიმი ერთ საკრავზე
ასე არასოდეს ატოკდება.
უცებ დაიწვილებს სიმი ერთი...
წყდება სიყვარული...

მაინც არ ისვენებს...

მერე გარდასულს და დაიწყებულს
გული სინანულით გაისხენებს.

დედამ სიმღერა ასწავლა. როცა ბიჭი გაიზარდა და გაიგონა ზღვის ჰანგა. მაშინ იგრძნო, რომ დედის სიმღერების გახსენებაზე დიდი ბედნიერება არა არის რა. იმ სიმღერებში ჩაქსოვილი იყო კაცობრიობის ყველაზე ძვირფასი და სანუკვარი ოცნებანი. ბორცვები, სადაც დედა იჯდა ხოლმე, მის წარმოსახვაში იზრდებოდა, მთებად იქცეოდა, წვერით ცას ებჯინებოდა. მაგალობელი ფრინველებიც კი გაოცებული უსმენდნენ მის სიმღერას ცხოვრების უმშვენიერეს ჰიმნს.

თ ა ვ ი ო ც ღ ა მ ი თ ო რ მ ი ბ ა

ს ა მ შ ა რ ო ს უ ე ს ა ხ ე ბ

ივანობის წინა ღამეს ვინც მდინარეში გაებანება, შეუძლია სურვილია ჩაუთქვას.

ნორჩი, ტანკენარი აუსტა სოულილია ნაკადულის ნაპირს მიჰყვება, ჩადის ჭაობისკენ, შიშველ ფეხებს მიაშხლავს ტალახში. აუსტა ხეალ ქალაქში წავა, საკუთარი თვალით იხილავს სამყაროს.

უკვე დიდი ხანია, რაც აუსტა წინასწარ ტყებშია ამ სიხარულით, დღედამ ამაზე ოცნებობდა. ჯერ კიდევ ზამთარში ყოველ საღამოს ამ საოცნებო დღეზე ფიქრში იძინებდა. ასჯერ, ათასჯერ, სიზმრად თუ ცხადში ელანდებოდა ქალაქი. უკანასკნელი რამდენიმე ღამე დაძინებისა ეშინოდა, თვალგახელილი იწვა მომავალი ნეტარების მოლოდინში. დღევანდელმა დღემ შორიო მონაბერი ქარივით ჩაუქროლა, გოგონას თითის წვერები დაუბუყდა, სახეზე აღმუხრი ასდიოდა, არ ესმოდა, ვინ რაზე ლაპარაკობდა ოჯახში. აუსტამ რა ხანია მოიქსოვა მორუხო-ლურჯი წმინდა შალის ქვედა საცვალი და საგულდაგულოდ ინახავდა. ყოველ კვირა დღეს ამოიღებდა სკივრიდან საცვალს, მისი ცქერით ვერ ძღებოდა. ყავისფერი შალის ქვედატანიც მოიქსოვა, წითელი და ლურჯი ზოლები ჩააყოლა მთელ სიგრძეზე. ამ საღამოს კი მამამ დიდი სკივრი

გაღია. ოჯახს მართო ამ საცავს ედო კლიტე და საგარეო ქურთუქში. გახვეუ-
ლ კაბა ამოიღო.

— ჭერ ძალიან გამსდარი კი ხარ, — უთხრა მამამ, — მაგრამ მე მგონია,
მინაც დროა, დედაშენის საგარეო კაბა ჩაიცვა. ჩემი ქალი რომ ხალხში გამოჩ-
ნდება. როგორანდ უნდა ეცვას. აბა, თავს ხომ არ შეირცხვენს.

აუსტა სიხარულით წამოენთო, თვალები გაუბრწყინდა. ეს იყო ნამდვილი
სახეიმო წუთი, მართალია, წლების მანძილზე სკივრში ქსოვილი გაცრე-
ცილყო, გათხელებულიყო, მაგრამ ჩრჩილი არ მიჰკარებოდა, ვერც ნესტს
ევნო რამე. ზღვისიქითური ღია ფერის ყვავილებით მოჩითული ქსოვილისგან
ყო შეკერილი ეს კაბა, მკერდთან ფურჩალები ჰქონდა ასხმული. ბოლო
პევეებში აუსტა სოულილია საგარეობლად კი მოჩიტდა, ყმაწვილქალუ-
რ მომრგვალებდა დაეტყო მის ტანს, მაგრამ ჭერ მინაც განხიკული მოზარდი
ყო და ქალის კაბა. რა თქმა უნდა, არ მოერგებოდა. არც წელი ჰქონდა წელის
ადგენზე. მხოვრუც უწნოლ ჩამოეკიდა.

— ერთი შეხედეთ, ნამდვილი საფრთხობელა არ არის, რედსმირში რომ
დგას. მდელიობზე? — თქვა პელები.

მამამ პელე გარეთ გააპანდურა.

კაბა მინაც შეენოდა გოგონას. მაღლიერებით გულაჩუყებული ბავშვი
მამას კისერზე შემოეკლო. ის თბილი ადგილი იპოვა წვერქვეშ და სახით მიე-
ცო. ბოლო ხანებში აუსტას ბაგეც დაუშხვილდა. გვერდიდან ქვედა ტუჩი,
თუთოს ოდნე წინ წამოწეული მოუჩინდა, მაგრამ ლამაზად მოხაზული ჰქონ-
და. პირის ირგვლოვ უკვე დაეტყო ისეთი ხაზი, როგორც დიდებს აქვთ.
საბრალო ბავშვი... მამის წვერი ქუთუთოებზე უხიციანებდა.

თბილი ტალახი კანებზე ეშხაპუნებოდა აუსტას, ფეხქვეშ უყაბა-უყაბი
გაედოდა. ამელამ აუსტა ცვარში გაებანება. თითქოს პირველად იგარდნო
თავისი სხეულ. მდინარის ყურეში მდგარი ყანები თავდაკვრით ესალმებო-
დნენ გოგონას. ენობის წინა ღამეს ჭაობის არც ერთი ფრინველი არ არის
ისე თავაზიანი, როგორც ყანა. შუალამამ დაჰკრა, პირველი საათი დაიწყო.
ტობაში მეუფეება გაზაფხულის ღამე, ვით ნორჩი მზეთუნახავი.

ჩავიდეს თუ არ ჩავიდეს? აუსტა ყოყმანობს, ფეხის წვერებზე მიიპარე-
ბა და აი უკვე დღეა. გამჭვირვალე ნისლი აკრიბება ჭაობიდან, ზევით, ფერ-
დობზე მიცურავს, სარტყელივით ერტყმის მთის წელს, მოკრძალებით უფა-
რავს კალთას. ტბის მოსარკულ ზედაპირზე უცნაური არსების სილუეტი გა-
მოჩნდა. წყლის კაცი ხომ არ არის?

ღარტაფი მდინარის ნაპირას — სწორედ აქეთ მოდის ცვრიან მიწაზე აღ-
ბეჭდილი ორი უსუსური ფეხის ნაკვალევი. ფრინველები დადუმდნენ. აუსტა

მდინარის ნაპირას ზის და ყურს უვდებს. იხდის გაცრეცილ საშინაო კაბას — ამ ცის ქვეშ, რომელსაც ძალუქს წაშალოს მთელი ცხოვრების ბნელი ზამთრის შოგონება, ივანობა ღამის ცის ქვეშ, და ამ ღამის ნორჩი ქალღმერთი, უკვე რომ გაუსხივოსნებია მზის შუქს, სრულყოფილია თავისი ქალწულებრივი სიშიშვლით. არაფერია იმაზე ძვირფასი, როგორც მღვლეკარე ღამე მოლოდინისა, ძვირფასია მისი იღუმალება, მისი ცვარ წამი. სული და სხეული ერთ განუყოფელ მთელად იქცევა და წმიდაა მისი, ლტოლვანი. აუსტამ მდინარეში თავი დაიბანა, საგულდაგულოდ დაივარცხნა თმა, ფეხები წყალში აკონდა იახყოფილი, თითები სილიან ფსკერში ჩაფლული. წყლის უცნაური ფრინველები ცურვით გარს უვლიდნენ, მერე უკვებ რალაცნაირი თავაზით და მოკრძალებით შემობრუნდებოდნენ მისკენ, როცა იგი სულ არ ელოდა ამას და თითქოს საღმის ნიშნად მდებარე თავს ხრიდნენ. არავინ, ქვეყნად არავინ დის ასეთი თავაზიანი საღამო.

გოგონა გაითოშა, წყლის ნაპირზე მოჰყვა სირბილს, ისეთ დაკლაცნილ მიხვეულ-მოხვეულ კვალს ტოვებდა, როგორც მსოფლიოს დედაქალაქების ქუჩებია მიხვეულ-მოხვეული. თვითონ ისეთი ჰაეროვანი იყო, თითქოს ცვრისგან არის შექმნილი, როგორც თვით ნისლი. უცნაური იყო ეს ლაქა მზიან ღამის ცვარდაკრულ მწვანე ლანდშაფტზე. პატარა ხანი ირბინა ნაპირზე და გათბა.

გაიღვიძეს ფრინველებმა, ცა აელვარდა უხვი ფერებით, ერთი საათის შემდეგ მზე შეაცურებს სხივებს ცვარში, დევისპირას ფოთლებზე და ცვარე გაქრება მზის სხივებში — ივანობა ღამის ეს წმიდათა წმიდა ცვარი.

ამოიწვერა თუ არა მზე, ბიარტური ლოგინიდან წამოდგა, ერთი დიდი მწიკვი ბურნუთი აიღო და ჩაცმა დაიწყო. ნუთუ აუსტა სოფლილიას ასეთ დიად დღეს გაღვიძება დაუგვიანდა? არა, ეს შეუძლებელია! გოგონა ადგა, თვალებს იფშვინეტს, რომ გადაიყაროს უძილო ღამის ზმანებები, მამას შეჰყურებს, ვიდრე ის ტანთ იცვამს. ბიარტური ცხენის შესაკაზმად წავიდა. აუსტამ თავისი ახალი საცვლები ამოალაგა სკივრიდან და ჩაიცვა სუფთა ტანზე, გუშინ რომ პირველად განიბანა მდინარეში, ტანზე, რომელიც გუშინ პირველად აღმოაჩინა, თითქოს ეს-ესაა უბოძესო. შალის ქვედატანი და შალის წინდები ჩაიცვა, ცხვრის ტყავის ხმალი და ახალი, დედისეული კაბა. დაფაცურობდა, აქეთ-იქით აწყდებოდა ოთახში. დედინაცვალი ყავას ხარშავდა. ბებიაც ადგა და როგორც ჩვევა აქონდა, საჩვენებელი თითი ჩაიყო უკბილო პირში.

— სათბურას წაღება არ დაგაგიწყდეს, საბრალო ბავშვო. ამინდი თუ გაფუჭდა, მაგ თხელ კაბაში გაილუმებები.

ბების ასეთი ლაპარაკი აბა რა გასაკვირია. განა აუსტას აზრად მოუყვ-
ლოდა ხალხში ეს ქუჭყიანი, დაფრწეწილი სათბურა გამოეჩინა?

— მოხედვას ვერ მოასწრებ, რომ თქვეში წამოვა.

— ცაზე ერთი ღრუბელი არ ჩანს, — მიუგო აუსტამ.

— ნუ ენდობი, გოგონი, კარგ ამინდს. გონს რომ მოხვალ, უკვე გვიან იქ-
ნება.

მაგრამ ასეთ ნათელ დღეს მხოლოდ კარგის გჯერა. მზე დაკაშკაშებს მწვა-
ნედ მოლალანე ველს, ოცნებაში წასული ლურჯი მთები უდარდელად გაწო-
ლილან ლაქვარდი ცის ქვეშ, როგორც ფუფუნებაში აღზრდილი ბავშვები.
გაბრწყინებულები, ბედნიერები, თითქოს არასოდეს ერთი ჩრდილიც არ დაე-
ცემარ ამ უძირო მარადიულ ცაში მოკაშკაშე მზეს. ასეთ დილას ძველი დაგ-
ლეწილი სათბურას ამოღება ავდრისგან თავდასაცავად იგივეა, რომ განგებ
გული ავიმღვრიოთ ავი ფიქრებით. და აუსტა სოულებია გამოემშვიდობა თა-
ვის ბუზლუნა ბებიას.

გოგონა უკვე დაადგა ფართო სამყაროსკენ მიმავალ გზას, მიაბიჯებს მა-
მასთან ერთად. ბებერი ბლესი მატყლით დატვირთულ ოთხთვალას მიათრევს.
შარავზაზე რომ გავიდნენ, მამამ აუსტას მატყლის ტომრებზე დაჭდომი-
ნება დართო, თვითონ კი წინ მიუძღოდა ცხენს, სადავით მიჰყავდა. საამუ-
რი დილა იყო. მომავალი დღისგან აუსტა არასოდეს არ ელოდა ისეთ დაჭ-
რამეს, როგორც ახლა, თითქოს ეს არის ტყვეობიდან იხსნესო. ახალ-ახალ
სივრცე იშლებოდა მის წინ, ცხოვრების უფერული, უღიმღამო დღეები თოქ-
ქოს უკან ჩამოიტოვო. ისეთი გამახალისებელი, სურნელოვანი სივრცე მოჰ-
ქონდა გაზაფხულის სიოს, ისე საამურად უხეცილებდა ნესტოებში, რომ არ-
სოდეს უგრძენია მსგავსი რამ. ფრინველთ სტვენა-გალობაც სხვაგვარი ეჩუ-
ნებოდა, ექოც კი აქ სულ ახლებურად ეღერდა, არც ჩიტები ჰგვანდნენ მა-
ხეობის ფრინველთ, ეს ჩიტები ხომ სულ სხვა სამყაროსათვის გალობდნენ.
გზის გაყოლებით ამართულ ბორცვებს ფორმა და საბურველი შეეცვალა. შე-
იცვალა მთების მოხაზულობა, უკან დარჩა ნაცნობ მთათა მწვერვალუ-
მდინარეებიც სხვა მიმართულებით მიედინებოდა, ღარტაფებში მიმალულ-
უცხო ყვავილები უცნაური სურნელით აბრუებდა გამოუცდელ მოგზაურს
ოთხთვალა უმოწყალოდ ანჭლრევდა, ზევით ისროდა აუსტას. გზა ცუდი იყო.
მაგრამ გოგონა ხარბად. მთელი თავისი გრძნობებით აღიქვამდა დღისა და
გზის ყოველ წვირლმანს და ყველაფერი ისე ახალი ეჩვენებოდა, ვით პირველ-
დილა სამყაროს შექმნის შემდეგ.

მანანის ბუჩქებით დაფარული გორაკის კალთას აღმა მიუყვებოდნენ. ყო-

ველ თხემზე ეგებებოდნენ არნახული, უცხო ფრინველები და სტენან-ელდურ-ტულით აცილებდნენ მეორე თხემამდე. ასე მიაღწიეს უშენს. შუადღე იყო. თანდათან შეთხელდა მცენარეულობა და ბუჩქნარი, ცივმა ქარმა დაჰბერა და პატარა ქალს თვალწინ გადაეფინა ერთფეროვანი, რუხი უშენი, ფრინველები იშვიათადღა ხედებოდათ, არსად ჩანდა ნაკადულები. სალდაც შორს, ძალიან შორს ლაპლაპებდა თეთრი ტბა. ერთიმეორეს ტალღებივით მისდევდა თიხნარი, შიშველი, თითქოს ქარს საგულდაგულოდ მოუხვეტიათ, ქვით დახორცილი ფერდობები, აქა-იქ ლაქასავით რომ ხავსი მოსდებოდა და მწირი მცენარეულობა. ერთ-ერთ ბორცვზე ცხვრებისა და ბატკნების ფარა მიფიცებოდა მზეს და ბალახს ცოხნიდა, მგზავრების დანახვაზე დაფრთხა, გაითანტა. გოგონა დროდადრო გადმოდიოდა ოთხთვალიდან, რომ სიარულში გამთბარიყო და მამას მჰპყვებოდა გვერდით, ფართო, ჩამოფართხუნებულ ჰრელ კაბაში გამოწყობილი. მიყრუებული და უკაცრიელი უშენის სიცივემ სევდა მოჰგვარა ორივე მგზავრს, არც ერთი არ იღებდა ხმას. აუსტას შიოდა, ერთფეროვანმა ლანდშაფტმა ხალისი დაუქარგა. ვეღარ ამჩნევდა უხილავსა და უცნობს, სიხარულით აღარ უძგერდა გული.

გოგონა სულ ელოდა, შემდეგ მოსახვევში რაღაც ცვლილებას, რაღაც ახალს დავინახავო, მაგრამ სურათი არ იცვლებოდა, ერთფეროვნებას არ უჩანდა დასასრული, თეთრი ტბა რახანია უკან ჩამოიტოვეს, აუსტა კი დაიღალა რაღაც განსაკუთრებულის ლოდინით. დაიწყო დაღმართი, დაჰყვნენ ხევის პირს, ქვევით მდინარე მიედინებოდა. აუსტამ აღმოსავლეთით, ხეობის იქით გაიხედა, იქნებ თხემს კიდევ მოგვკრა თვალიო, მაგრამ ვერაფერი დაინახა და უცებ, თითქოს სამყარო ჩაიქცა, მის ადგილზე დარჩა მხოლოდ უძირო ცის გავრძელება, ოღონდ ეს ცა რაღაც უფრო ახლებური იყო, უფრო მოლურჯო. იქნებ ჰორიზონტზე ცა მოლურჯო-მომწვანო მოლაპლაპე მინის კედელს ებჯინება? ეს ახლებური სილურჯე ცის ქვეშ თითქოს შორეთის მთელ იღუმალებას მოიცავდა. და ამ უკიდევანო სივრცით მოხიბლული გოგონა წამით შედგა, მას ეგონა, რომ მიაღწია ქვეყნის დასასრულს.

— მამი, — ჰკითხა გაუბედავად აუსტამ, — სადა ვართ?

— სად? უშენის აღმოსავლეთ ნაპირს მივალწივით. ეს კი ზღვა არის.

— ზღვა! — დაიწურჩულა გაცოცხულმა აუსტამ, თან თვალს ვერ აშორებდა აღმოსავლეთით გადაჭიმულ ლურჯ საბურველს. აღტაცების ჟრუანტელმა დაუარა ტანში, როგორც კი გაიფიქრა, რომ ასეთი ბედნიერება ელირსა. უშენის აღმოსავლეთ ნაპირზე დგას. იყურება იქით. სადაც მთავრდება დედამიწა და იწყება ოკეანე. მსოფლიო ოკეანე.

— ზღვის იქით მხარეს არაფერია? — ჰკითხა გოგონამ მამას.

— როგორ არა, იქით უცბო ქვეყნებია, — უპასუხა მამამ. ეამაყებოდა, რომ შეეძლო ბავშვისთვის აეხსნა, რაც მან იცოდა, — ქვეყნები და სამეფოები, რომლებზეც წიგნებში წერია.

— ჰო! — აღტაცებით აღმოხდა აუსტას.

მერელა მიხვდა გოგონა, რა სულელური რამ ჰკითხა მამას. აკი უნდა სცოდნოდა, რომ სწორედ იმ ზღვაში ცურავდნენ სახელისა და დიდების მოსახვეჭად ახალგაზრდა გმირები, რომელთა შესახებ წიგნებში წაუკითხავს, და რომ ამ ზღვის იქით მდებარეობს ზღაპრული ქვეყანა. დახე, როგორ გაუღიმა ბედმა. მან იხილა ზღვა, იმ ზღაპრულ ქვეყნებს რომ გარს ეკვრის. ეს ხომ ზღვაა — საიდანაც იწყება გზა ზღაპრული, ჯადოსნური სამყაროსაკენ. ფერღობი რომ ათავეს. აღმოსავლეთ თხემზე მოიკალათეს დასასვენებლად. აუსტას მთლად გადააიწყდა შიმშილი და, ამ სასწაულით მოხიბლული, დაღუპებული გასცქეროდა ზღვას. ვერა, ვერასოდეს ვერ წარმოიდგენდა, თუ ასე უკიდევანო იქნებოდა ზღვა.

აღმოსავლეთ მხარეს უშენი უფრო ციკაბოდ ეშვებოდა ქვევით. მალე გამოჩნდა კიდევ ქალაქის სახლების სახურავები, მუქი ყავისფერი ბოსტნები, ისარივით სწორი კვლებით. ქალაქი აუსტას წარმოდგენაში რალაც არაჩვეულებრივი რამ უნდა ყოფილიყო, იმას კი ვერ მოისაზრებდა, თუ ამდენი კოპწია სახლი — ისეთი, როგორიც უტირედსმირში იდგა — შეიძლებოდა ერთიმეორის მიჯრით მოთავსებულიყო ქუჩის პატარა მონაკვეთზე. ამ სახლების მილებიდან ამოსული კვამლის სუნი სურნელოვანიც კი იჩვენა — აბა, ტორფის მყარ ნახუთრს ხომ არა ჰგავდა, ზაფხულის სავანეში რომ ტრიალებდა. ცოტაც გაიარეს და გაუსწორდნენ კიდევ ფერღობის კალთაზე მიკრულ პირველ სახლებს. ხალხიც შემოხვდათ, ვინ ფეხით მოდიოდა, ვინ ფორანით, ზოგიც ცხენზე იჯდა. აგერ გამოჩნდა კობხად გამოწყობილი ახალგაზრდების ჯგუფი, ყველას პაპი-ჩოსი ჰქონდა პირში გაჩრილი, განამებულ საყელოზე ჰალსტუხი ეკეთათ — ასე გამოპრანჭვა სადავ დღეს? როგორც ჩანდა, მეტისმეტად მხიარული ახალგაზრდები იყვნენ: აუსტას რომ შეხედეს, გადაიხარხარეს, მაგრამ ჩაუარეს თუ არა, დაავიწყდათ მისი არსებობა.

— მამი, ვინ არიან ეს ახალგაზრდები? — ჰკითხა ბიარტურს აუსტამ.

ბიარტური სულაც არ იყო აღტაცებული იმ ყმაწვილებით.

— ვინ არიან და ქარაფშუტები. მაგათ პაპიროსის. ქაჩვის მეტი არა იციან რა.

აი, გავიდნენ ქვით მოკირწყლულ ქუჩაზე. გაჰყვნენ მიჯრით მდგარ კოპწია სახლებს. ფანჯრებზე ყველგან ფარდები იყო ჩამოფარებული, ქოთნებით იდგა ყვავილები. „ღმერთო ძლიერო, რა არ იზრდება ქვეყნად“, — გაიფიქრა აუსტამ, ამ დროს ორი ახალგაზრდა ქალიშვილი გამოჩნდა, ყაითნით შეკრული ხამლი

ეცათ, პალტოში იყვნენ გამოწყობილი, ერთს წითელი ქუდი ეხურა, მეორეს ლურჯი. ისეთი კობტარუწები იყვნენ, რომ ერთი მათგანი შორიდან აუსტამ უტირედსმირელ ოდურს შიამსგავსა. როცა ქალიშვილები მიუახლოვდნენ, აუსტა გოცდა და დაიბნა. მეორე ქალიშვილიც ზედგამოჭრილი ოდური იყო.

ქალაქელი ჩვეულებრივი ქალიშვილები იყვნენ. გვერდით რომ ჩაუარეს მგზავრებს, ჩაიხითხითეს. ალბათ, ფიორდში სიცილი და მხარაულება ჩვეულებრივი ამბავია.

ბიარტურს ყურადღება არ მიუქცევია მათთვის, მაგრამ როცა აუსტამ პკოთხა. ესენი ვინღა არიანო, ბიარტურმა უპასუხა:

— ეგ ქალიშვილები? ზედ ეტყობათ, რომ უსირცხვილოები იქნებიან, ერთთავად ცუდაობაში რომ ატარებენ წუთისოფელს და მშობლებს კისერზე აზიან.

თანდათან უფრო მჭიდროდ ეკვროდა სახლები ერთმანეთს, მათ შუა ეზოს ადგილიც კი არ ჩანდა, საძოვარზე ხომ ლაპარაკი ზედმეტი იყო. ქუჩაში ბოქალაქეები და ჩამოსული ხალხი ირეოდა, დატვირთული ცხენები, ეტლები, ზღვეში კი ხომალდები იდგა. აუსტამ იმდენი რამ ნახა ახალი, რომ შეკითხვებით დაიღალა, რეტი დაესხა, ეჩვენებოდა, თითქოს სიზმარში მიჰქროდა საღდაც. ირგვლივ უცხო ხალხი ფუსფუსებდა. ერთიმეორეს არც კი ესალმებოდნენ. გონს მოსვლა ვერ მოასწრო გოგონამ, რომ უკვე ბრუნის მალაზიაში იდგა დახლთან, მამის გვერდით. მალაზია გაქედლილი იყო ყოველგვარი აქონლით, რასაც კი ჰქმნის მსოფლიო კულტურა. ანგელოზის ფრთებივით ქათქათა, თეთრი წინდები, საწვიმარი ლაბადები, ფინჯნები ზედ ამოზნექილი ყვავილებით, ნავთქურები, საღეჭი თამბაქო. დახლს უკან კარგად ჩაცმული წარმოსადეგი მამაკაცები იდგნენ, რალაცას იწერდნენ დავთარში და მუშტარს ოქროს ძეწკვებს უჩვენებდნენ. ჩაფართხუნებულ, კრელ კაბაში გამოწყობილი გოგონა დაბნეული იდგა, წინდები ჩაჩაჩოდა, ხამლი ტალახში ჰქონდა ამოსვრილი. გაოგნებული იყო ამ დიდებულებით და უაზროდ გაჰყურებდა სივრცეს. ამ დროს მათთან მივიდა საწყობის გამგე, წარმოსადეგი, თავაზიანი კაცი, გაიყვანა ბიარტური ეგრეთ წოდებულ სადარბაზოში, აწონა მათი ჩამოტანილი მატყლი, ერთი-ორჯერ თვალი შეავლო აუსტას და ზქვა:

— არც კი ვიცოდი, ბიარტურს თუ ასეთი დიდი გოგო ჰყავდა, თითქმის საპატარძლო. სწორედ ჩემი მანგისთვის იქნება შესაფერი.

ამაზე ჯერ აღრეა ლაპარაკო, შეაწყვეტინა ბიარტურმა, ტანდაა დიდი, თორემ ხნით პატარაა, ჯერ კონფირმირებულიც არ არისო. მეკუქნავის სიტყვებზე აუსტა საშინლად გაწითლდა, გულში ემადლიერებოდა მამას, რომ სიტყვა მის ტანადობასა და წლოვანებაზე გადაიტანა. აუსტამ ჯერ არ იცოდა,

რომ ქალაქელები ხშირად ისეთ სისულელეს როშავენ, რაც ხეობაში საძრავ-
ხისად ითვლება.

შემდეგ აუსტა მამასთან ერთად შევიდა ვაჭრის კანტორაში. გოგონა
იცოდა, რომ ვაჭარს ბრუნი ერქვა, აქ კი გამოირკვა, რომ მას სხვა უცნაურ-
სახელიც ჰქონია—ტულინიუს იენსენი. კანტორაში შესვლისას ისევ შეცბა და
დაფრთხა აუსტა, თითქოს რედსმირის საყდარში წირვის დროს საკურთხეველ-
თან უხმესო. მამამისზე კი არავითარი შთაბეჭდილება არ მოუხდენია ამას. სა-
ერთოდ, მამას ვერაფერი გააკვირვებდა, არც მაშინ დატყობია განცვიფრება.
როცა ტულინიუს იენსენი წამოდგა და მეგობრულად გადაეხვია. როგორც
ჩანს, მამა წარჩინებული ხალხისგან შეჩვეულია ალერსიან შეხვედრას.

— მოხარული ვარ, რომ კეთილ და ერთგულ მეგობარს ვხვდავ ასე-
მძიმე დროში, როცა მეგობარი სანთლით საძებარი გახდა. რასაკვირველ-
კრების შესახებ შენც გაიგებდი რამეს.

— რაღაც-რაღაცეებს კი მოვკარი ყური, — უპასუხა ბიარტურმა, — ჩემ-
მდეც მოაღწია ხმამ ზოგიერთების ხიმახლოებაზე, რაღაც კავშირების დაარსებ-
შესახებ. ამ გაზაფხულზე ზაფხულის სავანეში სტუმრებიც კი გვეწვივნენ
მაგ საქმის თაობაზე. მაგრამ მე ჩემს ადათ-წესებს ვერავინ შემაცვლევინებ-
მე საკუთარი ჭკუით ვცხოვრობ და არა სხვების მითითებით. თუნდაც ის სხვენ-
უტირედსმირელები იყვნენ.

— კარგადაც იქცევი. რწმუნებული ინგოულფ არნარსონი მოთავეობს და
გვრეთ წოდებულ სამომხმარებლო საზოგადოებას. რამდენიმე დღის წინა-
გემით ჩამოიტანეს უვარგისი საქონლის პირველი პარტია და მთელი გლეხ-
ბა, ვინც კი ჩემთან ანგარიშის გასწორება მოახერხა, მიაწყდა მათ. მაგრამ ვნ-
ხით, როგორ ავიკვირდებიან რამდენიმე წლის შემდეგ, როცა მლიდრების ვალებ-
პატარა ხალხს დააწერენ კისერზე და მათ მიწებს ყადაღას დაადებენ, როგორც
რასვიკის სამომხმარებლო საზოგადოების წევრებს დაემართა.

— რა მოგახსენო, — უპასუხა ბიარტურმა, — მე სხვის შემოსავალზე თვალ-
არ მრჩება, არავისი არაფერი მეხარება, მაგრამ სხვის ზარალზეც არ მსურს
პასუხი ვაგო.

ვაჭარი უმტკიცებდა ბიარტურს, სამომხმარებლო საზოგადოებები გლეხ-
ბას არავითარ სარგებლობას არ მოუტანს, პირიქით, საბოლოოდ გააღატაკებენ
მათ ისევე, როგორც სხვა მონოპოლისტური საზოგადოებები, რომლებიც მა-
ტოდენ იმისთვის არსებობენ, რომ ჩაახშონ ცალკეული პირების ინიციატივა.
მათი თავისუფლება და დამოუკიდებლობა.

— სამაგიეროდ, ჩემი ღუქანი მუდამ დიაა შენთვის, ძვირფასო ბიარტურ.

შენს განკარგულებაშია მთელი ჩემი საქონელი, წაიღე, რასაც ინებებ, ოპო, ეს რამოდენა გოგო გყოლია, რა მშვენიერია!

— ტანადაა დიდი, თორემ ხნით ჯერ პატარაა, კონფირმირებულები კი არ არის. ჰკვიანნი გოგო მყავს, კითხვა იცის, იცის უძველესი საგები. აბა, თქვი, პატარა სოულა, რა არის „ფარი ხისა“, გამოაჩინე შენი ცოდნა.

— აი, ეს მომწონს, ბარაქალა, პატარა ქალო, — წამოიძახა ვაჟარმა, როცა აუსტამ თქვა, რა არის „ფარი ხისა“, — ჩვენს დროში იშვიათად გამოიჩნება ისეთი ახალგაზრდა, რომ ელა* წაკითხული ჰქონდეს. ჩემს პატარა სევანეიტეს ვეტყვი ამ ამბავს. მან ხომ მხოლოდ დანიური წერა-კითხვა იცის.

— ჰმ, დანიური, — ჩაილაპარაკა ბიარტურმა ისეთი კლოთი, რომ მაინცადამაინც დიდი აღტაცება არ გამოუხატავს. — იქნებ ეს მდიდრებზისოვის კარგიც არის, ჩვენთან კი, ხეობაში, ხალხი მეტი ნდობით ეკიდება უძველეს პოეტებს, როგორც, მაგალითად, — მაგნუს მაგნუსონი იყო, მაგნუსის ტყიდან. ისლანდიაში მეორე ასეთი არასოდეს არ გამოჩნდება. სწორად უთქვამს მოხუცს:

სწავლულის სტილი კობა სტილია,
გემოს უსინჯავ, — მტკნარი წყალია,
ხალხის სიმღერას რა სჯობს, ნეტავი,
დედის ნანინად რომ ვისწავლია.

— მოდი, ვაჟარს მოასმენინე მაგნუსონის ყველაზე ბრწყინვალე პოემის შესავალი, სოულა, ჩემო პატარავ.

აუსტამ მორჩილად დაიწყო პოემის მეთორმეტე სიმღერა ბერნოუტზე. თავდახრილი, სახელეწილი იდგა და სხაპასხუპით კითხულობდა, ისე, რომ ზოგიერთი სიტყვის გარჩევა შეუძლებელი იყო. შუა ადგილს რომ მიადგო, პქარები აერია, სუნთქვა შეეკრა, უფრო აღელდა და ბოლოს ხმაც ჩაუწყდა. მიწა რომ გასკდომოდა და თან ჩაეტანა, ის ვრჩივდა.

— ჩინებულისა, შესანიშნავია! — წამოიძახა ვაჟარმა, — აი, ამას ჰქვია ოსტატობა! — და მან ორივე ხელი გაუწოდა აუსტას, ამით იხსნა უხერხული მდგომარეობიდან.

მერე დაუმატა, რომ დარწმუნებულია. აუსტა უჩვეულო ნიჭის პატრონი გოგონაა, ამიტომ ერთი ბრწყინვალა მონეტა უნდა აჩუქოს, რომ ლამაზი ცხვირ-სახოცი იყიდოს. როგორც ჩანს, წარჩინებულ კაცებს ცხვირსახოცების ჩუქეება უყვართ. ხოლო ამის შემდეგ, ტულინიუს იენსენმა, რამდენიმე წუთის წინ რომ შესთავაზა ბიარტურს, ჩემი დუქანი, ჩემი საქონელი, შენს განკარგულებაშიაო, კარი გააღო და სტუმრები ზრდილობიანად გააბრძანა დუქნიდან.

* ელა — მითოლოგიური და საგმირო სიმღერებს ისლანდიური კრებული შექმნ. X — XII ს.

დარჩენილი დრო მამა-შვილმა საყიდლებზე სირბილს მოანდომა. აუსტა-
წყიდა პირველი ცხვირსახოცი, ყვაილებით მოჩითული ნაწიბურით. გარდა
ამისა, ცისფერი მძივების აცმაც იყიდა და იმწამსეე ჩამოიკიდა ყელზე, რა-
ქალაქელ ქალიშვილებს დამსგავსებოდა. ცხვირსახოცი კი ხელში ეჭირა, რადგა-
ჯიბე არ ჰქონდა.

მავრამ საქმე ამით როდი დამთავრდა.

- მახსოვს, ერთხელ შეგპირდი, საგას გიყიდი-მეთქი ერვარ ოღაზე. —
უთხრა ბიარტურმა და გოგონა წიგნის მალაზიისაყენ წაიყვანა.

წიგნით მოვაჭრე დაუძღურებული ბერიკაცი იყო, ფეხზე ძლივს იდგა, ჯონ-
დაყრდნობილი დაფეხუცობდა გაჭირვებით, მავრამ მაინც განთქმული იყ-
ნით, რომ დროებას ფეხდაფეხ მისდევდა. მალაზია დიდი შენობების უკან მ-
ყუჟულ, ძველი სახლის სხვენზე ჰქონდა გახსნილი. ჩაბნელებული, კრიკინ-
გრძელი კიბე ადიოდა იმ სხვენისკენ და მამა-შვილს მოეჩვენა, დასასრული ა-
ქენება კიბესო. მოსუტი საქმეში იყო გართული, ნავთქურაზე ქვაბით წყალ-
დაედგა, ნეღლი თევზის მოზარშვას აპირებდა. ორთქლს დაებურა მთელი ოთა-
ხი, წიგნებარს სიმძიმით ჩამოხნეკილი თაროები ისე მიმალულიყვნენ ბულში, რა-
გორც კლდეები ნისლში. მოხუცმა ქვაბს თავი მიანება, სტუმრებს შეეგება.

— წიგნის ყიდვა თუ შეიძლება აქ? — იკითხა ბიარტურმა.

— ეგ იმაზეა დამოკიდებული, რომელი წიგნი გნებავთ, — უბასუხა ვაჭარ-
მა.

— ჩემი სოულასთვის მინდა, — თქვა ბიარტურმა, — ძალიან მიეჩვია კითხ-
ვას. ჰოდა, ამ ზამთარს დავიბრდი, საგას გიყიდი-მეთქი ერვარ ოღაზე.

— ღმერთი იყოს შენი შემწე, კეთილო კაცო, — წამოიძახა ვაჭარმა, —
ოცდაათი წელიწადი გავიდა მას შემდეგ, რაც მაგ საგის უკანასკნელი ეგზემპლ-
არი გავყიდე. ხალხი დღეს უკვე კულტურის სხვა საფეხურზე დგას, სამაგიეროდ.
„სოლომონის ოქროს საბადო“ მაქვს, გმირ უმსლოპოგაასის თავგადასავალს
რომ მოგვითხრობს. უმსლოპოგაასი კი თავისებურად დიადი ადამიანი იყო,
ჩემის აზრით, არაფრით ჩამოუვარდებოდა ერვარ ოღს.

— ჰოი, რალაც არა მჯერა ეგ, — მიუგო ბიარტურმა, — ახალმოდური რა-
ბოდვა იქნება. ვერავინ დამარწმუნებს, თითქოს ეგ ყმაწვილი, ახლა რომ ბრძ-
ნე, ერვარს რამით შეედრებოდეს. ის ისეთი ბრგე. ტალიკა ჭაბუკი იყო. რომ
სიმაღლით დანიური თორმეტი წყრთა სიგრძისა იქნებოდა.

— დიახ, ჩემო კეთილო, ხალხი ერთ ადგილზე როდი დგას, ხალხი საუკუ-
ნის უსწორებას ნაბიჯს და ჩვენც, წიგნით მოვაჭრეებმა, არ შეიძლება ანგარიში
არ გაუუვწიოთ ამას. შენ რალას იტყვი, პატარა ფრეკენ, ხომ მეთანხმები, რომ
დროს არ უნდა ჩამოვრჩეთ? აბა, მოდი აქ, ჩემო კარგო, დახედე თანამედროვე

ლიტერატურას. აი ეს, საქვეყნოდ ცნობილი რომანია — იმ კაცზე, რომელიც კარეტაში მოჰკლეს. ეს კი მეცნიერული ნაშრომია პაპობის დროის აღდგინების ხსენილობაზე. მწერალი აგვიწერს, რაიგ უწესო ცხოვრებას ეწოდნენ ბერ-მონაზვნები შუა საუკუნეებში. ეს კი ხელუხლებელი, ჯერ გაუქრელი წაგნია, დიდ მოღვათა ახლა. ამის ყიდვას ხომ არ ინებებს პატარა ფრეკენი?

მართალია, წიგნით მოვაჭრე უკვე მიხრწნალი ბერიაცი იყო. მაგრამ აუსტა სოულისა მინც წამოენთო სახეზე, როცა მოხუცმა „ფრეკენი“ უწოდა. ის ხომ თავის დღეში ოცნებასაც ვერ გაბედავდა იმაზე, რომ ოდესმე ვინმე — „ფრეკენი“ მიმართავდა. ვერც იმას წარმოიდგენდა, თუ ასეთი კაცი, როგორც წიგნით მოვაჭრე იყო, ლიტერატურაზე წამოუწყებდა საუბარს. მაგრამ როცა გოგონამ წიგნის სატიტულო გვერდს დახედა, გოცებისაგან გული გინაღამ შეეკუმშა. ის იდუმალი, გამოუთქმელი და დიდმნიშვნელოვანი რამ, რაზედაც მასთან არავის ულაპარაკებია და მხოლოდ ბუნდოვანი წარმოდგენა შეექმნა მას შემდეგ, რაც ვიკინგებზე დაწერილი საგები წაიკითხა და პირუტყვთა ცხოვრებას დააკვირდა, — ამაზე თურმე მთელი წიგნები ყოფილა დაწერილი: „სიყვარულის საიდუმლოება, კეთილი რჩევა-დარიგება, რომელიც მამაკაცსა და ქალს შორის დამოკიდებულებას ეხება“.

„დამოკიდებულება? დმერთო ძლიერო. — გაიფიქრა შიშით ათრთოლებულმა გოგონამ, თითქოს ელოდა. საცაა მამა სილას გამაწნავსო, — როგორ უნდა გავიგოთ ეს? დამოკიდებულება მამაკაცსა და ქალს შორის... ვაჰ, ნეტა მამამ კი არ დახედოს სათაურს“. ჯერ არც ერთ წიგნს არ გაუცხოველებია ეკრერიგად მისი ცნობისმოყვარეობა და არც ერთ წიგნს არ შეუშინებია. გინდაც მარტო ყოფილიყო აქ, მაინც ვერ გაბედავდა ყიდვას. სწრაფად აარიდა ოვალი იმ წიგნს, განზე გაიხედა, ვითომ ვერ შენიშნა, რას უჩვენებდნო, მაგრამ სათაურმა ისე დაიპყრო მისი გული, რომ სხვა წიგნებისთვის ყურადღება არ მიუქცევია. რასაკვირველია, მამამაც დახედა და გაბრაზდა:

— ბინძური სასიყვარულო ისტორია იქნება, სამხრეთში რომ თითხნიან ქალების დასალუპავად.

— ქალებს კი, პირიქით, ძალიან მოსწონთ ეს წიგნი, — შეესიტყვა გამყიდველი, — უკანასკნელი ხუთი წლის მანძილზე, თუ მეტი არა, ოცდაათი ეგზემპლარი მაინც გაყვიდე. დღემდე დიდი მოთხოვნა აქვს. მარტო მკვლელობათა აღწერით, ან მეცნიერული ნაშრომებით თავს ვერ გავიტანთ. ხალხს სიყვარულზე დაწერილი წიგნი უნდა. ბრგე და წარმოსადეგი იყო ერვარ ოდი, თორმეტი წყრთა სიმალღე ჰქონდა, მაგრამ სიყვარული წყრთით როდი განიზომება.

როგორც მოსალოდნელი იყო, ბიარტურმა კამათი დაუწყო წიგნების გამ-

ყიდველს თანამედროვეობის სულისკვეთებაზე და გარდასულ საუკუნეთა შედეგებზე. აუსტა გონებადაფანტული იდგა. მაშინლა გამოერკვა; როცა ნავთქურაზე მდგარი ქვაბიდან წყალი გადმოვიდა. წიგნების ამორჩევა იმით დამთავრდა, რომ ბიარტურმა პრინციუსას ზღაპარი იყიდა და შვილს აჩუქა.

— მაგ კაცს ნამდვილად შვიდი უქანონო შვილი მაინც ეყოლება, რაკი ასეთი წიგნებით ვაჭრობს, — თქვა ბიარტურმა, როცა მშვილობიანად ჩამოათავეს „სიყვარულის საიდუმლოებისაკენ“ ასასვლელი ბნელი, კრიჭინა კიბე წინგადახრილი ბიარტური უშნოდ მიალაჭებდა, ვაკე ადგილზე სიარულს არ იყო ჩვეული. ჭრელ ფართო კაბაში გამოწყობილი მოხდენილი, მოკრძალებული გოგონა, გაოფლილ ხელში ცხვირსახოცი რომ ეჭირა, ყელზე კი ცისფერი მძივი ეკიდა, ფეხდაფეხ მისდევდა მამას, ისეთივე ფართო ნაბიჯების გადადგმას ცდილობდა. გამვლელ-გამომვლელნი თვალს აყოლებდნენ მამაშვილს.

სალამოს ფუნდუქში წავიდნენ ღამის გასათევად. შენობა დიდი იყო, ქუჩას კიბით უერთდებოდა. სხვენზე კიდევ ერთი სხვენი ედგა, შეუღლებავი თუნუქით გადახურული. რა სახლი იყო ეს? ისეთი ხმაური გამოდროდა იქიდან, აუსტა თავის დღეში ვერ წარმოიდგენდა, თუ ოდესმე ასეთ კივილს, ღრიანცელს, ყრიაშულს, კარის გახუნს, ქურკლის ჭახაჭუხს, ქალიშვილების წიკვისს, ლანძღვა-გინებას და ძაღლების ყეფას გაიგონებდა საღამე. უთუოდ ეს არის საერო ღრეობა.

ვინ იცის, რა არ ხდება ასეთ სახლში დღის განმავლობაში! მრავალფეროვანი ცხოვრება ჩქეფდა ამ ხმეში, რომელთა გაგონებაზეც პატარა გოგონას სვედამ გული შეუკუმშა, როგორღაც ეულად იგრძნო თავი, თითქოს საკუთარ არარაობაში დარწმუნდა, თითქოს ცხოვრების მიღმა დარჩაო. ეს სახლი რაღაცით აგონებდა „სიყვარულის საიდუმლოებაზე“ დაწერილ წიგნს, მომხიბლობით აღსავსეს, მხოლოდ მიუწვდომელს. რა ბედნიერები არიან, ვისაც აქ ცხოვრება შეუძლია, ცხოვრების ამ მაცთუნებელ ორომტრიალში, ამ ხმაურსა და მხიარულებაში ჩაბმულთ. იმ წუთებში აუსტას ისეთი გრძნობა დაეფუფლა, თითქოს არავისთვისაა საჭირო, ზედმეტია ამქვეყნად. სასადილო ოთახში რომ შევიდნენ, იქვე კუთხეში, სკამზე ჩამოჯდა, ხმას არ იღებდა, არ ჩიოდა არაფერზე. მამამ ფუნდუქში შეყრილ მგზავრებს საუბარი გაუბა. მათ შორის უმეტესობა ისეთივე გლეხები იყვნენ, როგორც თვითონ და, რა თქმა უნდა, მაშინვე საძოვარზე, ვაჭრობასა და ჭიანჭველს მუშაიფი. აუსტას შებბა მოკვარა იმან, რომ ეს გლეხები ისეთი უცნაური თვალით არ უყურებდნენ, როგორც ქალაქის წარჩინებული ხალხი. ზოგმა გლეხმა ზედაც არ შეხედა. აუსტას საშინლად შიოდა, თან ისე იყო დაქანცული იმ დღის ნაირ-ნაირი შთაბეჭ-

ფილებებით, იმის თავიც აღარ ჰქონდა, რომ ფეხსაცმლიდან ამოჩრილი საფეხნი გაესწორებინა. გარინდებული იქდა, ერთ წერტილს მიჩერებოდა, ხელში დაქმუქნული, ჰუჰყიანი ცხვირსახოცი ეჭირა. მაგრამ აი, ოთაზში მალა-მალა-ლი, ლაშაზი, ლაღლაჟა. ცისფერთვალა და მკერდსავე ქალიშვილი შემოვიდა. აი ამას კარგად მოერგებოდა აუსტას კრელი კაბა. ქალიშვილი მშვიდი, მდიდური იერით გამოცურდა სამზარეულოდან, თან გამოჰყვა გინისი და ყრიამული, დიდი ლანგარით დაღვა მაგიდაზე ახლად მოხარშული ცხელ-ცხელი თევზი და ხალხი სუფრასთან მიიპატიჟა. აუსტამ ქალიშვილს ცერად გაჰხედა. ეტყობოდა, რომ მარტო ლაშაზი კი არა, ახტაჯანაც იყო. მოურიდებლად ჰკითხა აუსტას, ვისი შვილი ხარო, მამის გვერდით დასვა და ვიღრე ყველამ არ გადაიღო თავ-თავის ულუფა თეფშზე, სუფრასთან იდგა.

მგზავრები თევზის ჰამაში გაერთნენ, საუბარი შეწყდა, მიყუჩდა იქაურობა.

დაწოლის წინ კი ისევ ამოიღგეს ენა, კვლავ ვაქრობასა და ჰიას ენებოდა ძაით საუბარი. ამასობაში სხვა სტუმრებიც მოვიდნენ ლამის გასათევად. ღმერთო ძლიერო, რა უცნაურად იქცეოდნენ, უცებ შემოსძახებდნენ სიძღვრას, სწორ ადგილზე ბორძიკობდნენ, ბანდალებდნენ, ტალახში ამოგანგლულები იყვნენ, თვალები დაწითლებოდათ, თან უცნაური, მთავე სუნი უდიოდათ, ისეთი, საფუარს რომ უდის. აუსტას შეეშინდა, მოეჩვენა, რომ ეს კაცები ძალზე უცნაურად უყურებდნენ. წაეტანენ კიდევ, ხელის მოთათუნება და უპირეს. ნუ გეშინია, მთვრალეები არიანო, უთხრა მამამ, კაცები არ ეშვებოდნენ, ასეთი ნორჩი და ტურფა ქალი ვისი ცოლიაო, კითხულობდნენ, ბიარტურმა შეუტია მათ, დაეხსენით ბავშვს, ვერა ხედავთ, რომ პატარაა, ჯერ კონფირმირებულიც კი არ არის, ცამეტი წლისააო. კაცები იფიცებოდნენ, პატარა რა ბრძანებაა, უკვე გასათხოვარი ქალიაო. ამ დროს ერთმა მთვანმა იატაკზე ამოასაქმა. არავის გული არ მოსვლია იმ ობროდზე, ვითომც არაფერი მომხდარაო, არხენად მასლაათობდნენ ვაქრობაზე და, როგორც მუდამ ხდება, ორ ჯგუფად გაიყვნენ. ზოგი იმათ აქებდა, ვინც გლეხობას ათავისუფლებდა ვაჭართა კლანკებიდან, სხვები ვაჭრებს უპერდნენ მხარს, მიუხედავად იმისა, რომ ისინი უმოწყალოდ მარცვადნენ გლეხებს. ვაჭრების მოწინააღმდეგეები ამტკიცებდნენ, გლეხებმა სამომხმარებლო საზოგადოებები უნდა დააარსონ, როგორც თინგელმა გლეხებმა გააკეთეს ამ ოცდაათი წლის წინათო. აუსტას გჩვენებოდა, რომ ვაჭრებს მეტისმეტად უმოწყალოდ ესხმოდნენ თავს — სისხლისმწოველებსა და ქურდებს უწოდებდნენ. ვანა მამა ტყუილად იცავდა ვაჭარს? მაგრამ ის კი ვერ გაეგო, რატომ ლანძღავდა ასე სასტიკად მამამისი ინგოულფ არნარსონს, იმ ლაშაზე, კეთილ კაცს, ისე გულთბილად რომ მივსალმა აუსტას ამ გაზაფხულზე. რწმუნებულის მამამ კი, უტირედსმირელმა მამასახ-

ლისმა, ორჯერ აჩუქა ფული, ორ-ორი კრონი, ისე, არაფრის გულისთვის. აუსტას უნდოდა, რომ მამას მტრობა შეეწყვიტა მამასახლისის შვილთან, — იმას ხომ კეთილშობილება სახეზე აწერია, ზედ ეტყობა, რომ მართლა დასდებს თავს გლეხობისთვის.

კამათი თანდათან გაცხარდა. აუსტას ველარ გაეგო, ვინ უფრო ნაკლებ უნდა ჰყვარებოდა — ვაჟარი, თუ სამომხმარებლო საზოგადოების რწმუნებული. სულ მამას ეტმასნებოდა, არ უნდოდა გვერდიდან მოცილებოდა. ერთი ხუტორელი ამტკიცებდა, ვაჟრები მართო ქურდები კი არა, მკვლელებიც არიანო. ცოტა მაგალითის მოყვანა როდი შემიძლია, იმათ თუ გავიხსენებთ, ვისაც ბრუნნიმ კრედიტზე უარი უთხრა მძიმე ვაჭირების დროს, ვინც ბრუნის წყალობით შიმშილით დაიხოცა ამ უკანასკნელი წლების მანძილზეო. სამაგიეროდ, სამომხმარებლო საზოგადოებები — თვით გლეხთა საგაჟრო საწარმოებია, დატაკები დარწმუნებული უნდა იყვნენ, რომ იქ მათ აღარავინ გაძარცვავს და შიმშილით აღარ გაწყდებიანო. მეორე გლეხი შეესიტყვა: ძალიან შემცდარხარ, თუ გგონია, რომ სამომხმარებლო საზოგადოებებს ახლაც გლეხობა უდგას სათავეში, როგორც თინგეის ოლქში იყო ოცდაათი წლის წინათ. ეს საზოგადოებები ახლა კულაკებმა ჩაიგდეს ხელში, ამიტომ ვაჩიოდო თავი რედსმირელმა მამასახლისმა სამომხმარებლო საზოგადოების ჩამოსაყალიბებლად ფიორდშიო. ნუთუ ჩვენში გამოერევა ისეთი მიაშრტი კაცი, რომელიც დაიჯერებს, რომ მამასახლისი იოუნნი ღარიბი გლეხობისთვის ოღწის? საქმე ის არის, რომ თვითონ კინაღამ მშრალზე დარჩა, ვიკში, თავის დუქანში, ხელა ბოეცარა, სამოხმარებლო საზოგადოებამ მუშტარი წაართვა, ჰოდა, გადაწყვიტა, აქ, ფიორდში გაენადლებია დაკარგულიო. არა, გლეხს სამომხმარებლო საზოგადოებიდან იმაზე მეტი ხეირი არ ექნება, რასაც თავის დროზე ვაჭრისგან ნახულობდა, ისევე ისე ჩაიხრჩობა ვალებშიო. ახლა კიდევ მონოპოლია... და... ნუთუ გაზეთებს არ კითხულობთ, ეშმაკმა წაიღოს თქვენი თავი?!

— მე არავისი არაფერი მმართებს, — თქვა ზაფხულის საეანელმა ბიარტურმა.

ის ორივე გლეხი, ცხარედ რომ კამათობდნენ; ვალეზში იყვნენ ჩაფლული, ორივეს ძროხები ჰყავდა, ჰოდა, სადაც ძროხაა, იქ ვალიდან ვინ ამოვა? აბა, ასეთი ხალხი რა ყურადღებას მიაქცევდა ბიარტურს, დამოუკიდებელ ადამიანს, არავისი რომ არაფერი ემართა! ისინი კი იმაზე დავობდნენ, ვისი ვალი სჯობია ჰქონდეს კაცს, ვაჭრის თუ სამომხმარებლო საზოგადოებისაო. გლეხები თანდათან გაწიწმატდნენ, ბოლოს ერთმა წამოისროლა: როგორ შეიძლება გონიერული მსჯელობა მოსთხოვო ისეთ კაცს, ვისაც საკუთარ ცოლთან თავისი მოვალეობის შესრულების უნარიც არ შესწევსო. არც მეორემ დაუთმო.

მწველ დაასახელა ყველა იქ მყოფი და საჭაროდ გამოაცხადა, ამ კაცის ცოლი უკვე თორმეტი წელიწადია თავის მოჯამაგირესთან ცხოვრობს და ეს უბედური საკუთარი შვილების მამაც არ არისო.

გეყოფათ სიბინძურის როშვა, — შეაწყვეტინა მათ ბიარტურმა, — ბავშვისა მაინც მოგერიდოთ და შეგრცხვეთ, — თუმც აუსტა არაფერ სააუგოს არ ხედავდა ამაში, არც აინტერესებდა, ვინ ვის შვილებს ზრდიდა. ბიარტურს მოახსენეს, აქ საბავშვო ბაღი არ გახლავთ, კაცებში რა ეშმაკად გაეროე ბავშვით, როცა ხედავ, ომდ სეოიო ბულ საყიეზე ვლაპარაკობთო. ასე, სიტყვა სიტყვას მოჰყვა და უკვე ადგილასა და ზუსტი დროის დასახელება დაიწყეს, ვისმა ცოლმა როდის, სად უღალატა ქმარს. „იმ დღეს მაგის ცოლს წითელი ქვედა საცვალი ეცვაო“ — თქვა ერთმა. აქ უკვე სიტყვები აღარ კმაროდა, მუშტოკრივზე უნდა გადასულიყო საქმე „აჰა, შენ ამბობ, წითელი საცვალი ეცვაო? აჰა, მამ მიიღე — ახლა შენი ცხვირი ილაპლაპებს წითლად, თვალი კი ჩავიშავდებო“. აუსტა სოულილია ახლად მიხვდა, რომ მართლა სერიოზულ საქმეზე ლაპარაკობდნენ. საგებში აღწერილ მიცვალებულთა შთებს არ მოუხდენია ბავშვზე ისეთი შემზარადი მთაბეჭდილება, როგორც წითელი საცვლის გამო ატეხილ ამ დაკა-დაკას. შამსადამე ცუდი ხალხი ნამდვილად არსებობს. გლეხები შემოეხვიენენ მოჩხუბრებს, უნდოდან გაეშველებიათ ბიარტურიც ჩაერია და საქმე იმით დამთავრდა, რომ ყველა ძირს დაენარცხა, ფართხალებდნენ, ხელ-ფეხს იქნევდნენ. აუსტას ეჩვენებოდა, რომ ყველა ერთმანეთს ურტყამდა. ვაითუ მამა მოჰკლან? დაზაფრულმა გოგონამ შეჰკივლა, ხმამალალი ტირილი მორათო. ძირს გართხმული, ერთიმეორეში ჩახლართული ხალხი ნელა მიგორავდა იატაკზე. ბოლოს, როგორც იქნა, გააშველეს მოჩხუბრები და გარეთ გააბრძანეს, სუფთა ჰაერზე. დაუწყეს დამთშინება, ცდილობდნენ მათ შერიგებას, თამბაქოთი გაუმასპინძლდნენ. ბიარტური რამდენიმე გლეხთან ერთად შემობრუნდა ოთახში, დამშვიდება დაუწყო აუსტას, მაგრამ გოგონა დიდხანს ზღუქუნებდა და კანკალებდა.

— მამო, — ამოისლუყუნა აუსტამ, — შინ მინდა მამიკო, საყვარელო, გამიშვი შინ!

ბიარტური ეფერებოდა თავის პატარა გოგონან, დამშვიდდი, ნუ ტირიხარო.

— ბრიყვები არიან, მაგით ირთობენ თავს. გადაუკრავთ სადლაც, ჰოდა. მაშლაყინწობენ. გაიხადე ტანთ და დაწეკი, დაიძინე. ოცდახუთ ერეს დავზოგავთ, თუ მარტო ერთ საწოლს ვიქირავებთ.

საწოლები ორსართულად იყო კედელზე მიქედებულა. გოგონამ ქვედა საწოლი აირჩია, გაიხადა ჰრელი კაბა, ქვედატანის გახდა კი ვერ გაბედა.

მშვიდობისყოფნელები კი დასხდნენ და დაწვრილებით არჩევდნენ, რის გამო ატყდა ჩხუბი, ვინ ტყუოდა, ვინ მართალი იყო. ოთახში ისმოდა მათი ზურჩული, ასახელებდნენ ცოლქმრული დალატის შემთხვევებს, მოჰყავდათ ისეთი ფაქტები, რაც საერთო აზრით ყოვლად მიუტყვებელი იყო. აუსტას არ ეძინა, მაგრამ მათ ზურჩულს კი არ უგდებდა ყურს. ვერაფრით ვერ დაიშვიდა გული, მთელი ტანი უთრთოდა, ის ამბები, რაც პოემებში იყო აღწერილი, აგერ საკუთარი თვალით იხილა, მაგრამ რაოდენ არაპოეტური და უგვანი იყო, რაც ნახა.

ცოტა გულზე მოეშვა, როცა დაინახა, რომ კაცებმა დაწოლა დააპირეს, ცნებრი გამოისუფთავეს, ფეხსაცმლის ყაითანი გაიხსნეს, შარვალი გაიხადეს. მამაც ჩამოჯდა საწოლის კიდეზე, გამოისუფთავა ცხვირი, გაიხსნა ფეხსაცმლის ყაითანი, გაიხადა შარვალი. აუსტა მოუთმენლად თვალს ადევნებდა მის ყოველ მოძრაობას და ეჩვენებოდა, რომ მამა ზოზინობდა, ნელა იხდიდა ტანთ. პატარა შვება იგრძნო, მამა გვერდით რომ დაუწვა. ოჰ, როგორ ძლიერ მოუწდა მიკვროდა მამას, ასეთი დაუძლეველი წყურვილი არასოდეს უგრძენია, როგორც ახლა, ამ ჩხუბის შემდეგ. თრთოდა, მთელი ტანი უცახცახებდა, კბილს კბილზე აცემინებდა.

— ცოტა მიიწიე, გოგონი. დალახეროს ეშმაკმა, ეს რა ვიწრო საწოლია. — აუსტამ გაიწია, ლამის კედელს გაეკრა. — აი, ასე, ჩემო კარგო, ახლა კი კედლისკენ შებრუნდი და დაიძინე.

აუსტა კედლისკენ შებრუნდა.

ძილი არ ეკარება აუსტას. კედელი ცივია, ამიტომ ხომ არ კანკალებს? საბანი ვიწროა, მამამ კი სულ თავისკენ გადაითრია, მთლად გადახადა. მამის ტანის სითბო მხოლოდ ზურგს უთბობს. აუსტას აეჩყოლებს. მამაკაცებმა მალე დაიძინეს, გაისმა მათი ხვრინვა. კედლიდან ისეთი სიცივე მოდის, რომ მთლად გაუფრთხო ძილი. დრო მიდის, მან კი ვერა და ვერ დაიძინა. ბოლოს, თვალი გაახილა. ფანჯრებზე ფარდებია ჩამოშვებული, ოთახში ბნელა. ალბათ შუალამე გადავიდა უკვე. მუხლები მოუჩანს საბანიდან და ეჩვენება, რომ ტიხარის ხერვლებიდან საშინლად უბერავს. მამამ ღამე ნებისაც კი არ უსურვა, ხომ იცის, რა შიში ჰქამა. ირგვლივ უცხო კაცები ხვრინავენ — ამ დიდ იღუმლებით მოცულ სახლში, დიდ სამყაროში — რომლის ხილვაც ისე სწყუროდა, რომ წინა ღამე თეთრად გაათენა. ახლა კი, როცა ამ სამყაროში მოხვდა, ისე შეეშინდა, მღელვარებისგან თვალი ველარ მოხუტა. გარს ცული ხალხი ახვევია, რომელთა ცოლებიც წითელ საცვლებს იცვამენ. აბა, როგორ დაიძინებს აქ მარტო, ამ უცხო, გაუგებარ სამყაროში?

მარტო? არა, არა და არა. ის მარტო არ არის! ვიდრე მამა გვერდით ეგუ-

ლებდა, არასოდეს, არასოდენ არ იქნება ეული. რა მოხდა, თუ შამამ ღამე ნები-
სა არ უსურვა, ოლონდ კი აქ იწვეს მის გვერდით, ცოცხალი. მამა, საყვარელო,
კარგო მამიკო, შენი პატარა აუსტა აქვია, შენს გვერდით. თვითონაც არ იცო-
და, რატომ გაახსენდა უცებ ის თეთრი, რბილი ადგილი მის ყელზე, საყელსა
და წვერს შუა, ის ადგილი ანაზღად უფანტავდა შიშსა და მღელვარებას. რო-
გორც კი მიეკვრებოდა ტუჩებით. და იმიტომ, რომ ყველა ხვრინავდა, თვითონ
კი ვერ დაიძინა, იმიტომ რომ კანკალებდა, ეულად გრძნობდა თავს, გული
სევდით ეკუმშებოდა, შიშით თრთოდა ამ სამყაროში, მაგრამ მაინც ბედნიერი
იყო იმით, რომ მამა გვერდით ჰყავდა — ის, თვით უშიშროება, ლომგული,
ვისაც ყველაფერი შეუძლია, არავისი არაფერი მართებს, რომელსაც ვერაფ-
რით გააკვირვებ, რომელსაც ყველა კითხვაზე შეუძლია პასუხის გაცემა, ის.
ზაფხულის სავანის ხელმწიფე და პოეტი — მან ნელა იწყო გადმობრუნება,
ისე ნელა, რომ საწოლს ოდნავადაც არ გაუჭრილია, ისე რომ, ვერა-
ვინ შენიშნავდა, თუ გაინძრა, — ნელა-ნელა, მერე გაჩერდება, ისევე ნელა-
ნელა. ოთახში ჩამი-ჩუმი არ ისმოდა, მხოლოდ ხვრინვა არღვევდა მღუშარე-
ბას, თითქოს სხვა სამყაროდან მოდისო ეს ხმა, და ფრინველო ვივცივი ქუჩა-
ში. დიდი ქალაქის ცაში რომ ეღურტულებდნენ. ბოლოს მთლად გადმობრუნ-
და მამისკენ. არა, აუსტა ეული არ არის ამ სამყაროში, აი ის ოვალგახელილი
წევს მამის ძალუმ მეკრდთან. აი, თავი გასწია მისკენ, თვალი დაბუჭა, სახე მის
წვერში ჩამალა, ტუჩებით მიეკრა ყელზე იმას, ვინც შიშველი ხელით ებრძო-
და ურჩხულს იმ ღამეს, როცა აუსტა დაიბადა.

აუსტას ჯერ ეჩვენებოდა, მამას სძინავს, ვერაფერს ამჩნევსო. დრო მი-
დიოდა, აუსტა ყურს უგდებდა მის სუნთქვას, მისი გულის ძალუმ, ყრუ ძგერას,
მაგრამ მის ძალზე ფრთხილ, ნელ მოძრაობაზე მიხვდა, რომ არ ეძინა. აუს-
ტას შერცხვა. ნეტა არ წამოდგეს და სილა არ გააწნას, გადმობრუნება რომ
გაბედა, მან ხომ უბრძანა, პირით ეკდლისკენ შეტრუნდით და თავისი უმწეო-
ბით თავგზადაქარგული კიდევ უფრო მაგრა მიეკრა, გავიდა რამდენიმე
წამი, მათ გულებს ბაგამუვი გაუდიოდა ერთმანეთის პირისპირა მის ყელზე
სახით მიკრული აუსტა არ ინძრეოდა, თავს იმძინარებდა, მაგრამ აი,
შეუმჩნევლად, მამამ ნელა გამოსწია მისკენ ხელი, ალბათ შემთხვევით, სულ
ოდნავ შეიცვალა მდგომარეობა; ღილზე შეკრული საცვალი უცებ გაეხსნა და
შემდეგ წაშში თავის სხეულზე იგრძნო მისი თბილი, ძლიერი ხელის შეხება.

არასოდეს არ განუცდია მსგავსი რამ. შიში ხელად გაუქრა, ის თრთოლვა,
ახლა რომ უვლიდა მთელ სხეულში და გულში, სულ სხვაგვარი თრთოლვა
იყო, ბაგე ანაზღად შიმშილის გრძნობამ შეუქრკოლა, როგორც ემართება
დამშეულ ადამიანს, ნუზლით სავსე სუფრას რომ მიუჭდება. მაგრამ შიმშილის

ამ გრძობას მისი მოძრაობა იწვევდა. ვერაფერი, ვერაფერი ვეღარ შეუშლიდა ხელს მიჰკვროდა მას მეკრდზე და ამ უჩინარი ინსტინქტით გაბრუნებულს, წამით ვადავიწყდა ყველაფერი, ორივე ხელით მაგრად შემოეჭლო მას. იქნებ სწორედ ეს არის სამყაროს ამოუცნობი მომხიბლაობა?

ამ დროს მოხდა ის, რასაც ვერასოდეს, ვერასოდეს ვეღარ დაივიწყებ. რამაც წარუშლელი კვალი დაამჩნია მის ახლადგადვიძებულ ყრმობას და ააცხო ტანჯვის ფიალა, ბედმა რომ წილად არგუნა. სწორედ იმ წამში, როცა მის გარდა ქვეყნად ყველაფერი დაივიწყდა, მამამ ხელი ჰკრა და ლოგინიდან წამოიღო, სწრაფად ჩაიცივა წინდები და შარვალი, შეიკრა ფეხსაცმლის ყათიანი, ჩაიკვა ქურთუკი, ოთახიდან გავიდა და კარი გაიხურა. აუსტამ გაიგონა მისი ნაბიჯების ხმა დერეფანში, მერე ქვევით გაიჯახუნა შემოსასვლელი კარი და იგი გაქრა. დარჩა აუსტა მარტოდმარტო ამ მხვრინავ მამაკაცებში გაშეშებულ-გათგნებული, ფიქრის ნატამალიც არ უტრიალებდა თავში. ის არ დაბრუნდა. გოგონას ნელ-ნელა წყენა შეეპარა გულში. რა გააკეთა ნეტა ისეთი? არაფერი არ ესმოდა, მაგრამ ბუნდოვნად გრძობდა, რომ მოხდა რაღაც საზარელი, იმაზე ათასჯერ უარესი, რისთვისაც ამ ზამთარს სილა გააწნეს, როცა ერთ-ერთ საგიდან გაუგებარი ნაწყვეტის განმარტება მოითხოვა. მოხდა რაღაც ისეთი, რასაც თავის სიცოცხლეში არ აპატიებს ის. მაინც რა გააკეთა? და რატომ მაინც და მაინც მან გააკეთა? როგორ შეეძლო წარმოედგინა, რომ რაღაც საზარელი, დაუვიწყარი, მიუტრეგებელი იმალებოდა მის უბრალო, გულუბრყვილო ლტოლვაში — ის ხომ მხოლოდ ყელზე შემოეჭლო მას, სხვა არაფერი! მაინც რა, რა ქნა ისეთი? „კარგო, საყვარელო მამიკო, რა დაგიშავე? ნუთუ ასე ცუდი ვარ?“ ცრემლი წასკდა თვალიდან, ლაწვებზე ღვარად ჩამოედინა, თავი ბალიშში ჩარგო და აქვითინდა, თან ეშინოდა, მძინარე მამაკაცები არ გაედვიძებინა. ალბათ მამა წავიდა, თუ გაეკოდება, გამოავადებს.

ბოლოს ცრემლი გაუშრა, საწოლზე წამოჯდა და სასოწარკვეთით მიმოიხედა გარშემო. ჰო, წავიდა, წავიდა. უმწეო აუსტა მარტოდმარტო დარჩა ამ საზიზღარ სამყაროში. ვინ მიაწვდის ლუკმაპურს, როცა მოშივდება? იქნებ მაგნის ძაძასთან. იმ საწყობის გამგესთან. გუშინ მატყლი რომ აუწონათ, მისცენ დარჩენის ნება? აუუ გამხედაობა მოიკრიბოს და პირდაპირ ვაჭარს მიადგეს შინ? ანდა, ეგებ იოუნის შვილმა, რწმუნებულმა ინგოულფ არნარსონმა, გაზაფხულზე ისე აღერსიანად რომ მოექცა, შეიერდომოს? ვერაფერი ვერ გადაწყვიტა, არ იცოდა, რა გზას დადგომოდა: ამ დროს დაინახა, რომ ცისფერი მძივი გაწყვეტოდა, მძივი საბანზე მიმობნეულიყო. ეჰ, განა სულ ერთი არ არის? რაღა ეშმაკად უნდა მძივი, თუკი მამამ მიატოვა? მორჩა, დალუპულია, განწირულია, მარტოდმარტოა იმქვეყნად.

აუსტა ფრთხილად მიიპარა კართან, გაძვრა ჩაბნელებულ დერფთანში და მალე ზღურბლს იქით ამოჰყო თავი. გაზაფხულის ნათელი ღამე იდგა უკაცრიელ ქალაქში. ეინელდავდა. ნისლი წელამდე შემოხვეოდა ფერდობებს. აუსტამ არ იცოდა. რომელი საათი იყო. გათენებას ალბათ ჭერ კიდევ ბევრი დრო უკლდა. ქუჩებში ძე-ხორციელი არ ქაჭანებდა. ზღვის ფრინველები გაჰკიოდნენ ფიორდებში, მათი კვილი არ ჰგავდა ფრინველთა ჩვეულებრივ გალობას. აუსტა უაზროდ გაჰყვა ქუჩას.

ვერასოდეს ვერ წარმოიდგენდა ასეთ უკაცრიელ სამყაროს, ასეთ მოცარე-ელებულ ქალაქს. არსაით ჩანდა სიცოცხლის ნიშანკვალი. წვიმის რუხი საბურველი ეფინა შენობებსა და ხრემს. ზოგი შენობა დაფერდებული იყო, ზოგან ფანჯრები ჩამტვრეული, თუნუქის სახურავებს აქა-იქ შემოცლოდა საღებავი, ზოგან ქარს თუნუქის მთელი ფურცელი აეგლიჯა, წვიმას გაფრული ქალაქიდან ჩამოერეცხა ბათქაში და კედლებზე კონწილობდა ქალაქის ნახევები, ცობებზე ეყარა აყროლებული თევზის ფხები და თავები. კატამ გზაზე გადიარბინა და მიიშალა. აღარსად იყენენ კობტად გამოწყობილი მამაკაცები, აღარსად ტურფა ქალიშვილები. სიცარიელესა და მღუშარებას დაესადგურებინა...

გოგონა გაუბედავი ნაბიჯით მიჰყებოდა მთავარ ქუჩას მთისკენ. წვიმამ ამა დაუსველა, კამა მთლად გაელუმბა, მაგრამ მისთვის სულ ერთი იყო. უცებ ნისლში ჰუნდოვნად შემოინახა ცხენისა და კაცის სილუეტი, ახლოს რომ მივიდა, აუსტამ მამა დაინახა.

— რა მოხდა? რატომ არ გქინავს? — ჰკითხა მამამ.

აუსტამ ხმა ვერ ამოიღო, თვალი დახარა და შებრუნდა.

— აქ დამიცადე, ცხენს შევაბამ ოთხთვალაში, — უთხრა მამამ.

აუსტა ქევაზე ჩამოჯდა. წვიმა თმიდან წურწურით ჩასდიოდა მკერდში, თითები გაეყინა, მაგრამ ისევ ისევ იჯდა, მოღუნებული, გათოშილი, მშვიერი, ძილშორეული. ბოლოა და მღუშარებაში ბორბლების რახრახი გაისმა. მამა მოდიოდა, ოთხთვალაში შებმული ცხენი მოჰყავდა.

— ჩაქევი, თუ გინდა, — უთხრა მამამ.

აუსტამ ფეხით სიარული ამჯობინა.

მამა ცხენს გაუძღვა, აჰყვა ციკაბო, დაკლავნილ გზას მთის კალთაზე. აუსტა უკან მისდევდა. წვიმამ მოუხშირა, ზევით მძიმე საბურველივით დაეფინა მიდამოს. აუსტა კარგა ხანი იყო, თავფეხიანად გალუმბა, ომიდან წყალი ზურგსა და მკერდში ჩასდიოდა, უცებ გაახსენდა თავისი ცხვირსახოცი, რომლის ყიდვაც ასე უხაროდა, ისეთი დიდი ხალისით რომ აჩუქეს ფული ძლიერთა ამა ქვეყნისა. რა იქნა პატარა აუსტა სოფლილის ცხვირსახოცი? დაჰკარგა. მაგრამ რა ვუყოთ, მისთვის უკვე სულ ერთია, არაფერი აღარ უნდა. ამ დროს

ატლახებულ გზაზე ფეხი დაუსხლტა, გაიშხლართა, კრელი კაბა ტალახზე ამოესვარა და დაიხა.

— ცხენი დავასვენოთ აქ, უღელტეხილზე, ჩვენც წავიხემსოთ ცოტა, — უთხრა მამამ.

უკიდევანო ზღვა, გუშინ ისე რომ გააოცა გოგონა, ახლა წვიმის საბურველსა და ნისლში იყო მიმალული. დაბლობზე გაშლილი დიდი ქალაქი თვალს მიეფარა, წინ კი ბურუსში გახვეული ბორცვების გრეხილები ამოიძარათ. სახლამდე დარჩენილი გრძელი გზა თითქოს ცივი იყო და ბოლო არ უჩანდა. გოგონა ნაღვლიანად ფიქრობდა ერთფეროვან, მარადისობასავით უსასრულო მომავალ დღეთა მონაცვლეობაზე.

გზის პირას დასხდნენ სველ ქვაზე, მამამ ზურგი შეაქცია. მუხლებზე საგზლის ჩანთა ედო. მხარსზემოდან, შემოუბრუნებლად გადმოაწოდა ხმელი პურის ნაჭერი და გუშინდელი სადილის მონარჩენი თევზი. ცოტა ხნის წინათ აუსტას შიოდა, ახლა კი მთლად დაჰკარგა მალა, წვიმით დასველებული ხმელე პური და თევზი ძალზე უგემური ეჩვენა და ზიზლით ყლაპავდა ყოველ ლუქმას. მამა ხმას არ იღებდა, ერთმანეთისკენ ზურგშექცევით ისხდნენ, წვიმის წვეთები წყაპუნობდა ქვებზე. რამდენიმე ლუქმა რომ ჩაყლაპა აუსტამ, წამოზიდა, განზე გადგა. ამოასაქმა, ჯერ გაჭირვებით ჩაყლაპული საკმეღი ამოუვიდა, მერე ნაღველა.

მათ უკან გადამლილიყო უშენი ადგილი.

თ ა ვ ი ო ც ღ ა მ ი ც ა მ ი ბ ა

მ ბ რ ვ ა ლ ო ბ ა

ეს ზაფხული ღირსსახსოვარ ეტაპად იქცა ხუტორის ისტორიაში. ბიარტურმა პირველად დაიჭირავა მუშახელი. დიდი ხნის შემდეგ, ბიარტურის ოჯახის წევრები, წარსულში მომხდარ რაიმე შემთხვევას თუ გაიხსენებდნენ, იტყოდნენ ხოლმე: იმ ზაფხულს მერე მოხდა ეგ, როცა კუდიანი ფრიდა აქ მუშაობდაო. ანდა: მანამდე მოხდა, ვიდრე ეშმაკი ალქაჯ ფრიდას შემოგვიგდებდაო.

ვინ იყო ეს ფრიდა?

ფრიდას დაჭირავება შემდეგნაირად მოხდა: რაკი ხუტორში ძროხა გაჩინეს, მეტი მუშახელი იყო საჭირო, რომ ზამთრის სამყოფი თივა მოემარაგე-

ბინათ. რედსმირელებმა, როგორც ძროხა იძულებით თავს მოახვიეს ბიარტურს, ასევე ძალდატანებით აჰკიდეს ფრიდაც. რა თქმა უნდა, ვიდრე ამაზე დაითანხმებდნენ, ბიარტური მაგარ-მაგარი სიტყვებით გაუმასპინძლდა მოძალადეებს, პირდაპირ მიახალა, რასაც ფიქრობდა მათზე. და ზაფხულის სავანეში დედაბერი ფრიდა გამოცხადდა.

მამასახლისმა, მთელ დაბაში ჭკუასაკითხავმა კაცმა, რასაკვირველია, ბიარტურისთვის ისეთი მუშის გამორჩევა მოახერხა, როგორსაც გასწვდებოდა მისი ჯიბე. დიდი ხანი იყო უკვე, რაც ფრიდა დახმარებას ღებულობდა სამრევლოდან, საშინელი მურღალი და ავყია დედაკაცი იყო, ყველა გაუბრბოდა მის დაქირავებას. სულ ეჩხუბებოდა იმათ, ვისთანაც მუშაობდა, ყველას უკმაყოფილო იყო და ყველაზე უმოწყალოდ იმათ თათხავდა ხოლმე, ვისთანაც იმეამად იმყოფებოდა. ღარიბ-ღატაკ წყალწაღებულ ხალხად ოვლიდა მათ და ეს როდი იყო მოკლებული ქემძარიტებას. თავის აზრებს, ჩვეულებრივ, ხმა-მადლა გამოთქვამდა. დედაბერს ათასი სატივიარიც აწუხებდა და ერთთავად წამლებით იჭყიპებოდა. წამალი რომ გაუთავდებოდა, ლოგონში ჩაწვებოდა — ასეთი ფუფუნების ნებას დიახაც მივცემ ჩემს თავსო, გამოაცხადებდა. თავდაპირველად ექიმ ფინსენისგან უზიდავდნენ წამლებს, სამრევლო შემოსავლის ანგარიშზე, მაგრამ ბოლოს მამასახლისმა გადაწყვიტა, ამდენი ფულის ხარჯვა დედაბერის წამლებში ხელს არ მოგვცემს, ბეგარის გადამხდელებს მძიმე ტვირთად აწევსო და თვითონ დაიწყო მისთვის წამლების მზადება. თავის თავს მამასახლისი მედიცინის მკოდნედ თვლიდა, განსაკუთრებით მაშინ, როცა საქმე მრევლის კმაყოფაზე მყოფ ხალხს ეხებოდა და უსასყიდლოდ მკურნალობდა მათ. მისი დამზადებული წამალი უხამივით მწარე იყო, თან სულ ბუზღუნებდა, როცა წამლისთვის მიაკითხავდნენ, მაგრამ მაინც არ ძუნწობდა და სავსე ბოთლს აძლევდა ფრიდას. ზოგჯერ ორ ბოთლსაც. ჩვეულებრივ, ამ ქალს ფულს არ უხდოდნენ სამუშაოში, იშვიათ შემთხვევაში, ცხარე ალოობის დროს, თუ მისცემდნენ გასამრჯელოს, მაგრამ იმ ზაფხულს მამასახლისმა ისე მოაწყო, რომ ბიარტურს ფრიდას მომსახურებაზე უპირატესი უფლებები მიენიჭა და ამიტომ კვირაში რამდენიმე კრონი უნდა მიეცა, აქედან ნახევარი მატყლით.

ფრიდას სწამდა ვინმე იესოპეტრუსი და მუდამ მას ჰვედრებდა თავის ლოცვებში. ზაფხულის სავანელებში, ამ უსიტყვო, ენადაცულ ხალხში, ერთიმეორისთვისაც კი რომ არაფერი პქონდათ სათქმელი, დედაბერი ფრიდა უცხო სხეულივით შეიქრა. ბიარტურს ჩვევად ჰქონდა, როცა ეზოში საქმიანობდა, ოთახში მყოფ ცოლს გარედან ესაუბრებოდა, ისე ელაპარაკებოდა, თითქოს არავის მიმართავს, ჰაერში ისვრის ნიტყვებსო. არც ის იცოდა, ესმოდა თუ არა მის ცოლს, რასაც ეუბნებოდა. ხან ამინდზე ჩამოაგდებდა სიტყვას, ხან

ოჯახის საქმეებზე აძლევდა დავალებას, პასუხს არ ელოდა, არც საჭირო იყო. ამის დანახვაზე უფროსი ბიჭები ჩუმად წაჰკრავდნენ ხოლმე ხელს ერთ-მანეთს, მაგრამ ვაი მათი ბრალი, თუ მამა თვალს შეასწრებდათ — სილაქებსა და მჯღლებს არასოდეს არ იშურებდა მათთვის, უმეტესად უფროს ბიჭს ხედვოდა. ბიჭებს აკრძალული ჰქონდათ უქმად ჯდომა.

— ჰელგი, როგორ არ გრცხვენია? დაესხენი მაგ ბიჭს. — ბიარტური დამნაშავედ მუდამ ჰელგის თვლიდა, „ბიჭი“ კი გვენდური გახლდათ.

ბებია იჯდა, ნელა ირწეოდა. რაღაცას ბუტბუტებდა თავისთვის. აუსტა სოულილიას მოზრდილი ქალის მავედრებელი გამოხედვა ჰქონდა, თითქოს მისი თვალები კედლის გამჭოლ ან ცის გამჭოლ იყურებოდნენ. მან გულში ჩაიმარხა ოცნებები, არავის უმხელდა თავის ფიქრებს, მსგავსად ბიარტურისა, ჩუმ-ჩუმად რომ თხზავდა ლექსებს და მერე, ყველას გასაოცრად, სტუმრებს უკითხავდა.

ჰოდა, ეს დამოუკიდებელი ხუტორი, სადაც ყველა ბირდაცული იყო, მღუ-მარედ იმარხავდა გულში თავის საფიქრალს, უცებ სიტყვების მძინვარე, შმაგმა ნიაღვარმა წალეკა. ერთ დღეს ზურგზე ბოჩჩაწამოკიდებული დედაბერი ფრიდა ხუტორში მოვიდა. სულმოუთქმელად, ენაჩაუტკრებავად ლაქლაქებდა დილიდან დაღამებამდე, ვიდრე დასაძინებლად არ დაწვა ბებიასა და ნონისთან ერთად ერთ საწოლში. ამ ენადაუბმელი დედაკაცის პირიდან ისე იღვრებოდა სიტყვები, როგორც ავღარაში ლაფაროს ქვეშ შეუჩერებლად გადის წყალი. საძოვარზე თივას რომ აგროვებდა, თავისთვის ლაპარაკობდა. ბიჭები მიეპარებოდნენ და ყურს უვდებდნენ. რაზე არ ყბელობდა: არჩევდა მრევლის საქმეებს, ვის როგორ მიჰყავდა მეურნეობა ხუტორში, ვინ ვისთან ლალატობდა ცოლს ან ქმარს. ვინ იყო ამა და ამ უკანონო ბავშვის მამა, ავირებდა მდიდარ გლეხებს, ცხვარს რომ შიმშილით ხოცავდნენ, დაბის პატრიცემულ მოსახლეებს ქურდებდა ნათლავდა, სამარცხვინო ბოძზე აკრავდა მამასახლისს, პასტორს და მოსამართლესაც კი, თათხავდა მთელ უფროსობას, რას არ ამჩნევდა და ხედავდა იქ, სადაც სხვები ბლანტი ჰაობის მეტს ვერას ხედავდნენ. გამარჯვებული მუდამ თვითონ გამოდიოდა, რადგან ზურგს უკან ლაფს ასხამდა ხალხს. შიგადაშიგ წყევლა-კრულვით აფერადებდა სიტყვას, მაგრამ ყველაზე მეტად აღმფოთებაში მოჰყავდა ხალხის სამარცხვინო ჩაგვრას — „მტარვალობას“. ეს მის აკვირებულ, აჩემებულ იდეად იქცა, დღისით თუ ღამით, ძილში თუ ცხადში ერთთავად ამ თემას უტრიალებდა, თავის თავს ელაპარაკებოდა, ხალხს, რთ შემთხვევით გამვლულს, ძაღლს, ცხვარს თუ უცოდველ, მგალობელ ჩიტუნებს, სულ ერთი იყო მისთვის. ამ „მტარვალობის“ წინააღმდეგ გამუდმებული, უიმედო პროტესტის გრძნობით აღვსილი ცხოვრობდა, ამიტომ რაღაც ბო-

როტი, თავხედური, გამომწვევი გამომეტყველება ჰქონდა, როგორც აქეთ იმ საზარელი ჭიშის ცხოველებს, ზოგჯერ ძილში რომ ეზმანება ადამიანს: გარეგნობით ვერა სცნობს, მაგრამ მათ სიახლოვეს კი გრძნობს აშკარად. ბებია მოკაყულ ზურგს შეაქცევდა ხოლმე ფრიდას, გულისყურს ჩაიკეტავდა, ვითომ არ ესმოდა არაფერი, თითქოს ამ უშენი ადგილის მარადიულ მღუმარებაში ჩაეფლოო. ფრნა დროდადრო მორიდებით ჩაურთავდა შინააარსმოკლებულ ერთმარტველოვან სიტყვებს, ჰელგი თვალმოჭუტული უსმენდა, ხან მზაკერულად ჩაიხიხითბოდა, ხან კაბას დაუშალავდა დედაბერს, ხან ჩუმად კენჭს ჩაუგდებდა ფაფაში. ბიარტურს ყველაზე მეტად ხვდებოდა ფრიდას მათრახები, პაკრამ ასევე ღირსადაც არ თვლიდა „წყეულ ალქაქს“, ზიზლით, დამცინავი სახით ჩაუვლიდა გვერდით, გვენდური, როგორც სხვა ყველაფერში, ამაშიც მაქას ბაძავდა. პატარა ნონი კი სულ თვალბდაჭყეტილი უსმენდა, მის მახლობლად შედგებოდა, რომ უფრო კარგად დაენახა, როგორ ამოძრავებდა ენასა და ტუჩებს. ალტაცებაში მოჰყავდა ამ ენაპარტალა დედაბრის სიტყვებს, ისე რომ ელაპარაკებოდა ხოლმე პატარა ნონის, როგორც მამაკაცს. არც გამოთქმებს არჩევდა, არც თემას.

„ზამთრის ერთ დილას ქარიშხალი ბობოქრობდა, დედოფალი თავისი სსახლის სარკმელთან იჯდა და ხელსაქმობდა...“ ღამე იდგა, აუსტა სოულილია ზღურბლთან ჩამომჯდარიყო ქვაზე და ზღაპარს კითხულობდა. მეორე დღეს თივის აღება უნდა დაეწყოთ, მაგრამ აუსტას ძილი არც ახლოვდა. ერთხელ რომ ჩაიკითხა ზღაპარი თავიდან ბოლოადღე, შეუღამე უკვე გადასული იყო და მინც ისევ თავიდან დაიწყოთ კითხვა. როცა დაამთავრა, უკვე მზე ამოდიოდა. დიდხანს, დიდხანს გასცქეროდა გოგონა სამხრეთ მხარეს, აზრით ხელახლა განიცილიდა წაკითხულს. ის მეთოვლია პრინცესას კვალს მისდევდა, გადაიარა შეიდი მთა. მზარეულმა გადაარჩინა პრინცესა, მერე ცეროდენებმა შეიკედლეს. ათანანიირი განსაცდელი დაატყდა თავს, მაგრამ ბოლოს გამოჩნდა უფლისწული და პრინცესა ბროლის კუბოთი თავის სამეფოში წაასვენა. აუსტა მთელი გულით, ცხარედ თანაუგრძნობდა პატარა პრინცესას, ისე აღუღებდა მისი მწუხარება თუ სიხარული, რომ თვალი ცრემლით ევსებოდა, მკერდი უბორგავდა, — მაგრამ მწვავე და მტანჯველი გრძნობით კი არა, უფრო ტკბილი მღელვარებით, როგორც იპყრობს ადამიანს, როცა კარგი, ღამაზი საქმისთვის ამირებს თავგანწირვას. აუსტასთვის ისე ახლობელი და გასაგები იყო ზღაპარი, ცრემლით სავსე თვალბებით ისე ცხადად ხედავდა უფლისწულს,

თითქოს იქვე იდგა მის წინ ცოცხალი, ხედავდა თავის თავს ბროლის კუბოში— ხედავდა, როგორ მიჰქონდა უფლისწულის ამაღას მისი კუბო. აი, წაბორძიკეს და მას ყელში გახირული ვაშლის ნაჭერი ამოუფარდა. იგი წამოქდა— შეხედა უფლისწულს, მიესალმნენ ერთმანეთს და გოგონას ეჩვენებოდა, რომ დიდი, დიდი ხანი, უხსოვარი დროიდან იცნობდნენ ისინი ერთუერთს, ათასგვარი განსაცდელისა და ტანჯვის შემდეგ, რაც ბედმა წილად არგუნა მეთოვლია პრინცესას, ის დედოფალი გახდა. აუსტა პირველად მოხიზლა ასე ძლიერ პოეზიის ჯადოსნურმა ძალამ, ესოდენ დამაჭერებლად რომ გვიხატავს ადამიანის ბედ-ღობალს, ისეთი თანაგრძნობითა და ღრმა სიყვარულით კეთილისაღმი, რომ ჩვენც უკეთესები ვხდებით, უფრო უკეთ გვესმის ცხოვრება: ჩვენ გვწამს, ვიმედოვნებთ, რომ კეთილი გაიმარჯვებს ყოველი ადამიანის ცხოვრებაში.

მართალია, ბიარტურმა ქალი დაიქირავეა, მაგრამ მარტოხელა მეურნე გლეხის ადათ-წესები არ შეუცვლია, ძველებურად ბევრს შრომობდა. როგორც ყოველთვის, ახლაც ღამით დგებოდა, მასთან ერთად დგებოდნენ მისი უფროსი თანამემწეები — ფინა და ფრიდა და გათენებამდე უსმელ-უძმელი მუშაობდნენ. ბავშვებს ძილის ნება ეძლეოდათ, ვიდრე ბებია ყავას არ მოხარშავდა. ალიონზე ბებია უკვე ქურასთან ჯახირობდა. ცეცხლის გაჩაღებას იწყებდა. შვილიშვილების გაღვიძება არც ზამთარში იყო იოლი და არც ზაფხულში. ეს რანაირი ბავშვები არიან, თავის დღეში არ უნახავს ასეთები. ბებიას მოთქმევიშვილი არავეს ესმოდა. მივიღოდა მოხუცი, დაუწყებდა მათ წვრთვას, მაგრამ ეს რეზინის გაკიმვას ჰგავდა, როგორც კი შეუშვებდა შვილიშვილებს თავის სუსტ, ბებრულ ხელებს, იმწუთს ბავშვები უფრო მაგრად იძინებდნენ. ბავშვებს ისე ჰქონდათ ქუთუთოები დამძიმებულნი, თვალის გახელა უჭირდათ. ბოლოს, რის ვაი-ვაგლახით გამოძკრებოდნენ ლოგინიდან, იწყებდნენ ჩაცმას, ისევ ეხუჭებოდნენ თვალი, თითქოს წონასწორობას ჰკარგავდნენ და კვლავ ბალიში ემხობოდნენ. ზოგჯერ ბებია ლაპარაკით და წვრთვით რომ ვერაფერს გააწყობდა, დაასველებდა პირსახოცს და სახეში უტყუაბუნებდა ბიჭებს, რომ როგორმე აეწიათ ქუთუთოები. ამათგან სასიკეთო არაფერი გამოვაო, ყოველ დილით იმეორებდა მოხუცი.

ხანდახან დილით ბავშვებს ისე ეჩუბოდა გული, ლუკმას ვერ იღებდნენ პირში, ვერც ყავას ეკარებოდნენ. ერთ საათს რომ წაიმუშავებდნენ, მერე მოსდიოდათ მადა და სულ ნუგბარ-ნუგბარი საჭმელები ელანდებოდათ. ბიჭები ჰკაობს მიჰყვებოდნენ, კარდალით ყავა მიჰქონდათ უფროსებისათვის, ნელა მიიზღაზნებოდნენ, რეტდასხული ცხვარივით ტორტმანებდნენ, ფეხი არ ემორჩილებოდათ, მუხლი სტეხდათ, სხეულს ჯერ კიდევ სწყუროდა მოსვენება.

შა. რა კარგი იქნებოდა, ამ ორ ბურცოს შუა რომ შეეძლოს წაქცევა. წაქცევა ხომ არავის ეკრძალება? რა ვუყოთ თუ დასველდება, რა ვუყოთ თუ იმწამსვე თაეს ძალა უნდა დაატანოს წამოსადგომად, ერთი წუთით მაინც ხომ ჩაეხვევა ნეტარ ძილს. ხანდახან ისე ცუდად ხდებოდნენ, ცივი ოფლი ასხამდათ შუბლზე, ხან კი გზად მომავალნი უცებ მოიკაკვებოდნენ, ასაქმებდათ, ოფლი შუბლზე ეყინებოდათ, დაღეული ყავა უკან ამოსდიოდათ, ოღონდ ტკბილი კი აღარ იყო ეს ყავა, არამედ შხამივით მწარე. ლებინების შემდეგ პირი უცნაური სითხით ევსებოდათ. დილით ხშირად ტკიოდათ კბილები, ხან მთელი დღე გასტანდა ეს ტკივილი; ცხვირპირში უსიამოვნო გემოსა და სუნს გრძნობდნენ.

უფროს ბიჭებს ცელი მისცეს, ნონი კი ქალებს ეხმარებოდა ბალახის მოგროვებაში, რომ მცელავებს არ ჩამორჩნოდნენ. ბიჭები დღეში თექვსმეტ საათს მუშაობდნენ, სამჭერ ისვენებდნენ, ორჯერ პურის საკმელად, ერთხელ ყავის დასალევად და თუ კარგი დარი იდგა, იქვე ღია ცის ქვეშ შეეძლოთ პატარა ხანი თვალის მოტყუება. როცა შზის სხივები უხვად იღვრებოდა, ბავშვები მალე ივიწყებდნენ შრომის აუტანელ სიმძიმეს, ფიქრით წინ მიჰქროდნენ, სიხარულს ჰგვრიდათ ოცნება მომავალზე, თავისუფალ ცხოვრებაზე, სხვა, უფრო უკეთეს ადგილას. ასეთი მარადიული ოცნება აკეთილშობილებდა მონას ჯერ. კიდევ კაცობრიობის ცხოვრების განთიადზე. ასეთ ნათელ დღეებში ადამიანს ეჩვენება, რომ მზეც მის მხარეზეა. მაგრამ იმ ზაფხულს, სამწუხაროდ, იშვიათი იყო ისეთი კარგი დღე, როცა ბიჭები რიტმულად, ხალისით იქნევდნენ ცელს და ფიქრით ოცნებების ქვეყანაში მიჰქროდნენ. ავღრიანი ზაფხული იდგა და როცა ჭაობიან მდელოებზე ძვალ-რბილში ატანს ადამიანს წვიმა, ადვილი აღარ არის სინამდვილის დავიწყება, ოცნება. ბავშვებს ჩასაცმელიც კი არ ებადათ, რომ ავღარიც ცოტათი მაინც დაეცვათ თავი, არც საგარეო სამოსი გააჩნდათ. დაფხრეწილი სათბურა, ხამი ტილოს ან თხელი ჩიონის პერანგი — ეს იყო სულ მათი ავლადიდება. ასეთ მძიმე დროში, მატყლს სხვა ვერაფრისთვის ვერ იმეტებდნენ, მხოლოდ პირველი საჭიროების საგნებს ხმარდებოდა. ბიარტურს ჰქონდა ტყავის ქურთუკი, რომელსაც მხოლოდ საზეიმო შემთხვევებში იცვამდა, მაგალითად, მეცხვარეთა შეკრებაზე ან შემოდგომით, როცა ქალაქს მიდიოდა. მის სახლში მხოლოდ ეს ქურთუკი იმსახურებდა სამოსის სახელწოდებას. ამიტომაც ბიარტური მუშაობის დროს ამ ქურთუკს არ იცვამდა — იგი მარტოდენ დამოუკიდებლობის სიმბოლო გახლდათ. მაგრამ ზოგჯერ, როცა დილიდანვე ცა ფეხად ჩამოვიდოდა და გამოდარებას პირი არ უჩანდა, ბიარტური ქურთუკს ქალიშვილს მოახვევდა ხოლმე. აუსტა ჩამოართმევდა, თაეს არ ასწევდა, ქვემოდან ამოხედავდა უსიტყვოდ:

ეს იყო და ეს. დედაბერ ფრიდას კი, მიუხედავად იმისა, რომ სამრევლოს კმაყოფაზე იყო, მკისე მატყლის სქელი ქურთუკი და ხამი ტილოს ქვედატანიც ჰქონდა. იმ ზაფხულს გადაუღებლად თქორავდა, ძვალ-რბილში ატანდა წვიმა სამ პატარა, უმწეო მუშას და ქალს, ზამთარში მთელი ოთხი თვე რომ ლოგინად იყო ჩავარდნილი მათი ძონძების ყოველი ბოჭკო გასაწურა ხდებოდა, თავშალი თუ ქუდი სველ, უფორმო გუნდად იქცეოდა, ასევე თმა. წყალი წურწურით ჩასდიოდათ ზურგსა და მკერდში. ასე იდგნენ საათობით კოწიწა ტალახის გუბეში და ეჩვენებოდათ, თითქოს ღრუბლებიდან გადმომსკდარი დელგმა მარად იდენდა. სველ ბალახს ჭყაპაჭყუბი გაჰქონდა: ანუღვე ა, ცელი თახდათან უფრო იძიმდებოდა, დრო არ იძვროდა, თითქოს ასიც სველი პერანგივით მიეწებათო ტანზე.

ზაფხულის ალოობაა, დუმან ფრიხველები, მარტო დალლა დაფრთხილებს. სადღაც მახლობლად და ჰყვება თავის უცნაურ, დაუსრულებელ ზღაპარს: ჰი. ჰი, ჰი, ჰი, მიჰქორდა ველად! ბედნიერი ფრიხველები — წყალი არ ატანს მათ ფაფუკ, სქელ ბუმბულში, დედაბერი ფრიდას ლაქლაქსაც კი ანშობს წვიმის შხაპენი. საათობით ბავშვებს საკუთარი მუცლის ბუყბუყის მეტი არა ესმოდათ რა. ისინი მარტო გალუმპულები და ილაჭაჭყვეტილები როდი იყვნენ, აუპი ეწოდათ შიმშილით და არავითარი იმედი არა ჰქონდათ კეთილისმყოფელი ელფების მოწყალებისა.

— ასეა, ასე, „მტარვალობას“ ვერსად გაექცევი. განა იმას ვჩივი, რომ შე მკლავს ეგ სატანა! ღმერთი და ხალხია მოწმე, მე დიდი ხანია სასიკვდილოდ მაწამეს, მრევლის სარჩენი გავხდი, მაგრამ იქამდე მაინც არ მივსულვარ, რომ ერთი ხელი ზედა ტანსაცმელი არ მებადოს, მიუხედავად ამდენი სიცრუისა, ჩაგვრისა და სილატაკისა. დაახსოვე ჩემი სიტყვა, ბიჭუნო, ისე აწამებს ეგ საცოდავ დედაშენს, რომ მომავალ ზაფხულამდე ვერც კი მიიტანს სულს. წყეუ-ლი მტარვალი!

და ასე გაუთავებლად, ერთი და იგივე, ერთი და იგივე.

მართლაც, იმის უარყოფა შეუძლებელი იყო, რომ დედა ზაფხულშიც ხშირად ავადმყოფობდა, იწვა ლოგინში, მუშაობა აღარ შეეძლო. რაც შეეხება ბავშვებს, იმათაც ერთთავად ჩამოსდიოდათ ცინგლი.

— თუცა, რაღა მეთქმის, თვითონა ვარ დამნაშავე, ნეტა რისთვის ვაძლევ ნებას მამასახლისს, იმ გაწინსა და გაიძვერას. სადაც მოეპრიინება, იქ ღიკრას თავი, შემადგოს ტილიანების ოჯახში, თანაც ისეთ ქვაწვივებთან, ყავა რომ ყავას არა ჰგავს იმათ სახლში. ყოველდღე, ცოცხალი ხარ თუ მკვდარი, უნდა ზეთო დამარილებული ქარიყლაპია, ან შარმანდელი დამარილებული ხორცი-გულმუცელში ცეცხლს რომ გიკიდებს, თან ისეთი მუჯავა, სუნთქვა გეკვრის..

მაგრამ თუ გაბედვ და კვირა დღეს ხორცის ნაჭერი მოითხოვე—იესოპეტრუს! ისეთ ცოდვად ჩაგითვლიან, რაღა კაცი მოგეკლავს და რაღა ეგ გითხოვია.

მტარვალობა — ეს სიტყვა ჰგავდა წყლის წვეთს, ნიადაგ რომ ეცემა ქვას და ამსხვრევს. და ეს წვეთი ბავშვებს გულზე განუწყვეტლივ ეცემოდა.

— ვითომ არ ვიცნობ ამ წყეულ კონკია-ქადარუნებს. ვინ, მე? იმათი მონა, იმათი ფესხათენი რომ ვიყავი თითქმის ნახევარი საუკუნე? პირველად ხომ არა ვხედავ მათ? ჰქუის უკანასკნელი ნატამალი რომ დაუფანტიათ და ყველაფერს სწირავენ რეტდასხმულ ცხვარს. ეშმას მუდამ იცნობ ქაჩაჩით. ყოველ მათგანს გამდიდრება ნებაეს, მედიდურობასა და კუდაპზიოცობაში ტოლს ვერაინ დაუღებთ: ისინი, რა თქმა უნდა, მრევლის სარჩენი არ გაჰქდარან, ისინი დამოუციდებლები ბრძანდებნან! დამოუციდებლები კმ, გამიგონია ეგ სიმღერა! ჰოდა, სად არის ეგ დამოუციდებლობა? იქნებ იმ ცხერის ნაწლავებშია, ვიშმილით რომ ეხოცებათ? ვიცი, რაც არის მაგათი სიმდიდრე, ჩემო ბიჭუნე, — ყავის ნაცვლად მთხლე და აყროლებული თევზი! ამიტომაც წოვს კოლუმკილი ტვინს მაგათ განაწამებ ბავშვებს, თავი კი ისე მოაქვთ, ვითომ ძალიან ზრუნვენ შვილებზე.

ბავშვები ხშირად ისე უგდებდნენ ყურს ფრიდას ლაქლაქს, როგორც ერთფეროვან ზღაპარს, ბევრჯერ თუ გაიმეორეს, თავს რომ გაბეზრებს. მამა ეუბნებოდა შვილებს, რა ყურს უგდებთ გამოჩერჩეტებული დედაბრის ჩხახვასო. თითქოს ამ უშენში რაღაც ახალი ხათა გამოტყვერა — ფსალმუნებისმაგვარი რაღაც — ოღონდ ამას ყოველგვარი მოწიწების გარეშე უსმენდნენ, კვირა დღეს კი ხელს არაფერი უშლიდათ, ეკყანებოდნენ დედაბერს.

მამის ავტორიტეტი აღიარებულ იყო ოჯახში და ბავშვები უღრტვინველად მორჩილებდნენ. ის იყო უმაღლესი ხელისუფალი ხეტროში, მისგან გამომდინარეობდა ყოველივე. ამ პატარა სამყაროში იგი უძლეველი ზედისწერა გახდლათ. მართალია, მას არ თვლიდნენ ყველა უბედურებისა და განსაცდელის მიზეზად — მამის ერთმმართველობა ძირშივე ჰკვეთდა ყოველგვარ კრიტიკას მათი მხრიდან. მით უფრო არ შეეძლოო ერთსულეონად, მტკიცედ აღდგომოდნენ, არ შეესრულებინათ მისი ბრძანება და მიუთხედავად ამისა, გულში ბავშვებს მაინც ჩაესახა ბუნდოვანი უქმყოფილება და მტრული გრძნობა მშობლისადმი. ამაში დიდი როლი ითამაშა დედის მუდმივმა ავადმყოფობამ და მკედარი ბავშვების დაბადებამ — შვილები შეუყნობლად მამას აღანაშაულებდნენ ამაში. აღფრთობას ჯერ არ მოეკიდებინა ფეხი მათ გულში, მაგრამ ამ გაუთავებელი კოყისპირული წვიმებით, ავვისტოშიც რომ გასტარა, გაბეზრებულეებს ორიდას ლაქლაქი უკვი ისე ობროდული აღარ ეჩვენებოდათ, თითქოს მიხვდნენ, დედაბრის სიტყვებში სიპართლის ნატამალი მაინც ურევიაო

და ამით დასაბამი მიეცა მათ აღშფოთებას. გულს უმღვრევდათ ეს ცივი თქე-
ში; ეს გაუთავებელი ღვართქაფი, ძვალ-რბილში რომ ატანდა და დაკონკილ
ტანსაცემელს რომ აწებებდა სხეულზე, სიხარულის ყოველგვარ სხივს უხშობ-
დათ მთელი ამ გაქიანურებული თექვსმეტსაათიანი, უღმობელი და უმოწყა-
ლო დღის მანქილზე. და თითქოს ახლა აეჩილათ თვალით, ახლა გაიგეს, რომ
მათ მძიმე ხვედრს, ამ მონობასა და ჩაგვრას, თურმე რაღაც ასახსნელი, გარ-
კვეული მიზეზი ჰქონია. ამ ბებერი აღქაჯის უსულგულო ყბედობაში ქდერდა
ფარული, სამართლიანი პროტესტი ცხოვრების მძიმე უღლის წინააღმდეგ. ეს
იყო ხმა, რომელიც თავისუფლებისათვის საბრძოლველად მოუწოდებდათ, და
ეს მოწოდება თავისუფლებისაკენ ესოდენ უცნაური სახით დაედო გზად და
ხიდად მათ ქვეცნობიერებას. ბოლო ხანებში პელაგის უკვე აღარ ეხალისებოდა
დედაბრის გაბრაზება, აღარ ეტყუანებოდა და მამის ბრძანებებს ისე ცქვიტად
აღარ ასრულებდა. თუ უწინ ზურგსუკან ეტყუანებოდა მამას, ახლა ისე გათამამ-
და, რომ ამჟერადაც ჩადიოდა ამას. პატარა ნონიმ კი გამოაცხადა, რომ შან
იციოს, რატომ გახდა დედა ავად: მამას არ უნდა პალტო უყიდოს დედას, აი
რატომ.

ნუთუ ამ უდაბნოში ერთი თაზისი მაინც არ იყო? დიახ, გაწლდათ თაზი-
სები: სადილობა—დამარილებული თევზი, წყალზე მოხარშული ფაფა (ძროხას
ჯერ არ მოეგო) და ძველი ცვრიანი ძეხვი. აი მათი ცხოვრების მთელი სიხა-
რული. იმედის პირველი სხივი მაშინ ინთებოდა, როცა მამა დიდი ხნის ნანატრ
განკარგულებას გასცემდა — აუსტას შინ გაგზავნიდა სადილის გასაკეთებ-
ლად. გაწამებულ, გაბეზრებულ ბავშვებს ეჩვენებოდა, აღარასოდეს დადგებო
ეს წუთი. ბავშვებმა ისიც შეამჩნიეს, რომ რაც უფრო შალი-მალ აპარებდნენ
თვალს მამისკენ, ის მით უფრო აგვიანებდა სასურველი განკარგულების გაცე-
მას.

ბოლოს, დგებოდა ეს ნანატრი წამიც — აუსტა სოუღილია შინ მიდიოდა
კერძის გასაკეთებლად. ჩქარი ნაბიჯით მიჰყვებოდა გზას, — თვითონაც ხომ
მოუთმენლად ელოდა იმ წუთს, როცა ფოცხის გადაგდების და შინ წასვლის
ნებას მისცემდნენ ცეცხლის დასანთებად. ცეცხლი! როგორც კი გააჩაღებდა
ცეცხლს, გაიხდიდა სველ კაბას და ქურაზე დადებდა გასაშრობად. ხანდახან
გაბედავდა, შაქარს პატარა კენიწს ჩამოტეხდა, ენის ქვეშ ამოიღებდა. ქებაში
თევზს ჩაღებდა და ცეცხლს მიუჯდებოდა გასათბობად.

თუმცა შეგცოდეთ, ნუ დავსჯი მაინც,
ნუ, ნუ აღმართავ მრისხანე მახვილს,
და როგორც ცოდვილ გომორას, სოდომს,
ჩვენც ჯოჯობეთის ცეცხლში ნუ ჩაგყვრი.

წამით ისმინე ჩვენი ვედრება,
ფიჭრი, ჩურჩული, თხონა, ხაურა, —
მოგვეც უფლება, ამ ქვეყანაზე
გამოვისყიდოთ დანაშაული.

საქსოვზე თავდახრილი ბებია ფსალმუნს ბუტბუტებდა, თვალს ზევით არ სწევდა. ყმაწვილმა ქალმა კი არც დემართი იცოდა, არც მისი მიზნები, სამაგიეროდ, იმ წუთებში, როცა გარეთ დღეღამა ჩამოდიოდა, ის კი ჭერქვეშ თავშეფარებული ცეცხლთან იჯდა, ტკბებოდა სრული სიმშვიდით. დაღლილობა, სევლი, დამძიმებული ბალახი, საფლობი ჭაობი, ღვართაფი, წყლის ფრინველი სევდიანი გნისი, ყველა ეს წამით დავიწყებას ეძლეოდა. ნელ-ნელა თუხთუხს იწყებდა ფაფა, ოთახში დამარილებული თევზის სუნი დგებოდა, ქურაში ცეცხლი გუზგუზებდა.

მდგლობზე ბიჭებს რა ხანია დაუბლაგვდათ ცელი, კუნთები მოუღუნდათ, ჩვარივით გაუხდათ, უნდილად, ამოდ უსვამდნენ ბალახს ცელს, აქეთ-იქით იფანტებოდა წყლის შხეფები და მიწის ბელტები... „ალბათ აუსტა სოულილიას დაეძინა, დაავიწყდა ფაფა“.

რადღენ სასიხარულო იყო აუსტას დანახვა, როცა საძოვრის ნაპირას გამოჩნდებოდა ხოლმე კარდალით ზელში..

სადილი მდგლობზე... როგორც ყველა სხვა ქეშმარიტი სიხარული, ესეც განსაკუთრებით ტკბილი იყო მოლოდინის წუთებში. მენიუ ეროხელ და სამუდამოდ გახლდათ დადგენილი: დამარილებული თევზი, ქვავის პური, ცვრიანი ძებვი და საკმაზის მაგივრად — გაუთავებელი წვიმა, უხვად რომ ესხმოდა საქმელს. სამაგიეროდ, ზაფხულის სავანელ ბიარტურს სავედრებელი და საბკეწარი არავისთვის არაფერი ჰქონდა, ვერც ლაციკობითა და ტრელობით დაიყოლიეს სხვებმა, მიუხედავად იმისა, რომ უკანასკნელი ექვსი თვის მანძილზე ვაჭარი და სამომხმარებლო საზოგადოების რწმუნებული ერთიმეორეს ეჯიბრებოდნენ, მისი გულის მონადირებას ცდილობდნენ. დამარილებულ თევზს წვიმაში უფრო მძაფრი სუნი უდიოდა და დიდხანს ტრიალებდა ეს სუნი პაერში, თითქოს ტანსაცმელშიც კი გაუქდებოდათ ხოლმე და ბავშვებს კიდევ უფრო შიოდათ, ნასადილევს თივის ხორომიდან რომ წამოდგებოდნენ.

როგორი ამინდიც არ უნდა ყოფილიყო, ნასადილევს ბიარტური მაინც ისვენებდა, თივის ზვინზე გაწვებოდა და ხელად იძინებდა. ძილში გვერდს რომ შეინაცვლებდა, ზოგჯერ გადმოგორდებოდა ზვინიდან, პირდაპირ გუბეში მოადენდა ტყაპანს და იმ წუთს იღვიძებდა. მოსწონდა კიდევ ეს: კაცმა მთელი ღლის მანძილზე ცოტა ხნით უნდა წაიძინოსო, იტყოდა. თუ ძილს გაიგრძელებდა, მუდამ ცუდ გუნებაზე დგებოდა. ქალები კი ნასადი-

ლევს ზვინქევშ შიქვრებოდნენ, ნესტისაგან სიცივე აიტანდათ, თითები უბუყდებოდათ, ფეხის ძვლები ტუხდათ, წამოდგებოდნენ და ისევ თავის ფოცხებს და ცელებს ჰკიდებდნენ ხელს. ბიარტური მათ წუწუნს რომ გაიგონებდა, უკვირდა: ეს რა სულელები არიან? სულ ერთი არ არის მათთვის, დასველდებიან თუ მშრალი იქნებიან? ნეტა მაცოდინა, ღმერთს რისთვის გაუჩენია ასეთი უნდილები?

— არა, აუცილებლად მშრალეები უნდა იყვნენ, წვეთი არ უნდა დაეცეთ. ფუი, ღმერთმა დასწყევლოს ასეთი ჰირვეულობა! ჩემი ცხოვრების ნახევარი სულ წვიმის ქვეშ გამიტარებია და, როგორც ხედავთ, თავს მშვენივრად ვგრძნობ!

თ ა ნ ი ო ც ლ ა მ ი თ ო თ ხ მ ა ბ ა

მნიშვნელოვანი ამბავი

ერთხელ, საღამო ხანს, ალოობა თითქმის რომ მიიწურა და დღემ საგრძნობლად იკლო, მთიბავებმა დაინახეს, რომ ფერდობს კაცი მოჰყვებოდა, ბილიქზე კი არ მოდიოდა, როგორც წესი და რიგია, არამედ გაშლილ ადგილზე, თან სადავით დასაპალნებული ცხენი მოჰყავდა. უცნობს ტბის აღმოსავლეთ ნაპირისკენ ეჭირა გეზი. რაღაც უცნაური კაცი ჩანდა, ეტყობოდა, აქაური არ იყო, თან არც მთლად ჰქვათამყოფელს ჰგავდა. ხომ არ მოსდევენ ნეტავ? რას დაეხეტება აქ, სხვის მიწაზე? ელფი ხომ არ არის? ყოველ შემთხვევაში, ჩვეულებრივ ადამიანს არა ჰგავს. ბიარტურმაც კი მიატოვა თიბვა, დაეყრდნო ცელის ტარს და თვალს ადევნებდა უცნაურ მგზავრს, გზაზე სიარულს რომ არ კადრულობდა. რა უნდა? მგზავრი ტბის ნაპირებს და ტბას ათვალთვარებდა, თითქოს ჰაერსაც ამოწმებდა. უცხოელი სწავლულია თუ მიწით მოვაჰკრე სპეკულანტი სამხრეთიდან? იქნებ სხვისი მიწით ვაჭრობა უდევს გულში? მგზავრმა ცხენს ტვირთი ჩამოხსნა და ჰაობისკენ, ტბის აღმოსავლეთ ნაპირას გაუშვა საბალახოდ. ეს რა ოხრობაა! მგზავრი ტბის ნაპირს გამოჰყვავა, ხუტორელეებისკენ წაშოვიდა. ყველა გაუნძრევლად იდგა და ელოდა. გამოცანა! საიდუმლო! უცნობი კაცის გამოჩენა ჰაობებში—ამაზე უჩვეულო რაღა იქნება! ბავშვებს დალღაც კი გადაავიწყვათ, მიუხედავად იმისა, რომ უკვე თხუთმეტი საათი იყო, რაც მუშაობდნენ.

უცნობი არაფრით არ ჰგავდა სხვებს. თავშიშველი იყო, ყავისფერი პე-

რანგი ეცვა და ნაქსოვი უსახელოებო ზედატანი, შავგვრემანი იყო, ხმელ-
ხმელი, ოდნავ მხრებაწურული, ნატიფი სახე ჰქონდა, წვერი ახლად გაპარსუ-
ლი, თვალები კი ჰქვიანი. უცხოელი ხომ არ არის?

— სალამო მშვიდობისა!

— სალამო მშვიდობისა! — თავშეკავებით უპასუხეს ხუტორელებმა.

დედაბერმა ფრიდამ კი უცებ დასტაცა ხელი ფოცხს, პროტესტის ნიშნად.

— დეთრევიან აქ! მოგრილდნენ უცხო მხრიდან... გდებულოყვენენ შინ...
თუ უკვე ისე აქვთ თავისი საქმე დამში მოყვანილი, რომ აქეთ-იქით ხეტიალი
შეუძლიათ?

— ზაფხულის სავენის მეპატრონეები ხართ? — იკითხა უცნობმა, როცა
მიუახლოვდა ხუტორელებს.

— როგორ გითხრათ, — არცთუ თავაზიანად უპასუხა ბიარტურმა, ცელი
ასწია და რამდენიმე ნაბიჯი გადადგა უცნობისკენ, --- ასე ითვლება, რომ ეს
ჩემი მიწაა. ვინც არ უნდა იყო, ვერ გამოვიდა, რა აზრი აქვს სხვის მიწაზე ხე-
ტიალს და რაღაც-რაღაცეების თვალთვალს!

უცნობმა ხელი არავის ჩამოართვა, მიუხედავად იმისა, რომ ადამ-წყისი
ასე მოითხოვდა. იგი რამდენიმე ნაბიჯზე შედგა მასპინძლის წინ, თავი შეაბ-
რუნა, გაიხედ-გამოიხედა სალამოს ბინდში, დინჯად ამოიღო ჩიბუხი და თამბა-
ქო.

— მშვენიერი ხეობაა. ერთ-ერთი ყველაზე ლამაზი...

— მშვენიერი? — გაიმეორა ბიარტურმა. — ეგ იმას გააჩნია, როგორ თი-
ვას ავიღებთ. გამოგზავნა ვინმემ?

გამოგზავნა? არა, არავის გამოუგზავნია. მაგრამ მეტისმეტად მოსწონს
ეს ხეობა და ნებართვას სთხოვს, ტბის აღმოსავლეთ ნაპირზე კარვის დასად-
გმელად.

— დიახ, ჩემი მიწა სამხრეთით უშენის სიღრმემდე აღწევს, ჩრდილოეთით
მთებამდე, დასავლეთით შუა უღელტეხილამდე, აღმოსავლეთით კი ხევამდე.
მთელი ეს დაბლობი ჩემია.

უცნობმა გადაკვრით, ბუნდოვნად თქვა რაღაც იმაზე, რომ მთელი ამ მი-
წის სახნავებად გადაქცევა შეიძლება.

— სახნავია, თუ არ არის სახნავი, — შეესიტყვა ბიარტური, — მიწა ჩე-
მია და მე არ მსურს აქ უცხო ხალხმა იხეტიალოს, ცხვირი ჩაყოს სხვის
საქმეში, საცაა თოთხმეტი წელი გახდება, რაც ეს ხუტორი ავაშენე ძველ ნან-
გრევებზე, რედსმირის პატრონს უკვე მთლიანად გავუსწორე ანგარიში. მეუბ-
ნებოდნენ, თითქოს აქ მოჩვენებები დაძრწიან, მაგრამ მე არც მოჩვენებების
მეშინია და არც ხალხისა... ცხვარიც კარგი მყავს.

უცნობმა მოწონების ნიშნად თავი დაუქნია.

— კარგი თაოსნობაა ღარიბი გლეხკაცისათვის.

— არ ვიცი, ტრაბახს ვერ დავიწყებ. ერთი რამ კი ცხადია: ამ ჩენი სამრევლოს მარტოხელა მეურნე გლეხებზე უარესად არა ვცხოვრობ, ბევრ სხვაზე უკეთაც კი მაქვს საქმე. ვალებში არა ვარ ჩაფლული, იმიტომ, რომ მუქთამუქამელებს არ ვუშვებდი ჩემს თივასთან ამ უკანასკნელ ზამთრამდე, ვიდრე ვილაც-ვილაცეებმა ძალით თავს არ მომახვიეს პირუტყვი. მაგრამ, რა თქმა უნდა, მდიდარ გლეხებთან თავის გატოლება ფიქრადაც არ მომივა, რაც მაქვს იმითაც კმაყოფილი ვარ, ამიტომ არავის ჩემს საქმეში ჩარევის ნებას არ მივცემ და არავითარი სურვილი არა მაქვს იმ რაღაც კავშირებში შესვლისა.

უცნობმა მაშინვე აუხსნა ბიარტურს, რომ თუ მან თქვა „კარგი თაოსნობააო“, იმას როდი გულისხმობდა, თითქოს ყველას უნდა მსხვილი მიწათმფლობელი გახდეს. არც თვითონ აპირებს მდიდარ გლეხებთან საქმის დაქვრას, ურჩენია, მცირე შეძლების მქონე გლეხს ჩაუვარდეს ხელთ მისი ფული.

ბიარტურმა გაიფიქრა, ამ კაცს რაღაც ახალი სავაჭრო გეგმები თუ აქვსო და ამიტომ უთხრა, რომ მას მხოლოდ ერთ ვაჭართან აქვს საქმე. მძიმე დროს ის ვაჭარი ბევრ გაჭირვებულს უმართავს ხელს. და თუმცა მირელი იოუნი სამომხმარებლო საზოგადოებებს აყალიბებს, მოგებასაც კი ჰპირდებათ კარგ წლებში, ბიარტურს მაინც ჰგონია, რომ მოგების დიდ ნაწილს ისევ თვითონ იოუნი ჩაიჭიბავს. მას' ხომ ყოველ შემოდგომაზე სამას ორმოცდაათი ბატკანი ჰყავს გასაყიდი, გლეხებმა კი, დიდი-დიდი, თითომ ოცდაათ-ორმოც ბატკანს მოუყაროს თავი შემოდგომაზე, ჰოდა, რა ერგებათ მათ, ფშუტი. და თუ საზოგადოება გაკოტრდა, მაშინ ვინდა ზღავს ზარალს? ისევ გლეხებს დააწვება კისერზე ყველაფერი, საკუთარი თუ იმათი ვალი. რაც შეეხება საქმეს, მეგობარო...

უცნობმა აჩქარებით უთხრა ბიარტურს, რომ აზრად არა აქვს მის საქმეებში ჩაერიოს და ვაჭართან კარგი დამოკიდებულება გაუფუტკოს, უბრალოდ მას ხეტიალი უყვარს თოფითა და ანკესით ზაფხულობით.

— რაკი გაგებული მაქვს, რომ შენ არც ნადირობით ხარ გატაცებული. არც თევზის ჭერა გიყვარს, გავიფიქრე, იქნებ ნება დამართოს-მეთქი ამ ტბაში თევზაობის, რასაკვირველია, სასყიდლით.

— აჰ არც ისეთი თევზი იცის, — უპასუხა ბიარტურმა. — ჭკვიანი კაცო ასეთ სისულელებზე დროს არ დაჰკარგავს. ფრანველსა და თევზს თუ დავიჭერ, მაგით ჩემს ცხვარს ვითომ რა შეემატება! იქნებ მდიდარი გლეხების ცხვრისთვის იყოს ეგ გამოსადეგი ან მათი შვილებისთვის. მხედველობაში მყავს რედ-

სმირელი მამასახლისის შვილი, ახლა რწმუნებულს რომ უძახიან, — ავი ამიტომაც აღზარდეს სპარსთა რელიგიის მისედევით. ახლა ის ჩაუდგა თურმე სათავეში სამომხმარებლო საზოგადოებას, მამასთან ერთად რომ ჩამოაყალიბა, ისევე, როგორც ქალბატონმა დააარსა აქ ქალთა კავშირი იმისათვის, რომ უბრალო, უდანაშაულო ხალხს, უფარგისი პირუტყვი მოახვიონ თავს. ეგ ვაებატონი ფრინველს თვალს რომ მოჰკრავს, ვერ მოისვენებს, თუ კისერი არ მოუგრინა.

ამ დროს, დედაბერმა ფრიდამ მისთვის დამახასიათებელი მოურიდელობით წამოიყვინა შორიდან:

— როგორ არ რცხვენიათ ამ წყეულ კონკია-ქღარუნებს იმათი ლანძღვაგინების, ვინც მათზე მაღლა დგას! თვითონ კი სულსა ხდიან, ახრჩობენ ყველას და ყველაფერს, ცოცხალსა და მკვდარს, გარდა ტილებისა, ზედ რომ აღოღავთ.

უცნობმა ფრიდასკენ გაუშვა კვამლის ბოლქვი პირიდან, აღარ იცოდა, როგორი პოზიცია დაეჭირა ამ საკითხში.

— ყურადღებას ნუ მიაქცევ მაგ ოხერ დავრდომილს. პირველად კი არა რომავს ემაგ სისულელეებს, — უთხრა ბიარტურმა სტუმარს გაუგებრობის თავიდან ასაცილებლად.

უცნობმა საჭიროდ ჩათვალა თხოვნა გაემეორებინა ბიარტურისათვის.

— კარგი, რაკი მიწით სპეკულაციას არ ეწევი და კავშირებიდან არა ხარ მოგზავნილი, რა გაეწყობა, დაიდგი კარავი ჩამდენიმე დღით. ოღონდ ძალიან კი ნუ გამოითელავ ბალახს. სპეკულანტები და რალაც საზოგადოებების წევრები არ მჭირდებიან, ჩემი მიწა არ იყიდება, მე და ჩემი ჯალაბი ვცხოვრობთ მშვიდად და ტბილად ჩვენი ცხვრებისთვის. თუ ცხვარი კარგადა გვყავს, ჩვენც კარგადა ვართ, ცხვრისთვის თუ ყველაფერი გვაქვს, ჩვენც ყველაფერი გვყოფნის. ეჰ, ერთი ამ ავდარს დაადგებოდეს საშველი...

როცა უცნობმა, როგორც იქნა დაარწმუნა ბიარტური, რომ მიწით მოვაჭრე არ იყო და არც კავშირის წევრი, მოლაპარაკება დაიწყო. უცნობი ჩვეულებრივი სამხრეთელი მოაგარაკე იყო, ერთი იმათთაგანი, ზაფხულში რომ ჩამოდინა დასასვენებლად და გასართობად. ვიდაცამ უთხრა თურმე, რომ ამ ადგილებში ბევრი თევზი იცის, მაგრამ ვინ უთხრა, ვერ გაეხსენებინა. სულ რამდენიმე დღე დარჩება აქ, ყველაფერი აქვს, არაფერი არ სჭირდება. ამის დასამტკიცებლად მგზავრმა საფულე ამოიღო. ფული ბლომად ჰქონდა, დასტადანსტა ნამდვილი ფული, სამხრეთელებს ხომ ბანკი ხელთ აქვთ. ამბობენ, ამ ქალადღებს, მგონი, საპირფარეოშიც კი ხმარობენო. მიუხედავად იმისა, რომ ბიარტური საერთოდ ზოხლით უყურებდა ფულს, სქელმა დასტამ მიინც მოახ-

დინა შთაბეჭდილება და უცნობს დაჩმარებაც კი შესთავაზა კარვის დადგმაში. მაგრამ მგზავრმა უპასუხა, თვითონ გავართმევ თავს ჩემს საქმესო. ისევ ისე გულგრილად გამოემშვიდობა მათ, როგორც მიესალმა, წავიდა, იქ დასტოვა საუცხოო სურნელი და ლურჯი კვამლიც, ნელ-ნელა რომ გაიფანტა მდებლობზე წყნარი საღამოს ჰაერში. უცნობი სიტყვაძუნწობდა, ცივად ეჭირა თავი, ფული ჩეჩქივით ჰქონდა და ხუტორელებს ფანტაზია გაუცხოველდათ. ასეთი კაცი, ასეთი კეთილშობილი ბატონი, ზღაპრული უფლისწულივით მიუწვდომელი, და უცებ ხუტორელების მეზობელი გახდა. მისი სიახლოვე უღიმღამო დღეებში გამობრწყინებულ დღესასწაულს, აედარში მზის სხივების კაშკაშს, რუხ ფონზე აციმციმებულ შუქის ლაქას ჰგავდა და ეს მიძინებულ ფიქრს აღვიძებდა, ახალისებდა უნუგემო, სევდიან ცხოვრებას. იმ ღამეს აუსტა სოულილიას დაე-სიზმრა, რომ ყელში გახიზული ვაშლის ნაჭერი ამოუვარდა.

მეორე დღეს ძროხას მოიგო. ასე ერთ დღე-ღამეში უშენში ორი მნიშვნელოვანი ამბავი მოხდა.

უკანასკნელი რამდენიმე კვირის მანძილზე ძროხა ძლიერ იტანჯებოდა. საბრალო! ფინას კარგად ესმოდა მისი მდგომარეობა და არავის ანებებდა ძროხის გადენას საბალახოდ ან მის მოყვანას საღამოს, მასავით ფრთხილად და რილით ვერავინ აკეთებდა ამას, მასავით მოთმინებით არავინ ელოდა, ვიდრე ძროხა ფარების ვიწრო კარში გაჭირვებით შეიტანდა დამსხვილებულ ტანს, გვერდებს ერთთავად რომ უხახუნებდა კარის ამყოლებს. ფინას აზრადაც არ მოუვიდოდა, წკნელი გადაეკრა ბუკოდლასათვის, როცა ის ზანტად მიაბიჯებდა ტალახში, სამი-ოთხი ნაბიჯის გადადგმის შემდეგ ჩერდებოდა, ფრუტუნებდა, ხენეზოდა, შეხედავდა ფინას, ყურებს გააპარტყუნებდა და დაიზმულებდა. ისინი ღარტაფში ნაკადულთან შორდებოდნენ ერთმანეთს.

ფინა ფერდებზე ხელს უსვამდა ძროხას და ეუბნებოდა:

— მალე ხბო გვეყოლება, თავიდა, სუსტი, გაფარჩხული ფეხებით... არა უშავს რა, ყველაფერი კარგად ჩაივლის, საღამოს შეეხვდებით ერთმანეთს. აბა, წყნარად, წყნარად... ვიფიქროთ ერთმანეთზე.

ფინა შინ მიდიოდა. ძროხა ბალახს ძოვდა, ნელა იქნევდა ყბას, ცხვირს ჰმუხნიდა სიამოვნებისაგან. ნაკადულის ნაპირებზე ნოყიერი, ქორფა ბალახი იყო.

იმ საღამოს ფინას ძროხა იქ აღარ დაუხვდა, სადაც ჩვეულებრივ იყო ხოლმე. ეუცნაურა ეს ამბავი, რადგან მან იცოდა, რომ რაც უფრო ახლოვდებოდა მოგების დრო, ძროხა მით უფრო მშვიდდებოდა. კარგა ხანი იყო უკვე, რაც ბუკოდლა გაქცევას აღარ ლამობდა. ქალი გაჰყვა გზას, ერთი ბორცვიდან მეორისკენ მიდიოდა, შორს, შორს წავიდა, მთისკენ, თან ბუკოდლას ეძახდა.

ბოლოს ძროხამ უპასუხა, ერთი წაიზმუველა და გაჩუმდა. ხმა პატარა ღარტაფიდან მოდიოდა, ზედ ნაკადულის პირას რომ იყო, და მალე იბოვა კიდევ ძროხა. ბუკოდლას ხბო მოეგო.

ფინას ძალიან გაუჭირდა, ძროხა აღარ ემორჩილებოდა, გარს უვლიდა ხბოს, ყნოსავდა, ლოკავდა და ხმადაბლა ზმუოდა, არავის, არავის არ ამჩნევდა, არაფერს არ ხედავდა: ფინასთვის გასაგები იყო ეს. როცა ჩნდება პატარა, წინ ელობება ყველაფერს. რაც მანამღე დედას უყვარდა. ძროხა ისე იყო ავსილი დედობრივი ბედნიერი გრანობით, რომ ამან ადამიანს სიყვარული ჩაუხშო, თითქოს იმ დღეს ბუკოდლას ყველა სურვილი აუსრულდო და აღარაფერი უნდოდა, სხვების თანაგრძნობა ზედმეტად მიაჩნდა. ფინამ დიდი გაჭირვებით მიღენა პირუტყვი სახლამდე.

ბიარტურს გარდა, ყველამ ძროხას მიაშურა, წინ ბავშვები მიქროდნენ, ეჩქარებოდათ ხბოს ნახვა. ეს იყო მოზვერი-დედასავით რუხი. ხალებით მოწინწკლული. აუსტა სოულილიამ მისალმების ნიშნად გამობურცულ შუბლზე აკოცა მოზვერს, ძროხა კი ნელა ზმუოდა და უყურებდა მას. იმ საღამოს ტიტლა ერთხელაც არ მიტანებია ბუკოდლას უკანა ფეხებში საკბენად, არც კი შეუღრინა, კული უკანა ფეხებში ამოძეა და როცა ძროხა საჩქენად წამოვიდა მისკენ, ზრილობიანად ვადგა ვანზე, შორიდან მოწიწებით ათვალაიერებდა ახალ ოჯახს. ფოცხის გატეხილ ტარს დაყრდნობილი მოზუცი პალბერაც მოჩანჩალდა, უნდოდა მოფერებოდა ძროხას და ხბოს. ასე გასინჯეთ, თვით ალქაჯმა ფრიდამაც კი გამოიჩინა გულმოწყალება:

— საბრალო, — თქვა ფრიდამ, თან დაატანა: — იესოპეტრუს!

ამ დროს ბიარტურიც გამოძვრა სახლიდან და ჩაილაპარაკა:

— დანები უნდა ავლესოთ.

— ასეც ვიცოდი. წყეულო მკვლელო! — დაიყვირა დედაბერმა ფრიდამ.

ფინამ მულარით შეხედა ქმარს და გვერდით რომ ჩაუარა, თითქმის ჩურჩულით თქვა:

— ბიარტურ, ჩემო ძვირფასო!

ძროხა ბაგასთან დააბეს, ხბოც იქვე გვერდით დაუწვინეს. მოგვიანებით, როცა ყველა დასაძინებლად გაემზადა, ქალები კი გულაჩუყებული ლაპარაკობდნენ ხბოზე, ყველა ბედნიერი იყო იმით, რომ ხუტორში ნორჩი არსება გაჩნდა, რომ ყველაფერმა მშვიდობიანად ჩაიარა და გულწრფელად ხარობდნენ ამით, ბიარტურმა ისევე გაიმეორა, რაც ცოტა ხნის წინათ თქვა:

— სამწუხაროა, რომ კვირამდე ვერ მოვიცილი ნაკლავის წასაღებად ფორდში.

მეორე დღეს ოჯახი ხსენის ყველს შეექცა. ბოლო ხანებში კარგი დღეები

დაიჭირა. ერთ რამედ ღირდა ბუკოდლას ნახვა, უწინ ისეთი ეული რომ იყო, ახლა რა მსუბუქედ, სწრაფად მიაბიჭებდა დილაობით თავის ბოჩოლასთან ერთად. მოზვერი ბოჩოლით და კუნტრუშით მისდევდა. ბუკოდლას აღარც ნუგეშისცემა სჭირდებოდა, აღარც აღერსი, გაუბოდა ბავშვებს, ასე რომ შეუყვარდათ მოზვერი და მოსვენებას აღარ აძლევდნენ. ძროხა უდარდელად ბალახობდა მთის ძირას, შორს, შორს მიდიოდა თავის ზხოსთან ერთად, თითქოს აღამიანზე აღარ არის დამოკიდებულიო. უწინ ხომ სჭირდებოდა ფინას მფარველობა, ახლა კი გაუბოდა ხალხს. სადამოს, როცა ფინა მის წამოსაყვანად მივიდოდა, ბუკოდლა ისე უყურებდა, თითქოს ვერა სცნობს პატრონსო. მაგრამ ფინას სულ არ სწყინდა, კარგად იცოდა, რა არის დედობრივი სიხარული, რარაგ ამადლებს ეს გრძნობა აღამიანს, რომ ყველა სხვა უმნიშვნელო და წვრილმანი ხდება. ღიახ, ფინასთვის გასაგები იყო ამგვარი სიხარული. სადამოს ძროხა ძალზე ცოტა რძეს იწველიდა, მაგრამ ფინა ბიარტურს არ უმხელდა ამას, ეწინოდა, ხბოს მთელი დღე ჩაკეტვის ბოსელშიო. მისთვის იმის გაფიქრებაც კი აუტანელი იყო, რომ ამდენი ხნის მარტოობის შემდეგ ბუკოდლას თავის ხბოსთან ყოფნის სიხარულს მოაქლებდნენ.

კვირა დილაა. კვირას ჩვეულებრივ გვიან იღვიძებდნენ. მხოლოდ ბიარტურისთვის იყო სულ ერთი კვირა და სადაგი დღე. მაინც უთენია დგებოდა და საქმიანობდა. იმ კვირა დილას ბიარტურმა საძვროში ამოჰყო თავი და იკითხა, რა მოხდა, ხომ არ გაწყდით ყველაო.

— ოჰო, კვირა დღესაც აღარ გვაყენებ? — წამოიძახა დედაბერმა ფრიდამ.

— ხბოს ჯიგარი ზღურბლთან დევს, — გამოაცხადა ბიარტურმა. — თუ გინდათ, რომ ღვარმა წაილოს, ნება თქვენია, მე კი ნაკლავი მიმაქვს ფიორდში.

ფინა იმ დღეს ველარ წამოდგა ლოგინიდან, კედლისკენ შებრუნდა, ცუდად შეიქნა. მოხუცი პალბერა, ფრიდა და ბავშვები ადგნენ. ხბოს ჯერ კიდევ თბილი ჯიგარი ზღურბლთან იდო ვარცლში. ბებერ ბლესიზე ამხედრებული ბიარტური უკვე ჭაობს მიჰყვებოდა აღმოსავლეთით, უნაგირზე გარდიგარდმო ედო ხბო, ფიორდში მიჰქონდა ვაჭარ ტულინიუს იენსენთან.

— მაგისგან ყველაფერი მოსალოდნელია, ყველას გამოგლადრავთ ყელს, — თქვა დედაბერმა ფრიდამ, მერე ქოთქოთით და ლანძღვა-გინებით დაიწყო ჯიგარის გაწმენდა.

ბავშვები გაოგნებული იდგნენ სახლის წინ, თითი პირში ჩაეყოთ, დასცქეროდნენ ხბოს ჯიგარს, თან ყურს უგდებდნენ ფრიდას.

ბუკოდლას ხბო... მათ ახსოვდათ მისი გამოხედვა, ისე რომ იყურებოდა, როგორც ბავშვებმა იციან. ჯერ კიდევ გუშინ უყურებდათ, ჯერ კიდევ გუშინ

დაკუნტრუშობდა აქ, ტყუპად ასწევდა და დაუშვებდა წინა ფეხებს, მერე უკანა ფეხებს აპყრიდა ტყუპად. მრგვალი შუბლი ჰქონდა, როგორც აქვთ ხბოებს. აუსტა იტყოდა ხოლმე, სამფერიაო. უკვე ფერდობებზეც აღიოდა, ყნოსავდა ქონდარას და წვიმა რომ წამოვიდოდა, ფერდზე ეკვროდა დედას, ეფარებოდა.

სევდიანი კვირა დილა გაუთენდათ. ძროხა გაბმით ზმუოდა ბოსელში, გაჭირვებით გაიყვანეს გარეთ, გარეკეს მინდვრისკენ, მაგრამ მალე მობრუნდა უკან, ზღურბლთან შედგა და ისე აზმუელდა, თითქოს სახლს ევედრებოდა შველას. მთა ყრუ გამოძახილით აძლეოდა ბანს. ბუკოდლას მსხვილი თვალებიდან კურცხალი ჩამოსდიოდა, — ძროხებიც ტირიან.

მთელი ერთი კვირა ფინა ვერ გაეკარა ძროხას, არ შეეძლო მისი შეხედვა და დედაბერი ფრიდა წველიდა ბუკოდლას. ადამიანზე ულმობელი, ადამიანზე სასტიკი არა არის რა. როგორ შეუძლია ხალხს თავის გამართლება უმწეო პირუტყვებთან? პირველი დღეები მძიმეა, ძალზე მძიმე, მაგრამ დიდი ნუგეშია, რომ ბოროტმოქმედება და მწუხარება ღრთოთ განმავლობაში დავიწყებას ეძლევა ისევე, როგორც სიყვარული.

თ ა ვ ი ო ც ლ ა მ ე ხ უ თ ა მ ა ბ ი

ს ტ უ მ ა რ ი

გადაუღებლად ჩამოდის დელგმა. აუსტა სიუღილია სადილის თადარიგს შედგომია, სველი კაბა გაუხდია, ქურაზე გადაუფენია გასაშრობად, კაბას ონ-შივარი ასდის. აუსტა ფეხშიშველია, დაფხრეწილი ქვედატანისამარა დგას და ჭიკვს აცლის თევზს. ქვაბში წყალი უკვე ბუშტებს ისვრის, საცაა აღუღდება.

უცებ ქვევით ფეხის ხმა გაისმა. კარი გაიღო, ვილაც შემოვიდა ფარეხში, აჭრაქუნდა კიბე, საძვრომის კარი ქვემოდან ამოაღო ვილაცამ. აი, გამოჩნდა კაცი, მიმოიხედა, ულტობი ქსოვილის პალტო აცვია, საყელოთი, ღილებით და თასმებით გაწყობილი, ფეხზე კი ბრეზენტის ჩექმები — ვერაფრითარი ღვართქაფი ვერ გაატანდა. სტუმარს ისეთი ცისფერი თვალები ჰქონდა, ისეთი ალერსიანი გამოხედვა, რომ აუსტას ძალზე ახალგაზრდა ეჩვენა. კაცი მიესალმა მათ, მაგრამ აუსტამ პასუხის გაცემა ვერ გაბედა, მან მხოლოდ მდუმარედ იცოდა ხელის ჩამორთმევა, უცნობმა კი ხელი არ გამოუწყოდა. სქელ პალტოში გამოწყობილმა ამ უცხო კაცმა დიდი ადგილი დიკავა მათ პატარა ოთახ-

ში და აუსტას ეწინოდა, ემანდ თავი არ აპკრასო ჰქვრს. არც მოხუცმა ჰალბე-
რამ უპასუხა სალამზე. მხოლოდ ცერად გამოპხნდა, ქსოვა შეწყვიტა. სტუ-
მარს ბაწარზე აცმული ნანადირევი ფრინველი და კალმახები ექირა.

— ნედლი თევზი და ფრინველი მოგართვით მრავალფეროვნებისათვის,—
თქვა უცნობმა.

ვაჟაკური, მზედაკრული სახე ჰქონდა. თეთრი კბილები მარგალიტით
უბრწყინავდა, მისი ხმა კი აუსტას ძალზე მკლერი ეჩვენა.

— სოულა. — ხრინწიანი ხმით უთხრა მოხუცმა გოგონას, — სტუმარს
სთხოვე. დაბრძანდეს.

აუსტამ ვერც ახლა გაბედა ხმის ამოღება. ისეთი დაფხრეწილი ქვედატანი
ეცვა, იმსიგრძე ხელები ჰქონდა, ფეხები ტალახში ამოსვრილი, მისი დახეული
ქვედასაცველი ქურაზე იდო გასაშრობად და ოხშივარი ასდიოდა. აუსტა
სტუმრისკენ გახედვასაც ვერ ბედავდა, ათასფრად მზინავ თევზსაც კი აარი-
და მზერა. ალბათ ამ კაცს ჰგონია, რომ ისინი მშვიერები არიან. რა უნდა უთხ-
რას? რას იტყობა მამა?

— შოდი, რამდენიმე კალმახი ჩავდოთ ქვაბში, — უთხრა სტუმარმა
გოგონას და დანა აიღო. წერილი, სათუთი, მზედაკრული ხელები ჰქონდა, და-
ნას მარჯვედ ხმარობდა, წამში გამოშვიგნა თევზები, ქვირითი ჯამში ჩაღო, გა-
სუფთაებულ თევზი კი ქვაბში.

— საუცხოო თევზია, ოთხი გირვანქა იქნება, — თქვა კაცმა და კალმახი
ბებიას დაანახა.

— დიახ, დიახ, — უპასუხა მოხუცმა, — ოღონდ იმათთვის, ვინც შეჩვე-
ულია ნედლი თევზის ჰამას. საკუთარი გემოვნებით სხვისთვის საკმელის შერ-
ჩევა არ შეიძლება. აი მე, მაგალითად, სულ ვერ ვიტან ნედლ თევზს, მტკნა-
რი წყლისას ხომ მით უმეტეს. ნედლი თევზი და გარეული ფრინველის ხორცი
კუქისთვის მძიმეა, როგორც კი შევეკამ, მაშინვე ტანზე გამომაყრის ხოლმე.

სტუმარმა კი თქვა, ახალი ხორცისა და ნედლი თევზისგან ტანზე არავის
გამოაყრის, ახალი ყველაფერი სასარგებლოა ჯანმრთელობისთვისო.

— სადაური ბრძანდებით? — ჰკითხა მოხუცმა.

— სამხრეთელი ვარ.

— განა არა, მაშინვე მივხედი. საბრალო, — ისეთი თანაგრძნობით თქვა
ჰალბერამ, როგორსაც მოხუცები იჩენენ ხოლმე შორეული კუთხიდან ჩამო-
სული ადამიანის მიმართ.

აუსტა სოულილია იდგა და უყურებდა, როგორ შიგნავდა თევზს სტუმარი,
როგორი მარჯვე ხელები ჰქონდა, მოზომილი, დაჭერებული მოძრობა. ისე
სწრაფად, მარჯვედ ასუფთაებდა თევზს, თითქოს თავისით კეთლებოდა ყვე-

ლაფერი. სტუმარი აუსტასკენ გვერდით შებრუნებული იდგა და დაწვებზე თითქოს ღიმილი დასთამაშებდა, სინამდვილეში კი არ იღიშებოდა. ძალიან ლამაზი იყო და ძალიან კეთილი. სტუმარმა კალმახები ქვაბში ჩაღო, გაავსო ქვაბი და აუსტას ქონი მოსთხოვა. მალე ოთახში მოხარშული კალმახის სუნი დადგა. ალბათ დიდი კაცია. ვერა, ვერაფინ გაიგებს, რაზე ოცნებობდა აუსტა სოულოლია იმ დღიდან, რაც ეს კაცი პირველად გამოჩნდა ხუტორში.

სტუმარმა ჩიბუხი ამოიღო, დატენა თამბაქოთი და გააბოლა. გრაცლას თაფლოვანი სუნისმაგვარი, ოღონდ უფრო მძაფრი და საამო სუნი დადგა. ტბილ სურნელებაში იფურჩქნება მთელი სამყარო. სტუმრის წასვლის შემდეგ ის საამო სურნელი კიდევ დიდხანს ტრიალებდა ოთახში.

— ნახვამდის, — თქვა სტუმარმა და გავიდა. გაიხურა ვარეთა კარი.

აუსტა საკმელს მივიარდა, უნდოდა შეეხედა, იმ ფართო პალტოში და ულტობი ქსოვილის ქუდში როგორ გარბოდა წვიმაში სტუმარი. არა, ასეთი კაცი წვიმას არ შეუშინდება. რა მსუბუქად მიდის. გოგონამ იგრძნო, რომ უცებ თავბრუ დაესხა და გული აუძგერდა. მანამ იდგა საკმელთან, ვიდრე გული არ დაუმშვიდდა და წვიმამ არ დაუტხრო მღელვარება.

მოხუცს ახლავა გაახსენდა, რომ სტუმრისთვის რაღაც უნდა ეკითხა, რაკი სამხრეთელი ყოფილა, მაგრამ რას იზამ, ძალზე მოტყუდა და დაძაბუნდა. ყველაფერი ავიწყდება.

— შენ კი, სოულა, გრცხვენოდეს. ასე როგორ შეიძლება, ყავაც კი არ შესთავაზე იმ საწყაალს.

აუსტა სოულოლიას არ ესმოდა რას ეუბნებოდნენ, რაღაც უცნაური გრძნობა დაეუფლა: მკლავებში მშვლებული, ფეხშიშველი, ძველ ქვედატანში — ნამდვილი ჯოჯოხეთის მამხალაა.

— ოჰო, ნანადირევი? — თქვა ბიარტურმა, როცა საღამოს შინ დაბრუნდა, თან ზიზღით დახედა სტუმრის მიერ დატოვებულ ფრინველს. — ჯერ არაფინ გასუქებულა ნანადირევი ფრინველით.

— მოვხარშოთ? — ჰკითხა ფინამ.

— გამიგონია, ზოგი ხალხი გარეულ ფრინველს ჭამსო, — თქვა მოხუცმა პალბერამ.

— ამბობენ, ფრანგები ბაყაყებსაც შეექცევიანო, — უპასუხა ბიარტურმა.

ბიარტურმა ფრინველის ხორცს პირი არ დააკარა, მაგრამ თითქოს არ ჯავრობდა უცნობზე ასეთი ძღვენის მორთმევისთვის. კვირა დღეს, საუზმის შემდეგ კი, ბიარტურმა თავისიანებს უთხრა:

— უცხო ხალხისაგან საჩუქრების მიღებაში მარჯვეები ხართ, იმ საცოდ-

ვი ყმაწვილისთვის კვირა დღეს ორიოდ წვეთი რძის გაგზავნას კი ვერ მოიფიქრებთ, საამისოდ არ გყოფნით ჰკუა.

საქმე იმით დამთავრდა, რომ აუსტა სოულილიას ერთი ტოლჩა რძე მისცეს და გაგზავნეს უშენის აღმოსავლეთ ნაპირზე. სოულას პატარა ნონიც გაჰყვა. ბიჭმა ხელ-პირი დაიბანა და თმა დაივარცხნა. აუსტას თვალები, ერთი სწორი, მეორე ელამი, იმ დილას თითქოს გაუფართოვდა და ჩაუმუქდა. პატარა ქალმა ცხვრის ტყავის ხამლი და თავისი განსვენებული დედის კაბა ჩაიცვა, ქალაქში მოგზაურობის შემდეგ კაბა გარეცხა და დააკერა. გარეცხვის შემდეგ კაბამ მთლად დაჰკარგა პეწი, ძველ ძონძს დაემსგავსა. მაგრამ, საბედნიეროდ, რაც ძროხამ მოიგო, აუსტამ მოიკეთა, დამშვენდა, შესამჩნევად მოფერიანდა.

და-ძმა აღმოსავლეთისკენ მიჰყვებოდა ჰაობს, ტოლჩით რძე მიჰქონდათ. აუსტა ძალიან ღელავდა, ხმას ვერ იღებდა. სამი დღეა რაც წვიმამ გადაიღო, მაგრამ ჯერ მაინც კარგად არ გამოდარებულა, თივა ცოტადა დარჩათ ასაღები. იმ დღეს კი მზემ გამოაჰყიტა. ქაობში ბალახი უკვე გაიცრიცა, ჩაჟამდა, მზის სხივებმაც დაჰკარგა ნაზი, მოცისფრო ელფერი, როგორსაც გზაფხული აძლევს მას. ლალღები უკვე გუნდ-გუნდად იკრიბებოდნენ, ჩიბუხა ისე მიიძალა ბალახში, ისე განმარტოვდა, თითქოს წარსული ცხოვრების ცოდვებს ინანიებდა; და უცებ ფეხქვეშ გაუფრთხილდა აუსტას და შეაერთო. დუმს ირგვლივ მიდამო, აღარ ისმის ფრინველთა გალობა, წკრიალებს მხოლოდ გულის სიმღერა.

კარავთან არაიენ ჩანდა. შეცბუნებული ბავშვები . მოლოდინით შედგნენ, საგონებელში ჩაეარდნენ, როგორ დააკაუნონ უკარო სახლზე, წირთხლიც რომ არა აქვს? ბოლოს, მაინც მოიკრიბეს გამბედაობა და კარავში შეიჭყიტეს. კაცი საძილე ტომრიდან გამოძვრა და ნამძინარევი თვალები მიაპყრო ბავშვებს.

— ჩემთან მოხვედით?

— არა, — თქვა აუსტა სოულილიამ, კარავთან დადგა ტოლჩა, ძმას ხელი ჩაავლო და მოკურცხლეს.

— პეი, მოიცათ, — შეუძახა ბავშვებს კაცმა. — რა ვუყო ამას?

— ეგ რძეა, — არ გაჩერებულა, ისე უპასუხა პატარა ნონიმ.

— მოიცათ, — ისევ დააწია სიტყვა კაცმა.

ბავშვებმა ვერ გაბედეს ურჩობა, შედგნენ, მხეცებივით დამფრთხალები უყურებდნენ.

— რა მოგივლიდათ, მოდიოთ აქ, — დაუძახა კაცმა.

მაგრამ ბავშვებმა ვერ გაბედეს კარავთან მისვლა, იდგნენ და შორიდან

უყურებდნენ. კაცმა ტოლჩას ხუფი მოხადა, პირზე მიიღო, ფრთხილად მოსვა ენთი ყლუპი რძე, პირი მოიწმინდა და გადააფურთხა.

— მოიკათ, ერთად ვკამოთ შემწვარი, — უთხრა კაცმა ბავშვებს.

ბავშვები ერთ ადგილზე იდგნენ გაშეშებული, მერე ბურცოზე ჩამოჯდნენ გვერდი-გვერდ, ვერ გაიგეს, რა არის „შემწვარი“ და ელოდნენ, ნეტა რა იქნებაო, თან კაცს შეჰყურებდნენ გაკვირვებულები. კაცი საქმლის თადარიგს შეუღდა, ფეხშიშველი იყო, შარვალ-ხალათი ეცვა, ბავშვებისკენ არ გაუხედავს, ისე გასძახა მათ:

— იქნებ ახლოს მოხვიდეთ, საშიში არაფერია.

კოტა ხნის შემდეგ, როცა კაცი შებრუნდა, ბავშვებმა ამოთ ისარგებლეს და მიუახლოვდნენ. შემოდით კარავში, რისა გეშინიათო, უთხრა კაცმა, თან თვალს არიდებდა ბავშვებს, რომ არ დაეფრთხო ისინი. ბავშვები შეჰყვნენ კანავში. ჭერ ნონი შევიდა, მერე აუსტა, ორავე ზურგით მიეყარნო დგარს. ისეთი თავგადასავალი ჭერ არ გადახდენიათ. კარავში თამბაქოსი, ხილისა და ნელსასუნებლის სუნი იდგა. აუსტა თვალს ადევნებდა კაცის ხელების მოძრაობას, მის ხელებს ნაღებიანი ყაყვს ფერი დაჰკარავდა, უყურებდა, როგორ აანთო პრიმუსი, როგორ დაღო ტაფაზე კარაქი, მერე სამი გამოშვიგული იხვი და შემწვარი ხორცის სუნი შეერია სხვა სურნელს. კაცს სათუთ, მზედაკრულ დაწვზე ისევ დასთამაშებდა ღიმილი. აუსტას უხაროდა, რომ ის თვალს არიდებდა მათ, არ უყურებდა.

— თამაში თუ იკით, ბავშვებო? — თვალაუწყევლად ჰკითხა კაცმა.

— არა, — უპასუხეს ბავშვებმა.

— ოო? რატომ? — გაუკვირდა კაცს.

— ჩვენ სულ ვშრომობთ, — უპასუხა პატარა ნონიმ.

— რატომ?

ეს ბავშვებმა აღარ იცოდნენ.

— რა კარგია, რა თავშესაქცევია თამაში, — თქვა კაცმა. ბავშვებმა ვერ გაიგეს, ვის გულისხმობდა, ვინ ჰყავდა მხედველობაში, ისინი, თავისი თავი, თუ სხვები. აუსტა შიშით წამოენთო, ვაითუ შეხედოს ახლა, ან რამე ჰკითხოს კიდევ?

— ფრინველს რატომ არ ჰხოცავთ? — ჰკითხა მან.

— მამას არ უნდა, — უპასუხა ისევ ნონიმ. მართალია, არ კი ახსოვდა, ღმრე მამას ამაზე რამე ეთქვას.

— რა უყავით იმ ფრინველს, ამას წინათ რომ მოგიტანეთ? მოხარშეთ? ოი, ოი, კარაქში უნდა შეგეწვათ.

— კარაქი ჩვენ არ გვაქვს.

— რატომ?

— მამას არ უნდა სადღეებელის ყიდვა.

— მაშ რაღა უნდა მამათქვენს?

— ცხვარი, — უპასუხა ნონიმ.

კაცმა გაოცებით შეხედა ბავშვებს, თითქოს ახლალა მიხვდაო, რომ ესაუბრება მათ, და შინაარსიც აქვს მათ საუბარს.

— ცხვარი? — ისე გაიმეორა მან, თითქოს პირველად გაიგონაო ეს ნაცნობი სიტყვა. გადააბრუნა იხეები და ის მხარე, რომლითაც ტაფაზე იდო ფრინველი, ყავისფრად დაბრაწულიყო. კარაქი შხიპინებდა ტაფაზე, კარავში ბული დადგა.

— მაშ მამათქვენს ცხვრის მეტი არაფერი უნდა? — თითქოს თავისთვის თქვა კაცმა და თავი გადააქნია. ბავშვებმა იგრძნეს, რომ იგი მამას არ ეთანხმებოდა, მაგრამ რატომ, ეს ველარ გაიგეს და ნონიმ გადაწყვიტა, ჰელგისთვის ეთქვა, ეს დიდი კაცი, როგორც ჩანს, მამას ყველაფერში არ ეთანხმებაო.

აუსტა თავით ფეხამდე ათვალერებდა უცხოს—მის ქამარს, ფეხის თითებს, ყავისფერ ქსოვილის პერანგს, გადახსნილი საყელო რომ ჰქონდა. თავის დღეში არ უნახავს ასეთი პერანგი. ამ კაცს უთუოდ ყველაფერი აქვს, რაც უნდა. მისი სახლი ის ზღაპრული სახლი ხომ არ არის, დედის ლანგარზე რომაა დახატული? არა, ეს შეუძლებელია. იმ სახლის წინ ხომ ყმაწვილი ქალი დგას. ამას კი ტყეში, განმარტობით უდგას სახლი, ისეთი, როგორიც ლამაზ კალენდარზე იყო დახატული. შარშანწინ ის კალენდარი ოთახიდან ფარეხში ჩაუვარდა და ცხვრებმა გათელეს. განმარტობით, ტყეში, იქ მარტო ცხოვრობს. მის სახლში ბევრი ოთახებია, გაცილებით იმაზე ლამაზი, ვიდრე რედსმირის სახლშია. სავარძელიც აქვს, რედსმირელთა სავარძელზე უფრო ლამაზი.

მეთოვლია პრინცესას ზღაპარი სწორედ ამაზეა დაწერილი.

— რა გქვია? — ჰკითხა კაცმა აუსტას. გოგონას კინალამ გული შეეკუმშა და დამფრთხალმა, აჩქარებით ჩაილაპარაკა:

— აუსტა სოულილია!

— აუსტა... რა? — ჰკითხა კაცმა.

— სოულილია, — მის მაგივრად პატარა ნონიმ უპასუხა.

— საოცარია! — თქვა კაცმა და ყმაწვილ ქალს შეხედა, თითქოს უნდა შეამოწმოსო, რომ ის მართლა მზის შროშანია. აუსტას გული აემღერა იმის გამო, რომ ასეთი სულელური სახელი ერქვა. კაცმა კი გაუღიმა, მიუტევა, მის თვალეებში რაღაც დიდი სიკეთე, რაღაც დიდი სინაზე გამოიხატა—სწორედ ის, რაც ასე სწყუროდა, რაც მუდამ სწყუროდა აუსტას გულს და ყმაწვილიმა ქალ-

მა პირველად დაინახა ის ამ კაცის თვალბში... ვინ იცის, იქნებ ვერასოდეს, ვერასოდეს ველარ დაინახვს მემრის... დაინახა და გაიგო: დიახ, სწორედ ის იყო.

— ახლა კი მესმის, რატომ არის ეს ხეობა ასე მშვენიერი, — თქვა კაცმა.

ამაზე პასუხის გაცემა აუსტა სოულილიას არ შეეძლო. მშვენიერი ხეობა? დიდხანს იმტვრევდა თავს, ნეტა რას გულისხმობს? ყმაწვილ ქალს გაგონილი ჰქონდა, რომ არსებობს მშვენიერი მატყლი, მშვენიერი ნაქსოვი. ყველაზე ხშირად კი ესმოდა, მშვენიერი ცხვარი, იაგრამ ხეობა? ხომ უბრალო ჭაობია, ბლანტი ჭაობია... დგებარ კოჭებამდე წყალში, ტოტებში უფრო ღრმაა. ხეობა ტბაა, სადაც წყლის კაცი ბუდობს; მაღალ გორაკზე დგას პატარა ხუტორი, მთა, სალი, პიტალო კლდეები, ზემოთ კი მწირი მზე. აუსტამ გახედა ხეობას, სადაც მთელი ზაფხული უქცევდა გაბინძურებულ, სველ თივას, თავით ფეხამდე გალუმპული და საცოდავი. დღეს აქ არც დილა აქვს, არც საღამო, — და უცებ, ეს ხეობა მშვენიერია თურმე? „ახლა კი მესმის, რატომ არის ეს ხეობა ასე მშვენიერი!“ მანინ რატომ? არა, იმიტომ კი არა, რომ მას აუსტა სოულილია ჰქვია. თუ ეს ხეობა მშვენიერია, მშვენიერია მხოლოდ იმიტომ, რომ მას ეწვია საოცარი კაცი.

ხორცი შიშხინებდა.

— გარეთ გავიდეთ, — უთხრა კაცმა ბავშვებს. დახდნენ ტბის ნაპირას. დღის სამი საათი იქნებოდა, ხეობაში თბილი ქარი დაქირქილებდა. კაცი ბალახზე გაიშოტა, თვალი ცას მიაპყრო, ბავშვები კი მას მიაჩერდნენ, მისი ფეხის თითებს ათვალეიერებდნენ.

— აბა, მითხარით, რა იცით? — ცისოვის თვალი არ მოუწყვეტია, ისე ჭკითხა კაცმა.

— არაფერი, — უპასუხეს ბავშვებმა.

— მოჩვენებები გინახავთ ოდესმე?

— არა.

— რის გაკეთება შეგიძლიათ? — კვლავ შეეკითხა ჩამოსული.

ბავშვებმა გაიფიქრეს, უხერხულია ყველა კითხვაზე არას ძახილიო, არც პირდაპირ უნდოდათ იმის თქმა, რომ არაფერი იცოდნენ. რის გაკეთება იცის აუსტა სოულილიამ? გოგონა დიდხანს ცდილობდა გაეხსენებია რამე, მაგრამ ამაოდ, ვერაფერი გაიხსენა.

— ნონიმ სიმღერა იცის, — თქვა ბოლოს აუსტამ.

— იმღერე, ნონი, — სთხოვა კაცმა.

პატარა ნონის იმ წუთებში მთლად გადაავიწვდა, როგორ უნდა დაეწყო სიმღერა.

— რამდენი თითი მაქვს ფეხებზე?

— ათი, — წამოიძახა ნონიმი, მაგრამ იმ წუთს ინანა, ტყუილად ავიქარდი. ჯერ უნდა დამეთვალა, ვინ იცის, ეგებ სამხრეთელს თერთმეტი თითი აქვსო. აუსტა შებრუნდა, რა სასაცილო კითხვაა! თავი ველარ შეიკავა, სიცილი წასკდა, მიიხვდა კაციკენ და დაინახა, რომ ის რაღაც უცნაურად უყურებდა, მერე უცებ გადაიხარხარა. თი, როგორ დაიწვა აუსტა სოულილია სირცხვილით და მაინც ვერ შეიკავა სიცილი.

— აბა, აკი ვიცოდი, — ზეიმურად თქვა კაცმა და წამოდგა, რომ შეეხედა, როგორ იციწოდა აუსტა. სიცილში გამოცოცხლდა და გაიფურჩქნა მთელი მისი არსება, თვალებში ეშმაკური ნაპერწკალი აუციმიძმდა, — ის დანებდა. სახეზე ქალიშვილური სინაზის იერი დაედო.

ინებებისთვის უნდა მიეხედა. კარავთან საამო სუნი ტრიალებდა. ბავშვებს ნერწყვი მოერია ესოდენ გემრიელ, სურნელოვან საჭმელზე ფიქრით. კაცმა თუნუქის ქილა გახსნა, კომპოტი ჯამში გადმოღვარა, ისე იყო გართული საქმელის მომზადებაში, რომ ბავშვებს ყურადღებას ვეღარ აქცევდა. აუსტას გული მოუვიდა პატარა ნონიზე. რა ჩერჩეტია ეს ბავი.

— რატომ არ იმღერე, შე შტერო, შენა. მაშ რისთვის წამომყევი? — შეუწყრა ძმას.

სალამოს კი, სახლის ზღურბლზე მჯდარი აუსტა მწარედ ნანობდა, რომ სამხრეთელ კაცს მეთოვლია პრინციპას ზღაპარი არ უამბო, თავიდან ბოლომდე ზეპირად რომ იცოდა. „ზამთარია, ქრის ქარბუქი, დედოფალი თავისი სასახლის სარკმელთან ზის და ხელსაქმობს...“ ერთი პირობა კი დააპირა ზღაპრის მოყოლა, მაგრამ შეეშინდა. ვაითუ სწორად ვერ გამიგოსო. ასე იყო თუ ისე, აუსტა მაინც ძლიერ ნანობდა იმაზე, რაც უთქმელი დარჩა. აუსტა ტბის ნაპირას მდგარი კარვისკენ იყურებოდა, ბინდბუნდში მაინც მოჩინდა კარავი. დიდხანს იჯდა იქ, გადაწყვეტილი ჰქონდა, ვიდრე ყველა არ დაიპინებს, არ დაეწვებო და უცებ დაინახა ჭაობის დასავლეთ მხარეს მიმავალი კაცი, თითქოს დაბაში მიდიოდა. ის იყო.

ზაფხულის საფანეში უკვე დასაძინებლად ემზადებიან, ის კი დასავლეთ მხარეს მიდის, უღელტეხილისკენ. ნეტა ასე გვიან საით გაუწყევია? იქნებ ყოველ საღამო დადის იქით? უწინ კი არ შეუძჩნევია აუსტას. განა იმან არა თქვა, რომ ეს ხეობა მშვენიერია? რას გულისხმობდა? არაფერს? ხუმრობით თქვა; აუსტამ კი დაიჭერა? თუ ხეობა მშვენიერია, დასავლეთით რაღად მიდის, რისთვის უნდა გადაიაროს უღელტეხილი? საცაა დალამდება, აცივდა კიდევ.

აუსტას ორი დღე არ უნახავს იგი, არც მისი თოფის ხმა გაუგონია. მერე მოვიდა ის. გვიანი საღამო იყო, დასაძინებლად ემზადებოდნენ. კიდევ კარგი,

აუსტას ჯერ კაბა არ ჰქონდა გახდილი. ბნდში კაცმა თავი ამოჰყო სამ-
ჯროში და თქვა: „სალამო მშვიდობისა!“ ჯიბიდან ბრჭყვიალა კოლოფი ამოი-
ღო. ქალები უკვე ქვედატანის ამარა იდგნენ, კაცს ანთებულ ჩიბუხი ეჭირა,
ქაჩავდა, სხენი წამში გაივსო სურნელოვანი კვამლით.

— მივდივარ, — თქვა კაცმა.

— რა გეჩქარება? — ჰკითხა ბიარტურმა. — აქამდე ასე მეგონა, რომ
თქვენ, სამხრეთელები არასოდეს არსაით არ მიიჩქართ. მე ხომ არ გაგდებ,
მეგობარო!

— ჰო, მაგრამ მაინც მივდივარ.

— ამას წინათ ჩემს ბავშვებს შეგწვარი ფრინველით გამასპინძლებიხარ, —
უთხრა ბიარტურმა.

— აბა, ეგ რა საღ-პარაკოა, — უპასუხა კაცმა.

— მართალი ხარ. — კვერი დაუკრა ბიარტურმა, — ძალზე ნაზი საჭმე-
ლია, ყუთი სულ არა აქვს. მასეთ რამეებს შიშხილობის დროს თუ ჰამდნენ.
ამ ჩვენ ქაობებში, ალბათ, ძალიან დასუსტდი, არა, საზრალევ?

— პირიქით, წონაში მოვიმატე.

— ჩვენ უფრო მარილიანი და მკავე საჭმელები გვიყვარს. ჰო, რა უნდა
მეთქვა. ალბათ მშენებლობის საქმეში ჩახედული იქნები. სახლის აშენებას ვა-
ზირებ და...

ამის გაგონებაზე, დედაბერმა ფროდამ თავი ველარ შეიკავა:

— აშენებას? — სიტყვა შეაწყვეტინა ბიარტურს, — ურიგო არ იქნებო-
და, ჯერ საკუთარი ჰკუა გადაგვეთებინა და ბარემ შეგვლება კიდევ მიგნიდან
და გარედან.

ღიახ, სახლის დადგმა გადაწყვიტა, მაგრამ უფრო გონივრული იქნებოდა,
თუ გამოჩერებულ, დაერდომილ პარაზიტებთან, ღვარძლი და ბორბლები
რომ აღრჩობთ, არ დაეწყო ამაზე ლაპარაკი.

— ასეა თუ ისე, მონარული ვიქნები, თუ კიდევ დაგინახავ ამ ჩემს მიწა-
ზე, დღისით იქნება თუ ღამით.

კაცმა ბიარტურს მადლობა გადაუხადა სტუმართმოყვარეობისათვის და
უთხრა, რომ ამ მშვენიერ ხეობაში კვლავაც ჩამოვა.

ბიარტურმა ახლაც ისე უპასუხა, როგორც პირველი შეხვედრისას:

— მშვენიერიო, ამბობ? ეგ იმაზე დამოკიდებული, როგორ თივას ავი-
ლებთ.

სტუმარი ემშვიდობებოდა ხუტორელებს. ამ დროს მოხდა არაჩვეულებ-
რივი რამ. მოხუც პალბერას თითქოს რაღაც ფიქრი უტრიალებდა თავში, ამ
ქალს არასოდეს არ გამოუჩენია ვინმესთან გამოლაპარაკების სურვილი,

სტუმარს რომ ემშვიდობებოდა, თავისი სუსტი ხელით ჩააფრინდა ხელში და რაღაცის თქმას ლამობდა.

— სწორედ გავიგე, თუ არა, რომ ეს კაცი სამხრეთელია? -- იკითხა პალბერამ.

— ჰო, — ხმამალლა უპასუხა ბიარტურმა, რომ მოხუცს ზედმეტად არ შეეწუხებინა სტუმარი. — რასაკვირველია, სამხრეთელია, რამდენჯერ ვითხარით ეგ.

მოხუცმა თქვა, რომ იმდენად მიხრწნილია, შეიძლება სწორად ვერც გავიგო, რა უთხრეს.

— ყველასთვის ნათელია, რომ ქვევით მიექანები, — შეაწყვეტინა ბიარტურმა.

— ჰოდა, მინდოდა შეკითხა ამ კაცისთვის... მეც ხომ სამხრეთელი ვარ... იქ და მყავს. იქნებ იცნობს ან ოდესმე შეხვედრია ჩემს დას-მეთქი, სამხრეთში.

— არა, — დაუყვირა ბიარტურმა, — ეგ შეუძლებელია. არ უნახავს ამ კაცს შენი და.

— შენ საიდან იცი, დალახეროს ეშმაკმა? — ჩაერია დედაბერი ფრიდა. მაგრამ სტუმარს უნდოდა დაწვრილებით გამოეკითხა მოხუცისათვის მის რდის ამბავი, ეგებ შემთხვევით შეხვედრია კიდევ. რა ჰქვია?

სტუმარმა ჯიბის ფარანი მიანათა მოხუცს. მოხუცი დაძაბული ყურადღებით აცეცებდა სიბერისაგან გამოხუნებულ თვალებს. მის დას ოდრუნი ჰქვია.

— ოდრუნი? რეიკიავიკში ცხოვრობს?

— არა, ის არსად არ ცხოვრობს. არასოდეს არ ჰქონია საკუთარი სახლი. მუდამ ბატონებს ემსახურებოდა, მედლაანდში. იქიდანა ვარო წარმოშობით.

— ეე, აბა საიდან ეცნობება ამ კაცს ეგეთი ხალხი? წერილფეხობა... — შეაწყვეტინა ბიარტურმა.

— უკანასკნელად მისგან ცნობა რომ მივიღე, ვილაცის ოჯახში მუშაობდა პირდალში, ვიკის მახლობლად, და ლოგინად იყო ჩავარდნილი, ფეხი მოეტეხა თურმე. მისი თხოვნით მომწერეს წერილი. ფოსტით მივიღე, ასე ოცდაათი წლის წინათ. ორნი ვიყავით მხოლოდ.

— ალბათ რა ხანია ის უკვე საიქიოს გაემგზავრა, — ექვა ბიარტურმა.

— ფუი! — აღშფოთდა დედაბერი ფრიდა და ისევ ეკვეთა ბიარტურს საბრძოლველად. — ჩვენდა საბედნიეროდ, შენ არა ხარ ღვთისა და ხალხის გამგებელი.

სტუმარმა აუხსნა მოხუცს, რომ ოდრუნს არ იცნობდა, რადგან არასოდეს არ ყოფილა მედლაანდში.

— ოო, მეღალანდიდან ჩემი და დიდი ზანია გადავიდა. -- თქვა მოხუც-

— მაგრამ მაინც სადღაც სამხრეთშია.

— აჰა! — თქვა სტუმარძა.

— დიდი დრო უნდა შორიდან ამბის მოსვლას. -- თქვა მოხუცმა.

— მართალია, — დაუდასტურა სტუმარძა.

— აი, რა მინდა გთხოვო: სალამი გადაეცი ჩემს მაგივრად. თუ ოდესმე შეხვდები ოდრუნს. უთხარო, ქენი სიკეთე, რომ მე, მადლი უფალს, არა მი-
შავს რა, კარგად ვცხოვრობ, მიუხედავად იმისა, რომ დავძაბუნდი სულითა და
ხორციით, როგორც თვითონ ხედავ. და უთხარო კიდევ, რომ ამ ცამეტი წლის
წინათ დავკარგე ტოპურარი. ჩემ- ბიჭებიც დიდი ხანია ამერიკაში წავიდნენ.
ახლა გათხოვილ ქალიშვილთან ვცხოვრობ აქ.

— ეს უკვე იცის! — დაუყვირა ბიარტურმა.

სტუმარძა ერთხელ კიდევ ჩამოართვა ხელი მოხუცს და შეჰპირდა. უსათუ-
ოდ სალამს გადაეცემ ოდრუნს, როცა სამხრეთში ეჩვენებო. სხვებსაც ჩამო-
ართვა ხელი, აუსტასაც გამოემშვიდობა.

— აუსტა სოულილია. — თქვა მან, როგორც პატარა ბავშვს, ისე მოუთა-
თუნა ხელი ლოყაზე და დაუმატა: — ლამაზი სახელი — ლამაზ ხეობაში.
დარწმუნებული ვარ, რომ ეს სახელი არასოდეს დამავიწყდება.

აუსტა იწვა, არ ეძინა, შეჰღალაღებდა ღმერთს, რომელსაც არ იცნობდა
და ფიქრობდა, რომ ის არასოდეს არ დაივიწყებს მის სახელს, არასოდეს...
შეჰხაროდა მომავალ ზაფხულს, როცა ის კვლავ ჩამოვა. შემდეგ ეკვმა გაჭკრა:
იმ საღამოს რისთვის მიდიოდა დასავლეთით, უღელტეხილისკენ?

მეორე დილას, ბავშვები რომ ადგნენ, ტბის ნაპირას აღარ დახვდათ კარა-
ვი.

კოკისპირულად წვიმდა. იგრძნობოდა შემოდგომის მოახლოება. წვიმის
გაუთავებელი შხაპუნით გულგაწვრილებულებს, ეჩვენებოდათ, რომ სხვა სამ-
ყაროდან გადმომსკდარი წყლის ნაკადი ნიადაგ იდენდა შეუწელებლად, მო-
ნოტონურად, თანაბარზომიერად, უპლეველი ძალით დგაფუნობდა წვიმა და
სევდის საბურველში ხვევდა მიდამოს.

თამბაქოს სურნელი დიდხანს იდგა ოთახში. აუსტამ იგრძნო ეს სურნე-
ლი, როცა მინდვრიდან შინ დაბრუნდა კერძის გასაკეთებლად. მაგრამ ნელ-
ნელა იგი მაინც განქარდა და ბოლოს გაქრა.

ბიარტური მშენებლობას იწყებს

უტირედსმირელი იოუნი, როგორც წესი, თვითონ ირჩევდა ცხვრის მუშტარს, ვისაც უნდოდა, იმას მიჰყიდიდა, ფასსაც თავის გუნებისად ადგენდა, გლეხებს კი გასაქანია არა ჰქონდათ, მიჯაჭველნი იყვნენ ტულინიუს იენსენზე თავისი ვალებით. მთელ ოლქში მამასახლისი ერთადერთი კაცი იყო, დუღარავად, ქვეყნის დასანახად რომ ამეღავნებდა სიძულვილს ტულინიუს იენსენისადმი. იოუნი შემოდგომაზე გლეხებისგან ყიდულობდა ცხვარს, მიერეკებოდა დიდ ფარას ჩრდილოეთით, გადაატარებდა უშენს, ჩადენიდა ვიკში და იქ დიდი მოგებით ჰყიდიდა. ვიკში მამასახლისი სავაჭრო სახლის თანამფლობელი იყო. მაგრამ დრო მიდიოდა, ხალხი თანდათან გაიტაცა სამომხმარებლო საზოგადოებებმა. ამ საზოგადოების ერთ-ერთი განყოფილება ვიკშიც გაიხსნა. სავაჭრო სახლი კი, მიუხედავად მამასახლისის ყოველგვარი მეცადინეობისა და თავგამოდებისა, გაკოტრდა. აი, რა რაგ დიდ საფრთხეს უქმნის ამგვარი კუშირები ცალკეულ პირთ ასეთ მძიმე დროში, რაოდენ ძლევამოსილიც არ უნდა იყვნენ ის პირნი. მოსალოდნელი იყო, რომ ასეთი მარცხის შემდეგ იოუნი გააფთრებით თავს დაესხმოდა წერილ გლეხობის გაერთიანებებს --- ერთ-ერთი ამ გაერთიანების მეოხებით გაკოტრდა ვიკის სავაჭრო სახლი. მაგრამ რა მოხდა? მამასახლისმა რეიკიავეიკიდან გამოიძახა თავისი ვაჟი, რწმუნებულა ინგოულფ არნარსონი და მასთან ერთად ჩამოაყალიბა ფიორდში სამომხმარებლო საზოგადოება, ვადაიბირა არა მარტო ვალებისაგან თავისუფალი ახლამახლო მცხოვრები გლეხობა, არამედ ისეთი დატაკებიც, ვინც ბრუნის მძიუ უღელს ვერ დააღწია თავი. იოუნი ამ ხალხს ხელსაყრელ პირობებში აძლევდა სესხად ფულს, ოღონდ კი ბრუნისაგან განთავისუფლებულიყვნენ და მათი საზოგადოების წევრი გამხდარიყვნენ. „ჩვენ, გლეხები, მხარში უნდა ამოვედგეთ ერთმანეთს“, გაიძახოდა იოუნი, და იმ კაცმა, ვინც მუდამ განაპირებულა იყო ყველასაგან, უცებ გლეხობის გაერთიანებისათვის დაიწყო ბრძოლა! ასეთმა ხალხმა მუდამ იცის რით, სად და როგორ გავიდნენ ფონს. თუ ისლანდიელ გლეხებს ვაჭრის მძიმე უღლისაგან თავის დაღწევა უნდათ, ზომები უნდა მიიღონ, ხელი გაანძრიონ, ერთმანეთს მხარში ამოუდგნენ და დაიკვან თავისა ინტერესებით, --- ქადაგებდა უტირედსმირელი იოუნი. სამომხმარებლო საზოგადოება კარგ ფასს. უხდის გლეხებს პროდუქტში, იაფად აძლევს სხვა საქონელს. ეს არსებითად საქმიანი საწარმო კი არ არის, უფრო საქველმოქმედო საზოგადოებაა, გლეხებისგან დაარსებული თვითდახმარებისთვისო. მაგა-

ლითად, თუ გლეხი ოცდაათ ბატკანს გაჰყიდის მსოფლიო ბაზარზე, როცა საქონელი კარგად ფასობს, სამოც კრონ მოგებას ნახავს, ვისაც სამასი—ოთხასი ბატკანი ჰყავს გასასყიდი, თითქმის ოთას კრონს მოიგებს. პატარა პავშინათვისაც კი ნათელია, რაოდენ სასარგებლოა ასეთი საზოგადოებები როგორც ღარიბი, ასევე შეძლებული გლეხობისათვის. არაეინ არაეის მოატყუებსო.

მაგრამ შემოდგომით გლეხებმა ბრუნის წერილი მიიღეს. ვაჟარი თავის კლიენტებს ატყობინებდა, რომ ესაა დაბრუნდა უცხოეთიდან, სადაც არაჩვეულებრივად იად ფასებში შეიძინა საქონელი და დადო ხელსაყრელი ხელშეკრულებები. ასე, რომ, შეუძლია არნახული უპირატესობები აღუთქვას კლიენტებს. წერილს დართული ჰქონდა პრეისკურანტი, საიდანაც ცხადი გახდა. რომ ყველა საქონელს სამომხმარებლო საზოგადოების მიერ დადგენილ ფასებზე გაცილებით ნაკლები ედო. არასოდეს ასე ხელსაყრელი არ ყოფილა ვეკრობა, როგორც იმ შემოდგომაზე. თუ ინგოულფ არნარსონი გლეხს მეგობარო ეტყოდა, ტულინიუს იენსენი ძვირფას მეგობარს უწოდებდა, თუ ინგოულფ არნარსონი გლეხს მხარზე ხელს დაჰკრავდა, ტულინიუს იენსენი ლოჯაზე მოუთათუნებდა. თუ ინგოულფ არნარსონი გლეხს გადაეხვეოდა, ტულინიუს იენსენი — ჰკოცნიდა... ქრისტიანულმა სულისკვეთებამ ვაჭრობაში ყველა ჩვეული და გონიერული საზღვარი გადალახა, გლეხს აღარავინ ახსენებდა ვალს, თითქმის ძალით ახვევდნენ თავს ძვირფას საქონელს, თითქოს ჩაწოლილი საქონელი იყო. ასე თუ გაგრძელდებოდა ერთი-ორი წელიწადი, ყველა შეძლებული გახდებოდა.

ბიარტურმაც ისარგებლა შემთხვევით, ხე-ტყის მასალა და რკინეულობა იყიდა სახლის ასაშენებლად.

— გინდ ბეტონის ორსართულიანი სახლი აიშენე, — უთხრა ტულინიუს იენსენმა და გადაეხვია ბიარტურს, — თუ ფული გაკლია, ნუ მოგერიდება. მითხარი, გეთაყვა, მეგობრულ სამსახურზე არასოდეს არ დაგზარდება.

— მშენებლობას ვიწყებთ, — ამბობდნენ ზაფხულის სავანეში სიხარულით და მოუთმენლობით ატაცებული ბავშვები. ნეტა როგორი იქნება ჩვენი სახლი, ორსართულიანი, როგორც უტირედსმირშია, თუ ერთსართულიანი. როგორიც მთების მეფეს უდგას, მკითხაობდნენ პატარები. ყოველ შემთხვევაში, საცხოვრებელი ოთახის გარდა, დიდი სასტუმრო ოთახიც ექნებათ. მონაჯალმა მშენებლობამ ფრთა შეასხა მათ ფანტაზიას, მაგრამ მამას ვერ უბედავდნენ რაიმეს კითხვას, იმ წუთს მკვახედ შეაწყვეტირებდა ლაპარაკს, არ უნდოდა თავისი გეგმების წინასწარ გამხელა. „თქვენი საქმე აკეთეთ“, — ცივად მოუჭრიდა ხოლმე შვილებს. ბავშვები ემორჩილებოდნენ, ოცნებაში კი სულ უფრო კოპწია და მიმზიდველი ესახებოდათ ჯერ აუშენებელი სახლი. აუსტა

აედავდა დიდ, ნათელ სამზარეულოს, დიდ ქურას ბევრი კომფორტებით, ჭურჭ-
ლის კარადებსა და თაროებს, წინასწარ ხარობდა იმის წარმოდგენით, თუ რო-
გორ მიიჩნებდა ზაფხულში შინ სადილის გასაკეთებლად. და აი, ოღება კარი,
ნათელ, დიდ სამზარეულოში სქელ პალტოში გამოწყობილი სტუმარი შემო-
დის, ხელში ნანადირევი უჭირავს, ფრინველი და ოვეზი, უწვედის აუსტას მე-
კობრულ ხელს, — ზოგიერთებს აქვთ ისეთი მეგობრული ხელი, რომ მთელი
ცხოვრების მანძილზე, თვით სიკვდილამდე გრჩებათ ხსოვნაში. ასე ფიქრობდა
ყმაწვილი ქალი, თან სწუხდა, ახალ სახლში სასტუმრო ოთახი თუკი გვექ-
ნება, სავარძელი და სურათები საიდანღა მოვიტანოთ.

სველი თივის უკანასკნელი ნარჩენები აიღეს. აუსტა სოულილია საგულ-
დაგულოდ აქუჩებდა თივას, მამა ხორცილებს ჰკრავდა. აუსტას საიმოვნებდა
ჰამისთან ერთად მუშაობა, რა შეედრება იმას, როცა მამა აქებდა აი, უკანასკ-
ნელი ხორცი შეჭრეს, ჩამოსხდნენ ზედ გალუმპულები, ტალახში ამოსვრი-
ლები. ბიარტურმა ბურნუთი შეიყნოსა და შრომა-ჭაფით დაქინცული დიდი
ჩელები სველ მუხლებზე დაიწყა. აუსტას წყალი კოჭებამდე წვდებოდა, დას-
ქეროდა თივის ფეხებს. მალაღი შუბლი ჰქონდა პატარა ქალს. არა, ასეთი ძა-
ღალშუბლიანები მის გვარში არ არიან, ყველას დაბალი, ფართო შუბლი აქვს.
წარბებიც მოშვილდული აქვს, მუქი, ესეც სხვა წარმოშობაზე მეტყველებს,
ასევე მოყვანილი, თლილი ნიკაბი, მომრგვალებული ხაზით რომ ამთავრებს
ღაწვის ოვალს. რაოდენ მომხიბლავია მისი სავსე, ლალისფერი ქვედა ტუჩი...
აი, მან შეხედა ბიარტურს, ბიარტურმაც დაინახა მისი თვალები. მარჯვენა თვა-
ლი საოცრად ნათელი, ახალგაზრდული, თითქმის ბედნიერი, სრულიად უშფო-
თველია, მაგრამ მარცხენა თვალიდან, ოდნავ რომ აელმებდა, სულ სხვა სული
აშინებოდა, სულ სხვა გრძნობები — ამოუცნობი, შიშით შეკავებული ნაზი
ოცნება, როგორც მტრის ხელო ჩაჯარდნილ ტყვეს აქვს. ეს დედამისის თვა-
ლია, იმისი თვალი, ვისაც გამოუთქმელი სიტყვები შეეყინა პირზე, დღენიადაც
შიშში იყო და უცებ გაქრა; იმისი თვალი, ვინც ცოლად ჰყავდა და კი არ
ფლობდა მას. ყმაწვილი ქალი ყვავილივით ნაზი იყო, ნორჩი. ბიარტურს მოეჩ-
ვენა, რომ დრო-ჟამის ფარდის მიღმა ხედავდა გარდასულ დღეებს და უცებ
დადლილობა იგრძნო, თითქოს შემოდგომამ შემოაქროლა სახეში; ანდა, უფ-
ლო სწორად, მისი სახე გაიდღლაბა შემოდგომის უფერულ ნისლში. დგებარ.
აკვირდები საკუთარ თავს და რაოდენ უცხო გეჩვენება შენივე ცხოვ-
რება!

— მამა, — თქვა აუსტამ, — როგორ მიხარია, რომ მშენებლობას
იწყებ.

და, უცებ, ყმაწვილმა ქალმა დაინახა მისი სახე, ის სახე, რომელიც მამას არა

სოდეს უჩვენებია, არასოდეს არავის დაუნახავს მის შეტს, თავის ოსტატურ ლექსებშიც კი არ გამოუხატავს — მისი სულის სახე... არავის, არავის არ უნახავს ეს სახე აუსტა სოულილიას გარდა. ბიარტურის ლექსები ისეთი ღვლარკნილი იყო, რომ მათი შინაარსი კნინდებოდა. ასევე იყო მთელი მისი ცხოვრებაც. ოპ, რარიგ უნდოდა აუსტას მკერდში ჩაკეროდა მამას, ჩაემალა სახე იმ ადგილას, წვერქვეშ. ბიარტური ადგა, სველი ხელი თმაზე გადაუსვა შვილს.

— როდისმე მამა დიდ სახლს აუშენებს თავისი ცხოვრების ყვავილს, — ექვა მან, — ოღონდ ამ შემოდგომაზე კი ვერა.

ვერა, ამ შემოდგომაზე ვერა.

ამ შემოდგომაზე ბიარტური იმით დაკმაყოფილდა, რომ ძველი მიწური ფარების ადგილზე, ათი წლის წინათ რომ ააშენა ნაკადულის ნაპირას, ახალი ფარები ააგო და თუნუქით გადახურა. ძროხის სადგომში ბატკნების ბინა გამართეს, საცხოვრებელი ოთახის ქვემოთ კი ძროხისა და ცხენის სადგომები. იტაკი ქვით მოაგეს, გვერდითა კედელში კარი გაჭრეს და იქიდან ნაკელს გაერთ ჰყრიდნენ...

მიუხედავად იმედების გაცრუებისა, ფარების მშენებლობა მაინც დიდი მოვლენა იყო ზაფხულის სავანეში. ხუტორში მოვიდა უცხო ხალხი — მშენებლები, მთელ ოლქში განთქმული ოსტატები. დაიწყეს მუშაობა, დაჭრილი ტორფის ფენებით ამოიყვანეს კედლები. შიგადაშიგ კორდი დააყოლეს და ფარები ზოლებიან ქსოვილს დაემსგავსა. მუშებში ნასწავლი ხუროც ერიო, საბაზავით, ფანქრით და ხერხით შეიარაღებული. თუმც თვალეებში კი ეტყობოდა ხუროს, რომ ყველაფერს გუნებაში ანგარიშობდა.

ნედლი ბურბუშელის სუნი, შემოდგომის წვიმასა და ტალახის მჭახე სურნელს შეერია. ყოველდღე, სადილობისას, ბიარტურის ოთახში ხმამალალი ლაპარაკი ისმოდა, ტრიალებდა სალექი თამბაქოს სუნი მუშებს პირზე ეკერათ ლექსები, სამომხმარებლო საზოგადოება, ცხვარი და ისევ ცხვარი. ჰყეებოდნენ სალდაც შორეულ კუთხეში მომხდარ ახალ ამბებს, დავობდნენ, ჩხუბობდნენ, სვამდნენ დაშაქრულ ყავას...

— ოდითგანვე ასე იყო, ვაჭარი უნამუსოდ იქცეოდა, ჩაგრაჲდა გლესს, ჩალის ფასად ყიდულობდა, მამასისხლად ჰყიდდა, ოღონდ კი ბლომად მოეხვეჭა ფულები. ყველამ კარგად იცის, რომ ვაჭარი გლესის მოსისხლე მტერი იყო და არის.

— ვაჭრები მძიმე დროში მაინც ბევრს უმართავდნენ ხელს.

— ეპ, ხანგრძლივი არ არის ეგ სიყვარული. თუ ცოტა გაიზარდა შენი ვალი, დადგენილ თანხას თუ ასცდა რამდენიმე კრონით, მორჩა, ერთ მუჭა

ფქვილსაც აღარ მოგცემენ. რამდენი ტანჯვა-ვაების გადატანა უხდება დავალიანებულ გლეხს, ვიდრე რომელიმე მეზობელს ან ნაცნობს დაითანხმებს. რომ მან თავის ანგარიშზე გამოუტანოს ის ერთი მუჭა ფქვილი.

— სამომხმარებლო საზოგადოებებმა პროცენტების დარიცხვაც დააწესეს. დანარცხს აკეთებენ იმ თანხაზე, რასაც შენ საქონელში მიიღებ. განა ვაჭარს აზრად მოუვა როდისმე პროცენტების დარიცხვა?

— რედსმირელებისგან რა გასაკვირია ემაგ პროცენტების დაწესება! ალბათ, ლომის არჩივს თვითონ მოსდებენ ტორს.

— შემნახველი სალაროს დაარსებაც გადაუწყვეტიათ ფიორდში. ვინც იქ ფულს შეიტანს, რენტას მიიღებს.

— რენტას?

— ჰო, რენტას. შეიტან შემნახველ სალაროში ფულს და შენი თანხა თითქოს მრავლდება იქ. რომელიმე დარბაისელი კაცი სესხად გაიტანს ფულს და უფრო დიდ პროცენტს იხდის ამაში.

— დიახ, რედსმირელები იმაზეც კი წავლენ, რომ სესხად გაცემული ფული დაჰკარგონ. გამოსავალს მაინც გამონახავენ, დარდი ნუ გაქვო, ზარალს ერთი ორად აინახლაურებენ.

რაც არ უნდა ეთქვათ, როგორც არ უნდა ექოთ და ედიდებირათ სამომხმარებლო საზოგადოებები, ბიარტური მაინც ვაჭრის ერთგული დარჩა. უარწმუნებულები იყო, რომ მისთვის გაცილებით უმჯობესია ვაჭართან დაიჭიროს საქმე, ვიდრე მამასახლისთან. მტკიცედ სწამდა, ეს საზოგადოებები მხოლოდ იმისთვის დააარსეს, რომ თვითონ ისარგებლონ პროცენტებითაც და მოგებოთაცო. ბიარტურმა გუნებაში რამდენიმე სტროფიც კი შეთხზა.

უპოვარივით შარაზე გამოვალ,
ლუქმას ვიმათხოვრებ გლახაკის დარად,
ყველა უღირსისგან მივიღებ წყალოზას,
რედსმირის წყალობას კი, — არა!
მხეცებში ვიცხოვრებ...
ქაობის
ჯუჯებში ვიცხოვრებ გომბეშოს დარად,
ყოველგვარ ჯოჯოსთან ვიცხოვრებ თანხმობითა,
რედსმირთან — არა და არა!

მაგრამ ვაჭრებსა და სამომხმარებლო საზოგადოებებზე მაღლა დგას... ოცნება გულისა, განსაკუთრებით შემოდგომაზე. საღამო უამს. შექყურებ ღრუბლებს, სამყაროს თავზე რომ მიმოჰქირიან, და თვალწინ გეშლება საოცარი სურათები. აუსტა სოულისილია პატარა სარკმელთან ზის, თვალს ადევნებს ღრუბელთ სრბოლას. ქვემოთ ფინა ელაპარაკება ძროხას, აკმევეს და ელის,

როდის მოსწყურდება პირუტყვს. ბებია თავის საწოლზე მოკუნტულა, თითო პირში ჩაუდვია, ფსალმუნს ბუტბუტებს. რა უცნაური ადამიანია: უცებ ირკვევა, რომ მას სამხრეთში და ჰყოლია.

აუსტა ცას შეჰყურებს და, აი, ღრუბლებში ჩნდება სამყაროს რომელიღაც ნაწილების უცნაური მოხაზულობა, მწვანედ ლიელოვებს ცვალებადი ნაპირებით შემოზღუდული ზღვა, ზღაპრული ქვეყნები და ქალაქები. აი, მწვანედ მოსარკული ზღვის სიღრმიდან ამოიზინდენ მეწამულად მოელვარე სასახლეები, შემდეგ ისევ ზღვაში ჩაიმაღნენ თავისი კოშკებითურთ, გაქრა ზღვაც, მის ადგილზე ჩნდება აყვავებული ბაღნარი, ბაღს გარს არტყია უცნაური, ფანტასტიკური მთები ცოცხალი მწვერვალებით. მწვერვალები თავს უკრავენ, ეხვევიან ერთურთს, ვიდრე არ გამქრქალდებიან. უწინ აუსტა საარკმელთან არა მჯდარა, აბლა კი შეჰყურებს ცას და თავის ფიქრებს მასზე ღრუბლებში წარმოქმნილ ცვალებად სურათებს უკავშირებს.

მასზე. არამიწიერი ფერებით მოელვარე ზღაპრული ქვეყნები, ზღვები, ზღვაზე მოქანავე ნაგები, ეს ქალაქები და ბაღნარი, რომელთაც მსრბოლავ ღრუბლებში ხედავს — ყველა ეს მარტოოდენ უტყვი ფიქრია მასზე, მოგონებებია არარასებულზე, ოცნებაა მომავალზე, უნიადავო, ღროის მიღმა. ის, ის, ის... აუსტას ესმის, როგორ ხარბად ისუნთქავს ძროხა პაერს, ესმის, დედა როგორ ელაპარაკება პირუტყვს ცხოვრებაზე... იქ კი, ღრუბლებში, აუსტა მასთან ერთად დაჰქრის ქვეყნებში, როგორც ერთი ხალხური სიმღერა ამბობს:

ჩემი შეყვარებული უემოდგომის გზით შოდის,
ნეტა, რატომ ვლეღავდი, ნეტა, რატომ ვტოროდი??
როგორც აფრა ეული, მე მის ხომალდს ვეშლები,
როგორც ჩიტი ნიზლა, მის ანაზზე ვეშვები.
ჩემი შეყვარებული შორს ცხოვრობდა, სულეყო,
გზა. ბილიკი, ერთთავად თულა და ფარელო...
მაგრამ მე ხომ შეყროდა შვის და გაზაფხულსა,
ბედი გამოჩნდებოდა იმედდაარგულისა.
გაზაფხულის ბაღში გვაქვს პაემანი ორთვეს,
აღუბლები ურეწოდ ორავენ და შფოთავენ.
რაც რამ შიოცნებია, არ გამქრალა ფიქრებად,
ჩემი შეყვარებული მედამ ჩემთან იქნება.

ნეტავი ასე გაგრძელდებოდეს მარად, ასე რომ გაგრძელდებოდეს უკუნიითი უკუნისამდე ამ ცვალებად, მოკაშკაშე ფერთა რიალი.

ასე უსმენს აუსტა საოულილია ყოველ საღამოს ცის უტყვე მუსიკას.

პატარა ყვავილი

მიუხედავად იმისა, რომ ბიარტურს ზამთარში ძროხაც გამოსაკვები ჰყავდა, ახალი ფარები ისეთი ფართო იყო, რომ სულმა წასძლია და კიდე დააპირა ცხვრის ყიდვა. უხაროდა, როგორც კი ფარის ნავროტზე გაშვების საშუალება მიეცემოდა. ბავშვები დარაჯობდნენ ცხვარს ჭაობში.

ბიარტურს უყვარდა ცხვარი, სულ თავის ფარაზე ფიქრობდა და ცხვრის კარგი მომვლელის სახელიც ჰქონდა დამკვიდრებული, მაგრამ დაბეჯითებით მაინც არავის შეეძლო ეთქვა, როგორ გამოიზამთრებდა ცხვარი, უფრო საშიში კი გაზაფხული იყო გაზაფხულზე ხომ პატარა მიზეზი საკმარისია, რომ ცხვარმა შენი ჭირი წაიღოს. ასე იყო საუკუნეობით. ეს უცოდველი პირუტყვი მართლაც სწორედ გაზაფხულზე წყდება.

სამაგიეროდ. იმ ზამთარს ხალხი შედარებით უკეთ ცხოვრობდა. ეს პირველი ზამთარი იყო, უკანასკნელი წლების მანძილზე, რომელსაც ფინა ფეხზე ატარებდა. ფეხმძიმობის ნიშნები მხოლოდ მარტის დამდეგს დაეტყო. პალბერასავით ფინასაც სუსტი ფილტვები ჰქონდა. დილით, ჭურაში ცეცხლის დანთებისას კვამლი რომ დგებოდა, ორივე ქალს საშინელი ხველა აუტყდებოდა ხოლმე, სადამოობითაც ახრჩობდათ ხველა. გარდა ამისა, სახლში ძროხის ფუნის და ცხენის შარდის მძაფრი სუნის ტრიალებდა, ესეც ცუდად მოქმედებდა ფილტვებზე და ფინა ერთთავად შეუძლოდ იყო.

როგორც ყოველთვის, ახლაც ფინა უვლიდა ძროხას, მაგრამ ბოლო ნაწებში ბუკოდლასათვის საძოვარზე მოთიბული ბალახის მიცემა აუკრძალეს. ქალი დაუზოგავად და ხელგაშლით ხარჯავდა კარგი თივის იმ პატარა მარავს. რომელსაც ბიარტური წერბებისათვის და ბატკნებისათვის ინახავდა, რადგან ისინი სხვა საკვებს ცუდად ჰკმდნენ. ფინა თივას დაუყრიდა ძროხას, წყალს დაღლევივებდა, დაჰკვიდა ბოსელს, გაჰქონდა ნაკელი, ასუფთავებდა ბავს, -- ძროხა ვალში არ დარჩება ადამიანს, კარგი მოვლისათვის სამაგიეროს მიუბღავს. ქალი ძველი საეარცხლით აურავებდა ძროხას, თან დიდხანს ელაპარაკებოდა. ხშირად, ბიარტურის მალულად, ძალს მოჰპარავდა თევზის ნარჩენებს და ძროხას აჰმევედა, იშვიათად ცომსაც აძლევდა. ზოგჯერ ძროხა მოიწყენდა. აბღელდებოდა გაბმით, ბრაზიანად, თითქოს აღარ სჭერა, რომ ოდესმე კიდე დადგებოთ გაზაფხული. ფინას ესმოდა, რომ ძროხის გული ასეთ წუთებში მოუსვენრად სცემდა, რომ ცხოვრება ამოა და მტანჯველი ეჩვენებოდა. არც თვითონ უნახავს სიხარული ცხოვრებაში, ესმოდა პირუტყვის წუ-

ხილი, მაშინვე ჩავიდოდა ბოსელში, თავსა და კისერზე ხელს უსვამდა პირუტყვის, ესაუბრებოდა, აღრე თუ გვიან ცხოვრებაში მაინც კეთილი გაიმარჯვებსო, და ჩროხაც თანდათანობით მშვიდდებოდა, ცოხნას იწყებდა. ბებერი ბლესი ამ დროს ტიხარს იქით ზიზღით ფრუტუნებდა. ცხენს უკვე იმედი გადაუწყდა, აღარ ეგონა, თუ ოდესმე თავს დააღწევდა ასეთი სულელი პირუტყვის მეზობლობას, დღენიდაგ რომ იცოხნებოდა და ზეუოდა. ბავშვებმა დედისაგან სწავლეს ძროხის სიყვარული, აფასებდნენ პირუტყვის იმის გამო, რომ ის რძეს აძლევდა მათ. რძემ მათ ოჯახში რაღაც ხალისი და სიხარული შეიტანა. მოხუცი პალბერაც კი გეახლებოდათ, ზოგჯერ ტიტლასაც შეხვდებოდა ცოტა რძე. მხოლოდ ბიარტური არ აკარებდა პირს, ამ „მადის წამხდენ, კუჭის შეკრულობის გამომწვევ სასმელს“. ავადმყოფ ბატენებს კი წამლოზდა რძეში მონარშული საღეჭი თამბაქოთი.

ბავშვები მოფერიანდნენ, თვალში ახალგაზრდული სიჭანაღის სხივი ჩაუღვათ. უწინ ერთთავად ცივდებოდნენ, სულ სურდო ჰქონდათ, სულ მოთენთილები და მოღუნებულები იყვნენ. ახლა სიზანტე საღდაც გაქრა, გამოცოცხლდნენ, გული აღარ უძძიმდათ, აღარ ეჩვენებოდათ, რომ გულ-მუცელი წყლითა და ჰაერით ჰქონდათ სავსე. აუსტა სოულილიას უკეთ ესმოდა პოემების ყველაზე ბუნდოვანი ადგილები. პოემებს მამა აძლევდა წასაკითხად, წერაც ასწავლა, კვამლით გარუჯულ მინაზე გამოჰყავდათ ასოები და ზეპირ ანგარიშშიც გაიწაფა. ამ ზამთრის მანძილზე გოგონა ისე გაიზარდა, კაბები ისე დაუვიწროვდა, რომ სახელოებსა და გვერდებში ნაპრის ჩადგმა დასჭირდა. ეს უკვე თოთხმეტი წლის ლოყებდაჟდა, გულმკერდაბურცული დიდი გოგო უყო. ბოლო ხანებში რაღაც უცნაური შეგრძნება ჰქონდა და დროდდრო უქეიფოდ ხდებოდა. კაბა ისე დამოკლებოდა, რომ მძლავრი, მომრგვალებული მუხლისთავები მოუჩანდა და კაბას ფართო ქობა შემოაყერეს.

ზამთარში ხუტორს პასტორი თევდორე ეწვია, აუსტას უთხრა, აბა წამკითხე რამეო და როცა გოგონამ კითხვა ჩაათავა, აღტაცებაში მოვიდა მისი მიღწევებით. აუსტამ უფროს ძმასაც ასწავლა კითხვა. — კარგია, ძალიან კარგი, მაგრამ საღვთო სჯულიდან რაღა იცის? — იკითხა პასტორმა. თურმე აუსტას არ უსწავლია საღვთო სჯული, იშვიათად ლოცულობდა, ჰვედრებდა ღმერთს, რომელზეც არაფერი არ იცოდა.

— არ ვარგა ასე, არა, — თქვა პასტორმა. — ეს უკანონოა. ბავშვის კონფირმირების დრომ მოაღწია უკვე.

— რაღაც არაფერი მწამს ახალმოდური ქრისტიანობისა, — უთხრა ბიარტურმა. — უწინ კარგი პასტორი გვყავდა. ვინც განსვენებულ გულმუნდურს

იცნობდა, მთელი ცხოვრება ვერ დაივიწყებს. იმ კაცმა ისეთი ჯიშის ცხვარი გამოიყვანა, რომ ჩვენ კუთხეში სამარადისოდ დარჩება მისი ხსოვნა.

ეს ახალი პასტორი კი, ფუი! მაგასაც პასტორი ჰქვია! პირტიტველი დღა-პი! აბა, რა გაეგება ცხვრისა? მართალია, ცხვარზე ლაპარაკი კი უყვარს, ყველას არწმუნებს, ამ საქმის დიდი მცოდნე ვარო, ერთთავად „სასოფლო-სამეურნეო მოამბიდან“ ნასესხები რაღაც თეორიებით არის გატაცებული, ბოლო ხანებში კი აიჩემა, გლეხებმა სპეციალური დავთარი უნდა შეიძინონ, დამლა დააღონ თავის ცხვარს, ყოველი ცხვარი თავისი ნომრით აღნიშნონ დავთარში, რომ შემოდგომაზე ბატკნების ჩამომავლობის დადგენა შეეძლოს. პასტორი ამბობდა, დიდი ცოდვა, მიუტევებელი დანაშაული იქნება როგორც ცხვრის, ასევე საკუთარი თავისა და ოჯახის წინაშე, თუ სანაშენოდ ყველაზე სუსტ ბატკნებს დასტოვებთ იმ მოსაზრებით, რომ მათ სააფიანად ვერ გაასაღებთ. ასეთ შემთხვევაში მომავალი თაობის მამამთავრები ყველაზე სუსტი ეგზემპლარები გამოდგებიანო.

— პასტორი გულმუხლური თავის დღეში არავის ელაპარაკებოდა ცხვარზე, — თქვა ბიარტურმა, — არასოდეს არ ჰქონია დავთარი და სხვა ამის მსგავსი რამ, გარდა ძველებრავული წიგნისა, მაგრამ ცხვრის უდიდესი მცოდნე იყო. მისი მოჯამაგირეები ამბობდნენ, თავის ცხვრის ნაკვალევს სხვისი ცხვრის ნაკვალევისაგან არჩევისო, ჩვენს სამრევლოში მისი მსგავსი კაცი აღარ დაიბადება.

პასტორი და ბიარტური შეთანხმდნენ, რომ აუსტა მომავალ წლამდე დიციდდა, ვიდრე ჰელგიც წამოიზრდებოდა და კონფირმაციაზე ერთად წარსდგებოდნენ. მაგრამ პასტორმა დაბეჭითებით მოითხოვა, ბავშვებმა ამ ზამთარს დაბაში უნდა იარონ საღვთო სჯულის შესასწავლად, თუნდაც მხოლოდ აუცილებელი საფუძვლის გასაცნობადო. გარდა ამისა, სხვაც ბევრი რამ აქვთ სააწაველი, რაც მათი ასაკის ბავშვებმა უნდა იცოდნენ, გეოგრაფია, ზოოლოგია და ისლანდიის ისტორიაო.

— „გეოგრაფიაო“, ბრძანე! ორივეს თავისი ზეღის გულისგან აქვს შესწავლილი ეს ხეობა, იციან ყოველი ბორცვი, ყოველი კლდე, წყარო, ნაკადულის ყოველი მისახვევ-მოსახვევი. არასოდეს, როგორი ამინდიც არ უნდა იდგეს, მზარი არ შეეშლებათ. რაც შეეხება ზოოლოგიას, ამ ხუტორში ყოველი ცხვარი იციან, პირუტყვებთან გაიზარდნენ და ესმით მათი; ისლანდიის ისტორია კი, ვინ იყო გრიმურ ეგირი, პატარა სოფლა?

აუსტა სოფლილიამ დარცხვენით უპასუხა:

— ის გონგუროღვის მტერი იყო.

— სწორია, — თქვა ბიარტურმა, — სიკვდილის შემდეგ ნად ამოჰყო თავი გრიმურმა? — აუსტამ დარცხვენით დახარა თავი და თქვა:

— ჯოჯოხეთში!

— აი, ხოვ ხელად, რა დამართა გრიმურს, პასტორო თევდორე? — გადაიხარხარა ბიარტურმა. ცოტა ხნის შემდეგ კი დაუმატა: — მშვილობით ბრძანდებოდე, პასტორო თევდორე, ეცადე თვითონ არ გაეზა საღმე მახეში.

მარტის დამდეგი იყო. ბიარტური ცხვრის დასახელად წავიდა ჰაობისაკენ. ცვალებადი ამინდი იდგა, ხან თოვლი ბარდნიდა, ხან გადაიწმინდებოდა ცა და შზეც თვალს გამოაჭყეტდა. ბიჭები რიგრიგობით მწყემსავდნენ ფარას. უცებ ბიარტურმა შეამჩნია, ერთ ცხვარს, ხეტიას რომ უძახდა, თავი მთლად გასისხლიანებული ჰქონდა. რქა თუ მოიტეხაო, გაიფიქრა, მაგრამ როცა ქარგად გაუსინჯა თავი, ნახა, რომ რქები მთელი ჰქონდა, ორივე ყურზე კი რალაც ნიშანი დაედოთ. ვერ გაარჩია, რა ნიშანი იყო, ან საერთოდ რა მოხდა იქ. ცხვარს ორივე ყური დაჭრილი ჰქონდა. ბიარტური საგონებელში ჩავარდა. შინ რომ დაბრუნდა, თავისიანებს ჰკითხა, ხეობაში ხომ არავის ჩაუვლია ქვეითად ან ცხენითო? არა, არავისთვის მოგვიკრავს თვალიო, უპასუხეს.

— თუ მართლა არაეინ დაგინახავთ, — თქვა ბიარტურმა, — მაშასადამე, აძლენი წლის მანძილზე პირველად მოხდა ასეთი უცნაური ამბავი. — და უამბო მათ, ერთ-ერთ ცხვარს ორივე ყურზე რალაც უცნაური ნიშანი აქვს დადებულიო.

ჰელგიმ მოულოდნელად უპასუხა:

— მომეჩვენა, თითქოს ვილაც მხედარი პირდაპირ ტბაში შევიდა, როცა თოვდა.

— ტბაში? ჰქუაზე შეიშალე! რა ფერის ცხენი იყო?

— ეს კი ვერ გავარჩიე, მგონი ცხენი არც კი იყო, — უპასუხა ჰელგიმ.

— მხედარი ვილას ჰგავდა, შე შტერო, შენა?

— საშინლად ბარდნიდა იმ დროს და ვერც ამის გარჩევა მოვახერხე. — თქვა ბიჭმა, — მგონი აღამიანს არც კი ჰგავდა.

— მაშ რასა ჰგავდა?

ბიჭმა ვერ აუწერა მამას, რაც დაინახა. რალაც მრგვალი იყო, გუნდასა ჰგავდა, მოგორავდა და ტბაში ჩავარდაო.

ბიარტური ჩაფიქრდა, ჩაფიქრდნენ სხვებიც. საქსოვზე თავდახრილი მოხუცი ჰალბერა, რალაცას ბუტბუტებდა. ეპ, ცუდი ნიშანია, ცუდი!

— იცოდე, გაზაფხულზე ოთხი თვალი გამოიბი. ყველამ რალაც-რალაცეები შეენიშნეთ აქ, ხუტორში. ვიცოდი, განა არა, რომ მოჩვენება კიდევ გამოიჩენდა თავს. მაგრამ დღისით-მზისით ფარაში ცხვრის გამოჩენვა და დამლის დადება...

უკანასკნელი რამდენიმე დღე შედარებით თბილი ამინდი იდგა და უცნა-

ური შემთხვევით დაჯავრებულ ხალხს დარდი გადაეყარა. თბილი ქარი ქროდა, გაზაფხულის შხაბუნა წვიმა მოდიოდა, დაბლობში თოვლი დანდა. ლარტაფები ამწვანდა, გამოიხედა მოყვითალო-მოყავისფრო ჩამქვნიარი ბალახით დაფარულმა ხეობამ, საძოვრებიც შემწვანდა, მდინარე გაიხსნა, ტბაზეც დაიძრა ყინული. ფინა ღია კართან იდგა და ისუნთქავდა გაზაფხულის სუფთა ჰერს. ყვავები ხუტორიდან გაფრინდნენ.

პატარა ნონიმ ცხვრის ძვლები ფერდობზე აიტანა. ერთ დღეს ახალი ამბით დაბრუნდა შინ: მესერის ძირში ბაბუაწვევრამ ამოპყო თავიო, თქვა. წლის ამ დროს მთის ხეობაში იშვიათი მოვლენაა — გაშლილი ბაბუაწვერა. დედა და შვილები გავიდნენ ერთად, უნდოდათ ენახათ პატარა ყვავილო, ასე თამამად და სიხარულით რომ ამოპყო მიწიდან გვირგვინი ზამთრის მზის შესაგებებლად. ბაბუაწვერა — მარადისობის ყვავილი! დედა-შვილნი აღტაცებისაგან გულაჩუყებულნი დიდხანს, დიდხანს დაჰყურებდნენ ამ ახალ მეგობარს, გაზაფხულის ამ მხიარულ მაცნეს ზამთარში. უტყვი მოწიწებით, როგორც მლოცვარნი, რომელთაც წმინდანის ნაწილების ხელის დაკარების ნება დაათეს. თითის წვერებით ნაზად ეხებოდნენ ყვავილს, თითქოს ეუბნებოდნენ: „შენ მარტო არა ხარ, ჩვენც ვცხოვრობთ, ვეშურებით სიცოცხლეს“. ეს დღე მათთვის განსაკუთრებული შუქით იყო გაცისკროვნებული. ზამთრის საშინელებანი ხელად გაქრა, როგორც ცა იყო უღრუბლო და მოწმენდილი, ისეთივე ნათელი ჩაუდგათ გულში. ეს იყო მარად დაუვიწყარი, ყველაზე ბედნიერი დღე მათთვის, უცებ მექვავეას ხმა შეესმათ. მექვავეის პირველი სიმღერა განსაკუთრებით წკრიალებს: თითქოს მოკრძალებაც ისმის ამ ხმაში, მადლიერებაც. წყვეტილიცაა, როგორც მძიმე სუნთქვა სასიკვდილო საფრთხის თავიდან აცილების შემდეგ; და მინც მშვიდი სიხარული ქლერს ამ ხმაში.

ყმაწვილმა ქალმაც, საღეთო სჭული რომ არ იცოდა, დაივიწყა ზამთარი. ნუთუ შიში არ იპყრობდა გრძელი ზამთრის ქარბუქიან დღეებში? როგორ არა. ეშინოდა, ეშინოდა ყველას. ღამე უსასრულოდ გრძელდებოდა, დღე დღეს არ ჰგავდა, ცხოვრობ გაზაფხულისთვის, მაგრამ თითქოს აღარც კი გჯერა, რომ ოდესმე გაზაფხულდება. პირველი ბაბუაწვერა, პირველი მექვავეა — თითქოს ყველაფერი მოვიდა, რისთვისაც ცხოვრობ, ვიდრე მოკვდებოდე. მალე ქაობი ამწვანდება, სიცოცხლე ახალი ძალით იფეთქებს, როგორც შარშან, — გუბებში ჩამდგარი ყანჩები ყმაწვილი ქალებივით თავაზიანად მოგესალმებიან: მთებში პატარა ჩანჩქერი აღმა ასტყორცნის შეხვს, მზისკენ, და ის ჩამოვა — ის ჩამოვა შორეული მხარიდან...

დადგა წითელი პარასკევი, ყველაზე გრძელი დღე წელიწადში. ზაფხულის სავანელები ბუნდოვნად გრძნობდნენ, რომ იმ დღეს ვილაც ჭვარს აჯავს.

ღმერთი იყო ის, თუ იესოპეტრუსი. საერთოდ, ჯვარცმზე ბუნდოვანი წარმოდგენა ჰქონდათ, არასოდეს არ ენახათ ჯვარი და ძნელი წარმოსადგენი იყო მათთვის, თუ როგორ აცვეს ჯვარზე ვიღაც. არა, არავითარ ინტერესს არ იჩენდნენ ამისადმი. დაბაში კი დღენიდაც ამ ძველ მონაგონზე ჰქონდათ ლაპარაკი და სწორედ იმ დღეს აცივდა, გაფუჭდა ამინდი, საღამოს ქარი ამოვარდა, ცა ღრუბლებით დაიგრაგნა. ოჯახი დასაძინებლად ემზადებოდა, როცა თოვა დაიწყო. საღამო ხანს ზაფხულის სავანელი ბიარტურცი მოიღუშა. შუალამე იქნებოდა, რომ წამოდგა, ტანთ ჩაიცვა და გარეთ გავიდა ამინდის შესამოწმებლად. თოვდა, ბარდნიდა, უკვე გოჯის სისქედ დაფენოდა მიწას აეთრი საბურველი. დილას კი საშინელი ქარბუქი ამოიჭრა და ყინვა დაიჭირა.

ოჯახში ყველაზე ნაკლებ ბიარტურს ახარებდა ადრიანი გაზაფხული. გულს როდი უჩუყებდა გაზაფხულის ნიშნები, დიდად არ ენდობოდა პატარა ყვავილს, ან ჩიტის კიკიკს. მიუხედავად თბილი დღეებისა, მისი ცხვარი ცულ მავგომარეობაში იყო. ადრიანი ზაფხულში აღებული თივა დამპალი გამოდგა, და რაკი მინდვრები თოვლით მთლად არ იყო დაფარული, ამიტომ აპყვა ცთუნებას, უფრო ხშირად გაპყავდა ცხვარი გარეთ, ვიდრე ეს მათთვის სასარგებლო იყო. ყველაზე მეტად მაინც ის აწუხებდა, რომ ცხვარს ჭია გაუჩნდა და ჭიის ჩვეულებრივი თანამგზავრები — ხველა, ფალარათი, მოთენთილობა. საკვები თითქოს არ შეერგო მათ, ზოგი ისე დამქლევდა და გილია, რომ ბიარტურს ეშინოდა, არ გაწყდნენო, თან ფიქრობდა, ისევე ფარეხში ხომ არ გამოვამწყვდიო, საძოვარზე აღებული თივით, ან ცომით ხომ არ ვკვებოო. ახლა კი ეს ქარიშხალიც დაერთო, ძნელი გამოსაენობი იყო, რამდენ ხანს გაგრძელდებოდა სააღდგომო უამინდობა, ცხვარი უკვე მიეჩვია გაზაფხულის ქორფა ბალახის წიწვნას ქაობის ტოტთან, ახლა ისევე ფარეხში უნდა შეერეკა, ღმერთმა უწყის, კიდევ რამდენი ხანი უნდა ეკვება დამპალი თივით.

საშინელი დარი იდგა, მძვინვარებდა ქარბუქი, მთა ისე ზუზუნებდა, თითქოს ტროლები გადაირივინენ და მთელი თავისი დოლები აადგანდგარესო. კიზის თავთან გაწოლილი ძაღლი მთელი ტანით ცახცახებდა, ბავშვები ლოგინში შექუპქულიყვნენ. აღდგომის პირველი დღე იმ იშვიათ დღეთაგანი იყო, როცა მოხუცი ჰალბერა თავიდან ბოლომდე კითხულობდა უამინდობის საწინააღმდეგო ფსალმუნს. ეს საოცარი ფსალმუნი ქარბუქსა და ბორგენეულზე მთელ ფსალმუნებში ყველაზე ამაზრუნენი ეჩვენებოდათ ბავშვებს. ფსალმუნის საზარელი გმირი — ბორგენული, დევნილი, გააფთრებული — სიზმრებში ეცხადებოდა მათ მას შემდეგაც კი, როცა ქარბუქი ჩაცხრა. წლების მანძილზე ამ ფსალმუნის გახსენება ზაფხულშიც, როცა გული საგულეს ჰქონდათ,

მთელ სიხარულს უშხამავდათ. სრულიად რომ არ ელოდნენ, მაშინ ამოუტყე-
ტყედებოდათ მენსიერებაში ფსალმუნნი:

1

ვასწყვიტა ჩაქვი — ბორკლი,
რალაც ველური სივით,
ისევ დაიწყო ბრძოლა და
ცხელი მახვილის ტრიალი.
სისხლისსმა იყო საზარი...
შინ კი, მღვიმეში, ტანჯული
თავად ისჯიდა თავის თავს,
თვით იყო თავის მსაჯული.

თუ მოხუცი პალბერა ამ ფსალმუნს ბოლომდე იგალობებდა, ეს იმის ნი-
შანი იყო, რომ ქვეყნად არსებულმა ავმა სულეებმა მიწაში თუ მიწის ზემოთ,
თავი აიწყვიტეს. შიშით შეპყრობილი, ყოველივე ამქვეყნიურისგან განდგომი-
ლი პალბერა ისე გალობდა ფსალმუნს, თითქოს განკითხვის უკმა მოახლოვ-
დაო, ავიწყლებოდა ყოველგვარი მიწიერი ზრახვები, ნელა ირწეოდა წინ და
უკან, მკერდზე გადაეჭვარდინებია დაგრებილ-დაყოკრებული ზელები და
არინწიანი ხმით გალობდა გაზეპირებულ ფსალმუნს.

არასოდეს ზამთარი ისე ძლევამოსილი არ ეჩვენება ადამიანს, როგორც
გაზაფხულის ასეთ დღეებში. და საბრალო, ალალ ბავშვებს, შეძრწუნებულებს
ამ უღმრთებელი ძალით, გარს რომ ეხვია პატარა დამოუტყიდებელ ხუტორს.
უტყვი შიშით უთრთოდათ გული.

აღდგომა დილას დედამ ფეხთ გაიხადა და ისევ ჩაწვა.

თ ა ვ ი ო ც ლ ა მ ი თ ე კ ა მ ა ტ ი

ბ რ ძ ო ლ ა

ხუთი დღე მძვინვარებდა ქარბუქი — და ასეთ მოკლე დროში რარივ და-
სუსტდა ცხვარი! პირს აღარ აკარებდნენ ჭაობის დამპალ თივას. ბიარტურს
სხვა გზა არა ჰქონდა, საძოვარზე აღებული თივა უნდა ეძლია, აქამდე მხო-
ლოდ ბატკნებსა და ძროხას რომ აჰმევედა. მაგრამ განა რამდენ ხანს ეყოფო-
და ეს მცირეოდენი მარაგი მთელ ფარას და ძროხას? რასაკვირველია, პირ-
ველ რიგში ცხვარზე უნდა ეზრუნა, მაგრამ, მეორე მხრივ, ვერც ძროხას
მოაკლებდა კარგ თივას. ბრელოს ხომ ბუკოდლა არ ეკარებოდა, იდგა საყვს

ბაგასთან და ბრანზიანად ზმუოდა. დღითი დღე უშრებოდა რძე. ალბათ იმ დრომდე ვერც მიაღწევს, როცა ნაერთზე გაშვება შესაძლებელი გახდება. მანამდე დიდი დროა, ყოველ შემთხვევაში ივანობის დღესასწაულამდე ხომ არ მოხერხდება ეს, სამაგიეროდ, თუ ამინდი გამოკეთდება და მინდვრად თოვლი დადნება, იქნება ამ თივის ნარჩენით როგორმე გადავარჩინო ცხვარიო, ფიქრობდა ბიარტური. არჩევანი უნდა გაეკეთებინა ძროხასა და ფარას შორის და რაც უფრო გრძელდებოდა უამინდობა, მით უფრო ნათელი ხდებოდა, რომ ერთ მხარეს უნდა დაეძლია მეორე... აი, რაოდენ მძიმე განსაცდელია გაზაფხულის ქარბუქი პატარა ხუტორისათვის ხეობაში. არაფერი გასაკვირი არ არის, თუკი ასეთ დღეებში ჩავარდნილ ადამიანს მოლოხავს, მოდრეკს შიში, უძილო ღამეებიც ამძაფრებს ამ გრძნობას, თვით უმშვენიერესი მოგონებანიც კი ჰკარგავს ელვარებას სიძველისაგან გალუული, გამწვანებული ვერცხლის მონეტასავით. ბავშვები ხედავდნენ, რომ დილით მამა უძილობისაგან თვალეზღაწითლებული დგებოდა. დედა კი ღამიანობით უჩუმრად ღვრიდა ცრემლს და დილით სახე შეშუპებული ჰქონდა. ფინა ჭერ კიდევ ჩადიოდა ქვევით, თავის ძროხასთან, რომ მოფერებოდა, ენუგეშებინა იგი.

— ამინდი მალე გამოკეთდება, — ამბობდა ფინა, — მალე შენთვის და ჩვენთვისაც გამობრწყინდება მზე, თოვლი დადნება და ცხვარი ჭაობზე გავა საბალახოდ, მაშინ საძლომად გექნება კარგი თივა. ამობიზინდება კურთხეული მწვანე ბალახი და პატარა ნონი დედასთან ერთად ფერდობზე აიყვანს ბუკოდლას. ფრინველები კი...

არა, აღარ ემორჩილებოდა ენა, სიტყვა პირში უწყდებოდა, ბავაში დამპალი თივა იღო, ძროხა პირს არ აკარებდა, საცოდავად ზმუოდა. სიტყვები რას უშველიდა ამ დროს. ფრინველები იქნებ კიდევ აჭიკჭიკდნენ ზაფხულში, მაგრამ... ქალი მდუმარედ უსვამდა ხელს ძროხას. განა ფრინველთ გალობა ანუ-გეშებს სიკვდილის პირას მდგომს? შემოფოთებული ქალი ეფერებოდა ძროხას, ის კი გაბმით ზმუოდა.

სააღდგომოდ ამოვარდნილი ქარბუქი, როგორც იქნა, ჩადგა, მზემ გამოანათა, თოვლმა სწრაფად იწყო დნობა, მაგრამ ჭერ მაინც ცვალებადი ამინდი იდგა, ღამიანობით ყინავდა. ბიარტურმა ჭაობისკენ გარეკა ცხვარი. ისლის ნორჩი. ყლორტები ზოგან სანახევროდ, ზოგან მთლად ჩამჰქნარიყო ყინვისაგან, თოვლის თეთრი საფარველიდან გამოიხედა ატალახებულმა, მთლად გადაშავებულმა ველ-დაბლობებმა. ცხვარი ისე დასუსტებულიყო, გაჭირვებით გამორეკეს ფარეხიდან. ზოგი იქვე დავარდა. ნაკადული კი გდლიარა ცხვარმა, მაგრამ მეორე ნაპირზე ასვლა გაუჭირდა, მიოხედავად იმისა, რომ ნაპირი მუხლამდე წვდებოდათ. წინა ფეხებს რომ მოიკიდებდნენ ნიადაგზე, უკანა ფეხებს

უძლურად აფხარკალებდნენ, ტანი ველარ აპქონდათ, ბიარტურმა სათითაოდ ხელით აიყვანა ცხვარი მეორე ნაპირზე, მაგრამ ცხვრები იქვე გაწვინენ, წამოდგომის თავი აღარ ჰქონდათ. ბიარტური ხან ერთს წააგლებდა რქაში ხელს და წამოაყენებდა, ხან მეორეს. ცხვარს სიარული აღარ შეეძლო, მუხლებზე მიხობავდნენ. რას იზამ, ასე ყოფილა პირველ ახალმოშენეთა დროიდან, ცოტას რომ წახობდებოდნენ, ისევე გვერდზე გადაქანდებოდნენ. ქვემოთ, ბლანტ ჰაობში ეფლობოდნენ, აღარ ცდილობდნენ ამოსვლას. ყვავები კვლავ დაუბრუნდნენ ჰაობს, თავს დასტრიალებდნენ ფარას, ელოდნენ, როდის მიეცემოდათ შესაძლებლობა, რომ კლანჭებით ზურგში ჩაფრენოდნენ ცხვარს, ცოცხლად გაეფატრათ, ამოეკორტნათ თვალები. ერთხელ ზედ საძოვრის ნაპირას დავარდა სამი ცხვარი, მაშინაც არ გაინძრნენ, როცა ბიარტურმა ძაღლი მიუსია. ტიტლა ყეფით გარს ურბენდა დავარდნილ პირუტყუებს, ისინი კი მხოლოდ თვალებს აფახულებდნენ. ბიარტურმა ჯიბის დანა ამოიღო, ბალანი გადაუწია, ყელი გამოჰკრა და ჰაობში ჩაფლა სამივე.

თითქმის მთელი ფარა დაავადებული იყო ჭიით. ზოგი ფარეხში დატოვა ბიარტურმა, ეგებ კარგი მოვლით გამოვაკეთო, მაგრამ ცხვარი თივას პირს არ აკარებდა, დილით ერთი ან რამდენიმე ცხვარი ეგდო შვედარი, ან სულთმობრძავი. ბიარტურმა ფინას ჰვავის ფქვილის ცომის მოხელა დაავალა, ზოგი ჰამდა ცომს, ზოგი არც იმას მუეკარა. ჰვავის ფქვილიც ცოტალა ჰქონდათ, დიდხანს არ ეყოფოდათ, მიუხედავად იმისა, რომ თვითონ აღარ ჰამდნენ პურს. საღამოს ბიარტური ცხვრების შეტყუებას ცდილობდა ფარეხში, წინ გაწვილ ხელში ჰვავის კვერულა ეჭირა, უკან-უკან იხევდა, რამდენიმე ნაბიჯს რომ გადადგამდა, კვერს მოაკებჩინებდა ცხვარს. ძნელი იყო ასეთი ხერხით ყოველი ცხვრის ცალ-ცალკე შეტყუება ფარეხში. ბავშვები, როგორც შეეძლოთ, ენმარებოდნენ მამას, რომ ამ ახალი ხერხით შეეგდოთ ცხვარი ფარეხში.

დიახ, როცა ზაფხულში ხედავ ცხვარს, ამ ამაყ პირუტყვს, მთის იალაღების სამკაულს, უშენის დედოფალს, როგორ ლაღად დანავარდობს იგი ფერდობებზე, სერზე გადმომდგარი ბლავის ან ტირიფის ბუჩქნარიდან ეშმაკურად იჭყიტება, ძნელი წარმოსადგენია, რომ ეს სწორედ ის საცოდავი არსებაა, რომელსაც გაზაფხულზე ხედავთ ჰაობში.

ბიარტურს ნელ-ნელა ეცლებოდა ხელიდან ცხვარი, კლავდა დავარდნილ პირუტყვს, მაგრამ უმეტესი ნაწილი მაინც კარგ მდგომარეობაში იყო, ჯანმრთელი ცხვარი მაღიანად ჰამდა, ამიტომ თივა არ უნდა დაეშურებინა, ვიდრე ერთი დერი მაინც ეგულებოდა შინ. ზეინი კი დღითი დღე ილეოდა. ძროხა გამველტყავდა, რაც დრო გადიოდა, მით უფრო ნაკლებ რძეს იძლეოდა.

რალა თქმა უნდა, ოჯახს არ ჰყოფნიდა რძე, მიუხედავად იმისა, რომ ბიარ-

ტურმა ახალი წესი შემოიღო — ასეთი წესი იშვიათი როდია გაზაფხულზე-
დღეში მხოლოდ ერთხელ ჰამდნენ, ხალხიც და პირუტყვიც შიშშილობდა.
ერთხელ ფინამ ჯოხი გამოთალა, თავი მომრგვალებული დაუტოვა და
ზედ მატყლის სქელი ძაფის ფუნჯი მოაბა. ბავშვები გაოცებული უყურებდნენ
ამ უცნაურ იარაღს.

— დედი, ეგ რა არი?

— სათქვეფელა, — უპასუხა ფინამ. — იყო და არა იყო რა, იყო ერთი
საწყალი, გაპირვებული ქალი. ერთხელ იესო ეწვია ამ ქალს, ასწავლა ასეთი
სათქვეფელას გაკეთება და რძის ათქვეფა: რომ რძე მომატებოდა.

იმ რამდენიმე წვეთ რძეში, რის გამოწველაც კიდევ შეიძლებოდა ბუკოდ-
ლას ცურიდან, ფინამ კვეთის პატარა ნაჭერი ჩაღო და რძის ათქვეფა დაიწყო.
რძემ იმატა, იმატა და ქვები პირამდე გაავსო, ვინ იცის, კიდევ რამდენს მოი-
მატებდა, თქვეფა რომ არ შეეწყვიტა ფინას. ბავშვებმა დალიეს ათქვეფილი
რძე და ალტაცებაში მოვიდნენ იესოს გამონაგონით.

ერთ საღამოს ფინამ ქმარს უთხრა:

— ბიარტურ, ჩემო ძვირფასო, როგორმე დაბაში უნდა ჩახვიდე და ცო-
ტაოდენი კარგი თივა იშოვო.

უკანასკნელ დღეებში ბიარტური ხმას არავის სცემდა, მხოლოდ ბრძანე-
ბებს იძლეოდა მოკლედ, მოკვეთით, როგორც შვიკერი საფრთხის ეამს, და
ახლა უცნებ ისე აფეთქდა, თითქოს ბასრი დანა დაუსვებს კანზე:

— ვინ, მე? მე ჩავიდე დაბაში? იქ ჩემი არავის არაფერი მართებს, არა-
ცის.

— კი, მაგრამ, ჩემო კარგო, ხომ იცი, რომ ძროხას რძე გაუშრა. საშინელი
შესახნდავია ის საცოდავი, დღითი დღე იღვევა და ღნება.

— ეგ მე არ მეხება, — მიახალა ბიარტურმა, — არც კი ვიფიქრებ დაბა-
ში თივის სესხებას. ჩვენ დამოუკიდებელი ხალხი ვართ. მე თავისუფალი კაცი
ვარ და საკუთარ მიწაზე ვცხოვრობ.

— ბუკოდლამ ისეთი სიკეთე დაგედო, — თქვა ფინამ.

— დიახ, ვიცი, — წამოისროლა ბიარტურმა, — კიდევ იმდენ სიკეთეს
გვოზამს, რომ მალე ბოლოს მოგვიღებს ყველას, განსაკუთრებით მაშინ, თუ
მისი წყალობით მთელი ცხვარი გამიწყდება.

— სულ ცოტა კარგი თივა, — ემუდარებოდა ცოლი.

— ვერავითარი ძალა, მიწიერი თუ ზეციერი, ვერ მაიძულებს ჩემი ცხვრის
ღალატს. თორმეტი წელიწადი ოფლს ვღვრიდი იმისათვის, რომ ფარა გამეჩი-
ნა, თერამეტი წელიწადი დღედაღამე გასწორებული მქონდა, წელეებზე ფეხს
ვიდგამდი, ვიდრე ვალი არ გავისტუმრე. ცხვრის წყალობით წელში გავიმარ-

თე, ცხვარმა გამხანა დამოუკიდებელი და არასოდეს თხოვნით არავის ვეახლები. ასეთ სირცხვილზე არ წავალ. კმ, ვემუდარო ვილაცას, თივა გამოვთხოვო გაზაფხულზე. ძროხას კი, ძალით რომ მომახვიეს თავს მამასახლისმა და ქალთა კავშირმა იმისათვის, რომ ჩემს შვილებს მანა დაჰკარგოდა, ჩემს ცხვარს კი თივა მოჰკლებოდა, მალე გავუსწორებ ანგარიშს, დიახ, მალე.

— ბიარტურ, — ყრუ ხმით უთხრა ფინამ და დაბნევით შეხედა იმ გადაულახავი შორეთიდან, რომელიც ზოგჯერ ორ აღმამისს აშორებს, — თუ შენ ბიკოლას დაკვლა გადაგიწყვეტია, ჭერ მე მომკალი.

თ ა ვ ი ო ც დ ა მ ე ც ხ რ ა მ ე ბ ი

სიკვდილი გაზაფხულზე

არა და არ დაადგა ამინდის გამოკეთებას საშველი, ცა მოქუფრული იყო, ქარი ზუზუნებდა, ხან სეტყვა წამოუშენდა. მთელ სახლში დაავადებული პირუტყვის მყრალი სუნნი იდგა. ჭია აწამებდა ცხვარს, მათი ხრინწიანი ხველა, ძროხის საცოდავ, გაბმულ ბღაველს ერთვოდა. დილით ფარეხში ხან ერთი, ხან რამდენიმე ცხვარი ეგდო მკვდარი, ცოცხლების ფეხით გათელილი. ზოგს კიდევ ეტყობოდა სიცოცხლის ნიშანწყალი და ბიარტური კლავდა მათ, მერე ჭაობში ფლავდა, დანას ხავსზე წმენდდა, ივინებოდა, წყევლიდა ამქვეყნად ყველაფერს. უკვე ოცდახუთი ცხვარი დაჰკარგა, სულ მოზარდული, საკუთარი ხელით გამოზრდილი. ზუსტად იცოდა, რომელი ცხვარი რომლის ნაშობი იყო, საითათოდ ახსოვდა ყოველი პირუტყვი, როგორც ახსოვთ ახლო მეგობარი, მისი ზნე, გარეგნობა. ამ პირუტყვებთან იყო დაკავშირებული განვლოლ წელთა მოგონებები. ბიარტურს ახსოვდა, როგორი ხალისიანები იყვნენ ისინი, რა ხშირი, ხუჭუჭი ბეწვი ჰქონდათ, შემოდგომაზე მთის იალაღებიდან რომ ჩამორეკავდა ხოლმე, ახსოვდა, როგორ ამაყობდნენ თავისი ბატენებით, როგორ ლოკავდნენ ახალშობილ ბატენებს გაზაფხულზე მწვანედ მოღალანე ღარტაფებში. ყოველ მათგანს თავისი ნიშნები ჰქონდა, თავისებური ზნე, თავისებური აგებულება, დაწყებული რქების მოყვანილობიდან. ერთს შუბლზე გამოფშეკილი ქოჩორი ამშვენებდა, მეორეს ყვითლად მოთრთვილული ბეწვი, მესამეს ცხვარზე ფუნჯივით ეკიდა ბალანი, ერთი მორცხვი გლეხის ქალივით მფრთხალი იყო, მეორე მკვირცხლი და ლალი, თვალის დახამხამებაში გადაეკლებოდა ღობეს, გადაცურავდა მდინარეს წყალდიდობის დროს, მესამეს ღარ-

ტაფებში უყვარდა მალვა... და მან საკუთარი ხელით გამოსჭრა მათ ყელი. სისხლიანი ჭრილობიდან ჭიები გამოცოცდნენ, ცხვრებს მთლად დახრულს ჰქონდა ფილტვები ჭიისაგან. რინგა, სკელა, სკესა, კემპა, გაღლა და სხვები — ეს პირუტყვეები მისი ცხოვრების მამოძრავებელი ძალა, მისი ბურჯები იყვნენ. ოცდახუთი... რომლის ჭერია ახლა?..

ბარდნის და ბარდნის შეუწელებლად, დღესაც ვერ გარეკავენ ცხვარს ჭაობში. სამს ხვალ გამოსჭრის ყელს ბიარტური: კაუპას, ლაუდგას და სპურას. ხუტორში დანა პირს არ უხსნის ხალხს. თივის ზეინს უკვე თავი მოხადეს, საბრჯენები შეუდგეს კორდის თავსახურავს. ღროხა ფეხზე ველარ დგება. მთელი დღე გაუჩერებლად თოვს, საღამოს ისევ აბობოქრდა ქარბუქი, პატარა სარკმელი თოვლით მოიფიფქა. ქარი საკვამურიდან უკან აბრუნებს კვამლს ოთახში, სულის მოთქმა უჭირთ მხუთრისა და სიმყარლისაგან.

სადღაც კი ჰყვარდა ბალები, ბრწყინავდა სასახლეები, ნუთუ ხეობაში ჩაკარგული ეს პატარა ხუტორი მთელ სამყაროს გადააიწყდა? ეს უსახელო ხალხი კი? ნუთუ დიდებით არავეინ შემოსავს მათ გმირობას, წიგნებს არავეინ დაწერს მათზე? ნუთუ ყველასაგან მიტოვებულნი და დავიწყებულნი არიან ისინი?

არა, მთლად ასე არაა: ზღურბლს სტუმრები მოადგნენ, ქარის ზუზუნში ისმის ცხენების ფრუტუნი, აკაზმულობის ეღარუნი, უცხო ხალხის ხმა. ეს დაძაბულობის შენელებაა, ეს გახლავთ განთავისუფლება იმ უტყვე შიშისაგან. მძიმედ რომ დასწოლია მთელ სახლს. ეს ანაზღეული, მოულოდნელი სიხარულია ხალხისა და ძაღლისთვის.

საძვროპის ხერგელში თოვლით მოფიფქული ქალი გამოჩნდა, მის ჩაპუტკუნებულ ტანს უფრო საჩინოდ ხდიდა ვიწროდ შემოტმანსილი რეიტუზები, ალერსიანი მოციისფრო-მონაცრისფრო თვალები ჰქონდა, ქარისგან ატკრივალებული ლოყები. კიბის თავზე თოვლი ჩამოიფერთხა და გაიცინა — ჰა, ჰა, ჰა! გამოაჩინა მავარი, თეთრი კბილები და შეიკურთხა. მისი შოლტი ამ უპადრუკ სახლში, სადაც ერთი ისეთი ნივთი არ მოიპოვებოდა, რომ ოცდახუთი ერე მანც ღირებულებო, ფუფუნების საგანს ჰკავდა. მირელი მამასახლისის ქალიშვილი ოდური გახლდათ. ქალიშვილს ოთახში ფეხდაფეხ ამოჰყვა გამცლებელი, მამასახლისის ერთ-ერთი მოჯამაგირე, რომელსაც დავალებული ჰქონდა ოდურის ჩაყვანა ფიორდში. ხვალ ოდური საფოსტო ხომალდით მიემგზავრება სამხრეთში, უფრო ბედნიერ მხარეს.

— ოო, დიდად პატივცემული ფრეკენი რარიგ შეთქვირებულა! — წა-მოიძახა ბიარტურმა და ალერსიანად შემოჰკრა ხელი თეძოზე, — ერთ ძვალ-საც ვერ მოუსინჯავ, ხელად შეატყობ. რომ ურიგოდ არ ჰკვებავენ. აბა, კარგი,

მაგარი ყავა მოართვით, შაქარს ნუ დაინანებთ, წყალწყალა სასიშველს ნაჩვევი არ გახლავთ. ნუთუ ის პაწია გოგონა დგას ახლა ჩემს წინ, მუხლამდე ძლივს რომ მწვდებოდა, როცა პირველად დაეკორწინდი?

ბავშვები გვერდში ამოუდგნენ ერთიმეორეს და აღტაცებით მიაჩერდნენ სტუმარს. რამოდენაა, როგორი ჩაბუტკუნებული, რა მხიარული, რა ზორბად იგინება. რა შორეულ გზას დასდგომია ოღურმა უკვე ჩამოიფერთხა თოვლი და დგას. ვით მოწიფული მსხმოიარე ხე, ახლად გაშლილი ყვავილების სიმძიმით რომ გადახნეკილა. არა, ასეთ ამინდში შეუძლებელია უშენის გადავლა, მით უფრო ქალისთვის ეს სასიკვდილოდ თავის გაწირვაა. აქ უნდა შეიცადოს, ვიდრე ქარბუქი ჩადგება. ქალიშვილმა მიიხედ-მოიხედა: სად ჩამოჯდეს? საწოლებზე გასწორებული საბნები ნდობას არ უღვიძებდა და ცოლ-ქმრის საწოლის კიდეზე ჩამოჯდა, მასპინძლებს სთხოვა, ყურადღებას ნუ მომაქცევთ და იმედი გამოჰქვა, ქარბუქი საღამომდე ჩადგებაო. ბოლოს, ზრდილობის გამო იკითხა მასპინძლის ცხვირის ამბავი.

— მარტის დამდეგს ვიღაც იყო აქ და ერთ-ერთ ჩემს ცხვირს ნიშანი დაადო, — თქვა ბიარტურმა, — თქვენთან ხომ, დაბაში, ამაზე უარესებიც ხდება.

— დიახ, ცუდი ამბები მოდის დაბიდან, — კვერი დაუკრა მოჯამაგირემ, — ასტადალელმა ოულაფურმა ორმოცამდე ცხვიარი დაჰკარგა, რას არ აკეთებდა, როგორ არ წამლობდა, სულ მეცნიერული წესით, მაგრამ მაინც ვერაფერი გააწყო. უნდირხლიდელ ვინარს ოცდაათი ცხვიარი დაედუბა უკვე. იმედი უნდა ვიქონიოთ, რომ იმქვეყნად უკეთესი საძოვრები დახვდება მათ. გილტიგელმა ტოურირმა უკვე სათვალავი დაჰკარგა, იმდენი პირუტყვი დააკლდა. ამ უბედურებანს ისიც დაემატა, რომ მისმა უმცროსმა ქალიშვილმა ბუში გააჩინა.

— რატომ არ მისთხოვდა თავის სატრფოს? — იკითხა მამასახლისის ქალიშვილმა.

ბიარტურმა გაიცინა და უპასუხა:

— რაც მოგივა დავითაო, ყველა შენი თავითაო. — მერე დაუმატა: — სულ კი ძროხების ბრალია. ბოლოს საქმე იქამდე მივა, რომ წყეული ღორმუცელები შენც შეგსანსლავენ. ამ ოხრებს ხმელთაშუა ზღვასავით უძირო მუცლები აქვთ.

— სამაგიეროდ, მთების მეფესთან მშვიდობაა, ზარალი არ უნახავს, — თქვა მოჯამაგირემ. — უტრიელსმირში ცხვიარს ცომა აქმევენ, მაგრამ მაინც ძალზე დასუსტდნენ, როგორც ხშირად ხდება გაზაფხულზე, და უკვე რამდენიმე ცხვიარი დაკლეს.

დიახ, ბიარტურმა იცის, ასე იყო მუდამ რედსმირში. თუმცა, ერთი

ცხრით ნაკლები ეყოლება თუ მეტი, მამასახლისისთვის რა მნიშვნელობა აქვს, მისთვის თავი და თავი საფერზე ცხენების კვება.

ქარბუქი არ ცხრებოდა, ქალიშვილმა წერტილოვან დაიწყო. წარამარა ჩაბოდა ქვევით, კარს აღებდა, გარეთ იხედებოდა, თოვლი ჰირდაპირ სახეში სცემდა. არასოდეს ისეთი მჩხვლეტავი არ არის თოვლი, როგორც გაზაფხულზე. ოღური ხან იგინებოდა, ხან მიყუჩდებოდა, ბოლოს ისტერიკა დაეპარათა, მთლად დაჰკარგა ჰკუთა, გადარია.

-- ჩემი ძმა ინგოულფი ამ საღამოს მიმელის, ეგონება, რომ დავიღუპე. ღმერთო ჩემო, რა მოხდება, გემს რომ ვერ ჩავუსწრო?

ნუ სწუხნარ, ამელამ ჩაცხრება ქარბუქი.

-- ღმერთო, ღმერთო ჩემო, ოღონდ კი ჩავუსწრო. ოღონდ არ დამაგვიანდეს!

— ქარბუქი მალე ჩადგება.

— იესო, ყოველად ძლიერო, რა მოხდება, თუ გემს ვერ ჩავუსწარი?

— რა უნდა მოხდეს, სხვა გემით წახვალ.

— თუ იმ გემს ვერ ჩავუსწარი...

— სამხრეთში არაფერი შეიცვლება, თუ მეორე ხომალდში ჩაგდები.

— არა, იმ გემს უნდა ჩავუსწრო, — ჯიუტად გაიმეორა ქალიშვილმა, -- თუნდაც დავიღუპო ამ უშენში. რაღაც არ უნდა დამიჭდეს. შაბათს სამხრეთში უნდა ვიყო.

— რა მოხდა ისეთი?

არც ერთი სიტყვა პასუხად. სასოწარკვეთილება. ქალიშვილი წუწუნებდა, პერი არ მყოფნისო აქ, არც საკმელს მიეკარა, არც სასმელს, მაგრამ ღამის გასათევად მაინც ამ აქოთებულ სახლში დარჩა, რადგან სხვა გამოსავალი არ ჰქონდა. ტანთ არ გაუხდია. საძაგრავეში გაეხვია და ერთმანეთზე მიდგმულ ორ ყუთზე დაწვა. ლოგინში ჩაწოლანე უარი განაცხადა, ამის გაგონებაც არ უნდოდა. მთელი ღამე ისმოდა მისი ოხვრა-გძინვა. წარამარა ჩაბოდა ქვევით. რაშია საქმე, ღამის ქოთანნი ხომ არ სკირდებო, იკითხა ბიარტურმა. არა, გარეთ გახედვა უნდა, უნდა გაიგოს, მოიწმინდა ცა თუ არა. გულიც ერევა... შაბათს რეიკიავიკში უნდა იყოს.

კუდად ეძინათ იმ ღამეს ხეტორში. რა დარჩენია რეიკიავიკში? ვის უნდა შეხვდეს? განა აუტასაც ასეთივე მაღალი შუბლი და მოშვილდული წარბები არ აქვს, როგორც ოღურს? აუტა აწურწუტებულ მოზარდი აღარ არის, ნამდვილი ყმაწვილი ქალია, სევდითა და სასოწარკვეთილებით შეპყრობილი. მისი სახლი, — ფიქრობდა აუტა, — ტყეში დგას განმარტოებით. იმ სახლის წინ არ ჩანს ქალიშვილი, როგორც დევზელის ლანგარზეა დახატული.

არა, განმარტობითაა ტყეში შეყუყუებული, ისეთივე სახლია, როგორც ეხატა კედლის კალენდარზე, შარშანწინ თახიდან ბოსელში რომ ჩაუვარდა და ცხვრებმა ფეხით გათელეს. აუსტა პირველი დაეუფლა იმას, იგი მათთან მოვიდა სტუმრად, ოდურთან ზომ არ მისულა. დმერთო ძლიერო, როგორ ოცნებობდა მთელი ზამთარი, გაზაფხულზეც კი, როცა სიკვდილი ესტუმრა ხუტორს. ახლაც მის თვალს ძილი არ ეკარებოდა, იწვა და მხურვალედ ოცნებობდა, როგორც უწინ, უფრო მხურვალედაც კი. მაგრამ ზოგს ზედი აქ დარჩენას და სიკვდილთან პირისპირ შეყარას არგუნებს ხვედრად, ზოგი კი სამხრეთში მიემგზავრება.

აუსტა სოულილიამ გამთენიის ხანს ძლივს ჩასთვლიმა და მალე მხიარულმა კისკისმა გამოაღვიძა. მამასახლისის ქალიშვილი იცინოდა, თურმე გამოიღარა და ოდური სიხარულით აღარ იყო. გამგელებული ეცა თავის ბუტერბროდებს. არა, არ დაიგვიანებს, ჩაუსწრებს ზომალდს. მართალია, თანამგზავრი კი ეჭვობდა, ამინდი სანდო არ არისო, მაგრამ მამასახლისის ქალიშვილმა ისევ დადიკისკისა და წამოიძახა:

— ჯანდაბას ამინდი, განა სულ ერთი არ არის, — კვლავ ჯანდაბა ახსენა, ქვევით ჩავიდა ცხენებთან და იქიდან ამოსძახა გამყოლს:

— რალას უცდი, უკვე შეიძლება გამგზავრება.

გამყოლი კი იჯდა და მასპინძლებთან ერთად ყავას შეექცეოდა.

— რა ყვირილი ასტეხა!

— მიეჩქარება გოგონას, — თქვა ბიარტურმა.

— ჰო, — დაეთანხმა გამყოლი. — ეს დედაკაცები, გათხოვებას რომ დააპირებენ, სულ ასე დაგიუდებიან ხოლმე.

— თვალი მატყუებს, თუ მართლა ძალზე დამრგვალებული აქვს თქოები? — იკითხა ბიარტურმა.

— მე მგონია, ძნელი შესამჩნევი არ არის ეგ.

— აჰა, მამასადამე, თქვენს კუთხეში ვილაცას შემოუვლია?

— შენ გგონია, მარტო შენს ხუტორში ნადირობენ ის სამხრეთელი გმირები სამომხმარებლო საზოგადოებიდან?

— მამ იმ ხროვიდან იყო ის ეშმაკის კერი? რატომ მაშინვე ვერ მიგხვდი, — თქვა ბიარტურმა.

და მინც შარავზამდე მიაცილა სტუმრები.

ამინდს ისეთი პირი უჩანდა, რომ ისევ დაიწყებდა თოვას. ქვესკნელმაც უყოს პირი! არა, ნუთუ ამ ჭინკებს დროზე არ შეუძლიათ საბნიდან გამოძვრომა? ბიარტურმა სატომრე ნაჭერში გახვეული დანები აიღო, გამოხსნა და საწოლზე დადო იმ მხარეს, სადაც თვითონ იწვა. თაროდან სალესი ქვა ჩამოი-

ლო, დააფურთხა და გაისმა ისეთი ხმა, რომელმაც გაჰკვეთა სულიერი თუ უსულო...

— ჰელგი, ადექი, საქმე მაქვს შენთან.

ჰელგი უნდლილად წამოიზღაზნა, ჩაიცვა შარვალი და წინდებს დაუწყო ძებნა. მამა დანებს ლესავდა. ბავშვები საბანქვემოდან იპყიტებოდნენ. ბიარტურმა თმის ღერი გამოიგლიჯა და დანას პირი მოუსინჯა. მერე ყუთიდან ამოიღო დაქანგებული სახრაზნისი, შარვალზე გაისვ-გამოისვა და გალესა.

— ჩაიცივი თუ არა, შე უქნარა?

— რა უნდა გავაკეთო?

— რა უნდა გააკეთო და რასაც გეტყვი. ჩაღი ქვევით.

მამამ ხელისკვრით წინ ვაიგლო ბიჭი და თვითონ უკან გააყვა. ფინა შეშლილივით უყურებდა კიბის თავთან მისულ ქმარს, ორივე ხელში რომ დანა ეჭირა. იქნებ ეგონა ამ გატანჯულ ქალს, ასე რომ სწამდა კეთილის გამარჯვება და რძეს ისე თქვეფავდა, როგორც ქრისტემ ასწავლა, რომ მოტეხდა ამ უღრეკ ნებას დაპყრობისადმი, რომელზეც მთელი საუკუნის მანძილზე — ისლანდიის არსებობის ათასი წლის მანძილზე — შენდებოდა თავისუფლება და დამოუკიდებლობა ერისა.

ქალი კისერზე შემოეჭრო ქმარს და შეჰღაღადა:

— ეს ჩემს მოკვლას უღრის, გუღბიარტურ, ვეღარ ვუყურებ ჩემი შვილების ტანჯვას, აღარ შემიძლია იმის დანახვა, თუ როგორ შიმშილობენ ისინი.

ქალი ქვითინებდა, მთელი ტანი უცახცახებდა, ცრემლით დაცვარულ ყვავილს ჰგავდა.

მაგრამ ქმარმა მხრის აქნევით მოიწორა ცოლი და კიბეზე დაეშვა. ქალი შეშლილივით გაჰყურებდა.

ერთ ხანს ნელი ფაჩუნი ისმოდა ქვემოდან. ბიარტურმა თოკის კონას წვერი გამოუშალა, მერე შეჰკრა მარყუჭი, ძროხა წამოაყენა. ბუკოდლა ძლივს იდგა ფენზე, საცოდავად კვნესოდა. ბიარტურმა გაპირეებით გამოიყვანა პირუტყვი სადგომიდან, გაისმა ძროხის სევიანი ბლავილი.

და იმ წუთს ზაფხულის სავანელი ფინას წინ ჩაიმხვლა ყველაფერი. ამ ჩუმი, თვინიერი ქალის, ასე რომ უყვარდა სიმღერები, რომელმაც ბევრი ბავშვი შობა საშობლოს საკეთილდღეოდ და სიკვდილისთვისაც. იგი კეთილი იყო, ელფებს მეგობრობდა, მაგრამ მისი გული დიდხანს სცემდა შიშითა და ძრწოლით. სიცოცხლე? თითქოს იმ წუთებში სიცოცხლე თავის პირველ საწყისს დაუბრუნდა. მუხლმოკვეთილი ფინა მდუმარედ, უხმოდ ჩაუვარდა მკლავებში მოხუც ჰალბერას, — მიესვენა ღედის ჩამომკვნიარ მეკარზე. ვით მტლე და მტვერი.

(1932 წ. ექსიზების მიხედვით)

ბარსლონა — კოპენჰაგენი
1933—34 წ. ზამთარი.

ნ ა წ ი ლ ი მ ე ს ა მ ე

თ ა ვ ი მ ა ო რ ა ო ო ც ა

ს ა ხ ლ ი ს ზ ლ უ რ ბ ლ თ ა ნ

თუ სიკვდილი გაზაფხულზე ეწვია ოჯახს, მთელი ზაფხული მოშხამულია მძიმე მოგონებებით და როგორი ფიქრები უტრიალებთ გულში შემოდგომაზე, ზამთრის დამდევს?

— წელს რომ გრძელი ზამთარი დაგვიდგეს, — დაიწყო საღამოს ბინდში სახლის ზღურბლთან მჯდარმა უფროსმა ძმამ, — ვთქვათ და ზამთარი გაჭიანურდა, აღარ დაადგა საშველი, ისე იწყო ტრიალი, აი, ძალი რომ ტრიალებს ხოლმე, როცა კუდით ვინმეს უჭირავს. ტრიალებს, ტრიალებს. და აღარ შეუძლია გაჩერება, რამდენიც არ უნდა გააჩერო. რა იქნება მაშინ?

და თავის თავს თვითონვე უპასუხა:

— რა იქნება და არაფერი. უარესი რაღა მოხდება.

— ასეთი ზამთარი არ არსებობს, — უპასუხა უმცროსმა ძმამ. — მაგრამ, დავუშვათ, რომ მართლა დადგა ასეთი ზამთარი და გაგრძელდა, ვთქვათ, ას წელიწადს... მაშინ, ამ ხნის მანძილზე, აი იმ ჩვენი მთის მწვერვალზე ავალ-

— რისთვის?

— რომ იქიდან სხვა ქვეყნებს გადავხედო.

— რომელ სხვა ქვეყნებს?

— რომლებზეც დედა მიაბობდა, როცა ცოცხალი იყო.

— არავითარი სხვა ქვეყნები არ არსებობს.

— მე კი გეუბნები, რომ არის სხვა ქვეყნები. მე ისიც მინახავს, ქარი როგორ აბრუნებს უკან ჩანჩქერს, აღმა, მთის მწვერვალისკენ.

უფროსმა ძმამ, რა თქმა უნდა, არც კი ინება ამაზე პასუხის გაცემა. რო-

გორ არა, ხელად დაუჭერა! ტყუილი დაახეტქა ნონიმ და ეგ არის. მაგრამ ცოტა ხნის შემდეგ უფროსმა დაწყებული საუბარი განაგრძო:

— ანდა დაკრძალვა ავიღოთ! ვთქვათ, დიდხანს გაგრძელდა, ვთქვათ, პასტორმა სიტყვა აღარ დაამთავრა, ილაპარაკა, ილაპარაკა გულის გამაწვრილებლად, აი, ისე, წვიმა რომ ჩამოდის ნოლმე სახლის სახურავიდან და დიდხანს, დიდხანს წკაპუნებს. ვთქვათ, ას ორმოცდაათი წლის მანძილზე პასტორმა სულ „ამინ“ იძახა. მაშინ? რა იქნება მაშინ?

— ეგ შეუძლებელია, ხალხი ადგება და წავა.

— მერე კუბო, ბრიყვო? შენ გგონია. კუბოც ადგება და წავა?

— კუბოს ხალხი წაიღებს.

— შენს ჰკუაზე ხარ, ნონი? ნუთუ გგონია. რომ ვინმე გაბედავს კუბოს წაღებას, ვიდრე პასტორი უკანასკნელად არ იტყვის „ამინს“?

— დედას რომ ვასაფლავებდით, მაშინაც ლაპარაკობდა პასტორი, მაგრამ როცა ყავა მოუნდა, გაჩერდა... მე ვიცოდი, რომ პასტორი, როცა იქნებოდა, გაათავებდა ლაპარაკს.

უფროსმა ძმამ უმცროსისკენ მიიწია, მფარველურად მხარზე ხელი დაადო და უთხრა:

— ნონი, შენ ჯერ ისე პატარა ხარ, არც არის გასაკვირველი, თუ ზოგი რამ არ გესმის.

— ძალიან კარგადაც მესმის ყველაფერი, — სიტყვა მოუქრა უმცროსმა და მხრის აქნევით ჩამოიშორა ძმის ხელი. — რაც შენ გესმის, მეც მესმის. შენზე მეტიც ვიცი.

— კარგი, — უპასუხა უფროსმა. — რაკი ასეთი ჰკვიანი ხარ, მაშ მითხარი. რას ნიშნავს დამარხვა?

უმცროსი ძმა ჩაფიქრდა, გადაწყვიტა, უსათუოდ სწორი პასუხი გაეცა ჩმისთვის. დიდხანს ფიქრობდა, მაგრამ ეერაფერი მოიფიქრა. არა, არ შეეძლო ასეთ კითხვაზე პასუხის გაცემა.

უფროსმა თვითონვე გასცა თავის თავს პასუხი:

— დამარხვა — დამარხვაა, შე შტერო, შენა!

ნონი გაოცდა, ასეთი უბრალო რამ როგორ ვერ მოვიფიქრე!

— დამარხვა არასოდეს არ მთავრდება, — განაგრძო უფროსმა. — გინდაც ხალხი დაიშალოს, გინდაც პასტორმა უკანასკნელად თქვას „ამინ“, გინდაც ჩანჩქერი აღმა წავიდეს, როგორც შენ ამბობ. თითქოს შარშან გაზაფხულზე ნახე ასეთი რამ, თუმც ცოცხალი ტყუილი კი დაახეტქე, ვის უნახავს აღმა ასული ჩანჩქერი? დიან, დამარხვას დასასრული არა აქვს-მეთქი და იცი, რატომ?

— დამეხსენი, აღარ მინდა შენთან ლაპარაკი, სულელი!
— იმიტომ, რომ მკვდარი არასოდეს არ გაცოცხლდება!
— სულ იმის ცდაში რატომ ხარ, რომ ყველაფერში მაჯობო, შენ გამოხვი-
ლე გამარჯვებული. დამეხსენი-მეთქი, — შეუტია ნონიმ ძმას და განზე გაიწია.

— გეშინია?

— არა.

ბინდმა იძალა, აგრილდა. პორიზონტზე მრეში ღრუბლები შეჩქვიფდა, გაავდრებას აპირებდა. ბებია კი ელოდა და ელოდა ახალ მთვარეს.

— ნონი, ყური მიგდე, გინდა რამე გიამბო?

— არა, არ მინდა, — უპასუხა პატარამ. — სულაც არ მინდა შენთვის ყუ-
რის დაგდება.

— გამიგონე, ნონი, ჩვენ რომ აქ ვიჯდეთ ასი, ას ორმოცდაათი წელიწადი და მთელი ამ ხნის მანძილზე ბინდი იდგეს, როგორც ახლაა, მამა კი სულ ერთ და იმავე ცხვარს აქმევდეს ერთი და იგივე ხორომიდან გამომძრობილ ერთი და იგივე კონა თივას, და...

— მამა რომ შინ იყოს, ორივეს მაგრა მოგხვდებოდათ, უსაქმოდ რომ ყრი-
ხართ აქ და სისულელეებს როშავთ, იმის მაგივრად რომ ხელი გაანძროთ, —
წამოიძახა შუათანა ძმამ, გვენდურმა, რომელიც ქურდულად მიეპარა ჰელგისა
და ნონის.

უცნაური ის იყო, რომ შუათანა ძმას იმან კი არ შეუტია, ვინც გაუჩერებ-
ლად ლაპარაკობდა, არამედ იმან, ვისაც „ჯერ კიდევ ბევრი რამ არ ესმოდა“.

— ჩვენ შენ არ გელაპარაკებით, — მიახალა ნონიმ გვენდურს.

უფროსმა ძმამ კი დაუშაბა:

— არც ისეთი სულელები ვართ, რომ შენ გელაპარაკოთ.

გვენდური არასოდეს არ ჩაფიქრებულა იმაზე, თუ რა არის სული. უფრო-
სი და უმცროსი ძმა კი, მარტო რომ დარჩებოდნენ, ერთთავად სულზე ლაპარა-
კობდნენ. ეს აერთიანებდა მათ და შეეკვრნენ ერთმანეთს შუათანა ძმის წინააღ-
მდეგ, შრომის მეტი რომ არა ახსოვდა რა.

— ყოველ შემთხვევაში, მამა იმას მაინც იტყვის, რომ მე თქვენზე ჰკვიან-
ნი ვარ, — თქვა შუათანა ძმამ.

— შერე რა, სამაგიეროდ, დედას ჩვენ უფრო ვუყვარდით.

— ჰმ, დედას! თქვენ კი ერთი ცრემლიც არ გადმოაგდეთ დედის დამარ-
ხვაზე. მირელმა გუდნიმ თქვა, რომ სამარცხვინოდ იქცეოდით. დედას მარბა-
კენ, ესენი კი დგანან, ცხვრებივით დაუპყეტიათ თვალები და პასტორს მიჩე-
რებიანო.

— ნუთუ შენ ფიქრობ, რომ ღრიალს მოვრთავდით მამაჩვენის საამებლად?

არა, ნურას უკაცრავად. ზღუქუნს არ დავიწყებთ. ჩვენ იომსის ვიკინგებივით ვართ. შენ ღრიალეებ, ჩვენ კი ლანძღვა-გინებებს უფრო მოვეყვებით, ვიდრე წირპვლას.

ამ გაცხარებულ ჩხუბში რომ იყენენ, კარში თავი გამოჰყო აუსტა სოული-ლიამ, გახედა ბინდში გახვეულ გზას, კაბის კალთაზე შეიწმინდა წვრილი თი-თები და ძმებს ჰკითხა:

— ბიჭებო, ის არ გინახავთ?

— ვინ ის?

— როგორ თუ ვინ? არც ისეთი სულელები ხართ. კარგად იცით, ვიზეც გვეკითხებით.

— რა იყო, მოკვდა ის, თუ რა არის?

— როგორ არა გრცხვენიათ? ენა როგორ მოგიბრუნდებათ მამაზე ასეთი რამის სათქმელად?

— მაგათ სწორედ ეგ უნდათ. უნდათ, რომ მამა მოკვდეს, — თქვა გვენ-დურმა, — მაშინ ხელს აღარ გაანძრევენ, ეყრებიან აქ, ზღურბლთან, და ძაღლებით იწკავწკავებენ მთელი დღე.

პატარა ნონი შეესიტყვა:

— თქვენ იკითხეთ, თქვე საცოდავებო, თორემ ჩვენ, თუ მოვინდომებთ, ერთ შშენიერ დღეს ავდგებით და სამოგზაუროდ წავალთ, მთელ ქვეყანას მოვივლით.

— ძალიანაც კარგს იზამთ, თუ წახვალთ. წაბრძანდით. რაც მალე გააკეთებთ მაგას, მით უკეთესია. არავის შეშურდება თქვენი ბედი, — უპასუხა აუსტამ ბიჭებს და შინ შებრუნდა. მან ხომ გამოცდილებით იცოდა, რაც არის მოგზაურობა.

ბიჭები ზღურბლზე დარჩნენ.

— ეგეც ღრიალეებდა, — თქვა ჰელგიმ. — ხმამალა, რადგან აღარ შეეძლო გაჩუმება.

— ეგ ხომ წარამარა ტირის. გუშინ სალამოსაც, გუშინწინაც იწირპვებოდა. მაგისთანა მტირალა დედამიწის ზურგზე მეორე არ მოიძებნება.

— მაგას არც კი ეკუთვნოდა ტირილი. ეგ ხომ დედაჩვენის შვილი არ არის, არც ჩვენ მოგვხვდება ნათესავად.

— რას ამბობ, რომელი ჩვენი თვისტომი ეგ არის?

— თვალებზე ხელად შეატყობ, რომ ჩვენიანი არაა, ცალ თვალს აელმებს.

— ჰო, მართლა, თვალმარლია.

— აქაოდა გულმკერდი ქალივით დამიმრგვალდაო, წარმოიდგინა, ვითომც დიდა უკვე და მბრძანებლობს აქ... სინამდვილეში სულაც არ არის დიდი,

რეუილად გავიდა ასე თავს. გუშინ საღამოს, ლოგინში რომ წევბოდა, კარგად დავათვალიერე... ვაი, ყური კი არ მოჰქრას, რაც ვთქვი, თორემ თუ გაიგონა, როცა არ ელი, მაშინ წამოგკრავს ქიმუნჯს.

— მე მაგისი სულაც არ მეშინია. იცი, ჰელგი, მაგასაც მიუძღვის ბრალი დედაჩვენის სიკვდილში. გახსოვს, პალტო დედას კი არა, მაგას უყიდეს. დღეში ორჯერ მაგას ისტუმრებდნენ გაცხარებულ მუშაობაში შინ დასასვენებლად. დედა კი, ისეთი ავადმყოფი, დილიდან ღამეებამდე შეუსვენებლად მუშაობდა.

— ნონი, გახსოვს, როგორ ჩაუვარდა დედა ბებიას მკლავებში და ვეღარ წამოღდა? გახსოვს, როგორ კანკალებდა?

ბიჭმა ამაზე პასუხის გაცემა ვერ გაბედა.

— ეგ იმ დღეს მოხდა, მამამ ბუკოლდა რომ დაკლა, — განაგრძო ჰელგიმ. უმცროს ძმას არც ახლა ამოუღია ხმა.

— ნონი, თუ შეგიძინევია ასეთი რამ: ზოგიერთი ადამიანი სიცოცხლეშივე მკვდარი რომ არის? ნუთუ ადამიანის თვალეში ვერა ხედავ ამას? მე კი ხელად ვამჩნევ, ერთი შეხედვით ვარჩევ ცოცხალს მკვდრისაგან. იმ დღეს, დედა ბებიას რომ ჩაუვარდა მკლავებში, უკვე მკვდარი იყო, წუთისოფელს მოწყდა. გახსოვს, როგორი თვალებით გვიყურებდა საღამოობით?

— კარგი, ჰელგი, გეყოფა, რატომ მტანჯავ მუდამ?

— ხომ ასრულდა ყველაფერი, რაც შერეკილმა დედაბერმა ფრიდამ გვიწინასწარმეტყველა შარშანწინ? ეს სულ მამაკაცის მტარვალობაა, — თქვა მან, — ყველას ბოლოს მოგიღებთო.

ასე ამბობდა უფროსი ძმა. ზოგიერთი ადამიანი უცნაური ნიჭითაა დაჯილდოვებული. მას თითქოს ესმის ბედისწერის ნაბიჯების ხმა, მისი თვალები მიმართულია ყოველად მიუწვდომელისკენ, ის ხედავს სამყაროს მიღმა მდებარე თავბრულამხვევ სივრცეებს, იმ სივრცეებს, რომელთაც ღმერთი ჩვეულებრივ მოკვდავთა თვალს არიღებს, უმაღავს. ნათელმჭკრეტელობის ასეთი უნარი აფრთხობდა უმცროს ძმას, შეცუბუნებული იყო, თავს უმწყოდ გრძნობდა, თვითონ ხომ ვერას ხედავდა, საყუთარი ოცნებების გარდა?

— ჰელგი, რომ იცოდე, რარიგ მინდა, ჩქარა გავიზარდო, — ეტყოდა ხოლმე ნონი უფროს ძმას. იგი ოცნებით ცდილობდა (ეს ნიჭი განსვენებული დედისგან დაჰყვა) თავის დაცვას ბედისწერისა და იმისაგან, რაც ამ ბედისწერის მიღმა იდგა. რა კარგი იქნებოდა, ფრთები რომ ჰქონდეს, ცად აიჰრას ფრინველვით, გადაუქროლოს უშენს, უტირედსმირის მაღალ გალავანს, ტელეგრაფის მავთულებს... მაგრამ როგორც არ უნდა ეოცნება, მაინც გრძნობდა, რომ უფროსი იყო ოთხფეხი პირუტყვივით, და უფროსი ძმა თითქოს ეკლიანი მავთულის ზღუდის მაგივრობას უწევდა. მის ძმას შეეძლო ბინდის გაწეღვა, იგი

ბინდს მარადისობად აქცევდა და ეს მარადისობა აღსავსე იყო ერთი შეძახილით: „ამინ!“ ახლაც კი, როცა ნონიმ განზე გაიწვია, ზღურბლის კიდეზე ჩამოჯდა, უფრო ცივად და სამარისებურად გაისმა „ამინ“.

ნონის უცებ ბრწყინვალე აზრი დაებადა:

— ყური მიგდე, პელგი, — უთხრა უფროს ძმას. — რაღას ვუცდით, რატომ არ გავიქცევით შინიდან? გახსოვს ის ნაშვილები ბიჭი, გილეში რომ იზრდებოდა? ამ გაზაფხულზე გაიქცა. ჰო, გაიქცა! ირბინა, ირბინა აღმოსავლეთით და ვიკში ამოჰყო თავი.

— იმ ბიჭს ვიკში მშობლები ჰყავს, — უპასუხა ნონის უფროსმა ძმამ. --- დედა-მამამ თავისთან წაიყვანა, როცა ის მთიდან ჩამოვიდა. ჩვენ ვინ შეგვივარდომებს? ვინ წაგვიყვანს? არავენ. საით წავიღეთ? არსაით გზა არ გვაქვს.

ისინი ისევ ზღურბლზე ისხდნენ. ბინდი უფრო და უფრო ჩამოწვა, განსაკუთრებით უმცროსი ძმის ირგვლივ. ის ხომ, თავისდა საუბედუროდ, ნათელ მობავალზე ოცნებობდა. ასე ისხდნენ დიდხანს, ბოლოს ნონის მოთმინება აღარ ეყო და ისევ თავიდან დაიწყო:

— როცა დედა ახალგაზრდა იყო, ტყის ფერებთან მეგობრობდა, თავის სამშობლოში, ურდარსელში. შარშან, მე და დედა ერთად რომ ვმწყემსავდით ფერდობზე ბუკოდლას, მაშინ მიაამო ყველაფერი. ხშირად მივალობდა სიმღერებს. დიდი, დიდი ხნის წინათ, როცა სულ პატარა ვიყავი, თურმე ფერიამ უთხრა დედას, რომ ოდესმე მეც ვიმღერებ...

ბიჭმა ვერ გაბედა იმის თქმა, რომ მომავალში, როგორც ფერიამ უწინასწარმეტყველა, მთელი ქვეყნისთვის უნდა ემღერა. ეშინოდა, უფროსი ძმა სასაცილოდ აიგდებს ჩემს სათუთ ოცნებასო, რადგან ყველაზე სანუკვარი სურვილებიც კი უღრმესი სევდითაა მოცული და პატარა ბიჭმა მოკრძალებით თქვა:

— ალბათ რედსმირის საყდარში ვიმღერებ.

— რას არ უამბობენ პატარა ბავშვებს. ნუთუ ეს არ იცი? ჰოდა, რატომ? სწორედ იმიტომ, რომ ჯერ კიდევ პატარები ვართ. დედა მეც მიამბობდა ფერიებზე. მან მითხრა, რომ შორეულ მხარეს ცხოვრობენ ფერიები, რომ იქ ყველაფერი სხვანაირია, ქარბუჭიც, კარგი ამინდიც, მზეც, დღეებიც კი სულ სხვაგვარიაო. მერე დედას ბავშვი შეეძინა და ის ბავშვი მოკვდა, თვითონ კი დიდხანს ლოგინად იყო ჩავარდნილი. ღამეებს თეთრად ვათენებდი მაშინ, ყურს ვუგდებდი მის სუნთქვას, მის ტკივილს ვგრძნობდი. ხანდახან, საღამო ხანს, ქარბუჭში შინიდან გავიქცეოდი, მივადგებოდი ერთ კლდეს, მერე მეორეს, მესამეს, ვეჩურჩულებოდი მათ. ყინულის ქერქს შემოვამტვრევდი, რომ უკეთ გაეგონათ ჩემი ნათქვამი, ვემუღარებოდი, უშველეთ დედას-მეთქი. იმიტომ, რომ მის მონაყოლ ზღაპრებში კლდეები შველოდა ხალხს. ერთ ღამეს ათ, რა-

ტომ ოცდაათ კლდეს არ ვთხოვე შეველა. ვფიქრობდი, თუ ერთ კლდეში არ არიან ელფები, მეორეში იქნებიან-მეთქი, ეგებ შეისმინონ ჩემი მუდარა, უშველონ დედას, გვიშველონ ყველას. დედა კი მაინც მოკვდა. მითხარი, რატომ არ უშველეს ელფებმა დედას? შენ ხომ ფიქრობ, ყველაფერი მესმისო. იმიტომ არ უშველეს, ნონი, რომ ისინი არ არსებობენ. არა, არც ამ კლდეში. არც იმ კლდეში, არც ერთ კლდეში არ არიან, გესმის? დედა იმიტომ გვიყვებოდა ამ ზღაპრებს, რომ ჩვენ პატარები ვიყავით, თვითონ კი ძალიან კეთილი იყო.

— ტყუილებს ჩმახავ, — ცრემლნარევი ხმით შესძახა ნონიმ. უფროსი ძმის სიტყვები მწარედ მოხვდა გულში.

— როცა წამოვიზარდე, — განაგრძო უფროსმა ძმამ, — დღისით ხშირად მივატოვებდი ხოლმე საქმეს, ავირბენდი ოთახში, სადაც ავადმყოფი დედა იწვა, მინდოდა მეკითხა, მართალია თუ არა, რასაც მიამბობდა. მაგრამ ვერც ერთხელ ვერ გავებდე ამის კითხვა. „თუ მართალია, — ვფიქრობდი, — მაშინ ელფები უშველიან დედას, გვიშველიან ყველას, თუ ტყუილია, რისთვის უნდა გაიგოს დედამ, რომ უკვე პატარა აღარა ვარ და ყველაფერი მესმის?“ მეერ მამა შემოვიდოდა და გამაგდებდა ხოლმე.

— მიჰქარავ, მიჰქარავ, მიჰქარავ! — აყვირდა პატარა-ნონი და უფროს ძმას მუშტები დაუშინა, თითქოს ეს იყო ყველაზე თვალსაჩინო, დამამტკიცებელი საბუთი, რომ არსებობს სხვა უკეთესი სამყარო.

— ნონი, გახსოვს, უამინდობის საწინააღმდეგო ფსალმუნი? — ჰკითხა პელგიმ ნონის, როცა ის გაჩერდა. — ყური მიგდე, ნონი. რაღაცას გიამბობ.

— არ მინდა, — უთხრა ნონიმ. — თავი დამანებე! ვერ გამიგრა, რას ჩამაცივდი, რატომ არ დამეხსნები?

— თუ შეგიძინევია, ნონი, როგორც კი რაიმე მოხდება, ბებია მაშინვე იტყვის ხოლმე: „განა არა, ვიცოდი, ამაზე უარესსაც ელოდეთ... დილიდანვე გულმა შემომკვნესა. ცული ნიშანია“. რაც არ უნდა მოხდეს, ვერც სინარულს შეატყობ, ვერც მწუხარებას. არაფერზე დაიჩვილებს. გახსოვს, რა თქვა, დედა რომ გარდაიცვალა და აუსტამ ზეწარი გადააფარა? ბებიამ დედას აყოცა და თქვა: „სულაც არ მიკვირს“.

— ეგ იმიტომ, რომ ბებია ღრმა მოხუცია, თითქმის ასი წლისაა, — ისე ჩუმად ჩაილაპარაკა ნონიმ, თითქოს თავისთვის თქვაო.

უფროსი ძმა ამაზეც შეეკამათა:

— არა. ნონი, არა. ეგ იმიტომ, რომ ბებიას ყველაფერი ესმის, ყველაფერი იცის, რაც ხდება ცისა და მიწის შუა. გახსოვს ის ბორგნეული, მხეცებში რომ იბუღებდა? სწორედ იმაზეა ლაპარაკი უამინდობის ფსალმუნში. ვისაც ბებიის ესმის, მას ყველაფერი ესმის.

— დედა არასოდეს არ კითხულობდა ფსალმუნებს, — თქვა პატარა ნონი. — მამა კი ამბობს, არავეთარი იესო ქრისტე არ არსებობსო.

— იქნებ, მართლაც არ არსებობს, მაგრამ ის ულევი კი, ფსალმუნში რომ არის ნახსენები, სხვა ვინ იქნება, თუ არა კოლუმპილი? ეს ნამდვილად ვიცი. საიდან ვიცი? საიდან და, საკუთარი თვალით ვნახე. როდის? განა ერთხელ და ორჯერ? ერთ საღამოს მამა შინ მოერეკებოდა თავის ფარას, კოკისპირულად წვიმდა, ჩვენი ერთი ცხვისათვის ვილაცას ყურები ჩამოეხია, აი, მაშინ დავეინახე კოლუმპილი. საკუთარი თვალით დავეინახე, როგორ მივიდა ერთ ცხვართან და რაღაცას უკეთებდა, არ ვიცი კი რას. ჰო, ნონი, ის ნამდვილად კოლუმპილი იყო.

— კოლუმპილი? — ჰკითხა შეცბუნებულმა ბიჭმა.

— შარშან ზამთარს ყოველდღე რომ გვეხოცებოდა ცხვარი, სულ კოლუმპილის ჯადოქრობის ბრალი იყო. ამიტომ გაწყდნენ; კი, ის იყო, ის... შვიდგზის მოჰკლეს და შვიდგზის აღსდგა მკვდრეთით... ამ ხეობაში ხომ მან დაანგრია ხეტორი, შვიდგზის დაანგრია, ჰო, ეს მთელმა სამრევლომ იცის. მე ყოველ დღე ვხედავ კოლუმპილის.

— მიჰქარავ, არაფერსაც არ ხედავ! — შესძახა ატირებულმა ნონიმ და ისევ დაუშინა ძმას მუშტები.

— იცი, ნონი, რატომ ვხედავ? — ჰკითხა უფროსმა ძმამ. ხელი ჩასჭიდა პატარა ნონის და ყურში ჩასჩურჩულა: — იმიტომ, ძეო, რომ მეც მკვდარი ვარ. აბა, თვალეებში ჩამხედე და დარწმუნდები, რომ ცოცხალი აღარა ვარ.

ორი ძმა—ორი წინააღმდეგობა: ერთი ავსებს მეორეს. მარადიული წინააღმდეგობაა განსახიერებელი ადამიანში. ეს იყო შემოდგომაზე, სახლის ზღურბლთან, ბინდბუნდში, როცა ყოფნა-არყოფნას შორის იშლება საზღვარი. ღრუბლებიდან ნამგალა მთვარე გამოცურდა.

თ ა ვ ი ო რ გ ო ც ლ ა მ ი ა ნ ო თ ი ა

ვ ი რ თ ა ვ ვ ე ბ ი

(ხაშობაო მარხვა)

ბიარტური ფარეხში მიდის. საშინლად ყინავს, დღესაც ვერ გარეკავენ ცხვარს საძოვარზე. მოხუცი პალბერა, ჩვეულებისამებრ, ებრძვის ცეცხლს. ძლიერსდა ამოძრავებს გახევებულ თიფებს. კვამლში გახვეული ბავშვები

საბანქევო მოკუნტულან, სძინავთ, ან უკვე გაიღვიძეს და ყურს უგდებენ ფიხის სუსტ ტკაცუნს. ასე იყო შარშან, ასე იყო შარშანწინ. მანამ, ვიდრე ბებია აუსტასთვის მოიცილოს და ამოდ შეეცდება მის გაღვიძებას, პატარა ნონიკ ამოდ ცდილობს გულისყური მოიკრიბოს იმაზე, თუ რა შეიძლება მოხდეს სადმე. ოდესმე, ვის რა შეიძლება შეემთხვას! შარშან მთელი ოჯახი იტანჯებოდა. შეძრწუნებულები, თრთოლვით ყურს უგდებდნენ მძიმე სუნთქვას, სამუდამოდ რომ შეწყდა უკვე, როგორც ერთ სიმღერაშია — შეწყდა ჟღერა გაწყვეტილი სიმისა. წავიდა, განქარდა მწუხარება, რომელშიც თავისებური სიხარულიცაა. რადგან მწუხარება განაახლებს, აალორძინებს ყოველივეს, რაც კი ჩაქვდა ჩვენს სულში. ლამაზი ლანგარიც დიდი ხანია გატყდა.

ჯერ ცეცხლი არც კი გაჩაღებულა, რომ მამის ფეხის ხმა გაისმა, ვახლებული. სწრაფად მოაბიჯებდა, ამოვიდა თუ არა ზევით, დასტაცა ხელი ცხვრების დასაკლავ დანას და ბულიდან ამოაძრო.

— ოჰო, როგორც ეტყობა, კიდე ვილაცის მოსპობა გადაუწყვეტია, — ჩილაპარაკა მოხუცმა ქალბერამ.

ბიარტური მოლაპლაპე დანით ხელში მივიდა შეილებთან და ლოგინიდან წამოაყენა.

— აბა, ბავშვებო, წამოდით ფარეხში, ნახეთ, რაც მოხდა და მაშინ ბებიაც გაიგებს ყველაფერს.

— ნეტა ვილას გააკვირვებ იმით, რატ აქ ხდება? — თქვა მოხუცმა. — ყოველ შემთხვევაში, მე ვერა.

იმ ზამთარს ფარეხი სწრაფად ცარიელდებოდა: სუსტები იღუპებოან, უკეთესები რჩებოანო, ამბობდა ისტადალელი ოულაფური, საკუთარ თავსა და სსეებს ანუგეშებდა ამ სიტყვებით, ადგილობრივი და უცხოეთის გაზეთები ერთიანად რომ იყო აჭრელებული. მართლაც, იმ ზამთარს ბიარტურის ფარეხში, ბაგასთან, ისეთი ჩინებული ეგზემპლარები იდგნენ, ულამაზესნი, რომ უკეთესს ვერაფერს ნახავდა კაცის თვალი. მართალია, ცოტანი დარჩნენ, მაგრამ ბიარტურმა ძალზე შეიყვარა ისინი, მგონი, იმაზე მეტად, ვიდრე უწინ მთელი ფარა უყვარდა. ბიარტურს არ ჩვეოდა წუწუნის, არც ახლა ჩიოდა, ცხვარი გამიწყდაო. ზოგიერთს უყვარს ვიშვიში, ბიარტური კი ასეთი აზრის იყო. ადამიანს ის უნდა ახარებდეს, რაცა აქვს, უფრო სწორად, ის, რაც დიდი დანაკლისის შემდეგ შერჩაო. ყოველგვარ განსაცდელსა და უბედურებაზე, რაც კი შეიძლება გლახს თავს დაატყდეს, ჭია როდი გახლავთ უარესი, გაცილებით საშიშია ავი სული, რომელსაც ვერაფერს მოუხერხებ, გინდაც ბლომად გქონდეს კარგი თივის მარაგი, პირუტყვს მინც არაფერი შევლის, სულა-

ღობა მცირდება. მართალს ამბობდა მოხუცი ჰალბერა, ჯერ სადა ხართ, ამაზე უარესსაც მოელოდეთო. ავმა სულმა თავი აიწყვიტა და ბობოქრობს.

იმ დილას ბიარტური ცხვრებისთვის საცვების მოსამზადებლად წავიდა ჯარებსში და რა დაინახა? ღმერთო ძლიერო, ეს რა ჩაქვილია კიბის საფეხურებში? მკედარი ცხვარი, ხერხემალჩამტვრეული, ჩვარივით მოთელილი. რქით გამოსდებოდა კიბის ნაპირს. ბიარტურმა თავი ვეღარ შეიკავა, უნებლიეთ აღმოხდა წყევლა. მერე ცხვარი ამოათრია, ფარეხის წინ დადო თოვლის ნამქერზე და შინ წავიდა შვილების წამოსაყვანად. ჰოდა, დგას შვილებთან ერთად ღრუბლიანი ცივი დილის მოციხფრო შუქში და გაოცებული დაჰყურებს მკედარ პირუტყვს. არის ისეთი დღეები, როცა ყველაფერი უაზრო და გაუგებარი გვეჩვენება, არის ისეთი დღეებიც, როცა ყოველივე ნათელი და გასაგებია. ალბათ ცხვარს სათივეზე უნდოდა ასვლა, ზევით რომ მიფორთხავდა, კიბის საფეხურებში ჩაიჭვდა რქით და დაიხრჩო, თქვა გვენდურმა.

- ჩერჩეტი! — წამოისროლა ჰელგიმ.

ჰატარა ნონიმ ძმას ხელი სტაცა, მაგრამ უმალ გაუშვა. აუსტა სოულილია კბილს კბილზე აცემინებდა.

— სულ არა ჰგავხარ დედაშენს, — შეუწყრა ბიარტური ბავშვს. — განა იმას უბრალო რამე შეაშინებდა და კანკალს დაიწყებდა?

აუსტა მოყვა ბტკიცებას, რომ მას არაფრის არ ეშინია, შიში ხომ სამარცხენია, სცივა და ამიტომ კანკალებს.

ოჯახი ისე ააღელვა ამ ამბავმა, რომ ორი დღე ვეღარ დაიმშვიდეს გული.

ხუტორს დაბიდან ამოსული ხალხი მოაწყდა, მოდიოდნენ სრულიად უცნობი კაცები, ბიარტურს გულზე ცეცხლი ეკიდებოდა, პირქუშად შეხვდა ყველას, არავითარი სურვილი არა მაქვს ვილაც ვიგინდარები შემოვიჩვიო სახლში და ყავით გავეუმასპინძლდე, მაგათთვის ნარცხი უფრო უპრიანი იქნებაო. ღმერთმა უწყის, ვინ არიან, პატიოსანი ხალხი კია? ეგებ სულაც ისინი იპარავენ ცხვრებს? უწინ ასეთმა ნაძირალებმა ზაფხულის სავანის გზა არ იცოდნენო.

— რაო. რა მოხდაო? თუ ამის გამოსაძიებლად გარჯილხართ, მაშინ გადაეცით სხვებს, რომ ხახამშრალეები დარჩით. არაფერიც არ მომხდარა, გესმით!

და პირში ჩალაგამოვლებული სტუმრები თავთავიანთ გზას გაუყვნენ.

მესამე დღეს ბიარტური ბატკნების დასახელებად წავიდა, ფარებსში ფეხი შედგა თუ არა, უცებ რალაცას აპკრა თავი. «ეს რალაა?» — გათიქრა და მოჰყვა წყევლა-არულვას. მისი ერთ-ერთი ყველაზე საუკეთესო ბატკანი თოკით ჰერზე იყო ჩამოკიდებული. ბიარტურმა შექრა თოკი, გულდასმით გასინჯა და დარწმუნდა, რომ ოჯახში ასეთი თოკი არ ჰქონია. «არა, შეუძლებელია, ასეთ რამეს ვერ მოიღობდებოდა ადამიანი!» ბიარტურს არ შეეძლო დაჯერება. რომ

ქვეყნად არსებობდა ისეთი სასტიკი და სულმდაბალი ადამიანი, რომელიც ცხვარს ჩამოახრჩობდა. „არა, ადამიანი ვერ იზამდა ამას!“ — ბიარტურმა ფარებს შემოუარა, დააკვირდა თოვლს, თოვლი მკვრივი იყო, მოყინული, არსად ჩანდა ნაკვალევი. არა, რაღა მაინცადამაინც ზაფხულის სავენელი ბიარტურის სახლში დატრიალდა ასეთი სასწაულები, რომელსაც არც ეშმა სწამს, არც ტარტაროზი, არც მოჩვენებები? მიუხედავად იმისა, რომ ბიარტურს გულზე ცეცხლი შემოენთო, მაინც არაფერი შეიმჩნია, შინ რომ მივიდა, შევიღებს არ აგრძნობინა, რა ბოღმა ახრჩობდა, ერთი ბატკანი მატყლით გამძლარა და დაკვალა, თქვა. არ უნდოდა ვისმეს და, მით უფრო, მის შვილებს, ეგრძნოთ, რომ შეხედულება შეეცვალა, რომ ძველებურად მტკიცედ ვეღარ უარყოფდა მოჩვენებებისა და აესულთა არსებობას. მას ხომ სწორედ ეს სიმტკიცე აძლევდა დიდ მორალურ ძალას, როგორც სხვას არ გააჩნდა. არ უნდოდა შვილებს ეგრძნოთ მისი მღელვარება, მაგრამ ბოლო ხანებში მომხდარმა უცნაურმა ამბებმა ძალზე შეაშფოთა, მართო რომ შევიდოდა ფარებსში, დაღვრემილი ათვლიერებდა თავის ცხვრებს, თან ჩუმად ღუღუნებდა: „ჩანდაბას, ეშმაკებში“, — ღღეში ასჯერ იმეორებდა ამ სიტყვებს, ისე იყო მოშლილი, რომ საქმეს გულს ვეღარ უღებდა, ხელს ვერაფერს ჰკიდებდა ვერც შინ, ვერც გარეთ.

— სუფთა წინდები მომეცი, გოგონი, — უთხრა ბიარტურმა აუსტას. — დაბაში მივდივარ.

— დაბაში?

— ჰო, მგონი ფარებსში ვირთაგვები გაჩნდნენ, — ისე მოიგონა ბიარტურმა, როგორც კიბოთი დასწრელებული არწმუნებს ყველას, მუცლის გვრემა მაწუხებს, მეტი არაფერიო.

— ვირთაგვები? — გაიოცეს დაბაში, — საიდან გაჩნდნენ? თაგვები რომ გეტქვა, კიდევ ჰო, მაგრამ ვირთაგვები კი, საოცარია...

ბიარტურმა მოხუცებსაც შეუარა — ოულაფურსა და ეინარს. ისინი ისხდნენ და ამინდზე ბჭობდნენ, თან ბურნუთს იყრიდნენ ცხვირში, როგორც შობის დღეებშია მიღებული. ბიარტურმაც შეიყარა ბურნუთი, ჩაერია საუბარში. შეუძლებელია, საიდან უნდა გაჩენილიყვნენ ვირთაგვებიო, შეიცხადეს ოულაფურმა და ეინარმა. ბიარტურმა უპასუხა, რომ, მისი აზრით, დიდი განსხვავება არ არის თავსა და ვირთაგვას შორის. ეინარმა თქვა, რომ ადვილი შესაძლებელია მის შეხედულებას ანგარიში არც კი გაუწიონ, არაფრად ჩააგდონ, მაგრამ ის მაინც დაწმუნებულია, რომ ვირთაგვა ვირთაგვაა, თაგვი კი თაგვი. ჰო, მართლა, ვიდრე არ დავიწყებია, ერთი ლექსი უნდა მისცეს ბიარტურს, ფსალმუნის ყაიდაზეა დაწერილი, შემოდგომაზე თიბვას რომ მორჩნენ, მაშინ შეთხზა.

— თავის დროზე, — დაიწყო მან, — შენს პირველ ცოლზე და ასევე მეო-

რე ცოლზე შევთხზე ლექსები. ორივე საუცხოო ქალი იყო, მათი მსგავსი ძნელად მოიძებნებოდა სადმე. მაგრამ გამოუცნობია გზები უფლისა. რაც შეეხება მაგ შენს საქმეს, თუ თავი გაჩნდა ფარეზში და თუ ცხვარს ყელში ჩააფრინდა, მაშინ, როგორც ძველი ხალხი ამბობს, თუმც განთებში კი ჭერ არაფერი დაუწერიათ ამაზე, თავი ისე უნდა მიაქცილიტო ჭრილობაზე ცხვარს, რომ შიგნეულადა ზედ მიეწებოს. ეს უებარი საშუალებაა.

— მოსახსენიებელი ლექსები იგივე ფსალმუნებია, მე კი ფსალმუნების მოტრფიალე არ გახლავართ, დალახვროს ეშმაკმა, გინდ ცოცხლებზე იყოს დაწერილი, გინდ მკვდრებზე, სულ ერთია, — თქვა ბიარტურმა. — შენ ეს დიდი ხანია იცი, ეინარ. იომისის ვიკინგებზე არასოდეს არავის დაუწერია ფსალმუნები, მაგრამ ისინი გმირულად დაეცნენ ბრძოლაში, და რამდენადაც მახსოვს, გრეტირისათვის შური იძიეს მიკლაგარდში* ყოველგვარი ფსალმუნების გარეშე. გრეტირი კი, თვითონაც კარგად მოგეხსენება, პირველი კაცი იყო ისლანდიაში. წართალია, ჩემი ორივე ქალი იმჭეყუნად გადაბარგდა, მაგრამ მაინც არ მესმის, რა საჭიროა ფსალმუნების მიტმასნება. ყოველგვარი საღვთო თუ სასულიერო სიტყვა გუნებას მიმღვრევს. აი, თუ რომელიმე თქვენგანი კატას მომყიდის, მეგობრულ დახმარებად ჩავთვლიდი. გინდაც კატა ავი იყოს, მაინც მადლობელი დავჩნებით.

სალამო ხანს ბიარტურმა ტომრით კატა მიიყვანა შინ და იატაკზე დასვა.

— ეს რა არის? — იკითხეს ბავშვებმა.

— კატაა, — უპასუხა ბიარტურმა და ოჯახი მთელი სალამო შეჰხაროდა კატას.

მთელი დაბა ისე ალაპარაკა ამ ამბავმა, როგორც ამინდზე ლაპარაკობდნენ გაუთავებლად. ახლა ყველას ეს ეკერა პირზე, ერთიმეორეს გადასცემდნენ: „ზაფხულის საენეში ვირთავგები გაჩენილან“. და აი, კიბის თავზე დგას კატა, ეკვით, თითქოს ქაღილით ავლებს ოჯახს იქაურობას, გუგები გაფართოვებია. აი, ასწია თათი და საცოდავად დაიქნაელა, თუმც მხნედ კი ეკირა თავი. ისლანდიაში, რაც უნდა შესაბრალისად კნაოდნენ კატები, სიმხდალეს მაინც ვერ დასწამებენ, ვერავინ გაბედავს იმის თქმას, რომ ისინი შშიშრები არიან.

— ბავშვებო, თვალი გეჭიროთ კატაზე, ძაღლს არ შეეებას, — გააფრთხილა შვილები ბიარტურმა შინიდან გასვლისას და უცებ გაიფიქრა: „ეს რა ამბავია ჩემს თავს, შევიშალე, თუ რა არის? ერთი უყურეთ, ვითომ დავიჭერე, რომ კატა რამეს მიშველის?“

მაშ ასე, ხუტორში გაჩნდა კატა. დღისით-შუხისით იჭდა ოთახში და ყურს

* მიკლაგარდი — კონსტანტინეპოლი (ძველისლანდიურად).

უგდებდა, როგორ გააგებთ ყველა ძალი ეზოში. კატა აღიზიანებდა ძალს. როგორც კი მიუახლოვდებოდა, ძალს ბალანი აეშლებოდა, ყმუილს მოჰყვებოდა. ძალი რომ ოთახში ავიდოდა, კატა ხელად შეხტებოდა ფანჯრის რაფაზე, იქ მისთვის საკმარისი ადგილი იყო, ერთ ხანს იქიდან ყურადღებით ადევნებდა თვალს ძალს, თანდათან უწვრილდებოდა გუგები და ბოლოს ფილოსოფიური იერით ნაბავდა თვალს. როგორც კი ძალი გავიდოდა, კატა ისკუბებდა რაფიდან და მოხუცი ჰალბერას ლოგინზე გადახტებოდა, საგულდაგულოდ გაილოკავდა ტანს, მერე გორგალივით დაეხვეოდა და ტკბილად იძინებდა. მოხუცი ავაზაკსა და გაიძვერას უძახდა კატას და მაინც კატა სულ მას ეტმასნებოდა. რადგან იგი იმდენად სიტყვებს კი არ აფასებდა, რამდენადაც მოპყრობას, მოხუცი კი ისეთი გულმოწყალე იყო, კიანვევლას ფეხს არ დაადგამდა. საოცარია, როგორ ეტმასნებიან კატები მოხუცებს. იქნებ ამის მიზეზი ის არის, რომ მოხუცებს არ ახასიათებთ ჰირვეულობა, არც მოულოდნელი სიფიცხე და აფეთქება. მათთან გულმშვიდად გრძნობენ თავს — ეს გახლავთ სიბერის მთავარი ღირსება. თუმც, ვინ იცის, იქნებ ერთმანეთისკენ ის უფერული, უღიმღამო რაღაც იზიდავთ, რაც ქრისტიანობის, სულზე წარმოდგენის მიღმა იმალება?

თავი ორმოცდახუთე

მარცხენა ღაწვი

რა ქნა „ავაზაკმა“ კატამ, მოულო თუ არა ბოლო შორეულ ხეობაში მღგარ ხუტორში ვაი-ვაგლახსა და ხათაბალას? მოახერხა რამე?

ყოველ საღამოს ბიარტური ილიაში ამოიჩრია კატას და ფარეხში მიჰყავდა. რა თქმა უნდა, დიდ იმედებს არ ამყარებდა კატაზე, ფხიზლობდა, გვიანობამდე არ წვებოდა. მოხუცი ჰალბერა და ბავშვები რომ დაიძინებდნენ, ის კიდევ დიდხანს ტრიალებდა ფეხზე. აუსტა სოულილია ყველაზე გვიან წვებოდა, ფუსფუსებდა, რეცხავდა, აკერებდა, მერე იბანდა, თავი წესრიგში მოჰყავდა. აუსტამ უკვე მიადწია იმ ასაკს, როცა გოგონები კოპწიაობას იწყებენ. თავს უკლიან, საგულდაგულოდ იბანენ. აუსტაც ღამე გააცხელებდა წყალს და იბანდა წვივებს მუხლამდე, ყელს, გულ-მკერდსა და მხრებს. „ღეე, — ფიქრობდა ჰიარტური, — ყოველ ქალიშვილს უყვარს სისუფთავე, ჭყუშპალაობა, კობტაობა. ეს რამდენიმე წელიწადს გასტანს. ახალგაზრდობა ხომ გაფურჩქვნის ხანაა. განა ბალახი არ ისრუტავს ცვარს ზრდის დროს? შვილები რომ გაუჩნდებათ, ქა-

ლებს თავის მოსავლელად აღარ სცალიათ“. ბიარტურმა ლამპა ჩააქრო, დაწვა, ხელები თავქვეშ ამოიღო, მაგრამ ჭერ დაძინებას არ აპირებდა. აუსტა სანთლის შუქზე თმას ივარცხნიდა, სარკის ნატეხში იყურებოდა, ქვედატანის ამარა იდგა. მერე სამხრეები ჩამოიწია და ილღიები დაიბანა. „საყვარელი ბავ-
ეში, დაქალიშვილდა უქვე. ასეა, აბა აქ რას გააწყობ“. მაგრამ აუსტამ კარგად იცოდა, რომ მამა უყურებდა, ამიტომ შებოჭილი იყო, საგულდაგულოდ არ შეეძლო დაბანა, ეს ხომ ურცხვობა იქნებოდა. უცნაურია, მაგრამ აუსტა თითქოს სულ იმის ცდაში იყო, რომ მამა დაერწმუნებინა, ცუდს არასოდეს მოვი-
მოქმედებ, გულშიაც არ გავივლებო. რა იყო ამის მიზეზი, რად ცდილობდა ამას? იმიტომ, რომ ჭერ კიდევ ბავშვობისას, უცხო ქალაქში, ერთხელ ის მამას მიეკრა და მას შემდეგ ვერა და ველარ დაივიწყა ეს. როცა კი გაახსენდებოდა ის წუთი, აღმური გღაღუვლიდა სახეზე, განსაკუთრებით უწინ, ვიდრე მისი დე-
დნაცვალი ცოცხალი იყო. ამოუტივტივდებოდა თუ არა მენსიერებაში ეს სურათი, თავზარდაცემული თრთოდა. საოცარია უზაყველი ბავშვობის ცთომი-
ლება, რაოდენ სიცოცხლისუნარიანია და დიდხანს სტანჯავს, გულს უღრღნის აღამიანს. სინამდვილეში ხომ საიმისო არაფერი მომხდარა! გოგონა დააფრთხო დიღმა სამყარომ, მაშინ პატარა ბავშვი იყო, მან კი ხელი ჰკრა და წავიდა. აუსტა
ვერ გარკვეულიყო, რა მოხდა, ამ ამოუხსნელი, ბუნდოვანი შემთხვევის გახსე-
ნებაზე გული შიშით ეკუმშებოდა და ეს შიში მუდამ თან სდევდა. როგორც კი
აქაზე დაფიქრდებოდა, უფრო უცხოველდებოდა შიში, როცა მტკიცედ გადა-
წყვეტდა, აღარ ვიფიქრებ ამაზეო, უფრო მწვავედ სტანჯავდა მოგონება, ძილშიც
კი არ ასვენებდა, ელანდებოდა უცნაური მხეცები, აჩრდილები, ბორბოტი ხალხი,
ხან ხეობაში დაეხეტებოდა გზააბნეული, გამოსავალს ვერ პოულობდა. უფრო
ხშირად კი სიბინძურე, ნაგვის გროვა ეზმანებოდა, ყრიდა იმ ნაგავს, ასუფთა-
ვებდა აქაურობას, მაგრამ ნაგავი ისევ და ისევ გროვდებოდა. რა იყო, ისეთი
რა ჩაიღინა? ურიგო რამ ხომ ფიქშიაც არ გაუვლია. ის უმწურო, უბედური იყო—
და მეტი არაფერი. ამგვარი ფიქრები დიდხანს, დიდხანს სდევდა და აწამებდა
ბავშვს. ოო, არა, არასოდეს მამაკაცის წინ არ გაიხდის პერანგს, მით უფრო მა-
მის წინ.

ბიარტური ხელავდა მხოლოდ მის ღაწვს, რომელზეც სანთლის შუქი სცემ-
და; რა თქმა უნდა, წარმოდგენაც არ შეეძლო, თუ რანაირი ფიქრები სტან-
ჯავდა აუსტას. ეს იყო აუსტას მარცხენა ღაწვი და ეჩვენებოდა, თითქოს მის
სულსაც მარცხენა მხრიდან ხელავდა, ხელავდა უქულმა პირით გადმობრუნე-
ბულო სულს, უბედურებითა და სევდით აღსავსეს. იგი ათასი წლით იყო უფ-
როსი ყმაწვილქალზე, ეს სხვა საუკუნის სული იყო—უნდო, მერყევი სურვილე-
ბით, ვნებიანი აღქმით, სევდითა და საშინელი სიძულვილით აღსავსე. როცა

მარჯვენა მხრიდან შეხედავდა გოგონას, მისი ქვედა ტუჩი ლამაზად მოხაზული და სავსე ჩანდა, მარცხენა მხრიდან კი მოღრეცილი, არც კი გჯეროდათ, რომ თხუთმეტი წლის გოგონაა. თითქოს აუსტას სახე რაღაც დიდ დანაკარგზე, თითქმის სიბრმავეზე მეტყველებდა,—ეს სიბრმავე კი საოცრად შეესატყვი-სებოდა მის შინაგან სამყაროს, რომლისთვისაც უცხოა ლტოლვა უკეთესისკენ, თითქოს იგი გამსჭვალული იყო სიკვდილისადმი ისეთი ზიზღით, რაც აიოლებს ყოველგვარი მარცხის გადატანას, რაგინდ გულისმომწყველებელიც უნდა იყოს ეს მარცხი.

— ყური მიგდე, გოგონი, — თქვა ბიარტურმა და გაიფიქრა: „ეს რა მემარ-თება. გამოუყეყეჩიდი, ჭკუაზე შევიშალე?“

აუსტამ სწრაფად აიწია სამხრეები და შიშით მიაჩერდა, თითქოს სუნთქვაც კი შეეკრა, თვალეში რაღაც უთრთოდა. რა დააშავა?

არაფერი, მას მხოლოდ უნდოდა ეთხოვა, რომ გოგონა მისკენ მარჯვენა მხრით შებრუნებულიყო, მარჯვენა მხრიდან უყვარს ადამიანის ყურება, დედა-მისსაც ასე ეუბნებოდა, როცა ეარშიყებოდა, დიდი, ძალიან დიდი ხნის წინათ.

— მარცხენა მხრიდან სულ სხვანაირი ხარ, თითქოს ბოროტმა ფერიამ შენს ადგილზე სხვა დააყენაო, ვილაც მახინჯი. აი ასე, ასე კარგია. არ გაცივდე, ხში-რად ბანაობ, დიდხანს გიყვარს ჭყუმპალაობა, ეგ კი მვენებელია. როცა ძა-ლიან საჭიროა, მაშინ დაიბანე მხოლოდ. აი, მე დიდხანს არ ვბანაობ ხოლმე. დილით ბეზიას მოეხმარე, მოტყდა უკვე, დაძაბუნდა და ცეცხლის დანთება უჭირს.

ცოტა ხნის შემდეგ ბიარტური წამოდგა და ფარეხში წავიდა შესამოწმებ-ლად, წესრიგზეა თუ არა ყველაფერიო.

ყველაფერი წესრიგზე იყო. კატის მწვანე თვალეები ხან ფარეხის შორეულ კუთხეში გამოანათებდა, ხან ბაგასთან, ხან კიდე კიბის საფეხურზე. კატას და ბიარტურს ერთმანეთი ეზიზღებოდათ. ბიარტურს ძალიდ უფრო უყვარდა. შინ რომ დებრუნდა ბიარტური, აუსტა დაწოლილი დახვდა. „კარგად თუ დაიფარა საბანი საბრალო ბავშვმა?“ მიუხედავად იმისა, რომ კატა ფარეხში ჰყავდა, ბიარტურს გული მაინც არ ჰქონდა საგულეს, ღამე რამდენჯერმე დგებოდა და ფარეხში მიდიოდა, დაათვალიერებდა, ოთხივე მხარეს გადააფურთხებდა და გა-მობრუნდებოდა.

ცა ვარსკვლავებით მოჭედოდა. ძალიდ ჰაერს უყეფს. თითქოს ყველაფერა ჩვეულებრივად. — ხალხს მშვიდად სძინავს, ხედავენ სიზმრებს, ეზმანებათ ვერცხლის მონეტები — ორი კრონი, ხან ოცდახუთი ვრე, ხან თვალუწვდენელი ზოგა და ხან პატარა ტბა.

საუბარი ზეზუნებრივ ქალეხთან

საშობაო მარხვის მეორე ნახევარში ამინდი შეიცვალა. თოვა დაიწყო. თოვდა და თოვდა განუწყვეტლად, ბარდნიდა მშვიდად: წყნარად, დაყინებით. შესტკერი ამ ფანტელებს, ნელა რომ ეშვება დაბლა და გეჩვენება, თითქოს მთელ სამყაროს მოსწყდეს, თითქოს არც კი არსებობს.

— რა კარგია, როცა არაფერი არ ხდება, — თქვა ბიარტურმა. — ზოგი ვერ იტანს ერთფეროვნებას, არა, კეთილ ინებე და, როგორც პატარა ბალებს, მიაროვით ცვალებადობა. გონიერ ადამიანს ცვალებადობა არ უყვარს.

მაგრამ ქვეყნად არავინ ისე იოლად არ იტანს ერთფეროვნებას, როგორც კატა. აი, სარკმელთან მონამქერებულნი თოვლის ბორცვები ამოიმართა, თითქოს რუხ-მოციხფრო შალის საბნებში გახვეულანო, კატა კი ზის და ზის, თვალებს წკურავს, სასაცილო გამომეტყველება აქვს—მედიდური და ცბიერი. აი, შეწყდა თოვა, ცა მოიწმინდა, ყინვამ იმქლავრა, სუსხიანმა ქარმა თოვლი მობუქა. იმ ზამთარს თივა საკმაო კქონდათ, სტიქიური უბედურება აღარ აშინებდათ ხუტორელებს. ბობოქრობს თუ არა ავი სული ძველებურად? არა, თითქოს დაშოშმინდა. შიში, რამაც ბიარტური დაბაში კატის საქებრად ჩაიყვანა, თითქმის მთლად მიუწედა. ბიარტურმა კატას ზურგზე ხელი გადაუსვა და თქვა: „ემანდ ძაღლს არ შეებას“. ბოლო ხანებში მომხდარ უცნაურ ამბებზე რომ ფიქრობდა ბიარტური, თვითონვე უკვირდა, ვერ გაეგო, როგორ მოხდა, რომ დაიჭერა. თითქოს კატა მოერეოდა ავ სულს. მიუხედავად ამისა, მაინც გული დაიარხებინა. ღამდამობით აღარ მიდიოდა ფარეხში ცხვრების დასახედად.

მართალია, ბიარტურმა კატა გაიჩინა, მაგრამ აქმა სულმა როდრ დაყარა ფარ-ხმალი. არა, ის ყინვას ელოდა, რომ თოვლზე ნაკვალევი არ დაეტოვებინა. ერთ დილას ბიარტური, ჩვეულებისამებრ, წავიდა ცხვრების მისახედად. ფარეხში რომ შევიდა, ფარანი ანთო, მიმოიხედა და საზარელი სურათი გადაეშალა თვალწინ: ათი ცხვარი ეგდო ძირს, ზოგი მკვდარი, ზოგიც სულთმობრძავი; ზოგისთვის ყელი გამოეღადრათ, ზოგისთვის თავის ქალაში ჟანგიანი ლურსმანი ჩაერჭოთ, ზოგისთვის კი კომბლით გაეხეთქათ თავი. ძნელია ასეთ საზარელ, შემადრწუნებელ ამბავზე ლაპარაკი და უთუოდ ამიტომ იყო, რომ გულბიარტურ იოუნსონი არც მაშინ და არც შემდეგ არავის ელაპარაკებოდა ამაზე, თავგზადაკარგულმა, სიმწრით გადარეულმა ბიარტურმა ქუდი მოიშვილა, ხელები თავზე შემოიჭირა და ასე იდგა ერთ ხანს. მერე სათითაოდ გასინჯა ცხვარი, ზოგი კიდევ სუნთქავდა, ისინი დაკლა და გულზე მოწოლილ ბოდმას გასაქანი მისცა.

წებრუნდა. ხელები დამუშტა, წყევლა-კრულვას უთვლიდა კოლუმცილის, მის კახპას—გუნეერს, იფურთხებოდა, ორთაბრძოლაში იწვევდა მათ, გადმონახია ბიბლიური თუ წარმართული წყევლა-კრულვა, გამოდით, ღია ადგილზე, ამ ფარენხის წინ შემებითო, მიმართავდა ის ავ სულებს, სხვა, აბა, რა შეეძლო, რაღა დარჩენოდა? ორთაბრძოლაში იწვევდა ყველა ავ სულს ერთად: გამოიჩინეთ ვაჟკაცობა ორთაბრძოლაში, თუ ღირსების რამ ნატამალი გაგაჩნიათ, გამოდით, ნუ იმალებითო. ვითომ რა დიდი ეშმაკობაა, ქურდულად შემოპარვა და პირუტყვის ხოცვა, როცა ყველას სძინავს? — ყვიროდა ბიარტური, თან მუშტს უღერებდა გახვეებულ ცასა და მიდამოს. მერე ხმა ჩაუწყვდა, ენა დაება და აყმუვლდა. აყმუვლდა ძაღლიც. ეს შკრეხელობაა, ნამდვილი შკრეხელობა. მორჩა, დალუპულია. აღმოსავლეთით სუსტი ნათელი ჩავარდა ცაში.

ბიარტურს თავში გაუელვა, წყევლა-კრულვით ავ სულს როგორ მოვიშორებო. გაახსენდა ერთი ძველი თქმულება ეშმაზე, რომელსაც ხალხის წყევლა ძალას ჰმატებდა. რა გზას დადგომოდა, რა უნდა ეღონა? იქნებ მოხუცი პალბერა როგორმე ფარენში მოჩანჩალდეს და თავისი ფსალმუნი იგალობოს? ან იქნებ პასტორი ამოიყვანოს? ეგებ ძველებრაულ ენაზე ასენონ იესო ქრისტე? ეს იმას როდი ნიშნავს, რომ ზაფხულის სავანელმა ბიარტურმა ღვთისმეტყველება ირწმუნა. არა, ის თავისუფალი კაცია, რელიგია არ სჭირდება. განა მოწინებებთან პირისპირ შებმისა ეშინია? არა, არასოდეს არ შეშინებია სიბნელის, საერთოდ არაფრის.

ძველი თქმულება ამბობს, რომ მოჩვენებების დათრგუნვა შეიძლება, თუ რომელიმე უძველეს ენაზე წარმოთქვამენ ქრისტეს სახელს, ამ ძალას მორჩილებსო ავი სული. თუმცა, რა იმედი უნდა ჰქონდეს იმისა, რომ ახალგაზრდა, ქაჩალი პასტორი თვედორე თავისი განსწავლულობით სძლევს და ალაგმავს ავ სულს, როცა სხვა პასტორებმა, შელოცვის ოსტატებმა ვერა გააწყეს რა? ერთადერთი კაცი მათ კუთხეში, ვისაც ძალუძდა ავ სულთა დათრგუნვა, დიდი ხანია მიიცვალა.

ბავშვები თოვლში იდგნენ და თვალს ადევნებდნენ მამის ყოველ მოძრაობას. კედლის შვერილზე ბიარტური ერთიმეორეზე ალაგებდა მკვდარი ცხვრების თავებს. ბოლოს პატარა ნონიმ დუმილი დაარღვია:

— მამი, — თქვა მან. — ჩეენი ჰელგი ხშირად ხედავს რაღაც უცნაურს სუტორის მახლობლად.

ბიარტური წელში გასწორდა, ხელში სისხლიანი დანა ეჭირა.

— მაინც რას? — იკითხა მან.

— არაფერს, ტყუის, — თქვა ჰელგიმ.

— ეტყუი? ნუთუ დაგავიწყდა, შარშან გაზაფხულზე რას მეუბნებოდი, როცა მამა ქალაქს იყო წასული. ჩვენ კი სახლის წინ ვისხედით ქვაზე და ჩანჩქერზე ვლაპარაკობდით?

ბიარტური მივიდა თავის უფროს ვაჟთან და მტკიცე ხმით უთხრა, მიამბე. რა ნახეო. ბიჭი უარზე დადგა, არაფერიც არ მინახავსო. მაშინ ბიარტურმა წვილს მხარში ჩაავლო ხელი და დაემუქრა: თუ ახლავე არ გითქვამს ყველაფერი, იცოდე, ცუდი დღე დაგადგებაო. დამფრთხალმა ბიჭმა ენის ბორძიკით ჩაიღუღუნა, რომ რამდენჯერმე დანახა ერთი ბიჭი, თუმცა ბიჭი კი არა, ვიღაც კაბუჭი. მაგრამ დედაბერივით ჭაღარა, გრძელი ნაწნავები ჰქონდაო.

— საღ ნახე?

რამდენჯერმე დავინახე, ფარეხიდან ჩვენი სახლისკენ რომ მოხტოდა. გავეკიდე კიდევ.

— რათ დაძიმალე, აქამდე რატომ არ მითხარი ეგ ამბავი?

— ვიცოდი, არ დამიჯერებდით.

— მერე საით წავიდა?

— არ ვიცი, დაბტოდა.

ამიწერე, როგორი იყო, უბრძანა შვილს ბიარტურმა

ბიჭი უფრო დაიბნა, მოჰყვა უთავბოლო ლაპარაკს. ხან ეჩვენებოდა თურ-ღე, რომ ჭაბუქს წვერი ჰქონდა, ხან — ნაწნავები, ბოლოს ისიც კი მოეჩვენა, თითქოს ქალის კაბაში იყო გამოწყობილი.

— კაბაში? — გაიმეორა გაოცებულმა ბიარტურმა. — როგორი კაბა ეცვა?

— წითელი. კისერზე რაღაც ჰქონდა შემოხვეული.

— კისერზე? მაინც რა, როგორ გგონია?

— არ ვიცი, მგონი ბრიჯს ჰგავდა.

— ბრიჯს? ეშმაკმა წაიღოს შენი თავი და ტანი! — დაიქუხა ბიარტურმა და ისეთი სილა სტკიცა შვილს, რომ ბიჭი შეტორტმანდა. — ესეც შენ! ნუ რო-წავ სისულელეებს!

ზებუნებრივი მოვლენები იმით არის უსიამოვნო, რომ ადამიანის წარმოდგენაში ყოველგვარ მოვლენებს ერთმანეთში ურევს: ფეხქვეშ მიწა ირყევა თითქოს, გონება დაჰქრის მისთვის სრულიად უჩვეულო, უცხო სფეროში, ადამიანს ვერ გაუბედია სწორი დასკვნის გამოტანა, რაგინდ საღი გონებით იყო ეს დასკვნა ნაკარნახევი—საზღვარი მოვლენათა შორის. ერთიმეორის საწინააღმდეგო მოვლენათა შორისაც იშლებს, ქრება და სიკვდილი სიკვდილი აღარ არის, სიცოცხლე—სიცოცხლე, როგორც ამბობს უნდირხლიდელი ეინარი. ადამიანი თავს უყრის, აჭგუფებს მოვლენებს, თითოეულს ცალკე ჯგუფს მიაკუთვნებს. როგორც ბანქოს ალაგებენ ფერის მიხედვით. მაგრამ აი, იღუშალი ძა-

ლები იჭრებიან ცხოვრებაში, მძლავრობენ, არღვევენ, მიაქანებენ ყველაფერს, როგორც შემოდგომის დელგმას მიაქვს მოთიბული ბალახი. ზოგი ასე ხსნის ზე-ბუნებრივ მოვლენებს: ღმერთს უნდა ხალხს დაანახოს, მე თქვენზე ბრძენი ვარო. ზაფხულის სავანელი ბიარტური რაღა აზრისაა, ნუთუ თავს გააბრიყვებინებს ამ იღუმალ ძალებს? ხალხს ხომ არ მიმართავს დახმარებისა და რჩევისათვის? თუ შელოცვას დაენდობა და ხელს არ გაანძრევს, ვიდრე ავი სული მთელ ფარას არ გაუჟღეტს და ხუტორს არ დაუწგრევს, როგორც ეს 1750 წელს მოხდა?

წყნარი საღამო იდგა, ბიარტური არ ჩქარობდა ცხვრის შერეევას ფარებში. დაბორილობდა საძოვარზე, თავის თავს ელაპარაკებოდა, უკუბრუნებდა ზებუნებრივ ძალებს, ვერც ამჩნევდა, საით მიდიოდა, და უცებ დაინახა, რომ მთის დასავლეთ კალთასთან მისულა. უნდირხლიდელ ეინართან ან სხვა რომელიმე ნაცნობთან შეხვედრა ხომ არ უნდოდა?

ცაზე ნამგალა მთვარე გამობრწყინდა. ბინდი განშირდა. ბევრს მოსწონს საღამოს ბინდი, იტყვიან ხოლმე, ეს დღის ყველაზე ლამაზი დროაო. მთის მწვერვალზე ზამთრის მყუდრო ხედში მოჩანს ქვებით დახორგილი ყორღანი — აქ არის დამარხული ბოროტი სული კოლუმპილი. ყორღანი უფსკრულის პირასაა, მისი ერთი მხარე მთვარის შუქითაა განათებული, მეორე კი ჩრდილშია: ეს არც დღეა, არც ღამე. მთვარის ნაზი შუქი მიდამოს რაღაც უზაკველი მომხილავლობის, თითქმის დიადი სიმშვიდის იერს აძლევდა, მაგრამ ბიარტური ვერ აჩნევდა ამ სიმშვენიერებს, ისე მიჰქროდა ყორღანებისკენ, როგორც გააფთრებული მხეცი უბედური მსხვერპლისკენ, რომ მოსპოს იგი. მაგრამ უცებ როდეს ეკვეთა მტერს. არა, ის დაიხარა, გაყინული მიწიდან პატარა ქვა აიღო და ზურგსუკან დამალა.

— აი სად განიხვენებთ ორივე, — თქვა და განუზომელი ზიზლით დახედა საფლავებს.

შედგა ყორღანთან, მიწას ფეხი დაჰკრა, მაგრამ მათ არაფერი უპასუხეს. ბიარტურმა კი განაგრძო მათთან ლაპარაკი, უმტკიცებდა, გავიგე, მიგიხედით, რაც გაქვთ უფლშირ. გარკვევით უთხრა მათ, რომ ბრალსა სდებს ორივე ცოლისა და შვილების სიკვდილში. ახლა კი, როგორც ჩანს, ჩემს ცხვარს დარიეთ ხელიო.

— რა გაეწყობა, განაგრძეთ, განაგრძეთ, თუკი გაბედავთ, მაგრამ ჩემს დამორჩილებას მაინც ვერ ეღირსებთ. სასაცილოც კია ამაზე ფიქრი. გინდაც მთები გადმოამხოთ ჩემს ხუტორს, თუკი გაბედავთ, გააკეთეთ ეს. აი, მე აქა ვდგავარ და ვიდგები სულის ამოხდომამდე. სისულელეა იმის ფიქრი, რომ ოდესმე დამიმორჩილებთ.

პასუხი არავის გაუცია. მხოლოდ ნაზი ვარსკვლავები აციმციმებდნენ მშვენიერ თვალებს, დასცინოდნენ მიწიერ კაცსა და მის მტრებს.

მაშინ ბიარტურმა თქვა:

— ხელში ქვა მიპირავს, — და გაიქნია ხელი, რომელშიც ქვა ეჭირა. — ნაგრამ ნურას უკაცრავად, თქვენს საფლავზე არ დაევაღებ ამ ქვას. თქვენ ამბობთ: „აჰა, შეშინებია ვაუბატონს, რაკი ჩვენს საფლავზე იკადრა მოსვლა ქვით ხელშიო“. თქვენ ამბობთ: „როგორც იქნა, მოიტანა ქვა, უთუოდ იმის შიშით უღრღნის გულს, რომ აუსტა სოფლილიასაც ისე დაჰკარგავს, როგორც დაჰკარგა ორივე ცოლიო“. არა-მეთქი, გეუბნებით, მე ზაფხულის სავანელი ბიარტური ვარ, თავისუფალი კაცი, ყველაზე თავისუფალი ისლანდიელი პირველი ახალმოშენებიდან დღემდე. გინდაც მთები გადმომამხოთ, ჩემგან ქვას მაინც ვერ ეღიბსებით!

ავი სულეებისადმი ზიზღის გამოსახატავად, ბიარტურმა ხელი მოიქნია და ქვა უფსკრულში გადაუძახა. ქვას ხათქახუთქი გაუდიოდა კლდეზე, ვიდრე უფსკრულის ფსკერზე არ დავარდა. ამ ხმას ექომ ყრუდ მისცა ბანი და თითქოს უფსკრულის ფსკერიდან ძველი წინაპრების ხმა გაისმა, თითქოს ტროლი და მიხი ამაღა გაოცდა, ეს ვინ გაგვიფრთხო მარადიული ძილი და სიმშვიდეო. ძალმა უფსკრულთან მიიბრინა, ყეფა ასტეხა. და რაკი ბიარტურმა უკვე გაუსწორა ანგარიში შავბნელ ძალებს, აწი რაღად სთხოვდა ვისმეს დახმარებას. მტკიცედ გადაწყვიტა, მარტო, ხელდახელ შეებოდა ურჩხულებს სამკედრო-სასიკოცხლო ბრძოლაში. ბიარტურა შებრუნდა და ხეობისაკენ გაუყვა გზას.

თ ა ვ ი ო რ ა ო ც დ ა მ ი ო თ ხ ი

კ ა რ ა კ ლ ი ს ი

დაბის მოსახლეები ქალაქიდან შინ რომ ბრუნდებოდნენ, გზად ზაფხულის სავანეში, ბიარტურთან შევილიდნენ ხოლმე, ბავშვებს ალაპარაკებდნენ, გამოსტყუებდნენ, რა მოხდა, როდის, როგორ და ცხელ-ცხელი ამბები მიჰქონდათ დაბაში. შეიქნა ერთი მითქმა-მოთქმა. ზაფხულის სავანეში მოჩვენებები დაძრწიანო, ყველას ეს ჰქონდა სალაპარაკოდ. ზამთარში, როცა გულისა და გონების შესაქცევარს მოკლებული არიან, დიდი თუ პატარა, ქალი თუ კაცი ხარბად ებღაუჭება ყურმოკრულ ამბავს, იოლად სჯერა გაგონილის. ამიტომაც ირწმუნა ყველამ, ვირთაგვები არაფერ შუაშია, ბიარტურის ოჯახში მოჩვენებამ დაატ-

რიალა ცოდვა-ბრალო. ჩვენ ხომ ასეთი მიღრეკილება გვაქვს—დაუჯერებელს ვირწმუნებთ, სარწმუნო კი გვექვევება.

ხალხმა დაბიდან ხეობაში სიარულს მოუხშირა. როცა მოჩვენების მზაკ-ვრობაზე უნდათ გაიგონ რამე, არც ძალ-ღონეს იშურებენ, არც ღროს, აიტაცებენ გაგონილს და გულის სიღრმეში ინახავენ. ბიარტური ცნობისმოყვარეებს ეუბნებოდა: ვინც ძალზე მოწადინებულია, ირბინოს დამთხვეულივით, ცვითოს ღესასაცმლის ლანჩები. ეს მათი პირადი საქმეა, მე კი არაფრად მექანსიკება ავსულეზე ლაქლაქი. ღამე კატამ დააფროხო ცხვარი, მიაწყდნენ კედლებს, ბაგებს, ზოგმა თავი გაიხეთქა, ზოგს ენაგიანი ლურსმანი შეერკო თავში, ვგ იყო და ეგო.

ბავშვებს კი დიდ სიამოვნებას ანიჭებდა სტუმრების შექცევა. იღგნენ სახლთან, კედლის ძირას და ცნობისმოყვარეებს უყვებოდნენ, რა მოიმოქმედა, რა ქნა ავმა სულმა. მათ ხომ პირველად ეღირსათ ესოდენ დიდი პატივი—ხალხი უსმენდა. რედსმირის მეპატრონე ქალმა ბიარტურის მალულად აუსტა სოფლილის გამოუგზავნა ყავა, შაქარი და ერთი ნიჭიერი უცხოელი მწერლის წიგნი—„უბრალო ცხოვრება“. თურმე ნუ იტყვიოთ, ბიჭებს თავისი თვალით უნახავთ მოჩვენება. გამოლაპარაკებიან კიდეც. უფრო ხშირად უფროსი და უმცროსი ძმა ხედავდა მოჩვენებას. როგორც კი შევიდოდნენ ფარეხში, იმწუთს გამოეცხადებოდათ. ბიჭები სიბნელეში ხედავდნენ მის მოელვარე თვალებს, მართალია, კარგად არ ესმოდათ, რას ეუბნებოდა მოჩვენება, რადგან დუდღუნით. გაურკვეველად ლაპარაკობდა, მაგრამ ის მაინც გააჩრჩის, რომ მოჩვენებას მობეზრდა ასეთი ცხოვრება, ყველასგან მივიწყებული და მიტოვებულია, ჰოდა. გამოეცხადა ხუტორელებს, შეატყობინა, რომ მანამ არ მოისვენებს, ვიდრე ჭეროვან პატივს არა სცემენ, — ქადაგება, ფსალმუნები, ლოცვანი — უმჯობესია სულის მოსახსენიებელი. ზოგიერთი სტუმარი მივიდოდა ფარეხთან, ხმადაბლა იგალობებდა რომელიმე ფსალმუნს, ან „მამაო ჩვენოს“ წაიკითხავდა. აუსტა სოფლილია ძლივს ასწრებდა ყავის ადუღებას. „ღიან, — თქვა მოჩვენებამ, — მე მინდა, რომ ხვალ უფრო მეტი სტუმარი მოვიდეს აქ“. იგი რომელიმე წარმართული კერამ კი არ იყო, ნამდვილი ღმერთი გახლდათ და ხალხისგან მოითხოვდა ლოცვას „მომეც ჩუენ დღეს...“

როგორც ჩანს, მისთვის სარგებლობა მოჰქონდა ლოცვას.

რას არ ჰყვებოდნენ მრევლში ამ მოჩვენებაზე: ხეობაში სახლებს ანგრევს, დღისით-შისით, ქვეყნის დასანახად დახტის სახლების სახურავებზე და იქაღწეობა: ვაი იმას. ვისაც ჩემი არა სწამს და ჩემთვის არ ლოცულობსო. და აი, ამ პატარა ხუტორმა, რომლის არსებობაც უწინ არავის ახსოვდა, მთელი ოლქის, ათიქმის მთელი იმ მხარის ყურადღება მიიპყრო, სრულიად უცხო ხალხი, ისე-

თები, ვინც არასოდეს არაეის უნახავს, ძალღებიანად ამოდოდნენ ხეობაში, ზოგჯერ სასლშიც შეეჭვებოდნენ ბიარტურს. ამ ახლად გამოჩენილ მოჩვენებაზე შეთხზული ლეგენდები, კამათი და მსჯელობა, ხალხის აზრი, ფილოსოფიურ-რელიგიური განმარტებები რომ შეგვეყრიბა და ჩაგვეწერა, ბიბლიისოდენა წიგნი გამოვიდოდა. დაბაში ხალხი პარტიებად დაიყო, გაჩნდა რაღაც თითქმის სექტისმაგვარი, ჯგუფები. რაც ხუტორში მოხდა. ზოგიერთი ამაში გამოცხადებას ხედავდა. ზოგი კითხულობდა. მაინც რაში გამოიხატა ეს გამოცხადებაო. ზოგი კი სულ საწინააღმდეგოს ამტკიცებდა: არაფერი ზებუნებრივი არ მომხდარა, (ხვრებმა ერთმანეთი დახოკესო. ერთი ამბობდა, მოჩვენება უზარმაზარიო, მეორე გაიძახოდა, საშუალო ტანისაო, მესამეს კი სწამდა, რომ მოჩვენება სულ პატარაა, დაღმეკილი. ზოგიერთი ისტორიულ მონაცემებს ეყრდნობოდა და ამტკიცებდა, მოჩვენება მამაკაციაო, ზოგი ამბობდა. მღვდრობითი სქესისა ვახლავთო, ზოგიერთის აზრით კი მოჩვენება უსქესო იყო და ამ საკითხზე ფრიად ღირსწესანიშნავი თეორიაც განავითარეს.

ხმა ვაერცელდა, შობას მოჩვენება ზაფხულის საეანის დანგრეეას აპირებსო. ასეთი ხმა ბიჭებმა დაპყარეს, ბიარტურის შეილებმა, მოჩვენებასთან მეგობრულ ურთიერთობაში რომ იყვნენ. ვისაც ზაფხულის საეანელებზე გული შესტკიოდა. პასტორს სთხოვეს, ხეობაში ადით და ილოცეთ, რაკი მოჩვენებას ღეთის სახელით მიმართაეთ, ეგებ გული მოუღბეს და შეიწყნაროს ის ხალჩიო. პასტორს გაუხარდა. მისი სამწყსო ღეთისმოსაობით არ გამოირჩეოდა და ეამა, რომ გარემოების ზეგავლენით მაინც გაიხსენეს ღმერთი. მას შემდეგ, რაც ეს სამრევლო ჩაიბარა, ხალხს მხოლოდ საყდრის კათედრიდან ახსენებდა შემოქმედს, რადგან ხედავდა, რომ ყოველივე სასულიერო აუ საეკლესიო გულს არ ხედებოდა და ზოგჯერ სიცილის გუნებაზე აყენებდა მათ.

ერთ საღამოს ხუტორში იმდენი ხალხი შეიყარა, გეგონებათ, რაღაც დიდი დღესასწაული გაუმართათო. კარგი ამინდი იდგა, ცა ვარსკვლავებით იყო მოქედილი, ბადრი მთვარე დაპნათოდა მიღამოს. ყინავდა. ახალგაზრდების ჯგუფიც ამოვიდა, ჩადგნენ მონამქერებული თოვლის ბორცვებშუა სულელური სახით და გულისთანეკალით ელოდნენ. რომ საცაა გამოჩნდებოდა ის იდუმალი და საშინელი რაღაც, რაც მიმალული იყო ამ ცივ, ლურჯ ბინდბუნდში. ფიორდელი ქაბუკი, ზამთარში ერთ-ერთ ხუტორში რომ მუშაობდა, ახალმოდური საეეკვო სიმღერით ართობდა ხალხს. სხვებიც აყენენ, ამით ცდილობდნენ შიშის დათრგუნვას. სტუმრებში არა მარტო თავგადასავლების მოყვარულები იყვნენ, ჩანწიშესულებიც ერივნენ, მასპინძლის ძველი, ერთგული მეგობრები, მათ შორის მთების მეფეც, ამ ორი წლის წინათ რომ სამრევლო საბჭოში მოახერხა გაძვრომა და ახლა რაოდენ დიდი პასუხისმგებლობა დააწვა, ისიც ასეთ მძიმე

დროს. ახალგაზრდა, თავმელოტი პასტორიც დაიყოლიეს და ამოიყვანეს. პასტორმა ცხვრებზე გაუბა მასლაათი გლეხებს, დროა ცხვრის გამოფენაზე ვიზრუნოთ, როგორმე უნდა მოვახერხოთ და სამხრეთიდან ცხვრების სპეციალისტი ჩამოვიყვანათო. პასტორი ეყრდნობოდა „სასოფლო-სამეურნეო მოამბეში“ გამოქვეყნებულ სტატიებს—მეცნიერების ამ უკანასკნელ სიტყვას. ზოგიერთებმა ზავშეები ვანზე გაიყვანეს, გამოჰკითხეს, როდის ნახეთ მოჩვენება, როგორია და რას ამბობდაო. გულდამძიმებული, მოქუთუხებული ბიარტური კუშტად შეხვდა სტუმრებს, ცივად პასუხობდა სალაშზე, იღვა თავისთვის ვანზე და რომელიღაც ლექსის ნაწყვეტებს დუღუნებდა.

ხალხი გაუბედავად ტყეპნიდა ერთ ადგილს თოვლში, ზოგი სახლშიც შევიდა. ბევრი გრძნობდა. რომ მისი სტუმრობა არაფრად ეპიტნავებოდათ. ბოლოს ხმა ამოიღო კედლემა ჰროდლოგურმა, საქმიანმა, პირდაპირმა მოხუცმა, უმოქმედობას რომ ვერ იტანდა.

— აბა, ჩემო კეთილებო, დროა უკვე; დავიწყოთ, რაღას ვუცდით?

ჰროდლოგურს მხედველობაში ჰქონდა ლოცვით ფარების გარშემოვლა. რაც ბოლო ხანებში წეს-ჩვეულებად იქცა და გამოთქამამ — „გარშემოვლა“ თავისი ადგილი დაიმკვიდრა ენაში.

სხვებმაც მხარი აუბეს:

— დროა, დავიწყოთ!

ვიღაც გაგზავნეს ბიჭების მოსაყვანად, უხმეს ახალგაზრდებსაც, ფერდობზე რომ გაიფანტნენ, რადგან ღამე თავისი მქრქალი, ლურჯი ჩრდილით მაცოუნებელი საფარია არა მარტო მოჩვენებებისთვის, არამედ სიყვარულისთვისაც.

მოიბრინეს თვალბეგაფართოებულმა ბიჭებმა. პასტორი „სასოფლო-სამეურნეო მოამბიდან“ ამოკრევილ ახალ თეორიებზე გაცხოველებული ბასათი ცდილობდა დაევიწყებინა იღუმალი ძალები, მაგრამ რაკი ჰროდლოგურმა ხალხს პოუწოდა დავიწყოთო, პასტორმა ამოიხვნეშა და უპასუხა:

— კარგი, დავიწყოთ, სახელითა უფლისათა!

ძთების მეფე, ეინარი და ოულაფური დაწალიკებით მიდიოდნენ, უცნაური რამ გამომეტყველება ჰქონდათ, ხელები ზურგს უკან შემოეწყოთ, წვერში თვის ბრელი მოსდებოდათ. ზოგი ძალი წინ მოქცა მლოცველთა ჯგუფს, ზოგი უკან და ისეთი მედიდური იერით მიბიჯებდნენ, თითქოს ესმით ამ წუთების სიღაღდეო. ჰაბუტებმა ქალიშვილებს ხელკავი გაუკეთეს, ქალიშვილები კართოდნენ. წითლდებოდნენ მოჩვენების მოლოდინში, ბიარტური კი ფიქრობდა, გოგო-ბიჭებმა აქ სულ სხვა რამისთვის მოიყარესო თავი.

— ბიჭებო, აბა შედით ფარებში და ჰკითხეთ, რომელ მხარეს წავიდეთ,-- უთხრა ჰროდლოგურმა ბავშვებს, — სჯობია წინასწარ გავიგოთ, რა ნებაეს, თო-

რემ მოჩვენებებს ხან ის უნდათ, რომ მზის მიმართულებით ვიაროთ, ხან საწინააღმდეგო მხარეს ირჩევენ.

ჰელგიმ ნონის ხელი ჩაჰკიდა და ფეხაკრფით მიიპარნენ ფარეხთან — მათ მეტს არავის, არავის არ შეეძლო მოჩვენებასთან ლაპარაკი. ბიჭებმა ურდული გამოაძრეს, კარი გააღეს და ფრთხილად შეიჭვრიტეს ფარეხში.

— ჩუ! — დაისისინა ჰელგიმ და ხელით ანიშნა ხალხს, უკან დაიხიეთო. — ახლოს ნურავინ მოხვალთ.

რალაც არაბუნებრივი შიშით დაზაფრული ცხვარი ადგილს მოწყდა, ფარეხის შორეულ კუთხე-კუნჭულებში მიიყუენენ. ბიჭები ფარეხში შევიდნენ და კარი შეგინდნენ ჩარაზეს. დაბიდან ამოსულმა ხანშიშესულმა ქალმა გალობა წამოიწყო: „ვადიდოთ უფალი“. ზოგი აჰყვა, მხოლოდ პროდლოგურმა თქვა, ახლა არა ღირს გალობაო. მისი აზრით, როგორც ყველა სხვა საქმე, ესეც დადგენილი წესის მიხედვით უნდა გაეკეთებინათ. უცებ ხალხი შეჩოჩოლდა, გაიღო ფარეხის კარი და ბიჭები ზურგშექცევით, ისე გამოცვიდნენ იქიდან, თითქოს ვიღაცამ გამოსტყორცნაო გარეთ. გამოხტნენ. ძირს დაეცნენ და თოვლში კოტრიალს მოჰყვნენ. თურმე მოჩვენებამ უბრძანა, ცხრაჯერ შემოუარეთ ფარეხს და ცხრა სტროფი იგალობეთო.

— ცხრა პწკარი ხომ არ თქვა? — დიდი ამბით იკითხა ეინარმა.

ასე იყო თუ ისე, პარაკლისი დაიწყო. მოხუცები, ვისაც როგორ შეეძლო, ისე გალობდნენ ფსალმუნს, ძაღლები ყეფდნენ. ახალგაზრდებმა არ იცოდნენ ფსალმუნი. სხვაგან ჰქროდა მათი გონება. ყველა შიშით კრთოდა და თოვლზე დაფენილი ლურჯი ჩრდილები ერთმანეთს ჩაეხლართა.

ბიარტური განზე იდგა, ტიტლას უხმო, რომ სტუმრების ძაღლებს არ შებოძა.

მაღე ცხადი განდა ყველასათვის. რომ ახალგაზრდობას არაფრად ეპიტანავებოდა გალობით ფარეხის გარშემოყლა. ერთი ჯგუფი უკვე გამოეყო ხალხს და ფერდობს დაუყვა, ის ახალი სიმღერები უნდოდათ მოესმინათ, რომლის პანგზეც ფიორდში ცეკვავდნენ.

ორი გულადი კაცი თვითნებურად შეიჭრა ფარეხში, ძალიან უნდოდათ მოჩვენების ხილვა, მაგრამ დიდხანს არ დარჩენილან იქ. ზღურბლზე გადაბიჯება ჯერც მოასწრეს, რომ სათივის შორეული კუთხიდან ვიღაცამ წყვილი, მოელვარე თვალი შემოანათაო. შემზარავი მწვანე თვალები არაფრით ჩამოუვარდენიდა იმ კუდიანის თვალებს, გრეტირზე დაწერილ საგაში რომ არის აღწერილი. დიდი, დიდი ხნის შემდეგ, როცა ეს ორი გულადი ვაჟკაცი მოხუცდება, უთუოდ თავის შვილიშვილებს უამბობენ, საკუთარი თვალით როგორ იხილეს ისლანდიის საგებში აღწერილი კუდიანი. მაგრამ საქმე მარტო თვალების დანახ-

ვით როდი ამოიწურა, მათ შეესმათ საზარელი ხმა, ასეთ ხმას ისლანდიის ვერც ერთი პირუტყვი ვერ გამოსცემდა. არა, ეს სულდგმულის ხმა როდი იყო, დაჯანგებული ანჯამების ურთასმენის წამლებ ღრიჭინს უფრო ჰგავდა, პასტორმაც წამით შეჰყო თავი ფარეხში და თქვა, ისეთი არსების ხმა იყო, რომელსაც საუუუნო წამება აქვს მისჯილი, ცათა სასუფევლის წინ დგას, კარი კი დახშული აქვსო. ამ მოყვითალო-მწვანე თვალებს ციური შუქი არასოდეს უხილავს, ვერც ვერასოდეს იხილავენო. პასტორმა შემთხვევით ისარგებლა, დაიწყო ლოცვა, შეპლადადა უფალს, განუხვევ ტანჯულს კარნი ცათა სასუფევლისანიო. სწორედ ამ დროს, გულმოსული მთვარე მრომე ღრუბელს ამოეფარა, თოვლიდან ანარეკლი მკრთალი შუქი წყვილიადმა შთანთქა, ლანდშაფტის მოხაზულობა გაქრა და ღამის ამ უგუნურ სადარაჯოზე მღგარ ხალხს წყვილიადში ერთიმორე არარეალური ეჩვენებოდა, უნებლიეთ ჩაჰკიდეს ხელი ერთმანეთს იმის შიშით, რომ უცებ მარტოდმარტო აღმოჩნდებოდნენ ფარეხის წინ. რის გაკეთება შეეძლოთ კიდევ? იდგნენ ხელიხელჩაკიდებულები და კანკალებდნენ. წყვილიად თანდათან უფრო ჩამუქდა და ჩაშავდა, ციოდა კიდევ. რა კარგი იქნებოდა ახლა ცხელი ყავა.

თავი ორმოცდამეხუთე

სულის ზმსახეზ

ვილაცამ შესთავაზა ყავა. ყველა ხალისით დაეთანხმა და რელიგიური ცერემონია დამთავრდა. სტუმრები მასპინძლის მიწვევას არ დაელოდნენ, დაუპატიებლად აიკრიბნენ საცხოვრებელ ოთახში, თითქმის მთელმა ოლქმა მოიყარა იქ თავი და ბიარტურის პატარა ოთახში იატაკი ისე აქრიალდა, გეგონებათ, საცაა ჩაინგრევო. ახალგაზრდებს სთხოვეს, ქვევით ჩაბრძანდითო. აქ რა უნდათ, დალახვროს ეშმაკმა? განა ქალიშვილების წიკვინისა და მუსიკალური ვარჯიშის დრო და აღგილია აქ? ვისაც ყავის დაღევა უნდა, ქვევით დაიცადოს. უფროსები კი ოთახში დარჩნენ, გაჭირვებით მოთავსდნენ საწოლებზე. ქალებმა ცუცხლის გაჩაღება დაიწყეს.

— მაშ, ასე? — თქვა ერთმა.

— ხათაბალაა! — ბანი მისცა მეორემ.

— ასეა და... — დასძინა მესამემ.

კელდელი პროდლოგურის გარდა, ყველა ჯერ კიდევ იღუმალებით მოცუ-

ლი ამბის გავლენის ქვეშ იმყოფებოდა, უპირდათ სანადადღღო საკითხებზე გულისყურის გადატანა.

პროდლოგური თავს როდი იმტერევდა იმაზე ფიქრით, თუ რა მოხდა, როგორ და რა მიზეზით. იგი გულმშვიდად ხედებოდა ყოველგვარ განსაცდელს, არაფრის შიში არა ჰქონდა, არც ზებუნებრივის, არც ბუნებრივის, ფიქრობდა მხოლოდ იმაზე, თუ რა უნდა ექნა ამა თუ იმ შემთხვევაში.

— ძვირფასო პასტორო, — მიმართა პროდლოგურმა სულიერ მამას, — მოგესხენებათ, რომ ორი საუცხოო ბატკანი მყავს. ვერ შეველიე, დასაკლავად ვერ გავიმეტე შემოდგომაზე. მაგრამ მგონი ჰქუა წაევაგე, ვერა ვკევაგე, როგორც საქირაო. ისე კი ვიცი, თუ გავყიდი, ურიგო ფასს როდი ავიღებ, ჰოდა, როგორმე რომ მოვახერხოთ, „სასოფლო-სამეურნეო მოამბიდან“ შემოვიტყუოთ ვინმე ამ ჩვენს კუთხეში, ეგებ რაიმე მიეწერა უფროსებისათვის ჩემს ბატკნებზე.

— ურიგო აზრი როდია, — უპასუხა გახარებულმა პასტორმა. რაკი ერთი კაცი მაინც გამოჩნდა ისეთი, ვინც ირწმუნა მისი ცოდნა მეცხვარეობის დარგში და დაინახა, თუ რარეგ იღვეწის პასტორი ცხვრის ჯიშის გასაუმჯობესებლად. პასტორმა დაიწყო ლაპარაკი, თუ რა დიდი საჩვენებლობა მოუტანა ხალხს ცხვრის გამოფენამ დასავლეთში. ამ საკითხზე ბევრი რამ დაიწერა გაზეთებში, განსაკუთრებით სახორცე ცხვარზეო.

საუბარში ჩაერთა მთების მეფეც (მართალია, თემის საბჭოში კი გაძვრა, მაგრამ თავი ვერაფრით გამოიჩინა, წინ ვერ წაიწია, საშუალო საფეხურზე დარჩა. მთელი წელიწადი მერყეობდა. ვერ გადაეწყვიტა, ვისი მხარე დაეჭირა, ვაჭრის თუ სამომხმარებლო საზოგადოებისა): როცა ორი ძლიერი მტერი ებრძვის ერთერთს, მთომინებით უნდა დაელოდო, რომელი დასძლევსო, და ისიც იმ აზრის იყო, რომ ასეთ მძიმე დროში დიდი მნიშვნელობა აქვს, თუ ყველა შეიგნებს, რაოდენ სასარგებლოა მათთვის ცხვრის ჯიშის გაუმჯობესება და ამისთვის იბრძოლებსო.

— მაგრამ, — დაუმტა მან. — სახორცე ცხვრის მოშენების მომხრე არ გახლავართ, რადგან მძიმე ზამთარს, მაგალითად, როგორც შარშან იყო, სახორცე ცხვარი ვერ უძლებს; თუმც სპეციალისტები კი გვიმტკიცებენ, გამძლეაო: მე თუ მკითხავთ, სამაგალითო ჯიში რედსმირელთა ჯიშია, ამტანიც არის, ვერც სიმკვლევეს დასწამებ, მტერსაც კი არ მოუბრუნდება ენა თქვას, ნასუქი არ არისო. ყოველ შემთხვევაში, დღესდღეობით ეგ ცხვარი პირველობს, ვიდრე სხვა ახალი უკეთესი ჯიში არ გამოჩნდება.

ისტადალელი ოულაფური ყურს უგდებდა მთების მეფეს და უცებ გაახსენდა, რომ რამდენიმე დღის წინ გადასახადების განაწილება უნდა ეწარმოე-

ბნათ, უნდოდა გავგო, ღარიბი გლეხობა როგორ დაბეგრეს. თავის დროზე ოულაფურმა აკი ხმა მისცა მთების მეფეს და იმედი ჰქონდა, მხარს დაგვიპერსო. მთების მეფეს პასუხისმგებლობის გრძობა აქვსო, ფიქრობდა ოულაფური, სიტყვას არ გადაუხვევს. იბრძოლებს ღარიბების ინტერესების დასაცავადო. გარდა ამისა, ოულაფურს იმის იმედიც ჰქონდა, რომ მთების მეფე თავის თანამემყდელ გაიხდიდა ძაღლების მკურნალობის საქმეში და ამით მცირე დამატებით შემოსავალს გაიჩენდა. აქაც მთების მეფის იმედით იყო.

— ჰო, გადასახადები, — სერიოზულად თქვა მთების მეფემ. — უნდა მოგახსენო, ჩემო ძვირფასო ოულაფურ, რომ ასეთ მძიმე დროში მრევლის საქმეების მართვა-გაძღოლა სახალისო და სასიხარულო როდია. მარტო მამასახლისი და მოსამართლე კი არა, მთელი მთავრობა გეტყვის: ასეთ მძიმე დროში გადასახადების განაწილება ხუმრობა საქმე არ გეგონოთო. ძალზე გამწვავდა კონკურენცია, არავინ იცის, ვინ გაიმარჯვებს, ვინ დაეხმარება ხუტორელებს — ბრუნნი, რომელიც გადატაკებულ გლეხობაზე ზრუნავს, თუ სამომხმარებლო საზოგადოება. თავისი მხრით ხომ ეს საზოგადოებაც იღვწის გლეხკაცისათვის. იქნებ მთელი ჩვენი იმედები მამასახლის იოუნზე უნდა დავამყაროთ. ანდა ჩვენი კეთილისმყოფელი სამრევლო გახდება, თუმცა სამრევლოს საღარო გამოცაჩიელებულია.

— სულ მაგას არ გავიძახი, — სიტყვა შეაგება ოულაფურმა, არ შეიმჩნია, რარიგ გაუტრუა იმედები სამრევლო საბჭოს წევრმა, რომელსაც არჩევნებში ხმა მისცა, — წუთისოფელი ისე მოკლეა, რომ საწყალი კაცი ვერასოდეს ვერაფერს მიაღწევს, არც კი უნდა ჩნდებოდეს ამქვეყნად. მაგრამ მითქვამს და ვიმეორებ, ჩვენთან რომ ყველაფერი სამართლიანად, სინდისიერად კეთდებოდეს, უმოწყალოდ რომ არ გვეკლუფავდნენ, რაც ჩვენ ნაჯაფარში გვერგება, მთლიანად გვაძლოდნენ, საშუალებას არ გვისძობდნენ, ქალაქში ვიყიდოთ ბური ჩვენი არსობისა... მანამდე რომ მოვახერხებდეთ რიგიანი სახლის დადგმას. ვიდრე ქლეკი არ დაგვიღობოს შვილებს, როგორც, მაგალითად, მე დამემართა... ეჰ, დალაზეროს ეშმაკმა, რა უნდა მეთქვა... არ ვიცი, დავაღწევ თუ არა თავს ვალებს, გინდაც შრომაში დღედაღამე გავასწორო კიდევ სამი ათასი წლის მანძილზე.

უნდოდა იმედი ეინარი ჩაერია საუბარში და თქვა, მათებს თქვენი ლაპარაკი, ახლა, ხსენებ სერიოზულ ვითარებაში, როცა ავი სული გამოცხადდა ხუტორში და გლეხის ცხოვრებაში იჭრებაო ნუთუ ასეთ წუთებში მაინც არ შეგიძლიათ დივიფყოთ თქვენი ჭირ-ვარამი, შიმშილი, ავადმყოფობა, როგორც უფალი გვიბრძანებსო.

— მე არ წამომიწყია ეს ლაპარაკი, — შეაწყვეტინა ოულაფურმა. — ჩემი

დღე და მოსწრება იმას გავიძახი. უბრალოდ ენის ტარტარს მეცნიერულ, სერიოზულ საკითხებზე მსჯელობა სჯობია-მეთქი. მაგრამ როცა ასეთ სერიოზულ საკითხებზე მიდგება საქმე, საწყალ კაცს უჭირს. რას გაიგებ და გაარკვევ, თუ ქვეყანას მოწყვეტილი ხარ, ჯაფასა და კაპანწყვეტაში მიაჩნიალებ ამ წუთისთვის ავადმყოფ ბავშვებთან და ილაჯაწყვეტილ ცოლთან ერთად? ათი წელიწადია უკვე, რაც „ხალხთა მეგობრობის“ კავშირს გამოვეთხოვე. ეს იყო ერთადერთი ადგილი, სადაც ადამიანს ეხედებოდი. მართალია, „წიგნის მოყვარულთა წრე“ კი ჩამოვყალიბებთ, მაგრამ დღეგრძელი არ გამოდგა, დიდი ხანია დაიშალა. ზოგი ვირთაგვებს ადნაშაულებს ამაში, მე კი კარგად ვიცი, რომ ხუთი წლის განმავლობაში ძე-ხორციელს არ გაუბედნია წიგნის კარადის გაღება. ჰოდა. ასეთ უმეცარ, უბირ ხალხს რის გარჩევა, ან რა საკითხზე მსჯელობა შეგიძლია?

— აფსუსია ასეთი შემთხვევის ხელიდან გაშვება, — თქვა ეინარმა. — დღეს აქ განათლებული ხალხიც გვირევი, როგორც, მაგალითად, ჩვენი პასტორია, ამიტომ მიინდა შემთხვევით ვისარგებლო. რამდენადაც ვიცნობ ჩვენს პასტორს, უბირ ხალხთან საუბარს არ თაკილობს. განსვენებული პასტორი გულმუნდური კი ვერაფრით ვერ ურიგდებოდა ჩვენს უმეცრებას. ჰოდა, რა მიინდოდა მეითხარით აიხსნება, პატივემულო პასტორო, რომ ზოგიერთის სული ვერსად ჰპოვებს სიმშვიდეს ვერც ზეცაში, ვერც დედამიწაზე და ვერცა მიწის ქვეშ?

— იქნებ ამის მიზეზი ის არის, რომ ეშმაკმა ჩაიბუღა მათში? — სიტყვა შეაგება ეინარს, გილელმა კრუსიმ.

პასტორი ჩაფიქრდა, შესაფერ აასუხს ეძებდა. ყველამ თავ-თავისი აზრი გამოთქვა, მაგრამ ნათელი მაინც ვერ მოპოინეს ამ საკითხს. ოულაფურმა თქვა, რომ ერთი მისი ნაცნობის ოჯახში წიგნის ფურცლებში გახვეული ფინჯნება მოიტანეს. ჰოდა, დამოწმა იმ დახეული წიგნის ფურცლები და გამოაცხადა, უცხოელი მეცნიერები მტკიცედ უარყოფენ ავი სულების არსებობასო.

— არა, ჩემო ძვირფასო ოულაფურ. — თქვა მთების მეფემ, — ფიქრად არასოდეს მომივა ასეთი რამ, მით უფრო, ახლანდელ დროში. მე ყოველთვის მწამდა და დღესაც მწამს, რომ არსებობს ბოროტი და კეთილი. ამასვე გვასწავლის რელიგია, მაგალითად სპარსთა, როგორც უტირედსმირელი ფრუსგან გამიგონია, ჰოდა, ეს განათლებული ქალი, თქვენც კარგად მოგესხენებათ, ყველგან ლაპარაკობს, ქალთა კავშირი იქნება ეს, ოლქი თუ სხვა რამ ადგილი, კეთილისა და ბოროტის არსებობაზე და მათ შორის ბრძოლაზე. და თუ უჩინარ ძალებზე ვილაპარაკებთ, ჩემის აზრით, ისინი არც ისე კეთილები არიან, როგორც ზოგიერთსა ჰგონია, და არც იმდენად ბოროტები, როგორადაც ხატავენ მათ. ალბათ, ჭეშმარიტება სადღაც შუაში უნდა ვეძიოთ.

ბოლოს პასტორმაც ამოიღო ხმა, საკმაო დრო ჰქონდა პასუხის მოსაფიქრებლად.

— თანამედროვე აზროვნებას, — დაიწყო თევდორემ, — უფრო სხვაგვარი შეხედულება შეეფერება. მე უკვე მოგახსენეთ, როდესაც ფარეხთან ვიდექით. ამ შემთხვევაში, რომლის მოწმენიც დღეს გავხდით, ცხადია, ჩარეული გახლავთ ტანჯული სული, მშფოთვარედ რომ დაძრწის სამყაროსა და სამყაროს შუა.

მოთმინებადაკარგულმა ეინარმა უცებ წამოიყვირა:

— გავბედავ და მოგახსენებთ, პატივცემულო პასტორო, რომ თქვენ ცოტა არ იყოს ვადაამაღმეთ. ჩემს სინდისზე იყოს, რასაც ვამბობ. მართალია, განსვენებულ პასტორ გულმუნდურს მაინცდამაინც თვალში არ მოვიდოდი, აბუჩად იგდებდა ჩემს ლექსებს, მაგრამ რა გაეწყობა, განა ამ ლექსებს სახელის მოსახვეჭად, ქება-დიდების მოსაპოვებლად ვთხზავ? არა, მხოლოდ საკუთარი სიამოვნებისთვის. პასტორი გულმუნდური მკაცრი, უხიაკი კაცი იყო, უმეცრებს ძაღლად არ აგდებდა, მაგრამ რაც შეეხება რელიგიას, ამაში ძლიერი გახლდათ. განა ის ყურადღებას მიაქცევდა რაიმე ახალმოდურ აბდაუბდას მხოლოდ იმიტომ, რომ ის ახალმოდური და მიღებული იყო? მით უფრო, არასოდეს არ იტყოდა, თითქოს სატანა და მისი დამქაშები სხვა ვინ იქნებიან, თუ არ ტანჯულ-გვემული სულელები. მართალია, კარგი ყოჩები და ცხვრები ჰყავდა გულმუნდურს, მაგრამ არც სარწმუნოების საკითხში შეეშლებოდა რაემ, იცოდა, ვინ და რა სწამდა ჰოდა, ასე მგონია, რომ ეს არ იცის ზოგიერთმა თქვენგანმა ახალგაზრდა პასტორებიდან, მიუხედავად იმისა, რომ მოდასა და ფეხის ხმას აჰყოლიხართ.

პასტორი თევდორე ცდილობდა დაერწმუნებინა ეინარი, ახალგაზრდა პასტორებმაც იციან, ვინ და რა იწამონო. განსხვავება მხოლოდ იმაშია, რომ ახალგაზრდები თავის აზრებს უფრო სხვაგვარად გამოთქვამენ, ვიდრე ძველი პასტორებიო.

— ნება მიბოძეთ, პატივცემულო პასტორო, კიდევ ერთი შეკითხვა მოგცეთ, — მიმართა პასტორს გათამამებულმა ეინარმა. — გწამთ თუ არა ძველი და ახალი აღთქმა, ყველაფერი, რაც იქ წერია, სიტყვა-სიტყვით?

— დამშვიდებული ბრძანდებოდე, ძველი აღთქმაც მწამს და ახალიც, — მიუგო პასტორმა.

— ჰოდა, მაშ ნება მიბოძეთ, ზოგიერთი რამ გკითხოთ. გწამთ თუ არა, რომ უფლისა ძემ იესომ მკვდრებით აღადგინა ლაზარე მას შემდეგ, როცა მის გვამს საფლავში უკვე ხრწნა შეეპარა?

პასტორი ჩაფიქრდა, ცხვირსახოცი ამოიღო, გაოფლილი შუბლი მოიწმინდა, დიდი რწმენით, მტკიცედ თქვა:

— დიახ, მწამს, რომ უფლისა ძემ, იესო ქრისტემ, სამი დღის დამარხული ლაზარე მკვდრეთით აღადგინა. სამ დღეში კი არა მგონია გახარწნილიყო მიცვალებული.

— ლპებოდა ის საწყალი ბერიკაცი თუ არა, ეგ მე არ მესაქმება, ჯანდაბას მისი თავი და ტანი! — შეაწყვეტინა პასტორს ოულაფურმა და მკივანა ხმით, სხაპასხუპით განაგრძო: — მთავარი ის გახლავთ, რომ ქრისტემ მკვდრეთით აღადგინა ლაზარე. მაგრამ რაკი დღეს პასტორი ჩვენთან არის, ჩვენ კი ყავის მოლოდინში ვსხედვართ აქ და ვსაუბრობთ, ეინარისა არ იყოს, მეც მინდა შემთხვევით ვისარგებლო და ზოგი რამ ვკითხო პასტორს. მინდა გავიგო, პირადად თქვენ, პასტორო თველორე, რა აზრისა ხართ სულზე?

პასტორმა თავი გადახარა და ნაღვლანი ღიმილით მიუგო, რომ ამ საკითხზე საკუთარი შეხედულება არ აქვს, რომ ბრმად მისდევს ძველ შეხედულებას. დიახ, სული, რა თქმა უნდა, უკვდავია, ასე რომ არ იყოს, სული არც იქნებოდა.

— ეგ მეც ვიცი, — წამოიძახა პასტორის პასუხით უკმაყოფილო ოულაფურმა, — სწორედ ასე უთხრეს განსვენებულ იოუნ არნარსონს იმ წუთებში, როცა თავი უნდა მოეკვეთათ მისთვის. ახლა კი ერთი ამბავი უნდა გიამბოთ, შარშან ერთმა ნაცნობმა სამხრეთელების ერთ-ერთი სოლიდური გახეთი მათხოვა და იქ წაიკითხე. ჰოდა, აი რა ეწერა იმ გახეთში: თურმე დედაქალაქში განსვენებული წარჩინებული ხალხის სული ავეჯში იბუდებს.

ბერიკაცი ოულაფური ოულაფურად დარჩა. რანაირი სისულელეც არ უნდა მოეჩინებინათ, ეს სისულელე გახეთის ფურცლებზე ან წიგნში თუ იყო დაბეჭდილი, ყველაფრისა სჯეროდა. გლახებმა თავი გადააქნიეს და ჩაიციხნეს.

— იცინით, არა? — თქვა ოულაფურმა. — რა გაეწყობა, იცინეთ, ნება თქვენია, ნუ დაიჯერებთ, თუ არ გინდათ, მაგრამ, აბა, რომელი თქვენგანი გაიხსენებს ერთ ისეთ შემთხვევას, რომ მე ტყუილუბრალოდ ამეხიერებინოს რამე? დიახ, დედაქალაქში წარჩინებულ ხალხთა სული ავეჯში იბუდებს. დიდი ახირებული ხალხი კი ხართ, ჩემმა მზემ, თქვენც და ყველა აქაური. იმის დაჯერება არც ერთს არ გინდათ, რაც თქვენი ფარეხიდან ასი იარდის იქით ზდება. ამავე დროს არაფერი გწამთ ქვეყნად, არც ზეციერი, არც მიწიერი, ვარდა იმისა, რასაც ხედავთ და არ ხედავთ საკუთარ ბოსლებში.

ოულაფურს პასტორი გამოეკომავა, რაღაცნაირი დარცხენილი ხმით დაუკრა კვერი, სამწუხაროდ, ასეთი შემთხვევები ნამდვილად იყო. დედაქალაქში ზოგიერთმა წარჩინებულმა პირმა, უკანასკნელ ხანებში შეინიშნა ასეთი უჩვეულო მოვლენაო. მაგრამ დაბეჯითებით არავის შეუძლია თქვას, მართლა სულია თუ არა ავეჯის უცხაური მოძრაობის მიზეზიო. გონიერი ხალხი ამბობს, თით-

ქოს ავეჯში ისეთმა გზაკვალდაკარგულმა სულებმა ჩაიბუდეს, რომელთაც ციურნი სხივი ვერ იხილესო.

— კიდევ ერთი კითხვა მინდა მივცე პასტორს, — ცხარედ განაგრძო ოულაფურმა. — რა არის სული? როცა პირუტყვს თავს სჭირან, სად მიდის სული? კისრის მალეებიდან ხომ არ გამოდის და მერე ზეცისკენ მიფრთხილებს? ბუზივით ქრება თვალწინ? და, საერთოდ, რა არის სული? ბლინს ხომ არა ჰგავს, რომლის ჩახვევა და ჩაყლაპვაც შეიძლება, როგორც ცრუპენტელა ბიარნსი გარწმუნებს? რამდენი სული აქვს კაცს? იესო ქრისტემ ლაზარე მკვდრეთით რომ აღადგინა, მას შემდეგ მოკვდა თუ არა ლაზარე? და როგორ ხდება, რომ სულეები მოხელეებს თავაზიანად ეპყრობიან, ამ ხეობაში მცხოვრებ ღარიბ გლეხკაცს კი ზარალს აყენებენ?

სწორედ ამ დროს, როცა სულზე ასეთი გაცხარებული მსჯელობა ჰქონდათ, საძვრობაში თავი ამოჰყო მასპინჯელმა, კუშტად მოავლო თვალი ხალხით გაქედნილ ოთახს და წამში გახსნა იმ ოსრობის ხლართი, რომელიც მისმა ძველმა მეგობარმა ოულაფურმა აახუხულავა.

— მე და ჩემი ოჯახი დაწოლას ვაპირებთ დასაძინებლად, — თქვა მასპინჯელმა პირქუშად. — მეტიც მოთმენა აღარ შეგვიძლია, აღარ შეგვიძლია ასეთი მიქარვის მოსმენა სულეებზე. თუ ფსალმუნების გალობის ეინმა მოვიარათ, სხვაგან სადმე შეიკრიბეთ, ჩემი სახლიდან შორს. მე უკვე მართლმსაჯულებას მივმართე, მოვიდეს, აზოვოს დამნაშავე და დასაჯოს. ახლა, აქედან რომ გავვალთ, გთხოვთ, ისე ჩათვალოთ, თითქოს აქ არ ყოფილხართ. გადმოდგი ქუჩიდან წყალი, აუსტა, მე არ ვიცნობ ამ ხალხს. ესენი აქ ჩემს სანახავად არ მოსულან.

მაშ ასე, იმ დამეს ბიარტურს არავისი დანახვა არ უნდოდა, ვეღარ სცნობდა თავის საუკეთესო მეგობრებს, გაჰყარა ისინი სახლიდან. ვეღარც მათ იცნეს ძველი მეგობარი, ანდა, უფრო სწორად, მეგობრის სახე, სიაფთრით მოქცეული სახე, სწორედ იმ წუთებში რომ გამოჩნდა, როცა გზაბნეულები დაპორიანლობდნენ ზებუნებრივ მოვლენათა გაუვალ ტერვში — ის კი თითქოს ყველაფერში გაერკვა, ყველაფერი გაიგო და თხოულობდა მარტოოდნე მართლმსაჯულებას. და ბიარტურის ძველი თუ ახალი მეგობრები, დანაშაულზე წასწრებული ქურდებივით დარცხვენილები, ერთიმეორის მიყოლებით ჩუმად გაიძურწნენ სახლიდან, გამომშვიდობებაც კი დაავიწყდათ, გადაიარეს მონამქერებული თოვლის მთა და ყველა თავ-თავის გზას დაადგა.

რარივ უცნაურადაც უნდა მოგეჩვენოთ, მას შემდეგ ოლქში აღარავის უხსენებია ის ღამე. ის ღამე ამოიშალა სამრევლოს ისტორიიდან იმ ირემივით, რომელზეც ოდესღაც ამხედრდა ბიარტური და მდინარე იეგულა გადაცურა.

მომდევნო დღეებში ეს წვეროსანი კაცები, ერთმანეთს რომ შეხვდებოდნენ, შინ იქნებოდა, თუ სხვაგან სადმე, ისე დარცხვენით გადახედავდნენ ერთუროს, როგორც ქალ-ვაჟი, რომელთაც წინა ღამეს ძალზე შორს შესტოპეს და გადაწყვიტეს, აღარ გაეხედათ ასეთი რამ. მრავალი წლის შემდეგაც დაბის მცხოვრებნი იმ ღამეს ისე იგონებდნენ, როგორც რაიმე სამარცხვინოს და ეს მოგონება იმაღლებოდა მათი გულის კუნჭულში, ვით ავადმყოფური ფანტაზიით წარმოქმნილის სახე, სიარცხვილის, რაღაც დანაშაულის გრძნობას რომ ჰბადებს ადამიანის გულში. ლურჯი, მოციმიციმე ჩრდილები, რომელიდაც ზღაპრული არსების ცეცხლისმფრქვეველი თვალები, ფსალმუნების მკრეხელური გალობა, ყავა, რომელსაც ვერ ეღირსნენ, და ზაფხულის სავანელი ბიარტური, ხელი რომ ჰკრა წეგობრებს, გაეთიშა, განუღვა იმათ, ვინც იმირტომ ავიდა ხეობაში, რომ თავს დასხმოდა მის მტერს კოლუმკილს.

თ ა ვ ი ო რ ა ო ც ღ ა მ ე ა ქ ვ ს ო

მ არ თ ლ მ ს ა ჯ უ ლ ე ბ ა

გუდბიარტურ იოუნსონის ზემოხსენებული გამარჯვების შემდეგ მოჩვენება ერთ ხანს აღარ გამოჩენილა. როგორც გაზაფხულზე დღისით კლავენ ავადმყოფ ცხვარს, ასევე მოკლა იმ ღამეს ბიარტურმა რელიგიისა და ფილოსოფიის რწმენა, მან მთელ თავის მეგობრებს კარზე მიუთთა, ბავშვებს კი დაწოლა უბრძანა. ზოგი ამტკიცებს, ბიარტურმა კატაც ჩამოახჩორო. თუ მოჩვენებას ეგონა, რომ ბიარტური სულთ დაეცემოდა, გაჰყიდა თავის ავლადიდებას და სადმე გადასახლდებოდა, ძალიან შეშცდარა, ამოღ გარჯილა და დამაშვრალა ეშმა, გუდბიარტურ იოუნსონი სალ კლდესავით შეუვალი იყო. მართალია, დიდი ზარალი კი ნახა, მაგრამ ერთი გოჯითაც არ დაუხევია უკან. რაც მას შემდეგ მოხდა, ის მარტოოდენ გამოძახილი გახლდათ ადრე მომხდარი მოვლენებისა.

ზამთრის ბუნიობაა, ცა დილიდანვე მოიქუფრა, მრეშმა, სქელმა ღრუბლებმა დაბლა დაიწია, შუა ფერდობზე დაეკიდა, ირგვლივ წყვდიადი ჩამოწვა, წყვდიადმა სულშიც დაისადგურა, შუადღისას ოდნავ ინათა, მაგრამ კვლავ იძალა უკუნმა, მოკლე შუადღემ ვერ გაჰფანტა წყვდიადი. ოქქის მოსამართლეს ელოდნენ. ბიარტურს იმ დღეს ბიკებისთვის დავალებები არ მიუცია, თითქოს უცდიდა, ჭერ ხელისუფალთ გადაწყვიტონ, ბოლოს და ბოლოს ვინ არის ამ ხუტო-

რის პატრონი, მე თუ ეშმაო. როცა ბიარტური გადარჩენილი ცხვრებისთვის თივის დასაყრელად წავიდა ფარეხში, გვენდური უკან გაჰყვა და ძაღლიც თან წაიყვანა. უფროსი ბიჭი სარკმელთან იჯდა, მუხლები შეეცუჟებინა და ძველ ნაფხაქნებს აკვირდებოდა მაგიდაზე, ხმას არ იღებდა, გინდაც ეკითხათ რამე, პასუხს არავის აძლევდა, არც თითისტარს მოჰკიდა ხელი. პატარა ნონი ბებიას გვერდით მიჯდომოდა და ქსოვდა, ხანგამოშვებით თვალს გააპარებდა უფროსი ძმისკენ, გრძნობდა, რას განიცდიდა ძმა, გრძნობდა იმ ამოუხსნელი, მახვილი ალლოთი, რომელსაც სიტყვები არ სჭირდება. მერე მივიდა უფროს ძმასთან და ისეთი კილოთი უთხრა, თითქოს მისი დამშვიდება უნდო:

— ჰელგი, რა მოგივიდა, მიაფურთხე მაგას! როგორ გგონია, ვითომ რას უზამს მოსამართლე მოჩვენებას?

უფროს ძმას ხმა არ გაუღია. ნონი ერთ ხანს კიდევ იდგა იქ, მერე ისევ ბებიას მიუჯდა გვერდით. სახლში გამეფებულ მღუმარებას მხოლოდ ბებიის წელი, ძლივსგასაგონი ბუტბუტი არღვევდა.

მამასახლისი მთიდან ჩამოვიდა მოსამართლის შესახვედრად, რომელიც ქვევიდან, ქალაქიდან უნდა ამოსულიყო საქმის გამოსაძიებლად. მაგრამ მოსამართლე არ ჩანდა. მამასახლისი აღრენილი იყო, ილანძღებოდა, ქოთქოთებდა, სარ მცალაა ასეთი სისულელებებისთვისო. არა, ასეთ ამინდში ის ეშმაკის კერძი მოსამართლე როგორ გაბედავს ხეობაში ამოსვლასო. ეს სწავლული კაცები, დაუსტვენს თუ არა ქარი, საბნის ქვეშ იმალებიან. არა, არ ამოვა, თავის ძვირფას თავს როგორ გაიმეტებს მოსამართლეო, ბობოქრობდა მამასახლისი. მერე მასპინძლის საწოლზე გაწვა. მაღალყელიანი, სქელი წინდები ეცვა და აუსტას სთხოვა, გამხადეო. არც სტუმარი და არც მასპინძელი დიდი თავაზიანობით არ გამოირჩეოდა.

— სულ რომ რაღაც გემართება, — აბუზღუნდა ისევ მამასახლისი და სათუთუნეს დაუწყო ძებნა. — ხან ცოლი გიკვდება, ხან პირუტყვი გიწყდება, ხან ეშმა და ავი სული გაწიოკებს.

— რაც შეეხება სიკვდილსა და ეშმას, — უპასუხა ბიარტურმა. — მე არავინ მომიწვევია აქ ფსალმუნების საკნაველებლად და ათასი სისულელის დასარომად სულგბსა და სხვა მისთანებზე... ღვთისა და ხალხის სასაცილოდ, მთელი მრევლის სამარცხვინოდ. რაც შეეხება იმას, რომ მართლმსაჯულება მოვითხოვე, მოვითხოვე სამართლიანობა, ამის გაკეთება ყოველ თავისუფალ ადამიანს შეუძლია თავისუფალ ქვეყანაში. მე მარტო ის ვიცი, რომ მთავრობა ყოველ წელიწადს ბეგარასა და ათას გამოსაღებს მთხოვს. მე კი ახლა პირველად მივმართე მთავრობას, ასე რომ მისი არაფერი მმართებს.

— ყური მივდე, — დაიწყო მამასახლისმა და ენის ქვეშ საღეჭი თამბაქო

ამოდო, — მოდი, უკანვე მომყიდე ეს ხუტორი, ერთხელ კიდევ გამასულელე და გამაცურე.

უკანასკნელ დღეებში გამოვლილი მღელვარების შემდეგ ბიარტურმა მტკიცედ გადაწყვიტა, გულგრილად შეხვედროდა ყველაფერს, რაც უნდა დატყლომოდა თავს. ვერა, მამასახლისი ვერ გამოიყვანს მოთმინებიდან.

— ჩემო ძვირფასო, ჩემო იოუნ,—თანაგრძნობით უთხრა ბიარტურმა. — შენ ხომ ისე ვერ გასძღებ, თუ არ იოხუნჯე.

— ვერ გამიგია, რისთვის იკლავ თავს აქ, რას ჩაბლაუქებინხარ ამ ხუტორს? შენი ორივე ცოლი უფლისად მიიცვალა, პირუტყვი გაგიწყდა, ბავშვები თითქმის ყველა დაგვხოცა. არა, აბა რას ჰგავს ეს? აგერ მანდა დგას საბრალო სოულბერტი, თუ რა ჰქვია. უკვე მოზრდილი გოგო, მაგრამ წარმართი და უმეცარი, მაგის კონფირმაციაზე არავინ იწუხებს თავს, ფქპრადაც არავის მოსდის, — თქვა მამასახლისმა.

— ოჰო, ეს კი ახალი ამბავია — წამოიძახა ბიარტურმა. — როდის აქეთ გახდი ქრისტიანული სარწმუნოების ასეთი თავგამოდებული ამგდარი? ეტყობა, უკვე უახლოვდები იმ ასაკს, როცა სულზედაც უნდა იზრუნოს კაცმა. არა?

— მაგაზე შენ თავს ნუ იწუხებ. ქრისტიანული სარწმუნოება მუდამ იყო ჩემი ბურჯი. აი რატომ მოკითხოვ, რომ სხვებსაც სწამდეს. ასე რომ არა, კახონის ძალასაც ფეხს დააბიჯებენ. ქრისტე ღმერთის ხატება, განსვენებული დედაჩემისგან ბოქებული, ჩემს ოთახში ჰკიდია კედელზე.

— დიახ, და რუსთხელმწიფის სურათიც. — ჩაურთო ბიარტურმა.

— დიახ, რუსთხელმწიფის სურათიც. უნდა მოგახსენო, რომ ის ხელმწიფე პატრიარქის მმართველი გახლდათ. ღირსეულად უძღვებოდა თავის ქვეშევრდომებს. ქვეშევრდომები კი, რაგინდ უხიერონიც უნდა ყოფილიყვნენ, შენისთანა ჯიუტი წარმართები მაინც არ იქნებოდნენ, ისეთები, ათას ხიფათში რომ ებმიან, ერთთავად ურჩხულები და ავი სულელები გარს რომ ახვევიათ.

— ჰმ... — ჩაიფრუტუნა ბიარტურმა. — გრეტირი აუსმუნდარსონი არც ისე დიდი ღვთისმოსავი იყო, მაგრამ მთელი სამხრეთი აღსდგა მისთვის შურის საძიებლად, მთელი სამხრეთი, თვით მიაკლაგორდამდე, და მას ისლანდიის უდიდესი ადამიანი უწოდეს.

მამასახლისმა არც კი იკადრა ასეთ სისულელეზე და მიემოთეთებზე პასუხის გაცემა, პირიდან საღეჭი თამბაქო გამოიღო, დასაძინებლად მოემზადა, მოვილაპარაკებო, როცა გავიღვიძებო. უთხრა მასპინძელს, ფეხები საწოლზე შეალავა და პირით კედლისკენ გადაბრუნდა.

— ცოტაოდენი გამხმარი ფუნა შეყარე ღუმელში, სოულა, ძვირფასო, — უთხრა ბიარტურმა გოგონას და ეზოში ჩავიდა.

ბარდნიდა და ბარდნიდა დაუსრულებლად, დღე გაჰიანურდა, ძლივს მიზოზინობდა, მაგრამ ვინ იცის, ეგებ არც იძვროდა, როგორც მოსამართლის ბოლოდინში საწოლზე გამოტილი მძინარე მამასახლისი.

ზამთრის მოკლე დღეებში ყველაზე უსიამოვნო სიბნელე როდია. შესაძლოა უფრო მეტად არასასიამოვნოა, თუ ეს წყვილია იმდენად თვალშეუვალი არ არის, რომ დაივიწყო უსასრულობა, რომლის სიმბოლოსაც ზამთრის დღე წარმოადგენს, უსასრულობა, რომელიც მართოდენ მართლმსაჯულებას თუ ენათესავება და ისევე ავსებს სამყაროს, ისევე უმოწყალოა, როგორც მართლმსაჯულება. ზამთარი და მართლმსაჯულება დები არიან. გაზაფხულზე, როცა მზე ანათებს, უფრო კარგად გესმის, რომ ერთი და მეორეც ბოროტებაა. დღეს ყველაზე მოკლე დღეა. შესაძლოა, ვინც ამ დღეს გადაიტანს, გადაჩრჩეს. რაც არ უნდა მოხდეს, ამის იმედი მაინც უნდა გაქონდეს. დღეს სამართლიანობის, მართლმსაჯულების დღეა. ეს პატარა ადამიანები ამ პატარა ხეტორში მოელიან მართლმსაჯულებას, რომელიც სამყაროს ავსებს, მაგრამ მოკლებულია გაგების უნარს. მართლმსაჯულება, სამართლიანობა მოითხოვა მამამ. სიმართლე მამის მხარეზეა, რომელმაც თავის ცხვრებისათვის მოიმარაგა თივა, რადგან ცხვრები ხომ თვით სამართლიანობაა. რა ვუყოთ, თუ დედა დამარხულია და ბავშვებიც სამარეში წვანან, ბიარტურისთვის ხომ ყველაფერზე ძვირფასი მხოლოდ ცხვარია. იგი ხომ ისეთი ადამიანი არაა, რომელიც ოცნებობს, სულზე ფიქრობს, ან ისეთი, ვინც თავის იმედებს ამბობებაზე ამყარებს და მართლმსაჯულება — ხომ მტერია მისი? იგი ხომ იმდენად გონიერი არაა, რომ მშვიდობა მოიპოვოს. მართლმსაჯულება კი თავისი არსით სისულელეა, ბოროტებაცაა. მასზე ბოროტი არაფერია. ამის გასაგებად საკმარისია ყური მიუგდო, როგორ ფშვინავს მამასახლისი. საკმარისია შეიყნოსო ამ მაჰკატების სუნი, მართლმსაჯულების ქურუმებისთვის რომ აკეთებენ.

და ბიარტურის უფროსი ვაჟიშვილი შინიდან გავიდა, კარი გაიხურა.

მამასახლისის გულის ძილით სძინავს, ხერინავს, გეგონებათ ამ კაცს, მკვეთრად მოხაზული ძლიერი სახე რომ აქვს, მთელი ცხოვრება თვალი არ მოუხუჭავს.

— სოულა, ჩემო გოგონი, ცხვრის მეკრდის ნაჭერი ხომ არა გაქვს შემონახული, რომ მამასახლისს გაუმასპინძლდე, როცა გაიღვიძებს? წელს ხომ ზაფხულის სავანეში ხორცის ყაირათი არ სჭირდებათ, მთელი კასრები და გობები სავსეა ხორცის ნუგბარი ნაჭრებით, რომლის ყიდვაც არავინ ინდობა, უსულადოაო, თქვეს! ვაგონილა, აბა, სადაური უსულადოა, დალახვროს ეშმაკმა? რა

შუაშია აქ უსულადო? სულ სისულელითა და ცრურწმენით მოსდით ეს. მაგრამ ახლა მართლმსაჯულება გამოარკვევს ყველაფერს. ჰელგი სადღაა?

ჰო, ჰელგი სად არის? რაო? ამ ცოტა ხნის წინ განა აქ არ იჯდა, ოთახში? არაფერია, მოვა, დღეს მისი ჯერია, ცხენს უნდა მიხედოს. მამასახლისი კი გაღვიძებას არც აპირებს. თუმცა, რა ჩვენი საქმეა, იძინოს თავისთვის, რამდენიც უნდა, მაგ ბებერმა ქოფაკმა.

ცხადია, მოსამართლე ასეთ ამინდში ხეობაში ამოსვლას არც იფიქრებს. მთელი მიდამო უკუხნეთშია ჩაძირული, ბარდნის და ბარდნის შეუხელებლად, თვალთან თითს ვერ მიიტან. ზედ სახლის წინ თოვლის მთა ამოიშარდა. ამ მთის იქით რომ გაიხედო, მოგეჩვენება. თითქოს სამყარო გაქრა, არც ხაზი, არც ერთი მუქი ლაქა, თითქოს დაბრმავდი ან ღრმა ძილით გძინავსო.

— სად გადაიკარგა ის ბიჭი? გვენდურ, აბა ჩადი ქვევით, გაიხედ-გამოიხედ-დე, არა მგონია სახლიდან შორს წავიდეს.

ყველამ ძღომაზე ჭამა და ბიარტური თვითონ წავიდა შვილის საქებრად. ამასობაში მამასახლისმაც გაიღვიძა, წამოჯდა საწოლზე თმაბურძგნული და მოჰყვა მთქნარებას.

— ააა, — პირი დააღო მამასახლისმა.

— ჩვენი ჰელგი... — თქვა აუსტამ. — არ ვიცი, სად წავიდა, სად გადაიკარგა.

— ჰელგი? — იკითხა მამასახლისმა.

— დიახ, ჰელგი, ჩემი ძმა, — მიუგო აუსტამ.

— აჰა! — გაეხშიანა გოგონას მამასახლისი, რომელიც ჯერ კარგად არ იყო გამოფხიზლებული. კიდევ დაამთქნარა და სათუთუნეს დაუწყო ძებნა. — შენი ძმა ჰელგი? ყური მივდე, გოგონი, ბიარტურს უნდა ურჩიო, რომ ეს ხეტორი მომყიდოს. შენ კი, როცა მოისურვებ. ჩვენთან შეგიძლია წამოხვიდე, ნებართვის თხოვანაც არ გჭირდება... სულ განსვენებულ დედაჩემს მიგიგავს ტუჩები.

— ჰოო? — უპასუხა გოგონამ.

— ალბათ მეთქვქსმეტე წელში გადადექი, არა?

დიახ, ერთი თვის უკან შეუსრულდა თხუთმეტი წელი.

— მართლაც რომ ძალზე სამარცხვინო საქმე დაგვემართა, მაშინვე უნდა წაგვეყვანე, მაგრამ რას იზამ? რას აკეთებ, თევზს ხომ არ ხარშავ?

— არა, ხორცია.

— ჰო, ამ საშობაოდ ზაფხულის სავანეში ხორცი არ გაკლიათ.

— მაჭკატები გაგიკეთე, — უთხრა აუსტამ.

— ეჰ, რა ხანია მაგისტანა რამეებს აღარ გეახლები. ერთი ნაჭერი ხორცი შირჩვენია. არა, ერთი უყურე, რა მიყო იმ ოხერმა მოსამართლემ, როგორ შე-

მომიტყუა აქ, თვითონ კი არხეინად ზის შინ, წევს თბილ ლოგინში და უღარ-ღელად ხვრინავს. ეტყობა, ამ საღამოს აქედან ვეღარ გავალწვევ.

აუსტა ღელავდა, სად არის ნეტავ, სად ვადაიქარგა ის ბიჭი? რალაც ცუდდ წინათგრძნობა ჰქონდა, შიში შეეპარა და მამასახლისის დაბნეული უსმენდა, ჯეროვანი პატივი ვერ სცა. აუსტა ქვევით ჩავიდა, აცოცდა თოვლის მთაზე. მამასახლისი კი შინ დარჩა, მოხუც ჰალბერასთან და ნონისთან ერთად. იოუნმა სათუთუნე ამოიღო, დახედა თამბაქოს, გაიზმორა, დაამტენარა, ტანი მოიქექა და გადაწყვიტა, მოხუცს უნდა გამოველაპარაკო.

— რას იტყვი, ჩემო ძვირფასო ბერა, რა აზრისა ხარ ამ ოხრობაზე, რაც აქა ხდება? — უთხრა მამასახლისმა მოხუცს.

— რაო? — ჩაეკითხა ჰალბერა.

— ხომ არ გეჩვენება, ბერა, რომ ცაც და ღედამიწაც გადაირია?

მამასახლისი თითქოს ალერსიანად მიმართავდა მოხუცს, მაგრამ მის პასუხს არ დაუცადა, ისევ დაალო პირი და მთქნარებას მოჰყვა.

— მე უკვე აღარ ვფიქრობ ბევრს, აღარც ვლაპარაკობ, მაგრამ ყოველთვის ვიცოდი, რომ აღრე თუ გვიან მოხდებოდა, რაც მოხდა, ან ამაზე უარესი რამ. აქ ვილაც მოქმედებს, ამ ხუტორში და, ცხადია, ის ვილაც ღვთის ანგელოზი არ არის. დიახ, არ ყოფილა ანგელოზი და არც იქნება.

— დიახ, არ ყოფილა და არც იქნება, — კვერი დაუკრა მამასახლისმა. — ბერა, საწინააღმდეგო ხომ არა გეჩვენება რა, დაბაში, კარგ ხუტორში რომ მოგაწყოს ვინმემ... თუკი მოსამართლე თავის სიცოცხლეში ერთხელ მაინც დაამტკიცებს, რომ მასაც შეუძლია რამის გაკეთება და ბიარტურს კანონის სახელთ გააპანღურებს ამ ხუტორიდან...

— ოო, თუ ხელისუფალნი გადაწყვეტილებას მიიღებენ, მე ვინ რას მკითხავს. თუმცა, სულ ერთი არ არის, რაც მომივა? მამასახლისმა იცის, მე და განსვენებული ტოურარი ორმოცი წელიწადი ვცხოვრობდით ურდარსელში და ამ ხნის მანძილზე ჩვენს ხუტორში საკვირველი არაფერი მომხდარა. იქ, ზევით, მთაში კარგი მეზობლები გვყავდა, ამ ხუტორში კი დღე ისე არ გავა, რამე განსაცდელი და ხათაბალა არ დატრიალდეს, ერთი თუ არა, მეორე გამოტყვრება. ამით ის კი არ მინდა ვთქვა, ყოველივე ღვთის ნება არ არის-მეთქი... მაგალითად, მე რომ ცოცხალი ვარ, თუკი ამას სიცოცხლე ჰქნება, ჩემი საცოდავი ქალი კი მიწაში წევს, დასტოვა შვილები, სახლ-კარი შუა მკაში. იმაზე აღარაფერს ვამბობ. შარშან ცხვარი რომ გავვიწყდა. ახლა კიდევ ეს ახალი ხათაბალა დაგვატყდა თავს, ეშმაკის ახალი ხრიკები.

— ჰო, სულ ეშმაკის ხრიკებია, — კვერი დაუკრა მამასახლისმა.

მოხუცი ერთ ხანს რალაცას ბუტბუტებდა თავისთვის.

— რაო? — ჰკითხა მამასახლისმა.

— რაო? — გაიმეორა ჰალბერამ.

— ჰო, ის მინდოდა მეკითხა, რას ფიქრობ-მეთქი ამ მოჩვენებაა თუ რა-
ლაც ჭანდაბაზე.

— რაკი მამასახლისმა ჩემი ყურის დაგდება ინება, — თქვა მოხუცმა ჰალ-
ბერამ, — მაშ, მოგახსენებ, ძვირფასო იოუნ, რომ ჩემს ყმაწვილქალობაში ერ-
თი კარგი ადათი არსებობდა, დიახ, ძალზე კარგი ადათი. ძველ შარდს მიაშხე-
ფებდნენ იმ ადგილს, სადაც უცნაური რამ ხდებოდა, და ავი სული კუდამო-
ძლებული გარბოდა. დიახ, ამას უფროსხოდა უწმინდური. მაგრამ ამ ჩვენ
კაცს ვერაფერს შეასმენს ადამიანი, ვერ გააგონებ, თუ რამე ქრისტიანულ
რწმენას ეხება. არა, ის ბიარტური გახლავთ, სულ სხვანაირი, განსაკუთრებუ-
ლი და მუდამ ასეთი იყო. ძველი ზნე-ჩვეულება და ადათ-წესი ვილას ახსოვს:
ახლა, ვინ რად აგდებს, სასაცილოდაც არ ჰყოფნით.

— მართალი ხარ, მართალი. აბა ბიარტურთან რა გაგივა, საშინელი გაქი-
რიანია, სულ ასეთი იყო თავისი დღე და მოსწრება. ღმერთსა ვფიცავ, მადლი
იქნება, კაცი რომ ადგეს და ბავშვები წაართვას, ხეირიან ხალხს მისცეს გასაზ-
რდელად, თუნდაც სასამართლოს ძალით. შენ კი, ჩემო საბრალო ბერა, დარ-
წმუნებული ვარ, გილეგი მარკუს იოუნსონი უარს არ გეტყვის, შეგივრდო-
მებს. ეს კაცი უკვე ოცდაათი წელიწადია მოხუცებს უვლის. უწყინარი, კეთი-
ლი კაცია, არასოდეს ხელს არ დააკარებს მოხუცს.

— ჩემგან საყვედურს ვერაფერს გაიგონებს, — ჩაიჩიფჩიფა მოხუცმა, — ყო-
ველივე ღვთის ნებით ხდება. ჩემგან ხომ თითქმის აღარაფერი დარჩა, მე ხომ
აღარც კი ვცხოვრობ, ვერც სიკვდილი მომიხერხებია. დაიჭვრებ კი, ზოგჯერ
მავიწყდება, ვერაფრით ვერ ვიხსენებ. ვინ ვარ? მაგრამ ის კი მინდა, რომ პატა-
რა ნონი სადმე ჩემს ახლოს იყოს, იმიტომ, რომ ამ ბავშვს კარგი თავი აქვს
და კარგი ხელები, აფსუსია, ასეთი ბავშვი ვინმეს სამოწყალო გახდეს. დაბადე-
ბიდან აქ მიწვეს, გვერდით.

— კარგი, ამაზე მოსამართლეს მოველაპარაკები, თუ სახლის გაყიდვა
გადაწყდა.

— დიახ, მამასახლისი, რა თქმა უნდა. მოველაპარაკება მოსამართლეს იმაზე,
რასაც საჭიროდ მიიჩნევს, ასე იყო და ასე იქნება მუდამ. მე რომ მკითხონ,
რასაკვირველია, ურდარსელში მიორჩენია წასვლა. ცხოვრებისგან რაიმე განსა-
კუთრებულს არასოდეს ველოდი, ახალგაზრდობაშიც კი. არც არაფრის შიში
მქონდა, არც ხალხის, არც ეშმაკებისა. და თუ ასეთია ნება უფლისა, რომ ეს
ხუტორი სამუდამოდ გამოცარიელდეს, გასაკვირი აქ არაფერია, ამას ყველა
ელოდა. ყველამ იცის, რას წარმოადგენს ეს ადგილი. ჰოდა, სულ ერთი არ არის

განა, ძვირფასო მამასახლისო, რაც მომივა? დავბრმავდი, დავყრუვდი, თითები გამიშეშდა და გამიხვედა. გული გამომიშრა. სულ ერთია-მეთქი, სადაც ვიქნები, იქ თუ აქ, მაგრამ ურდარსელში მაინც ლამაზი დაისი იცის...

მამასახლისი ერთ ხანს გაოცებით შესტკეეროდა მოხუცს. რას იზამ, როცა კაცი უკვე კაცი აღარ არის! მისი თქმისა არ იყოს, აღარც ცოცხლებში ურევია, არც მკვდრებში. მართალი მოგახსენოთ, მამასახლისმა აღარ იცოდა, რა ეთქვა, როგორ გაეგრძელებინა საუბარი. ნიკაპზე ხელი ჩამოისვა, დაამტქნარა, მერე საღეჭი თამბაქო ჩაკბინა.

— ხომ არ ინებებ, ბეჩავო? — გულთბილად ჰკითხა მამასახლისმა მოხუცს.

მოხუცმა ვერ გაიგო, რას ეუბნებოდა სტუმარი, მაგრამ ბოლოს მაინც მიხვდა, რომ ის თამბაქოს სთავაზობდა.

— ცოტა გაგააღლისებს, — აუხსნა მამასახლისმა.

მოხუცმა ზრდილობიანად უთხრა უარი:

— არა. არა, არა, — ჩაიჩიფჩიფა მან. — არასოდეს არ გამისინჯავს მაგის გემო. რა თავში ვიხლი თამბაქოს? ისედაც კარგად ვიცი, რომ ყოველივე ღვთის ნებით ხდება და რომ ეს კარგის მომასწავებელია.

თ ა ვ ი ო რ მ ო ც ღ ა მ ი ზ ვ ი დ ო

მარჯვენა ღაწვი

დიდი დრო არ უნდა, რომ ბიჭის ფეხის ნაკვალევი დაფაროს თოვლმა, თუ განუწყვეტლად ბარდნის, განსაკუთრებით მაშინ, როცა დღე მოკლეა, ღამე კი გრძელი, გავიანურებული. ნაკვალევს სწრაფად დაფარავს თოვლი. უშენი კვლავ თოვლის თეთრ, გლუვ საბურველშია გახვეული, გაქრა მოჩვენებებიც, გარდა იმ ერთი მოჩვენებისა, ეული ბიჭის გულში რომ ცოცხლობდა, ვიდრე თოვლმა არ წაშალა მისი ფეხის ნაკვალევი.

ყველაზე გრძელი ღამის შემდეგ დილით ადამიანი როგორ გრძნობს თავს? შიში, დიახ, შიში, მგონი უშენშიც კი გაუჭდება ხოლმე ადამიანს გულში და მაშინ ბედნიერება უკვე აუხდენელი, შეუძლებელი ეჩვენება. სამაგიეროდ, ხეტორაში ხორცი ახლა თავზე საყრელად ჰქონდათ. მრგვალი კასრები, ოთხკუთხა ყუთები პირთამდე იყო სავსე. დაბაში თქვეს: მძორიაო. ჰმ, ეს რა საკადრისია, სადაური მძორია? მაინც არავინ იყიდა და სხვა რაღა გზა ჰქონდათ, თვითონ უნდა ექამამათ, ჩვეულებრივი, ნასუქი ცხერის კარგი ხორცი იყო, საშობა-

ოდ რომ შემოინახავენ ხოლმე, არა, მაინც რა აქვს ამ ხორცს დასაწუნი, ნასუქი ცხვრის საუცხოო ხორცს? ბიარტურის ოჯახში ასეთ ცხვარს დასაკლავად არასოდეს იმეტებდნენ, დღესასწაულებშიც კი ბებერი ცხვრის ძარღვიან, მაგარ ხორცს შეექცეოდნენ. ბავშვები მოფერიანდნენ, თავი დაუშპიმდათ, მოღუნდნენ, მოეშენენ მუცლის აშლილობისაგან: დილით, ყავასთან ერთად ხორცი, შუადღისას საუზმედ—ხორცი, ხაწიწი, გამდნარი ქონი... ძაღლიც კი ისე ძღებოდა, რომ განძრევა უჭირდა. ჰოდა, მეტი რაღა უნდა ადამიანს?

აი, შობაც დადგა.

იმ საღამოს, როცა მოხუცი პალბერა ადრიანად შეწყვეტდა ქსოვას, ჩხირებს განზე გადადებდა და აუსტას ეტყოდა: „შა, გოგონი, ახლა კი შეგიძლია ობანაო“, — მაშინ, მხოლოდ მაშინ იწყებოდა შობა. პალბერას ეგონა, აუსტა მარტო შობის წინა ღამეს ბანაობდა, ისიც მას მერე, როცა თვითონ უბრძანებდა. თავად კი ისე მოტყდა და დაძაბუნდა, საღლა ჰქონდა დაბანის თავი. განა ამით ამოიწურებოდა საღღესასწაულო მზადება? არა, ასეთი განკარგულების შემდეგ პალბერა მოიხდიდა შალის ძველ, დახეულ თავშალს, სკივრიდან ამოიღებდა შავი აბრეშუმის თავსაფარს და მოიხვევდა. ეს თავსაფარი მემკვიდრეობით გადაეცემოდა თაობიდან თაობას. შუაგული ჯერ კიდევ მთელი ჰქონდა, ნაპირები კი გაკრეცილი ბებრული, ძარღვიანი თითების შეხებისაგან, რამეთუ რამდენიმე თაობა ალერსით ხელს უსვამდა ამ თავსაფარს, როგორც მსოფლიო სიმდიდრის ნაწილას, ან კიდევ იმის ნივთიერ საბუთს, რომ ასეთი სიმდიდრე არსებობს. მაგრამ სამზადისი ამით არ ამოიწურებოდა. შობა ხომ სამკაულების დღესასწაულია. თავსაფარს რომ მოიხვევდა პალბერა, ახლა საყურეებს ამოიღებდა. უშენ, მიყრუებულ ადგილებში საყურეები ცივილიზაციის სიმბოლოა, ისიც აგრეთვე მემკვიდრეობით გადაეცემა შთამომავლობას. სიძველეთ გაშვებულ ვერცხლის საყურეს ყურის ბიბილოში გაიყრია მოხუცი, თან ბუტბუტებდა და იმანჭებოდა, ეს მუდამ თან სდევდა ამ ოპერაციას. და მხოლოდ ამის შემდეგ დგებოდა შობა, იწყებოდა დღესასწაული.

ბიარტურმა აუსტას ცხვრის მთელი გვერდის მოხარშვა დაავალა. მოხარშული ხორცი უკვე გომში იდო და ბიარტური მივიდა ხორცის გასასინჯად. გვერდი მსუქანი იყო, სურნელოვანი. მიუხედავად უკანასკნელ დღეებში მომხდარი ამბებისა, ბიარტურმა მაინც ვერ დაფარა ალტაცება და თქვა:

— აი, ამას ჰქვია დღესასწაული, ნამდვილი შობა.

ბავშვებს არ ახსოვდათ, რომ მამას ოდესმე ისე ეხსენებინოს შობა, როგორც განსაკუთრებული რამ. ახლა კი მამამ თქვა, ყველას როდი ჰყავს ისეთი ცხვარი, რომ შობას თავი მოიწონოს ჩინებული ხორციით. ბავშვები მოღუშულები ისხდნენ, გულგრილად, მღუმარედ ყლაპავდნენ ხორცს. სამნილა დარჩნენ

და ეს სამი ერთთავად ფიქრობდა უფროს ძმაზე, რომელიც გაქრა, თოვლში ჩაიკარგა. მთელი დაბა ფეხზე დადგა, ორი დღე ეძებეს ბიჭი, მაგრამ ამაოდ. ზაფხულის სავანელ ბიარტურს დარდი და ურვა არ უყვარდა: დანაკარგს ველარ დაიბრუნებო, იცოდა თქმა. შვილებზე გაბრაზდა, შობა დღესაც კი ასე კრიჭა-შეკრულები და მოღუშულები რად ხართ, ცხვირ-პირი რად ჩამოგტირითო. და აი, დაწოლის დროც დადგა: იწყება შობა ღამე, მუცლის გვრემით გამოწვეული მოუსვენარი ძილით ან, საერთოდ, სიფხიზლით.

როცა ყველა დაწვა, აუსტა სოფლილიამ ცეცხლზე ქვაბით წყალი დადგა, ფუსფუსებდა კრაქის შუქზე, თმა დაივარცხნა. ბიარტური საწოლზე გაწოლილიყო და გოგონას უცქეროდა. შობა ღამის მღუმარება გაცხელებული წყლის შიშინმა დაარღვია. აუსტა მამას თვალს არიდებდა. იმიტომ ხომ არ იქცევა ასე, რომ ცუდი გოგაო? ოპ, როგორ მოხდა, რომ ისევ ის გაახსენდა, კვლავ იმ აზრზე ფიქრმა გაპკრა გულში? მას ხომ ცუდი არაფერი ჩაუდენია. მაგრამ ამ ზამთარს არა და არ შორდება ეს აკვიტებული მოგონება. აუსტა ამ მოგონებას რატომღაც დედის სიკვდილს უკავშირებს, თითქოს მასაც მიუძღვის დანაშაული, თითქოს მისი ბრალი იყო, რომ მამა საკმაო წამლებს არ ყიდულობდა დედისთვის. არც პალტო უყიდა... და მაინც, პატარა რომ იყო აუსტა, იმ ღამეს, იმ უცხო ქალაქში, გულში ცუდი არა გაუვლია რა, უბრალოდ მაშინ სხვანაირად არ შეეძლო მოქცევა. ახლაც, ამ შობა ღამეს, ასეთ მშვიდობიან დროსაც კი შუა ზამთარში აუსტა კვლავ შიშმა შეიპყრო. ეს იმის შიშით იყო გამოწვეული, რაც არ მომხდარა სინამდვილეში, იმის შიშით, რომ არ მიუტევეს რაღაც და ეს გამოუთქმელი, მტანჯველი „რაღაც“ ჩადგა მათ შუა, მასა და იმ რაღაც იღუმალს, გამოუცნობს შუა. იქნებ ორივე ებრძვის იმ „რაღაცას“ და თვითონაც არ ესმით, რა არის ის? ორივე ცალ-ცალკე ებრძვის, როცა საკუთარ თავთან რჩებიან? ის ძლიერია, აუსტა სუსტია. დიახ, მათ შუა თვალუწვედნი ზღვაა. ბიარტურის ცხოვრება მეტად ლამაზად იყო ნაგალობევი, რომ რითმებით შერწყმოდა მის ქვერ უთქმელ, უტყვე ცხოვრებას, ბიარტურის გულოვნობა—მის სინაზეს. მაშინაც კი, როცა ბიჭი დაიკარგა, დაიკარგა ის, ვინც აქ ცხოვრობდა, სუნთქავდა ამ ჰერკვეშ, სულ რამდენიმე დღის წინ მამამ უბრძანა, ხმა გაიკმინდეთო. აუსტამ მთელი ღამე ტირილში გაათენა, მას კი ეძინა. იქნებ ძმის სიკვდილზე ასე მწარედ არც ეტირა, მაგრამ, როცა ახსენდებოდა, რა საზარელმა, განუტყვრეტმა წყვდიადმა შთანთქა ის ბიჭი, გული უკვდებოდა. მართალია, ძმა ცუდად ექცეოდა, მაგრამ აუსტამ ყველაფერი მიუტევა. მამა კი? არა, ცხადია, ისინი ვერასოფდეს ვერ გაუგებენ ერთიმეორეს. აუსტა სოფლილია და ბიარტური? ბიარტურს ეძინა, როცა აუსტა ღამეებს თეთრად ათენებდა, ცხარე ცრემლით ძმას მისტიროდა. ჰოდა, როგორ შეიძლება ერთიმეორის წინ დანაშაულის გამოსყიდვაზე

იფიქრონ, თუ ერთუროს არა ესმით რა? არა, გინდაც გაშიშვლდეს, მთლად გაიხადოს ყველაფერი, როგორც არ უნდა იბანოს ტანი, მაინც ვერ ჩამორჩეცხავს იმ ბუნდოვანი, ამოუხსნელი დანაშაულის ლაქას, სხეულს რომ უბოკავს და გულს უხუთავს. ის კი წვეს. კედით მიბჭენია საწოლის ზურგს და გაოცებულნი უყურებს, ორთქლი და ჩრდილი როგორ ეთამაშება ნორჩ სხეულს.

მისი მარჯვენა ღაწვი იმით გამოირჩეოდა, რომ დღის განმავლობაში არასოდეს არ იყო ერთნაირი, ხან შიშს გამოხატავდა, ხან მოლოდინს, როგორც ზაფხულის ცაა ცვალებადი: ხან მზის სხივებითაა გაბრწყინებული, ხან ჩრდილი დაეფინება. ასეთი ღაწვი—როგორც ცოცხალი არსება—უმწეოა თავისი გამახვილებული მგრძობიარობით ყველაფრის მიმართ, რაც ხდება შიგნით და გარეთ, თითქოს ქალიშვილის სულიცა და სხეულიც ერთი მთლიანი გაშიშვლებული ნერვია, რომელიც ვერ ეგუება ბოროტებას და, ვინ იცის, ეგებ ცხოვრების გზაზე ბოროტების გარდა არა დახედეს რა. ასეთ სულს მხოლოდ ბედნიერების მოლოდინი თუ იხსნის და არა თვით ბედნიერება. რა ეშველებოდა ამ ქალიშვილს, მარცხენა ავი ღაწვი რომ არა ჰქონდეს? დიახ, მის მარცხენა ღაწვში აშკარად იგრძნობა ძალა, რომელიც ბოროტებასთან ბრძოლის უნარზე მეტყუელებს.

ბიარტურმა აუსტას უხმო, მოდი აქ, სათქმელი რამ მაქვს შენთანო. არა, ყურმა არ მოატყუა, ნამდვილად უძახის. და აუსტა მიუახლოვდა მამას. დაჯექიო, უთხრა ბიარტურმა, დიახ, უნდა მოელაპარაკოს, უყვე დიდი გოგოა, გონიერი. აუსტამ არაფერი უპასუხა და ბიარტურმა პირდაპირ უთხრა:

— საშობაო დღესასწაულის შემდეგ მარტო დატოვებთ აქ. აღდგომამდე აღარ დავბრუნდები.

აუსტამ გაფართოვებული, მუდარით სავსე თვალები შეანათა, სახე მოენისლა.

— ბევრი ცხვარი დაჯვარე. აქი ოდინი^{*} ამბობს, ცხვრები კედებიანო.

— ჰო!

აუსტას ბევრი რამის თქმა უნდოდა. უნდოდა ეთქვა, მე და ჩემი ძმები მხარში ამოგიდგებით, ხელს შეგიწყობთ, რომ ცხვარი ისევ მოიბრავლოო. მაგრამ რაკი მიდის, ღირს კი ახლა ლაპარაკი?

— მე არ ვჩივი, არ ვწუწუნებ, — განაგრძო ბიარტურმა. — ჩვენს კუთხეში სხვამაც ბევრმა ნახა ზარალი. ანდაზა ამბობს: ვიდრე ბალახი ამოიბინდება, ცხენი ფეხებს გაფშიაკავსო. მაგრამ მე ხომ ჭერ ცოცხალი ვარ. არ იფიქრო, თით-

* ოდინი—ომის ღმერთი, ვიკინგებისა და სკალდების შფარველი (სკანდ. შთაოლ.)

ქოს დიდად ვაფასებდე სიცოცხლეს. მაგრამ მიინც ვიბრძოლებ, ვიბრძოლებ უკანასკნელ ამოსუნთქვამდე.

აუსტა შეჰყურებდა მას, გული ძალუმად უძგერდა. ესმოდა, რომ ბიარტუ-რი სერიოზულ საქმეზე ელაპარაკებოდა, მაგრამ იმის გაგება უჭირდა, რასაც ის ეუბნებოდა. ორ ადამიანს ვერ გაუგია ერთმანეთისა, ამოდ ცდილობენ ჩაწვდნენ ერთმანეთის გულს და სწორედ ეს ამოდ ცდა არის საშინელება.

— შარშან იყო თუ შარშანწინ, კარგად აღარ მახსოვს, შეგპირდი, სახლს აგიშენებ-მეთქი. ჰოდა, რაკი ითქვა, უნდა გაკეთდეს კიდევც.

— სახლი? — გაიოცა აუსტამ. აღარც კი ახსოვდა.

— ჰო, სახლს აგიშენებ-მეთქი. მე იმათ ვუჩვენებ... მე... — ბიარტურმა და-მუშტული ხელი ნაზად შეახო მხარზე. — როცა კაცს ცხოვრების ყვაველი ჰყავს, ცხადია, სახლის აშენებაც მოუნდება.

აუსტას ხშირი, ხუჭუჭა, წაბლისფერი თმა ჰქონდა, მოშვილდული წარბები, მისი გრძელი, მუქი წამწამების ქვეშ ცრემლის მსხვილი კურცხალი დაიმალებო-და. ბიარტურმა ისევ შეავლო თვალი ნაზ, მომრგვალებულ დაწვზე, მან კი თავი დახარა და თითქოს სული შეუგუებლად, ჩურჩულით ჰკითხა:

— მაშ, მიღიხარ?

— შენი იმედით ვტოვებ სახლს, შინ თუ გარეთ. ხვალ გვენდურსა და შენ აგიხსნით, როგორ უნდა აჰამოთ ცხვარს.

აუსტა სოულილიას ტირილი წასკდა, თანდათან უფრო მოერია შიში, გულ-ში გაუჭდა, ყელში წაუჭირა, სასოწარკვეთილებას მიეცა. უიმედობის წუთებში, რაღაც უცნაური, ტკბილი გრძნობით რომ იპყრობს ადამიანის სულსა და სხეულს, აღარ იცოდა, რა ეთქვა, მასში ხომ სასოწარკვეთილება ლაპარა-კობდა! ნეტავი აუად გახდებოდეს და მოკვდებოდეს, როგორც დედამისი მოკვდა აქ, შუაზამთარში, თოვლითა და ყინულით დაფარულ ამ უკაცრიელ ზეობაში.

— ღმერთო, გვედრები, მომკალი, დამასამარე. არ მინდა სიცოცხლე, არა, არ მინდა ბედნიერება, ერთი ბედნიერი წუთიც კი... მე ვარ დამნაშავე, სულ ჩე-მი ბრალია, რომ დედინაცვალი მომიკვდა... კარგად რომ მომეველო, უკეთ მეზ-რუნა იმაზე... საბრალო ჰელვის ისე უყვარდა დედა, დღედაღამ იმაზე ფიქრობ-და. ამ შემოდგომაზე, ერთხელ, საღამო ხანს, ჰელვი კარის ზღურბლთან იჯდა და ჩემი ყურით ვაფიგონე, რომ თქვა, მეც მკვდარი ვარ უკვე... ნეტა მე ამბნე-ოდა გზა იმ სიბნელეში, მე დავდუშულიყავი, დავმარხულიყავი თოვლში. ვიცი, მჯერა, რომ სიკვდილი ძალზე კარგია. შენ თუ წახვალ მამა, მე ველარავინ მიშ-ველის... — სასოწარკვეთილი გოგონა მწარედ ქვითინებდა, მამას ეკვროდა, მისი თავი ბიარტურის მხარზე თრთოდა.

ბიარტური დაიბნა, სიტყვა ველარ გამონახა. ვერ გაეგო, უკვირდა ხოლმე, რატომ ტირის ხალხიო. ცრემლს ვერ იტანდა, მაშინვე გუნება აემღვრეოდა, როგორც კი მტირალ ადამიანს დინახავდა... მაგრამ თავისი ცხოვრების ყვა-ვილს, ამ უმანკო ბავშვს როგორ გაუწყებოდა. წყალი და ყრმობა განუყრელი თანამგზავრებია... თანაც შობა ღამე იყო... და ბიარტურმა ისევ გაუშეორა აუს-ტას, სახლის აშენებას რომ შეჰპირდა. ნუთუ დაავიწყდა? ეს იყო შემოდგო-მაზე, მას შემდეგ, როცა დედაბერი ფრიდა წავიდა მათი ხუტორიდან. ნეტა კი აქ არ მოხისფეხებულყო.

მაგრამ გამოირკვა, რომ აუსტა სოულილიას მიანცდამაინც სახლი კი არ უნდოდა, თავის მიწურ ქოხს როდი სწუნობდა. იქნებ ოდესღაც, დიდი, დიდი ხნის წინათ ჰქონდა ასეთი სურვილი, ახლა კი მიწურითაც კმაყოფილი იქნება, თუკი მამა არ წავა, დარჩება თავის სოულასთან, თუ არ მიატოვებს თავის პატარა აუსტა სოულილიას.

— მე რომ აქ მარტო დავრჩე, ყველა იმის შემდეგ, რაც მოხდა და რაც შე-იძლება კიდევ მოხდეს!..

ბიარტური უმტკიცებდა, არაფერიც არ მოხდება, მე ვარ თავდებიო, იცის, რასაც გულისხმობს აუსტა, მოჩვენებებზე ფიქრობს. ჰოდა, ახლა ბიარტური აუსტას იმასვე ეტყვის, რაც ხშირად უთქვამს თავისი ძაღლისათვის: . რასაც ეძიებ, იმას ჰპოვებო. ვისაც მოჩვენებების არსებობა სჯერა, შეეყრება კიდევ მათ. მან ქალაქს წასვლა გადაწყვიტა, უნდა მოეწყოს რამე საქმეზე, ცოტაო-დენ ფულს თავი მოუყაროს და შემოდგომაზე იყიდოს ცხვარი. თავის ცხოვ-რებაში პირველად მიიღებს ფულად გასამრჩელოს შრომაში. იმედი აქვს, რომ ბრუნისთან მოეწყობა, თუკი ბრუნი ცოცხალია, იქნებ ისე შეტრიალდეს საქ-მე, რომ ბავშვები მარტო არ დარჩნენ. ფიორღში ერთი კაცი ეგულება... მაგრამ ბიარტურმა სიტყვა აღარ დაამთავრა, არ უნდოდა ბევრი დაპირების მიცემა.

— ნუ დარბობ, გოგონი, აბა, რა გაქვს სადარდელი. დედაშენი მარტო-მარტო იყო, როცა მოკვდა აქ, ამ ოთახში, რამდენიმე წლის წინათ. აბა, რატომ უნდა ნანობდე, რომ ქვეყნად განდი. ახლა შენი ძალისა და უნარის გამოცოდის შესაძლებლობა გეძლევა და შენ იცი, როგორ გამოიჩენ თავს. ამაში არავინ არაფერს გამოგართმევს. ბედის სამღურავი კი სჯობია მაშინ ვთქვათ, როცა იმქვეყნად ვიქნებით. აბა, შეიმშრალე ცრემლი და წადი, დაიძინე.

ამით დამთავრდა საუბარი, ბიარტური დაჯდა. აუსტამ თავი ჩაჰქინდრა და ქურისკენ წავიდა. ტირილისგან ყელში რაღაც მოეხვინა, მაგრამ ეს არაფე-რია. სახელგანთქმული ორატორი, ივითი ოქროპირი რომ ყოფილიყო, მაინც ვერას გააწყობდა.

მამა დაწვა, გაეხვია საბანში. სარკმელს მიღმა მოლურჯო თოვლი იღო,

მაგრამ მინებზე ყინულის ნაყვები არ ჩანდა. ქურა გახურებულიყო, ქვაბში წყალი დღლდა, ოხშივარი ადიოდა, ოთახში გრძელი ჩრდილები გაწოლილიყო, ლამპა ბეუტავდა, შობა დამე იდგა. ვერა, ვერავითარი ძალა, უღმობელი თუ ლმობიერი, ვერ მოსტეხდა მას, გადაწყვეტილებას ვერ შეაცვლევინებდა. ძნელი იყო ასეთ მამასთან საქმის დაჭერა, მაგრამ აუსტა სოულილია არასოდეს არ ინატრებდა სხვა მამას. აუსტა უცებ მოეშვა (ასე ემართებათ გულამოსკვნილი ტირილის შემდეგ), მოდუნდა, მისთვის უკვე სულ ერთი იყო ყველაფერი. თითქოს შიგნით ყველაფერი გადმოუღღლდა, ორთქლის ბოლქვებად ჰაერში დაეკიდა, ნისლივით დააწვა და სულს უხუთავდა. ჯერ კიდევ მძიმედ სუნთქავდა, მაგრამ ცრემლი თანდათან შეაშრა წამწამებზე, თითქოს ცოტა დაშოშმინდა. ნელა იწყო წინდის გახნა, შემდეგ ქვედატანი გაიძრო და სკამზე დააწყო. ანგარიშმიუცემლად აკეთებდა ამას, არც მარჯვნივ გაუხედია, არც მარცხნივ. აწი როგორც არ უნდა მოიქცეს, ყველაფერი სწორი იქნება. დიდხანს იდგა ქურასთან, ცხელი წყლით სავსე ქვაბზე ხესავით გადახარლი. ლამპის მკრთალ შუქზე მოჩანდა მისი მაღალი მკერდის ნაზი მოხაზულობა, ორთქლის ჩრდილები დასრიალებდა კედელზე, ტუჩი ტირილისგან აბურცოდა და წამწამებზე შეაშრა მლაშე ცრემლი.

თ ა ვ ი ო რ მ ო ც ღ ა მ რ ვ ა

თეთრი ალი

ყველგან, სადაც კი ღვივის სიცოცხლის ნაპერწკალი, სულ სხვადასხვანაირია აღამიანური განცდები — მწუხარებაც და სიხარულიც. ამ მიყრუებულ ხეობაში რაღაც სასწაულის ძალით გადაჩინილმა ბავშვებმა იგემეს მწუხარება დიდიც და მცირეც, ყოველგვარი უბედურება, ნიადაგ რომ ატყდებოდათ თავს დღესასწაულში, თუ ჩვეულებრივ დღეებში. თუ დედათქვენი ზაფხულის პირველ მზიან დღეს გამოესალმა სიცოცხლეს, თუ მამამ სწორედ შობას გადაწყვიტა შინიდან წასვლა, უფროსი ვაჟიშვილის დაღუპვის შემდეგ, თქვენ უკვე შეცნობილი გექნებათ მწუხარების სახესხვაობა. მცირე ნაღველს დიდი მწუხარება ანშობს. მამის წასვლის შემდეგ ბავშვებმა უფრო მწვავედ იგრძნეს ობლობა. მამის მაგივრობა, იშვიათად, მაგრამ მაინც შეიძლება ვინმემ გაუწიოს ბავშვებს, დედის მაგივრობას კი ქვეყნად ვერავინ გასწევს. ამ შუა ზამთარში ბავშვებს სულ თვალწინ ედგათ ზაფხულის ის მზიანი დღე—დედის კუბო, ფა-

რეზი რომ დგას ფორანზე, აქა-იქ ჩამოკონწიალებულ ბუზის საქერ ქალაღებს შუა, მზე კი კაშკაშებს, ვითომც აქ არაფერიაო. დიდი ბუზი ერთფეროვანი, გაბმული ბზულით აწყდება ფანჯრის ჩარჩოს, სულ არ ანადღლებს, რომ ამ ოჯახში ჩაქრა სიცოცხლე, გაჩერდა ტანჯვითა და სიყვარულით აღსავსე გული, რომ პატარა ოთახში დაისადგურა სიკვდილის სიმშვიდემ, რომელსაც საერთო არა აქვს რა გულის სიმშვიდესთან.

დღესაც, როცა სარკმელი თოვლითაა მოფიფქული, ის მეყვსეული ხმა, ის სხვა სამყარო, ერთადერთი, უცვლელი, უსულგულო და უცხო ბგერა, კვლავ ცოცხლდება ბავშვების მეხსიერებაში. ყოველი მათგანი თავისებურად იგონებს და განიცდის იმ დღეს, ერთიმეორეს თვალს არიდებენ. ცა და ყინულით შეჯავშნული მთები მზის შუქით დაფერილა, ამ საშინელ, სუსხიან ყინვაში ბლანტი ფიფქის მწვერვალი ანთია, რიალებს თეთრი ალი და ბავშვებს ჰგონიათ, რომ ბურჯი გამოეცალა მათ სიცოცხლეს, ჩაიბზვლა, ჩაიქცა. ყინულჭრილთან მდგარი, უშფოთველი, მშვიდი ცხვარი გასცქერის თეთრად შესუღრულ უშენს და შეპბღავის: მას არ ძალუძს თავისი ხასიათის თვისებები გადასცეს ხალხს. იმ დღეს უქანასკნელად რომ აწამეს ცხვარს, ბიჭები იქვე, ფარების წინ ჩამოჯდნენ თოვლის ბორცვზე და უხალისოდ მიაჩერდნენ ერთფეროვან თვალშენაჩვევ სივრცეს. ორივე თავის საფიქრალს მიეცა, არც ერთი ხმას არ იღებდა... მძიმეა, აუტანელია ცხოვრება, როცა დღე-ღამეს შრომაში აწორებ, წუთი მოსვენება არ გაქვს, მაგრამ უფრო მძიმეა და აუტანელი ცხოვრება, როცა არავინ გვყავს ჭკუის მასწავლებელი. ვინც მიგითითებს, როგორ მოიქცე, რა უნდა ქნა. უმცროს ბიჭს ბებია გაახსენდა. აი, ვინ იცის ყველაფერი. ოღონდ კარგად უნდა დაუგდო ყური, რომ გაარჩიო მისი ნათქვამი. და ნონიმ უფროს ძმას გაუზიარა თავისი ნაფიქრი. ბებიაჩვენმა ყოველთვის წინასწარ იცის, რაც მოხდება. წინასწარმეტყველივით გეტყვის და მერე, ვითომც აქ არაფერიაო, ისევ თავის ჩხირებს მიუბრუნდებაო.

— ეგ რა გასაკვირია, ერთთვად თუ ქსოვს, — უბასუხა პატარა ნონის უფროსმა ძმამ. — თითქმის ას წელს მიულწევი და სხვა რაღა უნდა აკეთოს? შენ ისა თქვი, ჩვენ რა ვქნათ, რა გვეშველება?

— ჩვენ თამბაქო გვინდა.

— თამბაქო? — გაუკვირდა გვენდურს, ვერ მიხვდა, რას გულისხმობდა ბიჭი.

— დიახ, თამბაქო. ვისაც შემოქმედისა არ ესმის, თამბაქოა მისი მხსნელი ჩემი ყურით გავიგონე, ეს რომ უთხრა ბებია მამასახლისს.

— შემოქმედი? — გაიმეორა გვენდურმა. — რომელი შემოქმედი? მგონი თვითონაც არ გესმის, რას როშავ.

— მე იმას გეუბნები, — უთხრა პატარა ნონიმ, — როცა თამბაქოს ღე-
ქავ, აღარაფერზე ფიქრობ და აღარ ნაღვლობ, გინდაც ყველაფერი შენი სურ-
ვილის წინააღმდეგ ხდებოდეს, შემოქმედის ნებით.

— ჩვენი განსვენებული ძმისა არ იყოს, შენც რაღაც გაუგებარ აბდაუბ-
დას ჩმახავ. გირჩევნია, იმაზე იფიქრო და იოცნებო, რომ მალე გავიზარდოთ.
ძამას მხარში ამოვუდგეთ, ცხვარი მოვიმრავლოთ, სამჯერ უფრო დიდი ფა-
რის პატრონები გავხდეთ, გავიჩინოთ ძროხები, დიდი მეურნეობა, როგორიც
რედსმირშია, ავიშენოთ სახლი და ვინ მოსთელის კიდევ რა.

— მეც ხშირად ვფიქრობ მაგაზე, — უპასუხა ნონიმ. — მაგრამ ღმერთმა
უწყის, ეგ როდის მოხდება? ხანდახან იმაზეც ვფიქრობ, როგორ წავიდე აქე-
დან, თუ, მაგალითად, ასი წლის მანძილზე არაფერი მოხდა, არაფერი შეიცვა-
ლა. იმიტომ, რომ აქედან წასვლა შეიძლება, თუმც ჩვენი განსვენებული ძმა
კი ჩამჩიინებდა. ერთთავად, მაინც არაფერი გამოვაო. ბევრი ხერხიც მოვიგო-
ნე აქედან წასვლისა, მაგრამ თუ არაფერი შეიცვალა, თუ ბევრი, ბევრი წელი
გაივლის და ვერ მივალწევ მიზანს, მაინც ძალა ჩემს ხელთაა, შემიძლია ისე მო-
ვაწყო, რომ ჩემთვის სულ ერთი გახდეს ყველაფერი, გინდაც ცხვარი ვერ მო-
ვიმრავლოთ, ვერც ძროხები გავიჩინოთ და ვერც სახლი ავიშენოთ. ეს ძალა
კი — თამბაქოა. თამბაქო უნდა ვღეჭოთ.

გვენდურ გულბიარტურსონმა აღარ ინება ასეთი სისულელისთვის ყურის
დაგდება, ხმის ამოუღებლად წამოდგა და წავიდა.

ახალმა გრძელმა დღემ კვლავ მოჰტინა შუქი თოვლით დაბურულ მიდამოს
და ადამიანთა პატარა, მფრთხალ გულს. ძმები ისევ თოვლის იმ ბორცვზე დგა-
ნან. ირგვლივ, როგორც წინა დღეს, თოვლის თეთრი საბურველის მეტი არა-
ფერი ჩანს, არც ერთი მუქი ლაქა, არც ერთი. გვენდურ გულბიარტურსონმა
მოურიდებლად, პირდაპირ მიახალა ძმას:

— ყური მიგდე, ნონი. შენ თამბაქო მოიპარე, შარშანს აქეთ ბატკნების-
თვის რომ ინახავდა მამა? კართან რომ ყუთი დგას, იქ იღო სხვა ხარახურასთან
ერთად.

— გუშინ ისე მომეჩვენა, თითქოს შენ თამბაქოზე უარი თქვი. დღეს რა-
ღა მოხდა, რატომ მოგეპრიანა?

— თუ ახლავე არ მოგიცია თამბაქო, იცოდე, მაგრა მიგბეგვავ, — დაემუქ-
რა გვენდური უმცროს ძმას.

ბიჭები ეცნენ ერთმანეთს, მანამ ძიძგილაობდნენ და ფართხალბდნენ.
ვიდრე გვენდურმა პატარა ნონის ჩიბიდან არ ამოაცალა დაობებული საღეჭი
თამბაქო.

— აჰა, მარტო აპირებდი ამის შეკმას, არა, ღორმუცელავ?

ბოლოს ძმები შერიგდნენ, ჯერ დაყნოსეს თამბაქო, მერე ენის წვერი აუსვეს და პირი გააწვალაუნეს. ძმურად გავიყოთ შუაზე და დღეში ერთი ფირფიტის მეტს ნუ შეეკამთო, შეთანხმდნენ. მაგრამ დღის მიწურულს, ორივეს საშინლად ასტიკვდა მუცელი, ღებინება დააწყებინათ, თავბრუ ესხმოდათ, რის ვაი-ვაგლახით აბობლდნენ ოთახში. აუსტამ ტანთ გახადა ძმებს და ლოჯინში ჩააწვინა. აუსტა საგონებელში ჩავარდა, რა მოუვიდათო, ბევრი იფიქრა, თავი იმტერია, მაგრამ ბიჭებმა პირში წყალი ჩაიგუბეს, სიტყვა არ წამოცდენიათ იმ წამალზე, რომელიც ასე აბალისებს, ასე ესალბუნება სულსა და გულს, გინდაც ყველაფერი ღვთის ნებით, შენი სურვილის წინააღმდეგ ხდებოდეს.

აუსტა სოულილია ნართს ახვევს და ფიქრობს საღამოზე. როგორ შეეძლო არ ეფიქრა ყოველ მომავალ საღამოზე, ესოდენ უსასრულოდ რომ აგრძელებს, აჭიანურებს წარმავალ დღეს? აუსტა აზრით უბრუნდება გუშინდელ დილას, იხსენებს, როგორ კრაჭუნობდა კიბე მამის ფეხქვეშ, უკანასკნელად რომ ჩავიდა ქვევით, როგორ გაიფლარუნა აკაზმულობამ, როცა მამამ ლაგამი ამოსდო ბებერ ბლესის და ზედ შეჭდა. უნაგირის გარდიგარდმო ყუთი ედგა, როგორ გაიღრაჰუნა ყინვით შემკვრივებულმა თოვლმა ცხენის ფლოქვებქვეშ. ეს გამგზავრება—საგის პირველ ნაწილს ჰგავს. დიდხანს, დიდხანს ფიქრობს ამაზე აუსტა, იხსენებს ყოველ წერილმანს, რომ მერე შევბითა და სიხარულით იფიქროს მის დაბრუნებაზე. მამა სააღდგომოდ ჩამოვა. იქნებ აღდგომა „წითელი“ იყოს, როგორიც შობაა „თეთრი“? გაივლის კიდევ ბევრი, ბევრი საღამო, აუსტა სოულილია უცებ გაიგონებს აკაზმულობის უღარუნს, ის ლაგამს წაპყრის ცხენს და კვლავ აჭრაჰუნდება კიბე და, აი, საქვრომის ხვრელში გამოჩნდება მისი სახე, მისი ფართო, ღონიერი მხარბეჭი. ჩამოვიდა! აუსტა მიჰქრის იმ მომავლის ზმანებისაკენ, აი, უკან ჩამოიტოვა ურიცხვი, ურიცხვი საღამო, გრძნობს, რომ უკვე შეუძლია ნახტომი გააკეთოს და, აი, დგას ამ უსასრულო საღამოების პირისპირ, საღამოების, რომლებიც უნდა მოვიდეს და უნდა წავიდეს, როგორც მიცვალბებულები გაივლიან ცოცხალი ადამიანის გულში. ასე ცოტა რამ არის საჭირო ცოცხალი ადამიანის სანუგეშოდ. მაგრამ აუსტა სოულილიას არაფერი აქვს სანუგეშო.

— ბები, შობის დღესასწაული რომ გაივლის, რა იქნება მერე?

— რაო? — ჩაეკითხა ჰალბერა. — განა რამე იქნება კიდევ? საბედნიეროდ, მგონი მეტი არაფერი არ უნდა იყოს.

— კი, მაგრამ, ახალი წლის შემდეგ რაღაც ხომ უნდა იყოს, ბები?—ემე

* „წითელი შობა—თეთრი აღდგომა“—ისლანდიური ანდაზა. „წითელი მიწა“ ისლანდიურად თოვლით დაუფარავ მიწას ნიშნავს.

იმის გაგება მინდა, აღდგომამდე თუ არის კიდევ რაიმე დღესასწაული“, — გაიფიქრა აუსტამ, მაგრამ რატომღაც კითხვა ვერ გაბედა.

— არა, არა მგონია. რვა დღის შემდეგ ნათლილებაა, მაგრამ ეს დიდ დღესასწაულად არ ითვლება. მოკლე ხანში დიდი დღესასწაული აღარ იქნება, არა.

— ჰო, ნათლილება, — სწორედ ამის გაგება უნდოდა აუსტა სოულილიას. დღესასწაულები— მომავლისკენ გაქრილი საფეხურებია და როცა ამ საფეხურებს ითვლი, იოლად იფიწყებ ურიცხვ საღამოებს. დიახ, ნათლილების შემდეგ კი?

— მერე ტორის* თვეც დადგება.

„ტორის თვე“, — ნაღვლიანად ფიქრობს ყმაწვილი ქალი. ეს თვე თოვლის, ქარბუქის, თოვლის დნობის და ყინვის მონაცვლეობას ახსენებს. ამიტომაცაა უაზრო. თოვლის დნობა, რომელსაც ყინვა ენაცვლება, ყინვა და კვლავ თოვლის დნობა, და ასე საუკუნეიდან საუკუნემდე.

— არა, ბები, ტორის თვეზე კი არ გელაპარაკები, მე დღესასწაულები მქონდა მხედველობაში, დღესასწაულები...

— ჩემს ყმაწვილქალობაში, ხალხი აკვირდებოდა, როგორი ამინდი იდგა წმიდა პავლესა და მირქმის დღეს. მაშინ სულ სხვა დრო იყო, ხალხი ძველ წეს-ჩვეულებებს მისდევდა.

აუსტა სოულილია ელოდა დიდმარხვის ოთხშაბათს: ახსოვდა, რომ ამ ოთხშაბათის შემდეგ დიდი დრო აღარ რჩებოდა აღდგომამდე. აღდგომამდე კი, არც მეტი და არც ნაკლები, კიდევ ტორის თვე და გოუას** თვე იყო დარჩენილი, შემდეგ ამისა დაიწყებოდა დიდმარხვის ცხრა კვირა. ცხრა კვირა! ვინ აიტანს ასეთ მოლოდინს? აუსტამ მაინც გული გაიმხნევა, თავი დაიიმედა, არა უშავს, დიდმარხვის ცხრა კვირაც გაივლის და მერე, უკან მოხედვას ვერ მოასწრებს, აღდგომაც კარს მოგვადგებაო.

— მასამდე, მგონი, ყველიერი უნდა იყოს.

— მერე კი, ბები, დიდმარხვა დადგება. ჰოდა, აღდგომაც შორს აღარ იქნება, ზომ?

— თითქოს ასეა, — უპასუხა ბებია და ისევ თავი დახარა, ცერად დახედა თავის ჩხირებს. — ჩემს ახალგაზრდობაში მარხვა ყველიერის ოთხშაბათ დღეს იწყებოდა.

* ტორის თვე— შუა (მეოთხე)ზამთრის თვე, იწყება იანვრის შუა რიცხვების შემდეგ და შთაგრძელება თებერვლის შუა რიცხვების შემდეგ. ისლანდიური კალენდარი თავისებურია: წელიწადი ორად იყოფა: „ზამთარი“ და „ზაფხული“. დაახლოებით შუა „ზამთარში“ დგება ტორის თვე, მას მოსდევს გოუას თვე და ენმაუნულურის თვე.

** გოუას თვე— თებერვლის შუა რიცხვებიდან მარტის შუა რიცხვებამდე.

-- რომელი მარხვა?

— დიდმარხვა, ყველაზე უდიდესი, ჩემო გოგონი. როცა მეთექვსმეტე წელში ხარ, გეჩვენება, რომ აღდგომა დიდმარხვის პირველი კვირის შემდეგვე დგება. ჩემს ახალგაზრდობაში სულელს დაუძახებდნენ ქალს, თუ არ იცოდა, რა არის დიდმარხვა, როგორი უქმეებია ამ მარხვის მანძილზე, მაგალითად, ხარება.

— წითელი პარასკევი? — იკითხა აუსტამ, — ოდესმე ხომ უნდა დადგეს წითელი პარასკევი?

— მე მგონია, მანამდე მაგნუსის წირვა და კიდევ დიდი ოთხშაბათი უნდა იყოს.

აუსტა სოულილიამ მთავარ სალაპარაკო თემად აღდგომა აირჩია, მაგრამ მისი ცდა იმით დამთავრდა, რომ გზა აებნა კალენდარის ამ ულრან ტევრში, დაქარგა ორიენტაცია და დანებდა. ნართი დანამა მის გაოფლილ თითებში, დაინლართა, წარამარა ეკვანძებოდა და ველარ ხსნიდა.

ახლგაზრდობას რატომ ვერ ჰგვრის ნუგეშს იმის ფიქრი, რომ ყველაფერი თავის დროზე მოვა, როგორც ამას შემოქმედი ინებებს?

— დიდი უქმე განა ყოველთვის უპირატესია პატარა უქმეზე, — გულ-თბილად უთხრა მოხუცმა პალბერამ გოგონას. — კარგად მახსოვს, ერთხელ სამეზბას დიდი თოვლი იდო, განსვენებულმა მამაჩემმა ძროხა გარეთ გადენა, რომ ყინულიდან ამოშვერილი, ჩამჰკნარი ბალახი მოეწიწენა. საბანი შემოვანხვიეთ ზურგზე პირუტყვის, ცური ჭინჭით ამოეუკარით. ჩემს ახალგაზრდობაში ზოგჯერ ივანობას საშინელი ქარბუქი მძვინვარებდა.

თ ა ვ ი ო რ მ ო ც ლ ა მ ე ც ხ რ ა

უკეთესი დროება

რა არის ეს? ლაგამი ელარუნებს? ყინული ხომ არ წკრიალებს ცხენის ფლოქვებ ქვეშ? ბლესი ხომ არ ფრუტუნებს თოვლსა და სიბნელეში? ბლესია, პო, ნამდვილად ბლესია. ბავშვები თვალის დახამხამებაში ჩაცვივდნენ ქვევით და თოვლში გაჭრილი გვირაბით ავიდნენ თოვლის ბორცვზე.

— ჰეი, არის ვინმე აქ?

— მადლობა დმერთს, — დაიჩუჩა ვილაცამ სიბნელეში, სადღაც

მათ მახლობლად. — მაღლობა ღმერთს. ჩანს, მართლა მოუგნია ცხენს სახლის-
თვის. აქა ვარ, აქ, ჩემთან მოდიოთ.

ბავშვები იქით წავიდნენ, საიდანაც ხმა შეესმათ და მალე დაინახეს უც-
ნობი კაცი. კაცმა გათოშილი ხელი გაუწოდა მათ. როგორც მოსულს, ისე დამ-
ხედურებს ერთნაირად გაეხარდათ ერთმანეთის დანახვა.

— სახლის კარია ეს? — იკითხა უცნობმა.

— არა, ეს თოვლში გაჭრილი გვირაბის შესასვლელია, — უპასუხეს ბავ-
შვებმა.

— თუ ღმერთი გწამთ, ჩქარა შემიყვანეთ შინ, — თქვა უცნობმა. — მგო-
ნი, ავად გავხდი. თვითონვე მიკვირს, რა სასწაულმა გადამარჩინა, როგორ არ
გავიყინე ამ უშენში. ისეთ საშინელ ქარბუქში მოვხვდი.

ვიდრე გვენდური ბებერ ბლესის თავლაში დააბინავებდა, აუსტამ და
პატარა ნონიმ სტუმარი თოვლში გაჭრილი გვირაბით შინ შეიყვანეს.

— ეგრე ნუ გარბიხართ, ბავშვებო, ვერ მოგყვებით, მე ხომ ჯოხს ვებჯი-
ნები.

სტუმარი როგორც იყო აბობლდა ოთახში ამაველ კიბეზე, გაჩერდა საძ-
ვრომთან და მოხუც პალბერას მიესალმა. იდგა ერთ ადგილას მობუზული,
ძაგძაგებდა, მთაში სამოგზაუროდ ვერ იყო გამოწყობილი. ცხადია, ქალაქელი
კაცი. ისე გავითოშე, მემინია, ფილტვების ანთება არ დამემართოსო, .თქვა
უცნობმა. დიდი ხნის შემდეგ ბავშვები ხშირად იხსენებდნენ ამ წუთებს და
უკვირდით: რა უცნაურია, როგორი ბებერი გვეჩვენა, კიბის თავთან რომ იდ-
გა, ის კი მთლად ახალგაზრდა ყოფილაო. არც ერთი მისი მოძრაობა, არც ერთი
იღიმი მის სამოსზე არ გამოპარვია ბავშვების ხარბ თვალებს, ქვეყანას რომ
იყვნენ მოწყვეტილები, თოვლით დაფარულ უდაბნოში მდგარ ქონში გამომ-
წყვდეულები და საშინლად სწყუროდათ რაიმე ახლის დანახვა ან გაგონება.
ხამლიც ქალაქური აცვია, ეტყობა, წარჩინებული კაცი. პირველად მოხუცი
პალბერა გამოერკვია და სტუმარს ჰკითხა, საიდან ინებე მოზრძანებაო.

— ქვემოდან, ფიორდიდან ვარ, — მიუგო სტუმარმა.

— მაგდენი კი გამეგება, საბრალოვ, — უპასუხა მოხუცმა. — აბა, ჩემო
გოგონი, ვიანძვრა, სტუმარს მიეხმარე ზედა ტანსაცმელისა და წინდების გახ-
დაში. მარად დატრიალდი, ცხელი ყავაეც მიართვი მგზავრს. ჩვენთან ხომ არ
ინებებთ ღამის გათევას?

— დიახ, საბედნიეროდ, გზის გაგრძელება აღარ მჭირდება, — დაიხურჩუ-
ლა სტუმარმა. — დიახ, დიახ, — ისე ჩურჩულებდა უცნობი, თითქოს დიდ სა-
ედუმლოს უმხელს ვინმესო. აშკარა იყო, ადგილიდან დაძვრაც კი უქირდა.

აუსტა სოულილიას იმედი ჰქონდა, რომ სტუმარი არ გახდებოდა ავად

ფილტვების ანთებით. ეწინოდა, ავად რომ გახდეს, ვერ მოვუვლიო, პატარა ქალს ისეთი დიდი პასუხისმგებლობა დააწვა, მისი იმედით დატოვეს ოჯახი. და, აი, პირველი სტუმარიც ეწვია. ნეტა რა უნდა ქნას, რა გააკეთოს სტუმრის პატივსაცემად, როგორი სიტყვებით უნდა მიმართოს, რა შესთავაზოს. ბოლოს ისევ სტუმარმა დაარღვია ღუმილი და დაიჩურჩულა:

— დიახ, აქედან აღარსად მომიწევს წასვლა. მე გუღბიარტურ იოუნსონმა გამომგზავნა. რასაკვირველია, მოკითხვას გითვლით, თუმც ამის თქმა კი დაავიწყდა. მასწავლებელი გახლავართ, მთელი ზამთარი თქვენთან ვიქნები, თვითონაც არ მჭერა, მაგრამ ეს მაინც ასეა.

სტუმარმა გაიხადა გაქუცული, ქალაქური პალტო და ცალი ხამლი. მეორე ხამლის გახდას არ აპირებდა. ფეხიც როგორღაც უცნაურად გაფშეკილი ექირა. თითქოს ძვლამდე გაატანა ყინვამ და გაუშეშდაო. აუსტამ კინალამ ჰკითხა, რა მოგივიდათო, მაგრამ თავი შეიკავა. ეგებ ყმაწვილი ქალისთვის შეუფერებელია უცხო კაცისადმი მზრუნველობის გამოჩენა, გინდაც იმის შიში ჰქონდეს, რომ სტუმარს ფეხი მოეყინა? უცნობი საწოლზე წამოწვა და აუსტას სთხოვა, დამაფარე რამეო. აუსტას არასოდეს არ დაუფარებია მამაკაცისთვის საბანი, შეცბა, გული აუძგერდა, მაგრამ მაინც მივიდა და ისე გაახვია, როგორც თავის ძმებს ახვევდა, როცა პატარები იყვნენ და ის უვლიდა მათ. სტუმარმა მარჯვენა ფეხი არ შესწია საბანქვეშ, უცნაურად გაფშეკილ-გაშეშებული ეღო ლოჯინზე. აუსტამ აღარ იცოდა, რა ექნა.

მაღალი შუბლი ჰქონდა სტუმარს, შუბლზე ხშირი, მაგრამ სწორი თმა ჩამოშლოდა, სახის სწორი ნაკვეთები ყინვისაგან მოპრუწოდა. შეძგიბული კანი სითბოში ნელ-ნელა გაეშალა და სახე ძალზე დაუშევენდა. როცა აუსტა საბანს აფარებდა, დაინახა, რომ სტუმარს ყავისფერი პერანგი ეცვა. მამ ასე, კვლავ ეწვიათ სტუმარი. მოვიდა მათთან ნდობით და დასახლდა აქ. არა, ძე-ხორციელმა არ უნდა გაიგოს. აუსტა არავის, არავის დაპატიებებს ამ ზამთარს, რომ ქვეყანას არ მოსდონ ეს ამბავი. ამ სტუმარს აუსტას ველარავინ წაართმევს, როგორც უწინ წაართვეს, როცა პატარა იყო.

— ახალი რა არის? — ჰკითხა მოხუცმა პალბერამ სტუმარს.

სტუმარმა ბედ-იღბალზე ჩამოაგდო სიტყვა. ბედისწერის მიუწვდომელ. ამოუცნობ გზებზე, ავადმყოფ კაცს რომ ასეთ სახიფათო გზას გაუყენებს ამ შუა ზამთარში. მერედა ვის? იმას, ვისაც ათეული წლები გაუტარებია ქალაქებში, ღუმელით გახურებულ ოთახებში, საუცხოო სითბოში.

— დიახ, გამიგონია. ათას რამეს ამბობენ მაგ ღუმელებზე, — თქვა მოხუცმა პალბერამ. — არასოდეს თვალთ არ მინახავს ეგ ღუმელი და მთელი ცხოვრებაც ისე გავატარე, ფრჩხილიც არ წამომტკიებია, თუ სათვალავში არ

ჩავაგდებთ ჰინჭრის ციებას. თხუთმეტი წლისა ვიქნებოდი მაშინ, ერთ ღამეს გამომაყარა მხოლოდ, მაგრამ დილით ჩვეულებრივ წამოვდექი და ჩემს საქმეს შევეუდექი. სულ ნედლი თევზის ბრალი კი იყო, ბიჭებმა ტბაში რომ დაიჭირეს. ეგ. სამხრეთში მოხდა, იქიდან გახლავარ წარმოშობით.

სტუმარი ერთ ხანს გასუსული იწეა და ფიქრობდა ამ საოცარ მოხუცზე, რომელსაც უკანასკნელი სამოცდახუთი წლის მანძილზე ფრჩხილიც არ წამოსტკენია და ღუმელი თვალთ არ უხნახავს. ბოლოს, სტუმარმა ისევ დაილაპარაკა, მოხუცს უთხრა, კარგად თუ ჩაუფიქრდებით, იქნებ იმ დასკვნამდე მივრდეთ, რომ ღუმელში მოგუზგუზე ცეცხლი,—ეს მსოფლიო ცივილიზაციის ნიშანი — სწორედ ის ცეცხლი გახლავთ, რომელიც უფრო აცხოველებს ადამიანის გულში დანთებულ ტანჯვის ჩაუქრობელ კოცონსო. ჰოდა, საკითხავია, რა უფრო სასარგებლოა ადამიანის სხეულისთვის, სიცოცხე თუ ღუმელში აგუზგუზებული ცეცხლი, ცივილიზაციას თან რომ ახლავს. ეგებ პირველი სჯობს მეორეს? მართალია, როცა ქვეყანას ხედავ. ნაირსახოვანი, თვალწარბაცო სურათი გეშლება თვალწინ, მაგალითად, კალიფორნიის მოშრიალე ტყეები ან ხმელთაშუა ზღვის სანაპიროზე გაშლილი მზით მოთქროვილი პალმის ხეივნები. მაგრამ რაც უფრო მომხიბლავია, რაც უფრო თვალისმომპკრელად ბრწყინავს ბუნება—მით უფრო ცივი და უგრძობელია ადამიანის გულიო.

— თუმცა, — დაუმატა სტუმარმა, — მე მუდამ მიყვარდა ბუნება და როცა კი შესაძლებლობა მომეცემოდა, მუდამ ვცდილობდი დავმტკბარიყავი ამ ბუნებით.

— დიახ, — უპასუხა მოხუცმა. ჰალბერამ მასწავლებლის ჰკვიანური სიტყვების ნახევარიც ვერ გაიგო, რაც გაიგო, ისიც თავისებურად წაღმა-უყულმა შეატრიალა და ჩაიჩიფჩიფა:

— ვერ გამიგია, ეს რა ხუმტურმა მოუარა ბიარტურს. თვითონ წავიდაკეთილი ხალხი კი არ დაზოგა და ასეთ ამინდში გამოისტუმრა ჩვენკენ?

— ჩემზე ნუ სწუხართ, ბები. დროა ცოტა დავისვენო, ცოტა ხნით მაინც მოვწყვედ ცივილიზაციის ჭაობს, — მოკრძალებით მიუგო სტუმარმა მოხუცს, — კარგა ხანია დიდ სამყაროში ვტრიალებ, ვტრიალებ კაცობრიობის ოკეანეში. როცა კაცი იმდენ სიმწარეს იგემებს, ისეთ ტანჯვას გამოივლის, როგორც მე, გული პატარა სამყაროსკენ მიუწყევს. უბრალო, ბედნიერი ცხოვრებისკენ, როგორიც, მაგალითად, ამ ოჯახშია. მაგრამ განა ჩემსავით ყველას გაუღიმებს ბედი, რომ აქ ამოჰყოს თავი? დიდი სამყარო თავის ნადავლს ებღაუჭება, ხალხისით როდი უშვებს ხელიდან. დღეს, აქეთ რომ მოვდიოდი, ამ საშინელ გზაზე, ამ მიუვალ მთებში, გავიფიქრე, მორჩა, ჩემი აღსასრულის საათმა დაჰკრა—მეთქი, როგორც წიგნებში წერენ: ერთ მტერს გაქცევა კაცი და მეორე—

უფრო სასტიკსა და უღმობელს ჩაუვარდება ხელშიო. ვაის გავეყარე და ვუის შევეყარეო, რომ იტყვიან. თუ სასწაულის ძალით სიკვდილს გადავურჩი, ავად-მყოფობას ხომ მაინც ვერ ავცდები-მეთქი, ვფიქრობდი. მაგრამ აი, მოდის ჩემსკენ მშვენიერი ქალიშვილი, ცხოვრების ყვაილი, მოაქვს ყავა და ვხე-დავ, რომ ჭერ ადრეა სიკვდილი, ცოტა ხანს კიდევ უნდა ვიცოცხლო. არა, ბები, არა, ადამიანი არასოდეს არ არის ისე განწირული, რომ სიკვდილამდე ერთხელ მაინც არ გაუღიმოს ბედმა. — მადლიერებით აღესილმა სტუმარმა წამოიწია საწოლზე და ცხოვრების ყვაილს ყავა ჩამოართვა.

ხამლიანი ფეხი ჭოხივით ჰქონდა გამოშვერილი და ბიჭები თვალს ვერ აშო-რებდნენ ამ უჩვეულო ფეხს, ეჩვენებოდათ, რომ სწორედ ეს იყო მათი სტუმ-რის წარჩინების უტყუარი ნიშანი. აუსტამ ჰვავის პურის ნაჭერს სქლად წაუს-ვა ვირთვეზას ქონი და, წარმოიდგინეთ, ზედ შაქარიც მოაყარა. ასეთი რამ არა-ვისთვის არ გაუყეთებია, იშვიათად, მალულად თავისთვის თუ გააკეთებდა, რად-გან დიდ ფუფუნებად მიაჩნდა ქონწასმულ პურზე შაქრის მოყრა. სტუმარმა თქვა, ამაზე გემრიელი ჭერ არაფერი მიჭამიაო.

— მადლობა ღმერთს, — დაუმატა სტუმარმა, — თურმე ქვეყნად კიდევ არსებობენ ისეთი ქალიშვილები, რომელთაც გაწითლების უნარი შერჩენიათ. — ეს იმიტომ თქვა, რომ აუსტას აღმური აპკრავდა ხოლმე სახეზე, როცა ის მად-ლობას ეტყოდა. ნუთუ მართლა ასე ემაღლიერება ამ ტანწვრილ, სუსტ გოგო-ნას, ნიდაყვებგამოხეული, გაცვეთილი კაბა რომ აცვია? მერედა ვინ? ის, ვისაც კაცობრიობის ცხოვრების ოკეანე უნახავს, ოო, რაოდენ შემწყნარებელია დი-დი ადამიანი? აუსტამ მტკიცედ გადაწყვიტა, ისე მოქცეულიყო, ყველაფერი ისე გაეკეთებინა, რომ ამ კაცის მადლობა დაემსახურებინა. მან ხომ დასთმო კალიფორნიის მოშრიალე ტყეები, დასთმო ხმელთაშუა ზღვის სანაპიროზე გაშლილი, მზით მოოქროვილი პალმის ხეივნები, გადმოიარა დათოვლილი უშე-ნი იმისათვის, რომ მათ ასწავლოს. აუსტას დილით ადგომა მუდამ უჭირდა; ახლა კი ხალისით წამოფრთხილდებოდა ხოლმე უთენია და მაკატებს აკე-თებდა, რომ დილის ყავასთან ერთად მიერთმია სტუმრისათვის. რა თქმა უნდა, იმას ვერ ვიტყვით, რომ ამ კაცის სახეს მაშინაც კი ეფინა ღიმილი, როცა მისი ბაგე არ იღიმებოდა, მაგრამ ამაში გასაკვირი არაფერია, რადგან ის ზამთარში ესტუმრათ, უწინდელი სტუმარი კი, მუდამ მოღიმარი სახე რომ ჰქონდა, — ზაფ-ხულში. მასწავლებლის ჰკვიანი თვალები, რაღაც ისეთი სიკეთის, მზიარულების შუქს აფრქვევდნენ, თითქოს შენს სულში იხედებიან, თითქოს ამ თვალებს შეუძლია შენი სულისა და სხეულის ყველა ამოცანის ამოხსნაო. მძიმე წუთებში უსათუოდ გაგახსენდება ასეთი თვალები და გწამს, რომ შვებას მოგგვრიან,

განუგეშებენ. არა, აუსტას აღარ რცხვენოდა, ცოტა კი წითლდებოდა, მაგრამ ჰაინც ისე გათამამდა, რომ მამის ამბავიც კი ჰკითხა მასწავლებელს.

— დიახ, ჩემო ძვირფასო, ის ნამდვილი ვიკინგია, — თქვა მასწავლებელმა, — და თურმე ამ ვიკინგს წაბლისფერთმიანი, ფერმკრთალი გოგონა ჰყოლია. წარმოდგენაც არ მქონდა ამაზე.

— იმედია, ბრუნი უარს არ ეტყოდა ბიარტურს. ალბათ უკვე მოაწყო, არა? — ჰკითხა მოხუცმა პალბერამ.

— არა, ბები, ვაი რომ არა! — უპასუხა მასწავლებელმა. — წავიდა ის დრო, როცა ვაჟრები მონოპოლისტები იყვნენ, ყველაფერს მოთავეობდნენ. როგორც იქნა, აგვეხილა თვალი, გამოგვხიზლდით, საკმაოდ მოვმწიფდით იმისათვის, რომ დემოკრატიის მაღლით და სიკეთით ვისარგებლოთ.

— ბოდვაა, — მოკლედ მოუჭრა მოხუცმა.

— ახლა მთავარი ავან-ჩავანი ინგოულფ არნარსონ იოუნსონი გახლავთ, — თქვა მასწავლებელმა. — იმათ, ვინც ქვრივ-ობლების ძარცვით ხელს ითბობდა, ღირსეული სასჯელი მიუზღეს უკვე. დადგა ახალი, სხვა საუკუნე, რომელიც დიდი შეხლა-შემოხლის მიზეზი გახდა, რომელმაც თამამად გამოიწვია ბრძოლაში წარსული. იგი სამართლიანობას მოითხოვს, ჩაგრულთა და ღატაკთა ქომაგია, იგი ვრძობს თავის ძლევაშობლებას, თავის სიდიადეს, როგორც ნათქვამია „ახალი საუკუნის ხოტბაში“. ძალაუფლება იმათ ხელში გადავიდა, ვინც ვაჟრობის საქმეს საღ საძირკველზე აგებს. შობის წინა დღეებში ტულონიუს იენსენი ხომალდში ჩაჯდა და გაემგზავრა ისლანდიიდან. ჩვენ ვიბრძოდით ვაჟრობის იმ პრინციპებისათვის, რომელთაც ნერგავს ინგოულფ არნარსონი და ჩვენ გავიმარჯვეთ. ინგოულფ არნარსონმა უცხო ქვეყნები მოიარა. გაეცნო და ეზიარა მოწინავე ეკონომისტების ჰუმანიურ იდეებს და თავის ქვეყანაში ცდილობს ამ იდეების განხორციელებას, იბრძვის ამისათვის. ბევრ რამეს მიაღწია კიდევ. მან შეუძღბა მდგომარეობა იმათ, ვინც მთელი ცხოვრება ვაჟრის მონობაში დაფავდა სულს, მან სესხი მისცა ისეთ ღატაკებს, რომელთაც წლების მანძილზე ახლოს არ იკარებდნენ ვაჟრები, ერთ მუჭა ქვავის ფქვილსაც კი არ აძლევდნენ. ჩვენ დავებმარეთ ინგოულფ არნარსონს ძალაუფლების მოპოვებაში. მე ვიცნობ ერთ წვრილშვილ, ღატაკ კაცს, რომელსაც შიმშილით სული ძვრება, რომელიც გატაცებულია ლიტერატურით, უცხოელ მეცნიერთა ნაშრომებით. ამ კაცს ინგოულფ არნარსონმა მთელი კასრი დამარილებული ხორცი და სხვადასხვა სანოვავით სავსე ყუთი გაუგზავნა უფასოდ. გარდა ამისა, სამუშაოც უშოვა ორი კვირით, სასაკლაოზე მოაწყო. რას იტყვი ამაზე? ჩვენ ქვეყანაში ხომ ბევრია უმუშევარი, ბევრია ისეთი წყალწაღებული, რომელთაც სხვა გზა აღარა აქვთ, სამოწყალოდ უნდა გაიშვი-

რონ ხელი, ჰოდა, რამ მიიყვანა ასეთ სავალალო მდგომარეობამდე ჩვენი ხალხი? იმან, რომ შევეურიგდით, შევეჩვიეთ, ვითმენდით ვაჭრების თვითნებობას, გვეგონა, რომ ჩვენი ხსნა მარტო ამ წურბელების ხელში იყო, უქანასკნელ წვეთამდე რომ გეწოდნენ სისხლს, ტყავს რომ გვაძრობდნენ. დიან, დიდდა, ინგოულღ არნარსონ იოუნსენი დიდი კაცია. ძალზე ღვიანი და მოხერხებულიც გახლავთ, მთელი ქვეყანა გააცურა. უწინ დიდი თანამდებობა ეკირა, მაგრამ დასთმო, სასწორზე დადო თავისი სიცოცხლე და რეპუტაცია ჩაგრულთა დასახსნელად. უფლებამოსილნი ხომ გულაზიზობით არ გამოირჩევიან, არავითარ ნერხს არ თავილობენ, რას არ წერენ გაზეთებში იმათზე, ვინც ღარიბებს ეხმარება. და მაინც ჩვენი გავიტანეთ, ინგოულღ არნარსონი ბრუნის სახლში ჩავასახლეთ. უქანასკნელად რომ შევხვდი გულბიარტურ იოუნსონს, მას ინგოულღის ავეჯი გადაჰქონდა ბრუნის კოშკიან სახლში და, რამდენადაც ვიცი, გულბიარტური სამომხმარებლო საზოგადოების საწყობში მოეწყო სამუშაოდ.

— ასეა, ჩემო ბატონო, — დაიწყო მოხუცმა ჰალბერამ, — ასე იყო და ასე იქნება. ერთნი მიდიან, მეორენი მოდიან. ბევრი ავინებს ვაჭრებს. რა თქმა უნდა, ძნელია ფულის შენარჩუნება, თუ ყველას ამ ფულზე უქირავს თვალი. ახალი ცოცხი კარგად ჰგვის, ძველი მოატანს ქვიშასა, და ყველა ძველ ცოცხს ავინებს. ბევრი ვაჭრის სიკვდილს მოვესწარი, ჩემო ძვირფასო...

მასწავლებელი გონს მოეგო, ამ გადაყრებულ დედაბერთან რა საჭიროა ასეთ საქმეზე დაწვრილებით ლაპარაკიო, გაიფიქრა და სიტყვა ასე დაამთავრა: სამართლიანობის მზე მაინც აღმობრწყინდება, მალე ჩვენთვისაც დადგება უკეთესი დროო.

— დიან, ჩვენთვისაც დადგება უკეთესი დრო! — ეს იყო მისი მისამღერი. ღომელმაც ისე გაიწკრიალა, როგორც ახალმა ნათელმა მელოდამ ზამთრის ყრუ, ბნელ მუსიკაში, რათა გაეთბო ამ ცივი ქროლოვით გათოშილი, უღმობელი კალენდრის მკაცრი კანონებით დაბეჩავებული ხალხის გული.

ჰოდა, გამოირკვა, რომ დღესასწაულები უკვე აღარავის აინტერესებს, არც თამბაქოა შევების ერთადერთი წყარო, როცა შემოქმედი, რომლის გადაწყვეტილებანიც ესოდენ გაუგებარია, მწუხარებას გიგზავნის შენ.

შემდეგ ამისა, მასწავლებელმა ბარგის ამოლაგება დაიწყო. ბავშვებს ნება ღართო მოშორებით დამდგარიყვნენ და ექცირათ მისთვის.

უწინარეს ყოვლისა, ტომრიდან საკუთარი ნივთები ამოალაგა—ის ნივთები, მკვიდრად რომ აკავშირებს ადამიანს ცხოვრებასთან, ანდა, ყოველ შემთხვევაში, ასატანს ხდის ამ ცხოვრებას. რა ნივთები იყო? დაკერებული პერანგი და ცალი წინდა, ერთადერთი ამოკემსილი წინდა! რალაცნაირი იღუმალი სერიოზულობით აიღო ხელში ეს საგნები, თითქოს მათ ჯადოსნური თვისებე-

ბი აქვთო, და ხმის ამოუღებლად ამოდო ბალიშქვეშ. დიახ, დიახ, დიდმა ადამიანებმა წვრილმანებში ასე ოციან თავის გამოჩენა! ბავშვებმა თვალი გააყოლეს და დაინახეს, როგორ გაუჩინარდა ნივთები ბალიშქვეშ. შემდეგ მასწავლებელმა ამოდო ბავშვებისთვის განკუთვნილი ნივთები—სახელმძღვანელოები. რაც თავისი სამსახურებრივი მოვალეობის თანახმად ჩამოეტანა. მასწავლებელმა ოთხკუთხედ შეკრულას სიყვარულით გადაუსვა ხელი და თქვა:

— მაშ ასე, ჩემო კარგო ბავშვებო, თქვენ ახლა დაინახავთ: ამ შეკრულაში სამყაროს სიბრძნეა დამალული!

დიახაც ასე გახლდათ: შეკრულაში იყო ახალი წიგნები, საღებავის სუნი უდიოდა. ყოველი წიგნი პრილა ქალაქში იყო გახვეული და თეთრი ბაწრით შეკრული. ამ სხვადასხვა ფერის დასურათებულ წიგნებში საუცხოო, წარმოუდგენელი ამბები იყო დაბეჭდილი. ერთ წიგნში აღწერილი იყო უცხო ჯიწის ნადირები, მეორეში—უცხო ხალხი და გარდაცვლილი ხელმწიფეები; მესამეში—სხვადასხვა ქვეყნები, მეოთხეში—ციფრათა რთული მეცნიერება, მეხუთეში—ისლანდიაში დიდხანს ნალოდინევი ქრისტიანობის გავრცელება, ყველაფერი, ყველაფერი, რაც კი სწყუროდა სულს. ახალ-ახალი წიგნები, ესაა დუქნიდან გამოტანილი, ღმერთო, რას არ გაიგებ ამ წიგნებიდან!

— ცოდნას ადამიანი უფრო მაღალ საფეხურზე აჰყავს, მის ცხოვრებას უფრო ნათელს ხდის, ხალისს მატებს. დიახ, დიახ, ყოველი ჩვენგანისთვის მაღლ დადგება უკეთესი დრო.

მასწავლებელმა ბავშვებს გამოუცხადა, წიგნი ვერ იტანს ჭუჭყიან ხელებს, მარტო თითის წვერებით შეგიძლიათ შეეხეთო.

— ჯერ ქალაქი გადავაკრათ ყოველ წიგნს, არ შეიძლება ყდის დასვრა. ყუის შემოძენდა. წიგნი ადამიანისთვის ყველა განძზე ძვირფასია. წიგნმა იხსნა ხალხი მონობოლიის და ეპიდემიის დროს, ვულკანის ამოფრქვევის დროს. დიდ თოვლზე აღარაფერს ვამბობ, ქვეყნის კიდით-კიდემდე მიმოფანტულ სახლებს რომ მონამქერებს. და ასე იყო წლობით, საუკუნიდან საუკუნემდე. ეს კარგად იცის მამათქვენმა, თუმც ძალზე ჯიუტი გოგრის პატრონი კია. ჰოდა, მან სპეციალური კაცი გამოგიგზავნათ ამ წიგნებით. ამიტომ სათუთად მოეპყარით წიგნებს.

მამისადმი მადლიერების გრძნობით გულაჩუყებულ ბავშვებს ლამის ცრემლი მოერიათ. წავიდა, მაგრამ შვილები როდი დაივიწყა. აი, თურმე როგორი მამა ჰყოლიათ! აუსტა სოულოლიამ ბიჭებს უთხრა: ახლა ხომ დარწმუნდით, როგორია მამაჩენიო. აბა, რომელი მამა გაუგზავნის შვილებს სპეციალურ კაცს იმისათვის, რომ მათ ყოველივე ისწავლონ?

— ამ წიგნებში უცხო ქვეყნებზე თუ წერია რამე? — ჰკითხა პატარა ნოხა მასწავლებელს.

— როგორ არა, ჩემო ბიჭუნო, ახალ და ძველ ქვეყნებზე. იმ ახალ ქვეყნებზე, ნორჩი ქალწულებრივით რომ ამოდიან ზღვიდან და ზაფხულის მზის პირველ სხივებში ავლებენ თავის ძვირფას ნიჟარებსა და მარჯნებს; ძველი ქვეყნების სურნელოვან ხეივნებსა და მშვიდად მოშრიალე ფოთლებზე, იტალიის ლურჯ მთებზე ამართულ, მთვარით განათებულ ათასწლოვან ციხე-კოშკებსა და თეთრად მოქათქათე ქალაქებზე, დღენიადაგ მზის სხივებში მოლივლივ მშვიდ, მწვანე ზღვას რომ უწვდიან ხელებს. მართალია თქვენი და, ყველას როდი გაუღიმიებს ასე ბედი, რომ უდიდესი ქვეყნების შესახებ გაიგოს რამე, ისიც ისეთი კაცის პირიდან, ვისაც საკუთარი თვალით უნახავს, ვისაც თავისი ფეხით მოუვლია ეს ქვეყნები.

ბავშვები ველარ მოწყდნენ წიგნებს, მაგრამ მასწავლებელმა ყოველ წიგნში მხოლოდ თითო სურათის დახვალეირების ნება დართო და მათ იხილეს რომის ღედი—მათი ხუტორის წინ ამართულ მთასავით უზარმაზარი ქალაქის. ნახეს ეირაფი, რომელსაც იმსიგრძე კისერი ჰქონდა. მათი ქონის კართან რომ დამდგარიყო, თავს საკვამურ მიღს მიუწვდენდა.

თქვენ წარმოიდგინეთ, ბავშვებმა ვერც კი გაიგეს, როგორ მიიწურა საღამო, ასე შეუმჩნეველად ჯერ არ გაჰპარვიათ იგი. ბავშვებმა ფრთხილად გაახვიეს წიგნები ქალაქში. ათასი რამის კითხვა უნდოდათ, მაგრამ მასწავლებელმა თქვა, დღეისთვის ესეც გეყოფათ, დალილი ვაო, გარდა ამისა, სიხარბეს ნუ გამოიჩინებთ, ამ სიბრძნის წყაროს ერთბაშად ნუ დაეწაფებით, უცებ ნუ მოიწადინებთ ბევრის გაგებასო.

მასწავლებელმა დაწოლა დააპირა, ბიჭები იქვე იდგნენ და მოწიწებით აღვისილნი უყურებდნენ, როგორ იხდიდა იგი ტანთ. მარტო აუსტა სოულოლიამ გააჩინა თავი და ბებიას მიუჯდა გვერდით. მასწავლებელმა თავისი ჯოხი ლოგინზე დადო, საბანი წაფარა, ნეტა სული ხომ არა აქვს ამ ჯოხს, ბოლოს მარჯვენა ფეხიდან დაიწყო ხამლის ვახდა. გაიხსნა ყაითანი, თითქოს დიდი ძალდატანება სჭირდებოდა ყოველი მოძრაობისათვის. რაღაცით თითქოს მამასახლისს მოჰგავდა, ხან კი წიგნით მოვაკრეს. ფუი, ეს რა სულელური აზრები უტრიალებს თავში!.. როგორ ახველებს ცხვირსახოცში... დაიხ, ყველაფერი იმას მოწმობს, რომ ის განსაკუთრებული კაცია. მეორე ხამლი? ნეტა რა ნახეს ბიჭებმა, მეორე ხამლი რომ გაიხდა? ფენი. მაგრამ ჩვეულებრივი ფეხი კი არა, ცოცხალი თეთრი კანით დაფარული, ანდა, ყოველ შემთხვევაში, ბუსუსიანა მოთეთრო კანით, — არა, განსაკუთრებული ფეხი—მუქი ფერის, გაპრიალებუ-

ლი. უხორცო და უსისხლო — ფაბრიკის ნაწარმი. პატარა ნონი ვერ მოერია თავის გრძნობებს და განცვიფრებულმა წამოიყვია:

— სოულა! მოდი, ერთი დახედე, როგორი ფეხი აქვს!..

აუსტა სოულილიამ, რასაკვირველია, არ მოისურვა მამაკაცის ფეხის და-
ნახვა. ეს ლამაზი არ იქნება მისი მხრივ.

— როგორ არ გრცხვებია, ნონი, რას ჰვავს ეს, აბა, როგორ იქცევი? —
კადმოისროლა ზურგშექცევით მკდარმა აუსტამ. მაგრამ მეორე დღეს გულმა
ეღარ მოუთმინა და ძმებს ჰკითხა, მითხარით, როგორი ფეხი აქვს მასწავლე-
ბელს, რა ნახეთ არაჩვეულებრივიო. ბიჭებმა ცხვარს თივა დაუყარეს თუ არა,
პაშინვე აუსტასთან მიიბრინეს, ერთმანეთს არ აცლიდნენ ლაპარაკს, ერთად
უყვებოდნენ, რაც ნახეს. გასაოცარი კაცია, რა კარგი იქნება მასთან სწავლა
და რამდენი რამ გვეცოდინება, გაზაფხულზე სწავლას რომ მოგვჩვენებო. ბავ-
შეები ერთთავად მასწავლებელზე ლაპარაკობდნენ, ყველაფერი უკვირდათ.
ოცნებდათ — ამ კაცის ჩურჩულით ლაპარაკი — თითქოს საიდუმლოს უზი-
ოებს ვისმესო, ხის ფეხი. ჯობს, რომელსაც გვერდით იწვენდა ლოგინში, გეგონე-
ნათ ცოცხალი არსებააო. დიახ, ზაფხულის სავანელ ბავშვებს ნამდვილად გა-
ულრმა ბედმა: როგორი კაცი ცხოვრობს მათ სახლში! ბავშვები რატომღაც
დარწმუნებული იყვნენ. რომ სწორედ მათმა მასწავლებელმა წაართვა ბრუნის
ის კომპებიანი სახლი და ინგოულფ არნარსონს გადასცა იმისათვის, რომ იგი
აწყალ ხალხს დახმარებოდა, დაერიგებინა მათთვის თითო მუქა ჰვავის
ფეხილი. მაინც რა უცნაურია, ამ წარჩინებულ ლამაზ კაცებს, შორეული ქა-
ლაქებიდან რომ ჩამოდინან, ყავისფერი პერანგები აცვიათ?..

აი. მათ ოთახში წვეს კაცი, რომელსაც მოუვლია ძველი და ახალი ქვეყ-
ნებო, მზის პირველ სხივებში და მთვარის შუქში. რომ ლივლივებენ, კაცი, რო-
მელსაც იმდენი, იმდენი რამ უნახავს... ნეტავ კი აუსტა სოულილიამ დაიხსომოს
ყველაფერი, რასაც ეს საოცარი კაცი ჰყვება, რომ შემდეგ სხვებს უამბოს...
არა, არავის არა აქვს ასეთი ენა, არავინაა ასეთი ოქრობირი. იგი აქ წვეს. შეს-
კერის მათ, ჰკვიანი, სერიოზული თვალებით. აი, საბანი წაიფარა და მთებ-
ში ძნელი, სახიფათო მოგზაურობის შემდეგ ისვენებს მათ სახლში, მათ ჰერ-
ცეშ. ეს გზა ხომ მან მათი გულისთვის განვლო. მათი გულისთვის გა-
მოემშვიდობა ათასწლოვან, მშვიდად მოშრიალე ხეივნებს, სადაც და-
ბადა და გაიზარდა. ოო, რომ შეეძლოთ, რითიმე გადაუხადონ ამ სიკეთის
სამაგიერო! იმ ლამეს, დასაძინებლად რომ დაწვენენ ბიჭები, გაიფიქრეს, ბებია-
ჩვენით ას წელიწადს ისე ვიცხოვრებდით, თამბაქოს არ გავეკარებოდით,
არ მოგვებზრდებოდა ყოველ დილა-საღამოს ტანთ გახდა და ჩაცმაო. დიახ, ეს
იყო ნამდვილი ბედნიერება. სიხარულითა და იმედით სავსე მომავლის მოლო-
ლონი.

— ჰო, — ჩურჩულებდა მასწავლებელი, — ეს არის უბრალო, გულუბრყვლო ხალხის სამეფო. რა უცნაურია, რომ აქ ამოყვავი თავი მას შემდეგ, რაც ამოების ბაზარი მოვიარე ვრცელ ქალაქებში, — მასწავლებელმა ამოიხზა და დაუმატა: — დიახ, დიახ, დიახ. ბევრი გზა-ბილიკი ვტკეპნე, ბევრ ციკაბო ფერდობზე ვიბობლიალე. ვცხოვრობდი ხალხით გაქედნილ სამყაროში—ეგოიზმის სამყაროში, სადაც სული შფოთავს, ღელავს, ფართხალებს, ფრთებს აფთქუნებს, სადაც სანაიდაგდლო ცხოვრებისეულ ჭაობში ყინვასავით მსუსხავი მარტობის სიცივე ჩაგსაფრებია, სადაც დულს და გადმოდის სიმშვიდეს, უნწიკლოებას და სიყვარულს მოკლებული ცხოვრება. აქ კი, ვგრძნობ, კარგად ვიქნები.

— აუსტა სოულილია, ქენი სიკეთე და ფინჯნით სულ ცოტა ყავა დამიდგა. ვაითუ ღამით გული ამტკივდეს. თუმცა, მჭერა კი, რომ ამეღამ გული არ ამტკივდება.

ბიჭებმა ტანთ გაიხადეს და ღამმა ჩააქრეს, ჭრაქილა ბეუტავდა ბებიის თაროზე. აუსტას უცებ გაახსენდა, რომ მას შემდეგ, რაც მამა წავიდა, არ დაუბანია და მაშინვე შეუდგა საქმეს, დაიბანა, თმა დაივარცხნა, მერე საწოლთან მივიდა და ძველი, დაფხრწილი კაბა რომ გადაიძრო თავზე, შარიშური გაისმე. ქვედატანის გახდა ვერ გაბედა, მასწავლებელმა არ დამინახოსო და ასე, ქვედატანიანად შეძერა საბანში, თავისი ძმის გვენდურის გვერდით. ამ ღროს ბებიაჩა ქრაქი ჩააქრო.

— დამე მშვიდობისა! — გაისმა სიბნელეში მასწავლებლის ჩურჩული.

აუსტა სოულილიამ აღარ იცოდა. რა ეპასუხა ასეთ თავაზიანობაზე, გულაუძგერდა, მაგრამ ცოტა ხნის შემდეგ თვითონაც დაიჩურჩულა:

— დიახ...

მასწავლებელმა უკვე ხვრინვა ამოუშვა, ბავშვებს კი ძილი არ ეკარებოდათ, შეზნაროდნენ მომავალ ახალ ცხოვრებას, წიგნების სუნი ჯერ კიდევ უხიციანებდათ ცხვირში.

აუსტა სოულილიას ნელ-ნელა აერია ფიქრები, ქუთუთოები დაუმიძიდა. თვალი მილულა და შეუმჩნევლად შესრიალდა რაღაც უცნაურ, მერყვე სამყაროში, სადაც ესოდენ უგუნური და უაზრო ეჩვენებოდა ყოველივე, მაგრამ, ვინ იცის, ეგებ სწორედ ეგ იყო ნამდვილი სამყარო. საკვამური მიღებიდან მხეცებს თავი ამოყვოთ, მთა წარმტაც საყდრად ქცეულიყო, მას რამდენიმე სამრეკლო ჰქონდა და ყოველი სამრეკლოსკენ ბნელი, ჭრიალა კიბე აღიოდა. აუსტა სოულილიას ერთ-ერთ სამრეკლოზე უნდოდა ასვლა. ფრთხილობდა, ეშინოდა, მაგრამ რაკი გზას შეუდგა, ძალაუნებურად უნდა გაეგრძელებინა, ასულიყო ზევით, სულ ზევით. აღის აუსტა, კიბე კი ჭრიჭინებს და ჭრიჭინებს...

აუსტამ იცის, რომ მამა უკან მოჰყვება და ეშინია: რომ მიიხედოს, მამას მკლავებში ჩაუვარდება და მაშინ მაგარ სილას მიიღებს, აი, აუსტამ თანდათან აუჩქარა ნაბიჯს, კიბეზე არბის, კარველი უნდა ავიდეს იმ სამრეკლოზე. მაგრამ ძალე სული შეუფუბდა, შიშით ცახცახებს და მაინც სიხარულით მიხტის საფეხურიდან საფეხურზე, უნდა ავიდეს იმ სამრეკლოზე, უსათუოდ უნდა ავიდეს. ვერა, ვერავინ გაიგებს ამას. კიბე კი თანდათან ვიწროვდება, აუსტა უკვე კედლებს ეხლება, საფეხურები საშინლად ჭრიანებს და შიში სძლევეს სიხარულს. ღმერთო ძლიერო, როგორ მოხვდა საყდარში, ნაცვლად იმისა, რომ გარეთ მღვარიყო მშვიდად, არხეინად. და თუ ვერ მოასწრო სამრეკლოზე ასვლა, მამა საცაა დაეწევა და სილას გააწნავს. ამ დროს ზევით რაღაც ნერვული გამოჩნდა. არა. ხერვლი კი არა, ღრიკოდ გამოღებული კარი, იქიდან ვილაც დასცქერის: აუსტას უყურებს. თითქოს ეცნაურება ეს სახე. ნეტა ვინ არის? რას უქადის? სიხარულს? არა. არა! ეგ ხომ წიგნით მოვაკრე ის გონჯი ბერიკაცია, რომელსაც იმდენი უკანონო შვილი ჰყავს, სულ ყველა ავები და გონჯები? მოხუცი ჯობს ღაყრდნობია, ყავისფერი პერანგი აცვია... ნეტა, ამ მაინახმა სად იშოვა ეს ყავისფერი პერანგი?.. მოხუცი აუსტა სოულილიას უცდის წიგნით ხელში. „მოდო, საინტერესო წიგნს გიჩვენებ, დიდ მოღაშია ახლა. დახედე, ძვირფასო ფრეკენ, ნუთუ, არ მოგწონს?“

აუსტამ გაიღვიძა, ოფლში გაღვრილია, თრთის, ცახცახებს იმ გამოუცნობი. გაუგებარი შიშით, ცუდ სიზმრებს თან რომ სდევს, ამ შიშს თავს კელარ აღწევს მთელი ღამე და მეორე დღესაც გაჰყვება შიშისა და დაღლილობის გრძნობა.

თვალი რომ გაახილა აუსტამ, ყურში ჭერ კიდევ ედგა საკუთარი ყვირილის გამოძახილი. ლოგინში წამოჯდა, ღრმად ამოიხვნეშა, მის გულს ისეთი ზავაბუგი გაჰქონდა, თითქოს ურო ეცემა გვარგარებულ რკინას გრდემლზეო. ოფლით დანამული ხელი მუზლზე გადაისვა. არა, არა და არა, არავითარი საფრთხე და განსაცდელი არ მოელის, ეს მხოლოდ ავი სიზმარი იყო. აქვე ახლოს წევს მასწავლებელი, რომელიც იმისთვის ჩამოვიდა აქ, რომ მათ უკეთესი ხანა დაუდგეთ, რომ მათი ცხოვრება შეივსოს. დილით მაჭკატებს გამოუტყობს, რომ მალე მოიკეთოს მასწავლებელმა... პატარა ქალს ნელ-ნელა გაუქრა შიში, მასწავლებლის სუნთქვას ყური მიუგდო და გულით უსურვა მას ყველა სიკეთე. დიან. მათთვისაც დადგება უკეთესი დრო. და აუსტა სოულილია ისევ დაწვა

პ ო ე ზ ი ა

და აღმობრწყინდა შუქი ცოდნისა.

თურმე მსოფლიო კულტურის მაცნენი—ეს მარტო ქალაქი რომი და ჟირაფი კი არ ყოფილა, როგორც, შესაძლოა, პირველ საღამოს წარმოიდგინეს ბავშვებმა, არამედ სპილოც. დანიაც და ბევრი სხვა რამ. ყოველდღე ეცნობოდნენ ახალ მხეცებს, ახალ ქალაქებს, ახალ ხელმწიფეებსა და ღმერთებს, თუ აღარაფერს ვიტყვით ციფრებზე, ასეთ პაწიებზე და ესოდენ ძლევაშოსილებზე. ერთი შეხედვით მკვდარი რომ ჩანან, ყოველ მათგანს თავისი მნიშვნელობა აქვს, მათი შეკრებაც შეიძლება და მერე შენი სურვილისამებრ ამოკახვია...და ბოლოს—პოეზია, რომელიც კიდევ უფრო დიდია, ვიდრე უდიდესი ქვეყანა, მოელვარე სასახლესავითაა აზიდული და ადამიანს ფრთებს ასხამს, სული არ-წივივით დანავარდობს, ციდან კი შუქი იღვრება და ქარი ბობოქრობს.

დილაობით, როცა ცხვარს აჰმეღდნენ ბავშვები, გაოცებული ლაპარაკობდნენ იმის შესახებ, თუ ასე მოულოდნელად როგორ შემოიჭრა მათ ნაღვლიან ცხოვრებაში ადამიანი, რომელმაც არა მარტო იცოდა ყველაფერი, რაც წივნებში წერია. არამედ საკუთარი თვალით ენახა და შემოეფლო ეს სამყარო, მან მარტო ქალაქები და სამხეცეები როდი ნახა, არამედ იხეტიალა ტყეებში. სადაც ადამიანი პოულობს სიხარულს, ანდა, თუ სიხარულს არა, ყოველ შემთხვევაში, სიმშვიდეს მაინც და იცოდა ადამიანის გულში ჩამწვდომი სიტყვებიც. თუ გვენდური მცირედით კმაყოფილდებოდა, ფიქრობდა, რომელი პირუტყვია ცხვარზე უფრო სასარგებლო, ან ანგარიშში ვარჯიშობდა, გადაამრავლებდა ცხვრებს ბატკნებზე, დაითვლიდა იატაკის ფიცრებსა და ჭერის კოჭებს, შეაჯამებდა, გამოაკლებდა ერთიმეორეს, პატარა ნონი სულ შორეულ ქვეყნებზე ოცნებობდა, აზრით ამ ქვეყნებს უტრიალებდა. ბიჭს ეჩვენებოდა, თითქოს ახლად მიიღო სარწმუნო საბუთი იმისა, რომ ეს ქვეყნები არსებობს, რომ კეთილმა ხალხმა ბავშვების გასართობად და საამებლად როდი მოიგონა ეს.

აუსტა სოულილია? პოეზიის ფრთები შორს მოაქროლებდა აუსტას, იქ. საიდანაც გაზაფხულის ერთ ღამეს თითქოს შორეული ექო შეეცმა, როცა იმ პატარა გოგოს ამბავი წაიკითხა, შეიდი მთა რომ გადაიარა. ის ექო აუსტას ყურში ახლაც სიმღერასავით ჟღერდა და ამ სიმღერაში ყმაწვილი ქალი თავის თავს ხედავდა. ბედნიერება, ბედისწერა, მწუხარება — ყველაფერი გასაგები გახდა მისთვის. თუ ხრიოკ ადგილას ქვა-ლორღში ამოსულ ყვავილს დაინახავ, თავს ეკითხები, ესოდენ შეუპოვრად, ესოდენ ჭიუტად რად მიიკვლევს გზას

სიცოცხლე, რად ებრძვის ათას დაბრკოლებას? ხომ არ მოვწყვიტო ეს ყვაილი და მისი ღეროთი ჩემი ყალიონი გამოვწმინდო? ნუ, ნუ მოწყვეტო ყვაილს. ეს პატარა მცენარეც მღელვარებით ფიქრობს წუთისოფლის წარმავლობასა და უსაზღვროებაზე და ამ ქვა-ღორღში ცოცხლობს სიკეთისადმი სიყვარულით ისევე აღტყინებული, როგორც თქვენ და მე. ფრთხილად, ნუ, ნუ მოგლვებო ყვაილს: ეგებ, ეს პატარა აუსტა სოულილია.

აუსტამ ბავშვობიდან შეისწავლა სკალდების მალაღფარდოვანი ენა, მათი სიმღერები და ახლა გამოადგა ეს წინასწარი მომზადება. განსხვავება მხოლოდ ის იყო, რომ სკალდების სიმღერები ნაკლებნაყოფიერ, მცენარეულობით მწირ, ქვა-ღორღით მდიდარ ქვეყანას ჰგავდა, მაშინ, როცა ახალი პოეზია ყვაილების მომხიბლავი სუნთქვით, ყვაილების სევდიანი სურნელებით იყო გაქლენილი. მასწავლებელი სულ სხვანაირად კითხულობდა ლექსებს. ბიარტური მახვილს რითმაზე, განსაკუთრებით შინაგან რითმაზე სვამდა, მასწავლებელი კი გასაოცარი მეტყველი ჩურჩულით კითხულობდა, — ის ხომ სკალდების საიდუმლოებასაც ჩასწვდა. როცა მასწავლებელი ლექსებს კითხულობდა, მათ ოთახში ყოველი უსულო საგანი ცოცხლდებოდა, ამ საგნებს თავისი საიდუმლოება ჰქონდა. და როცა აუსტა საწოლის ცივ კიდეს ხელს გადაუსვამდა, ეჩვენებოდა, რომ ისეთი თბილი და რბილი იყო ეს კიდე, თითქოს მასში ცოცხალი გული ფეთქავსო. მასწავლებელმა ის სიტყვებიც იცოდა, რომელთაც აუსტა სოულილია ღრუბლებში ხედავდა და ამაოდ ცდილობდა მათ ამოკითხვას, როცა პირველად იგრძნო სიყვარული, მაგრამ მაშინ ჯერ კიდევ პატარა იყო და განა შეეძლო ჩაწვდომოდა ღრუბლების საიდუმლოებას? ის ხომ იმას ეძებდა, რაც იქ არ იყო. ის კაცი, მაშინ რომ მოვიდა სანადიროდ და საოფისაოდ, პოეზიას არ იცნობდა, არა, ნამდვილად არაფერი გაეგებოდა პოეზიისა, რომელიც ყველაზე უძვირფასესია ადამიანისთვის. თუ იოუნის ქალიშვილი ოდური მისთხოვდა იმ მონადირეს, სხანდია, მისგან ვერასოდეს გაიგონებს პოემას, და აუსტა სოულილიას გული სიამაყით აეგსო.

მართალია, მონადირეს სახე ერთთავად უღიმოდა, მაგრამ განა მისი თვალები ასეთ შუქმფინარ სხივს გამოსცემდნენ, განა ასე ბრწყინავდნენ? არა, არც მის ხმას გააჩნდა ის იდუმალი მომხიბლაობა, როგორიც ამ კაცის ხმას აქვს, კაცისა, რომელმაც ზეპირად იცის ყველა პოემა, რომელიც ჩურჩულით კითხულობს, კითხულობს ისე, რომ ტანში ქრუანტელი გიგლის, გულში ცრემლი გიდულს და ცოცხლდება უსულო საგნები.

შორეულ ხეტორში მცხოვრები ყმაწვილი ქალი ყველაზე უფრო თითქოს სათნოებაზე, ან, უკიდურეს შემთხვევაში, დიდ, თავგანწირულ ადამიანზე დაწერილ ლექსებს უნდა მოეხიბლა, რომლებშიც გამოხატული იქნებოდა იმ ადამი-

ანთა ზღაპრული თავდადება რალაც განსაკუთრებით მშვენიერიისათვის, მაგალითად, სამშობლოსათვის. გასულ წელს, გაზაფხულის იმ ღამეს, თვითონაც ხომ იგრძნო ასეთი თავდადების სურვილი, როცა სახლის ზღურბლთან გარინდებულ იცნებობდა, მაგრამ ეს ასე როდი იყო. მას ყველაზე მეტად აღელვებდა, ამაღლებულ სევდას ჰგვრიდა და მთელი სამყაროს გულში ჩაკერის წყურვილს უღვიძებდა ლექსები აუსრულებელი ოცნებით გამოწვეულ მწუხარებაზე, რომელიც ლოდივით დასწოლია გულს, და ამ მწუხარების სილამაზეზე. მაგალითად: მიტოვებულ ხომალდზე; შემოდგომით რომ დაიმსხვრა და ყველასთვის უსარგებლოა ახლა, ნაპირზე გდია უსაჭოდ და უანძოდ, ან ბუმბულ-შემოძარცვულ, უმწეო, სასოწარკვეთილ ფრინველზე, გრივალი რომ ათამაშებს. ახეთქებს აქეთ-იქით, ანდა დადუმებულ არფაზე, რამეთუ დამკვრელი აღარ არის. აი, რა ეხებოდა მის სულს, აი, რა იყო მისთვის გასაგები. და თუმც კოლმას სიმღერაში არ იყო შინაგანი რითმა. აუსტა სოულილიამ მაინც დაიხეპირა. განა შეიძლებოდა წარმოდგენა იმისა. რომ ყმაწვილ ქალს გულში ჩასწვდებოდა კოლმას ეს სიმღერა, უშენის მკვიდრ ქალ-ვაჟის სიყვარულზე რომ არის დაწერილი? მაგრამ საღამოს, როგორც კი ლოგინში ჩაწვა ყმაწვილი ქალი, მის გულში ანაზად აღღერდა ქალ-ვაჟის სიყვარულზე თქმული ეს სიმღერა. ცრემლი ღვარად დაედინა დაწვებზე და სიყვარულით აღმოდებული დასტიროდა არა მარტო კოლმას, არა მარტო საკუთარ თავს, არამედ მთელ სამყაროს:

...
 მთვარე. ნუ ეფარები
 ღრუბელს შავზე შავს,
 გაძინათ მიმწუხრში
 ერთადერთი გზა,—
 მე ჩემს შეყვარებულთან
 უნდა გაჰნდე კვლავ.
 ქაიშხალო, დაწყნარდი,
 გვეო ხეთა თხრა,
 ქარო, ნუ ახმაურებ
 წამით წყაროს წყალს,—
 დე, მიჯნურმა გაიგოს
 ჩემი გულის ხმა.

ცრემლი რომ დაემალა, აუსტამ სახე ბალიშში ჩარგო: დე, ნურავინ გაიგებს. რომ იგი ოსიანს დასტირის. განა აუსტა სოულილიას გარდა ვინმეს აზრად მოუვა მისი ბედის გამო ქვითინი? მაგრამ მაინც რატომ ტიროდა? ტიროდა იმიტომ, რომ მას, ისევე როგორც ოსიანს, ესმოდა სიყვარული და უშენის იღუმანობა. და ვისაც სიყვარული ესმის, უშენის იღუმანობასაც გაიგებს.

ის მონადირე მისისიპის სანაპიროზე... ოო, მას მთელი სამყარო შემოუყვლია. ლექსი ამბობს, რომ ის დაიბადა „მშვენიერ საფრანგეთში. იქ ცხოვრობდნენ ჩემი კეთილშობილი შშობლები“... დიახ, მთელი ქვეყანა შემოუყვლია. ყველაფერი, ყველაფერი უნახავს, რითაც კარგია, რითაც საამურია ცხოვრება. ზავშობისას სენას სანაპიროზე კრეფდა ყვავილებს. იზრდებოდა პარიზში, მხ.-არულებით მომჯადოებელ ქალაქში. იზრდებოდა საყვარელ ძმებთან ერთად. ჰყავდა ლამაზი მეგობარი ქალები, ასჯერ, ათასჯერ უფრო ლამაზი, ვიდრე აუსტა სოულილია:

ვერ დავივიწყებ ციმციმა თვალებს,
ვერც მღიმარ ტუჩებს ვერ დავივიწყებ...

და მაინც ვერსად ჰპოვა ის ბედნიერება, რომელზეც ოცნებობდა, სიმშვიდე. რომელიც სწყუროდა. და აუსტას ესმოდა მისი, სწორედ ამიტომ უყვარდა იგი. რომ მან ვერსად ჰპოვა სიმშვიდე, ვერსად ჰპოვა ბედნიერება. გულის სიღრმეში უფრო იმიტომ უყვარდა, რომ ის გამოექცა იმ სამყაროს და ახლა შეფარებია ტყით დაფარულ ბორცვს, ქვემოთ კი მისისიპი ღრიალით მიაქინებს ტალღებს:

მშვიერი მგლების ყმული ისმის,
ირემი შიშით წყალში ჩამდგარა...
აქაზამ სისხლის სუნი იყნოსა
და იძაბება, როგორც ზამბარა.

აუსტა სოულილიას ყოველთვის თავისებურად ესმოდა პოეზია. მაგალითად, ერთ სადამოს ტანთ გაიხადა, ჩაწვა ლოგინში და თავი მოიძინარა. ასე ჩვეოდა, როცა ძილი გაუფრთხებოდა ხოლმე. აუსტა უცდიდა, როდის ჩააქრობდა ბებია ჭრაქს. დრო მიდიოდა, ჭრაქს არ აქრობდნენ, აუსტა იწვა და უცებ თვალი ჰკიდა მასწავლებელს. მასწავლებელი საწოლზე იჯდა, ლოყით ხელს დაყრდნობოდა, თმა ხელზე ჩამოშლოდა. აუსტა დააკვირდა მის მკაფიო პროფილს, ბურჩხა წარბებს, მის თვალებს. ოო, ეს თვალები ხომ თვით პოეზიაა მთელი თავისი მომხიბლავი ფერების და შუქის თამაშით. აუსტა შესცქეროდა მის მოშიშვლებულ ყელს, პერანგის გადახსნილი საყელოდან რომ მოუჩანდა... ის კი იჯდა, ერთ წერტილს მიჩერებული, თავის საფიქრალს მისცემოდა. ზუსტად ისე. როგორც ერთ ლექსშია:

ძალიან ბევრი ქვეყანა ენახე
და, აი, ვამბობ ამაყად ბოლოს. —

თრობა, გართობა სუყველგან არის.
სომეუდროვე კი ტყეშია მხოლოდ.

და დამბალი ჰერი მთელი თავისი კოჭებით მოშრიალე უღრან ტყედ იქცა, სადაც ლაღად დანავარდობენ ირმები და ავაზები, თებერვლის ქარბუქის ზუზუნნი, თოვლის ნამქერები რომ მოუყრია, მდინარე მისისიბის ტალღების ჯგაფუნია. ის კი, ვინც სამყაროს თვალწარმტაც ქალაქებს გამოექცა, ზის აქ და თავის წარსულს ჩაჰფიქრებია:

ვარდები დაჰკნა, დაჰკნა სრულად, —
უნაზეს კრმობის დიბა და ფარჩა,
ქულღებს თეთრი გამოერია,
სამკელი შინც არა და არ ჩანს.
ოდეს გაეყურებ გზაშარას განვლილს,
ჯულს დარღის ცეცხლი ღელღნით ნაცრავს,
გულს დარღის ცეცხლი ერთთავად ნაცრავს.
ეკალბარღს ვუმზერ ვარდების ნაცვლად.

არა. გმირული ღვაწლი, თავგანწირვა, სათნოება კი არ ხიბლავს ყმაწვილ ქალს, მას ხიბლავს გულისთქმაზე დაწერილი ლექსები; გულისთქმაზე, რომელიც ძალზე გვიან ანდა სულაც არ ასრულდება; ბედნიერებაზე, სტუმარივით რომ გეწვევა, ანდა სულაც არ გეწვევა... აუსტამ თავისებურად განჭკრიტა ეს კაცი, ჰოეზიის სხივმფინარ შუქში დაინახა იგი: უღრანი ტყის მყუდროებაში გაწა-
ცართობით რომ იჯდა ყველაზე ღრმა. წყალუხვი მდინარის ნაპირას და თავის საფიქრალს მისცემოდა.

თ ა ვ ი ო რ მ ო ც ღ ა მ მ თ ი რ მ მ ბ მ

ღ მ ე რ თ ი

ახლა ღმერთი ვახსენოთ.

თითქმის ორ წელიწადზე მეტი იყო, რაც აუსტა და ბიჭები ღმერთზე ფიქრობდნენ, ცდილობდნენ ღმერთი შეეცნოთ, ჩასწვდომოდნენ მის ფიქრს, მის არსებას, სად იმყოფება და ნამდვილად მართავს თუ არა სამყაროს!

და აი, ბავშვებმა მიიღეს ორი წიგნი ღმერთზე — ბიბლია და კათეხიზმო. ჰყავდათ მასწავლებელი, რომელსაც მთავარი შინც უნდა სკოდნოდა ამ უჩვეულო ქმნილებაზე, ყველა სხვა არსებაზე მაღლა რომ იდგა. ბავშვებმა ინტე-

რესით მოისმინეს, როგორ შექმნა ღმერთმა სამყარო, მაგრამ როცა მასწავლებელს ჰკითხეს, რისთვის გააკეთა ესო, პასუხი ვერ მიიღეს. ბავშვებს გაუძნელდათ იმის გაგება, თუ რა არის ცოდვა, ან როგორ გაჩნდა ცოდვა ამქვეყნად, ან ქალი ასე რატომ მოხიბლა ვაშლმა. ვაშლი თვალით არ ენახათ და გადაწყვიტეს, კარტოფილის ერთ-ერთი ჯიში იქნებაო. ისიც ძნელი გასაგები იყო, რატომ მოხდა მსოფლიო წარღვნა. ორმოცი დღე და ღამე გადაუღებლად წვიმდაო. მერე რა მოხდა. მათ კუთხეში წელიწადში ზოგჯერ ორასი დღე და ღამე დელგმა ჩამოდის, მაგრამ ქვეყანა არ წაუღეკია, და როცა ამის შესახებ ჰკითხეს მასწავლებელს, მოეჩვენათ, რომ მას გული მოუვიდა, რადგან ცივად თქვა: „მე ხომ მაგაზე პასუხს არ ვაგებო!“

ბიბლიაში ნათქვამია, რომ ღმერთი თორმეტი ანგელოზის თანხლებით ესტუმრა ერთ ცნობილ კაცს უცხოეთში, მაგრამ აღწერილი კი არ იყო, როგორ გამოიყურებოდა ღმერთი. მგონი, წვერი არა ჰქონდაო, არც თუ გულდაჭრებით უპასუხა მასწავლებელმა, რომელიც ამ დროს საწოლზე იწვა, ხელები თავსვეშე ამოედო და უაზროდ ჰერს მიშტერებოდა. პატარა ნონის ძალიან აინტერესებდა, ტანთ ეცვა ღმერთს, თუ შიშველი იყო.

— როგორ არ გრცხვენია, — შეუწყრა ძმას აუსტა სოულილია.

ღმერთმა ხალხს გამოუგზავნა თავისი ერთადერთი ძე, კეთილი კაცი, რომელიც ხალხს იგავებს უყვებოდა და სასწაულებს ახდენდა, მაგრამ ამ იგავებმა ბავშვებს რატომღაც ისტადალელი ოულაფური გაახსენა. ის ხომ გადაარეული იყო არაჩვეულებრივ, უცნაურ, იღუმალებით მოცულ მოვლენებზე, ამიტომაც აბუჩად იგდებდა ყველა. ბავშვებმა ცალი ყურიდან მეორეში გაუშვეს ღვთის ძის იგავები და სასწაულები, თითქოს ეს სასწაულები სადღაც შორეულ ხუტორში ზდებოდა, ქვეყნად არავინ იცოდა, სად, რომელ კუთხეში იყო ეს ხუტორი, თვით პატარა ნონისაც კი, ერთთავად შორეულ ქვეყნებზე რომ ოცნებობდა, არ უნდოდა იმ ხუტორში მოხვედრა. და რაკი მასწავლებელიც ცალყბად პასუხობდა მათ, სიტყვის ბანზე აგდებას ცდილობდა, ბავშვებმა გადაწყვიტეს. ამ ამბებში აღბათ ძალიან უგვანი რამ არისო. ქრისტე ჯვარს აცვეს. პატარებს რაღაც არაბუნებრივ სისასტიკედ მოეჩვენათ ეს, ჯვარი თავის დღეში არ ენახათ და რატომღაც ჯვარცმა შობის წინა დღეებში მათ ხუტორში მომხდარ ამბებს დაუკავშირეს, იმ ამბებს, რომელთაც სახელსაც კი ვერ მოუნახავთ, რაც მხოლოდ საზარელ სიზმრებში ელანდება ადამიანს და შიშით დაზაფრული იღვიძებს. ასეთ სიზმრებს მაშინ ხედავს ადამიანი, თუ უხერხულად წევს, ლეიბი აბურდული აქვს და თვალს გაახელს თუ არა, იმედით, მოლოდინით გასცქერის სარკმელს, ვინძლო მალე გათენდესო.

შიშით შეძრწუნებულმა აუსტა სოულილიამ კითხვა შეწყვიტა და წიგნა

დაკეცა. არ უნდოდა, პატარა ნონის მოესმინა ასეთი საშინელი ამბები, ვიდრე ცოტა არ წამოიზრდებოდა. ის ხომ შთაბეჭდილებიანი, მგრძობიარე ბავშვია, და აუსტამ ბიბლია თაროზე შემოდო.

ამგვარად, ბავშვებმა ვერაფერი გაიგეს იმაზე, თუ როგორ აღსდგა მკვდრეთით ძე უფლისა და როგორ ამაღლდა. არასოდეს ჩვენებიათ ღმერთი ისე შორეული. აუსტა სოულილიას გული გაუტყდა ღმერთზე, მაგრამ რაღაც ბუნდოვანი რწმენა მაინც ჰქონდა, ვიდრე კათეხიზმოს კითხვა არ დაიწყო და არ ჩაუკვირდა წაკითხულს. ბევრს ფიქრობდა ამაზე, ცდილობდა მკვდრეთით აღედგინა ქრისტე და ხშირად უთავბოლო შეკითხვებს აძლევდა მასწავლებელს. მაგრამ ღმერთმა ამით ვერაფერი მოიგო.

— ოდესმე თუ გილოცია, თუ შევედრებხიარ ღმერთს? — ჰკითხა აუსტა სოულილიამ მასწავლებელს.

მასწავლებელი კარგა ხანს დუმდა, თითქოს არ აპირებდა პასუხის გაცემას, მაგრამ ბოლოს გამოიჩქვია, რომ ულოცნია.

— რა შესთხოვე?

მასწავლებელს თვალი არ აუწვევია, ეტყობოდა, თავს ძალას ატანდა და ბოლოს ძლივძლივობით ამოღერდა, რომ იგი ღმერთს ევედრებოდა, ფეხი შემინარჩუნეო, როცა საავადმყოფოში იწვა. ფეხი კი მოჰკვეთეს.

აუსტა სოულილიამ თქვა:

— მე მგონია, ეგეთი ფეხი ურიგო არ არის, შენ რომ გაქვს, ლამაზია. იმ დღეს ღმერთმა შეწყვიტა არსებობა.

ერთხელ აუსტამ მასწავლებელს ჰკითხა:

— აქ წერია, რომ ღმერთი ყოვლად მოწყალეა. ყველა უბედური ეცოდება?

— ეფიქრობ, რომ ასეა, — უპასუხა მასწავლებელმა.

— მაშ თვითონაც არ იქნება ბედნიერი.

— ვიცი, — თქვა მასწავლებელმა და უცებ მოთმინება დაჰკარგა: — ერთი მართალი სიტყვა არ წერია მანდ. სისულელეა თავიდან ბოლომდე. ეგ სულიერად სუსტი ხალხისთვისაა დაწერილი.

აუსტა სოულილიამ თქვა:

— მამაჩემი ძლიერია!

— მართალი ხარ, — კვერი დაუკრა მასწავლებელმა. — სალ კლდესავით მტკიცეა.

ამის შემდეგ რამდენიმე დღე აღარ უხსენებიათ ღმერთი.

მესამე დღეს აუსტამ ისევ ღმერთზე ჩამოაგდო სიტყვა:

— ამ დღით, თვალი გავახილე თუ არა, უცებ გავიფიქრე, რომ ღმერთი

ნამდვილად უნდა არსებობდეს. აბა, როგორ გაჩნდა ყველაფერი, თუ ღმერთი არ არის?

— დიახ, რაღაც ამგვარი რამ უთუოდ არსებობს, მაგრამ ჩვენ არ ვიცით, რა არის.

დუმილი.

მეთოხე დღეს აუსტამ იკითხა:

— ღმერთმა რატომ ხელი არ შეუშალა ქვეყნად ცოდვის გაჩენას?

მასწავლებელი, თითქოს ვერ გაიგო, რას ეკითხებოდნენ, გაუხმრევლად იჯდა თავის საწოლზე, ერთ წერტილს მიშტერებოდა. ბოლო ხანებში ხშირად იჯდა ასე გარინდებული. მერე უცებ წამოდგა, გაფართოებული თვალებით ჩააცქერდა ყმაწვილ ქალს და მისი კითხვა გაიმეორა:

— ცოდვა?

უცებ საშინელი ხველა აუვარდა. ისე ჩაბეირდა, რომ სახეზე წამოჭარხლდა, ყელზე ძარღვები დაებერა, თვალებიდან ცრემლი გადმოსცვივდა. როცა სული მოითქვა და ცრემლი მოიწმინდა, ძლივს გასაგონად დაიხურჩულა:

— ცოდვა... კაცისთვის ღვთისგან ბოძებული ყველაზე წარმტაცი მადლია

აუსტა სოულილია ერთ ხანს გაშტერებული უყურებდა მასწავლებელს, მაგრამ ვერაფრის კითხვა ვერ გაბედა, შეეშინდა ესოდენ მოულოდნელი დასკვნებისა. გარდა ამისა, მასწავლებელი იმ დღეს ძალზე მძიმედ სუნთქავდა, აუსტა სოულილია ადგა და მალულად შემოდო კათეხიზმო თაროზე, ბიბლიის გვერდით.

— დიახ, ეს გარდაუვალია, — დაიხურჩულა მასწავლებელმა. — გარდაუვალია.

ყმაწვილმა ქალმა ვერც ახლა გაბედა ეკითხა, რა არის გარდაუვალი. სჯობს მანამ არაფერი გაეფიგო ამ გარდაუვალზე, ვიდრე იგი არ დადგებო, და აუსტა ჩუმად იჯდა, ფიქრობდა თავისთვის: იქნებ ყველაზე გარდაუვალი ის არის, როცა ადამიანის გულში ორი საწინააღმდეგო გრძნობა ებრძვის ერთმანეთს, ვიდრე ერთ-ერთი არ გაიმარჯვებს, ირმისა და ავაზასი არ იყოს, ტყეში რომ მიიმალეობიან მონადირის დანახვაზე. საღამოს მასწავლებელმა წერილი დაწერა, დაკეცა, დააწერა მისამართი: „ექიმ ფინსენს“ და დააწება.

— ჩემო კარგო გვენდურ, — უთხრა მასწავლებელმა, როცა გვენდური და ნონი შინ დაბრუნდნენ. — ქალაქისკენ მიმავალ კაცს თუ დაინახავ, სთხოვე ეს წერილი ფიორდს წაიღოს და ექიმ ფინსენს გადასცეს. ხველების წამალსა ვთხოვ.

საღამოს აუსტას ესმოდა, როგორ ოხრავდა და ამთქნარებდა მასწავლებელი. ხან დუდუნს მოჰყვებოდა: „ჰო, ჰო“, ან „ოო“. ხან ცხარედ

ჩურჩულდებოდა: „არა, სრულიად არ არის საჭირო“. ანღა: „განა სულ ერთი არ არის?“

აუსტას შეეშინდა, ალბათ მასწავლებელს უკვე ძობებრდა ამ კერადაბალ ჭობში ცხოვრება, დარწმუნდა, რომ აქ არ არის ზედნიერება, არც ის გულუ-
ნრყვილობაა, რასაც ეძებდა და ეგონა, რომ ჰპოვებდაო. მასწავლებლის
ნაწყვეტ-ნაწყვეტი ჩურჩული უფრო აფრთხობდა, ვიდრე მისი ხველა. ხველას
აუსტა შეჩვეული იყო, ახველებდა მისი დედნაცვალი, ახველებს ბებია დილი-
დან დაღამებამდე. გული მოუკლა იმ ს ფიქრმა, რომ მასწავლებელი მათ ოჯახ-
ში კარგად ვერ გრძნობდა თავს, წასვლა უნდოდა, მათი მიტოვება.

და აუსტამ ისე ჰკითხა მასწავლებელს, როგორც ხშირად ეკითხებოდა
დედნაცვალს:

— წყალი ხომ არ გინდა? — დაჩვეული იყო წყლის შეთავაზებას, როცა
ცუდად გახდებოდა ვინმე: ცივი წყალი ცოტა ახალისებს ადამიანს.

— არა, — უპასუხა მასწავლებელმა და ეს სიტყვა კენესასავით გაისმა.

აუსტა თვალს აპარებდა, ისევე მალვით უყურებდა მასწავლებელს. არა,
უძლურია, არაფრის გაკეთება არ შეუძლია ამ კაცისთვის. რა უნდა ქნას, რა
ზოხდება, თუ წავა? ის ხომ თავს არ ზოგავდა, რაც კი შეეძლო, ყველაფერს
აკეთებდა მის საამებლად. ხორცის ყველაზე უკეთეს ნაჭერს მას სთავაზობდა.
დღეში ექვსჯერ, ხან რვაჯერ ადუღებდა ყავას და უმასპინძლებოდა. საცაა გაუ-
თავდება კიდევ ყავა. მაგრამ თურმე ამაოა ყველაფერი. რა უნდა ქნას, რა
წყალში ჩავარდეს ახლა? მასწავლებელს დღითი დღე უფრო უფუძვდებოდა
გუნება, სულ მოღუშული იყო, ისე ხშირად აღარ უკითხავდათ ლექსებს, რო-
გორც უწინ, თანდათან უკლო ლაპარაკს მსოფლიო კულტურაზე. ეტყობა, თავი
ვედარ გაართვა მძიმე ფიქრებს. აუსტას გულით უნდოდა ენუგეგმებინა მასწავ-
ლებელი, ალერსიანი სიტყვა ეთქვა მისთვის. მართალია, ჯერ ძალზე ახალ-
გაზრდა იყო, მაგრამ გამოცდილებით იცოდა, რაოდენ ძნელია, როცა ადამიანი
ეულად გრძნობს თავს, რა რიგ ათბობს, ესაღბუნება გულს ამ დროს ალერსიანი
სიტყვა. მაგრამ ენა არ ემორჩილებოდა, ხმა ვეღარ ამოიღო, შეებრუნდა, თვალი
ცრემლით ავესო.

ერთხელ ჰალბერა ძლივძლივობით მილასლასდა მასწავლებლის საწოლ-
თან, დახედა მას და უთხრა: როგორც ჩანს, სუსტი ავებულებისა ხარ. ჩემს
სიცოცხლეში არ მინახავს. რომ ახალგაზრდა ჯანმრთელი კაცი მთელი დღე
ლოგინში ეგდოს, თავქვეშ ხელამოდებული, და ჰერს შესცეროდესო. ერთ:
ჩანს მასწავლებელი დაზაფრული შეჰყურებდა ამ ბებრულ, დანაოკებულ სა-
ხეს, უკვალოდ რომ წაშლოდა იმედის ნიშანწყალი და მარტოოდენ უსაზღვრო
მოთმინება ეხატა ზედ.

— თამბაქოს ხომ არ ინებებ? — ჰკითხა მოხუცმა მასწავლებელს.

მაგრამ მასწავლებელს თამბაქო არ უნდოდა, მან თავი გადააქნია და ხელითაც ანიშნა, არაო!

— დაჯექი, ბები. — დაიჩურჩულა მასწავლებელმა.

როგორც კი ბიჭებმა ქალაქს მიმავალ აგზავრს წერილი გაატანეს, მასწავლებელი მეორე დღიდანვე მოუთმენლად ეკითხებოდა მათ:

— ქვევიდან მომავალი არავინ გამოიხენილა? თუ ვინმეს თვალს მოჰკრავთ, ბავშვებო, მაშინვე გაიქეციეთ და ჰკითხეთ, ხომ არ გამოატანა ექიმმა ფინსენმა ჩემთვის ხველების წამალი.

დღითი დღე უფრო და უფრო მოუსვენრად წრიალებდა მასწავლებელი. წარამარა ეკითხებოდა ბიჭებს, ქვევიდან მომავალი მგზავრი ხომ არ გამოიხენილაო. პირდაპირ ბაღდად იქცა. აუსტა სოულილია თანაუგრძობდა მას, ვინ ზოსთვლის, დღეში რამდენჯერ აღიოდა თოვლის ბორცვზე, თვალს მოიჩრდილავდა და გასცქეროდა გზას, ხომ არ მოჩანს მგზავრიო. თუ გამვლელს დაინახავდა. მაშინვე ბიჭებს დაუძახებდა, გაიქეციეთ, შეხვდითო. მაგრამ ხველების წამალი არავის მოჰქონდა.

აჰა, დადგა ის წუთიც, რომელსაც აუსტა სოულილია ძრწოლვით ელოდა ყოველდღე, მას შემდეგ, რაც მასწავლებელს მოუსვენრობა და უგუნებობა შეატყო. აუსტამ ყავა ააღლდა, მთავრად მასწავლებელს, მან კი სთხოვა, დაჯექი აქ. დამიცადე, ვიდრე ყავას დავლევო. აუსტამ ცარიელი ფინჯანი ჩამოართვა და მუხლებზე დაიდგა, აღარ იცოდა, წასულიყო, თუ მჯდარიყო იქ. მან ხომ პირველად სთხოვა, გვერდით დამიჯექიო, ამიტომ ვერ ბედავდა ადგომას, ვიდრე მასწავლებელი თვითონ არ ეტყოდა.

— თუ ხვალაც არავინ ჩამომიტანს ფინსენის წამალს, თვითონ მომიხდება ფიორდში წასვლა, — თქვა მასწავლებელმა.

სხვას რომ ეთქვა ეს, აუსტა გაფართოებული, მავებრებელი თვალებით შეხედავდა, მაგრამ ახლა ანაზღად მოენისლა სახე, რაღაც სხივი ჩაუქრა, მისკენ გახედვასაც ვერ ბედავდა, გასუსული იჯდა და ფინჯანს დაჰყურებდა. მძიმე დუმილი ჩამოდგა. მასწავლებელი აცქერდებოდა ყმაწვილ ქალს, მისი ნორჩი სხეულის მოხდენილ ნაკეთებს, ძველი, გაცრეცილი კაბა რომ ჰფარავდა, მაგრამ რაც უფრო ძველი იყო ეს კაბა, მით უფრო ცხოვლად ეხატებოდა წარმოსახვაში ამ სხეულის სინატიფე—ნამდვილი ყვავილია, ნაზი ყვავილი, რომელიც ღმერთმა შეჰქმნა მყინვარებს იქით, შეჰქმნა და დაივიწყა თვალუწვდენელ. მწირ, ქვალორდიან ველზე ამოზრდილი, განსაკუთრებით მომხიბლავი ყვავილი. ბოლოს მასწავლებელი ისე შეეზო ყმაწვილ ქალს, როგორც ქვა-ლორღში ამოსულ ნაზ ყვავილს, ალერსით გადაუსვა ხელი მხარზე, ზურგზე და წამით შეა-

ჩერა ხელი მის წელზე. როცა მასწავლებელმა ხელი მოაშორა, ყმაწვილმა ქალმა თავი ასწია, კითხვით შეხედა მასწავლებელს, მის თვალებში ისეთი სევდა და უმწეობა გამოიხატა, როგორც ბავშვს აქვს, როცა სცემენ და თან დასამშვიდებლად შაქრის ნატეხს შეაჩეჩებენ ხელში. მაგრამ აუსტას არაფერი უთქვამს, სწრაფად გააქნია თავი, თითქოს ინსტინქტურად თავდასაცავად მოქუტა თვალი და ისევ გაახილა. მასწავლებელმა ოფლიანი ხელი ხელზე დაადო და თვალებში ჩახედვა დაუპირა. ჩასკვერი ამ თვალებს, ვიდრე არ დაგავიწყდება, ვინა ხარ.

ყმაწვილ ქალს ყელში რაღაც მოებჯინა, სწრაფად წამოდგა, მასწავლებლის ხელი მოიშორა.

განა თავიდანვე ნათელი არ იყო, განა არ უნდა სცოდნოდა, რომ აქ მისი ადგილი არ არის, ნამქერში ჩაკარგულ ამ პატარა ქოხში? თ, რისთვის, რისთვის მოვიდა აქ!.. რად ზრუნავდა აუსტა, რად უვლიდა ყოველდღე ისე, როგორც ღვდა პატარა ბავშვს, მასზე ფიქრში რატომ ათენებდა და აღამებდა? იმიტომ ევლებოდა ასე თავს, რომ წასულიყო? რა უნდა ქნას აუსტა სოულილიამ, ის რომ მართლა წავიდეს? ვიღას მოუაროს ასე მონდომებით, ვისზე იზრუნოს?

თ ა ვ ი ო რ გ ო ც ა ღ ა მ თ ო რ გ ა მ ბ ა

ჟ ა მ ი ს უ რ ვ ი ლ ი ს ა ლ ს რ უ ლ ე ბ ი ს ა

როცა პატარა ნონი, წამლის ბოთლით ხელში, ზარზემით ოთახში ამოვარდა, აუსტა სოულილიას ალტაცებას საზღვარი არ ჰქონდა, თანაგრძნობით გაცისკროვნებული თვალი შეანათა მასწავლებელს და სიხარულით ხელი ხელს შემოჰკრა, მაგრამ უცებ გული ჩასწყდა, რადგან მის სახეზე ვერ ამოიკითხა ის კმაყოფილება, როგორსაც ელოდა. მასწავლებელმა ბიჰს ხელიდან გამოგლიჯა წამლის ბოთლი, შლევგივით ზეზე წამოიჭრა, ბოთლზე დაწებებულ ეტიკეტს ჩააშტერდა, ფაციფუცით შეჩურთა ბოთლი ბალიშქვეშ და იკითხა, საკმელი მალე იქნება თუ არაო. აუსტა სოულილიამ ქურას ფიჩხი შეუყვია.

ყმაწვილმა ქალმა გაბედა და მორიდებით ჰკითხა მასწავლებელს, შენ რომ გინდოდა, ის წამალი გამოგიგზავნეს, თუ არაო. ეჩვენებოდა, თითქოს სწორედ ამაზე იყო დამოკიდებული მათი მომავალი. რაც უნდოდა, თუ ის არ გამოუგზავნეს, მაშინ რაღა გამოვა, გინდ ჰქონია ეგ წამალი, გინდ არაო. მასწავლე-

ბელმა ამ შეკითხვას წაუყრუა და ბავშვებს გამოუცხადა, დღეს ველარ გამეცადინებთ, სჯობია ადრე დაეწვეთო.

— მოდი, მართლა ადრე დაეწვეთ, რომ მასწავლებელს წამალი შეერგოს,— უთხრა ძმებს აუსტა სოულილიამ.

ბავშვები დროზე ადრე დაწვენენ, მარტო მოხუცი ჰალბერა დარჩა ზეზე, იჯდა და პატარა ლამპის შუქზე ქსოვდა, თან რალაცას ბუტბუტებდა, ვიდრე მისი დაძინების დროც არ მოვიდა. ჰალბერამ ლამპა რომ ჩააქრო, აუსტას უკვე გულის ძილით ეძინა და საუცხოო სიზმარს ხედავდა. ასეთ კარგ სიზმარს რომ ჩედავს აღამიანი, გაღვიძება აღარ უნდა ხოლმე. აი, აუსტას კვლავ გადაეშალა თვალწინ შეუღარებელი, თვალწარმტაცი სურათი: ტყის მომხიბლავი ლანდ-შოფტი, ძველ კალენდარზე რომ იყო დახატული. კალენდარი დიდი ხანია აღარ არსებობს, რამდენიმე წლის წინათ ოთახიდან ფარეხში ჩაუვარდა და ცხვრებმა ფეხით გათელეს, მაგრამ სურათი ჩარჩა ხსოვნაში, ხშირად ეზმანებოდა ის შეუღარებელი, არაბუნებრივი სიმწვანე. აი, ტყე, ახლაც ისუნთქავს ველური ქონდარას მძაფრ სურნელებას. ასეთი სურნელი მთიდან მოაქვს ქარს, განსაკუთრებით კვირა დილით, ვიდრე ცხრათვალა მზის სხივები აპკრეფს ღამის ცვარს. აუსტა ნელა ჩაყურყუმელავდა, ისე შესრიალდა სურნელებით დაბანგულ პაერში, როგორც ფრინველი მთების მწვერვლებს ზემოთ ფრთის გაუქნეველად დალივლივებს, დაფარფატებს ცაში. ამაში არაფერია საშინელი, აუსტას არაფერი აწუხებს, არაფერი აღონებს, ის ბედნიერია, ბედნიერი. არავინ მოსდევს, არავინ უპირებს დაჰერას. ასეთი საღი ძილით სძინავს ზოგჯერ ახალგაზრდებს. აუსტას ეჩვენება, თითქოს მის ფეხქვეშ თუ ფრთებქვეშ დუღუნებს დედამიწა, მას, აუსტას, ეჩურჩულება რალაცას, კლდეებით გარშემორტყმული მთაც ეჩურჩულება, უკითხავს მშვენიერ პოემას. აუსტას გაეღვიძა, არ იცოდა, რა დრო იყო, დიდხანს ეძინა, თუ ცოტა ხანს. ოჰ, რა საუცხოო სიზმარი იყო, მის ცხოვრებაში პირველად მოხდა, რომ აუსტას გული შიშით არ შეუთროლოდა ირგვლივ გამეფებული ღამის წყვედიანის დანახვაზე. და უცებ მის სმენას კვლავ მისწვდა ჩურჩული. არა, არ დასიზმრებია. დიახ, ეს პოემაა... აქ... ოთახში... ის არის... ლექსს კითხულობს. რატომ არ სძინავს, რატომ კითხულობს ლექსს? აუსტამ წამოიწია და ნელა ჩაახველა. მან კი ერთი სტროფი კიდევ წაიკითხა:

— მე ვარ, — უთხრა მან აუსტას.

— ძილი გაგიკრთა? — ჰკითხა აუსტამ.

მასწავლებელმა უპასუხა:

უმშვენიერეს
გოგონას—იას

დღეს სული ჩემი მზით აუვსია.

ო, როგორც ლინო,

მათრობს და მაღბენს,

ჰგავს გაღვივებულ

ოცნებას — ლაღარს,

ო, ასეთ ძალას

თუ ფლობდა ევა,

სამოთხეში რომ ხვდებოდა ადამს?

— რას კითხულობ? — გაოცებით ჰკითხა აუსტამ.

— ერთ ძველ პოემას.

— ხომ არ ავდგეთ? — ჰკითხა აუსტამ, რადგან გაიფიქრა, იქნებ მოეხასიათა და ახლა გვამეცადინოსო.

— ახლოვდება დრო, — განაგრძო მასწავლებელმა ჩურჩულით. აუსტას მოეჩვენა, რომ მასწავლებელი მას ეჩურჩულებოდა, სწორედ მას მიმართავდა იმ უცნობი პოემის სიტყვებით. მაინც, რა უცნაურად კითხულობს, თითქოს რა-საც ამბობს, მის გასაგონად ამბობს, მას—მხოლოდ აუსტა სოულილიას, ეხება. ყმაწვილ ქალს შერცხვა, დაიბნა, აღარ იცოდა, რა ეთქვა, როგორ მოქცეულიყო, განსაკუთრებით ახლა, ამ შუალემს. ლექსები ხომ დღისით ხმამაღლა, ყველას გასაგონად უნდა იკითხოს ადამიანმა, თუმც მათი შეცნობა კი მხოლოდ ღამის სიჩუმეშია შესაძლებელი. მაგრამ როგორ უნდა გაიგოს ყმაწვილმა ქალმა ლექსები, თუ მათ ღამე, ჩურჩულით მხოლოდ მას უკითხავენ? შეიძლება თუ არა, ისე მიიღოს ეს ლექსები, როგორც დღის სიმღერა ყველასთვის გასაგონი?

მე კვლავ ვიხსენებ

ბაგეთა მისთა

უცნაურ ძახილს,

კვლავ მიხმობს იგი

უნაზეს სახით...

მიხმობს, მეძახის

ზურმუხტის დარი

სიტყვა — ოქროსფერი

ხბოზე ძვირფასი,

სიტყვა — ყოველგვარ

ბეჭედზე შყარი.

ბრა, ეტყობა, იგი მხოლოდ თავისთვის კითხულობდა, ეტყობა, მას აუსტა ჯერ კიდევ პატარა ჰგონია, ალბათ ფიქრობს, რომ მას არ შეუძლია ასეთი არა-

ჩვეულებრივი ლექსების გაგება. მართალია, აუსტა უელის, ყავით უმასპინ-
ძლდება, საკმელს უმზადებს მასწავლებელს, მაგრამ, ალბათ, მის თვალში იგი
მაინც პატარა გოგონაა. ჰოდა, აზრი არა აქვს მხოლოდ მას მიმართოს ასეთი
ლექსით. აუსტას კი კარგა ხანია ეჩვენება, რომ ის დიდი, მოზრდილი ქალიშვი-
ლია, თუმც არავისთვის უგრძობობინებია ეს. გარდა ამისა, ვერ წარმოიდგენდა,
თუ სამიჯნურო ლექსებში მოხსენებული იქნებოდა ხბო, გინდაც ოქროს ხბო.
რა შუაშია აქ ხბო? არა, შეუძლებელია ეს სერიოზული პოემა იყოს და იგი
აუსტას გასაგონად კითხულობდეს, ის ჰყავდეს მხედველობაში. რა, რა უნდა
თქვას ახლა აუსტა სოულილიამ?

ხისლმა დაჩრდილა უეცრად
ჩვენი სამოთხე ველური, წმინდა,
ჩიტების ეივილ-ხივილი
აღარ ჩამოდის ციდან.
გაზაფხულს ვითხოვ ნიადაგ,
ვითხოვ ბედსა და ხალისს,
გემშვიდობები, ზამთარო,
შენ გელოდები, მაისს!

არა, მადლობა ღმერთს, ასეთ უცნაურ პოემას მასთან აბა რა საერთო უნ-
და ჰქონდეს. არც ისეთი სულელია, რომ დაიჯეროს, თითქოს შუქმფინარი
თვალეები აქვს, თითქოს ის იყოს ულამაზესი მთელი ქვეყნის ქალიშვილებში.
ეს პოემა, ალბათ, რომელიმე სკალდმა დაწერა ასი წლის წინათ და მიუძღვნა ვი-
ლაც ქალიშვილს: აუსტა არასოდეს გარეულა ქალიშვილების საზოგადოებაში.
ის ხომ ქვა-ღორღში ამოწვერილი ბალახის ღერივითაა. დარწმუნებულია, რომ
სხვა ქალიშვილები მასზე გაცილებით ლამაზები არიან. გარდა ამისა, ის ჯერ
ქალიშვილი არც არის, ჯერ ისევ პატარა გოგოა. რა ვუყოთ, .თუ თავი დიდად
მიანია, ამას ხომ ვერავინ ამჩნევს, თვითონაც ხომ არავისთვის გაუმხელია,
მხოლოდ გულში ფიქრობდა ასე, რომ უკვე ქალიშვილია. რას იტყვის მამა, ეს
რომ გაიგოს? აუსტა ჯერ კონფირმირებულიც კი არ არის. აუსტას თითოეული
სტროფი აღელვებდა, რა უნდა ქნას, თავს ვეღარ იკავებს.

ხელები შუქს ასხივებენ,
შუქს, მზის ნათელის ფერს,
ღარდი გაქვს,
დაგაიწყდება
ღარდიც, ნაღველიც დღეს...
ხმა მისი მიცავს ავისგან
და გულს საამეს მფენს.

ასეთი უცნაური ხმით რად კითხულობს, თითქოს სხვამ არ უნდა გაიგოს, რასაც ამბობს, გარდა იმ ერთისა, ვისთვისაც ლაპარაკობს? ნუთუ არ იცის, რომ პატარა გოგოს არ შეუძლია ყველაფრის გაგონება, რომელიც, მართალია, უკვე გაიზარდა, მაგრამ ამის შესახებ არაფერ იცის, ისიც ასეთ დროს, შუალამისას? არა, ველარ გაუძღვებს, გრძნობას დაჰკარგავს, იქნებ მოკვდეს კიდევ. ის, ვისაც ძალუძს თავის ნებაზე ატაროს ყმაწვილი ქალი, გააკეთებინოს ყველაფერი, რასაც მოსთხოვს, ის, ვინც იცის პოეზია, იცის ისტორია, უნახავს ქვეყნები, ნუთუ არ დაინდობს, არ შეიბრალებს ესოდენ უმწეო პატარა ქალს?

მე ჩემს ოცნებას ვწვდები და
ცეცხლი მეღება გზნებით,
ბედნიერებას ნებივრად
ჩემს სამეფოში ვხვდები,
ზინდი ქრება და ერთდება
შეყვარებულთა გზები.

აფორიაქებული აუსტა ლოგინიდან წამოიჭრა, ხელის ფათურით მოძებნა ასანთი, ფაციფუცით აანთო ლამპა და უცებ გაახსენდა, რომ შიშისა და მღვლე-ვარებისაგან ქვედატანის ჩაცმა დავიწყებოდა. სწრაფად გადაიცვა და თეძობზე ჩამოსვიდა ხელი. დმერთო ძლიერო, ეს რა დაემართა, რა საშინელებაა, ალბათ დაინახა მასწავლებელმა.

აუსტამ თავის აქნევით უკან გადაიყარა შუბლზე ჩამოშლილი თმა და მასწავლებელს შეხედა. როგორც ჩანს, წამალმა უკვე არგო, თავს კარგად გრძნობს, ისე გახალისდა, რომ თვალი ველარ მოხუქა, ვერც ლოგინში გაჩერდა. საწოლზე ზის, ლოყები უდაუღაყებს, თვალები უბრწყინავს, ღრმა ნაოქებიც კი გაშლია, სახე გადატკეცია და ჰაბუქს დამსგავსებია. მასწავლებელს თითქმის ბავშვური სიხარულით უბრწყინავდა სახე, წამლის ბოთლი მუხლებში ედგა. უღიმოდა ყმაწვილ ქალს, ლამპის შუქს, რომელიც მან აანთო. ლამპის შუქმა ბიჭებმა გააღვიძა, წამოჯდნენ ლოგინში, რომ უკეთ დაენახათ მასწავლებელი.

— წამალი მოგიხდათ, უკვე კარგად ხართ? — ჰკითხეს ბიჭებმა.

— ძალიან კარგად. ამაზე უკეთესად აღარ შეიძლება იყოს ადამიანი. ბედნიერი ვარ! უსაზღვროდ ბედნიერი! — თქვა მასწავლებელმა და დაუშატა: — კეთილიც. უსაზღვროდ კეთილი! ჰოდა, რატომ ვარ ასე ბედნიერი? — და მან ისე დაიწყო წამლის ბოთლის ქნევა, თითქოს მთელ სამყაროს იწვევს ბრძოლაში. — იმიტომ, ჩემო პატარებო, რომ ამელამ უნდა მოისპოს ტანჯვა-ვაება. მე აღვგავე იგი პირისაგან მიწისა. მოვსპე. გვაქვრე უბედურება, ავადმყოფობა. ამელამ მე გახლავართ სამყაროს მეუფე, მე წარემართავ მას.

მორჩა, მოისპო მწუხარება, ტანჯვით აღარავის უთრთის დაკოდილი გული,

მოსპო სილატაკე, აღარსად არის მიწური ქოხი ნაკადულის ნაპირას, ნახევრად შიშველი ბავშვები. ფარა გაშლილა იალაღზე, ჳია აღარ უღრღნის ცხვარს ფილტვებს, დამოუკიდებელი კაცის ცხენს ზურგი აღარ ეზნიქება მძიმე ტვირთის თრევით, სამაგიეროდ, ეკვატორთან, სილით დაფარულ უდაბნოში ტყე აშრიალდა, მონადირე, ირემი და ავაზა გულთბილად, მეგობრულად ესალმებიან ერთმანეთს მდინარე მისისიპის ნაპირზე. ყველაფერი, რაც კი სწყურია თქვენს გულს, აგისრულდებათ. მაშ, მოდით ჩემთან, ჩემო ბიჭებო, გადამეხვიეთ, ჩაუთქვით, რასაც ნატრობთ და გულისთქმა აგისრულდებათ. დაჰკრა სურვილის ჩათქმის ჟამმა.

ბავშვებმა ღიღბანს ვერაფერი გაიგეს, ვერ მიხვდნენ, რა უხაროდა ეგრე-რიგად მასწავლებელს. ეს სიხარული იმ ლექსების გაგრძელება ხომ არ იყო, რომლებიც მან ასწავლათ? მაგრამ მისმა ნათქვამმა მთლად გაუკრთოთ ძილი, გამოძვრნენ საბნებიდან და მასწავლებელთან მივიდნენ, რომ სამყაროს აღორძინებაში მიეღოთ მონაწილეობა. მასწავლებელმა გვერდით მოისვა ბიჭები, გადაეხვია, თან რომელიღაც უცნაური ბალადის ნაწყვეტებს ღუღუნებდა.

ეს სურვილების ჩათქმა ბიჭებისთვის ისე მოულოდნელი იყო, რომ თავდაპირველად არც კი იცოდნენ, როგორ მოქცეულიყვნენ. გაგონილი ჰქონდათ, იმ წუთებში, როცა სურვილი უნდა ჩაუთქვან, ადამიანი ხშირად მუნჯდებაო. გარდა ამისა, იშვიათად მიხვდება ვინმე, რომ დადგა ის საათი, სწორედ ის წამა, რომელზეც მთელი სიცოცხლის მანძილზე ოცნებობდნენ, და ელოდნენ კიდევ. პატარა ნონიმაც კი, ვისაც სჯეროდა სურვილების ჩათქმისა, ამ პატარა ნონიმ—ოცნების პირმშომ—როცა ეს წუთი დადგა, ფარ-ხმალი დაჰყარა. აუსტას კი ყველაფერი ფანტაზიად მიაჩნდა. უცნაურია, მაგრამ სწორედ გვენდური, მიწიერი, ოცნების უნარს მოკლებული ბიჭი, პირველი გამოერკვა და პირველი მიხვდა, რომ ეს ჟამი ნამდვილად დადგა. იგი კელდელ ჰროდლოგურს ჰგავდა, რაც ხელთ მიეცემოდა, არ გაუშვებდა, კვლევდა-ძიებდას არ მოჰყვებოდა, რა როგორ არისო და მან პირველმა ჩაუთქვა თავისი სურვილი:

— მე მინდა, ცხვარმა კარგად გამოიზამთროს და მამაჩემმა ამ ზამთარს ბევრი ფული იშოვოს, რომ შემოდგომაზე კიდევ იყიდოს ცხვარი.

— მეგობარო, — უთხრა გვენდურს მასწავლებელმა და გადაჰკოცნა, — შენი ნატვრა აღსრულდება, ცხვარი მშვიდობიანად გამოიზამთრებს და გამოგვიყვანთ შემოდგომაზე, იალადიდან რომ დაბრუნდება. მთელ ოლქში არავის ეყოლება ისეთი ბატკნები. ასევე გაიზრდება მამათქვენის კრედიტი ფიორდში. თქვენს ხუტორამდე გამოიყვანენ სარკესავით სწორ გზატკეცილს და ამ გზატკეცილით უშენში შემოაბიჯებს მსოფლიო კულტურა. კულტურას კი წკრიალ-

ელარუნით მოპყვება ვერცხლის დიდი მონეტები. აჲ, ამ ბორცვზე, ზღაპრულ სასახლესავით აიშართება ქვიტკირის ორსართულიანი სახლი. სახლი უმძლავრესი ელექტრონათურებით გაჩირაღდნებული.

ამით დამთავრდა გვენდურის ნატვრაზე ლაპარაკი. პატარა ნონიმ გუნებაში გადაწყვიტა, გინდაც მხოლოდ ფანტაზია იყოს, ასეთი წუთის ხელიდან გაშვება მაინც უკუასთან ახლოს არ იქნებაო, — ვთქვათ და ფუჰი ოცნება არ არის?

ასე იქცევა სასიკვდილო სარეცელზე მწოლი ადამიანი—ღმერთს ევედრება შველას. იქნებ, მართლა არსებობს ღმერთი, იქნებ მართლა შეისმინოს ჩემი ვედრებაო. რას ჩაუთქვამს პატარა ნონი ამ წმიდათა წმიდა წუთებში, როცა განგება ყოველი სურვილის აღსრულებას პირდება? ზოგი ერთადერთი სურვილით ცოცხლობს—ისინი ბედსივანები არიან, რამეთუ ცხოვრებას მარტოოდენ ერთი სურვილის დატევა შეუძლია. დედამ, ცხოვრების ნარეკლიანი გზით მავალმა ქალმა, ერთადერთი ოცნება ჩააქსოვა შვილს. მას სხვა ქვეყნების ნახვა უნდოდა.

— რომელი ქვეყნების? — ჰკითხა მასწავლებელმა.

— ტყიანი ქვეყნების, — უპასუხა ნონიმ, — იჲ, სადაც მისიხიბი მიაგვლეებს ტალღებს, როგორც სიმღერაშია ნათქვამი, სადაც უღრანი ტყეებიია, სადაც ირმები და ავაზები ბუდობენ. ასეთ ქვეყნებზე ვოცნებობდი.

— მოშიტანე ქალაღი, მელანი და კალამი, — უბრძანა მასწავლებელმა პატარა ნონის.

როცა ნონიმ მიუტანა ყველაფერი, მასწავლებელი მაგიდაზე დაიხარა და სწრაფად, მსხვილი ასოებით, ხელგაკერით ისე დაიწყო წერა, რომ კალამს წრიპინი გაუღიოდა. გაოცებული ბიჭი თვალს აყოლებდა მისი ხელის მოძრაობას და ვეღარ გადაეწყვიტა, სიზმარში ხედავდა, თუ ცხადში ხდებოდა ყველაფერი.

იქნებ ყველაფერი ეს თამაშია, ოცნებაა? იქნებ ეს წუთი — ცხოვრების ერთ-ერთი იმ მწვერვალთაგანია, რომელიც განსაზღვრავს შენი მომავლის გზას.

— აჰა, გამომართვი, — უთხრა მასწავლებელმა ბიჭს და რალაცნაირი ზვიადი მოძრაობით გაუწოდა წერილი, — როგორც კი შესაძლებლობა მოგეცემა, გაგზავნე ეს წერილი ფიორდში, ჩემო პატარავ, ეს ჯ ა დ ო ს ნ უ რ ი წერილია, ნატვრა აგისრულდება.

გაოგნებულმა ბიჭმა კონვერტს დახედა. წერილი ვიღაც უცხოელი მანდილოსნის სახელზე იყო დაწერილი. ოლქის მოსამართლის ოჯახში ხომ არ ცხოვრობს ის მანდილოსანი? მაგრამ კონვერტზე დაწვრილებით არაფერი იყო მითითებული.

დაწოლის წინ პატარა ნონიმ ჯადოსნური წერილი ბეზიას თაროზე შემოდო

და ყურის ბიბილოზე იჩქმითა. სიზმარში ხომ არ ელანდება? ვაითუ ხვალ, როცა გაიღვიძებს, ვედარსად ნახოს წერილი. ვაითუ ტყუილი გამოდგეს?

დილით, როგორც კი თვალი გაახილა ბიჭმა, თაროს ეცა, ხელი მოაფათურა. თქვენ წარმოიდგინეთ—თაროზე მართლა იღო კონვერტი და ზედ ძღვევამოსილი სიტყვები ეწერა. უცხოელი მანდილოსნის მისამართი, იმ მანდილოსნის, ოლქის მოსამართლის ოჯახში რომ ცხოვრობდა. მან დაავლო ხელი კონვერტს და პირველსავე მგზავრს სთხოვა, გადაეცა ეს წერილი მისთვის, ვისაც ეკუთვნოდა.

მაშ ასე, მეორე ნატვრაც ასრულებულია. ახლა მესამის რიგია.

მასწავლებელმა ბიჭებს უთხრა, ახლა კი შევიძლიათ დაწვეთ და დაიძინოთ.

როცა ყველამ დაიძინა, მასწავლებელმა ლამპა ჩააქრო და აუსტა სოულილიას გადაეხვია.

თ ა ვ ი ო რ მ ო ც ღ ა მ ე ც ა მ ე ბ ა

გ ბ რ დ ა უ ვ ა ლ ი

ოო, ეს საშინელება იყო.

ამაზე უფრო საშინელი, ამაზე უფრო საზარელი აღარაფერი მოხდება.

ღმერთო, რომელიც ხარ ცათა შინა,
ყოვლისშემძლე ხარ, ღმერთო ძლიერო,
ძიშველე მე ჩემს ბრძოლაში ახლა,
სხვა ვინ მიშველის საბედნიეროდ.
გული აღივსო შხამით და ცოდვით,
ლამის აღმევისოს ბინდით გონება,
და სული ჩემი ეშმაკებს ოდით
ძლივს უმკლავდება, ძლივს ეომება.
ბოლო არ უჩანს შიშისა და სევდას,
ქუხს ჭოჭობეთი შავი ცოდვებით
და მე, ცოდვილი, ნამდვილად ვხედავ,
ნამდვილ ჭოჭობეთს ვუახლოვლები.
ცეცხლს მივეცემი ადრე თუ გვიან,
ბოლო არ უჩანს შენს მრისხანებას,
ადრე თუ გვიან ეს დრო, ეს სულიც
აღბათ ჭოჭობეთს დაემგვანება.

აუსტა სოულილია ქურასთან იდგა, ყურს უდგებდა ფსალმუნს. ყმაწვილ ქალს ქალწულებრივი ხელები ჰქონდა, მაგრამ გაუხეშებული, გალურჯებული, ხელისგული ფართო, მაკა წვრილი, სახსრები ოდნავ შემსხვილებული, თითები მკერავი ქალივით გრძელი, დიდ თითზე ძარღვი ამობეროდა, მაჭებიც დასრულებული ქალივით მაგარი ჰქონდა. აუსტამ ქურიდან ნაცარი გამოწვეტა. შეაწყო მანანის გაშავებული ტოტები, ჰონდარა არყის ხის წვრილი ყლორტები და ცეცხლი წაუქიდა. უცებ ატკრიალდა ფიჩხი, აუსტამ ზედ წივის ფირფიტები დააღაგა. საკვამურში ქარი ჩავარდა და ოთახი კვამლით გაივსო.

მაშ ასე, აუსტა სოულილია უკვე დიდი ქალია, ცეცხლს ანთებს დილ-დილობით. წავიდა, უკვალოდ გაქრა ბავშვობა, ველარ დაიბრუნებ ვერასოდეს. მარტის მიწურული იყო, სარკმლიდან მკრთალი შუქი შემოიჭრა. ცივი დილა იდგა, განსაკუთრებით ცივი—იმ ღამის შემდეგ. ყმაწვილ ქალს აურყოლებდა, ერთთავად კბილს კბილზე აჭერდა, თმა გაწეწოდა, ცალი ნაწნავი ჩამოშლოდა. ძველი, დაფხრეწილი კაბა, ფაციფუცით რომ გადიცვა და არ ჩამოხსწორა ტანზე, წელთან ამობურცვოდა. როცა დაიხრებოდა, ფეხის კუნთები მოუჩანდა, წვრილ, განუვითარებელ, ბავშვურ მუხლებთან შედარებით — მსხვილი, გამობერილი, თითქმის უხეში კუნთები და საესე, მაგარი კანჭები. აუსტა სოულილიას პერანგის ჩაცმა დაავიწყდა. სად არის მისი პერანგი? წინდები არ აუწვეია, კოკებზე ჩამოჰკეცია ნაოჭ-ნაოჭ, მაგრამ რა მნიშვნელობა აქვს ამას... აუსტას ეჩვენებოდა, თითქოს თემოები განზე გაეწია, მერედა ვის? იმას, ვინც ლერწამივით წვრილი იყო? მარტო თემოები კი არ გაეწია, ისეთი გრძნობა ჰქონდა, რომ თევზივით გაუფატრეს მუცელი, ნაჭერ-ნაჭერ დაჭრეს ბასრი დანით. დიახ, ბასრი დანით!.. ყველაფერი ტკიოდა, თავიდან ფეხამდე; ყოველ მოძრაობაზე ხან სად გაჰკარავდა მწვავე ტკივლი, ხან სად. თითქოს მარტო გამოფატრული და დაჭრილი კი არა, გასრეილიც იყო, გათელილიც. ერთი რამ უნდოდა, ერთი რამ სწყუროდა: ნეტა შემეძლოს დავწვე, ჩავიძალო ჩემ საბანში და ვიძინო, ვიძინო დაუსრულებლავ, რომ არავინ დავინახო და არაფერი გავიფანო. მან ხომ განთიადის ხანსდა ჩასთვლიდა და უცებ ელდა-ნაკრავივით ზეზე წამოენთო, არა, ამაზე უფრო საშინელი აღარაფერი შეხედება, არასოდეს, არასოდეს!..

ყმაწვილი ქალი ბებიას თვალს არიდებდა და მიანც ხედავდა, აზრით ხედავდა, როგორ მიმჯდარა იგი თავის კუთხეში, ნელა ირწყევა, საქსოვი მუხლებზე უდევს, თავი უძიგიძიებს, დანაოჭებული სახე თითქოს რუნული წარწერებოთა აქვსო აჭრელებული, მოუსვენრად აცეცებს თვალებს მძიმე, ჩალურჯებული ქუთუთოების ქვეშ, მაგრამ ეს თვალები ყველაფერს ხედავენ, ყველაფერს ამჩნევენ, ყველაფერი იციან. ეს თვალები—თვით ცხოვრებაა, თვით სინამდვი-

ლუა თავისი ღმერთითა და ეშმათი, ყველა იმით, რაც ფეხდაფეხ მოგდევს ზმანებებით საევს იმ ღამის შემდეგ, არეული ზმანებებით, უღრანი ტევრნარივით რომ შემოგეჯარებიან და გზას ველარ იკვლევე. და ასე, ცად აფრენის, სანუჯვარი სურვილებისა და ოცნებების შემდეგ—ბების ძველთაძველი ფსალმუნები, რომელიც გამთენიისას გაისმის. მანამ, ვიდრე დღე თავის უფლებებს მოიპოვებდეს, ვიდრე აბრიალდება მინავლებული ცეცხლი ყოველდღიურობისა—გესმის ფსალმუნი და ამ ფსალმუნისაგან სიტკბოების აწ გამქრალი წუთი მრავლდება უსასრულო ტანჯვაზე, როგორც ათასი მრავლდება მილიონზე; გეგონებათ, მთელი ცხოვრება ერთ ღამეში დაიხარჯაო, თითქოს იგი ერთ ღამეს შესწირე. ყმაწვილ ქალს ისეთი გრძნობა ჰქონდა, თითქოს დაჭრეს, აკუწეს და სისხლიდან იცლებათ. ოო, არა, არასოდეს, არასოდეს...

მეჩურჩულება მაკდური სულ
და ღეთის სამსჯავროს საჯაროდ წყევლის,
მეჩურჩულება. რომ სააქაოს
და საიქაოს წამება მელის.
რომ ჭოჭობეთში ცეცხლს შემინთებენ,
ოდეს ამ მიწას დაეტოვებ ერთობ,
ო, მიწყალობე მე ცოდვილს ახლა
წყალობა შენი, მოწყალე ღმერთო!

კვამლი ბოლქვებად გამოდის ქურიდან, აუსტა პირზე ხელს იფარებს, ცდილობს ხველა შეიკავოს, რომ არავინ გაადვიძოს. ნეტა არავინ გაიღვიძოს, ნეტავ იძინონ, სულ იძინონ, ოღონდ კი არ დაინახონ, ყურადღება არ მიაქციონ მას, ხმა არ გასცენ, ნეტავ ღამემ სამუდამოდ დაისადგუროს ქვეყნად, არასოდეს აღარ გაჩაღდეს ცეცხლი, აღარ აღუღდეს წყალი. აუსტას სწამდა, რომ ის აღარ არის, რაც იყო, რომ სულ სხვანაირი გახდა, მის დანახვაზე ყველა დაფეთდება, ვერავინ იცნობს, გააგდებენ. მისი ძმები უკვე მისი ძმები აღარ არიან, ანდა ოვითონ აღარ არის მათი და. დიდი ხანია უკვე, რაც აუსტამ იცის, რომ თვითონ ისეთი არ არის, როგორც ისინი. პატარაობიდანვე შურდა მათი, ესმოდა, რომ ისინი რაღაც იღუმალი მრზეზით მასზე მალდა იღვნენ, რაღაც დააკლეს აუსტას, არ მისცეს, ჰოდა, დადგა ჟამი განკითხვისა. ასეთი რამ იმათ არასოდეს არ შეემთხვევა, ამიტომ გაუჭირდებათ, ვერ გაერკვევიან მის ბედ-იღბალში და ეს სამუდამოდ დააშორებს ერთუროს. ვერა, ქვეყნად ვერავინ გაერკვევა, ვერ გაიგებს, რაც მას შეემთხვა. ის მარტოა, მარტოდმარტო დგას სამყაროს გარეთ— და ეს გამოუსწორებელია, ასე მარტოობაში დაღვეს სულს. მორჩა, გაწყდა ყოველგვარი კავშირი ნათესაებთან, იწყება სრულიად ახალი ცხოვრება. ყველაფერი ძველებურად დარჩება, მარტო თვითონ გამოიცვალა, არავის არაფე-

რი შემთხვევია, მარტო მას შეემთხვა. აწი მისთვის დღე დღე აღარ იქნება, ყოველი დღე უცხო გახდება მისთვის და არა მარტო უცხო—ამოუხსნელი ამოცანა, ლაბირინთი, გამოუვალობა. რომ შეიძლებოდეს, მთელი საუკუნე იდგეს აქ, ამ ჩერ გაუთბობ წყალთან, არ ელოდოს მათ გაღვიძებას, ვისაც უკვე სამუდამოდ მოწყდა, ვისთანაც აღარაფერი აკავშირებს, იცხოვროს ანდა, უფრო სწორად, არ იცხოვროს სადღაც ყოფნა-არყოფნას შუა, მინავლებულ კერასთან ესმოდეს ფიჩხის ტყაცა-ტკუცი ალიონის რუხ ბინდბუნდში, არ ეთიოს ღამის განცდების ახსნა-განმარტება და მხოლოდ შორეულ ბუნდოვან ზმანებასავით ახსოვდეს ის უსახელო საშინელი ფრინველი თავისი მტაცებლური ნისკარტით, რომელმაც ერთხელ, ერთად ერთხელ გადაუქროლა ფრთების ფაქქუნით მათ ჭაობს.

მაგრამ ერთი წამის შემდეგ კვლავ იმაზე დაიწყო ფიქრი, თუ რა მოხდა, რატომ მოხდა, ეძებდა მიზეზს, ახსნას ცდილობდა. მთავარია—რა გააკეთა მან? არაფერი, არაფერი არ გაუკეთებია, ის ხარობდა მისი სიხარულით, რაღაც უცნაურმა დენმა დაუარა მთელ სხეულში, მიეკრა მას, მაგრამ სრულიად უნებლიეთ—იმიტომ, რომ დენმა დაუარა სხეულში ღამე, როცა მან ლამპა ჩააქრო. განა ესაა დანაშაული? რატომ უვლის ადამიანს მთელ ტანში დენი? ეს თვით ცხოვრებაა—აქ ვერაფერს გააწყობ, შენ ზომ ცოცხალი ხარ. განა ეს აკრძალულია? მაშ რატომ გაჩნდა ქვეყნად, თუ ასეა? რატომ შერჩა სიცოცხლის ნაპერწყალი, როცა ძაღლის გვერდით იწვა — თბილი ძაღლის, რომელსაც რწყილები ჰყავდა და უთუოდ ჭიაც? მამამისმა რატომ თან არ წაიყვანა ძაღლი მაშინ, როცა მთაში წავიდა დაკარგული ცხვრის საქებრად? არა, მას ცული არაფერი ჩაუდენია, არაფერი ცული — იმ წუთიდან მოყოლებული, ძაღლის გვერდით რომ იწვა, ვიდრე დღემდე. რაღაც უცნაურმა დენმა დაუარა...

და მაინც... მან ნება მისცა... რატომ მისცა ნება? რატომ, რატომ არ გაახსენდა მამა? კარგო, საყვარელო მამიკო! მამის განსენებაზე, თითქოს ლახვარი ჩასცეს გულში. ვერა, ის ვერასოდეს ვერ გაიგებს. ის, რომელმაც მთელი სახელი, შინ თუ გარეთ, ყველაფერი მას მიანდო, ვინც ასწავლიდა თავის შენახვას და სიფრთხილეს, რომელმაც ერთი წამით, ერთი ხანმოკლე წამით მიიკრა მკერდზე...

ყმაწვილ ქალს ტირილი წასკდა, ვეღარ დაიმშვიდა გული. ხელები აიფარა სახეზე, ცრემლი მის თითებში უონავდა და ქურაზე შემოდგმულ ქვაბში ცვიოდა კურცხლები. რაც ძალი და ღონე ჰქონდა ფერდებზე ნიდაყვები მიიჭირა, რომ შეეკავებინა ქვითინი, მაგრამ ტირილი — განსაკუთრებული სტიქიაა, ცრემლი—ნაკადი, რომელსაც საგანგებო ძალა მართავს, ვერა, ვერ დასძლევს, ვერ მოერგევა ამ ძალას, ვერა... ასე იყო ღამითაც, როცა ის მოეხვია, ერთად რომ იყვნენ, ერთუერთს რომ აღარაფერი ამორებდათ და მას სჭეროდა.

რომ ეს თვით სიხარულია. ჰოდა, დაავიწყდა მამა, დაავიწყდა ყველა-გერი, ყველაფერი ამქვეყნად... და მაინც უნდოდა გაქცეოდა ამას... მაგრამ ვერ ძოახერხა, ვერ შესძლო, ვერ შესძლო, ვერა... ამას ვერ გაექცევი, რადგან ეს თვით ცხოვრებაა. ჰოდა, უნდა იდგეს აქ, მღუღარება უნდა აფრქვიოს ამ მინაგლებულ ტეცხლზე, თვითონ რომ დანთო.

მე როგორც ძალი ვიანჯალე შენ წინ
და საწყალობელ თვლებით გიმზერ,
გთხოვ შემოცოდო, ამ ქვეყანაზე
ჩემი ცოდვების ნუ ეძებ მიზეზს.
აქ ყველას მახე უფია თურმე,
სულს გასაქანი არა აქვს მულამ...
ო, ღმერთო ჩემო, ჭოჯობეთისგან
მიხსენი!
ღმერთო, მიშველო უნდა!

ამ ღვთისმოსაურმა ფიქრებმა სადღაც მის უკან, მომნანიებელ ცოდვილ-თა ბრბოსავით ბუბუნით ჩაიარეს და მარადიული მტერი დაუფარავი ფლანგიდან ეკვეთა. მთელი ურდო მტრებისა ასამართლებდა, განაჩენი გამოჰქონდათ, იმოწმებდნენ რელიგიას. ყმაწვილ ქალს აუტანელი სევდით, მწარედ შემოჰკვენესა გულმა. ქრისტიანულმა მორალმა სატანჯველდ გასწირა ადამიანი—აქვს თუ არა ამ ტანჯვის საზღვარი? აუსტა უცებ ადგილს მოწყდა, ბებიას ქარივით ჩაუქროლა და ზევით აიჭრა, შედგა მასწავლებლის საწოლთან, თითქოს მისთვის ამ კაცის მკლავებში იყო ქეშმარიტი წმინდა თავშესაფარი. შიშით, ძრწოლვით მიადო თითები ლოყაზე, მერე გადახსნილი საყელოს ქვეშ შეუყუო ცივი ხელი... მაგრამ ნაცვლად იმისა, რომ ენუგეშებინა, გადაერჩინა იგი, მასწავლებელმა ძილში შესაბრალისად წამოიკვნესა და კედლისკენ შებრუნდა, საბანი ჩამოუტურდა, გამოუჩნდა შიშველი სხეული. აი, სად ყოფილა აუსტას პერანგი, მის გვერდით დევს მოგუნდავებული. კვლავ შიშითა და ძრწოლვით დასტაცა აუსტამ ათრთოლებული ხელი პერანგს და სწრაფად გადააფარა მასწავლებელს საბანი: თავის დღეში არ უნახავს შიშველი მამაკაცი. საბედნიეროდ, ვერც ახლა დაინახა, რადგან ჯერ კარგად გათენებული არ იყო და სარკმლიდან მკრთალი შუქი აღწევდა ოთახში. რა, რა გააკეთა აუსტამ? ვინ არის ეს კაცი?

თითქმის უკვე გათენებული იყო, როცა აუსტა ძმებთან ერთად ფარეხში წავიდა. მარტის გრილი ქარი ეამა და როცა ცხვრებს თივას უყრდა, ცოტა დამოშმინდა, მაგრამ ძმებს თვალეზში ვერ უყურებდა, სახეს არიდებდა, ეშინოდა, ვერ მიცნობენო. მასწავლებელი კი იწვა კედლისკენ პირშექცეული და

ადგომას არ აპირებდა. აუსტა ისევ მივიდა მასთან, ყური მიუგდო, სუნთქვა არ ისმოდა და შეეშინდა: ხომ არ მოკვდა?

— ყავა არ გინდა? — რამდენჯერმე ჰკითხა ჩურჩულით, — ცხელია, დალევ?

არა, არ მომკვდარა, გაიღვიძა, თვალი გაახილა. აუსტას საშინლად გაუხარდა, მიუხედავად იმისა, რომ მან არაფერი უპასუხა, მხოლოდ მწარედ ამოეკვნესა. არა უშავს რა, გაუელის, თავი ინუგეშა აუსტამ და ყავა მიუტანა, წამოჯდომაში მიეშველა.

მასწავლებელს ჩათეთქვილი, ავადმყოფური სახე ჰქონდა, წვერი აბურღული, თმა აწეწილი, აუსტას თვალს არიდებდა. ის კი ჩამოჯდა მის საწოლზე, მიუხედავად იმისა, რომ მას არ უთხოვია, დაქვითო, და გატეხილი სავარცხელი გადაუსვა თმაზე.

— დალიე ყავა, — ნელა ეჩურჩულებოდა აუსტა, თან თმას უვარცხნიდა.

ღიახ, თმას უვარცხნიდა! წარსოუდგენელია, დაუჯერებელია, მაგრამ მაინც ამას აკეთებდა ყმაწვილი ქალი, ბალიშიც გაუსწორა, მხარსუკან ამოუდგვა, ხელი შეაშველა, ახლოს მიუჯდა. აკეთებდა უბრალოდ, დაუფიქრებლად, ისე, თითქოს თავისით კეთდება ყველაფერიო. უწინდელი მოკრძალებისა და მორცხვობის კვალიც აღარ ეტყობოდა. „გტკივა რაბე, ხომ არაფერი გინდა?“ — ეჩურჩულებოდა. რა მნიშვნელობა ჰქონდა იმას, რაც თვითონ დაემართა, იმასთან შედარებით, რაც შეიძლებოდა ამ კაცს მოსვლოდა.

— კვედები, კვდეები, — დაიჩურჩულა მასწავლებელმა და ყავა მოსვა, — თავი დამანებე, არა ვარ ღირსი.

მასწავლებელს შალღობა არ უთქვამს, თმა რომ დავარცხნეს და ცარიელი ფინჯანი ჩამოართვის, კვნესით მიესვენა ბალიშზე, აუსტა სოულილიამ გულმოდგინედ შემოუქეცა საბანი. ყმაწვილ ქალს ყელში რაღაცამ წაუჭკირა, მის გულს ბაგაბუგი გაჰქონდა, იმან კი ზედაც არ შეხედა, ერთი ალერსიანი სიტყვა არ უთხრა, არაფერი უჩურჩულა

ასე იწვა ერთ ხანს. აუსტაც იქვე იჯდა, ნაზი, ერთგულებით საესე მზერა მიეპყრო მისთვის. უცებ მასწავლებელს ბაგე შეერხა და გაისმა ჩურჩული:

— ღმერთო, ყოვლად ძლიერო, მიშველე! ღმერთო! ყოვლად ძლიერო, მომიტევე მე!

არა, ასეთ წამებას ვერ გაეჭკოდა აუსტა, იჯდა იქ, მის გვერდით, ყურს უგდებდა მის ოხვრა-გმინვას. წამალი გათავდა, ბოთლი ცარიელი იყო, და აღარავინ დარჩა, ღმერთის გარდა.

ღმერთო მიშველე, შენ გვაჯობ,
იყავი ჩემი შემწე და მცველი.

შენ გეაწები, როგორც განთიადს,
რომ ცისიერი წამით ჩააქრო
ჭოჭოხეთური ცეცხლი, რომელიც
ჩემს სულში ასე უღვთოდ ანთია!

იმ დღეს ღმერთი უცებ მთავარ მოქმედ პირად გადაიქცა ხუტორში. ყველას ერეენებოდა, რომ შეიცხეს იგი, ყველამ თავისებურად. აი, თურმე როგორია ღმერთი?..

მასწავლებელმა ღვთისმოსაურ აღტყინებაში თვით მოხუც პალბერას გადააჭარბა: ბებიას გართიმულ-გაზეპირებულმა ლოცვებმა ელფერი დაპკარგა მისი სულის გაურთიმავე კვილითან შედარებით. წარამარა წამოჯდებოდა საწოლზე, სასოწარკვეთილებით სავსე, გაფართოებულ თვლებს მიაპყრობდა ერთ წერტილს, შუბლიდან ცივ ოფლს იწმენდდა და გმინავდა:

— ღმერთო ჩემო, დავიღუპე! ღმერთო ჩემო, ეს რა ჩავიდინე, ეს რა ვქენი... ღმერთო ძლიერო, თუ ჩემი მოსპობა გაქვს გადაწყვეტილი, მომსპე ახლავე, საბოლოოდ გამანადგურე.

ყმაწვილმა ქალმა წყალი შესთავაზა: რატომღაც ეგონა, რომ ცივ წყალს შეუძლია სულისა და სხეულის განკურნება.

მასწავლებელმა წყალი მოსევა და კენესით მიესვენა ბალიშზე. აუსტა იმედოვნებდა, იქნებ დაიძინოსო, მაგრამ სრულიად მოულოდნელად მასწავლებელი ისევ წამოჯდებოდა და კვლავ გაისმოდა მისი მოთქმა:

— ღმერთო, ეს რა ვქენი, ეს რა ჩავიდინე!

აუსტა აღარ სთავაზობდა წყალს, მისკენ დაიხარა და უჩურჩულა:

— არაფერი არ გაგიკეთებია, — მერე პირი ურზე მიადო და უფრო ხმადაბლა ჩასჩურჩულა: — შენ უნდა გაგეკეთებინა ეს. თუ ცუდია, რაც მოხდა, მარტო მე ვარ დამნაშავე. მაგრამ ცუდი ამაში არაფერი იყო, შენ ჩემთვის არ მოგიყენებია მწუხარება, თუ გინდა, კიდევ გააკეთე. მამა ვერაფერს გაიგებს... ღმერთი არც ისეთი სასტიკია, როგორც შენ გგონია.

აუსტამ ხელები კისერზე შემოაქლო მას, ლოყით ლოყაზე მიეკრა და მტკიცედ გადაწყვიტა, სიცოცხლის დასასრულამდე მასთან ერთად ეელო ცხოვრების გზაზე. რაც უფრო იტანჯებოდა მასწავლებელი, აუსტას მით უფრო ავიწყდებოდა საკუთარი თავი.

მასწავლებელი ისევ მიწვა, მაგრამ აუსტასთვის ხელი არ გაუშვია: რაოდენ ტკბილია შეხება იმ ხელისა, სულში აბობოქრებულ ქაირიშხალს რომ აცხრობს. იგი მილულული თვლებით შესცქეროდა ყმაწვილ ქალს სახეში. ამ სახეში იყო მისი ხსნა და თანდათან დამშვიდდა.

როცა ცხომრების ყვავილი გახვს

ბიარტური მთელი ღამე გზაში იყო. შუალამისას გამოვიდა ქალაქიდან, გარიყრაქმა რომ მოატანა, უკვე უშენის დასაველეთი ფერდო დაინახა. ვნების კვირა იღვავა, ციოდა, ღამე მიილია. ათასი ნაბიჯი, ათასი ფიქრი — ყველაფერი ირევა ერთმანეთში, როგორც უძილო ღამეს, ზოზინით რომ მისდევს საათი საათს წყვილიადში და ათასი რამ გიტრიალებს თავში, ვიდრე გათენდება. ცოტაც და ცისკრის ცივი შუქი დაეფინება დათოვლილ უშენს, ხეობას, მთების კლდოვან მწვერვალებს, აქა-იქ რომ ამოუყვიათ თავი ყინულის ქერქქვეშ მბზინავ, გაყინულ ნაკვალევს და ყველაფერი ოქროსფერად დაიფერება. ბიარტური გასცქერის თავის სამფლობელოს, ვალებისგან გაწმენდილს, დიდი, დიდი ხნის წინათ რომ იყიდა, და განთიადის მოცისფრო შუქით დაფერილ თავის სახლს ესალმება შორიდან. გაზაფხულის ბუნიობის შემდეგ ორი კვირა გავიდა, კიდევ ორი კვირა და ზაფხულიც კარს მოადგებათ, ქანჭრობი კი ჭერი მთლად დაფარულია ყინულის თხელი ქერქით, ყინულის დნობას არც ტბაზე უჩანს პირი, უშენის სამხრეთი მხარე მთლად გადათეთრებულია, იქვე ამართული ლურჯი მთები კი ისეთ ცისფერ სამოსში გახეულან, თითქოს მიწასთან და ყოველივე მიწიერთან საერთო არაფერი აქვთო.

ზედ მთის ნაპარალთან დგას მისი, ბიარტურის, პაწია სახლი, ირგვლივ დატკეპნილი თოვლია, სახლის პირდაპირ კი, ხეობაში, ყინულის გრძელი ლოლუებში ჰკილია. აქედან, სადაც ის დგას, გარკვევით მოჩანს თოვლით დაფარული სახლის სახურავი. ბიარტურმა ტვირთი ძირს დადო, დგას, გასცქერის თავის სამფლობელოს, სადაც ცხოვრობს მისი პატარა ოჯახი და „ცხოვრების ყვავილი“, აუსტას რომ შეარქვა და ერთხელ უცხო კაცთანაც წამოსცდა ეს. დგას აქ მეომარივით, რომელიც უცხო ქვეყანას წავიდა საბრძოლველად, თუმც გამარჯვების იმედი არ ჰქონდა, ამოდ მიიჩნდა ეს ბრძოლა, მაგრამ ახლა ძლევამოსილი ბრუნდება, ბრუნდება ნადავლით: მოაქვს სურსათი, საქონელი და, რაც ყველაზე საოცარია, სამომხმარებლო საზოგადოების კრედიტი.

ამ სამყაროში ერთი დღესასწაულიდან მეორე დღესასწაულამდე შეიძლება მოხდეს ყოველად დაუჭერებელი, ყოველად მოულოდნელი ამბები. მოულოდნელობა კი მუდამ ერთნაირად აოცებს ხევის მკვიდრ გლეხს იმიტომ. რომ ამ „ღვთის თანაშემწეს“, როგორც რედსმირელი ფრუ უწოდებს მათ, დმერთმა განჭვრეტის ალლო ძალზე ძუნწად მიამაღლა, ავიწყდება, რომ შობიდან აღდგომამდე შეიძლება დედამიწა გადატრიალდეს და ყოველგვარი გაფრთხილება-

ნებართვის გარეშე, თავდაყირა დაჭდეს ზღვაზე. ვაჭარი, ვისთანაც ზაფხულის საგანელ ბიარტურს ჰქონდა საქმე, მისი დიდი ნდობით სარგებლობდა. ვაჭრის სიმდიდრე—კოშკებიანი სახლი—შურის გრძობას არ უღვიძებდა. განა ბიარტური არ ამბობდა: „მე რა მესაქმება, დალახეროს ეშმაკმა, მის კოშკებთან და სასახლეებთან? გაიძახიან, ბრუნი უკანასკნელ წვეთამდე სისხლს სწოვს გაჭირვებულ ხალხსო, მაგრამ რაკი ის ბებერი ავაზაკი მე ნამუსიანად შექცევა, ამიტომ მეტს მისგან არას მოვითხოვ“. ასეთი აზრისა იყო და ვერაფერმა შეავლევინა ეს აზრი, ვერც გონიერულმა მოსაზრებებმა, ვერც საბუთებმა, ვერც მუქარამ და დაპირებებმა. მერედა რა გამოუვიდა? ერთ მშვენიერ დღეს გამოიჩვენა, რომ ვაჭარი გაქრა, საღდაც გაემგზავრა, აღარ არსებობს, აორთქლდა. დუქანი ცარიელია, სავაჭრო დავთრები არაფერ იცის სად არის, კოშკებიანი სახლი კი ველში გაიყიდა. ასე მოულოდნელად დაინგრა ის საძირკველი, რომელზეც ხეობის მკვიდრი გლეხი აგებდა თავის ცხოვრებას. ეს ძლევა მოსილი გოლიათები—კომერსანტები, ცალი ფეხი ისლანდიაში რომ აქვთ და მეორე შიგ კონტინენტში, ანაზღად აღიგვებიან ხოლმე პირისაგან მიწისა. ასე და ამგვარად დაიკარგა, რაც ბიარტურს ერგებოდა და უბედურება ის იყო, რომ ხელს ვერავის დაადებდა, პასუხს ვერავის მოსთხოვდა. ასე იყო საქმე ზამთარში, როცა ბიარტური ფიორდში წავიდა სამუშაოს საძებრად. ბრუნი გაკოტრდა, მიითვისა სხვისი ფულები და გადაიკარგა. ცხვრის გაწყდომის და იმ ზარალის შემდეგ, რაც ავმა სულმა მიაყენა, ბიარტური მშრალზე დარჩა.

ღმერთები და ხალხი რომ შეერთებულიყვნენ და ერთად ებრძოლათ მის წინააღმდეგ, ამაზე სასტიკად ვერ გაასწორებდნენ მიწასთან დამოუკიდებელ ადამიანს. და უბედურება ის იყო, რომ პასუხს ვერავის მოსთხოვდა, ჯავრს ვერავიზე იყრიდა...

ბიარტური მაინც წავიდა ოლქის მოსამართლესთან.

— სად არის თქვენი ნაქები მართლმსაჯულება, — დაიქუხა ბიარტური, — თუ იმის ნებას აძლევთ ვინმეს, კაცს ყველაფერი წაართვას, ისედაც რომ სული ვერ მოუბრუნებია, ათას გაჭირვებასთან ერთად, ვინ იცის, ეგებ ავი სულებიც შეუჩნდნენ? რა ჯანდაბად მინდა მოსამართლე, თუ არ დამიცავს, თუ ჩემს ნაჯათარს სხვას გაატანს? ამ ზამთარს შენ ვერ გაბედლე ხეობაში ამოსვლა. თურმე ნუ იტყვით, ცუდი ამინდი იყო და აბა როგორ გამოიმეტებდი თავს. მე კი შენი გულისთვის უფროსი ვაჟი დამელუპა: შეეშინდა, ქარბუქში გავიდა შინიდან, გზა აებნა, იბორიალა მთებში, შენ კი ამ დროს შენს სახლში, თბილ ლოგინში ნებავრობდი. მამასახლისი ხომ სულწაწყმედილია, მაგრამ ის მაინც ჩამოვიდა. ჰოდა, ახლა შენი ჯერია, დაგვანახე ერთი, რის მაქნისი ხარ, გამო-

ითხოვე ჩემი ფული, თუკი ასეთი რამ კანონი წერია ემაგ ოხერ თქვენს ძველ წიგნში.

მოსამართლემ ტულინიუს იენსენს დაუჭირა მხარი:

— ფირმა გაკოტრდა, ერთ ერესაც ვერავინ მიიღებს, ყოველ შემთხვევაში, მრავალი წლის მანძილზე. მე აქ არაფერ შუაში ვარ. ხელმწიფემ უკვე დანიშნა სპეციალური მოხელე ამ საქმის გამოსაძიებლად. მაგრამ, როცა კაცი კოტრდება, ველარაფერს გააწყობ. ყველა გარემოება უნდა გაეითვალისწინოთ: ბრუნნი უკვე კარგა ხანია ზარალს ნახულობდა, ბოლოს სამომხმარებლო საზოგადოებამ გადაიბირა მთელი მისი კლიენტები. აი, როგორია საქმის არსი. შენ და სხვა შენისთანებს საკუთარი ფულის დაბრუნების სრული შესაძლებლობა გქონდათ. თვითონ ხარ დამნაშავე. იმის მაგივრად, რომ თავის დროზე შესულიყავი სამომხმარებლო საზოგადოებაში, გააჭიანურე, ფეხს ითრევედი.

— თავის დროზე? ყველაზე საწყენი ის არის, — თქვა ბიარტურმა, — რომ თავის დროზე ჭკუა არ მეყო და ყელი არ გამოვლადრე იმ ტარტაროზს.

— საკუთარ თავს დააბრალებ! — უპასუხა მოსამართლემ.

— სამწუხაროა, რომ ბუნებით ასეთი გულკეთილები ვართ. გაჩენის დღესვე უნდა შოგვეხრჩო ეს ქურდბაცაცები და მძარცველები.

— ვინ არიან ქურდბაცაცები და მძარცველები?

— ვინ? ბრუნნი და ყველა ისინი, ვისაც შენ თავგამოდებით იცავ, არ გეგონოს, თითქოს თქვენ — მოსამართლეებს, უფროსობას, მოხელეებს, ეშმაკების მთელ ხროვას, ვაჭრებზე უკეთესად გთვლიდეთ. თქვენ ყველა ავაზაკს ელოლიავებით, ხელს უწვდით, ამისი არ გეშინიათ. მაგრამ ქარბუქში კი მთის გადავლას ვერა ბედავთ, თუნდაც ამაზე იყოს დამოკიდებული ადამიანის სიცოცხლე.

— იქნებ დაბრძანდე, ბიარტურ, რომ უფრო მშვიდად, გულდინჯად ვილაპარაკოთ ამ საქმეზე!

— მაშინ დავჯდები, როცა თვითონ მოვინდომებ.

— თამბაქოს ხომ არ ინებებ?

— რას შემომთავაზებ, ეგ შენი საქმეა, რას მივიღებ, ჩემი საქმე გახლავთ.

ამის შემდეგ ბიარტური ექიმთან, ალთინგის დეპუტატთან წავიდა.

— ტულინიუს იენსენს ყველა პატიოსან კაცად თვლიდა, — უთხრა ექიმმა ფინსენმა ბიარტურს, — მეც კარგად ვიცნობდი ბრუნის და, რამდენადაც ვიცო, არასოდეს არავინ მოუტყუებია. თვითონ კი დარჩა მოტყუებული, სხვები აბრეყებდნენ. მთელი მისი უბედურება იმ დღიდან დაიწყო, როცა გლეხობამ ირწმუნა სამომხმარებლო საზოგადოების თაოსნების ბრტყელ-ბრტყელი სი-

ტყეები. ამან, სწორედ ამან დალუპა ბრუნი, გააკოტრა. გლეხობამაც უმტყუნა, იმედი არ გაუმართლა.

— მე ჩემი ფულის დაბრუნება მინდა, — თქვა ბიარტურმა, — მორჩა და გათაედა. ბრუნიმ გაგიყვანა შენ ალთინგში, მე კი ხმას გაძლევ მას მერე, რაც ხმის უფლება მივიღე. როგორ ფიქრობ, რათ გაძლევდი ხმას? შენი სათვალეების გულისთვის ხომ არა? თუ ჩემს ფულს არ დამიბრუნებენ, ეშმაკმა მოგცეს მაშინ ხმა ჩემს მაგივრად. და თუ შენ, ალთინგის წევრი, ხმამაღლა ამბობ, რომ ხალხის ძარცვა ნებადართულია, მაშინ მე მთავრობის წინააღმდეგი ვარ.

— ყური მიგდე, ბიარტურ. მე უკვე მოვხუცდი, დროა პოლიტიკას თავი დავანებო, განზე ვავდგე. მაგრამ რაი მე და შენ ძველი მეგობრები ვართ და ერთი პარტიის წევრები, ნება მიბოძე, პურის ნამღვლი კარგი არყით გაგამასპინძლდე.

— მე ერთი რამ მინდა: ის, რაც მერგება.

— მძიმე დროა, მძიმე, ჩემო კარგო ბიარტურ. საზღვარგარეთაც კოტრდება ხალხი და მერე როგორ? რაც აქ, ისლანდიაში, დაიკარგა, სახსენებელიც არ არის იმასთან, რაც ამერიკაში დაკარგა ხალხმა.

— ვაგლახ! რამდენი რამის გადატახა უხდება აღამიანს. მაშ, მოსამართლეზე უკეთესი არც შენ ყოფილხარ, თურმე შენც ქურდბაცაცებისა და ავაზაკების კული ბრძანდები.

— მე მუდამ ვიღვწოდი ხალხისთვის, ვცდილობდი რამე გამეკეთებინა როგორც ალთინგში, ისე ჩემს საექიმო პრაქტიკაში. იაფად ვაძლევდი წამლებს იმათ, ვინც არჩენებში ხმას მაძლევდა. ყოველწლიურად ასობით კრონს ვკარგავდი ავადმყოფების წამლებში და არავის სინდისი არ აწუხებდა იმის გამო, რომ წამლის ფულის გადახდა ავიწყდებოდა. მაგრამ არავის ვემღური, არაფერს ვჩივი.

— თუ მეხსიერება არ მღალატობს, ბრუნი ჩემი ანგარიშიდან მუდამ გირიცხავდა იმ შხამიანი სასმელის ფულს, რითაც ჩემი ორივე ცოლი იჭყიპებოდა და, თუ ორივე საიჭიოს გაემგზავრა, ამაში შენც გირეგია ხელი.

— ჩემს ცხოვრებაში არ გამიგონია ასეთი ლაპარაკი. იქნებ, ჩემო ბიარტურ, ბედმა იმ ახალ ხალხთან უფრო გაგიღიმოს, მთელი ქვეყნის ქვეშამოგებას რომ აპირებენ, — უთხრა ექიმმა.

— თქვენზე, ბრუნის კულებზე უარესი მაინც არ იქნებოდა რედსმირელები. ყოველ შემთხვევაში, უწინ ასე ვფიქრობდი. ახლა კი აღარ ვიცი, რა ვიფიქრო. ექიმიც და მოსამართლეც ისე ელაპარაკებოდნენ ბიარტურს, როგორც ჰირვეულ ბავშვს. და აი, ის კვლავ ქუჩაში დგას, მოტყუებული, გაბრიყვებული.

ერთი გამოსავალია დარჩა: რედსმირელებს უნდა მიადგეს კარს, მკლავებში ჩაუვარდეს ინგოულუფ არნარსონ იოუნსონს. ყველა სხვა გზა მოჭრილია.

ტულნიუს იენსენს ბიარტური აქამდე მფარველ ანგელოზად თვლიდა, ინგოულუფ არნარსონს კი მიწასთან ასწორებდა. ოცდაათი წელიწადი ღვარა ოფლი რედსმირელებისათვის, ჯერ მოჭამაგრიობდა მათთან, მერე მიწა შეისყიდა და რამდენიმე წელიწადი იხდიდა ვალს, ბოლოს, როგორც იქნა, თავისუფლება მოიპოვა, მაგრამ ამით არა შეცვლილა რა, ისევ ისეთი ავაზაკებისათვის იდგამდა წელებზე ფეხს. ბიარტურს ეგონა, ავაზაკიც არის და ავაზაკიცო, ერთიმეორეზე უკეთესი ამათშიც მოინახებო. მაგრამ აი, ბრუნი გაიქცა, ხელს გააყოლა მისი ფული, დასტოვა მშრალზე. სად წავიდეს, ვის მიადგეს? თურმე ნუ იტყვით, ავაზაკები სულ ერთი ყალიბისანი ყოფილან, არაფრით არ განირჩევიან ერთიმეორისაგან, გინდ ზღვის პირას ცხოვრობდნენ და გინდ დაბაში. ერთს მაინც ვერ წაართმევ რედსმირელებს, ისინი არ გაქეუულან შორეულ ქვეყანაში და ბიარტურის ფული არ წაუღიათ. ასე გამოდის, რომ ვინც თავისუფლებისა და დამოუკიდებლობისათვის იბრძვის, ტულნიუს იენსენს ვერ დაეყრდნობა. ინგოულუფ არნარსონი ბრუნიზე უარესი მაინც არ იქნება. მეორე მხრივ, მძიმეა მისთვის დახმარების თხოვნა სამომხმარებლო საზოგადოებაში. ნუთუ რედსმირელთა წყალობით შეიძლება თავისუფლების მოპოვება—ამდვილი თავისუფლების, რომელიც დამოუკიდებელს გახდის ხეობის მკვიდრ ღარიბ გლეხს?..

— აჰა, მობრძანდა დამოუკიდებელი კაცი! დროა, დრო ჩვენს საზოგადოებაშიც შემოიხედოთ.

— ზრდილობის გამო არ მოვსულვარ, — დარცხვენით უპასუხა ბიარტურმა.

— დიახ, ჩემო ძვირფასო ბიარტურ, ვიცი, გავიგე უკვე. შენი დასაკლავი დანა შენვე გამოჩნჩიკე. ჩემს რჩევას ყური არ ათხოვე, ჩაებლაუქე იმ ბრუნის და აღარ ეშვებოდი. მაგრამ რაც იყო იყო, მეგობარო, მე არ გემდური. რასა იქ, როგორ ცხოვრობ?

— როგორ ვცხოვრობ? ასეთ კითხვაზე პასუხს არ ვიძლევი. მე მგონია, არავის არაფერი ესაქმება იმასთან, თუ როგორ ვცხოვრობ მე ან ჩემი ოჯახი. უბედურება დამატყდა: ცხვარი გამოწყდა. თუმცა ამაში გასაკვირი არაფერია. ისლანდიაში ასე იყო იმ დღიდან, როცა პირველად დასახლდა აქ ხალხი, ასეა დღესაც. ასე ხდება ყოველ გაზაფხულზე. რედსმირელებსაც გაუწყდა ცხვარი. ჩემი ცხვარი უკეთ იტანს ზამთარს, ვიდრე რედსმირელებისა.

— არა, მე იმ უცნაურ ამბებს ვგულისხმობდი, ამას წინათ რომ დატრი-
ალდა შენთან. გავიგე, რომ უფროსი ვაჟი დაჰკარგე...

— მერე შენ რა? ბიჭი ჩემი იყო...

— ამბობენ, კოლუმბილის ოიენებიაო.

— კოლუმბილი? რომელი, ის ხომ არა, სპარსთა რელიგიასთან რაღაც კავშირში რომ იყო?

— კარგი, კარგი, ამაზე ნულარ ვილაპარაკებთ. მითხარი, რით შემძლია გემსახურო?

— არაფრით. მე გამძარცვეს. სამუშაოზე მინდა მოწყობა. იმის თხოვნას არ ვაპირებ, ვინმემ რაზე გააკეთოს-მეთქი ჩემთვის. მე ვიმუშავებ სხვისთვის, ოღონდ ხელფასზე.

— ასე, ჩემო ბიარტურ, ყველაფერი, რასაც შარშან გეუბნებოდი, ავიხდა, ჩემი ბრალი არ არის, რომ არ დამიჭერე. ჩვენს ქვეყანაში ორი პარტიაა: ერთი პარტია ძარცვავს გლეხკაცს, მეორე პარტიას გლეხობის ფეხზე დაყენება უნდა. შენ გწამდა პირველი პარტიის. ჰოდა, რა გამოვიდა? გაიგე. მეგობარო, გაიგე, ჩვენ იმისთვის გვინდა ძალაუფლების მოპოვება, რომ ხალხს კეთილდღეობა მოვეუტანოთ.

— ჰო, ილაპარაკე, ილაპარაკე, ინგი, ჩემო ბიჭუნო! ოღონდ მე არავისი არა მჭერა და ყველაზე ნაკლებ შენი სიტყვებისა. ამიტომ არავის ვთხოვ მოწყალეობას, არც ვჩივი, არც ვწუწუნებ. ცხვარი ცოტალა შემჩრა, მაგრამ რა გაეწყობა, თავიდან დავიწყებ ყველაფერს. ზოგიერთი იტყვის: მეტი რალა უნდა? სულ რამდენიმე წელიწადია, რაც ახალი ფარეხი აიშენაო. თუ ვინმე ფიქრობს, რომ მე კოშკებიან სასახლეებზე ვოცნებობ, ძალიან შემცდარა. ჩემო ძვირფასო ინგი, ასეთი რამ აზრადაც არ მომსელია და არც არასოდეს მომივა, მაგრამ როცა კაცს ცხოვრების ყვაილი ჰყავს...

ბიარტური უცებ გონს მოეგო, მიხვდა, რარიგ შორს შესტოპა და გაჩუმდა, ასე რომ სათქმელი ველარ დაამთავრა.

თავი ოჯგოცდამთხუთხეტი

გაზაფხულის დღეები

დადნა თუ არა საძოვარზე თოვლი, ცხვარი საბალახოდ გაუშვეს. ბიარტური და ბიჭები შინ რომ ბრუნდებოდნენ, სუფრა მუდამ გაშლილი ხედებოდათ. აუსტა სადღაა? ნაკადულის პირას წინდებს რეცხავს ან თოკზე გაფენილ სარეცხს დარაჯობს, ან დერეფანში ცომს ზელს... ყმაწვილ ქალს ოთახში იშვიათად თუ ხელადენენ, დასაძინებლადაც მაშინ წვებოდა, როცა ყველას ეძი-

ნა. თუ მამა და ძმები შინ იყვნენ, ამ დროს აღარ იბანდა გულ-შეკრდისა და ფეხებს, შეძვრებოდა ლოგინში, წაიფარებდა საბანს და იწვა გაუნძრეველად. სულ თავი აღუნული დადიოდა, თითქოს სახეს არიდებს სხეებს, არ უნდა ვინმემ შეხედოსო, გრძელი, ხშირი წამწამები, ისედაც რომ უფარავდა თვალებს, სულ დახრილი ჰქონდა, თითქოს ვერ ბედავს ადამიანს თვალი გაუსწოროსო. შეკითხვაზე ცალკუბად პასუხობდა მამას, სულ გაურბოდა, თავს არიდებდა.

ბიარტურს ეუცხოვებოდა ეს, რადგან აუსტა მუდამ პირდაპირ უყურებდა, ფართოდ გახელილ, ნღობით სავსე მავედრებელ თვალებს მიაპყრობდა ხოლმე, ის კი მამის თითქოს ვერ ამჩნევდა ამას. ახლა თვითონ აცქერდებოდა ყმაწვილ ქალს ჩაცვივებით, ქალი კი გაურბოდა.

აქ, ამ ხუტორში, გულჩახვეული ხალხი ცხოვრობდა, ერთმა არ იცოდა, რას ფიქრობს მეორე. იქნებ ეს ცუდი არც არის. ერთი შეხედვით, თითქოს ამ ოჯახის წევრები ერთი ყაიდისა უნდა ყოფილიყვნენ, მაგრამ არა, ასე როდი იყო. არსად მოიძებნებოდა ერთი დედ-მამის შვილებში ასეთი განსხვავებული ხასიათის მქონე, როგორც ამ პატარა ხუტორში. მაგალითად, ბიარტურის ორი ვაჟიშვილი: აბა როგორ გაუგებდნენ ისინი ერთმანეთს? ერთი ოცნებობდა გარკვეულ ადგილას გარკვეული მიზნების მიღწევაზე, მეორე კი ბუნდოვანი ოცნებების განხორციელებაზე სულ სხვა, შორეულ ქვეყნებში.

თოვლის დნობა. თოვლ-ჰყაპი. ყინულის ლოლუები რა ხანია ჩამოდნა. ჩანჩქერი აბობოქრდა. პატარა ნონი დგას და მოჩადობული შეჰყურებს გაზაფხულის მუშაობას. სამხრეთის ქარი ჰქრის, დროდადრო ჩანჩქერს ზევით აიტაცებს ხოლმე, მთის მწვერვალისაკენ.

— შენ საქმეს მიხედვე, რას დაგიჰყვითა თვალები, — შეუწყრა პატარა ნონის უფროსი ძმა.

ისინი სამოვარზე იდგნენ, აქეთ-იქით ფანტავდნენ ნაკვლს. ეს ჩანჩქერი ხეობაში, ეს სამხრეთის ქარი ადამიანის სულივით იცვლება ბუნებასთან ერთად, რომელიც ყველაფერს თავის დაღს ასვამს. პატარა ნონი დედას ელაპარაკებოდა ხოლმე ამაზე, დედას ესმოდა მისი და უზიარებდა შეიღს თავის ოცნებებს. ახლა აღარავის ესმის პატარა ნონისა და ის ჯერ კიდევ დედის ოცნებებით, დედის სურვილებით ცხოვრობს. ნონი განმარტოებას ეძებს, მთლად აღვსილია პოეტური სევდის, პოეტური ნალველის შეგრძნებით. ცხვარს რომ მისდევს, მღერის, მღერის სულ სხვადასხვანაირ ჰანგზე, ისეთ ჰანგზე, არასდროს რომ არ გაუგონია. მის მკერდში უცნაური საკრავია, მაგრამ პატარამ ჯერ არ იცის ამ ინსტრუმენტზე დაკრა, მარტო ფრთხილად ეხება სიმებს, განცვიფრებით, გულის ფანქვალთ უგდებს ყურს ამ ბგერებს, ხან ცახცახებს, ხან თვალნი ცრემლით ევისება. თვალები კი ღრმა აქვს, გონივრული, ანკარა, ვით წყარო. ვით წყაროს ფსკერზე მშზინავი ვერცხლი.

მთების კალთებზე ბალახი ამოიწვერა, ბიარტურს ეშინოდა, ამინდი შეიცვლებოდა და არ უნდოდა ხუტორიდან შორს გაეშვა ცხვარი. იგი ხშირად მიდიოდა უშენის სამხრეთ და აღმოსავლეთ კალთებისკენ, ქვევით მიერეკებოდა ცხვარს. რაც უფრო სტანჯაყდა, გულს უმძიმებდა ოჯახში დასადგურებელი მღუშმარება, მით უფრო უშვებს ჰგვრიდა გაზაფხულის გამახალისებელი სიგრილე. დამდნარი თოკლის სუნი, მზით განათებული შორეთი და მარადისობის შეგრძნება, რადგან უშენში არ შეიძლება არ შეიგრძნო მარადისობა. თოვლი ნელ-ნელა ემორჩილებოდა მზეს, დნებოდა. შმორის, მანანის და ფერღობებზე თოვლქვეშ ამოწვერილი ქორთვა ბალახის სურნელი ტრიალებდა. ცხვრები დაბორიალობდნენ ყოველ კუთხეში და ყველაფერს ჰამდნენ, რასაც კი თოვლქვეშ იპოვნიდნენ, მაგრამ უცებ გამოენთებოდნენ ლარტაოდან ან ხეობიდან, ბაწარალებით მიქროდნენ ზევით, ქარის პირისპირ, უკიდევანო შორეთისკენ, მარადისობისკენ, რადგან ცხვარსაც ახასიათებს თავისუფლებისკენ ლტოლვა.

რამდენიმე დღე იყო უქვე, რაც ხეობას ყვავე დასტრიალებდა. ბიარტურმა გადაწყვიტა შემოეელო ხეობა, გაეგო, რას უმიზნებდა მტაცებელი ასე დაჟინებით. მდინარე აღიღდა, გადმოლახა ნაპირები, მერე ისევ დაიწია, ისე ფართოდ აღარ იყო გაშლილი, როგორც რამდენიმე დღის წინათ. უცებ ძალი შედგა და მდინარიდან ამოგდებულ რალაცას დაუწყო ყეფა. ყვავე ჩხვილით დასტრიალებდა ხეობას. ბიარტური არ ფიქრობდა, რომ იქ ლეშს იპოვიდა, რადგან იმ გაზაფხულზე ცხვარი არ მოკვდომია და რაც მან იქ იპოვა, არ ჰგავდა პირუტყვს — ეს უფრო ადამიანის გვამს ჰგავდა. დიახ, ტანადი ჰაბუკის გვამი იყო. ეტყობა, ზამთარში კლდიდან გადმოვარდა, იღო იქ თოვლქვეშ და როცა მდინარე კალაპოტში ჩადგა, ქვიშაზე დარჩა გამორიყული. გვამი გახრწნილიყო, ვერც კი იფიქრებდით, თუ ადამიანია, სახე გადღობნოდა, წაშლოდა, უზაგებო პირი თითქოს ცას შესცინოდა. თვალები აღარ ჰქონდა, ტანსაცმელი შემოლოპობოდა, დამპალი ქსოვილი ძვლებს მოსდებოდა, ჩაწებებოდა. გარდა ამისა, მტაცებლებსაც თავისი საქმე გაეკეთებინათ. საზარელი სურათი იყო. ბიარტურმა რამდენჯერმე ჯოხი შეახო გვამს, ძალს დაუტია და ჩაიდუღუნა:

— რასაც დასთეს, იმას მოიმკი, — დიდი მწიკვი ბურნუთი შეიყარა ცხვირში. ძალი გამწარებული ყეფდა. — ხმა გაიკმინდე, თავს ნუ იღებ, — დაუტია ძალს ბიარტურმა. — სულ ერთია, ამას შენ ვერ გაიგებ. ზოგ-ზოგები კოლუმეილის დააბრალებენ, მაგრამ განა ის უფრო სწორი არ არის, რომ ყოველი ჩვენგანი თავის ბედ-იღბალს საკუთარი მკერდით ატარებს?

მაინც არ იყო მისთვის ადვილი იმის აღიარება, რომ კოლუმეილის არა-

ვითარი დამოკიდებულება არა ჰქონდა კაცის ბედთან. დიახ, ყველაფერი, რასაც ჩმახავენ კოლუმეკილზე, მტყნარი სიცრუეა. ასე ამბობდა, მაგრამ იმის ფიქრს მაინც ვერასოდეს დააღწევდა თავს, რომ ამ მონაჩხმახებში მეტი სიმართლეა, ვიდრე თვით სიმართლეში.

უშენში ცხოვრობს ეშმა, სანსლაეს ხალხს. რამით ხომ უნდა დასდოს პატივი მიცვალებულს, რაკი იპოვა იგი, და რაც შეიძლება ჩქარა უნდა გააკეთოს ეს, თორემ ცხვარი უკვე ზევით წავიდა. ბიარტურს ახალი, სქელი, თბილი ხელთათმანები ეკეთა, მარჯვენა ხელიდან წაიძრო ხელთათმანი და ზედ დაადგო გვამს, რადგან უზრდელობად ითვლება, თუ პატივი არ ეცი მიცვალებულს და ისე წახვედი. რამდენიმე წუთში ბიარტური უკვე ხეობის ნაპირას გაჩნდა, როგორც ფიქრობდა, ცხვარი მართლა მთის კალთას შეჰფენოდა. ერკემალი ზევით მიჰქროდა. აი, შორეული კლდის მწვერვალზე გადმოდგა და მთელი ცხვარი მიჰყვა, გაიჭრნენ ბლაუფიედლისკენ. ბიარტური გაეკიდა ცხვარს, უხაროდა, რომ ასე ადრიან გაზაფხულზე მისი ფარა უკვე განდევილივით ეძებდა განმარტობას მთების უკიდვანო სივრცეში.

— ჰალბერა, — უთხრა საღამოს ბიარტურმა მოხუცს და ცალი ხელთათმანი გადაუგდო, — მომიქსოვე ზუსტად ასეთი, მარჯვენა ხელისთვის.

— მეორე რაღა იქნა? — გაცოცდა მოხუცი, ბიარტურს არასოდეს არ დაუკარგავს ხელთათმანი.

— ამაზე ნუ ვილაპარაკებთ, მოხუცო, — უპასუხა ბიარტურმა.

— ნუ ვილაპარაკებთ? — იკითხა ჰალბერამ, ასწია მოძიგძიგე თავი და ოდნავ შებრუნდა, როგორც ჩვევად ჰქონდა, როცა ვინმეს ელაპარაკებოდა. მეტი არაფერი უკითხავს, რა საჭიროა, არა, აღარ არის საჭირო.

თ ა ვ ი ო რ მ ო ც ღ ა მ ე თ ი ა ვ ს მ მ ა ბ ა

უ ფ რ ო ს ი ღ ა

გაავდრდა, ისეთი კოკისპირული წვიმა წამოვიდა, თითქოს ქვეყანას წალექეკვას უპირებსო. ურიცხვი ნაკადული მოჩხრიალებდა ფერდობებზე, მთლად ჩამორეცხა, თუკი სადმე თოვლი იყო შემორჩენილი და ზღვაში ჩაიტანა. როცა მზემ ისევ გამოიხედა, მთები მწვანე სამოსელში გაეხვია, ბალახში თაკი ამოჰყო ბაიებმა, თბილმა ქარმა დაჰბერა. ნაკადულიც ადიდდა, ნაპირები გადმოლახა და კვლავ თავის კალაპოტში ჩადგა, მაგრამ ბიარტურის უმცროსს

ბიჰს არ უნახავს ეს. ჯერ წელიწადიც არ გასულა და უკვე აუკრძალეს ნაკადულის ნაპირას უქმად ხეტიალი. სულელივით დგას აქ, საძოვარზე, და აქეთ-იქით აზნევის ნაკელს. მერედა ვინ: ის, ვისაც ელფებმა უწინასწარმეტყველეს საოცარი უცხო ქვეყნების ხილვა! ზამთარში ნონი ისე შეეთვისა იმ ქვეყნებს, როცა თავის წიგნებს კითხულობდა, ცხადად ხედავდა მათ, ახლა კი, გაზაფხულზე, ის ქვეყნები თვალს მიეფარნენ, ჰორიზონტზე გაუჩინარდნენ. საკმარისი იყო აუსტრალიის შეეხება პატარა ნონის, უმაღლ რწმუნდებოდა, რაოდენ მიუწვდომელი იყო მისთვის ის ქვეყნები, ზამთარში ესოდენ ცხადად, გარკვევით რომ ეხატებოდნენ უკიდვანო, დათოვლილი უდაბნოს თეთრ ფონზე. მაგრამ სულს არ სჩვევია დანებება. გაზაფხული—მისი ფრინველები, შორეულ ქვეყნებიდან მოფრენილნი. მისი ქარი, მისი ცა, მარადისობა,—გაზაფხული უხმობს, იზიდავს. ყოველთვის, რთუა კი გამოვა გარეთ, გადმოაბიჯებს კარის დაბალ ზღურბლს და ეზოში შედგება, ესმის გაზაფხულის ხმა, გაზაფხული უხმობს, უძახის, უხმობს, უძახის, ის კი ყურს უგდებს, სევდით გულს ეკუმშება. მას შემდეგ უგდებს ამ ხმას ყურს, რაც მასწავლებელი წავიდა. მასწავლებელი კი აღდგომის წინა დღეებში გამოეთხოვა მათ. აქამდე ნონის არ შეუძინევია, თუ აუსტამ ტირილი იცოდა, მაგრამ ერთ კვირას, დღის მიწურულს, ნონიმ აუსტა ლარტაფში იპოვა. ნონი დასთან მივიდა, მაგრამ აუსტა არც გაინძრა, ვერც კი იგრძნო, ვინმე თუ იდგა იქ. ნონიმ უფრო ახლოს მიიწია და დაინახა, რომ აუსტას მხრები უთრთოდა, ბალახში პირქვე ჩამხობილიყო და მწარედ ქვითინებდა. აჰა, აქი იცოდა ნონიმ, ყოველთვის იცოდა, რომ აუსტა ისეთი არ არის, როგორც თვითონ და გვენდურია, არ არის მათსავით სრულყოფილი ქმნილება, მათზე დაბლა დგას, მაგრამ აუსტა სოულოლია ხომ მისი უფროსი დაა და ნონის სიბრალულით აევსო გული. თვითონ ბოლო ხანებში იშვიათად ტიროდა, განსაკუთრებით შარშან ზაფხულს აქეთ. მალე, სულ მალე ნონი დაეაყაყადება. აუსტა,—ხმადაბლა შეუძახა დას ნონიმ. აუსტა შეკრთა, წამოჯდა, სველი სახე კაბის კალთით მოიწმინდა, მაგრამ ცრემლი მაინც დაპაღუპით ჩამოსდიოდა.

— რა გაღრიალებს, სოულა! — გაოცდა ნონი.

— არაფერი, — უპასუხა აუსტამ სლუკუნით.

— დაგეკარგა რამე? — ჰკითხა ბიჰმა.

— ჰო, — უპასუხა აუსტამ.

— მაინც რა, რა დაკარგე?

— არაფერი.

— ჰოდა, არაფერი არა გაქვს სატირელი, — უთხრა ბიჰმა.

— სულაც არ ვტირი, — უპასუხა ცრემლის ფრქვევით აუსტამ.

— მამამ გაწყენია?

— ჰო.

— რაო, რა გითხრა?

— არაფერი.

— გცემა?

— ჰო, ერთხელ, დიდი, დიდი ხნის წინათ. მაგრამ ამას რა მნიშვნელობა აქვს, დამავიწყდა კიდევ. ო, არა, სულაც არ ვუცემივარ.

— მამ რაღა გალრიალებს? ალბათ, რაღაც გინდა ძალიან და ამიტომ ტინი, არა?

— ჰო, — ხარბად, სულშეგუბებით უპასუხა აუსტამ და ისევ აქვითინდა.

— მაინც რა გინდა? — ჰკითხა ბიჭმა.

— არ ვიცი, არ ვიცი, — ამოიგმინა აუსტამ და უფრო გულამოსკენით ატირდა.

— სოულა, კარგო, საყვარელო, მითხარი, გემუდარები, რა გინდა. იქნებ მე გიშოვო, როცა გავიზრდები?

— შენ არაფერი არ გესმის. ჯერ ისე პატარა ხარ... არავის, არავის არ ესმის. მე თვითონაც არ მესმის, თუმცა კი ამაზე ვფიქრობ დღედაღამ..

— მითხარი, ჩემო სოულა, იმიტომ ზომ არა ტირი, რომ შენ ისეთი არა ხარ, როგორც ჩვენ, ბიჭები? — ჰკითხა პატარა ნონი დას თანაგრძნობით. მან იცოდა, რომ ისინი ახლა შეეხნენ ადამიანის სხეულის ისეთ საილუმოებებს, რომ ამაზე გადაკვრიტაც უხერხულია რამის თქმა. იქნებ ცუდად მოიქცა ნონი, მაგრამ სიტყვა უნებლიეთ მოწყდა ბაგეს.

— ჰო, — ცოტა ფიქრის შემდეგ უპასუხა აუსტამ სასოწარკვეთილებით.

— რა ვუყოთ მერე, ჩემო სოულა, — დაიჩურჩულა ნონიმ. ძალიან უნდოდა ენუგეშებინა და, ლოყაზე ხელი მოუთათუნა ალერსით, — ამას ვერავინ გაიგებს. მე არავის არ ვეტყვი, გვენდურსაც ვთხოვ, რომ არავის, არავის არ უთხრას, გესმის.

— მაშასადამე, შენ იცი? — ჰკითხა აუსტამ, კაბის კალთას ხელი გაუშვა და თვალებში ჩახედა ძმას.—იცი?

— არა, სოულა, საყვარელო, მე არაფერი არ ვიცი. არც მითვალთვალეზია... მაგრამ ამას რა მნიშვნელობა აქვს, სულ ერთია, ეს ვერაფერს გამოასწორებს. როცა მე გავიზრდები და სახლს ავიშენებ უცხო ქვეყანაში, ჩემთან წაგიყვან და იქ კარტოფილს გაკმევ.

— კარტოფილს? რად მინდა კარტოფილი?

— ისე, როგორც ბიბლიაში წერია...

— ბიბლიაში კარტოფილზე არაფერი წერია.

— იმაზე გეუბნები, იმ ქალმა რომ შეჭამა...

— არა, არ მინდა, რაც ბიბლიაში წერია, — ამოისლუკუნა აუსტამ, ტირილით დასიებული თვალები სივრცეს მიაშტერა და დაუმატა: — ღმერთი... იგი სულის მტერია...

ბიჭმა უცებ ჰკითხა:

— სოულა, მითხარი, იმ დამეს, როცა მასწავლებელმა გვითხრა, ჩათუქვით, ვისაც რა გწადიათო, შენ რა ჩაუთუქვი?

აუსტა სოულილიამ გამომცდელი თვალთ შეხედა ძმას. მარჯვენა თვალს უფრო შესამჩნევად აელმებდა ახლა, ტირილის დროს ასე ემართებოდა. მერე თავი დახარა და ბალახის ღერს დაუწყო წიწკნა.

— არავის ეტყვი?

— არავის, არავის. მაშ მითხარი, რა ინატრე?

— სიყვარული, — უპასუხა აუსტამ და ისევ ამოუჯდა გული, ქვითინებდა, თან იმეორებდა: — სიყვარული, სიყვარული, სიყვარული...

— ეგ რაღაა?

აუსტა ისევ ჩაემხო ბალახში, მხრები ისევ ისე აუთრთოლდა, როგორც ცოტა ხნის წინათ, როცა ნონი თავს წაადგა მტირალს.

— სიკვდილი მინდა, სიკვდილი, სიკვდილი...

ნონიმ აღარ იცოდა, რით ეშველა ესოდენ დიდი მწუხარებისათვის, ჩუმად მიუჯდა დას გვერდით გაზაფხულის ქორფა ბალახზე და მის გულში დამალული სიმები შეირხა, ათრთოლდა, აფლერდა.

პირველად ჩაიხედა ადამიანის სულის ლაბირინთში. ის ჯერ უძლური იყო, ვერ ვაუგებდა დას, მაგრამ მთავარი ისაა, რომ გრძნობდა და იტანჯებოდა მასთან ერთად. დიდი, დიდი ხნის შემდეგ ნონიმ ამ მოგონებას ხორცი შეასხა ერთ სიმღერაში — უმშვენიერეს სიმღერაში, როგორსაც კი იცნობს სამყარო. ის როდი კმარა, თუ გაიგებ რაოდენ უმწეოა ადამიანის სული, თუ ჩასწვდები ადამიანის სულის ორი საწინააღმდეგო ძალის ბრძოლას, არა, ეს არ არის ის საწყისი, საიდანაც სიმღერა იბადება. უმშვენიერესი სიმღერის წყარო — თანაგრძნობაა, დაახ, თანაგრძნობა აუსტასადმი, ამ მიწის შვილისადმი.

ბიჭი და ქვეყნები

ყველაზე საკვირველი ოცნებაში ის არის, რომ ოცნება ხორციელდება. მართალია, ამის აღიარება არავის სურს, მაგრამ მაინც ასე იყო და ასე იქნება მუდამ. ადამიანს თუ ოცნება აუსრულდა, არც კი უკვირს, გეგონებათ, ამაში მოულოდნელი არაფერიაო. მიზნის დასახვა და მიზნის მიღწევის გადაწყვეტილება ერთმანეთს ენათესავენ, ორივე ერთსა და იმავე გულში თვლემს.

ეს ამაღლების წინა დღით მოხდა. იმ ხანებში, როცა ხეობაში ხშირია მგზავრი, მაგრამ მგზავრებიდან იშვიათად თუ გადაუხვევდა ვინმე გზიდან, რომ ხუტორში შეეხედა. იმ დღეს კი ერთმა კაცმა შეიარა ზაფხულის სავანეში. უცნობს თვალში მოსახვედრი არაფერი ჰქონდა, არავითარი ნიშანი იმისა, თუ რა საქმეს ეწევა ან რა დანიშნულება აქვს ცხოვრებაში, თითქოს მისი დანიშნულება სწორედ წერილის გადაცემა იყო, სხვა არაფერი. მრავალი წლის შემდეგ იოუნ გულბიარტურსონს უნდოდა მეხსიერებაში აღედგინა იმ კაცის სახე, იერი, მაგრამ ვერაფრით ვერ მოახერხა. მოკლედ, წერილის მომტანი ჩვეულებრივი კაცი იყო, რომელსაც სწორედ იმიტომ ვერ ამჩნევ, რომ ჩვეულებრივია. მგზავრმა ზაფხულის სავანელ ბიარტურს ბარათი გადასცა, გამოემშვიდობა და თავის გზას დაადგა.

ბიარტურს არასოდეს არავისგან არ მიუღია წერილი, ეს პირველი შემთხვევა იყო, თუ სათვალავში არ ჩავაგდებთ ანგარიშებს, რომელთაც ვაჭარი უგზავნიდა. დამოუკიდებელი ადამიანები ხომ წერილებს არ ლებულობენ, ეს უფრო იმათი საქმეა, ვინც სხვაზეა დამოკიდებული. ბიარტურმა ორჯერ ხმამალლა წაიკითხა მისამართი, ხელში შეატრიალა წერილი, დახედა კონვერტის ორივე მხარეს, გახსნა და ბარათი ამოიღო. ბიჭები უჩუმრად მიეპარნენ. ბიარტურს ქალაქი მოშორებით, ცერად ეჭირა, წარბი შეეკუმუნა და უკან თავგადაწეული კითხულობდა, მაგრამ მის სახეზე შეუძლებელი იყო იმის ამოკითხვა, თუ რის მაცნე იყო ქალაქი. ორჯერ რომ ჩაიკითხა, კეფა მოიფხანა და ისევ შეუდგა კითხვას. მესამედ ჩაიკითხა, ბარათი ჯიბეში ჩაიღო და წავიდა. ასე რომ, ბიჭებმა ვერ გაიგეს, რა ახალი ამბავი იმალებოდა ამ ბარათში.

ნათელი დამე იდგა, ბუმბულისებრი ღრუბლებით დაგრაგნილი ცა დაპყურებდა მწვანედ მოლივლივე ქაობს. ფრინველებს ისე ეხალისებოდა გალობა, რომ სალამოსაც არ დადუმდნენ, უსტვენდნენ, არაკრაკებდნენ თავის საგალობელს. დიახ, გაზაფხული წინ, სულ წინ მიდიოდა, ყოველი დღით, ყოველი სალამოთი უფრო მკვიდრად იკიდებდა ფეხს, იკრებდა ძალას. ბიარტური ერ-

თხელ კიდევ წავიდა საძოვრის სამხრეთ ნაპირას მაკე (ჩხვრის დასახედად, რო-
მელსაც უნდა მოეგო. მართალია, უკვე ძილის დრო იყო, მაგრამ ბიარტურმა
წასვლის წინ თავის უმცროს ბიჭს დაუძახა, გამომყევიო.

— მე წამოვალ შენთან ერთად, მამი, პატარა ხონი დაწვეს და დაიძინოს,—
უთხრა გვენდურმა მამას.

— ნონი წამოვიდეს-მეთქი, ვთქვი. შენ დაწვეი. სამაგიეროდ, დილით ნონი-
ზე აღრე გაგაღვიძებ, — უპასუხა მამამ.

ბიარტური ფართო ნიბიჯით მიდიოდა ჰაობისკენ, ნონი ცუხცუხით მის-
დევდა, ბურცოდან ბურცოზე მიხტოდა. ისინი ქვევით ჩავიდნენ. წერწეტა
ცერცველებსა და ლურჯგვირგვინიან ბაიებს უკვე აეყარათ ტანი, სისენარიც იყო
იქ. იხებებს ბუდე გაეკეთებინათ და ახლა მდინარის რუხ, მოსარკულ ზედაპირ-
ზე ასვენებდნენ. ყბედი დალლა აედევნა ბიარტურს, უყვებოდა თავის გრძელ,
საუცხოო საგას. ყურს რომ უგდებ მის ნაამბობს, გჩვენება, თითქოს ეს გრძე-
ლი საგა ღარიბია შინაარსით. სულ: ჰი-ჰი-ჰი და ასე მთელი საუკუნე.

მაგრამ ოდესმე შორეულ მხარეში გაგახსენდება ეს საგა და უცებ აღმოა-
ჩენ, რომ ის ბევრ სხვა საგაზე გაცილებით ლამაზია და მომხიბლავი, იქნებ
ყველაზე მომხიბლავიც ქვეყნად. და შენ იმედოვნებ, რომ კვლავ გაიგონებ ამ
საგას სიკვდილის შემდეგ, როცა შენ ღამით ჰაობებში ხეტიალის ნებას დაგ-
რთავენ, ამალღების წინა დამეს, შენი სიკვდილის შემდეგ, და კიდევ ერთხელ
გაიგონებ სასწაულებით სავსე ამ საგას—სწორედ ამას და არა სხვა რომელიმეს.

ბიარტურმა და ნონიმ ჰაობიან მდელობზე იპოვეს ცხვარი, უკვე მოეგო.
ეს კარგია. ბიარტურმა დაიჭირა ბატკანი, ნიშანი დაადო. ცხვარი მიუახლოვდა
ბიარტურს და ნელა შეჰბლაღლა. ბიარტურმა ხელი ჩავლო ცხვარს, გაუსინჯა
ცური—საკმარისად აქვს რძე თუ არა? საკმარისად აქვს, ხვალ ამალღებაა, ყმა-
წვილი ქალი დაბაში ჩავა, ერთი კვირა დარჩება პასტორის ოჯახში — სამებას!
კონფირმაციაზე უნდა წარსდგეს. გათენებისას ალბათ გაწვიმდება, დიდი წვი-
მა წამოვა. იწვიმოს, კარგია ბალახისთვის. ბიარტური ზედ წყლის ნაპირთან
ჩამოჯდა ბორცვზე, დააცქერდა როგორ მიდუღუნებდა მდინარე. გაღმა ნაპირ-
თან წყვილი იხვი ცურავდა და იქიდან ესალმებოდნენ ბიარტურს. ნონი გვეძ-
ლით მიუჯდა მამას, ისიც მდინარეს დააცქერდა. ისეთ უშფოთველობას, ისეთ
სიწყნარეს დაესადგურებინა ირგვლივ, თითქოს ჰაობს თავისი დანაშაულის
გამოსყიდვა უნდაო. რის მოწმე, რის მნახველი არ იყო ეს ჰაობიანი დაბლობი.
ახლა უშენი ემშვიდობებოდა თავის რჩეულს, ემშვიდობებოდა უკანასკნელად.

— მაშ ასე. პატარა იოუნ, — თქვა ბიარტურმა. მამას არასოდეს ასე აბ
მიუმართავს ნონისთვის, ახლა კი უცებ იოუნი უწოდა, ბიჭს კი არ უყურებდა
ამ დროს, თავის წინ ჩამავალ წყალს დასცქეროდა.

— რაღაც მინდა გითხრა, ვიდრე შინ დავბრუნდებით.
ღუმელი.

— ქვევით, ფიორდში ცხოვრობს ერთი მანდილოსანი. მე პირადად არ ვიცნობ, არც მინახავს, მაგრამ ის კი გამიგონია, რომ არსებობს ასეთი ქალი-მგონი, მოსამართლეს ენათესავენ. თუმცა, ეგ ჩემი საქმე არ არის. ასეა თუ ისე, ის მანდილოსანი უცხოელია, ერთი დიდი ქვეყნის მკვიდრი. საღდაც, დასავლეთში მდებარეობს ის ქვეყანა, ზოგი ამერიკას უძახის. ეს სამყაროს სხვა ნაწილია.

— ვიცი, — უპასუხა პატარა ნონიმ.

— ოჰო, მართლა იცი? — ჰკითხა მამამ.

— ვიცი, ამ ზამთარს ვისწავლეთ.

— აა! მაშ ასე! ყველაფერი როდი უნდა დაიჯერო, რასაც გასწავლიან. ერთი რამ კი მართალია, იქ გაცილებით უკეთესი საძოვრებია, ვიდრე ჩვენს ქვეყანაში. ათას ზღაპრებს ჰყვებიან ამერიკაზე, თითქოს იქ ზამთარ-ზაფხულ იალღებზეა ცხვარი გაშვებული, თითქოს იქ სულ სხვანაირად ჰყვებოდნენ პირუტყვს. ეს, რა თქმა უნდა, მონახულია, მაგრამ იქ კაცს ხელობის შესწავლა შეუძლია. პოდა, ხელობა კაბუჯისთვის შესაფერი საქმეა, თუ მას დამოუკიდებლობა უნდა.

— ჰო, — თქვა ბიჭმა, — იქ მდინარეც არის!

— მდინარე? მდინარეები სხვა ქვეყნებშიცაა.

— ქალაქებიც!

— ეშმაკმა წაიღოს ქალაქები! ნუ იჯერებ ყველაფერს, რასაც ქალაქებზე ჩმახვენ. მაგრამ ასეა თუ ისე, იმ უცხოელ მანდილოსანს სთხოვეს თურმე, რომ შენ თან წაგიყვანოს, როცა სამშობლოში დაბრუნდება. ერთ შენს ნათესავს, რომელიც იქ ცხოვრობს, გადაუწყვეტია წაგიყვანოს, რომ ხელობა რამ შეისწავლო. როგორც გავიგე. ფულიც გამოუგზავნია. მანდილოსანი შაბათ დილას აპირებს გამგზავრებას. განსვენებულ დედაშენს სულ რაღაც განსაკუთრებული უნდოდა შენთვის. პოდა, ჩემის აზრით, უნდა წახვიდე.

ბიჭს ხმა არ ამოუღია.

— ხვალ საღამოს ფიორდში ჩაგიყვან, — განაგრძო ბიარტურმა, — რა თქმა უნდა, მხოლოდ იმ შემთხვევაში, თუ წასვლა გწადია.

ბიჭს არც ახლა ამოუღია ხმა.

— გინდა წასვლა?

— ჰო, მინდა! — თქვა პატარა ნონიმ და ტირილი წასკდა.

— ოჰო, მაშ ასეა საქმე? მე იმიტომ გეკითხები, გინდა თუ არა წასვლა-

მეთქი, რომ კაცმა მხოლოდ ის უნდა გააყეთოს, რაც თვითონ სწორად მიაჩნია. — ბიარტური წამოდგა და დაუმატა: — რასაც გეუბნებიან, იმის ნახევარი დაიჭრე, ნახევარი ცალი ყურიდან შეორეში გაუშვი, კკუას არ წააგებ. ყოველთვის თუ სიმტკიცეს გამოიჩენ და გააყეთებ იმას, რაც სწორად მიგაჩნია, მოგებული დარჩები.

მამა-შვილი შინ რომ დაბრუნდა, უკვე ყველას ეძინა. პატარა ნონიმ ჩუმად გაიხადა ტანთ და ბებიას გვერდით მიუწვა.

აღარ ტიროდა. ჭაობიდან ფრინველთ გალობა ისმოდა. თუ ეს ფრინველთ გალობის ექო იყო, გაზაფხულის ამ წყნარ ღამეს რომ ყლერდა მის გულში და დადუმებას არ აპირებდა? ეს იყო ის ხმა, რომელიც ვერასოდეს ვერ დაივიწყა მისმა გულმა, რაგინდ შორეულ მხარეს არ უნდა წასულიყო, რაგინდ დიდებულ იყოფილიყო დარბაზები, სადაც მას იღებდნენ, — ისლანდიის ფრინველთ გალობა გაზაფხულის მოკლე, წყნარ ღამეს ჭაობში.

წავიდა მკაცრი ზამთარი და უშენს ნაზი, რბილი, თავისი ზომიერებით მომხიბლავი გაზაფხული ესტუმრა. ბიჭი ხედავდა ახალ ქვეყნებს, ზღვიდან რომ ამოდიან ნორჩი ქალწულებივით და დილის მზის პირველ სხივებში ალივილებენ თავის ძვირფას ნიჟარებსა და მარჯნებს, ხედავდა ძველ ქვეყნებს, სურნელოვან ბაღნარებს, ქათქათა ქალაქებს, ხელებს რომ უწვდიან მწვანედ მოსარკულ ზღვას, კალიფორნიის მოშრიალე ტყეებს, მზით მოოქროვილ პალმების ხეივნებს ხმელთაშუა ზღვის სანაპიროზე, ხედავდა მდინარე მისისიპის მახლობლად გაშლილ უღრან ტყეებს, სადაც ირმები და ავაზები ეძიებენ თავშესაფარს. მან კი მთელი ამ სამყაროსთვის უნდა თქვას საგალობელი.

განა ბედნიერება არ არის, განა არ არის უდიდესი ბედნიერება, იწვე ხელისგულის ოდენა სარკმლის ქვეშ ბებრის გვერდით და ხედავდე სამყაროს უკიდევანო სივრცეს, შენს თვალწინ რომ გადაიშალა? ხედავდე უკიდევანო სივრცეს, რომლისთვისაც ხარ შობილი? არა, სულში მას სიმშვიდე ედგა, სიმშვიდე გაზაფხულის ღამისა, ღამის მღუმარება. მაგრამ ძილი არ ეკარებოდა, ეჩვენებოდა, რომ არასოდეს, არასოდეს არ მოუნდება დაძინება, თითქოს დღეიდან მისი ცხოვრება გაზაფხულის ერთი დაუსრულებელი ღამე იქნება ყველა იმ ქარიშხლის შემდეგ, მის თავზე რომ გადაიარა, რაც განიცადა მან, ესოდენ პაწიამ. წარვიდნენ დღენი, როცა მას არწმუნებდნენ, ამ მთის იქით ქვეყნები არ არისო, წარვიდნენ ღამენი, როცა ქვაბები და ტაფები თაროებსა და კარადაში სიტყვებს წარმოთქვამდნენ, რათა განედევნათ სევდა და ცხოვრების სიცარიელო. როცა მამის მძლავრი ხერხინვის გავონებაზე წარმოუდგებოდა უცხო, უკიდევანო სამყაროში მოგზაურობა, მოგზაურობა განუსაზ-

დგრელ დროში. რომელი მოგზაურობა? ის მიდის, ის თვითონ მიდის სამოგზაუროდ.

არა, როგორ მოხუჭავდა თვალს, ამის გაფიქრებაც არ შეეძლო. ჰერის დანახვა უნდოდა, იმ ნუერისა, კაცად რომ წარმოედგინა, ცალთვალა ცოცხალ კაცად. ნონი უფრო შორს წავიდა, ნუერი თავის ნათესავად აქცია და ახლა ამ ნათესავმა ფული გამოუგზავნა... მასასადამე, ყველაფერი სრულდება. ყველაფერი, რასაც წარმოსახვით ჰქმნის ადამიანი, სინამდვილედ იქცევა და ერთ მშვენიერ დღეს შენ ამ სინამდვილის, რომელიც ოდესღაც თვითონ შექმენი, მონა ხდები და უკვე ნაღვლობ, გული გწყდება წარსულ დღეებზე, როცა ეს სინამდვილე არ არსებობდა, როცა თითქმის არაფერი იყო, გარდა ფუჭი მონაგონისა ამ ნუერზე, ჰერის ძელზე რომ არის. ნონის უკვე სევდით მოენისლა თვალები. „ღედა“,—გაიფიქრა მან. ღედა წარმოუდგა თვალწინ—ის, ვინც ყველაზე მაღლა იდგა, ვინც ყველას სჯობდა. გაახსენდა მისი კენესა, მტკივნეულად გულში რომ უვლიდა და ეს ტკივილი მთელი ცხოვრება გაჰყვებდა, ჩაექსოვებდა მის ყოველ სიმღერას. რანაირ ტყეში, როგორ წარმტაც ქვეყნებშიც არ უნდა იყოს, ვერასოდეს ვერ დაივიწყებს ამას, ვერასოდეს დაივიწყებს იმ დღეებს, როცა ჰაობიდან თავამოყოფილი ბურტოები იმ სიმაღლე ერევენებოდა, რომ წვერით ცას ებჯინებოდა. ვერა, ვერ დაივიწყებს. ნონის ეჩვენებოდა, რომ უკან იხედება რაღაც უჩვეულო, გაუგონარი ცხოვრების მწვერვალიდან, ზღვებსა და ქვეყნებს იჭით, წლებისა და დროის მიღმა და კვლავ ხედავს ამ პატარა ოთახს, უბრუნდება იმ დამეებს, როცა სიბნელეში თრთოლვით ყურს უგდებდა დედის კენესას და ფიქრობდა: სძინავს, თუ არა? ტყეში, უცხო ქვეყნებში, სადაც უნდა იყოს, ეს პატარა ოთახი ხშირად წარმოუდგებია თვალწინ.

— მაშ ასე, ჩემო ბიჭუნო, — უთხრა დილით ბებიამ. საკვირველია, რომ ბებიას იმ დილით საქსოვისთვის ხელი არ უხლია, იჭდა უქმად, რაც მისთვის უჩვეულო იყო, და თითქმის ნახევრად მოხუჭული თვალებით აცქერადებოდა პატარა ნონის, ოღნავ გვერდზე შებრუნებული იჭდა, პირში თითი ჩაეყო. — ეპ, რას არ მოვესწარა, რისი მნახველი არ ვარ!

სარკმლიდან შემოპრილი მზის უშუქი იატაკზე ზოლებად დაეფინა და იმ ნათელ ზოლებში ცეკვავდა, ტრიალებდა მტერის ურიცხვი ნაწილაკი. აუსტა სოულილია სარკმელთან იჭდა, ნონის ტანსაცმელს აკერებდა. ნონის საგარეო ქურთუკი არ ჰქონდა. ბებიამ წინდები და ხელთათმანები მოუქსოვა, აუსტამ კი ამერიკაში გამგზავრების წინ ახალი ხამლი შეუთქრა.

ნონის უცბად გაახსენდა, რომ ერთხელ. უსაქმობისაგან გადაწყვიტა ბეზოს სახეზე ნაოჭები დაეთვალა. ახლა კი ამის თავი არ ჰქონდა, ისე წავა, ვერ

დაითვლის ბებოს ნაოქებს, მაგრამ ეს ნაოქები სამუდამოდ ჩარჩება ხსოვნაში, ჯოველი, ყოველი ნაოქი. ნონი უკანასკნელად იღვა ბებოს საწოლთან და მღუპარედ ათვალეირებდა ხან ერთ, ხან მეორე საგანს. შესცქეროდა კოკებზეა ჩაშონეკილ ქერს, კინძში გახვეულ ორ დანას, ლოგინზე გასწორებულ, მატყლის შეუღებავი ძაფით ნაქსოვ გადასაფარებლებს, მერხებს, პრიალი რომ გააქონდათ იმის გამო, რომ ათეული წლები ეხახუნებოდა ხალხი, არცთუ სუფთა იატაკს, ფეხქვეშ რომ იზნიქებოდა, პატარა სარკმელს, ერთი მთელი მინალა რომ შერჩენოდა, ქაობის ერთ კუთხეს, მდინარის მოლაპლაპე კლაკს, პატარა ქურას, მთელი ამ წლების მანძილზე ერთთავად რომ შიგ ცეცხლი გუზგუზებდა და ათბობდა ოჯახს, სადაც ახლა გამურული ქვაბი იღვა ფაფის ნარჩენით. სარკმელთან კი აუსტა სოულილია, ვისაც ელაპარაკა იქ, მწვანე ლარტაფთან, მერე ველარ გაუბედა იმაზე ლაპარაკი. საბრალო უფროსი და. მან შეიციო სიყვარული და ახლა სიკვდილი სწყუროდა. დიახ, სიყვარული.... სიყვარული საშინელია და პატარა ნონის ქრუანტელი უვლიდა, გული სტკიოდა იმის გამო, რომ აქ უნდა დასტოვოს აუსტა მარტოდმარტო თავისი სიყვარულის ალში გახვეული. მაგრამ რას იზამ? მან ბარათი მიიღო. ბარათი მისი ბედისწერაა. აუსტას კი არ მიუღია ბარათი: დედამისი მოკვდა მანამ, ვიდრე შვილისთვის რამის ჩათქმას მოასწრებდა. ერთადერთი მადლი, რაც მას ელირსა, საცოდავი ძაღლის სითბო იყო; ზამთარში კი, როცა სურვილის ჩათქმის ეამშა დაჰკრა, აუსტამ სიყვარული ჩაუთქვა, სიყვარული, ყველაზე საშინელი რამ ამქვეყნად. აუსტა სოულილია, მე უნდა წავიდე. სიყვარულში კი ვერავინ ვერაფერს გიშველის, გარდა საკუთარი თავისა. ახლა შენ დაბაში ჩახვალ, პასტორთან, კონფირმაციისთვის მოემზადები... მე კი, მე ბარათი მივიღე.

მოხუცმა ჰალბერამ ბალიშქვეშ ხელი შეჰყო და პატარა ფუთა გამოაძრო. ამ ფუთაში იყო გამოკრული მთელი მისი ავლადიდება: ქსოვილის ნაკუწები, ძაფის ნაწყვეტები. და ბებიამ ბებრული, აცახცახებული თითებით დაიწყო ფუთის გახსნა.

— ჯერ კიდევ აქა ხარ, ონავარო? — თქვა ბებიამ და, როგორც იყო, გახსნა თავისი ფუთა.

— ჰო, ბები, — უპასუხა ბიჭმა.

ბებიამ თავისი ორად ორი ჰალბერამ ამოიღო: აბრეშუმის თავსაფარი და ყურის გამოსაწმენდი ჩხირი. ჰალბერამ გადაწყვიტა, გამოემშვიდობებისას თავისი საუნჯე ერუქებინა პატარა ნონისთვის, გაჩენის დღიდან გვერდით რომ ეწვა. ამაზე უკეთესი არა ვებადა რა და რას მისცემდა.

— კარგს ვერაფერს მოგცემ, ჩემო ბიჭუნი, ეს წვრილმანი, — უთხრა ბებომ, — მაგრამ თავსაფარი მაინც გამოგადგება, დღესასწაულებში ან კარგ

ამინდში შემოიხვიე ხოლმე კისერზე. ჩხირი კი დიდი ზანია ჩვენს საგვარეულოში ინახება.

მოსუცს არ უგალობნია ფსალმუნი, არ უხსენებია იესო ქრისტე ან კურია, არ გაუფრთხილებია ბიჭი, ცოდვას ვერიდო, არ უთხოვია, საღამი გადაეცი ჩემს ვაჟიშვილებსო ამერიკაში, რადგან ვინც მედალანდზე შორს იყო წასული, იმათთან ნათესაურ კავშირს ვეღარ გრძნობდა. პატარა ნონიც აღარ უხსენებია წასვლის დღიდან.

მაგრამ ეს კი უთხრა პატარას:

— მე მინდა, ჩემო ბიჭუნი, ორი რამ გახსოვდეს: — ამ დროს უფრო ძლიერ უცახცახებდა დანაოჭებული სახე, — მე გოხოვ, არასოდეს უნეშად არ მოეჭქე შენზე დაბლა მდგომს და არ აწვალო პირუტყუვი.

— მაღლობა გადაუხადე, საყვარელო ნონი, ბებოს, — სთხოვა აუსტამ ძმას, — ერთადერთი რამ, რაც მას ებადა, შენ მოგცა.

ნონიმ მღუშარედ გაუწოდა ზელი ბებიას, ვერაფერი უთხრა, არ იცოდა. როგორი სიტყვებით გადაეხადა მაღლობა ასეთი საჩუქრისათვის.

გზად მიმავალ ბიჭს ბებიაშვ გაატანა ის, რაც მის თვალში ზელშეუხები იყო, აუცილებელი იყო საშობაო დღესასწაულისთვის, იმ უბადრუკი შობისთვის, ამ ქვეყნის ხალხს რომ უთენდებდა, და პატარა ნონი მიხვდა, რომ ბებია აწი აღარ იდღესასწაულებდა შობას.

თ ა ვ ი ო რ გ ო დ ღ ა მ ე თ ვ რ ა მ ა ტ ა

რედსმირელი მანდილოსნის დამარცხება

საშების წინა დღეა. აუსტა სოულილია დაბიდან ბრუნდება. იმედი ვიქონიოთ, რომ იქ საკმაოდ გაანათლეს ქრისტიანული რწმენის საკითხებში. მაგრამ რა მოხდა, დღეს რატომ მოდის? ბიარტური დაბაში ერთ ქალს მოელაპარაკა, აუსტასათვის კაბის შეკერვა დაავალა და ფულიც წინასწარ გადაუხადა. შეთანხმებული იყვნენ, რომ აუსტა სამება საღამოს, კონფირმაციის შემდეგ ჩამოვიდოდა. მაგრამ ასეა თუ ისე, აუსტა შაბათ საღამოს დაბრუნდა, ერთი დღით ადრე.

აი რა მოხდა:

ისევ ცხენზე ამხედრებული მანდილოსანი ფრთხილად მოიკვლევდა გზას ბლანტ ჭაობში. მანდილოსანს იმისფართე კაბა ეცვა, რომ შიგ ნახევარი მრევ-

ლი ჩაეტეოდა და ბებერ, კოკლ ჯაგლაგზე კი არ იყო ამხედრებული, რედსმი-რელ სორლიზე იჯდა, ყველაზე ფეხმარდ, მსუბუქ ცხენზე, ამაყად რომ თავი აუღერია. მხედარს ბურცოდან ბურცოზე ხტომა-ხტომით მოჰყვებოდა მუხ-ლამდე თიხაში ამოგანგლული, თავჩაქინდრული აუსტა, არც აქეთ იყურებო-და, არც იქით. აუსტა ტიროდა.

ბიარტური, როგორც სტუმართმოყვარე მასპინძელი, მანდილოსნის შე-საგებებლად გაეშურა, თავაზიანად მიესალმა, ცხენს სადავეში ჩაავლო ხელი, ყველაზე მშრალი ბილიკით გამოიყვანა საძოვარზე, თან დროდადრო შებრუნ-დებოდა და ეხუმრებოდა სტუმარს.

— თეთრი ყვავი ამ კუთხეში ძვირი სანახავია. — იხუმრა მასპინძელმა.

ეზოს რომ მიადწიეს, ბიარტურმა მანდილოსანს დაქვეითებაში უშველა და კვლავ გაეხუმრა:

— დღითი დღე სულ უფრო ემსგავსებით ნამდვილ რედსმირის, — თქვა მან, რადგან მანდილოსანი რომის პაპივით მედიდური და ჩათქვირებული იყო. — გვენდურ, ბიკო, — მიუბრუნდა ბიარტური შვილს, — საძოვრის ნაპირას გაიყვანე სორლი, იქ იბალახოს, მე და ფრუ კი აქ დავრჩებით, ვიდრე ყავას მოგვიმზადებენ. შენ კი. სოულა, მარდად აირბინე ოთახში, ნახე, თუ კიდევ ღვივის ქურაში ნაკვერჩხალი. ვიდრე შენ წასული იყავი, მე და გვენდური მაინცდამაინც თავს არ ვიწუნებდით ცეცხლის დასანთებად. გასულ კვირას მთელი ერთი კვირის საყოფი თევზი მოვხარშეთ. მაგრამ, რაშია საქმე, ჩემო პატარავ, რას ჩამოგტირის ცხვირ-პირი? შენ ხომ ისლანდიის უდიდესი პოეტი ქალის საზოგადოებაში იმყოფები.

აუსტა სოულილიამ ხმა არ გასცა მამას. დაიკუნა, რომ წითრხლისთვის თავი არ აეკრა, და დადგრემილი შევიდა შინ. ბიარტური და მამასახლისის მე-ულლე ეზოში დარჩნენ, მუხსაიფი გააბეს ისლანდიის გაზაფხულის პოეტურ და პრაქტიკულ მხარეზე, ორივე თავისებურად აკვირდებოდა ამ ხეობაში გაზაფ-ხულს.

— მალე დაადოლებინებს ბერიკაცი იოუნი თავის. ცხვარს? — ჰკითხა ბიარტურმა მანდილოსანს.

— მგონი, მალე.

— ცხვარი, რა თქმა უნდა, კარგ მდგომარეობაში ჰყავს, როგორც მოსა-ლოდნელია, არა?

— დიახ, დიახ.

— ცოტა ცხვარი არ დაკარგა, მაგრამ, საბედნიეროდ, კიდევ ბლომად დარ-ჩა.

— ბალახი? ისე არა? აქაც, უშენში, ცუდად არ ხარობს. მეღიებსა და

სხვა მტაცებლებს ამ გაზაფხულზე მაინცდამაინც არავენ შეუწუხებია, არა? კარგია, კარგა არც აქ გამოჩენილან, ანდა რას იხიერებდნენ, მძორი წელს არ არის. მეღია კი არა, თოლიასთვისაც არ მომიკრავს თვალი. თუმცა მახსენდება, ყვავი კი დასტრიალებდა ერთხელ ხეობას. ჰოის საქმე როგორაა, ხომ არ მოედო ცხვარს? არა? აქაც გაწყდა იმათი სახსენებელი. შშვიდობიანად დაეადოლებინე, ერთი ნერბილა დარჩა, ისიც დღეს მოიგებს, თუკი იმარჯვ ბებერმა კაპამ, როგორც სჩევია. ამ ცხვარს ძალზე ვაფასებ და ვუფრთხილდები, სწორედ იმის დასახედად მივიდიოდი ახლა ჰაობის სამხრეთ მხარეს. შინდა ვნახო, როგორ ერევა საქმეს.

— რაო, ორიოდე სიტყვა გაქვს ჩემთან სათქმელი? აბა, მეტს რას ვაკეთებთ, აკი ვლაპარაკობთ? სახლს უკან გავიდე, შთისკენ? ეს რაღაც ახალია. პირველად კი არ შთავაზობს პატივცემული ფრუ ბუჩქებისკენ გადახვევას, მაგრამ უწინდებური სიმკვირცხლე აღარ მომდევს.

რედსმირელი მანდილოსანი კი ხუმრობის გუნებაზე არ გახლდათ. კაბის კალთა აიწია, რომ ფეხი არ დაებიჯებინა ზედ, გაუხვია სახლს უკან, გაპყვა ნაკალულის ნაპირს, ბოლოს ზედ წყლის პირას შედგა და ბიარტურს შესთავაზა, ბურცოზე ჩამოგხნდეთო.

— კაცმა რომ თქვას, თქვენს მაღალშობილებას კი არ უნდა შემოეთავაზებინა ჩემთვის დაჯდომა, მე უნდა გთავაზობდე, რადგან თქვენ ახლა ჩემს მიწაზე იმყოფებით, — ისევე იხუმრა ბიარტურმა, მაგრამ მისი ხუმრობა კვლავ ცივად მიიღეს.

სტუმარ-მასპინძელი ჩამოჯდა, ფრუმ სათუთი, პატარა, ფუნთუშა, სადრეკებთან ჩაჩვრეტლი ხელი რამდენჯერმე გადაუსვა ბალახს აქტიორული ქესტით. ჭანდაბას, ნეტა კიდე რა აქვს გულში? ისევე მზაკვრულ ხრიაკებს ხომ არ უწყობენ? იქნებ ეს ერთი მტკაველი მიწა წაართვან? ვინ იცის, ეგებ საქმე იქამდე მივიდეს, რომ სახლიც დაუეგრეონ? ღმერთმა უწყის, რას არ იკადრებენ კიდე? და ბიარტურმა ბურნუთი შეიყნოსა.

— ნებას თუ მომცემთ, თქვენს ბრწყინვალებას ბურნუთი შეეთავაზო? ინებეთ, ძალ-ღონის მოკრებაში გიშველით! — შესთავაზა ბიარტურმა ფრუს.

მაგრამ ფრუ არც თამბაქოს მოყვარული გახლდათ და არც ოხუნჯობის.

— არ ვიცი, — დაიწყო ბოლოს ფრუმ, — შეატყვე თუ არა, ბიარტურ, რომ შენი ქალიშვილი შინ დაბრუნებისას სიხარულით არ ბრწყინავდა?

— ხომ არ ეუცნაურა, რაკი ერთი ბებერი, კოჭლი ჭაგლაგი ვერ გამონახეთ მისთვის, რომ შინ ფეხით არ მოჩანჩალებულიყო? თუმცა, იქნებ საფერხე ცხენების გარდა ყველა ტორფის ჰაობში გყავდათ გარეკილი. მაგრამ ამას რა მნიშვნელობა აქვს, მე და ჩემი ჭალაბი ფეხით სიარულს ნაჩვევი ვართ.

— ცხენი კი შესთავაზეს, მაგრამ არ ინდრმა, გაჯიუტდა, საშინელი თავნება გოგო ყოფილა. სულ შენა გგავს.

— იქნებ ეგ უკეთური გოგო ჯერ ვერ განიმსჭვალა ქრისტიანული მორჩილებით? როგორც ჩანს, იმ ჩურჩუმმა პასტორმა რაღაც აწყენია. ტუქსვას ჩვეული არ არის. ჩვენს ოჯახში მუდამ მშვიდობა და სიწყნარე სუფევს. რაც შეეხება რელიგიას, არასოდეს ძალა არ დამიტანებია, არ ჩავციებივარ, ისწავლე ღვთისმეტყველება-მეთქი. გულახდილად თუ ვიტყვი, ეგ სარწმუნოება საკმაოდ მომბაზვრებელი და უსარგებლოა საზოგადოებისათვის, თუმცა განსვენებული პასტორი გულმუნდური კი მეცხვარეობის საქმის დიდი მცოდნე იყო. მაგრამ, მიუხედავად იმისა, რომ სარწმუნოების საკითხში ჩემი სოულა კარგად გარკვეული არ არის, მაინც თავდებად დავედგები, რომ იმ ქალიშვილებზე სულელი არაა, ვინც ხვალ კონფირმაციაზე წარსდგება... რაც შეეხება ძველისძველ საგებს, ამაში ტოლს ვერავენ დაუდებს მისი ხნის ახალგაზრდებში, ქალიშვილი იქნება თუ ჰაბუკი. ერთ რამეში კი ყველა ერთნაირები არიან ტირიან, როცა მათ ტუქსავენ. რა არის აქ გასაკვირველი?

— არა, რელიგია აქ არაფერ შუაშია, — უპასუხა ფრუმ, — სამწუხაროდ, აი, რა უნდა გითხრა, — და ფრუმ კვლავ აქტიორული ყესტით ხელი გადაუსვა ბალახს, თითქოს ღრმა ფიქრს მისცემიაო.

მაგრამ ბიარტურმა ფიქრი შეაწყვეტინა:

— არ მახსოვს, გითხარი თუ არა, ერთი ბებერი ცხვარი მყავს, ბევრი გაჭირება გამოგვივლია ერთად, პასტორ გულმუნდურის ჯიშისაა, სახელად კაპა შევარქვი. ისეთი უცნაური ზურგი აქვს, გეგონება, ლაბადა აქვს მოგდებულიო. ჰოდა, ამ ჩემს კაპას ძალზე საეჭვოდ გაეწია განზე ფერდები. საეჭვოდ-მეთქი, იმიტომ ვამბობ, რომ ქონი სულ არა აქვს ნეკნებზე მოდებული. მეშინია, ვაითუ ტყუპი მოიგოს, გაუჭირდება საბრალოს ორი ბატკნის გამოკვება. იმიტომ ვაპირებდი ჭაობის სამხრეთით წასვლას ამ საღამოს, ყოველ წუთს შეიძლება მოიგოს.

— კარგი, ჩემო ბიარტურ, დიდხანს არ დაგაყოვნებ.

და ფრუმ პირდაპირ დაიწყო:

— აი, რის თქმა მინდოდა: გულნის, ჩვენ მნე ქალს, მუდამ გული შესტკიოდა და განსაკუთრებით ზრუნავდა აუსტაზე. ამას თავისი მიზეზები აქვს. ჰოდა, როცა აუსტა დაბაში ჩამოვიდა ერთი კვირით, გულნიმ გადაწყვიტა, გოგონამ ჩემთან დაიძინოს, ვიდრე აქ იქნებაო. პირველ საღამოსვე შეამჩნია გულნიმ, რომ აუსტას რაღაც აწუხებდა, რაღაც სიმძიმე აწვა გულზე, სულ ჩაფიქრებული, დაბნეული იყო. რამდენჯერმე უნდა გაემეორებინათ კითხვა, რომ გულისხმას მოსულიყო, პასუხი გაჭირვებით უნდა ამოეგლიჯათ პირიდან.

სილამოს, დასაძინებლად რომ დაწვინენ, გულნის ესმოდა, როგორ ქვითინებდა ბალიშში თავჩარგული აუსტა, თითქმის შუალამემდე ქვითინებდა.

მანდილოსანი გაჩუმდა, ისევ ბალახს გადაუსვა ხელი, ჯერ დამთავრებული არ ჰქონდა სათქმელი, მაგრამ სიმსუქნისაგან ქოშინი სჭირდა და სულის მოთქმა უჭირდა.

ბიარტურს კი ხელოვნური პაუზებისა არა გაეგებოდა რა და ფრუს ჰკითხა:

— მერე რა მოხდა? განა თქვენთვის ახალი ამბავია, რომ ახალგაზრდებს გული ყელში ჩრიათ, განსაკუთრებით გოგოებს? ჩემს ძალს და ჩემს ცოლებს სულ იმას ვეუბნებოდი ხოლმე: მღედრობითი სქესი გაცილებით საცოდავია მამრობით სქესზე-მეთქი.

— პირველი ორი-სამი ღამის განმავლობაში გულნიმ ვერაფრით ვერ ათქმევინა აუსტას, რა აწუხებდა, კრინტი ვერ დააძვრევინა.

— სწორია, დამოუკიდებლობას შეჩვეული ადამიანი რისთვის გადაუხსნის გულს სხვას და ჩაუქაკლავს, რასაც ფიქრობს? გარდა ამისა, ხომ გაგიგონია: დღეს ავდარია, ხვალ გამოიდარებსო.

— აუსტა ისე იყო გაოგნებული, რომ გავიფიქრე, იქნებ ჩვენი რცხვენია და ერიდება, ხალხს შეუჩვეველია, ამიტომ მოსდის ასე. თავისი ხნის გოგო-ბიჭებსაც გაურბოდა, არ გაერია იმათში, როცა ისინი თამაშობდნენ და მზიარულობდნენ.

— რისთვის უნდა ცვითოს ხამლი უაზრო კუნტრუშში? — ჩაურთო ბიარტურმა.

— ჰოდა, გულნიმ შეამჩნია, რომ დიდილილობით გოგო ცუდად ხდებოდა, რაღაც მოღუწებული იყო, დაღვრემილი, რამდენჯერმე აღებინა კიდევ ტანთ ჩაცმის დროს.

— ცხენის ხორცი თუ შეეზიზღა.

— უკაცრავად, ჩვენ არასოდეს არ ვუმასპინძლებით სტუმრებს ცხენის ხორციით, ძვირფასო ბიარტურ. ყოველ შემთხვევაში, მე სიტყვაც არ გამიგონია ამაზე. ბავშვებმა წინა სილამოს გემრიელი რაგუ მიირთვეს და გულნიმ გაიფიქრა, ზომავზე მტრი ხომ არ უჭამია გოგონასო? ხანდახან ეჩვენებოდა, რომ აუსტა ხარბად ეტანებოდა საჭმელს. მაგრამ როცა მერე და მესამე დილასაც განმეორდა ერთი და იგივე, გულნის ეჭვი შეეპარა და ღამით აუსტა ტანთ რომ იხდიდა, კარგად დაათვალიერა. გულნი გააოცა იმან, რომ აუსტას თავის ხანთან შედარებით სხეული ფიზიკურად ძალზე განვითარებული აქვს, თითქმის დასრულებულ ქალსა ჰგავს, ამასთან — ეს ჩვენც მაშინვე თვალში გვეცა, როგორც კი დავინახეთ, — წელში შესამჩნევად დამსხვილებულია. საერთოდ

ხომ წერწებთა გოგოა. ჰოდა, გულნიმ აუსტას უთხრა, ალბათ, გული იმიტომ გერევა, რომ კუჭი არა გაქვს წესრიგშიო, ხელი მოუსვა მუცელზე და, რაღა თქმა უნდა, მაშინვე მიხვდა, რაშიც იყო საქმე. ჩააცივდა გოგოს, გამოტყდიო, მაგრამ ვერას გახდა, ვერაფერი ათქმევინა და ბოლოს მე დამიძახა. რასაკვირველია, ხელად მივხვდი ყველაფერს და ვუთხარი, რა აზრი აქვს დამალვას-მე-თქი. მაშინ კი გვითხრა აუსტამ, რომ უკვე ოთხი თვის ორსულია.

ბიარტურმა ისე შეხედა ფრუს, როგორც ცხენმა იცის, რაღაც გაურკვეველ ხმას რომ გაიგონებს: აი, ყურები ცქვიტა, ყელი გაძვინა, საცაა მოწყდება ადგილს, მერე სწრაფად ასწია თავი, გადადგა პირველი ნაბიჯი, მაგრამ ჭერ მაინც ვერ გაიარა, რა ხდება.

ბიარტურმა სულელივით გადაიხარხარა და მანდილოსანს ჰკითხა:

— ფეხმძიმედო? ჩემი სოულა? ვერა, ამჯერად ველარ გამაუტურებ, პატივეცემულო ფრუ.

— ისე გამოდის, რომ მე ხუტორ-ხუტორ დავდივარ და ტყუილებს ვჩმახავ? ყველა ყველა და ამას კი ვერ წარმოვიდგენდი, თუ ჩემს სიტყვებს ასე უნდობლად შეხვდებოდი. მე ყოველთვის კარგი მიწოდდა შენთვის და ყოველი გლეხისთვის: ჩემი გული, ჩემი სახლი მუდამ ღია იყო თქვენთვის, გლეხებისთვის, ვიცავდი ყოველივე კეთილშობილურს ჩვენს ქვეყანაში. გლეხის საქმე წმინდა საქმედ მიმაჩნდა, გლეხის საზრუნავი — პირად საზრუნავად, მისი მარცხი — საკუთარ მარცხად. ჩემთვის ცხადია, რომ ისლანდიელი გლეხის თავდადებული ბეჭითი შრომამა ის ბერკეტი, რომელსაც ხალხის კეთილდღეობა უნდა დაეფუძნოს.

— დიახ, რედსმირელი იოუნის და სხვა მისი მსგავსების, — ღვარძლიანად ჩაურთო ბიარტურმა. — მაგრამ განა იოუნი და მისთანანია ხალხი? ამას ვამბობ მე, მიუხედავად იმისა, რომ ოცდაათ წელიწადზე მეტი ვლვრიდი ოფლს მაგათთვის და ახლა იძულებული გავხდი მაგათ სამომხმარებლო საზოგადოებისათვის მიმემართა.

— ნება შენია, ძვირფასო ბიარტურ, რწმენას ნუ შეიცვლი, მაგრამ ერთს კი გეტყვი: ყოველთვის, როცა სამრევლო საბჭო შენი კერის დანგრევას აპირებდა, გიცავდი და ვამბობდი: „ისლანდიელი გლეხის წყალობით ხალხმა მთელი საუკუნის მანძილზე სული შეინარჩუნა, თავი დაანებეთ-მეთქი ჩემს ბიარტურს!“ მაგრამ ახლა საქმე ისე შეტრიალდა, რომ გულახდილად გეტყვი, მართალი იყო სამრევლო საბჭო. თხუთმეტი წელიწადი გიცავდი თავგამოდებით, მიუხედავად იმისა, რომ მთელი სამრევლო ეკვის თვალთ გიყურებდა. ჰქონდათ კიდევ საამისო მიზეზი: ჭერ იყო და ისე უცნაურად მოკვდა შენი პირველი ცო-

ლი, შემდეგ ყოველ წელიწადს გეზოცებოდა შვილები—ან დაბადებისას, ან ძუძუ-
თები და წელიწადი ისე არ გავიდოდა, რომ ზურგზე ეუბოწამოკიდებულ
ჩვენს პატარა სასაფლაოზე შვილის დასამარხად კარს არ მოგვედგომოდი. შარ-
შან გარდაგეცვალა მეორე მუხლზე, ყველამ იცის, რა მიზეზით; ამას მოჰყვა
ზამთარში ცხვრის გაწყვეტა და უფროსი ვაჟიშვილის დაღუპვა. მაინც გიცაე-
დი, გიცავდი თავგამოდებით. ახლა კი, მორჩა, მეტი აღარ შემიძლია. ყველა იმ
საშინელი უბედურების შემდეგ, რაც ზამთარში დაგატყდა, ფეხი დაჰკარი და
ფიორდში წაბრძანდი, იქიდან კი ვიღაც ბნელი პიროვნება, ლოთი, სათოკე არა-
მზადა, რომელიც თავისი შვილებიანად მრევლს აწევს სარჩენად და, ყველა ამ
სიკეთესთან ერთად, გადამდები სნეულებითაც არის აყად—კლექიანია, გამოუგ-
ზავნე შვილებს და პატარა აუსტა სოულილიას, უკვე ქალიშვილობაში ფეხ-
შედგმულ გოგონას.

— კმარა, ქალბატონო, გეყოფა! აქედან დაიკარგე, ჯანდაბადის გზა გქო-
ნია, გესმის? შენს მიწაზე კი არ ბრძანდები, ჩემს მიწაზე ხარ... და თუ დღეს
აქ აუსტა სოულილიას გულისთვის მობრძანდი, მაშ, მოგახსენებ, რომ დაიგვი-
ანე, დაიგვიანე, გესმის, თხუთმეტი წლით. სხვა ვინმეც ხომ არა, შენ მომძახვი
თავს ეგ ბავშვი, როცა ჯერ კიდევ დედის საშოში იყო, და თუ ის ჩემ შვილად
ითვლება, ითვლება მხოლოდ იმიტომ, რომ სასიკვდილოდ გასწირე იგი, მიწა
მომყიდე იმიტომ, რომ სხვის მიწაზე მომკვდარიყო და არა შენს მიწაზე. ნუთუ
გგონია, თითქოს თავიდანვე არ ვიცოდი, ვის შვილსა ვზრდიდი? იგი დაიბადა
მაშინ, ეშმაზე ამხედრებული სასიკვდილოდ რომ მივქროდი და რაღაც სასწაუ-
ლით გადავარჩი. და თუ შენ ამტყიცებ, ტყუილი არასოდეს არ მითქვამსო, მაშინ
მოგახსენებ, რომ შენ ტყუილი ჩემს ქორწილში, იქ, ნიდურკოტში, როცა კა-
რავში მაღალფარდოვან, ბრტყელ-ბრტყელ სიტყვებს ისროდი, ათას ახალმო-
დურ მიეთმოეთებს უცხოელთა რელიგიასა და სხვა ასეთებზე იმის შემდეგ,
როცა შენი შვილის დაშვირი თავს მომძახვიე, რომ როგორმე დაგეცვა საკუთა-
რი ოჯახის სახელი. და თუ ახლა მე მაღანაშაულებს იმაში, რომ აუსტა სოული-
ლია ფეხმძიმედა, უკაცრავად, ეგ მე სრულგებითაც არ მეჩება. ჯერ ერთი —
ჩემგან არ არის ფეხმძიმედ; მეორე — მე არ ვერგები აუსტას ნათესავად და
არც პასუხისმგებლობა მაკისრია. ეს შენ ხარ მისი ნათესავი და პასუხისმგებ-
ლობაც შენ გეკისრება. ის ჩაისახა თქვენს სახლში, რედსმირში, და მერე კი
თავიდან მოიშორეთ. მაგრამ ახლა მე არაფერ შუაში ვარ, ჯოჯოხეთისკენ გზა
გქონიათ ყველას, თქვენი ბუშებიანად. დეე, თქვენი გვარი ატარონ მათ, ფეხ-
მძიმედ არიან თუ არა, მე ეგ აღარ მეჩება.

— ყური მიგდე, — დაიწყო ფრუმ მორიდებით და იმ ბურცოზე. სადაც
ბიარტური იჭდა, ბალახი მოწიწნა, — მოდი მშვიდად მოვილაპარაკოთ, რო-

გორც გონიერ ხალხს შეშვენის, მოვილაპარაკოთ ყველაფერზე, რაც მოხდა. იცი, რას გეტყვი, ჩვენ ხალისით მივცემთ თავშესაფარს აუსტას ფეხმძიმობის პერიოდში.

— რაც გინდათ, ჰქენით, ჯანდაბამდის გზა გქონიათ, ეგ მე აღარ მეხება. მისცემთ თავშესაფარს თქვენს შვილებს, თუ გააგდებთ, ნება თქვენია, მე არ მესაქმება—მეთქი, გაიგეთ. ერთი რამ ვიცი, ჩემი ვალი პირნათლად მოვიხადე იმ დროს, როცა თქვენ ხელი აღდეთ თქვენს მოვალეობაზე, როცა თქვენი ბავშვი ჩემი ძაღლის მუცელქვეშ სულს დაფავდა, მიატოვეთ, დეე, მოკვდესო. მე კი ავიყვანე ეგ თქვენი ბავშვი, მივეცი მას თავშესაფარი, საზრდო, სითბო, ის იყო ჩემი ცხოვრების ყვავილი თხუთმეტი წლის მანძილზე, მაგრამ ახლა მეტი აღარ შემიძლია, მომბეზრდა, კმარა. თქვენ გინდათ კერა დამინგრითო, ამყაროთ ამ ჩემი მიწიდან? რა გაეწყობა, გააკეთეთ, თუკი გაბედავთ, თუკი ამის უფლება გაქვთ. მაგრამ ვთქვი და ვიმეორებ, ჯანდაბამდის, ჯოჯობეთამდე გზა გქონიათ თქვენი ბუშებიანად, მე და ჩემს შვილებს კი თავი დაგვანებეთ. მუტი არაფერი გვაქვს ერთმანეთისთვის სათქმელი. ცხვარს უნდა მივხედო, საძოვრის სამხრეთ კალთაზე მივიდივარ. უნდა ვნახო, მოიგო თუ არა.

ამ სიტყვებით წავიდა ხეობელი გლეხი ჭაობის სამხრეთ ნაპირისკენ, წავიდა ისე, რომ სტუმარს არ გამომშვიდობებია. ძაღლი ჰატრონს გაედევნა. ბიარტურს უკან არ მოუხედავს. პოეტი ქალი კი გაოგნებული იჯდა, შეცბუნებული გააყურებდა მიმავალ მანპინძელს, რომელიც უძლიეველ ლაშქარს ჰგავდა. თვითონ დარჩა დამარცხებული.

თ ა ვ ი ო რ ა მ ო ც ღ ა მ ე ც ხ რ ა მ ე ბ ი

მ ე ვ ა რ

კარგა შეღამებული იყო, ბიარტური რომ შინ დაბრუნდა. დიდხანს დაჰყო გზაში, ორ ცხვარს მოერეკებოდა, ერთს უკვე მოეგო, მეორეს ჯერ კიდევ არა. დედა ცხვარს ცური საესე ჰქონდა, კაპას კი, ბებერ, მკლე ცხვარს, საეპკოდ რომ დამძიმებულიყო, ცური მთლად დაჩუტოდა. თუ ტყუში მოიგო, ფიქრობდა ბიარტური, გაუჭირდება, ვერ გამოჰკვებავს ბატკნებსო. ბიარტურს იმიტომ შეუფგვიანდა ასე, რომ ცხვრები სულ გაქცევას ლამობდნენ, ძაღლი ებრძოდნენ, ბიარტური კი ძაღლს უჯავრდებოდა, არ უნდოდა, ჩქარა გაერეკა ცხვრები, გაზაფხულზე ნერბი ნელა უნდა ატაროს კაცმა. დედა ცხვარი ბატკნთანად გაქცა, ბიარტურმა, როგორც იყო, დაიჭირა, მაგრამ ამასობაში კაპამ

სხვა მხარეს გაქუსლა. ახლა იმას გამოუდგა. დედა ცხვარმა ისარგებლა შემთხვევით და ისევ მოკურცხლა. ხან ერთი გაქეცეოდა, ხან მეორე. ასე წვალობდა, მაგრამ მაინც თავისას მიადწია, ცხვრებს როლი ჩამოუვარდებოდა სიჯიუტეში. ძალზე ბევრი ისწავლა ცხვრებისაგან თავისი ცხოვრების მანძილზე, რომ იმათთვის დაეთმო. ბოლოს, როგორც იქნა, მოდენა ცხვარი საძოვარზე. ახლა დედა ცხვარი უნდა შეეგდო ფარეხში და როგორმე მოეწველა.

სახლში ჩამიჩუმე არ ისმოდა. თითქოს გაწყდაო ყველა, ალბათ, დაიძინეს უკვე. ბიარტურს არავეისი გაღვიძება არ უნდოდა, მარტო გაფართმევ თავს საქმესო, ფიქრობდა. ცხვარს არ უნდოდა ფარეხში შესვლა, გარბოდა, წრეს უვლიდა, ბიარტური დასდევდა, თითქოს არც ერთი არ აპირებდა დათმობას, მაგრამ ბოლოს მაინც ცხვარი დანებდა და წაცუხცუხნდა ფარეხისკენ. ბატკანი ჯერ ეზოში დაკუნტურშობდა, მერე ბოსტანში შევარდა, იქიდან ფარეხის სახურავზე ამობდდა და შებღავლა. სახურავიდან ისევ ბოსტანში ჩახტა ბღაილით, გაჰყვა ნაკადულის ნაპირს, ბლაუფიელისკენ. ბიარტურმა ცხვრის თავი ფეხებში მოიქცია, ბადია შეუდგა და წველა დაიწყო. ცხვარი ტლინჯებს ჰყრიდა, ფართხალეზდა გამწარებული, მაგრამ ბიარტურმა მაინც ჩამოწველა ორი-სამი ტოლიჩა რძე. მერე გაუშვა ცხვარი და ის მაშინვე ბღაილით გაიქცა შვილის საძებრად. კაბა კი მშვიდად წიწწინდა ბალახს საძოვრის ნაპირას.

ნათელი ღამე იდგა, გრილოდა. უშენის აღმოსავლეთით ცა საავდრო ღრუბლებით დაიფარა. მთები ნისლში გაეხვია. ფრინველები მიყუჩდნენ, მხოლოდ დროადადრო სამხრეთიდან ისმოდა გაგარის ხმა, შესაბრაღისად რომ დასტიროდა მღინარეს.

ზღურბლს რომ გადააბიჯა, ბიარტურმა დაინახა, იქვე, კართან, ყუთზე ვიღაც იჯდა მოკუნტული. ეს აუსტა ვახლდათ. თავისი ნიდაყვებგამოხეული კაბა ეცვია, ხელიდან მუხლებზე ეწყო—ახლად მოწითფული ქალის ხელები, გრძელი მტენენები, წვრილი თითებით, თავისებურად ვალუნული დიდი თითით, როგორც მკერავ ქალებსა აქვთ. აუსტას თავისი ასაკისთვის შეუფერებელი, მსხვილი კანჭები და ძალზე მომრგვალებული თეძოები ჰქონდა. უკვე დაქალებულიყო რედსმირელი ქალბატონის შვილიშვილი. იგი არ განძრეულა, თავი ზევით არ აუწევია, როცა ბიარტური შევიდა, ისევ ისე მოკუნტული იჯდა ყუთზე, თავი მკერდზე ჰქონდა ჩამოვარდნილი. ეძინა, თუ ეშინოდა ბიარტურის და ვერ ასწია თავი, თვალი ვერ გაუსწორა? ბიარტურმა სილა გააწნა, აუსტა შეტორტმანდა, ცალი ხელი კედელს წაატანა, რომ არ დაცემულიყო. თვალი დახუჭა, მეორე ხელი მოღუნა, ნიდაყვი სახეზე აიფარა, კიდევ გარტყმის მოლოდინში, მაგრამ ბიარტურს ხელი აღარ აუწევია.

— აჰა, ესეც შენ, იმისათვის, რომ ლაფი დაასხი მიწას, რომელიც მე ვი-

ყიდვ. საბედნიეროდ, შენში ჩემი ერთი წვეთი სისხლი არ არის. ჰოდა, გთხოვ, ბუში უფრო ახლო ნათესავეებთან გააჩინო.

— კარგი, მამა, — უპასუხა აუსტამ. ძლივს მოითქვა სული და სახეზე მკლავაფარებულმა, ზღურბლს მიაშურა. — მე წავალ.

ბიარტურმა გაიარა დერეფანი, კიბეს აპყვა და ოთახის კარი ჩააბჯა.

კარგია სილა რომ გააწნა და გააგდო. ეს გარტყმა ისე მწვავე როდი იყო, როგორც მოლოდინის შიში. აუსტამ იცოდა, რაც ერგებოდა და იცოდა, რომ მიიღო კუთვნილი. ამ სილამ მძიმე ლოდი ჩამოხსნა მხრებიდან. ეს თავისებური კონფირმაცია გახლდათ. ახლა ის თავისუფალია. აუსტა იდგა ეზოში და ისე გააყურებდა გაზაფხულის ღამეს — მისი ცხოვრების გაზაფხულის ღამეს, როგორც უფსკრულის პირას მდგარი ადამიანი, რომელსაც იმედი აქვს, რომ სიცოცხლის შესანარჩუნებლად ამ უფსკრულს გადაახტება. გული გამალებით უცემდა, მაგრამ არ ტიროდა. ნესტიანი, გამჟვალავი სიცივე იდგა, უშენს საავდრო ღრუბლები ჩამოაწვა, ხან ერთ მხარეს შეჩქვიფდებოდა, შავი კედელივით აიმართებოდა, ხან მეორე მხარეს, ადგილს ინაცვლებდა.

აუსტა სოფილიას დასავლეთით არ გაუხედია, აღმოსავლეთ მხარეს გასცქეროდა. დიახ, მამამ ერთბაშად მოხსნა მოლოდინის შიში, გაუთავისუფლა სული და სხეული. ორივესთვის ნათელია ყველაფერი და აუსტა უცებ, თითქოს ზეშთავონების ძალით მიხვდა ყოველივეს, გინდაც ბიარტურს არ ეთქვა, მაინც მიხვდებოდა, რომ მასში ბიარტურის ერთი წვეთი სისხლი არ არის. ეს სილა, ახლა რომ გააწნეს, სიმართლის წამი იყო მათ ცხოვრებაში, მანამდე მათი ერთად ცხოვრება, ურთიერთდამოკიდებულება სიყალბეზე იყო აგებული. აუსტა სოფილია ისე ცხოვრობდა ბიარტურთან, როგორც ტროლთან, თვითონაც ტროლი იყო. და აი, დგას აქ, დახშულ კართან, უკვე გამოიჭკვა, რომ ის სრულიად არ ეკუთვნის ტროლების საგვარეულოს. ერთ წამში განთავისუფლდა ჯადოსაგან და იქცა ადამიანად, იქნებ პრინცესადაც კი, როგორც მეთოვლია და სხვა გოგონები, ზღაპრად რომ არიან აღწერილი? არაერთარი მოვალეობის გრძნობა აღარ აკავშირებთ ერთმანეთთან. შორს, შორს აქედან!

ჭაობის აღმოსავლეთ მხარეს რომ მიადწია, უნებლიეთ ფეხებზე დაიხედა და დაინახა, რომ გაცვეთილი ხამლი ეცვა, კაბაც დახეული, თავშიშველი იყო. ხუთუ ასეთი თხუპნია, კონკია-ქღარუნა გოგო შეიძლება პრინცესად იქცეს. როგორც საგებშია აღწერილი? რა ვუყოთ, თუ ხამლი დაუხველდა. უკან არც კი მიუხედავს თავისი სახლისკენ. ახლა ის პრინცესასავით თავისუფალია და გზას დაადგა, მიდის მასთან შესახვედრად, თავის მიჯნურთან. ახლა ზღაპარი ზეობაში მცხოვრებ გოგონაზე, ოცნება რომ უყვარდა. აუსტა ხომ მას ეკუთვ-

ნის, დარჩება მასთან სამუდამოდ, არასოდეს, არასოდეს არ მიატოვებს. იმისი თეთრი სახლი ზღვისპირას დგას, ვრცელ მდგლობზე. იქიდან აუსტა დანახავს, როგორ მიმოდიან დიდი ხომალდები, აუსტაც გაემგზავრება მასთან ერთად უცხო ქვეყნებში, იქ, სადაც მზის სხივებით ოქროსფრად აელვარებული პალმის ხეივნებია. დიახ, დიახ, დიახ... მთელი დამე უნდა იაროს, რა ვუყო, თუ ხამლი შემოაცვდება, ის ახალს აჩუქებს. დიდხანს კი არ მოუნდება მისი თეთრი სახლის ძებნას, იქ, ზღვის ნაპირას. აუსტა კარზე დააკაკუნებს, დილაადრიანად, ვიდრე ის გაიღვიძებს. ის გაიგონებს კაკუნს და იკითხავს: „ვინ არის?“ — „მე ვარ!“ — ეტყვის აუსტა.

ვიდრე სამხრეთისკენ მისდევდა ჰაობს, მისი გული ქლერდა, ზარივით რეკდა, ზეიმობდა. არ ფიქრობდა, რომ ჯერ კიდევ მსუბუქად მიაბიჯებდა, კი არ მიდიოდა, მიჰქროდა, მისი გულიც, თითქოს მიჰქროდა, მიისწრაფოდა ზენიერებისკენ, თავისუფლებისკენ, სიყვარულისკენ. ის იყო დარიბი გოგონა, რომელიც პრინცესად იქცა. არა, აუსტა არავის არ ეკუთვნის, ეკუთვნის მხოლოდ მას, მხოლოდ მას. მიდის და ჩავსმის მისი ხმა, ააჟერ, ათაჟერ კითხულობს: „ვინ არის?“ — და აუსტაც ასჟერ, ათაჟერ უპასუხებს: „მე ვარ!“ მსუბუქი, სხარტი ნაბიჯით მისრიალებს აუსტა სოულილია უშენის დაკლავნილი ბილიკზე. აუსტა ის მეოცნებე გოგო კი აღარ არის, ჯადოსნურ ცვარში რომ განიბანა ივანობა დამეს. არა, მან არ იცოდა, ვინ არის, სად მიდის. ის შეყვარებული ქალია, უკან დასახევი გზა და ხიდი თავისი ხელით რომ გადაწყვა, რათა მიჯნურამდე მიეღწია. ეს კეშმარიტებაა, ეს არის სიყვარული და უშენი. ამას იქით რაც დაემართება — ეს უკვე ნამდვილი ცხოვრება იქნება.

სიყვარული და უშენი. ღრმა ხევეებში ჯერ კიდევ ჩაწოლილი თოვლი. თოვლქვევე აქა-იქ მოჩანს ტალახიანი მიწა. აუსტას ცივი, ნესტიანი ქარი ეგებება, მალე ხამლი მთლად გაძვრება ფეხიდან, ფეხები სტეხს, სტკივა. სწყურია აუსტას, წყურვილით იხრჩვება და მონამქერებული თოვლის ძირას მოლაპლავე გუბებს ეწაფება. რა უგემურია ეს წყალი. აუსტას შია, დაიქანცა. უცებ თოვლქვევაში წამოვიდა, ატყდა ქარბუქი და ყმაწვილი ქალი წყვილიდამაშთანთქა. ერთ წამში გაიღუბა თავით ფეხამდე, შიში უფრო მოერია. უშენი საშიშია, იქნებ ცხოვრებაც საშიშია, უფრო საშიში? გაახსენდა ჰელგი, თავისი ძმა, რომელიც აქ, ამ უშენში დაიდუბა, გაქრა ზამთარში, მის კვალს ვერსად მიაგნეს. ბევრი, ბევრი უმსხვერპლია უშენს. მამამისი კი არ დაიღუპება აქ... და უცებ გაახსენდა, რომ ის სულაც არ არის მისი მამა, რომ ის ტროლია, ამიტომაც მან შიში არ იცის. აუსტა სოულილიას კი ეშინია, აუსტა შეიძლება დაიღუბოს. შიშმა სძლია შიმშილიც და დაქანცულობაც და უცებ გულში გაუღელვა, იქნებ სწორად არ მოიქცა, ფეხებში ხომ არ უნდა ჩავარდნილია მამას,

შემოხვეოდა, პატიება ეთხოვა? არა, არა და არა! აუსტა ცდილობდა დაეძლია შიში და ამიტომ ისევ თეთრ სახლზე დაიწყო ფიქრი, ზღვის პირას მდგარ თეთრ სახლზე. რომელ სახლზე? იქნებ იქ სულაც არა დგას თეთრი სახლი? ეგებ იქ შავი, უბადრუკი ქოხია, ერთხელ რომ ახსენა იმან გაკვირით, ქოხი, სადაც მშვიერი ბავშვები არიან თავშეფარებული? არა, არა, ეს შეუძლებელია! ის თეთრ სახლში ცხოვრობს, ზღვის პირას. სულ მალე, სულ მალე მიაღწევს იქ. მისი მიჯნური კარს მოადგება, დილის მზის სხივებში გახვეული, ზღვაში ე ხომალდები იქნებიან და ის ჰკითხავს: „ვინ არის?“

სწორედ ამ დროს დაინახა აუსტამ, რომ სადღაც შორს თეთრად იელვა მოლაპლაპე პატარა ტბამ. ქარბუქი ჩაცხრა. უთუოდ ის ტბაა, საშინელ სიზმრებში რომ ეხმანებოდა... ოო, რატომ, რატომ ზღება ასე, როცა აღამიანი ეულია და უბედური, საცოდავი, უბადრუკი ტბა ეხმანება და არა ოკეანეს უკიდევანო სივრცე? მაშასადამე, ჯერ ძლიერ მცირე მანძილი გაუვლია, მარტომმარტოა, დაქანცული, ტერფებდახეთქილი, წინ გრძელი გზა აქვს, მაგრამ გულში იმედის სხივი უღვივის. ისევ დაეწაფა გუბებს და გაჭირვებით წამოდგა. კვლავ ჩაესმა მიჯნურის ხმა, დგას თავისი თეთრი სახლის კარსუკან და კითხულობს: „ვინ არის?“ და აუსტა მეათასედ ბასუხობს: „მე ვარ!“

იმ დამით ზაფხულის სავანელ ბიარტურს ტანთ არ გაუხდია. წარამარა გადიოდა სამოვარზე დატოვებულ ცხვრებთან. შუალამე რომ გადავიდა, ბებერი კაპა დაწვა და ცოხნა დაიწყო. მეორე ცხვარი მოისკენ წავიდა, კლდის ძირას მიწვა თავის ბატკანთან ერთად.

მშვიდად სუნთქავდა მიყურჩნული მიდამო. დილის მგალობლები უკვე აულურტულდნენ, სხვები კი ჯერ დუმდნენ.

დიახ, ბიარტური არ შემცდარა, კაპა საცაა მოიგებს.

დილაადრიანად კაპამ სამი ბატკანი მოიგო. საცოდავი პაწიები წამოდგომას ლამობდნენ; კაპა კი იდგა და ლოკავდა მათ. ყოჩაღ კაპა, დედაბერო, სამი ბატკანი მოიგე. რანაირი გაჭირვება და უბედურება არ გადაუტანიათ ერთად კაპასა და ბიარტურს: ჰიები, შიმშილობა, მოჩვენებები და ერთი უყურეთ ამ დედაბერს, ვითომც აქ არაფერიო, სამი ბატკანი მოიგო. ბიარტური აფასებდა კაპას, როგორც მეთაურს და ამიტომ არ დაკლა შარშან შემოდგომაზე. ახლა კი კაპამ სიკეთისთვის სამაგიერო გადაუხადა, სამი ბატკანი აჩუქა. ეს დიდი გამარჯვებაა ისეთი კაცისთვის, ვისაც ცხვარი გაუწყდა და ცოტალა შერჩა. მაგრამ საბრალო კაპას ცუდი მთლად დაჩუტული ჰქონდა. ბიარტურმა რძე შეათბო, ბატკნები ილიაში ამოიჩარა და სახლისკენ წავიდა. კაპა ფეხდაფეხ

ვაპყვე, შეშფოთებით ბლადოდა. პირუტყვები ხომ უნდოდ ეკიდებიან ადამიანს, მაშინაც კი როცა მას სიკეთე უნდა მათთვის. ბიარტური სახლის ზღურბლზე ჩამოჯდა, მუხლებში მოიქცია ბატკნები, ფრთას აწებდა რძეში და პირში აწვე-თებდა. ღმერთო ძლიერო, რა პაწია პირი აქვთ, რა საცოდავეები არიან. ჰო. დასატრახებელი აქ არაფერია, განსაკუთრებით მაშინ, როცა ხედავ მათ ასეთ უმწეობას. კაპა ეზოში იდგა და ეპკით ადევნებდა თვალს ბიარტურს. მფრთხალი იყო კაპა, ადამიანს არ ენდობოდა: უთუოდ პასტორ გუდმუნდურს დაემსგავსა, რომელმაც გამოიყვანა ეს ჯიში, ისიც უნდოდ უყუარებდა ადამიანს. მაგრამ როცა კაპა მიხვდა, რასაც აკეთებდა ბიარტური, ნელ-ნელა წავიდა მისკენ და დედობრივი შიშით მიაჩერდა კვეიანი, ღიღი, მოშავო-მოყვი-თალო თვალებით. თანაგრძობა სანთლით საძებარი სათნობაა, მაგრამ ოდესმე იგი მაინც გაიმარჯვებს მთელ სამყაროში. იქნებ არც ისეთი შესანიშნავი იყო ეს უშენი, არც ისეთი შესანიშნავი იყო ეს ეზო უშენში, მაგრამ ზოგჯერ აქ არაჩვეულებრივი ამბები ხდებოდა: პირუტყვსა და ადამიანს ესმოდა ერთიმეორის. ეს სამება დილას მოხდა. კაპა სულ ახლოს მივიდა ბიარტურთან. აი, ზის ბიარტური სახლის ზღურბლზე, მკლავებში ჩაბლუჯული ჰყავს მისი სამი ბატკანი. კაპამ ნდობით ატაკა ცხვირი ულამაზო სახეში ბიარტურს, თითქოს მადლობას უხდისო, წვერში შეანჩქლია თბილი ამონასუნთქი და ნელა დაიბლაელა.

რომი—ნიცა
1934/35 წ. ზამთარი

ნ ა წ ი ლ ი შ ე ო თ ხ ე

თ ა ვ ი მ ს ა მ ო ტ ა

როცა მოჰკლავს ფერდინანდი

ეგრეთ წოდებული მსოფლიო ომი — ნაპოლეონის ომების შემდეგ — ჩვენი ქვეყნისთვის ღვთით გარდმოვლენილი უდიდესი მადლია. ამ კურთხეულმა მსოფლიო ომმა ხალხი გაჰირვებისგან ეხსნა, ჩვენი კულტურა მოსპობას გადაარჩინა, გაზარდა მოთხოვნილება თევზსა და თევზის ქონზე. მშვენიერი მსოფლიო ომი! ღმერთმა ქნას, რაც შეიძლება ჩქარა იფეთქოს კიდევ ერთმა ასეთმა ომმა! ეს ომი კი თურმე იმიტომ დაიწყო, რომ სადღაც ერთი საწყალი უცხოელი ჰაბუჟი მოუკლავთ, რომელსაც სახელად ფერდინანდი რქმევია და ბოროტი აღამიანები ისე შეუწუხებია ამ ფერდინანდის დაღუპვას, რომ ერთმანეთს დარევიან და აგერ უკვე სამი წელია ისე კეპავენ ერთუროს, როგორც გობში ხორცს ვეკპავთ.

ამ საუბარში იყვნენ გლეხები ზაფხულის სავანელი ბიარტურის ოთახში, მთაში ცხვარზე სალაშქროდ წასვლის წინ. თვითონ მთელი ცხოვრება იბრძოდნენ, მათი ომი გაცილებით მწვავე იყო მსოფლიო ომზე და ომის საბაბიც უფრო საფუძვლიანი, ვიდრე ფერდინანდის მკვლელობა.

— მე მგონია, ხალხმა შვებით ამოისუნთქა მას შემდეგ, რაც ის შეჩვენებული ჰაბუჟი თავიდან მოიშორეს, — თქვა ზაფხულის სავანელმა ბიარტურმა.

— ამაზე ვერაფერს ვიტყვი, — სიტყვა ჩამოართვა მასპინძელს უნდობლიდელმა ეინარმა, — სულ ერთია, ყურადღებას მაინც არავინ მიაქცევს. მე ან სხვა ჩემისთანები რას ვიტყვით მსოფლიო ისტორიაზე. ისე კი, გამიგონია. ფერდინანდი ერთი ძალზე პატარა სახელმწიფოს მეფე იყო. იმ ქვეყნის სახელი ვერაფრით ვერ დავიხსომე. არც ის ვიცი, საზრიანი ყმაწვილი გახლდათ თუ:

არა განსვენებული, — ისლანდიელები ხომ ხელმწიფეს არაფრად ვავლებთ, ჩვენ მხოლოდ მთების მეფეებს ვაფასებთ. გარდა ამისა, ყველა თანასწორი-ვართ უფლისა წინაშე, ვიდრე გლეხს დამოუკიდებელი კაცი ჰქვია, თუ გლეხი სხვისი მოჯამაგირე არ არის, თავისი თავის ხელმწიფე თვითონ ბრძანდება. მაგრამ ფერდინანდია, თუ რა ერქვა, მაინც აღამიანი იყო. ჰოდა, ქრისტიან კაცს არ შეშენის მისი ურიგოდ მოხსენიება. კაცი მუდამ კაცია.

— ჩვენთვის სულ ერთია, რა ბედი ეწვია იმ ყმაწვილს, ან რა ერქვა, — საუბარში ჩაერია გილიელი კრუსი, — მაგრამ ვფიქრობ და ვერ გამოვიცა, იმ წყვეული ფერდინანდის გულისთვის მაინც რატომ უნდა აეტეხათ ჩხუბი?

— გაუშვი, იჩხუბონ, იმ ობრებმა! — თქვა ბიარტურმა. — რაც მეტს იჩხუბებენ, მით უკეთესია. ახლა მაინც მოიშლიან კუდაბზიკობას და მამლაყინ-წობას, სიმწარეს რომ იგემებენ. ყველაფერს კარგად შეეპყევიან, რაც არ უნდა შესთავაზო, ყველაფერს ყიდულობენ. თანდათან იწვევს პროლუქტების ფასი. მალე ჩვენგან ნეხესაც იყიდიან. ჰოდა, ცხრილონ ერთიმეორე, ვიდრე ამას სხვა ხალხისთვის სარგებლობა მოაქვს. საზღვარგარეთ ხალხი ბლომდაა, თავს არაფერს მოიკლავს იმითი ჯავრით.

— ზოგჯერ ხალხი იდეალისთვის იბრძვის, — გაამართლა უცხოელები უნდირხლიდელმა ეინარმა, რომელსაც ყოველთვის ეჩვენებოდა, რომ ბიარტურმა მეტისმეტი მკვახე ლაპარაკი იცოდა, პოეზიაშიც ასეთი უხეში იყო.

— შენ ხომ ძველი პოეტი ხარ, ბიარტურ, — დაუმატა ეინარმა, — უნდა იცოდე, სადაც ომია, იქ იდეალიც არის. მართალია, იმ ხალხის თვალში, ვისაც უფრო მნიშვნელოვან საქმეზე უხდება ფიქრი, შეიძლება ჩალის ფასიც არა ჰქონდეს ემაგ იდეალებს, მაგრამ ზოგი მაინც იდეალისთვის იბრძვის.

— იდეალი? — გაითცა ბიარტურმა. მისთვის უცხო იყო ეს სიტყვა.

— აზრი-მეთქი, მინდოდა მეთქვა, — აუხსნა ეინარმა.

— ასეთი რამ პირველად მესმის, რომ ახლანდელ ომს აზრი აქვს. იბრძვიან მხოლოდ დამთხვეულები, — უპასუხა ბიარტურმა. — უძველეს ხანაში სულ სხვა იყო. მაშინ ვიკინგები შორეულ ქვეყნებში მიდიოდნენ, ომობდნენ, იპყრობდნენ ქვეყნებს მზეთუნახავის გულისთვის, რომელსაც თავის ცხოვრების ყვავილად თვლიდნენ. დღეს ამისათვის აღარაფერ იბრძვის, დღეს რაიმე ძიზინათვის კი არ იბრძვიან, სისულელის ან სიჯიუტის გამო უღეტენ ერთმანეთს და უნდა შოგახსენოთ, რომ სისულელეც კარგია, თუკი ვინმესთვის სარგებლობა მოაქვს.

— ჩემის აზრით, ძვირფასო ბიარტურ, — თქვა მთების მეფემ, — ამ საქმეს სხვა მხრიდანაც უნდა შეხედოს კაცმა. ასეთი მსოფლიო ომი მართლა მადლი და ბარაქა ხომ არ არის, მარტო გლეხის საქონლის სარფიანად გასა-

ღება როდია, განადგურებაა, დიდი უბედურებაა იმ ხალხისთვის, სადაც ეს ომია. მაგალითისთვის გეტყვით, რომ ამ დღეებში საფრანგეთში დაინგრა უძველესი, დიდებული ტაძარი, რომელიც მთელი საუკუნე იდგა მათს მიწაზე.

— მე რა მენალვლება, რამდენი ტაძარიც უნდათ, იმდენი დაანგრიონ საფრანგეთში, — ზიზლით ჩაიფრუტუნა ბიარტურმა, — გინდ იმ მებრძოლებმა რედსმირის საყდარიც მიაყოლონ ზედ, გული არ დამწყდება.

— სამწუხაროდ, მარტო ტაძრები კი არ ინგრევა. ზოგჯერ ქალაქებს, დიდ ქალაქებს მიწასთან ასწორებენ. პარიზში, ლონდონში ურიცხვი ოქრო და ძვირფასი თვალი დაიკარგა, თუ აღარაფერს ვიტყვით დიდებული სასახლეებისა და ბიბლიოთეკების დანგრევასა და განადგურებაზე.

— ჩემი ოქრო და ჩემი ძვირფასი თვლები არ დაკარგულა და... არც ჩემი სასახლეები დაუნგრევიათ, — თქვა ბიარტურმა. — რაც შეეხება ბიბლიოთეკებს, ჩვენი სამრევლოს ბიბლიოთეკაში ამ უკანასკნელი ათი წლის მანძილზე მატლი და ჩრჩილი ღრღნის წიგნებს, არავითარი ომი არ სჭირდება წიგნების განადგურებას.

— ძვირფას ქანდაკებებზე რაღას იტყვი, სროლის ღროს რომ ინგრევა და მათი ნამსხვრევები იფანტება ქალაქში?

— ქანდაკება? ეგ რაღა ოხრობაა? ისე ლაპარაკობ, თითქოს ოდესმე თვალით გენახოს ქანდაკება.

მთების მეფეს მეტი რა ჩარა ჰქონდა, ხმა გაიკმინდა. მართლა არ ენახა ნამდვილი ქანდაკება. არც ერთ მათგანს წარმოდგენა არ ჰქონდა ქანდაკებაზე. ერთხელ რედსმირელმა ფრუმ კი ჩამოუგდოთ სიტყვა ამაზე, გილტეიგელი ტოურარის ქალიშვილმა კი რამდენიმე წლის წინათ ფაიფურის პატარა ძალი იყიდა, ეგ იყო და ეგ.

— აი, გინდაც ფაიფურზე....

— რა დიდი უბედურებაა, მასეთი ხარახურა თუ დაიმსხვრევა. რა საჭიროა, ვთქვათ, ფაიფური? მარტო ხალხის გასაბრიყვებლად და გასალიზინებლად არის მოგონილი, — წამოიძახა ბიარტურმა, რომელსაც არაფრად ენაჭიროებოდა ფაიფური. — ჰოდა, სულაც არ მეცოდება ის ხალხი, ვინც ახლა თიხის ჯამით ან მინაქრის ტოლჩით შეეჭყევა კერძი იქნება თუ ყავა. ჩემი დღე და მოსურება ამ ქურჭლით ვჭამ და ვსვამ, მაგრამ, როგორც ხედავთ, არაფერი მიჭირს.

— მე კი ასე მგონია, — თქვა გილტეიგელმა ტოურირმა, — ომობენ და იბრძვიან იმისათვის, რომ თავაწყვეტალი გარეწრები შეიჭრნენ უცხო ქვეყნებში და იქაურ ქალებზე ძალა იხმარონ. ერთმა უცხოეთში ნაცხოვრებმა კაცმა მიაგმო, დედამიწის ზურგზე მხოხავ ქვეწარმავლებში ისე არავინ დასდევს

ქალებს, როგორც ჯარისკაცები და გენერლები. ისეთი ამბები გავიგე იმ ობ-რებზე, უცხოელ ჯარისკაცებსა და გენერლებზე, ენა არ მომიტრიალდება იმის გასამეორებლად. გინდაც გიამბოთ, ისლანდიაში ძე-ხოციელი არ დამიჯე-რებს. მე თვითონ სამი ქალიშვილი მყავს, მეტს არაფერს ვიტყვი, ჰოდა, ბო-ლო ხანებში ხშირად ბედს ეუმაღლი, რომ ჩვენს ქვეყანას ააცდინა ასეთი ხვედრი. წარმოგიდგენიათ ფრანგი ან გერმანელი ჯარისკაცები და გენერლე-ბი რომ შემოვიდნენ აქ და თავხედურად, უტიფრად შეგვიგინონ უმანკო ქა-ლები?

— ეჰ, გინდ იყოს ომი, გინდ არა, ქალები მაინც თავისას იზამენ, — თქვა ბიარტურმა. — ბუერის მომსწრე განლავარ და ამიტომ მგონია, ქალების უმეტესობა უარს არ იტყვის თავის შექცევაზე. არავის მოსწონს სიმართლე, მაგრამ სიმართლეს მაინც ვერსად გაექცევი.

გილტეიგელმა ტოურიჩმა იწყინა, მეტისმეტად მკვახედ და უხეშად გა-მოგივიდაო. საბრალო ქალიშვილები! მას გულმშვიდად არ შეეძლო თავის ქა-ლებზე ფიქრი. მაგრამ რაც მართალია, მართალია: ქალიშვილებს რომ იმღენი სიმტკიცე უქონდეთ, ეშმაკურ ფანდებსა და ძალადობას გაუძლონ, გაცილებით უკეთესი იქნებოდა მათთვისო, დაასკვნა ბოლოს ტოურიჩმა.

— დიდ განსხვავებას ვერა ვხედავ ეშმაკურ ფანდებსა და ძალადობას შორის, თუ ბოლო ერთნაირი აქვს, — თქვა ბიარტურმა.

ეინარი ამ საუბარში არ ჩარეულა, მისი მეუღლე და ერთადერთი ქალიშ-ვილი ჭლექმა იმსხვერპლა, ასე რომ, ძალადობის საფრთხე მას არ ემუქრე-ბოდა, მაგრამ თავის აჩემებულ თემას კი დაუბრუნდა და თქვა:

— საესებით ვეთანხმები მთების მეფეს. ცალი თვალით რომ შეეჩედოთ ამ იდეალს, რისთვისაც ხალხი იბრძვის, მეორე თვალთ კი მკვდრებსა და და-სახიჩრებულებს გადავხედოთ, აბა, რა გვეთქმის? მხოლოდ ერთი რამ: სჯო-ბია ადამიანის სიცოცხლეზე იზრუნო, ვიდრე იდეალზე. თუ იდეალი მიზნად კაცობრიობის ცხოვრების გაუმჯობესებას კი არ ისახავს, არამედ მილიო-ნობით ხალხის გაწყვეტას, უმჯობესი არ არის იდეალს გვერდი ავუაროთ? თუ იდეალი სიცოცხლე არ არის, თუ სიცოცხლე იდეალი არ არის, მაშინ რა-ღაა იდეალი? და რა არის სიცოცხლე?

— იდეალისთვის თუ ჟღერენ ერთმანეთს, საკუთარ გოგრას მოჰკით-ხონ, — სიტყვა ჩაუტოო ბიარტურმა. — ვისაც ომი უნდა, თავის გაწირვაც უნდა შეეძლოს. და თუ იმ ტარტაროზებს ასე მოსწონთ ერთმანეთის ჟღერა, თანაც სისულელის — რაღაც იდეალის გამო, თავში ქვა უხლიათ და მუცელ-ში სამართებელი. ყოველ შემთხვევაში, მე ამაზე არ ვინაღვლებ. ჯანდაბამდის

გზა ჰქონიათ და იმასაც ვიტყვი: იბრძოლონ, იბრძოლონ, რაც შეიძლება დიდხანს. ოღონდ ხორცსა და მატყლზე უფრო აიწიოს მაზანდა.

— თუ იმით დამთავრდა საქმე, რომ ერთმანეთი მთლად გაეღიტეს? — საუბარში ჩაერია გილიელი კრუსი.

— მაშინ ჩვენ, მეგობრებო, სანდალს ადვქურავთ, — უბასუხა ბიარტურმა, — და სამხრეთ ქვეყნებისკენ გავცურავთ. ვნახავთ, როგორი საძოვრებია იქ და გადავწყვეტთ, ღირს თუ არა სამხრეთში ცხერის მოშენება. რა გულიანად გავიციანებ. თუ დავინახე, რომ გილტიეგელი ტიურირის შვილიშვილები ბაბუაწვერას კრეფენ ლონდონის ნანგრევებზე, მას შემდეგ რაც იქ მიღეწ-მოღეწეს მთელი მათი წყეული ფაიფური და ქანდაკებები. ვინ იცის, იქნებ იმ სანაპიროზე, სადაც პარიზს მიწასთან გაასწორებენ, ბალიც გავაშენო. ჰა-ჰა-ჰა-ჰა!

— ჩემო ბიარტურ, — დაიწყო მთების მეფემ, — სწორი იყო ეინარი, როცა თქვა, რომ შენ მეტრისმეტად გადაამლაშე. ომის მიზეზი განა მუდამ სისულელეა. ყოველ შემთხვევაში, ჩვენ, მე და შენ, ამ საკითხზე ასე ხელაღებით არ უნდა ვმსჯელობდეთ. ამ ომმა ბარაქა და კეთილდღეობა მოუტანა ჩვენს ხალხს, დღითი დღე ვმდიდრდებით, მაგრამ, მეორე მხრივ, არც ეინარი არის მართალი, როცა ამბობს, რომ ომის მიზეზი უსათუოდ იდევლიაო. მე ახლა ისე კი არ გელაპარაკებით, როგორც სამრევლო საბჭოს წევრი, ომს სამრევლოსთან არაფერი საერთო არა აქვს. მე მხოლოდ ჩემს პირად შეხედულებას გიზიარებთ ამ ევრეთ წოდებულ ომზე. რა არის ომი? ომი არის განხეთქილება, აზრთა წინააღმდეგობა. ჰოდა, უნდა მოგახსენოთ, რომ ეს განხეთქილება ხშირად სრულიად უბრალო გაუგებრობის ნიადაგზე ჩნდება. რამდენადაც მესმის, ბრძოლა მიმდინარეობს უმთავრესად საფრანგეთსა და გერმანიას შორის, თუმცა ინგლისიც დიდ როლს თამაშობს, განსაკუთრებით ზღვაში. ინგლისს ხომ ურიცხვი დიდებული სამხედრო ხომალდი აქვს, რომელიც ერთი არ იამაყებდა ასეთი ხომალდებით, მათ რაიმე სასარგებლო საქმეს რომ ახმარდნენ. ერთ ზაფხულს, ომი ახალი დაწყებული იყო, მაშინ ოლქის ექიმთან ვიყავი ფიორდში, პირუტყვის წამლის თაობაზე უნდა მოვლაპარაკებოდი. ჰოდა, ვისხედით და ყავას შევექცეოდით. სიტყვა ჩამოვარდა ომზე. ექიმი ადგა. ერთი ძველისძველი დასურათებული წიგნი გადმოიღო და მიჩვენა ორივე ქვეყანა — საფრანგეთი და გერმანია, ისე ვხედავდი, როგორც ჩემი ხელის გულს, გულდასმით დავათვალიერე, კეთილსინდისიერად შევადარე ერთმანეთს და დავრწმუნდი, რომ მათ შორის განსხვავება არა არის რა. არსებითად, ეს ერთი ქვეყანაა. მათ შუა, არამც თუ ფიორდი, ყურეც კი არაა. ორივე ქვეყანაში ტყეებია, მთები, მინდვრები, ქალაქები, ერთნაირი ბუნება —

არავითარი განსხვავება! რაც შეეხება ხალხს, გავბედავ და მოგახსენებთ, რომ თუ ძათი გარეგნობის მიხედვით ვიმსჯელებთ, როგორც სურათებიდან ჩანს, არც ბოროტები, არც სულელები არ უნდა იყვნენ, სრულიად ჩვეულებრივი ხალხია, ოღონდ გერმანელებს თმა უფრო მოკლედ აქვთ შეკრეპილი, ფრანგების უმრავლესობა კი ძველი მოდის მიხედვით იყენებს წვევს, ზუსტად ისე, როგორც ჩვენი დაბის კაცები. ზოგი წვევოსანია, ზოგი წვევგაპარსული და მე მგონია, რომ ფრანგებიც და გერმანელებიც პატიოსანი, კარგი ხალხია. ჩვენებურებს ჰგვანან. ამიტომ ვფიქრობ და თუ საჭირო შეიქნა, თინგშიც საჯაროდ გამოვაცხადებ ჩემს აზრს — ეს განხეთქილება ამ ორ ერს შორის გაუგებრობის მიზეზით მოხდა. გერმანელებს ჰგონია, ჩვენ ფრანგებზე უკეთესები ვართო, თავის მხრივ ფრანგებიც დარწმუნებული არიან, რომ გერმანელებზე მალა დგანან, სინამდვილეში მათ შორის არავითარი განსხვავება არ არის. განა მხოლოდ ვარცხნილობაა მთავარი? ფრანგებს ჰგონია, ჩვენი ქვეყანა უკეთესიაო, მაშინ, როცა მათ ქვეყნებს შორის იოტის ოღენა განსხვავება არ არის. ასევე ფიქრობენ გერმანელებიც თავის ქვეყანაზე. მაგრამ მაინც ძნელია, როცა ორი ქვეყანა იბრძვის, ერთ-ერთის მხარდაჰქერა. უფრო გონივრული იქნება, თუ ორივეს დაუქერ მხარს, ორივეზე კარგს იტყვი. არ დაგიმალავთ. რომ მე მოთმინებით ველი, რომელი გაიპარჩვენს, — ჩემთვის სულ ერთია, რომელი, მაგრამ ველი და ვიმედოვნებ, რომ ერთ-ერთი მოერევა მეორეს და მაშინ უფრო დიდი იმედი გვექნება იმისა, რომ ისინი გაერთიანდებიან, ერთ ქვეყნად იქცევიან — ბუნება ხომ ორივეს ერთნაირი აქვს და უკვე არავითარ განხეთქილებას და გაუგებრობას ადგილი არ ექნება მათ შორის.

თ ა ვ ი ს ა მ ო ც ღ ა მ ე რ თ ი

რწმენის შესახებ

მსოფლიო ომი გრძელდებოდა, ამდიდრებდა ხალხს და ქვეყანას. ბევრნი — განსაკუთრებით გულკეთილები — სხვას არას უწოდებდნენ ამ ომს, თუ არა ღვთით გარდმოვლენილ მადლს. ოთხ წელიწადზე მეტი გავიდა, მაგრამ ბრძოლა არ წყდება და რაც უფრო გრძელდებოდა, მით უფრო მეტ კმაყოფილებას იწვევდა. ნეტა მთელი საუკუნე გასტანოსო, ნატრობდა კეთილი ხალხი. საზღვარგარეთ სულ უფრო და უფრო იწვედა ფასი ისლანდიურ საქონელზე, კონტინენტზე სახელმწიფოებს მეტოქეობა ჰქონდათ გაჩაღებულ ისლანდიური საქონლის შესატანად თავის ქვეყანაში. ეს მეზობლები, უნაჩიანი,

მაგრამ ისლანდიელთათვის სრულიად გაუგებარი ხალხი, უწინ გულგრილად რომ უყურებდნენ ისლანდიელთა ტანჯვას, მათ მონობას, ვაჭრის უღელქვეშ გმინვას და ათას სხვა ვარაის. ახლა ერთიმეორეს ხელიდან გლეჯდნენ ისლანდიურ საქონელს, ხელს უწყობდნენ მათ ქვეყანაში კეოილდლეობისა და სიმდიდრის ზრდას. ბევრმა ისლანდიელმა გლეხმა მოახერხა უკვე მიწის იმ ნაკვეთის შესყიდვა, რომელიც უწინ იჭარით ჰქონდა აღებული — რამეთუ მიწა ერთადერთი ჰემშარტი საგანძურია. მათ კი, ვინც ომამდე ჯოჯობეთური ჭაფით და თავგანწირვით შეიძინეს მიწის ნაკვეთები, სახლების გამართვას მიჰყვეს ხელი. ვისაც ვალი ჰქონდა, ახალი, უფრო დიდი ვალის აღების შესაძლებლობას აძლევდნენ, ვისაც არავისი არაფერი ემართა, საკრედიტო დაწესებულებები აღურსინანად ხელს უწვდიდნენ და ეფერებოდნენ. ხალხი უწინდელთან შედარებით მეტს თესდა, გაიმრავლეს პირუტყვი, ზოგმა სასწავლებელშიც მისცა შვილი, ზოგი გლეხის ოჯახში გაჩნდა ფაიფურის ძაღლები ყველა ზომისა, ზოგის სახლში კი მუსიკალური ინსტრუმენტიც. მანდილოსნებმა თითებზე ლითონის ბეჭდები წამოიცივეს, საგარეო ტანსაცმელი და ფეხსაცმელი შეიძინეს, რაც უწინ მშრომელი კაცისთვის აუხდენელი ოცნება იყო. მთავრობამ საზოგადო სამუშაოების ვრცელი პროგრამა დაისახა და ისეთ დაბებში, რომლის მკვიდრთაც ალთინგში ინგოულფ არნარსონ იოუნსონისთანა კაცთმოსყვარე, ენერგიული დეპუტატი ჰყავდა, გაიყვანეს გზები და ხიდებიც ააგეს. გზატკეცილი გაიყვანეს ფიორდიდან თვით რედსმირამდე, ასე რომ, ზაფხულის სავანეს ახლა კარგი გზატკეცილი ჩაუდოდა და უკვე ამ გზაზე საშინელი სისწრაფით მჭროლავი თვითმობრავი ფორნები აფრთხოზდა ცხენებს. მოგების რაც შეიძლება მეტი ფულის მოხვეჭის დენაში, რე პერიოდში კი ქვეყნის კიდით კიდემდე მიმოფანტულ ხუტორებსა და დაბებზე ფული ზედ აწვიმდა, ზოგიერთმა დაჰკარგა საღი აზროვნების უნარი. არც იმის უარყოფა შეიძლება, რომ მიწის ფასი მეტისმეტად გაიზარდა, რომ სააღმშენებლო ციებ-ცხელებამ კეთილგონიერების ყოველგვარი საზღვარი გადალახა, რომ ბავშვებს სკოლაში ბევრ რამეს ასწავლიდნენ, მაგრამ ასწავლიდნენ მეტად ზეარელედ. გამონაკლისი იყო ისეთი ხალხი, ვინც არ აპყვა ფეხის ხმას, არ შესცვალა ცხოვრების ნირი, არ ყიდულობდა ფაიფურის ძაღლებს, სკოლის ხარჯს ერიდებოდა და ბავშვებს არ ასწავლიდა, ნელ-ნელა იმრავლებდა საქონელს, ზომიერებას იჩენდა ყველაფერში, აუჩქარებლად, დინჯად მიიკვლევდა გზას უფრო მაღალი მიზნისკენ. მათ რიცხვს ეკუთვნოდა ზაფხულის სავანელი ბიარტურიც. ფუფუნება არც ახლა ნიბლავდა და იზიდავდა მას, ცოტაცობით აგროვებდა ფულს ცხვრის საყიდლად და მოჭამავიერების დასაჭირავებლად. უწინ წლების ინგარიშს იმ ზაფხულიდან იწყებდა, როცა მის ხუტორში თავი ამოჰყო წყე-

ულმა ალქაჯმა ფრიდამ — შევეუყუღმართობის განსახიერებამ. მაგრამ ეს ამბავი შორეულ წარსულს ჩაბარდა. ახლა ორას ორმოცდაათი ცხვარი ჰყავდა, ორი ძროხა და სამი ცხენი. ზაფხულობით მთიბავეები ჰყავდა დაჭირავებული, ზამთარში ერთი მოჯამაგირე და მწე ქალი ემსახურებოდა. ძველი ფარეხი, საცხოვრებელი ოთახის ქვეშ, საჯალაბოდ გადააკეთა, კედელში გაჭრილი ხერხელის ადგილას, საიდანაც ნაკელს გარეთ ჰყრიდნენ. სარკმელი ჩასვა. პატარა ნაკადულები ერთ დიდ მდინარეს აქმნიანო, ამბობს ანდაზა. ეს იყო უმტკივნეულო, უშფოთველი მოძრაობა წარმატებისკენ, ყოველგვარი ჭერებისა და გადატრიალების გარეშე, თავისთავად მიედინებოდა ყოველივე. ბიარტური იოტის ოდენადარ, არ შეცვლილა, არაფერში არ უყვარდა გადაჭარბება, თავს მხოლოდ იმის ნებას აძლევდა, რომ ძველებურად მოატყუებდა ხოლმე თვალს ოთხიოდ წუთით, გაწეებოდა თივის ხორბებზე იმ იმედით, რომ ცოტა ხანში უსათუოდ გადმოგორდებოდა იქიდან, და ყველაფერს სჯობდა მისთვის, თუ გუბეში გააღენდა ო ყაბახს. მოჯამაგირეებისაგან საქმეში კეთილსინდისიერებას მოითხოვდა, ზამთარში იქნებოდა თუ ზაფხულში, ძველებურად თხზავდა ლექსებს და თავისთვის დუდუნით კითხულობდა. მოხუცი პალბერა ჯერ კიდევ ცოცხალი იყო, იგი იმ სანთელს ჰგავდა, რომლის ჩაქრობაც უფალ ღმერთს დაავიწყდა, იქდა თავისთვის, დუდუნებდა ფსალმუნებს და ქსოვდა, ვერ ამჩნევდა ვერაფერ ახალს, ახალი ცხოვრების ყლორტებს. სულ უარობდა, არა სჯეროდა, თუ ხეობაში გზატკეცილი გაიყვანეს, რომ თვითმოძრავი ფორნები დაგრილებდა ამ გზაზე, რომ ფიორდიდან მათ ხეობამდე ეს ფორახი ორმოცდახუთ წუთში ამოიოდა. ხეობიდან რედსმირის ჰაობებამდე კი თხუთმეტ წუთში. საერთოდ, მას არ სჯეროდა, ოუ არსებობს რაიმე გზა, გარდა უფლის გზებისა. ხალხი სინარულით ატყობინებდა, დიდდა, მსოფლიო ომიო. ნება ერთი რას ამბობთ, თუ მართლა ომობს ვინმე, ჩვეულებრივი ჩხუბი იქნება, როგორც მუდამაა უცხოეთშიო. ეს რა მოიგონეს, მსოფლიო ომიო! ისიც კი არ სჯეროდა, თუ სადმე არსებობდა რაღაც მსოფლიო. სამაგიეროდ, ახირებული ჰქონდა, ეს ხეტორი დაწყევლილა, კაცს აქ განსაცდელი უდარაჯებს და ეს განსაცდელი ადრე თუ გვიან გამოტყვრებაო. კოლუმბილის თავისი ბრკყალებიდან ჯერ არაერ გაუშვია, ყველას კისერი მოუგრახა, ვინც კი ამ ხეტორს ებლაუქებოდა ოდენსეო.

— ურდარსელში კი, სადაც მე ორმოცო წელიწადი გავატარე, ძალიან ლამაზი დაისი იცოდა, და არასოდეს უცნაური არაფერი მომხდარა.

სულ ნადვლობდა თავის მშობლიურ სახლზე.

ახლა კი საჭიროება მოითხოვს ვიამბოთ კოოპერაციულ გავართიანებებზე, გლახთა სამომხმარებლო საზოგადოებებზე. სადაც ასეთი საზოგადოებები იქ-

მნება, შუაეკცებს იქ ადგილი აღარა აქვთ, გლეხები ზომიერ ფასს იღებენ თავის საქონელში, ყველაფერი დაფუძნებულია ურთიერთდახმარებაზე ვაჭრობაში, მშენებლობაში, წარმოებასა თუ ნეურნეობაში. ასეთი საზოგადოება ამისათვის იღვწის, რომ გლეხი გადაარჩინოს, ფეხზე დააყენოს. ფიორდის სამომხმარებლო საზოგადოებამაც, როგორც ყველა სხვამ, მტკიცედ გაიდგა ფეხი და მომძლავრდა. პარაზიტ ვაჭრებს ერთიშეორის მიყოლებით მოეღო ბოლო, ვინც გადაარჩა, მათი ბელიც ბეწვზე ეკიდა. გლეხობამ ნელ-ნელა ხელთ იგდო ვაჭრობა, მეურნეობა, მშენებლობა და ელექტროგანათების საქმეც. დედაქალაქის გლეხთა გაზეთებში იწერებოდა, რომ ახლა ისლანდიაში საფუძველი ჩაეყარა მსხვილ სასოფლო მეურნეობას, რომელიც საესებით უპასუხებს დროის მოთხოვნას, რომ იგი გახდება ისლანდიელთა შემოსავლის მთავარი წყარო, ხალხის თავისუფლების ქვაკუთხედი, ხალხის ნაციონალური თავისუფლების შენარჩუნების თავდები, ხალხის სულიერ-ფიზიკური ზრდის თავდები. ვინც გლეხის ინტერესების წინააღმდეგ იბრძვის, ხალხის მოსისხლე მტერია — შორს შუაეკცები! სამომხმარებლო საზოგადოებები ხელს უწყობს თავის წევრებს ყოველგვარი ხარჯების მეოთხედის დაზოგვაში, ეს საზოგადოებები შექმნილია კაპიტალიზმის ძალმომკრეობასთან საბრძოლველად, წერილ მწარმოებელთა და ხალხის უფლებების დასაცავად. მაგრამ ეს არ არის მთავარი. სამომხმარებლო საზოგადოებები მარტოოდენ ეკონომიური გამორჩენისთვის როდი იბრძვიან, ისინი იღვწიან ხალხის აღსაზრდელად, მათი თვალსაწიერის გასაფართოებლად, ისინი ხალხს გულშემატკივრობასა და სუსტი-სადმი სიბრალულს ასწავლიან.

დედაქალაქის გაზეთებს ქებით ცამდე აჰყავდა გლეხის კულტურა. ყველაფერი გლეხს! გლეხი ერის სასიცოცხლო ძარღვია, ერის ბურჯი! მაღალმთიანი ხეობა — ერის დიდების აკვანია. მხოლოდ ისლანდიელი გლეხის ცხოვრებას ეთქმის ჯანსაღი ცხოვრება! ნაყოფიერ ველზე მომუშავე გლეხი სუნთქავს სუფთა ჰაერს, ეს ჰაერი იღუმალი სასიცოცხლო ძალასავით ეღვრება მიეღ სხეულში, აკაეებს მას სულიერად და ფიზიკურად. ქალაქის მოსახლეებს წარმოდგენა არა აქვთ იმ სიმშვიდეზე, რითაც სოფლად გვაჯილდოვებს დედა-ბუნება და რაკი მოკლებულნი არიან ამ სიმშვიდეს, მათი სული წუთიერი ყინის აღსრულებაში ეძიებს კმაყოფილებას. ეს კი, რა თქმა უნდა, აჭირვეულებს ადამიანს და იგი მხოლოდ ამ წუთისთვის ცხოვრობს. მეცხვარე აღესილა გულოვნებით, იგი თოვლსა და ქარბუქს გაუკაეებია. სოფლად ცხოვრებას რა სჯობია — ეს არის ხალხის აღზრდის ყველაზე ნაყოფიერი ნიადაგი და საფუძველი. გლეხი თავისი მხრებით ეზიდება სოფლურ კულტურას, წინდახედულებასა და სიღინჯეს ყველაზე მაღლა აყენებს ქვეყნისა და ხალხის საყე-

ვილდელი. რა მოუვიდოდა ერის ისტორიას, რომ იგი თევზის ქონით საეცე
ჭრაქის მბეჭუტავ უშუქე არ იწერებოდეს ზამთრის გრძელ ღამეებში? რა მოუ-
ვიდოდა, რა დონეზე იქნებოდა ჩვენი ხალხის განათლება, რომელიც ცივილი-
ზებული ხალხის განათლებაზე მაღლა დგას, რომ გლეხის ბავშვი ფეხის ადგ-
მისთანავე არ სწავლობდეს კითხვას, კვამლით გარუჯულ მინაზე არ სწავლობ-
დეს წერას, არ ისმენდეს სახარებას თავისი ფარეხის კუთხეში, მაშისგან არ
ესმოდეს უძველესი პეროიკული ლექსები. და საგები, არ ესმოდეს ბებინს
სიმღერები, საღამოს, ძილის წინ არ იზეპირებდეს ჰელდგრიმ პიეტურსონის
ლექსებს? ან თვით ბუნება? დიახ, ისლანდიის თვალწარმატატი ბუნება — მი-
სი ღარტაფები, ჩანჩქერები, მთები, გორაკები! აი, ჩატომ არის მთიელი ხალ-
ხი ნამდვილი ხალხი, ბუნების ჭეშმარიტი შვილები. მათი ცხოვრების აზრი
ხომ ღვთის შემწეობაშია.

აქამდე ასეთი საჯარო ქადაგებით გლეხის კულტურის უპირატესობაზე და
გლეხთა წოდების მნიშვნელობაზე დროდადრო გამოდიოდა მხოლოდ რედ-
სმირელი ფრუ, — იქნება მას გულისტკივილი ალაპარაკებდა, სინანული იმი-
სა, რომ თვითონ მოწყდა ქალაქს? ასეთი სიტყვით ფრუ უფრო ქორწილებში
მიმართავდა გლეხებს, მაგრამ დაბაში ყურადღებას არავინ აქცევდა ამას. ისე-
ვე, როგორც პასტორის ქადაგებას. ახლა კი მისი აზრები ერთობ აიტაცა დე-
დაქალაქის სოლიდურმა გაზეთებმა, ქვეყნის ყოველი კიდი რომ იგზავნება.
ჰოდა, ლექტნენ, უტრიალიებდნენ ამ თემას გაუთავებლად, თითქოს გაზეთის
ყოველი სვეტიდან ფრუ შემოგყურებდათ, ხედავდით მის მედიდურ სახეს,
რომის პაპას რომ მოგვაგონებდა. მის ცივ ღემილს, თითქოს მან სრული
გამარჯვება მოიპოვა. გლეხის კულტურით უცებ ყველა დაინტერესდა, ხალხმა
ირწმუნა ეს სახარება. აღარ არსებობდა, მოისპო სილატაკე, წარსულის ყო-
ველგვარი მოჩვენებები. კოლუმპილი? ვილა დაუდებდა ყურს ახლა ასეთ მი-
ეთმოეთებს? არა, ისლანდიელი გლეხი გამოერკვა საუკუნო ძილისაგან. ისიც
საკითხავია, ეძინა კი მას ოდესმე? ყოველ შემთხვევაში, მან ყველას გასაოც-
რად და მოულოდნელად შექმნა თავისი პარტია. რომელიც ებრძოდა კონსერ-
ვატორებს, ეგოსტებს, შუაკაცებს და ქურდებს, — კოპერატორთა პარტია,
წვრილ მწარმოებელთა, გლეხობისა და ენერგიული, პროგრესიული ხალხის
პარტია, სიმართლისა და იდეალების პარტია. ინგოულფ არნარსონ იოუნსონი
ერთ-ერთი პირველთაგანი იყო. ვინც ალთინგში უსამართლობის წინააღმდეგ
ხმა აღიმდლა, ახალი იდეებისათვის — ოქროს ხანისათვის დაიწყო ბრძოლა.
ზაფხულის სავანელი ბიარტური კი ერთი იმათაგანი, ვინც ინგოულფს ხმა
მისცა არჩევნებში და ბიარტურის კრედიტი სამომხმარებლო საზოგადოებაში
წლითი წლობით იზრდებოდა. სწამდა რაიმე ზაფხულის სავანელ ბიარტურს

ინგოულუ არნარსონის ან სხვა რედსმირელებსა? ძნელი სათქმელია. ერთი რამ კი უდავოა: გაზაფხულზე, როცა რედსმირის მაჩლობლად, ნაპარალზე ხიდის აგება დაიწყო, სწორედ ინგოულუ არნარსონმა იბრძოლა და მიაღწია კიდევ იმას, რომ ალთინგმა კრედიტი გახსნა ფიორდიდან რედსმირამდე გზატკეცილის გასაყვანად და ხიდების ასაგებად. ერთ საღამოს, ჯერ სამუშაო დღე დამთავრებული არ იყო, ბიარტური უღელტეხილისკენ წავიდა, იმ ხანად იქ ამენებდნენ ხიდს, მივიდა მუშებთან და გამოელაპარაკა. ეს საუბარი ერთგვარ წარმოდგენას მოგვცემს იმაზე, თუ რა ან ვინ სწამდა ზაფხულის სავანელ გლუხკაცს.

მუშები სოლს არკობდნენ კლდეში, წვრილად ამტვრევდნენ ქვას და მერე სატეხით ახარატებდნენ. ხიდს იმ ადგილას აგებდნენ, სადაც მდინარე ვიწრო ხეობაში ჩადიოდა, საჭირო იყო მაღალი ხიმიჯების დადგმა და მათი გამაგრება ქვით.

— ქვას ამტვრევთ, ბიჭებო? — ჰკითხა ბიარტურმა მუშებს. ეამაყებოდა, რომ მის ნაკვეთზე მდგარ კლდეს სახელმწიფოსთვის სარგებლობა მოჰქონდა.

— ვამტვრევთ, ჰო, დალახვროს ეშმაკმა, რას ეზამთ აბა? გოგოების ხევენა-კოცნა კი გვერჩივნა, მაგრამ...

— იმისთვის კი არ მოვსულვარ აქ, რომ უწმაწური ლაპარაკი გამიბათ.

— არცა ღირს შენთან ასეთი ლაპარაკი, როცა ღმერთმა იმის შნო არ მოგცა, რომ ორი გოგო მინც გაგეჩინა. გოგოები რომ გყავდეს, უფრო მხიარულად ვიქნებოდით.

— თუ ჩემთან დაჭიდება გინდათ რომელიმეს, უფრო მაგარ რამეზე უნდა ივარჯიშოთ, თორემ ეგ ქვა, თქვენ რომ ამტვრევთ, ყველივით რბილია.

— რა გინდა, რისთვის გარჯილხარ? — ჰკითხეს მუშებმა.

— შეკითხვების მოცემა თქვენი საქმე არ არის, ყოველ შემთხვევაში აქ, ჩემს მიწაზე. მე შეგეკითხებით, თქვენ კი მიპასუხეთ.

— ხელმწიფეა, რაღა, ნამდვილი ხელმწიფე!

— ვისაც სხვისი არა მართებს რა, დიახაც რომ ხელმწიფეა, — მიუგო ბიარტურმა. — თუ მუშას დავიჭირავენ, იმაზე ნაკლებ გასამრჯელოს კი არ მივსცემ, რასაც სახელმწიფო აძლევს. იმის საკითხავად მოვედი, რომელიმე თქვენგანს თუ შეუძლია-მეთქი საფლავის ქვის გამოთლა?

— საფლავის ქვისა? — მუშებმა ღრეჰას თავი დაანებეს, პატივს სცემდნენ მწუხარებას. — არა ძმობილო, ეგ საქმე არ გვისწავლია, სუფთა სამუშაოს ვერ ვიკისრებთ.

— არცა გთხოვთ სუფთა ნამუშევარს. ცოტათი მინც თუ დაემსგავსა საფლავის ქვას, ზევით ვიწრო იყოს, ქვემოთ ფართო, მეტი არა მინდა რა.

— მაგას როგორმე მოვახერხებთ, — უპასუხეს მუშებმა. — მაგრამ მაგ საქმეს თავისუფალ დროს მოვკიდებთ ხელს, თავისი ფასიც ექნება.

ბიარტურმა უთხრა, რომ ძუნწობა საერთოდ არ ანასიათებს, ასეთ საქმეში ხომ მით უფრო. მუშებს კარგად ესმოდათ ეს: ახლობელის საფლავი კაცისთვის წმიდათა წმიდაა, ამ დროს ერეს დაზოგვას არავინ გამოეკიდება.

დაიწყო მორიგება, დიდხანს ვაქრობდნენ. ორივე მხარე ზრდილობიანად. მორიდებით ლაპარაკობდა, განსაკუთრებით მუშები. როგორც მათთვის, ისე ბიარტურისთვის პირველი იყო ასეთ საქმეზე ლაპარაკი. ბოლოს შეთანხმდნენ. ბიარტურმა რამდენჯერმე გაუმეორა მათ, სუფთა ნაწმუშევარს არ მოვითხოვო. წარწერა? ჰო, წარწერა. საქმე გართულდა, რადგან მუშები წერაში მაინცღამაინც დაოსტატებულები არ იყვნენ.

— თავსატეხს კი არაფერსა ვთხოვთ, — უთხრა ბიარტურმა, — საკმარისია ადგილსამყოფელი, განსვენებულის სახელი და იმის სახელი, ვინც ქვა დაუდგა.

— შენი განსვენებული მეუღლისთვის გინდა?

— არა, — უპასუხა ბიარტურმა, — არც მთლად მასია. ყოველ შემთხვევაში, ქალი კია განსვენებული. ქალი, რომლის მიმართაც მე და ყველა აქაური უსამართლობას ვიჩენდით. ხშირად საღად ვერ ვმსჯელობთ, ვცდებით, სწორედ ვერ ვიქცევით, განსაკუთრებით მაშინ, როცა გვიკვირს და იმის შიში გვიდრღნის გულს, ვაითუ სხვისი პურის ქამა მოგვიხდესო.

— რედსმირშია დასაფლავებული?

— რედსმირში? ის?—იტყვიცა ბიარტურმა და ამაყად დაუმატა: — არა, ო, არა, რედსმირელებსა და მათ სასაფლაოს ის არ სწყალობდა. ჩემს მიწაზე გახლავთ დამარხული, აი იმ ბორცვზე, კლდის პირას.

მუშები გაოცებული მიაჩერდნენ ბიარტურს, აღარ იცოდნენ, რა ეთქვათ.

— მოჩვენებაზე ხომ არ ამბობ? — როგორც იყო, ხმა ამოიღო ერთმა მუშამ.

— დაგვცინი, თუ რა არის, შე ოხერო? — იკითხა მეორემ.

არა, ბიარტური არ დასცინოდა მათ, მისთვის საერთოდ გაუგებარი იყო, როგორ შეიძლება ვისმეს დაცინვა. დიახ, ის სერიოზულად ლაპარაკობდა. დიდი ხანია გადაწყვიტა, დედაბერი გუნვერისთვის ქვა დაედო, მთელი საუკუნეა წევს აქ, ბიარტურის სამფლობელოში. იმ საცოდავს ცილი დასწამეს, ეშმას ამფსონობა დააბრალებს და ბიარტური ფიქრობდა, დროა ამ უსამართლობას ბოლო მოეღოსო. ის ერთი უბედური ქალი იყო, ისეთივე უბედური, როგორც თვითეული ჩვენგანით. თვითონაც ხომ გამოცდილი ჰქონდა ვაჭირება, მაგრამ მისი ტანჯვა-ვაება როგორ შეედრებოდა იმას, რაც ქვეყანას დაატყდა ძვე-

ლად. მაგალითად, შიმშილობა, ან ვაჭართა მონოპოლია, როცა, როგორც გად-
მოცემა ამბობს, ღვთისგარეგანი კოლუმპილი მეუფებდა ხალხზე? ადვილი
შესაძლებელია. ქალმა მართლა შესცოდა ხალხის წინაშე. მაგრამ ვის არ
შეუცოდავს? ამბობენ, ხალხს ხოცავდაო! თუ ჩაუფიქრდებით, ვანა სხვას
არავის მოუკლავს კაცი? რა არის ხალხი? მძიმე წლებში ხალხი თქვენს ფეხ-
ქვეშ დაფენილ მტვერზე უმცირესია. ბიარტურმა თქვა, იმ ქალს ჩემს მეზობ-
ლად ვთვლი. აქამდე არაფრით მიცია პატივი. პოდა, აი როცა უკეთესი დრო
დაგვიდგა ხმელეთსა და ზღვაზე, მინდა გამოვისყიდო დანაშაული იმ ქალის
მიმართ, რომელსაც ვერავენ გაუგო, და ქვით მინდა შევამკო მისი საფლავიო,
ძველს ნულარ ვავიხსენებთ, ის მზადაა თავისი სახელიც კი. მისცეს განსვენე-
ბულს. და ბიარტურმა ქვაზე ასეთი წარწერა შეუკვეთა: „გუნვერს — ბიარ-
ტურისაგან“.

თ ა ვ ი ს ა მ ო ც შ ა მ ო რ ა

ბ ი ლ ე თ ი

გვენდური წამოიზარდა.

მაღალი ბიჭი დადგა, გარეგნობით მამას ჰგავდა, ოღონდ უფრო რბილი
ხასიათი ჰქონდა. საკვირველია, მაგრამ გვენდურს სულ არ აინტერესებდა პო-
ეზია და ლექსთწყობა. თუმცა ეს უკვე აღარ ითვლებოდა ნაკლად, ისედაც ური-
ცხვი ლექსი იყო დაწერილი, რაზეც გნებავთ და როგორც გნებავთ, მათ შორის
ბევრი ფრიად ოსტატურიც. გარდა ამისა, გვენდური ისეთ ხანაში იზრდებოდა,
როცა ხალხი პოეზიაზე კი არა, მსოფლიო ომზე ფიქრობდა, ხმელეთსა და
ზღვაზე გარდმოვლენილ ამ კურთხევაზე. გვენდური მკერივი, ჩასხმული
ქაბუკი იყო. მხარბეჭვანიერი, ცოტა მოუქნელი, ქერა თმას იშვიათად ივარც-
ხნიდა და იკრეჭდა. სახე აქერცლილი ჰქონდა. მისი კეთილი თვალებიდან,
რომელთაც გამჭირახობა აკლდა, სიმტკიცე და ნებისყოფა გამოსჰქვიოდა. რა
არის ნებისყოფა? იგი ღონიერი გახლდათ.

მამისერთა ბიჭს ეძახდნენ. ზაფხულის სავანელი გლენიკაცის ერთადერთ
მემკვიდრეს. ეს კი დიდ რამეს ნიშნავდა! იმხანად, როცა პატარა ცხვარი ოც-
დაათი-ორმოცი კრონი და უფრო მეტიც ღირდა, როცა მათ კარ-მიდამოში
გაჩნდა ჯერ ერთი, მერე მეორე ძროხა, ამას აღარ გამოუწვევია უკმაყოფილე-
ბა და დავა ოჯახში, ყოვლად ჩვეულებრივ აშბად მიაჩნდათ. გუშინდელი და-

ტაკი დღეს უკვე მუშას ქირაობდა გაზაფხულსა და შემოდგომაზე. და ეს მუშები, მიუხედავად იმისა, რომ დიდ გასამრჩველოს იღებდნენ და დღეში მხოლოდ თოთხმეტ საათს მუშაობდნენ, როგორი დარიც უნდა მდგარიყო, საზოგადოების საფეხურზე მაინც გაცილებით დაბლა იდგნენ ზაფხულის სავანელი გლეხის შვილზე. ერთ მშვენიერ დღეს გვენდური ამ პატარა სამეფოს ვემკვიდრე გახდება. პატარაობიდან მუშაობდა ამ კარ-მიდამოში, სიზმრად თუ ცხადში სულ მეურნეობაზე ოცნებობდა, უყვარდა მიწა, უყვარდა შეუცნობლად. სიძნელეს არ გაურბოდა, იდეალებით თავს არ იცხებებდა. ხარობდა იმით, რომ დოლი დროზე დაიწყო და მშვიდობიანად დამთავრდა, რომ ცხვარმა კარგად გამოიზამთრა და გაზაფხულზე საძოვარზე გარეკავენ. სხვა სიხარული მან არ იცოდა. ვინ იცის, ეგებ ეს არის ჭეშმარიტი სიხარული? გვეხდურს არ აწუხებდა ის, რომ მათი სასლი ცოტა დაფერდა, არც ამჩნევდა ამას.

ბიარტურის აზრით, მისი შვილი სწორედ ასეთი უნდა ყოფილიყო, მხოლოდ ის სწყინდა და გულს აკლდა, რომ გვენდურისთანა ექვსი ბიჭი არა ჰყავდა. მაგრამ რას იზამ? ბიჭს ჩვიდმეტი წელი შეუსრულდა, ჯერ პირზე დედის ხსენი არ შეშრობია და უკვე ექვსი მეწველი ცხვარი ჰყავს, ტყავის ფეხსაცმელი, საგარეო ლურჯი კოსტიუმი და ძეწკვიარი საათიც აქვს. ისლანდიელ ჭაბუკებში ბევრი როდი მონახება ისეთი, რომ ჩვიდმეტი წლის ასაკში ამგვარი სიმდიდრის მფლობელი იყოს. ქონება მუყაითი, ბეჭითი შრომით მოიპოვება, სახლის ზღურბლზე უქმად ჯდომა, სისულელეებზე ყბედობა, მოჩვენებების აყოლა და ამფსონობა, როგორც მისი ძმები აკეთებდნენ, ხეირს არავის დააყრის, ამიტომაც მოკვდა ორივე, ორივე თავისებურად, გვენდური კი ექვსი მეწველი ცხვრის პატრონია.

იმ ხანებში დაბებში მღელვარებამ იჩინა თავი, ზოგი ამას რღვევას უწოდებდა და ბევრს როდი გამოაჩნდა იმდენი სიმტკიცე, რომ ამ მღელვარებას და რღვევას მტკიცედ შეზედროდა. ვერა, ბევრმა ვერ გამოიჩინა სიმტკიცე! ყველაზე მეტად ეს ფულს შეეხო: უმეტესობას ზომ ასე მიაჩნია, ფული ცხოვრების ერთადერთი წყაროა. ბევრი გაქვს, ცოტა გაქვს, თუ არც ცოტა და არც ბევრი, ამაზეა დამოკიდებული კაცობრიობის ცხოვრებაო. ხალხმა უცებ აღმოაჩინა, რომ ფული იმაზე გაცილებით მეტი ყოფილა, ვიდრე ეგონათ. ვისაც უწინ ასი კრონი გააჩნდა, ახლა ათას კრონსაც აღარ სჯერდებოდა, ათას კრონზე ისე ლაპარაკობდნენ, თითქოს სახლს უკან გასვლაზეაო ლაპარაკი. წუწუნა ბერიკაცებიც კი, ათეული წლების მანძილზე რომ გროში არ უშოვნიათ თავისი შრომით, ისეთ თანხაზე აწარმოებდნენ საქმეს, რომ უნებლიეთ გახსენდებოდა ასტრონომიული საგის—ნაილის ციფრები. გილტვიგელმა ტოურირმა კარმიდამო იყიდა, ხმა დადიოდა, ნაღდი ფულით გაასწორა ანგარიშით. მაგრამ

ტურირი რა ვასაკვირია, როცა კლექიანმა ფილოსოფოსმა, ისტადალელმა ოულაფურმაც კი ორმოცი ათას კრონზე ხელი მოაწერა ნასყიდობის ქაღალდს. ზოგს ფული ფიორდის ბანკში შეჰქონდა. ამ ბანკს რალაცით უკავშირებდნენ რედსმირელი მამასახლისის გვარს, რადგან ხმა დადიოდა, ასი ათასი კრონი აქვს იქ შეტანილი. მაგრამ არა გვგონია მართალი იყოს ეს, არავინ ისე არ წუწუნებდა, ვალეებში ვიხრჩვებო, როგორც მირელი იოუნი. ამ ბანკში შეანაბრებებს დიდ პროცენტს უხდიდნენ. ამბობდნენ, ჩაწერენ თუ არა შენ შეტანილ თანხას ბანკის წიგნში, შენი ფული ვირთაგვასავით გამრავლდებაო. შეანაბრებებში იყო ზაფხულის სავანელი ბიარტურის, მას დიდი პატივით იღებდნენ ბანკში და პროცენტებს უხდიდნენ. ასე გამოდიოდა, რომ ამ პროცენტებს რედსმირის მვლობელები ამლევდნენ. არა, რალაც წალმა-უკულმა ტრიალებს ყველაფერი.

მამასახლისი ეწვია ზაფხულის სავანეს, საში საფერზე ცხენი მოჰყვა, ახალი ჩექმა ეცვა, უთუოდ ვალის ანგარიშში მისცეს. მსოფლიო ომი დიდსა და პატარას ერთნაირად უხვად აჯილდოვებდა საჩუქრებით. მამასახლისმა დაიჩივლა გზაში ჩემმა ერთმა ცხენმა ნალი დაჰკარგაო და მერე სინანულით უთხრა ბიარტურს:

— ხადავ. ამ ოხერი გზატკეცილის გაყვანამ როგორ გაატიალა სიძოვრებო ქაობში.

— ეგ ჩემი ქაობია, — უპასუხა ბიარტურმა.

— შენი სიდერაი რასა იქს, კიდევ ცოცხალია?

— ცოცხალია, მაგრამ შენ ხარჯზე კი არ ცხოვრობს, არც შენ პურსა სჭამს! ჯერ არ უქამია სხვისი პური. თუმცა ერთ დროს კი სთავაზობდი, აქედან წაგიყვანო, გინდოდა მრევლის სამადლო გამზდარიყო.

— მის კარ-მიდამოს რალა მოუვიდა?

— რომელ კარ-მიდამოს?

— ჰალბერას საკუთარ კარ-მიდამოზე გეკითხები!

— ისევ თავის ადგილზეა, სანგდლის უშენში.

— შენს მორჯულებას არ დაადგა საშველი. სულ ასეთი ჯიუტი იყავი შენი დღე და მოსწრება, ვირივით გაქირიანი, ეშმაკმა წაიღოს შენი თავი და ტანი, გაზაფხულზე, კარგ ამინდშიც რომ არ ამოგივა პირიდან ერთი თბილი სიტყვა!

— ხარი ხართან დააბი, ან ზნეს იცვლის ან ფერსაო, — უპასუხა ბიარტურმა.

— ამბობენ, კარ-მიდამოს გაყიდვას და იქ გადასახლებას აპირებსო.

— სად იქ? მიუქარავთ.

— თუ ასეა, იქნებ ხეირიანი სახლი აიშენო აქ?

— ავაშენებ, როცა მომეხასიათება.

— ჰოდა, მინდოდა გამეგო, მართალია თუ არა, რასაც აშპოტენ. იქნებ მევე მომყილო ჩემი „საზამთრისი“.

— თერამეტი წელიწადია, რაც ამ კარ-მიდამოს ზაფხულის სავანე პქვია, ძვირფასო იოუნ. თუმცა იქნებ დაგავიწყდა, ისე იშვიათად ვხვდებით ერთმანეთს, რომ გასაკვირი არც კია. ასეა თუ ისე, მე მგონია, რედსმირი უფრო აღრე შემოუერთდება ზაფხულის სავანეს. ვიდრე ზაფხულის სავანე რედსმირს.

— რედსმირი იყიდება. სამოცდაათი ათასი კრონი დაღე და რედსმირა შენია.

— ვიყიდი, თუ მომებრინანა.

— ჰოდა, იფიქრე, დრო კიდევ არის. მაგრამ ვიდრე გადაწყვეტ რამეს, ჩემი „საზამთრისი“ მომყიდე, ათი ათას კრონს მოგცემ.

— ჰო, ყალბი ფულით, რა თქმა უნდა.

— თხუთმეტ ათას კრონს მოგცემ, -- წამოისროლა მამასახლისმა.

ამის პასუხად ბიარტურმა მაგარ-მაგარი სიტყვები აკადრა. უწინაც ბევრჯერ შეუშკიო ასე.

ამასობაში მამასახლისის ცხენიც დაჰქედეს.

— მითქვამს, თხუთმეტი ათასი-მეტქი! -- ისევე წამოიძახა მამასახლისმა და ცხენზე შეჯდა. — იმის თავდები კი არ გახლავართ, რომ კიდევ გავიმეორებ ერთხელ იათქვამს. თუ სახლის აშენებას აპირებ, ნება შენია. ან თუ სესხის მიღება გინდა ბანკში, არც ამაში შეგიშლი ხელს.

თხუთმეტი ათასი კრონი! ეს ხალხის მყველფელი წურბელა, დაკერებულ შარვალს რომ ვერ ელევია, ეს წუწურაქი, ორ ერეს ისე რომ ვერ მისცემს ადამიანს, თუ ხელში ოთხჯერ მიინც არ შეატრიალა მონეტა, „თხუთმეტ ათას კრონს მოგცემო“, ამბობს. თავის ჰკუაზეა ნეტა? რასაკვირველია, ის თხუთმეტათასიანი დასტა ყალბი ფულის დასტა იქნება, რაკი თავისი შრომით არ უშოვია. ასეთ ფულს ვინ იშოვის შრომით? კარგი იქნება, გაეკოდოს კაცი, დაეწიოს და მოჰკლას, როგორც ეიგილ სკალაგროშონმა* ქნა, როცა სკალაგლამმა*** ოქროთი და ძვირფასი თვლებით მოჰქიდილი თავისი ფარი, ზედ რომ უძველესი საგები ეწერა, ბორგეში დატოვა. ფულს მთავაზობს კარ-მიდამოში? რედსმირის მეპატრონეები რატომ თავს არ დაანებებენ ხეობელ გლეხს? ერთთავად რად აცთუნებენ, ერთი შეხედვით, თითქოსდა სახარბიელო

* ეიგილ სკალაგროშონი — ისლანდიელი სკალი მე-10 ს-სა, თავადასავლებითა და ბრძოლებით მდიდარი მისი ცხოვრების გზა აღწერილია საგაში ეიგილზე.

** სკალაგლამი — ამავე საგის გმირი.

წინადადებით? არა, ბიარტურს მტკიცედა აქვს გადაწყვეტილი, ბოლომდე დარჩეს ამ მიწის პატრონად, სიცოცხლის დასასრულამდე იცხოვროს აქ, ამ მიწაზე, სადაც თავის ცხვრებთან ერთად ცხოვრობდა, ცხოვრობდა თავისი ცხვრებისთვის. ერთ მშვენიერ დღეს ისიც მოკვდება, როგორც ცხვრები კვდებიან, მისი ერთადერთი შვილი, მისი ძე ასწევს ხეობელი გლეხის დროშას, გლეხის კულტურას წინ წაარუძღვება, მომავლისაკენ, რათა მან საუკუნეების მანძილზე იარსებოს. თუ ის, ბიარტური, სახლს ააშენებს, — მას კი გადაწყვეტილი აქვს ამის გაკეთება, როცა დრო მოვა, ააშენებს თავისი, და არა რედსმირელების სურვილით, ან სხვა ვინმეს მითითებით. „ჩემო ძვირფასო გვენდურ, არ შეცდე, არ მოგხიბლონ ფულით, და თუ შენ იცხოვრებ აქ, — მე კი ვიცი, რომ იცხოვრებ, როგორც მხოლოდ ამ მიწის მფლობელი“. ამ მიწაზე ცხოვრობს ცხვარი, სალი, მაგარი, ზამთარს კარგად იტანს, სქელი ბეწვი აქვს. ცხვრის მოვლა-მოშენება, სწორედ ეს არის — გლეხის გამორული ღვაწლი. დიახ, ყველას როდი აქვს ისეთი სიმტკიცე, რომ საღ კლდესავით მდგრად შეხედეს ცთუნებას, არ დამორჩილდეს ასეთ მძიმე, არეულ დროში, როცა ყოველივე, ფული თუ შეხედულებები, სწრაფად ჰკარგავს თავის ფასს, როცა ხალხსა და საგნებს შორის ირღვევა დროისა და სივრცის შეგრძნების მკვიდრი კედლები, როცა შეუძლებელი შესაძლებელი ხდება, როცა იმათი ოცნებაც კი ხორციელდება, ვისაც არასოდეს გაუბედნია ოცნება. ცხვრები განებივრებული მოხელეებივით პურით იკვებებიან, გემრიელ ქაშაყს სათლებით წინ უდგამენ ძროხებს, ჩეულებრივ ძროხებს, რომლებიც ნთქავენ ქაშაყს, ყურს ცქვიტავენ, თვალს ხუჭავენ ნეტარებისაგან. ისლანდიელები საკუთარი ზოძალებით მიცურავენ ამერიკაში, რაც ცხრაასი წლის მანძილზე არ ღირსებიან, დაწყებული იმ დროიდან, როცა განსვენებულმა ლეიფმა* აღმოაჩინა და კვლავ დაჰკარგა ეს ქვეყანა. დიახ, ყველაფერში იგრძნობა დიდი, მძლავრი გაქანება და ბედნიერების ამ ქაოსში, ამ სიმდიდრეში, მდინარესავით რომ მიედინება ქვეყნის არხებში, როცა ხალხს უდიდესი მოვლენები აღარ აკვირვებს, მოულოდნელ მარცხსაც აღარაფრად აგდებენ, არ ნალვლობენ, მისტერ გუდმუნდურ-გუდბიარტურსონის, ესე იგი — გვენდურის სახელზე წერილი მოვიდა. წერილის მისაღებად მას რედსმირში მოუხდა ჩასვლა, რადგან ხელი უნდა მოეწერა, რომ პირადად ჩაიბარა ბარათი. ბარათს ამერიკული მარკა ჰქონდა დაწებებული. გვენდურს შეეშინდა, რედსმირელებმა არ მოაკვლიონ ჩემს საიდუმლოსო და ხეობაში ასვლამდე ბარათი არ გაუხსნია. თავის კარმიდამოს რომ მიადწია, ჩამჰკნარა ბალახით დაფარულ მდელობზე დაჰლა. მაი-

* ლეიფ ვიარკონი — ნორვეგიელი ზღვათმგზავრი, 999 წ. მიადწია ჩრდილოეთ ამერიკის სანაპიროს.

სის დამდგეი იყო, ჯერ არ ამოწვერილიყო ქორთა ბალახი. კონვერტი რომ გახია, იქიდან ცისფერი ორი ქალაღი გადმოვარდა. ქალღღებზე მისთვის უცნობი ასოები და რაღაც უცნაური, კაური ხელმოწერა დანიხა. მესამე ქალღღს ნონი აწერდა ხელს და გვენდურმა შემდგეი წაიკითხა: „ბიძია გვგზავნის ორას დოღარს იმისათვის, რომ ფუღის მიღებისთანავე წამოხვიდე ამერიკაში. ომი დამთავრდა, მშვიდობაა, გაშოხვალ ის, რაც გინდა“. როგორც უნდა გიყვარდეს შენი მიწა, ეგ სიყვარული მარც არ არის ინე დაუძლეველი, რომ ამერიკაში წასვლაზე ხელი აგადებინოს. ხალხი დიდი ხომღღებით მიკურავს უკიდგვანო ზღვის მეორე სანაპიროსკენ. ჩადის ამერიკაში. ერთადერთი, რაც ხელს უშღის ადამიანს უცხო მხარეში წავიდეს — მიწის სიყვარული კი არა — მხოლოდ ხელმოკლეობაა. ასე მიდიოდნენ ისღანდიელი მთიელი გლეხები — ერის შნო და ლაზნათი, ისღანდიელთა სასიცოცხლო ძარღვი, მათი ხსნა, გლეხური კულტურის მედროშენი — ორმოცი წღის მანძიღზე. ეთხოვებოდნენ თავის სამშობღოს. ამ ღტოღეიღებს ისეთი სულელური გამომეტყვეღება ჰქონდათ, როგორც ისრაელის შვიღებს უღდაბნოში. მათ თან მიჰქონდათ ხის გობი და ბუმბუღლის საბანი, ზღვის ფრინვეღის სუნღი რომ უღიოდა, თითქოს ამერიკაში არც გობი იშოვნებოღდა, არც საბანი. ასე ყოფიღა პოღონეთშიც, პოღონელი ხალხის სასიცოცხლო ძარღვიც, როგორც ამბობენ. ორმოცდაათი თუ მთელი ასი წღის მანძიღზე იღტვოღა ამერიკისაკენ. და დღესაც იღტვის, თუკი შემთხვევა მიეცემა. იმთავც თან მიჰქონდათ თავისი საყვარელი ფორანის ბორბალი და ბალიში, იმის შიშით, რომ ამერიკაში ვერც ერთს იშოვნიდნენ, ვერც მეორეს. ავიღოთ, მაგალიად, ისღანდიელი ჰაბუკი, მღღლოზზე რომ მოუკალათებია, ჩამქენარ ბალახში, გუღმუნდურ გუღბიარტურსონღი, ჩვიღმეტი წღის ყმაწვიღი, ექვსი მეწვეღი ცხვრის, ტყავის ფეხსაცმღის, ლურჯი კოსტიუმის და კიდევ ბევრი სხვა რამის პატრონი. არსღდ მოიძენნება მეორე ისეთი ჰაბუკი, რომელიც გუღმუნდურ გუღბიარტურსონზე უფრო მტკიცედ იყოს დაკავშირებუღი თავის მიწასთან, უფრო უყვარდეს ეს მიწა, ეს მთა, ზღვა, მშობღიური სახღი — ათასგვარ შესაძღებღობათა ეს დაუშრეტი წყარო, როგორიც შეუძღია მისმა ბავშუერ გონებამ დაბატოს მომავალზე ოცნების დროს, გაზაფხუღლის სღღამოს. მასზე ბედნიერი არავინ იყო აქ. ამ მთის დედოფღის მეკრღზე, როგორც საგებში იტყვიან. მაგრამ აი, კონვერტიღან გამოკურღდა ცისფერი ორი ქალღღი და ყვეღაფერი დამთავრებუღია. უკვე ღრმად დარწმუნებუღია, რომ უკანასკნელად ესმის ისღანღიის ფრინვეღთ გაღობა, აზრით უკვე ეთხოვება ხეობას — მის მშობღელ დეღას, იმ ხეობას, რომელსაც შეერწყა, შეეისისხღბოღცა, რომელშიც გაითქვიღა უკვე, ეთხოვება, მიღღის. მტკიცედ დარწმუნებუღია, რომ ამერიკაში მიღღწვეს ყვეღაფერი,

„რადაც უნდა, იმად გახდება“ იმ ქვეყანაში, სადაც მართო რქოსანი პირუტყვის სათვალავს ეწვეიან, მეწველ ცხვარზე არავინ ფიქრობს, არც ლაპარაკობს. იქნებ ხელობა ისწავლოს, ღურგალი გახდეს, ვინ მოსთვლის რამდენი ისლანდიელი წასულა იქ, გადაუტურავს ზღვა და ხელობა უსწავლია? ისინი, ვისაც საუკუნეების მანძილზე ერთი ლურსმანი არ დაუჭედებიათ, ახლა სახლებს აშენებენ იქ, სადაც ბედის საძიებლად წავიდნენ და ამით აინაზღაურეს დანაკლისი, დაიამეს ნატკენი გული. ეს იყო თავისებური შურისძიება მიწის პატარა ნაკვეთისა და ტორფისადმი, დასაბამიდან დღემდე, მთელი ცხოვრება თავს რომ აკლავდნენ ერთი ლუკმა პურისათვის, ჯერ კიდევ ნაპოლეონის ომების დროიდან.

შინ რომ დაბრუნდა გვერდური, უცებ მოეჩვენა—ღმერთია ამის მოწმე,— რომ მათი სახლი მეტად სასაცილოდ იყო დაფერდებული და დაპატარავებული, უნდოდა ეთქვა მამისთვის, რომ ამერიკაში შიღის, მიიღო ცისფერი ორი ქაღალდი — ბლომად ფული... ომი დამთავრდა, რასაც მოინდომებს, იმას ისწავლის. იქნებ რქოსანი პირუტყვის მოშენებას მიჰყოს ხელი, ან ღურგლობა ისწავლოს.

მამა ზღურბლთან იდგა, ჩაფიქრებული გაჰყურებდა ხეობას. იქნებ მამას ოცნებაში ეხატებოდა, როგორ მრავლდება და იფურჩქნება მისი მოღმა? თუმცა, ვინ იცის, იქნებ არც ეზმანებოდა ასეთი რამ, იქნებ არც კი გააჩნდა ასეთი იდეალი, რომელზეც შეიძლება რაიმე დაიწეროს? ეგებ ვერაფერ პოეტურს ვერ ხედავდა თავის მძიმე შრომაში? ყოველ შემთხვევაში, იმაზე მეტს ვერა, რასაც ფრანგები და გერმანელები, მილიონობით ხალხი რომ გაელიტეს სრულიად უმიზეზოდ, პირადი სიამოვნებისათვის, როგორც ზოგიერთი ფიქრობდა. მეგრამ ერთი რამ კი უდავო იყო: ოდესმე ისიც მოკვდება, წავა მოუსავლოთში. ვინ იზრუნებს მშობინ ცხვარზე? ნუთუ ცისფერი ორი ქაღალდი საკმარისია იმისათვის, რომ ჭკუაზე გადაიყვანოს გლეხის ჯანსაღი ბიჭი, თავის ქვეყნის საუკუნოვანი წარსულის გამგრძელებელი, თავის ქვეყანასთან, თავის ხალხთან გაიგივებული? და აი, ამ პატარა მანძილის გამოვლისას ბორცვიდან თავის სახლამდე, მან უღალატა სამშობლოს, თავის ხალხს, საკუთარ თავს, თავის ნამყოს აწმყოს და მომავალს.

ბიარტურმა მხოლოდ ეს უთხრა:

— ნუ გკერა ამერიკიდან მოსული წერილებისა, რასაც ისინი იწერებიან პირუტყვის კვებაზე, მტკნარი სიცრუეა.

— მაშინ ხელობას ვისწავლი, ღურგალი გავხდები, — თქვა ჭაბუკმა.

მამამ ზიზლით გადააფურთხა:

— მინახავს ღურგლებიც, თავის დღეში ხეირიანი არაფერი გაუქეოვებიათ,

დაწინწალებენ კარდაკარ და სხვის სახლებში ლურსმნებს აჭედებენ. აგორებულნი ქვა ხავსს ვერ მოიკიდებს.

ქაბუჯი ჩიუტად დუმდა.

ცოტა ხნის შემდეგ მამამ უთხრა:

— თითქმის ყველა შეილი დამელუპა და არასოდეს დამიჩივლია. რაც იყო, იყო. მაგრამ შენ, შენ ხომ იცი ცხვრის მოვლა, გიყვარს ცხვარი? იცოცხლე, მაგრა ავიკრელებდი ზურგს. ერთი წლით უმცროსი რომ იყო.

— თუ კაცმა ამდენი ფული მიიღო, — დაიწყო გვენდურმა, — რატომ არ უნდა ისარგებლოს შემთხვევით და არ წავიდეს დიდ ქვეყანაში?

— ღიღი ქვეყანა? სულელური მიეთმოეუბია! ზაფხულის სავანე არც ერთ ქვეყანას არ ჩამოუყარდება და ის, ვინც ზაფხულის სავანეში ვერ ივარგებს, არც ერთ ქვეყანაში არ გამოდგება. შენგან კაცი არასოდეს არ გამოვა, სადაც არ უნდა წახვიდე. სულ სხვაა შენი ძმა იოჟნი, იმას დაბადებითვე დაყვა მოგზაურობის ჟინი, სისხლბორცვი ჰქონდა გამჭდარი პატარაობიდან, ის ცხვარზე არ ფიქრობდა, სულ სხვა რამ უტრიალებდა თავში. შენ კი? შენ ხომ შეგიძლია ცხვრის მოვლა-მოშენება. არსად არ გაგიშვებ, იცოდე, შენთვის მინდოდა ეს მიწა დამეტოვებინა, ვფიქრობდი, მადლიან მიწასავით, შეგიძლია წელიწადში ორი მოსავლის მოწევა-მეთქი. აი, როგორ მქონდა წარმოდგენილი შენი მომავალი. ჩემ შეილებში ყველაზე ერთგული შენ იყავი მამისა და თუმცა ჩერ ულვაში არ ამოგსვლია, მაინც, ვინ იცის, იქნებ კარგი ოჯახის შვილი შეირთო და შეძლებული გლეხი გახდე.

ქაბუჯმა დინჯად უპასუხა:

— ჩვიდმეტი წელი შემისრულდა და თვითონვე შემიძლია ჩემი საქმის გადაწყვეტა. მართალია, ცხვარი მიყვარდა, მაგრამ თუ არაფერს ვამბობდი, ეს იმას კი არ ნიშნავს, თითქოს ცხვრის გარდა არაფერი მაინტერესებდა და არაფერზე ვოცნებობდი. რა იცი შენ, რაზე ვფიქრობდი? თუ შემთხვევა ხელში ჩამივიარდებოდა, არ გაუუშვებდი. დაწმუნებული ვარ, რომ ყველა ჩემსავით ფიქრობს — ახალგაზრდა იქნება თუ ხანდაზმული. ხალხი ვერ ბედავს ოცნებას, იმედის ნაპერწკალსაც იხშობს გულში, მუშაობს, მუშაობს თავისი დღე და მოსწრება. მეც არ მჯეროდა, თუ ბედი გამიღივებდა, ასეთ შემთხვევას ხელში ჩამიგდებდა, ვიდრე წერილი არ გავხსენი. ვერ ვბედავდი-მეთქი ოცნებას, მაგრამ სულ კი ველოდი რაღაცას, თვითონაც არ ვიცი, რას. ვინ იცის, ეგებ ეს პირველად და უკანასკნელად გამიღიმა ბედმა. გიყვი ხომ არა ვარ, გიყვი მამის ვიქნები, თუ არ ვისარგებლებ ერთადერთი შემთხვევით და არ წავალ დიდ სამყაროში, მეც არ ვცდი ბედს, არ გავხდები ის. რაზედაც ვოცნებობ, როგორც სხვები, ვინც ოცნებაზე ხმამაღლა ლაპარაკს ბედავს.

— ასეთი სისულელეების გაგონებაც არ მინდა. არაფრის გაგონება არ მინდა იმ შეჩვენებულ სამყაროზე! რა იცი შენ იმ სამყაროზე? რა არის სამყარო? შენი სამყარო აქაა. საფხვლის საფანე. ჩემი ხეტორი — აი ის, სამყარო... და თუ ჰკუდიდან გადახვედი, ცხელებამ აგიტანა და გინდა მზე ხელოო დაიჭიროო უხლოოდ იმიტომ, რომ ამერიკელი ცისფერი ქალაქები დაინახე, მაშ იცოდო რომ ეგ ფული ყალბია, როგორც უშროშლად ნაშოვი. ყველა სხვა ფული. გაიგებ, ადრე თუ გვიან გაიგებ, რომ ზაფხულის საფანე — აი, ეს არის ნამდვილი სამყარო, ჰოდა, ჩემი სიტყვები მოგაგონდება.

იგი დუმილი ჩამოდგა.

თავი საოცდავეისამე

ღვას კლდე შიშველი და შავი...

ბიარტური შეილის გადაბირებას და დარწმუნებას კი არ ლამობდა. როცა ჩაგონებას უწყებ ვისზე. ეს შენი სისუსტის ნიშანია. დამოუკიდებელი კაცი მარტო საკუთარ საქმეზე ფიქრობს. სხვის საქმეში არ ჩაერევა უვიოზნ ხომ არავის მისცემდა რჩევისა და ჩიჩინის ნებ-ს. მაგრამ იმ დღიდან გონდურმა შეწყვიტა მისთვის არსებობა. არც არაფერს ავალებდა. აღარც ელაპარაკებოდა. მოჯამაგირესთან ერთად მდებლობზე ღრმა თხრილი გაჰყავდა. დილიდან დაღამებამდე თავგადაკლული მუშაობდა. არც გვენდურო იღებდა ხმას. მაგრამ განწორება კი უმძიმდა, გული შიშით და სევდით ეკუმშებოდა. მიწის სიყვარული გვენდურს სისხლხორცში ჰქონდა გამჭდარი. ეს არ თხოულობდა სიტყვებსა და განმარტებას და ახლა ეჩვენებოდა. რომ მოწყდა მიწას, მიჰქრის ჰაერში. სადღაც. ცარიელ სიერცეში, გამოუცნობ შორეთში. მაგრამ აოფრის შეცვლა არ შეეძლო. ადამიანი ცხოვრობს სინამდვილის სამყაროში, ზავშეობიდან ეთვისება მას. თამამად უსწორებს თვალს. მაგრამ აი, შორეთი უხმობს. იზიდავს. თავისი უჩინარი შესაძლებლობებით, მას ხელში აქვს შესასვლელი ბილეთი. — ცისფერი ორი ქალაქი. უკვე აღარ ცხოვრობს სინამდვილის სამყაროში, ველარ ეწყობა, გამბედაობა არ ყოფნის თამამად გაუსწოროს თვალი. იგი უკვე სტუმართმოყვარე შორეთის ტყვეა, შორეთის მიმზიდველი რმედების ტყვე, — იქნებ, მთელი სიცოცხლის მანძილზე, იქნებ, უკვე დაღუპული კაცია.

— ხვალ მივდივარ, — უთხრა გვენდურმა მამას.

პასუხი არ გაცეს.

— ჩემს ცხვრებს ხომ არ იყიდი?

— არა, მაგრამ შენი ხათრით შემოიძლია ტორფის ჭაობში ჩაეხრჩო ისინი.

— კარგი. რაკი ასეა, მაშინ აუსტა სოულილის ვაჩუქებ ჩემს ცხვრებს, ჭალაქს რომ ჩაეალ.

— რაო? — უთხრა მამამ. — შეიშაღე! მაშ, შენსას არ იწლი, შართლა მიღიხარ?.. მოგკლავენ, იცოდე.

— ომი უკვე დამთავრდა, აღარავინ იბრძვის.

მეტი არაფერი უთქვამთ ერთიმეორისთვის.

— ბები. — უთხრა გვენდურმა მოხუც ჰალბერას. — ხვალ მივდივარ.

— იმედია შორს არსად აპირებ წასვლას, ჩემო ბიჭუნ!

— ამერიკაში მივდივარ, ბები!

ჰალბერას საქსოვი მუხლებზე დაუვარდა, ცერად გამოხედა ბიჭს, შერეო ჩხირით მოიფხანა თავი და თქვა:

— ეს რა შითხარი. ბიჭო? მთელი ტილები აქეთ-იქით გამეფანტა. — და ისევ საქსოვს მიჰყო ხელი.

დილით გვენდური მთლად მოშლილ-მოთენთილი ადგა. ბებიას გამოეშვიდობა, მაგრამ ამ გამოეშვიდობებაში არაფერი იყო პოეტური. ბებიამ არც კი სთხოვა, საღამო ვადაეცი ჩემს შვილებსო. მამამ ცხენი არ მისცა და ჭაბუკი ფეხით გაუდგა გზას აღმოსავლეთისკენ. საგარეო ლურჯი კოსრუმი ეცვა, ძეწვეიანი საათი და პრიალა ფეხსაკმელი ცხერასახოცში გამოკრა და ოღლია-შ ძოიჩარა. შარვალი წინდებში ჩაიტანა, გზაში რომ არ დასევროდა. ბარჯი კი წინასწარ ჰქონდა გაგზავნილი.

კიკიკებდნენ, ჟღერტულებდნენ ჩიტები. თეთრი ნისლი დასწოლოდა მთებს, ბალახი დაცუარულიყო, ყავისფერ ჭაობს აქა-იქ სერავდა ბალახმოდებული მიწის მშრალი ზოლები.

მამა უკვე თხრილში მუშაობდა. გვენდური გამოსამშვიდობებლად მივიდა. ბიარტურმა თხრილიდან ამოსვლა არც კი იყადრა, მოკლედ ესროლა: „მწვიდობით“.

— მამა, — დარცხვენით უთხრა თხრილის ნაპირას მდგარმა ჭაბუკმა, — მწვიდობით, ავად ნუ მომიგონებ.

— მე ის მალონებს, ჩემო შეილო, რომ ვიცი, ძალიან გაგიჟირდება. — უთხრა ბიარტურმა. — პატროსანი კაცი იქ ხეირს ვერ ნახავს. აქ სულ სხვაა აქ შენ შეგიძლია დამოუკიდებელი კაცი გახდე, როგორც მე ვარ. შენ კი გასწირე შენი სამეფო, გასწირე იმისათვის, რომ სხვისი მონა გახდე. მაგრამ რაღა

აზრი აქვს ლაპარაკს. რა გაეწყობა, მარტო დავრჩები და ვიმუშავებ, ვიდრე ცოცხალი ვარ. ასე გადაეცი პატარა ნონის. მშვიდობით.

ასე დაჰქარვა ბიარტურმა უკანასკნელი შვილი, დაჰქარვა მაშინ, როცა დამოუკიდებლობისთვის დიდი ხნის ბრძოლის შემდეგ მიზანს მიუახლოვდა, თითქმის ხელით შეეხო. დამოუკიდებლობისათვის ბრძოლას შეეწირა მისი შვილები, გვენდური კი ახლა მიდის. დეე, წავიდეს, ვისაც წასვლა უნდა, იქნებ უმჯობესიც კია ეს. ადამიანის ძალა მარტოობაშია. კაცი მარტო ჩნდება და მარტო კვდება. თვითონ რატომ არ უნდა იცხოვროს მარტოდმარტომ? ასე გაბოღის, რომ სწორედ მარტოობა ყოფილა ცხოვრების მიზანი. ის-ის იყო ჭაბუკი მცირე მანძილით გასცდა ჭაობს, ბიარტურმა ისევ ბარს დაავლო. ხელი. მაგრამ უცებ რაღაც აზრმა გაუელვა, თავი ამოჰყო თხრილიდან და გვენდურს გასძახა.

— დაიცა, ბიჭო; — ამოვიდა თხრილიდან, გაეკიდა შვილს და დაეწია. — გუშინ საღამოს, რაღაცას მეუბნებოდი აუსტა სოულილიაზე, კარგად ვერ გავიგე, რა თქვი?

— მე გითხარი, აუსტა სოულილიას ვაჩუქებ-მეთქი ჩემს ცხვრებს, თუ შენ არ იყიდი.

— ჰა, აი თურმე რა გითქვამს. მაშ მშვიდობით. ომი გინდაც დამთავრებული იყოს, ვინ არის იმის თავდები, რომ იქ არ მოგკლავენ. ის დამთხვეულები ოთხი წელიწადი ომობდნენ და ნუთუ შენ გჯერა, რომ ასე უცებ დაჰკვიანდნენ, გულკეთილები გახდნენ მხოლოდ იმის გამო, რომ ზავი დადეს? არა, გიყი — გიყია.

ჭაბუკმა ასეთ ღრმააზროვან შენიშვნაზე შეაფერი პასუხი ვერ გამონახა.

— ჰო, რა მინდოდა მეთქვა კიდევ, — განაგრძო ბიარტურმა. — თუ აუსტა სოულილიას ნახავ, უთხარი, რომ აღრიან გაზაფხულზე უშენის სამხრეთ მხარეს დავებეტებოდი და, როცა კლდეს მივაღებქი, უცებ ორი სტროფი შევთხზე. მომისმინე:

იქ, სადაც ხევი მუდამ შავია,
ცაც საზარელი სანახავია,
კლდეა შიშველი,
კლდის პირ ქარები
რაღაც საზარელ ამბებს ბლავიან,
ბალახი რაი, არ ჩანს ბალახიც,
არ ჩანს პატარა შუქის ნასახიც,
კლდე დაუპყრიათ მიმწუხრის ჩაღებს,
ხეები შიშით ხუჭვეენ თვლებს.

— დაიხსომებ?

— ყველაფრის დახსომება შემიძლია, რაც გასაგებია, — უპასუხა გვენდურმა. — მაგრამ „მიმწუხრის ძალები“ რაღაა, არ მესმის.

— ეგ შენ არ გესაქმება, ეს მხოლოდ ლექსია კლდეზე. მე თვითონაც არა მწამს წყვილიადის ძალები, არც არასოდეს მწამდა და ამის დასამტკიცებლად უთხარი აუსტა სოულილიას, რომ ქვა დავადე გუნვერის საფლავს და ზედ ჩემი სახელი ამოვაკვეთინე. მაგრამ ლექსში, რაც მინდა, ყველაფრის თქმა შემიძლია.

გვენდურმა დაიზეპირა ლექსი, მეტი არაფერი უკითხავს მამისთვის.

— სხვა რა გითხრა, მოიკითხე აუსტა სოულილია და უთხარი, რომ აქ ყველაფერი ძველებურადაა, ოღონდ ძალზე მკაცრი ზამთარი გამოვიარეთ და ჩვენი სახლი ცოტა დაფერდდა. მაგამ როცა ახალ სახლს ავაშენებ, ისე ავაშენებ, რომ მყარი საძირკველი ჰქონდეს. ეგ დღეც შორს არ არის.

თქვა ეს ბიარტურმა და ისევ თავის საქმეს დაუბრუნდა.

თ ა ვ ი ნ ა ე მ ო ც ა ვ ა ე მ ო თ ხ ი

საუბარი ზღაპრულ კვეყანაში

ამერიკაში წასვლა უკვე აღარავის მიაჩნია სათაკილოდ. ჯერ კიდევ ცოტა ხნის წინათ ხომ არსებობდა შეხედულება, თითქოს ამერიკაში მარტო ისეთი წყალწალეხული ლატაკი თუ წავიდოდა, რომელიც დღეს თუ არა ხვალ სამრევლოს უნდა დასწოლოდა კისერზე სარჩენად, ან კიდევ ციხეში ამოეყო თავი.

ახლა ამერიკაში გამგზავრებას უკვე სხვა ოვალით უყურებდნენ. ეს იყო ჩვეულებრივი მოგზაურობა უცხო ქვეყანაში. ამერიკაში წამსვლელებს უსაქმურებასა და მაწანწალებს აღარ უძახდნენ, აღარ ამასხარავენდნენ: სამრევლო დამპალ საქონელს გზავნის უცხოეთშიო. არა, ახლა ზღვისიქითურ კვეყანაში ფულიანი ხალხი მიდიოდა, მიდიოდა მდიდარ ნათესავეებთან ან მეგობრებთან. დიდად პატივცემულ ხალხთან. ზღვის იქით დასახლებული ისლანდიელები დიდად პატივცემული ადამიანები გახდნენ. სარწმუნო ცნობები ჰქონდათ. რომ მათ თანამემამულეებს ფული ბლომად მოეპოვებოდათ. ზაფხულის სავანელი გვენდური, უწინ რომ ფიორდში ზედ არავინ უყურებდა, ახ-

ლა ქალაქში ფულით გატენილი ჯიბით ჩავიდა, ასობით, იქნებ ათასობით კრონიც ედო ჯიბეში და უკვე პატრიცელზე პიროვნებად იქცა. ხომალდის მოლოდინში. ვიდრე მის პასპორტს გააფორმებდნენ, გვენდური მოსამართლის ოჯახში შეექცეოდა ყავას. მოსამართლის მეუღლეც კი გამობრძანდა, რომ შეხედა მისთვის. ის ხომ ამერიკაში მიემგზავრებოდა.

ერთმა განათლებულმა კაცმა, რომელსაც გვენდური არ იცნობდა. ჰაბუკი ქუჩაში გააჩერა, თავის ოჯახში ყავაზე მიიპატიჟა და ასწავლა რამდენიმე სიტყვა: „იეს“ „მონი“ და „ოლრაიტ“, რომ ამერიკაში არ დაბნეულიყო. სახომალდო კანტორაში მთელი ერთი საათი უხსნიდნენ გვენდურს. არიგებდნენ, როგორ უხდა მოქცეულიყო რეკიავიკიში, ვინ უნდა მოენახა, ვისთვის მიეცა ხომალდის ბილეთის ფული. ერთი კაცი სიგარით გაუშაპინძლდა გვენდურს, მაგრამ ბიჭს იქვე, სანაპიროზე ამოასაქმა. ქუჩაში ხშირად აჩერებდნენ გამვლელები:

— შენა ხარ?

ის არის, ის.

ქალები ფარდას ასწევდნენ, სარკმლიდან იყურებოდნენ, თავით ფეხამდე ათვალიერებდნენ გვენდურს რომანტიკული ცნობისმოყვარეობით. მათ იცოდნენ, რომ ეს ჰაბუკი ამერიკაში მიდის. ის არის, ის. ბიჭები სახლის კუთხეს მოეფარებოდნენ და უყუროდნენ: „ამერიკა! ამერიკა! ჰეი!“ ასე დიდების ბურანში გაიბრძნა ორმა დღემ. გვენდურმა იცოდა დანა და თოკი. ამერიკაში წამსვლელისათვის ხომ თავი და თავი ეს არის. ხომალდი მეორე დღეს უნდა ჩამომდგარიყო. სამზადისი დამთავრდა, ნახევარი დღე კიდევ მის განკარგულებაში იყო. ახლა აუსტა სოულილია უნდა მოგძებნოო, გადაწყვიტა გვენდურმა. მიიკითხ-მოიკითხა და მალე მიაგნო. თურმე აუსტა ერთი მეთევზის ოჯახში მუშაობდა მოახლედ. მისი გოგონა უკვე ხუთი წლისა იყო.

— ბიორტი ჰქვია, — უთხრა აუსტამ გვენდურს. — მე ოვითონ დიდა ბავშვი ვიყავი მაშინ, ეს რომ შემეძინა და უკეთესი სახელი ვერ მოვიგონე. ტანად დილია ჩემი გოგო, თავის ასაკთან შედარებით. საქმელი ახლა საკმარისი აქვს. ცალ თვალს ჩემსავით აელმებს. რას იზამ, დედას დაემსგავსა.

აუსტამ შვილს აკოცა. ამ ხუთი წლის მანძილზე თვითონ ძლიერ გამოცვლილიყო. დაქალბუღიყო. ახლა გვენდურის წინ ახალგაზრდა. მაღალი, გრძელფეხება ქალი იდგა. თეძოები ზომაზე განიერი ჰქონდა. მხრები კი ვიწრო. ცოტა მოხრილიც იყო, ადარ ჰქონდა ისეთი სავსე, მაღალი მკერდი, როგორც თხუთმეტი წლის ასაკში. მოვერცხლისფრო-რუხი თვალები, მუქი წარბები, ხშირი წამწამები და ფერმართალი სახე ჰქონდა. ბაგის ნაზი, რბილი მოხაზულობა, უწინ რომ ასე ამშვენებდა, ახლა მკვეთრ, მკაცრ იერს აძლევდა

მას საჩივს. მისი კბილი ჩანს უკონდა. თავალს უფრო აელმებდა — ალბათ დაღლილობის გამო. ხელის მტევნები გრძელი ჰქონდა, გამხდარი, მაგრამ ლამაზი მოყვანილობისა. მხრები გაღებული, ყელი ჩერ კიდევ ნორჩი და თეთრი, ხმა ციცი და მკანხე. აუსტას თმა შევეკრიჭა, ერთი კულული სულ თვალზე ეფინჯბოდა. მთელი მისი იერი რაღაც დიდ ძალაზე და ამავე დროს სისუსტეზე მტყვევლებდა, მიმზიდველიც იყო და უსანდომოც, არ შეიძლებოდა ყურადღება არ მიგვეკეთა მისთვის, თვალში არ გვემოდა. ერთი უფერული ნაკვთი არა ჰქონდა, თვალებიც ძალზე ცოცხალი და მტყვევლი. მისი ყოველი მოძრაობა რაღაც ღრმა თავისებურებას გამოხატავდა. მასში ყველაფერი ეწინააღმდეგებოდა ერთიმეორეს — სიხარული და სევდა, დამცირება და სიამაყე. ამ ქალის ცხოვრების გზა მწვავე ტანჯვის გზა იყო, გინდოდა მოფერებოდი, გულთბილად მოქცეოდი, ამავე დროს გინდოდა ხელი გეკრა და კვლავ მისკენ მიგიწვედა გული, იმიტომ, რომ ვერ გაუგე მას. ან საკუთარ თავს ვერ გაუგე. გვენდურმა უმაღლ იგრძნო. რაოდენ მაღლა იდგა აუსტა მასზე, მთუხედავად იმისა, რომ საბრალო ქალი ჰქუქუიანი თეთრეულის გროვასთან იდგა შეცბუნებულნი. თითქოს თავისი მხრებით, ზიდავსო მუელი ხალხის საუყუნოვანი დამცირების სამარცხვინო ტვირთს. და აი, დგას გვენდურს წინ აუსტა, წინა კბილი უკვე გაფუქებია, ხელი ჩაუქიღია თავისი უკანონო შეილისათვის... გვენდური ახლაც ისევე გააოცა აუსტამ, როგორც წინაო. როცა ერთ ჰერქვეშ ცხოვრობდნენ, როცა ის მათი უფროსი და იყო. არა, ისინი ერთმანეთის ნათესაეები არ არიან...

— ამერიკაში მივემგზავრები. — უთხრა გვენდურმა აუსტას.

— საბრალო ბიჭო, — გულგრილად, ყოველგვარი თანაგრძნობის გარეშე თქვა აუსტამ.

— აქ ახლა კარგი დრო დაუდგა ხალხს, მაგრამ მე მაინც დარწმუნებული ვარ. რომ ამერიკაში უფრო დიდი რამის მიღწევა შეუძლია ადამიანს.

— ვინ გამოგგზავნა ჩემთან?

— არავინ. გამოსამშვიდობებლად მოვედი.

აუსტამ ცივად გაიცინა.

— რატომღაც მეგონა, ჩვენ ოჯახში მარტო წენ იყავი უღარიღელი, არასოდეს არაფერზე არ ინაღვლებდი, მეგონა, შენც გახდებოდი დამოუკიდებელი კაცი. როგორც ზაფხულის სავანელი ბიარტურა.

ეს სიტყვები: „ზაფხულის სავანელი ბიარტური“, — ცივი ღიმილით თქვა. მტკიცედ. ის აღარ იყო მგრძნობიარე და გულჩვილი.

გვენდური ჩათქიწრა, აუსტას არ უყურებდა, ეშინოდა აზრის ძაფი არ გაიწყდესო

— იცი რა... — თქვა ბოლოს ქაბუქმა. — არის ისეთი ძალა... იგი თავის ნებაზე გვატარებს, ხელში ვყავართ ჩაპედილი. არ ვიცი, რა ძალაა ეს. მაშას ხომ მტკიცე ხასიათი აქვს, მაგრამ არც ის არის თავისუფალი. ვიღაც მასზე ძლიერს და მტკიცეს უჭირავს ხელში.

აუსტა ყურადღებით ჩააქვერდა გვენდურს, თითქოს მის სულში ჩაწვდილას ლამობსო, თითქოს აინტერესებს, რის გაგება შეუძლია ამ ქაბუქსო...

— კოლუმბილიზე ხომ არ ამბობ? — ცივად ჰკითხა აუსტამ მას.

იმ დღეს თითქოს დაძმა ერთმანეთს აოცებდა.

— არა, — უპასუხა გვენდურმა, — ეს ის ძალაა, რომელიც არასოდეს არ მოასვენებს ადამიანს, გამუდმებით ამოქმედებს, მბრძანებლობს მასზე, აიძულებს იმუშაოს.

— მართალი გითხრა, ველარ გცნობ, გვენდურ, თითქოს ის გვენდურო აღარა ხარ, უწინ რომ იყავი.

— ეს იმიტომ, რად ფული მივიღე. როცა კაცს ფული აქვს, ყველაფერს სულ სხვა თვლით უყურებს.

— და მაინც შენ ვერასოდეს თავს ვერ დააღწევ მას.

— ვის?

— ზაფხულის სავანელ ბიარტურს. გინდაც გძულდეს, იგი მაინც შენში ცხოვრობს და შენ საკუთარი თავი გძულს. ვინც იმას ლანძღავს, თავის თავს ლანძღავს.

ეს ველარ გაიგო გვენდურმა.

— შორეულ ქვეყანაში თუ წახვალ და ახალ ცხოვრებას დაიწკებ, იქნებ მაშინ გახდე თავისუფალი, — თქვა გვენდურმა.

აუსტამ ცივი ხმით გადაიხარხარა:

— მეც ასე ვფიქრობდი იმ დამეს, შინიდან რომ წამოვედი, როცა იმან გამომავდო. ღმერთს მადლობას ვწირავდი იმისათვის, რომ მან გამომავდო. ფეხშიშველი მოვეყვებოდი უშენს, მოვდიოდი მთელი დამე, გათენებამდე. მე სხვა ქვეყანაში მივდიოდი.

— შენ?

— ჰო, მე ჩემს ამერიკაში მივდიოდი. შენც წადი შენს ამერიკაში. ბედნიერ მგზავრობას გისურვებ.

— შენც მამაჩემივით ხომ არ ფიქრობ, რომ რქ ვერაფერს მივალწევ?

— არა, ამას არ ვამბობ, ძვირფასო გვენდურ. მე მხოლოდ ის ვიცი, რომ შენში ცხოვრობს ზაფხულის სავანელი ბიარტური და ჩემშიც, მიუხედავად იმისა, რომ მას არ ვენათესავები.

— იცი, ის ხომ კარგია, — თქვა გვენდურმა. — მამა იმ ხალხის რიცხვს ეკუთ-

ვნის, ვინც არასოდეს არ ნებდება. ამ დღეებში ოხუთმეტი ათასი კრონა შეაძლიეს კარ-მიდამოში და ცივი უარით გაისტუმრა, ჩემი ყურით გავიგონე. ასეთი სიმტკიცის პატრონი ბევრ რამეს მიაღწევდა, უცხო ქვეყანაში, მაგალითად, ამერიკაში რომ წასულიყო. როგორც ამბობენ, იქ მართო რქოსანი პირუტყვის სათვალავს ეწვეიან.

— ახლა თვითონ არა თქვი, რომ არის ისეთი ძალა, რომელიც თავის ჭკუაზე გვატარებს, რომელსაც ხელში ვყავართ ჩაქერილი?

— ეს ისე ვთქვი, მე ხომ კოლუმეკილის არსებობა არა მყერა.

— ეგ არც არის კოლუმეკილი, — უპასუხა აუსტამ. — ეგ ის ძალაა, რომელიც სამყაროს მართავს, რაც გინდა ის დააჩქვი, ჩემო გვენდურ.

— ღმერთია?

— დიახ, თუ ღმერთს ნებაეს, რომ ადამიანმა სიკვდილამდე იმუშაოს მონურად, წელგაუმართავად, რომ მას აკლდეს ყველაფერი, რის მოცენაც ცხოვრებას შეუძლია. — მაშინ ეგ ძალა ღმერთია. მაგრამ, ჩემო კარგო გვენდურ, საქმეს უნდა მივხედო, ველარ გაეჩერდები შენთან.

— მოიცა, ყური მიგდე. აუსტა, — სთხოვა გვენდურმა. აუსტას ნათქვამიდან ვერაფერი გაიგო, მისთვის ეს ღრმა სიბრძნე იყო. — რაღაც უნდა გიხსნა გამოთხოვებისას... აი, მე მიედივარ და მიხდა ჩემი ცხვრები გაჩუქო.

წასასვლელად გამზადებული ქალი უცებ შემობრუნდა და გვენდურს მიაჩერდა, მის მზერაში გულწრფელი სიბრალული გამოიხატა, ასე იბრალებენ ხოლმე სულელს, როცა ლაპარაკში მთელ თავის თავს გამოამყდავნებს. მერე ისევ ცივად გაიცინა და თქვა:

— მადლობელი ვარ, ჩემო ძვირფასო გვენდურ, მაგრამ საჩუქრებს ოციო ზაფხულის სავანელი ბიარტურის ვაჟისგანაც არ მივღებ. ნუკი მიწყენ. პირველად როდი ვამბობ უარს საჩუქრებზე. ზარშან ზამთარს, როცა მე და ჩემი გოგო ეშმიშლიობდით, ფიორდის გარეუბანში ცივ სარდაფში ვიყინებოდით. ერთ საღამოს ჩემთან საიდუმლოდ მოვიდა ყველაზე ძღვევამოსილი კაცი ამ კუთხეში და მითხრა, რომ მე მისი შვილი ვარ. შემომთავაზა ბევრი ფული, მითხრა, რომ მზრუნველობას არ მოგვაკლებდა მე და ჩემ შვილს და იცი რა ვუპასუხე? მირჩევნია მომიკედეს ეს შვილი. ვიდრე შენგან რაღე მივლო-მეთქი... — აუსტამ ისევ ცივად გაიცინა და დაუმატა: — მე და ბიარტიც ხომ დამოუკიდებელი ადამიანები ვართ, თავისუფალი სახელმწიფო, ზაფხულის სავანელ ბიარტურზე, ჩემი გოგოს სეხნიაზე. ნაკლებ როდი გვიყვარს თავისუფლება. თავისუფლებაში შიმშილით სიკვდილი გვირჩევნია სხვისგან მოწყალების მიღებას.

აი როგორი იყო ეს ქალი, უშენიდან გაზაფხულის ერთ დილას რომ ფე-

ხით ჩამოვიდა აქ. მთელი ღამე იარა. მოდიოდა ყმაწვილი ქალი, ბოდიოდა და ოცნებობდა წმიდათა წმიდაზე. ხამლი შემოეხა, ფეხშიშველი დაჩა. ისიც ამერიკაზე ოცნებობდა, ისიც ამერიკაზე ამყარებდა იმედებს. ბავშვობას უკან რომ მოიკოვებ და მოწიფული გახდები — აი, რა არის ამერიკის აღმოჩენა. ამით ამყობდა ახლა ძმის წინ, რომელმაც ჯერ ვერ აღმოაჩინა ეს სახელგანთქმული ქვეყანა, თავისი უმწეო ოცნებების საგანი. დიას, სამება იყო, აღრიანი დილა, ყმაწვილ ქალს ეჩვენებოდა, რომ ზღვიდან ამოიბართნენ ახალი ქვეყნები, დილის მზის პირველ სხივებში ალივლივებდნენ თავის ძვირფას ნიუარებსა და მარჯნებს. ხედავდა ძველ ქვეყანასაც, სურნელოვარ ბალნარებს, მშვიდად მოშრიალე ტყეს, პალმის ხეივნებს. ზღვის პირას კი, მდუღობზე მისი სახლი იდგა. „თეთრი სახლი“. ის საოცნებო თეთრი სახლი გაფისული ჭაღალდით გადახურული შავი ქოხი გამოდგა, პაწია საკმლის რაფაზე. ზღვას რომ გადაპყურებდა, მიწით სავსე დაყანგებული თუნუქის ორი ქილა იდგა, საკვამური მილი გადაბრეცოდა, კარისკენ კი ორი ჩამტრეტული საფეხური აღიოდა. ტყე სადღა იყო? სახლის ირგვლივ მიმოფანტული იყო ნაპირზე გამოროყული ჩამშკნარი წყალმცენარეები. იქვე პატარა, ერთი ნაბიჯის სიგანე ნაკადული ჩამორბოდა. ორი ბიჭი თამაშობდა ნაკადულის ნაპირას, ბრტყელი ჭოხებით ამოჰქონდათ შლამი ფსკერიდან. ყმაწვილი ქალი ნაკადულთან შედგა, მისი ხნის გოგონა, ოღონდ მასზე უფრო გამხდარი, ატრიებულ ბავშვებს მოშმინებდა. ბავშვები საყმაწვილოსაგან გალურჯებულები და გაფითრებული იყვნენ. ზღურბლზე კი იდგა დიასახლისი, ფეხშიშვე. ხელში ძუძუთა ბავშვი ეჭირა და ილანძღებოდა. ლექსთმჩხანელები, კაცთმოძულე ცრუპეტელები სწორედ აუსტასა და მისი მიჯნურისთვის წერენ წიგნებს მზის შუქითა და ოცნებებით აღსავსე ზღაპრულ ქვეყნებზე. ოქროსფრად დაფერილ ხეივნებზე. წერენ იმისათვის, რომ მოატყუონ ისეთი ადამიანები, როგორც აუსტა და მისი მიჯნურია, დასცინონ, თავსლაფი დაასხან მათ! ყმაწვილი ქალის მიჯნურს ქვეყნად არა ებადა რა ასეთი ოცნებების გარდა და არა ენერჩებოდა რა უგონოდ დათრობის გარდა.

გვენდურს გაახსენდა, რომ მამის დავალება არ შეუსრულებია. ერთი წუთი კიდევ მოიცადო, უთხრა აუსტას..

— მამამ მთხოვა გადმომეცა შენთვის, რომ ზაფხულის საეანეში ყველაფერი ძველებურადაა. ახალი მარტო ის არის, რომ სახლის აშენებას აპირებს. აუსტამ გაოცებით შეჰყვირა:

— მამამ დაგვალა, ჩემთვის გეტქვა ეს?

— არა, არ დაუვალებია, ისე თქვა. მან ლექსის წაკითხვა დამევალა. და გვენდურმა ლექსი წაუკითხა.

აუსტამ გაიცინა:

— სალამი გადაეცი მამაშენს, — სულ გადაავიწყდა, რომ გვენდური ამერიკაში მიდიოდა, — უთხრა, წინასწარ ვიცი, როგორ ფარქსაც ამენებს სახლის მაგიკრად, რომ საკმაოდ კარგად მაქვს შესწავლილი მისი უაზრო ლექსები, რომელთაც დიდი გაკირვებით თხზავს. მე დანიშნული მყავს, ახალგაზრდა ნასწაველი ვაჟი, ნამდვილი პოეტი. სანდვირეში მას შესანიშნავი პატარა სახლი აქვს და დედასთან ერთად ცხოვრობს. ორი წლის წინათ მთხოვა, ცოლად გავყოლოდი. ის არასოდეს არ გამომაგდებს სახლიდან, იმიტომ რომ ვუყვარვარ... ასე მოახსენე ზაფხულის სავანელ ბიარტურს.

ეს იყო მისი უკანასკნელი სიტყვები. თუ რამე როგორი გახდა ყმაწვილი ქალი. გაიმარჯვა მარცხენა დაწვეში. თუმცა, იქნებ სწორედ ამან იხსნა უმწეო, უსუსური მარჯვენა დაწვეი, ზაფხულის სავანელ ბიარტურს რომ მოაპყრო აუსტა სოულილიამ ივლისის იმ ღამეს?

თ ა ვ ი ს ა მ ო ვ ჯ ა მ ე ხ მ თ ი

ა მ მ რ ი კ ა

— შენ ხარ? — ჰკითხა მან.

— დიახ, მე ვარ, — უპასუხა ჰაბუკმა.

ასე გაიცნეს ერთმანეთი.

მაღალი სახლი, ოთხკუთხა კოშკით, მზის სხივებში ბანაობს. გარს არტყია მწვანედ მოღალანე დიდებული ბაღი. დღე იწურება და ჩამავალი მზის მოწითალო ათინათი დასთამაშებს ხეხილის ფოთლებს.

— გიხარია? — ჰკითხა მან.

მას მაღალყელიანი ჩექმები ეცვა, მუხლებამდე ვიწრო, შემოსხეპილი. მუხნსზემოთ კი გაშლილი, მკლავები მხრებამდე მოწიშვლებული ჰქონდა. სადავით ეკირა ნაპატივები, ფაცხი, ჯიშინი ორი ცხენი. ცხენებს აპრეშუძივით უბზინავდა კანი. ყმაწვილ ქალს ოქროსფერ კულულებზე მზის შუქი დასთამაშებდა, ნორჩი მკერდი აუღ-ჩაუღიოდა, წვრილი წელი ჰქონდა, მისი წარბები თითქოს უდარდელად მიფრიახედნენ აქეთ-იქით, თვლები კი ერთდროულად ცასაც მოგაგონებდათ და ცაში მოლოვლოვე მიშინოსაც, მის სახეს სინორჩის ფერი დაჰკრავდა — შეუღარებელი ფერი ქვეყნიად -- ახლადმოწველილ სქელ რძეს რომ მოჰგავს და თითქოს თდნავ მოწითალო, ან სულ ოდ-

ნავ მომწვანო ფერი გადაჰკრავს. ის თვით სილამაზაა. ჰაბუტს არასოდეს უნა ხავს მსგავსი მშვენიება. ყმაწვილი ქალი ოღნავ ცხვირში ლაპარაკობდა. მკოე-რი ნოტით ამთავრებდა ყოველ ფრაზას. იცინოდა, როცა ხუმრობდა და იცი-ნოდა მაშინაც, როცა სერიოზულად ლაპარაკობდა. გვენდური სულ დაიბნა.

— არავინ გიშლის, შემოდი ბაღში, — უთხრა ყმაწვილმა ქალმა.

გვენდურმა ჰიშკარი შეაღო.

— ცხენები დამიჭირე, ვიდრე მოვალ. — უთხრა ყმაწვილმა ქალმა და გა-უჩინარდა.

დგას გვენდური ბაღში, ცხენები სადავით უჭირავს, ცხენები ტოკავენ მოუთმენლად ეხახუნებიან ჰაბუტს, ის კი დგას, ელოდება დიდხანს. დიდხანს ის არ ჩანს. ალბათ აღარ გამოვა, გაიფიქრა გვენდურმა და სწორედ ამ დროს გამოჩნდა კიდეც.

— შოკოლადი გინდა? — ჰკითხა გვენდურს და შოკოლადი გაუწოდა.

— კიდეც გინდა? — ისევ გაუწოდა შოკოლადი. -- ნეტა შენთან ერთად მიველოდე. ოჰ, რაირე მინდა ამერიკაში წასვლა, რომ იცოდე! ყური მიგდე, ხომ არ წამიყვან თან?

გვენდურს აღმურმა აჰკრა სახეზე. ასეთი ქალიშვილი წაიყვანოს თან? ეს რაღაც მთლად სწორი არ არის. მაგრამ მაინც დაეთანხმა. დიახ. წაიყვანს ამე-რიკაში. ხომალდი ამელამ ჩამოდგება, ხვალ დილით ადრე აუშვებს იალქნებს. ყმაწვილმა ქალმა გადაიკისკისა. რა სასაცილოა, რომ ჰაბუტმა მისი წაყვანა გადაწყვიტა.

— რა კეთილი ხარ, — უთხრა ყმაწვილმა ქალმა სიცილით. — სჯობა ჯერ ცხენებით გავისივინოთ. ქურანზე შენ შეჩქეჟი. მართალია, მარტო ავშარის აშარაა. მაგრამ არა უშავს რა. რედსმირში მიინდა წასვლა, ბებია და ბაბუა უნდა მოვიინახულო. დაუნაგირებული არ არის ქურანი, მაგრამ რა ვუყოთ, რედსმირი აგერაა, ყურის ძირში, სულ რაღაც ერთი მილის მანძილზე.

დიახ. დიახ, დიახ, მისთვის სულ ერთია, განდ თხუთმეტრი მილი იყოს რედსმირამდე. მაინც წავა შეუჟახმავე ცხენით და გვენდური ზურგზე მოველო ცხენს. ვერ მოასწრეს ამხედრება, რომ ცხენები ადგილს მოწყდნენ. თეთრი რაში ოთხამოლებით მიაჭროლებდა ყმაწვილ ქალს, ქურანი მისდევდა. შოკო-ლებელი იყო მისი შეკავება, ერთთავად თავს იქნევდა, ჰიმავდა ავშარას. ყმაწ-ვილმა ქალმა გზატკეცილზე გადაუხვია, სავაჭრო მოედნიდან ზევით მიშავა-გზაზე, ქურანი უკან მიჰყვა, სულ ფრუტუნებდა, თავს იქნევდა. ოთქოს ჰირ-ველად ამოსდესო ავშარა. ყმაწვილი ქალი დროდადრო მობრუნდებოდა სი-ცილით გადმოხედავდა ჰაბუტს, ოქროსფრად მბზინავ თმას ქარი უწეწავდა. გუდმუნდურ გუდბიარტურსონს არასოდეს ჰყოლია ასეთი ზღაპრული, ფიცბი-

შერანი! ციციბო ფერდობი ისე აიარეს ცხენებმა, თითქოს სწორ გზაზე მიდიანო, ქარივით მიჰქროდნენ დაკლანჩილ გზაზე და ჰაბუჯი ფაფარში ჩააფრინდა ცხენს, რომ არ გადმოვარდნილიყო.

მხედრებმა მალე მიიღწიეს მანანის ბუჩქებით დაფარულ უშენს, გაპყვნენ ზრამის ნაპირს, რომლის იქითაც მწვანედ ბიბინებდა მდებლობი. მაგრამ თეთრამ უცებ შეიცვალა გეზი, თვალის დახამხამებაში შეტრიალდა, გადაეკლო ღრამს და ბრახ... ყმაწვილი ქალი პირალმა გდია ბალახში, ფეხებს ჰაერში ასავსაევებს. ქურანმა თეთრას მაგალითს მიბაძა, ისეთი 'ძალით' აპყარა ფეხები, რომ გვენდური ყირამალა გადატრიალდა, თავზე გადაეკლო ცხენს და მიწაზე გაიშხლართა. მხედრებისაგან განთავისუფლებული ცხენები გაიჭრნენ მდებლობზე, თავის ქნევითა და ფაფარის ფრაალით მიჰქროდნენ ერთ ხანს, მერე შედგნენ და ბალახის ძოვა დაიწყეს. ყმაწვილი ქალი ბალახში გდია და კისკისებს.

გვენდური წამოხტა და ჰკითხა:

— ხომ არაფერი იტკინე?

მაგრამ ყმაწვილი ქალს გაჩერება აღარ შეუძლია, კისკისებს და კისკისებს, არაფერი ამის მსგავსი არ გადახდომია.

გვენდური ცხენების დასაბორკავად წავიდა, როცა დაბრუნდა, ყმაწვილი ქალი უკვე ბალახში წამომგდარიყო და თმას ისწორებდა. გვენდური გვერდით მიუჯდა. სადღაც ქვევით, თითქოს ჩიტის თვალსაწივრიდან უყურებენო, მოჩანდა სავაქრო მოედანი, ბაღები, სახლების ახლადშეღებილი სახურავები — უტყუარი საბუთი კეთილდღეობისა, რაც ხალხს მსოფლიო ომმა მოუტანა. იქიდან ზღვაც ჩანდა, მშვიდი, მოსარკული, პორტიონტამდე გადაქრული, მარადისობასავით უკიდევანო ზღვა. თითქოს დაუჯერებელია, რომ სამყარო ავ ზღვის იქით არ მთავრდება, რომ იქით ნაპირზე იწყება სხვა, უკეთესი სამყარო. ნუთუ ეს მართალია?

— რა ბედნიერი ხარ, რომ ზღვით იმოგზაურებ!

— ძალიან შემეშინდა, ხომ არაფერი იტკინა-მეთქი, — უთხრა გვენდურმა, — რა ფიცხი ცხენებია!

— რას ამბობ, ამან გაგაკვირვა? ჩეულებრივი ცხენებია, აი, ხომალდით გამგზავრება ამერიკაში კი...

— რა გქვია? — ჰკითხა გვენდურმა.

ყმაწვილმა ქალმა ეშმაკურად გადახედა, გადაიკისკისა, გამოაჩინა სწორი, თეთრად მოელვარე კბილები.

— რაში გპირდება ჩემი სახელი, თუკი ამერიკაში მიდიხარ?

— ისე მინდა გავიგო!

— არა. არ გეტყვი. მანამ არ გეტყვი, ვიდრე ამერიკიდან არ დაბრუნდები. ყური მიგდე, რა უნდა აკეთო იქ, რა უნდა გამოხვიდე, როცა ამერიკაში ჩახვალ?

— ჯერ თვითონაც არ ვიცი, — ისეთი კილოთი უთხრა ჭაბუკია, ოთქოს იცის. მაგრამ გამხელა არ უნდაო.

— არ იცი, თუ არ გინდა მითხრა?

— ამერიკაში რაღაც გინდა. იმად ვახდები. არავინ იცის, რას აკეთებს იქ ჩემი ძმა. ის კი ცხადია, რომ ფული ჩეჩქივით აქვს, სულ ცისფერი ქაღალდები. მთელი დასტა ფული გამომიგზავნა. ამერიკის ზოგი კუთხე სულ უღრანო ტყით არის დაფარული, ურიცხვი ნადირია იქ.

— ნადირი? — მღელვარებით გაიმეორა გოგონამ. — ნადირობას ხომ არ აპირებ?

— რა თქმა უნდა, ვინადირებ. - - რა კარგი ქნა, ნადირზე რომ ჩამოავდო სიტყვა. ის ხომ მართლა აპირებს ნადირობას.

— ყური მიგდე, — დაიწყო ყმაწვილმა ქალმა, -- შენი ძმის სურათი ხომ არა გაქვს? იმისი, რომელიც ამერიკაშია. -- სურათი გვენდურს არა ჰქონდა — მაინტერესებს როგორია, ალბათ ისეთი იქნება... განსაკუთრებული, როგორც ნამდვილი უცხოელი, არა?

— ჩემი ძმა მაღალი ბიჭია, ჩემზე გაცილებით მაღალი. სიმღერაც იცის მერე როგორ მღერის! კარგად იცვამს. დაწმუხნებული ვარ, რომ ორი კი არა, სამი ხელი საგარეო ტანსაცმელი აქვს. ძალიან ჰკვიანია. ქვეყხად ისეთი არა არის რა. იმან რომ არ იცოდეს. პატარაობიდან სულ მოგზაურობაზე ოცნებობდა.

— ისიც ნადირობს?

— დიახ, ნადირობს, ირმებზე და ავაზებზე. ოავი და ბოლო არ უჩანს იმ ტყეს. სადაც ის ცხოვრობს. ერთი თვე უნდა ვიმგზავრო, რომ იქამდე მივალწით.

— წარმოგიდგენია, რა საინტერესოა?.. თქ, რომ იცოდეს, როგორ მინდა ამერიკაში წასვლა!

გვენდურს თავისი თავისა თვითონვე უკვირდა, უკვირდა, რომ ნამდვილი მამაკაცივით იქცეოდა, შეკითხვებზე თამამად პასუხობდა ამ მშვენიერ ქალიშვილს, რომელთანაც ისე საამო იყო ყოფნა, არასოდეს, არასოდეს ასე თავისუფლად არ მოწყვეტია პირიდან სიტყვები, გეგონებოდათ, ყოველი სიტყვა, რომელსაც ეუბნებოდა ყმაწვილ ქალს, სრულიად უმნიშვნელო სიტყვებოდა კი — ყავილად იქცეოდა. მაგრამ უცებ ერთმა აზრმა გაუელვა და გაოცდა:

— ვერ გამიგია -- დაიწყო გვენდურმა, — რატომ გინდა ასე ქლიერ

ამერიკაში წასვლა, როცა აქ კომუნიან სახლში ცხოვრობ, სამომხმარებლო სა-
ზოგადოების დუქანში, რაც გინდა, ყველაფრის ყიდვა შეგიძლია, ასეთი საუც-
ხოო ცხენები გყავს...

ყმაწვილი ქალი ჩაფიქრდა და უპასუხა:

— შენ, რა თქმა უნდა, მართალი ხარ. ისე ვამბობ, სისულელეა ამაზე
ლაპარაკი. რა მინდა ამერიკაში. არასდიდებოთ არ წავალ. თუ მამა წამიყვანს
მამინ სულ სხვაა. მაგრამ როცა სხვები მიდიან იქ, თავგზას ვკარგავ. მეც არ
ვიცი, რა მომდის. იმიტომ, რომ ის ქვეყანა სადღაც შორს. შორს არის. იმი-
ტომ, რომ ზღვა მიყვარს. ზღვა ისეთი ავალუნუფდენია. რომ ზღაპარსა ჰგავს..
ისინი კი, ვინც იქიდან ბრუნდებიან, დიდი კაცები ხდებიან. პატარა რომ ვი-
ყავი. ასე მეგონა, საზღვარგარეთ მხოლოდ რჩეული, დიდი ადამიანები მიდი-
ან-მეთქი. როგორიც, მაგალითად, მამაჩემია, იქნებ ეს სისულელეა, მაგრამ
იქნებ სწორიც არის, არა? ყური მივღე. ნუ დამივიწყებ, როცა ამერიკაში ჩა-
ხვალ.

— არ დაგივიწყებ, — ჩურჩულით უპასუხა გვენდურმა, სახეზე წამოენ-
თო და თავი დახარა. თვალი ველარ გაუსწორა ყმაწვილ ქალს, მაგრამ გრძობ-
და, რომ იგი მას უყურებდა.

— იცი რა უნდა გითხრა? შენი ძმა შემიყვარდა. მამამე რამე მასზე. არა-
სოდეს არ დაბრუნდება აქ?

— არა, ჩემი ძმა არასოდეს არ დაბრუნდება. მე კი, იქნებ დავბრუნდე, —
გვენდურმა გამბედაობა მოიკრიბა და დაუმატა: — თუ შენ ინდომებ, დავ-
ბრუნდები.

ყმაწვილმა ქალმა თავით ფეხამდე შეათვალღერა კაბუკი, თოქოს გონე-
ბაში შეაფასაო იგი, თითქოს ასწონ-დასწონაო მისი დღევანდელი დღე და მო-
მავალი, ერთმანეთში ურეგდა სინამდვილესა და ფანტაზიას, ცალი ოვალით
კაბუკს შეკუყრებდა, მეორე ზღვისკენ ეჭირა. ეს ზღვა უნდა გადაეცურა
კაბუკს და ყმაწვილ ქალს სწორედ ამიტომ შეუყვარდა იგი, რომ მას უნდა
გაოაეცურა უკიდევანო ზღვა, რომ იგი დიდი კაცი უნდა გამხდარიყო ზღვის
იქითა მხარეს, იმიტომ, რომ იქ. ტყეში, ბევრი ნადირია, იმიტომ, რომ იქიდან
უკვე ნამდვილი მამაკაცი დაბრუნდება...

— დაგელოდები, ვიდრე დაბრუნდები.

ის ყრმა იყო, ძალზე ნორჩი, თხუთმეტი წლის, ან იქნებ თოთხმეტისა. სა-
საცილო წერილობანობა იქნებოდა, ამის ზუსტად დადგენა რომ მოგვეწადინე-
ბინა, რადგან ის თვით ყრმობა იყო, ყრმობა, რომელიც არ უგრძობიათ ზაფ-
ხულის სავანელ ბავშვებს. არა, გვენდურს არასოდეს არ შეხვედრია ასეთი
გოგონა. არც ყმაწვილ ქალს შეხვედრია გვენდურის მსგავსი კაბუკი.

— იქიდან რომ დაბრუნდები, უფრო მაღალი იქნები, ვიდრე ახლა ხარ. აქ კი უფრო გაშლილი, — და ყმაწვილმა ქალმა მხრებზე და მკერდზე ხელი დაუსვა ჰაბუქს. — ღია ნაცრისფერი საზაფხულო კოსტუმში გეცმება, ყავისფერი ხაშლი, ქუდი, ზოლიანი პერანგი და გექნება ბევრი, ბევრი ფული. გარდა ამისა, ულტობი ქსოვილის ფართო მაკინტოში. პოდა, მიაშობ მანქანა, როგორ ნადირობდი უღრან ტყეებში ირმებსა და ავაზებზე. — ყმაწვილმა ქალმა თავი უკან გადასწია, ცას მიაპყრო თვალი და ოცნებას მიეცა. მერე გაიციანა, გვენდურისკენ დაიხარა და მზის ალერსიან შუქზე ოქროსფერად მოლივლივე მის თმაში, იქ, სადაც გაყოფილი ჰქონდა, გვენდურმა თეთრი ზოლი დაინახა. ყმაწვილი ქალი ლამის მკლავებში ჩაუწვა ჰაბუქს, მიეკრა, თან კისკისებდა. გაოგნებულ გვენდურს არ ესმოდა ცხადი იყო თუ სიზმარი ყოველივე. რაღა წასვლის წინ, სწორედ წასვლის წინ შეემთხვა ეს? და მტკიცედ გადაწყვიტა, რომ უსათუოდ, უსათუოდ დაბრუნდება ამერიკიდან.

შინ წასვლის დრო იყო, ყმაწვილმა ქალმა თმა გადაივარცხნა, ამ დროს იაფი გვერდზე ჰქონდა გადაწყული. გვენდური მიშტერებოდა მას და უნებლიეთ თვითონაც გვერდზე გადასწია თავი.

— ცხენები უნდა დავიჭიროთ, -- თქვა ყმაწვილმა ქალმა.

დაიჭირეს ცხენები. თეთრა და ქურანა ფრუტუნებდნენ, ლაგამის წაყრას ლამობდნენ, ერთს გვენდურმა ჩააელო სადავეში ხელი, მეორეს ყმაწვილმა ქალმა და ერთხელ კიდევ ალტაცებით გადახედა ზღვას, რომელიც ჰაბუქს უნდა გადაეცურა. ჰაბუქი კი თვალს ვერ ამორებდა მას.

—ახლა კი დროა გამოვეთხოვოთ ერთმანეთს, — ნაღვლიანად თქვა ყმაწვილმა ქალმა და ცხენის თავსზემოდან გაუწოდა ჰაბუქს ობილი, ფაფუკი ხელი, გვენდურმა ხელი ჩამოართვა. გოგონა მიხვდა, რომ ჰაბუქს არ უნდოდა მასთან განშორება, უხაროდა კიდევ ეს და თან სევდაც მოერია.

— როცა იქიდან დაბრუნდები, მე შეგხვდები, -- უთხრა ყმაწვილმა ქალმა, რომ გვენდურიც და თავისი თავიც ენუგეშებინა.

გვენდურს არაფერი უპასუხია. ყმაწვილი ქალი შედგა, თეთრ ცხენს კისერზე დაადო ხელი და ჰაბუქს შეხედა.

— საუცხოო ცხენები გყავს, — უთხრა გვენდურმა და აეთრ ქაკს ალერსით ფაფარზე ხელი გადაუსვა.

ყმაწვილმა ქალმა გაიციანა. სულ ერთნაირები არიან ეს ყმაწვილები, ერთთავად საბაბს ეძებენ დროის მოსაგებად.

— მომყიდე შენი ცხენები, — სთხოვა გვენდურმა.

— მოგყიდო? შენ ხომ მიდიხარ, რათ გინდა ცხენები?

— ჩემი ცხენები იქნებიან. მე ბევრი ფული მაქვს.

— როცა ამერიკიდან დაბრუნდები, გაჩუქებ ამ ცხენებს.

— რა გქვია?

— აკი გითხარი, როცა დაბრუნდები, სახელს მაშინ გეტყვი-მეოქი.

— შენი სახელი თუ არ მეცოდინება, აბა, როგორ ვიცხოვრო იქ?

— წერილის მოწერას ხომ არ აპირებ?

— რატომაც არა.

— ცოტა კიდევ გავიაროთ, მოვილაპარაკოთ ამაზე.

დაძრეს თუ არა ცხენები, თეთრა ისევ წინ გაენთო, ქურანა მიჰყვა. მიწა მშრალი იყო და უცებ გაეხვიენენ მტვრის ბოლქვებში, ქარი სახეში სცემდათ, ორივე იცინოდა, მიქროდნენ ჩამავალი მზისკენ. ეს იყო ფანტასტიკური არსებების ქროლვა ღრუბლებში, მზის შოლადლადე აღისკენ.

ეს იყო ქვეყნად ყველაზე წარმტაცი მოგზაურობა. ცხენები გამალებული მიქროდნენ, ნაბიჯს არ ანელებდნენ, ჭაბუკი და ქალიშვილი არ ლაპარაკობდნენ. სადღაც შორს, უშენში თეთრად აღაპლავდა ტბა, გამოჩნდა ირგვლივ შემოჭრული შავი კლდეები, ხავსი, თეთრი ჩამქვნიარი ბალახი და წითელი თიხა. სამხრეთით კი, შორს, მთიისფრო-მოცისფრო ნისლი მარმარივით შემოხვეოდა მთებს და მოჩანდა დათოვლილი მყინვარები. ზღვა დიდი ხანია თვალს მიეფარა. დღე მიიწურა. ცხენების ფლოქვების თქარათქარზე ბალახიდან ჭყვილით ამოფრთხილდნენ ველის დამფრთხალი ფრინველები, საძოვარზე გაშლილი ფარა წამოიშალა და გაიფანტა.

ჯერ ტბას არ მიახლოვებოდნენ, რომ ყმაწვილმა ქალმა ცხენი ნებაზე მიუშვა, ქურანი ძველებურად გაჰყვა თეთრას, ჯერ ზავსმოდებულ ქვებზე მითქარუნებდნენ, მერე ჭაობი გადაჰრეს და ტბის ცრებაო, ბალახოვან ნაპირს მიაღწენ. ეს ყველაზე მაღალი ადგილი იყო იმ მიდამოში.

ტბაში წყვილი გედი ცურავდა, ჩრდილები გაჯრძელდა, მზე ჰორიზონტს დაეკიდა, აგრილდა. ყმაწვილი ქალი დაქვეითდა, გვენდურის ჩამოხდა ცხენიდან. თეთრ ჭკას უნაგირზე დამაგრებული ჰქონდა დახვეული თბილი ლაბადა. გოგონამ ჩამოხსნა ლაბადა, მოიხვია, ჯიბიდან ტკბილეული ამოიღო და ჭაბუკს გაუნაწილა. შემდეგ ტბის ნაპირზე ჩამოჯდა და გვენდურს უთხრა:

— დაჯექი, — გვენდური გვერდით მიუჯდა. — შეხედე გედებს, — უთხრა გვენდურს და გედებს მიაჩერდა. — ხომ არა გცივა?

— არა, — უპასუხა გვენდურმა.

— მე კი გატყობ, რომ გცივა, ჩემკენ მოიწი, ლაბადას მოგახვევ, შენ ტანსაცმელს კვამლისა და ბუმბულის სუნი უდის, — უთხრა ყმაწვილმა ქალმა. გვენდურმა მისკენ მიიწია.

— რაო, რა თქვი, კვამლისა და ბუმბულის სუნიო?

— ჰო, მაგრამ შენ ლამაზი თმა გაქვს, — და თეთრი, ფაფუკი ხელი. გადაუსვა თავზე, — აქაც ფართო ხარ, აი აქაც. თვალები კი ისეთი გაქვს, ნამდვილი მამაკაცის.

გედები ნაპირთან მოცურდნენ, უყურებდნენ ქალ-ვაქს და დროდადრო ჩუმად სიოდნენ.

— შეხედე, რა ლამაზები არიან, როგორ ცურავენ, რა მომხიბლავია მათი ყოველი მოძრაობა.

— დიახ, — უპასუხა გვენდურმა. ის უყურებდა გედებს და ხედავდა იმის, რასაც ყმაწვილი ქალი ხედავდა. გვენდურს ჯერ მოეჩვენა, რომ ტბაში წყლის ჩვეულებრივი ფრინველები ცურავდნენ, მაგრამ ახლა კი მიხვდა, რომ გედები იყვნენ, დედალ-მამალი გედი, უბრალო ფრინველები კი არა, არამედ წყვილი და ამაში რაღაც ღრმა აზრი იყო.

— მათ ერთმანეთი უყვართ, — თქვა ყმაწვილმა ქალმა, თან გედებს თვალს არ აშორებდა.

გვენდურს ხმა არ ამოუღია, მდუმარედ შეეხო მის ხელს, უნებლიეთ, სხვა რით უნდა ეპასუხნა? შეიგრძნო ქალის ნორჩი ხელის სითბო. ეს უკვე თვით სიცოცხლე იყო. ასე ეჭირა მისი ხელი და გედებს შეჰყურებდა. გედები კი ნელა ცურავდნენ ნაპირთან ახლოს, თან მათ შეჰყურებდნენ.

— მომხიბლავები არიან, არა? — ჰკითხა ყმაწვილმა ქალმა ჰაბუქს და უცებ შეაჯრეოლა, მიეკრა, მისი თმა სახეში უხიციანებდა გვენდურს და იგი ცხელი ტუჩებით დაეკონა ქალს ლოყაზე.

— ფიორდში როგორ დაბრუნდები ახლა? — ჰკითხა ყმაწვილმა ქალმა და ეშმაკურად შეანათა თვალები.

— არსად არ მიმეჩქარება, — უპასუხა გვენდურმა, — დამე გრძელია, — და მერე ჩუმად დაუმატა: — ისე მიყვარხარ, ისე! მითხარი, მართლა დამელოდე-ბი?

— ჩუ... ნურაფერს იტყვი, — უპასუხა ქალმა და შიგ ტუჩებში აკოცა გვენდურს, ჯერ ერთხელ აკოცა და გაიცინა, მერე ორჯერ აკოცა, ამოისლუქუნა და მზურვალედ დაეკონა ჰაბუქს, თითქოს ის მისი საკუთრება ყოფილიყოს, — და თვალი დახუჭა.

არცა გვენდური დიდი, დიდი ხნის შემდეგ წამოდგა მისი თბილი ლაბადიდან, მზე კარგა ხნის ჩასული იყო, გედები გაქრნენ, იქნებ არც კი იყვნენ იქ. იქნებ თვალმა მოატყუა და ეს დამეც ჩვეულებრივი დამე იყო, გაზაფხულის დამე უშენში?

ყმაწვილმა ქალმა ცხენების დაქერა უბრძანა, შებრუნდა, შეიმალა თავის ლაბადაში და ნახევრად გადაწოლილი ისწორებდა კაბას, თმა გადაივარცხნა.

გვენდური გაოგნებული იყო, ერთი აზრიც კი არ უტრიალებდა თავში, დაჰკარგა წარმოდგენა სივრცესა და დროზე. ცხენები შორს წასულაყვნენ, ტბას მეორე ნაპირზე ბალახობდნენ, ქურანას აეშარა წაყვარა და გვენდურს დიდი ჭაპანწყვეტა დაადგა, ცხენი გაურბოდა, ახლოს არ იკარებდა, ჭაბუკი ხან გუბეში ჩავარდა, ხან ტალახში მუხლამდე ჩაეფლო, მისი პრილა ხამლი აღარ პრიალებდა. დიდი წვალების შემდეგ, როგორც იყო, ქურანა თეთრ ჭკათან მიიტყუა, ამერიკაში წასაღებად ნაყიდი თოკი, ლაშებში ამოსლო, ცხენებმა პატრონს მიჰგვარა. ყმაწვილი ქალი თვალის დახამხამებში მოეცლო უნაგირზე თეთრას და მიუშვა. ცხენი შურდულივით გაიჭრა.

ქურანას კი ვერა და ვერ მოერია გვენდური. ცხენი ხტოდა, ტლინკებს ჰყრიდა და გვენდური ახალა მიხვდა, რომ გაუხენდავ კვიცზე იჭდა. დიდი წვალებისა და ბრძოლის შემდეგ, როგორც იქნა, გზაზე გაიყვანა ცხენი. ყმაწვილი ქალი უკვე შორს წასულიყო, თეთრა თთხამოლებით, შურდულივით გადაჰკროდა ბორცვიდან ბორცვზე. ქურანამ დაიჭინინა და ამხანაგს გამოუდგა. მაგრამ თურმე დიდი ამტანობით არ გამოირჩეოდა, მალე დაიქანცა, გაიქაფა, ფერდობზე ფეხი დაუსხლტა, წაიქცა და მხედარი ძირს დასცა. გვენდურს ორივე ლოყა დაეკაწრა, წამოხტა თუ არა, უმალ საათი ამოილო ჭიბიდან, ხომ არ გამიტყუაო. არა, საათი არ გატეხილა, მაგრამ ღამის ორ საათს კი უჩვენებდა. ღამის ორი საათია, გვენდური ისე შორსაა ფიორიდიდან, ალბათ გათენებამდე ვერც მიაღწევს იქამდე. ცხენს რაღა უყოს? ხომ უნდა დაუბრუნოს პატრონს, ვიდრე ფიორდში ფეხით წავა?

— ჰეი-ჰეი! — გასძახა გვენდურმა დაწინაურებულ ქალს.

მაგრამ მათ შორის მეტად დიდი მანძილი იყო და — ყმაწვილი ქალი ბორცვს მიეფარა. უნდა დაეწიოს, უსათუოდ უნდა დაეწიოს, დაუბრუნოს ცხენი. და გვენდურმა ორფად გამონასკვა თავისი თოკი, რომ როგორმე მოერჯულებინა ქურანი, ისევ მოახტა ცხენს და გაქუსლა.

— ჰეი, ჰეი, — უყვიროდა ყმაწვილ ქალს. — ეპეი! შენი ცხენა, შენი ცხენი!

მაგრამ როცა მიაღწია უშენის დასავლეთ ნაპირს, საიდანაც მოელი ხეობა მოჩანდა თვით ზაფხულის სავანამდე, სამი საათი გახდა, განთიადი ახლოვდებოდა. თეთრას ფლოქვეებით აყენებული მტერის ბოლქვები სადღაც შორს, შორს, ქვემოთ მიიწვედა, ხეობის დასავლეთით. თეთრა შურდულივით მიჰკროდა, ოდნეავადც არ შეუწელებია ნაბიჯი. შეუძლებელია, შეუძლებელი, ვეღარ დაეწვევა, მით უფრო, რომ ქურანი სუსტი გამოდგა, დაიქანცა უკვე. გვენდური დაჰკვირვებდა, ახლადგაღვიძებული კრონწნეპები ყოველი კლდიდან. ყოველი ბორცვიდან შემოსჭყიოდნენ რაღაცას. ჩქარა უნდა გადაწყვიტოს, რა

ქნას, რა გზას დაადგეს! თუ ცხენს აქ გაუშვებს და ფიორდში ფეხით წავა, ჩაუსწრებს კია ხომალდს? ალბათ ველარ ჩაუსწრებს, თუ, რა თქმა უნდა, გემმა არ დაიგვიანა. უკვე სამი საათი იყო, გვენდური ცხენმა საშინლად გააწვალა, ორჯერ გადმოვარდა, გახელებულმა ჰენებამაც დაქანცა, გარდა ამისა, საშინლად შიოდა და უცებ გაახსენდა, რომ გუშინ დილას აქეო, სასტუმროში რომ ისაუზმა, პირში ლუქმა არ ჩასვლია, გარდა იმ ტკბილეულისა, ყმაწვილო ქალი რომ გაუმასპინძლდა.

თუ თავისი ხებით, პატრონის უკითხავად ქურანას ფიორდისკენ გააქროლებს — ეს კი ეპატიება, ასეთ უკიდურეს გასაჭირში მყოფს, — ჩაუსწრებს თუ ვერა გემს? და გვენდურმა გადაწყვიტა, რომ ბედი უნდა ეცადა, რომ მხოლოდ უკიდურესი გაჭირება აიძულებდა ჩაედინა ეს და რომ უპატიოსნებას ვერავინ დასწამებდა. ისევე მოახტა ცხენს, მაგრამ ქურანა გააჯღადა. ბევრი ურტყა ფერდებში მუხლები თუ მუშტები და მაინც ვერ გადაადგმევინა ნაბიჯი. ცხენი ყალყზე დგებოდა, ადგილიდან კი არ იძვროდა, მან იცოდა, რომ მისი ამხანაგი, რომლის გვერდითაც თავლაში იდგა, აღმოსავლეთისკენ წავიდა და ვერავითარი ძალა სხვა მხარეს ვერ წაიყვანდა. იმედი რომ გადაუწყდა, გვენდურმა ნებაზე მიუშვა ცხენი. როგორც კი თავისუფლება იგრძნო ქურანამ, ადგილს მოწყდა, გახელებული გაენტო ხეობისკენ, თავს აქნევდა, გამწარებული ფრუტუნებდა. ტიხვინებდა. ჭაობს რომ მიაღწივს, იქვე, ზაფხულის სავანესთან, გვენდურმა თვალი ჰკიდა, როგორ გადაიქროლა ერთ-ერთ ბორცვზე თეთრამ. მანასადაამე, ჯერ კიდევ მხედველობის არეში ყოფილა. გვენდურმა, როგორც იყო, დიდი გაჭირვებით გადაიყვანა ცხენი თავისი ხუტორისკენ მიმავალ ბოლიკზე. ოკი მოხსნა და გაუშვა. ცხენს სულ დაჭრილი ჰქონდა თოკისგან ყბები, უცებ გავორდ-გამოგორდა ბალახში, მერე წამოხტა, ტანი შეიფერთხა და დაიფრუტუნა, მთლად გაქაფულიყო, ძაგძაგებდა. ირიყრაყა, ხუტორის ჩრდილი უზარმაზარ სასახლეს ჰგავდა. მხოლოდ გარიყრაყზე, მზის ამოსვლამდე დგას ასეთი ზეიმური წუთები, როცა ირგვლივ ყველაფერი გარინდულია, როცა მღუმარება, სილამაზე და მყუდროება მეფობს. ახლიც ასე იყო ბუნება განაბული უნაზესად ქლერდა ფრინველთ გალობა, მომხიბლავად ლაპლაპებდა მოსარკული ტბა და ჭაობში ჩამდინარე მდორე წყალი. ცისფერ მთებს თვალი ზეცისკენ აღებყრო, თითქოს საერთო არაფერი აქვთ ამ ქვეყანასთანო, მთელი ხეობა ისე შორს იყო სინამდვილისგან თავისი სიტუფირო, თავისი მომხიბლავი მყუდროებით, თითქოს ისიც მოწყვეტილია ამ სამყაროსო. არის ისეთი წუთები, როცა გვჩვენებათ, რომ თქვენც არაფერი გავით საერთო ამ სამყა-

როსთან, აღამიანს ამ დროს აღარ ესმის საკუთარი თავისა და ვერც ვერასოდეს გაუგებს, გინდაც მარად იცხოვროს.

ხუტორში ყველას ეძინა, გათენებას კარგა ხანი უკლდა. ჭაბუკისთვის ის იყო საოცარი დღე, მსგავსი რამ არასოდეს არ განუცდია. ზალაზში ჩაჯდა, თავისი ბოსტნის მესერთან და ჩაფიქრდა. ფიქრობდა ამერიკაზე; იმ საუცხოო ქვეყანაზე, ზღვის იქითა ნაპირზე რომ მდებარეობდა, ამერიკა, სადაც ყველას შეუძლია მიზანს მიადწიოს. ნუთუ სამუდამოდ დაქარგა იგი? ოჰ, ეგ არც ისე დიდი დანაკარგია! სიყვარული უკეთესია, სიყვარული უფრო ღირსსაცნობია, ვიდრე ამერიკა. სიყვარული — ეს ერთადერთი ჭეშმარიტი ამერიკაა! მართლაც უყვარს გოგონას გვენდური? დიახ, უყვარს, ნამდვილად უყვარს! ისეთს ვერაფერს დაასახელებთ, რაც თავის თავს ისე არ ჰგავდეს, როგორც სამყარო, — სამყარო ნამდვილი საოცრებაა. იქნებ იმიტომ გაექცა გოგონა, რომ ჩედსმირელთა ერთ-ერთ საუკეთესო, ცნობილ ცხენზე იჯდა და თავც ვერ გაართვა? ამ განუშვებობებელ, ამ ზღაპრულ ღამეს ჭაბუკმა იწამა, რომ რამდენიმე წლის შემდეგ, როცა იგი უკვე მდიდარი გლეხი გახდება, ის გოგონა ცოლად წაჰყვება. და რაკი ასე დაიწყო ყველაფერი, განა შეიძლება სხვაგვარად დამთავრდეს? მან ჰპოვა თავისი ბედნიერება, თუმც ეს ბედნიერება დღეს მას გაექცა. მაგრამ გვენდური იმით ამართლებდა ყმაწვილი ქალის საქციელს, რომ ფიცხმა ცხენმა თავი წაართვა. გვენდური ამერიკული ფულით იყიდის ჭიშინ ცხენს და თავის გოგონას გვერდით, საკუთარ რაშზე ამხედრებული იქროლებს აქეთ-იქით. გვენდური მესერის ძირას გაიშორა ბალახზე, თვალი მიაპყრო ლაყვარლ ცას, ერთმანეთს აღარებდა სიყვარულს, რომელიც ჰპოვა, და ამერიკას, რომელიც დაჰკარგა. დიახ, სიყვარული უფრო ღირსსაცნობია, სიყვარულია მოავარი. სულ თვალწინ ედგა ყმაწვილი ქალი: აი, მიჰქრის იგი უშენის ბორცვებზე, როგორც აჩრდილი ნათელ ღამეში, კალმით ნახატი, მიმინოსავით მოქნილი გოგონა, ქარი უწყწავს ოქროსფერ კულულებს, მისი ლაბადა ფერდებზე ეტყულაშუნება თეთრას, ის კი, გვიწვრი, უკან მისდევს, მიაგლვებს ქურანას ბორცვიდან ბორცვზე, ვიდრე ყმაწვილი ქალი ცისფერ სიერცეს არ შეერწყა და თვითონაც არ ჩაიძირა იმ სიერცეში. გვენდურს დაეძინა.

თ ა ღ ი ს ა მ ო ც დ ა მ ი ე ა ჯ ს ი

პ ო ლ ი ტ ი კ ა

რაში იყო ინგოულფ არნარსონის წარმატების საიდუმლო? რა ნიჭის წყალობით ავიდა ესოდენ სწრაფად ძლევა მოსილების მწვერვალზე: უსახელობიდან — დიდებამდე, არარაობიდან — ხელისუფლების სათავემდე? ჭერ კიდევ

ჰაბუჯი იყო ინგოულფი, როცა თავისი ქვეყნის პირველი თავკაცების რიგში ჩადგა, პოლიტიკურ ცხოვრებაში ერთ-ერთი ყველაზე გავლენიანი ფიგურა გახდა, ალთინგში თავის პარტიას თაოსნობდა. მისი პორტრეტი ყოველდღე იბეჭდებოდა გაზეთებში, მსხვილი შრიფტით აწყობილი მისი გვარი გაზეთის ფურცლები იყო აჭრელებული. იქნებ გარდასულ დროის სახელოვანი ადამიანებივით ისიც დღე-ღამეც შრომაში ასწორებდა და ამით მოიხვეჭა დიდება? თუ თვალი სულ იმაზე ეჭირა, სად რა იყიდებოდა ჩალის ფასად. რომ მერე დიდი მოგებით გაეყიდა და სხვისი უბედურებით ესარგებლნა? მიწის ნაკვეთებს ხომ არ იძინდა იაფად და როცა მიწის ფასი იწვევდა, მამასისხლად ჰყიდდა? გაზაფხულზე სესხად ხომ არ აძლევდა გაჭირვებულ ხალხს თევას და ცხვარს ხომ არ იტოვებდა გირაოდ? ან იქნებ შიმშილობის დროს სურსათით და ფულით ხელს უმართავდა ხალხს და მევახშურ პროცენტებს აძრობდა? იქნებ შიმშილით კუჭს იხმობდა, ციხიდან გამოქვეული ბოროტმოქმედივით. უკაცური ადგილებით რომ მიიკვლევს. გზას და უკანასკნელ ლუკმას იზოგავს. დღეში ერთხელ ხომ არ ჰამდა ლატაკი გლეხებივით, წელგაუმართავად რომ ღღეში თვრამეტ საათს შრომობენ და მაინც ვერ ამოდიან ვალიდან, ვაჭარი მაინც უხურავთ კრედიტს და სასიკვდილოდ სწირავთ? ერთადერთი, ისიც ფეხმომტკრეული სკამი ხომ არ ედგა სახლში? მაწანწალასავით ან მოჯამაგირესავით ჭუჭყიანი, დაკოხილი სამოსი ხომ არ ეცვა? სკივრის ძირში ხომ არ კეცავდა, ერთიმეორეზე ხომ არ ალაგებდა ათასკრონიან ქალაღლებს, ვიდრე გამსესხებულ სალაროს გააღებდა და დაწესებული პროცენტით ფულის სესხად გაცემას დაიწყებდა, საწყალ ხალხს კი ერთთავად შესწუწუნებდა, ვალებში ვარ ჩაფლული და მალე ალბათ სულსაც დავაგირავებ ვალის დასაფარავად? არა, ასეთი არ გახლდათ ინგოულფ არნარსონი. ინგოულფი დიდი გაქანების კაცი იყო, ეს დედისგან დაჰყვა. მაგრამ თუ ეს ასეა, მაშინ იქნებ ხომალდების მფლობელი იყო, მისი მეთევზეები თევობით ზღვაში აღამებდნენ, სიცოცხლეს საფრთხეში იგდებდნენ, მოგებას კი ინგოულფ არნარსონი სულ თავისკენ ითვლიდა, მეთევზეებს გროშებს უხდიდა და მათ ჯალაბი შიმშილით ეხოცებოდა? ინგოულფი კი წითელი ხის ძვირფას ავეჯს ყიდულობდა და შინ ელექტროგანათებაც ჰქონდა გაყვანილი? იქნებ დანიასა და სხვა შორეულ ქვეყნებში ჰყიდა ხორბალს, ტყავს აძრობდა ისედაც სულთმობრძივ ადამიანებს? საკუთარი ღუქანი ხომ არა ჰქონდა, ფეხქვეშ ხომ არ ეგებოდა მდიდარ გლეხებს, თვითონ რომ აღებენ ფასს თავის საქონელს და ვაჭარს ემუქრებიან, თუ ამ ფასზე ყაბულს არა ხარ, ცხვარს სხვას მიყიდითო, ლატაკებს კი, ვინც დროზე ვერ უხდიდა ვალს, კრედიტს უხურავდა გაზაფხულზე, სულსა ჰხდიდა, წელის გამართვის საშუალებას არ აძლევდა? არა, ინგოულფ არნარსონი სოფლის მევახ-

შეთა და ვაჭართა სისხლიანი გზით როდი მიდიოდა დიდებისკენ, არც იმ გზით, რომელიც დღემდე ითვლება დიდებისა და პატივისკენ მიმავალ ერთადერთ გზად, — თუ იმ გზებზე ვილაპარაკებთ, რომელთაც მართლმსაჯულებისა და ისლანდიელთა საზოგადოების აღიარება ჰპოვეს.

პატივი და დიდება ინგოულდ არნარსონს უპირველესად ყოვლისა თავისმა იდეალებმა მოუპოვა, კაცობრიობისადმი მისმა ურყევმა სიყვარულმა, რწმენამ იმისა, რომ ხალხს ცხოვრების უკეთესი პირობები და განათლება სჭირდება. მან მიზნად დაისახა ისლანდიელებისთვის შეემსუბუქებინა არსებობისათვის ბრძოლა, გაეუმჯობესებინა ქვეყნის მმართველობის სისტემა. მიეღწია იმისათვის, რომ მთავრობა ვაჭართა სასტიკი ძალაუფლების უსუსური დანაშაუტი კი არ ყოფილიყო, არამედ წვიროდ მწარმოებელთა და, უპირველეს ყოვლისა, გლეხობის ძლევა მოსილი მოკავშირე, მათი მარჯვენა ხელი გამხდარიყო არსებობისათვის ბრძოლაში და პარაზიტებისათვის გასაქანი არ მიეცა. ინგოულდ არნარსონს უნდოდა მხარში ამოდგომოდა გლეხობას, მაღლა აეყვანა ისინი საზოგადოების საფეხურზე, რომ მათი პატივსაცემი და სასაქადლო შრომა დაფასებულიყო არა მარტო სიტყვით. არამედ საქმითაც. რაღა გასაკვირველია, რომ ასეთი იდეებისთვის მეზობელი კაცი გლეხობამ თავის წარმომადგენლად აირჩია ალთინგში, სადაც მათი კეთილდღეობის საკითხი წყდებოდა.

ეს საარჩევნო ოლქი უწინ უპატრონოდ იყო მიგდებული. იმას ვერ ვიტყვით, თითქოს მოხუც ფინსენს, რომელსაც ბრუნნი უდგა მხარში, ხმა არ ავმადლებინოს ალთინგში, არა, ექიმი ფინსენი ათეული წლების მანძილზე იბრძოდა იმისათვის, რასაც იმ დროს „მარადიულ საკითხს“ უწოდებდნენ. ეს „მარადიული საკითხი“ ის გახლდათ, რომ აქედლებინათ მოაგრობა სახსრები გამოეყო ფიორდში ნავმისადგომისა და მოლოს ასაგებად. რამდენჯერმე მიადწიეს კიდევ მიზანს, რამდენჯერმე ააგეს ნავმისადგომი და მოლო, მაგრამ რამდენჯერაც ააგეს, ზღვამ იმდენჯერ წალეკა გაზაფხულზე. ისევე აგებდნენ ახალს და იგივე მეორედებოდა ყოველ წელს.

მას შემდეგ, რაც ინგოულდ არნარსონი ალთინგის დეპუტატი გახდა, ნავმისადგომის აგების საკითხი საჭაროდ აღარ წამოუჭრიათ. სამაგიეროდ, მან დაიწყო გზების გაყვანა და ხიდების აგება ისეთ საარჩევნო ოლქებში, სადაც მოსახლეობა რიცხვობრივად სჭარბობდა. მაგრამ ეს ჯერ მხოლოდ დასაწყისი გახლდათ. შემდეგ იგი შეუდგა დიდი მოცულობით ახალი მიწების დახვნის და გლეხობისათვის ხეირიანი სახლების აგების ორგანიზაციას. განზრახული ჰქონდა რეიკიავიკის სახალხო ბანკის ლიკვიდაცია, რადგან ეს ბანკი თვევით მოვაჭრე სპეკულანტების კეთილდღეობის დაუშრეტელ წყაროდ იქცა, და მის

წაცვლად უნდოდა სახელმწიფო სასოფლო-სამეურნეო ბანკის დაარსება, მიუხედავად იმისა, რომ სახელმწიფო უკვე იყო თავდები მისი ვალების დიდი ნაწილისა. ინგოულფს ასე ჰქონდა განზრახული, რომ სასოფლო-სამეურნეო ბანკი მკორე პროცენტით გასცემდა სესხს გლეხებზე მეურნეობისა და მშენებლობისთვის. გარდა ამისა, ინგოულფს უნდოდა სახელმწიფო სახსრებიდან შეექმნა სპეციალური ფონდი და გლეხობისთვის გაეცა სესხი სამეურნეო იარაღების: გუთნების, ფოცხების, ტრაქტორების, სათიბი მანქანების, საქსოვი მანქანებისა და სეპარატორების შესაძენადაც კი. აპირებდა საზოგადო სახსრების ფონდის შექმნასაც — ნაკელის ცისტერნების ასაგებად. ინგოულფ არნარსონი ნაკელის გროვისა და ნაკელის ღია ორმოების სასტიკი მტერი იყო. განზრახული ჰქონდა სოფლის ელექტროფიკაციაც, მაგრამ ეს ჯერ ბუნდოვანი შორეული მომავლის საქმე გახლდათ. ძილში თუ ცხადში, მოელი მისი გულისყურით სასოფლო-სამეურნეო საჭიროებოთა საკითხებს უტრიალებდა. მართალია, ინგოულფი ჯერ კიდევ ითვლებოდა სამომხმარებლო საზოგადოებრივ თავმჯდომარედ და თავის ადგილსამყოფელად ფიქრობდა თვლიდა, მაგრამ უმეტეს ხანს დედაქალაქში ატარებდა, იქ მუშაობდა, თავისი პარტიის განუზრახვარად რედაქტორობდა, სათავეში უდგა სასესიათმორისო კომიტეტებს და კიდევ სხვა პოსტებიც ეჭირა, რაც გლეხობამ მას მიანდო. კოპენჰაგენის კავშირში თანაშემწე ჰყავდა. ინგოულფ არნარსონი არასოდეს არ ფიქრობდა პირად სარგებლობაზე, მოკლედ რომ ვთქვათ, იგი გახლდათ თავისი დროის ჭეშმარიტი ინგოულფ არნარსონი,* იმ განსხვავებით, რომ იოჰნსონს ეძახდნენ.

გაზაფხულზე ახალი არჩევნები უნდა დაწყებულიყო. თითქოს წინ ვერაფერი დაუდგებოდა ინგოულფს, თითქოს მასზე შესაფერ კანდიდატს ვერ გამოიხატავდა ხალხი, მაგრამ, ნურას უკაცრავად. ასე იოლი როდია კაპიტალიზმის ძალმომრეობის აღმოფხვრა, მიუხედავად იმ მარცხისა, რაც კაპიტალიზმმა უკვე განიცადა.

უკანაყენელ წლებში — კეთილდღეობის ეპოქაში, სავაჭრო პატარა ქალაქებში არათუ შენდებოდა ეგოისტური მისწრაფებანი, კიდევ უფრო გაძლიერდა. ზემოხსენებულ საარჩევნო ოლქში კი შედიოდა ისეთი პატარა სავაჭრო ქალაქები, როგორც ფიორდი და ვიკია, სადაც გეზს აძლევდნენ გემთმფლობელები, ხელოსნები და წვრილი ვაჭრები, აგრეთვე ერთი ახლად გამოქცევი კომერსანტი, რომელმაც გარს შემოიკრიბა დამოუკიდებელი ადამიანები სავაჭრო პატარა ქალაქებიდან თუ სოფლებიდან და გლეხის ქალიც კი შეერთო

* ინგოულფ არნარსონი იყო ისლანდიელი ერთ-ერთი პირველი კოლონისტთაგანი. მამა-სახლისს ვაჟს მის პატრიაყემად შეარქვეს ეს სახელი.

ცოლად — მთების მეფის ქალიშვილი. ხმა დადოდა, ეს კომერსანტი ერთ დროს თაღლითობისთვის პასუხისგებაში იყო მიცემული და სასჯელიც მოიხადაო.

ვიკში თანდათან ფეხს იკიდებდა უცხოეთიდან შემოჭრილი ახალი მოძღვრება — ეგრეთ წოდებული სოციალიზმის მოძღვრება. რეიკილაიდან სპეციალურად დაგზავნილი წამქეზებლები ყოველნაირად ცდილობდნენ სწორი გზიდან აეციდინათ მეთევზეთა ქონხანების მკვიდრნი და ისეთი წყალწაღებულები, რომელთაც სულს იქით არა ებადათ რა, აემნედრებინათ ისინი როგორც ღვთის, ისე ხალხის წინააღმდეგ. თითქოს ღმერთიც და ხალხიც წინასწარ არ ყოფილიყვნენ ზიზით განმსკეპალულნი ამ მოძღვრების მიჯრთ.

ინგოულფ არნარსონი ამბობდა:

— სოციალიზმი ბოდეა, სოციალისტები აცდენენ დატაკებს ურიცხვი და პირებებით, რომელთა აღსრულებაც შეუძლებელია მანამ, ვიდრე კაცობრიობა არ მიიღწევს ღვთაებრივ სრულქმნილებას. მათი ქეშმარიტი მიზანი მხოლოდ ძარცვა და ხალხის ჟლეტაა.

მაგრამ სოციალისტების შიში სულ არ ჰქონდა ინგოულფ არნარსონს. მას საფრთხე სულ სხვა მხრიდან ემუქრებოდა. როგორც გამოიჩინა, კაპიტალისტებმა ინგოულფ არნარსონის საწინააღმდეგოდ წამოაყენეს ისეთი გავლენიანი კაცი, რომელსაც მთელი ბანკი უჭერდა მხარს, სწორედ ის სახალხო ბანკი. რომლის გაუქმებაც განიზრახა მან, რომ მის ნაცვლად სახელმწიფო სასოფლო-სამეურნეო ბანკი დაეარსებინა, რომელსაც სათავეში მისი მომხრეები ჩაუდგებოდნენ, თუკი ამის რწმუნებულებას მიიღებდა. რეიკილაელმა თაღლითებმა თავისი კანდიდატი, ბანკის დირექტორი გავზანეს სოფლებში მათი სახარების საქადაგებლად. ჰოდა, რა გამოიჩინა? თურმე ნუ იტყვიო. კაპიტალისტების ეს უპრინციპო მოცოქული იმდენად გათავხელდა, რომ ამომრჩევლებს აღუთქვა არა მარტო იმის გაკეთება, რასაც უკვე შეჰპირდა მათ ინგოულფ არნარსონი. არამედ ელექტროფიკაციაც სულ ახლო შომავალი და განა მარტო საარჩევნო ოლქებში, მოელს ისლანდიაში. ინგოულფ არნარსონმა თქვა:

— რაღა ამ თავხედის დაპირებები და რაღა სოციალისტების ბოდეა, განსხვავება მხოლოდ ის არის, ვინ უფრო მეტად აფრენს. მართალია, ბანკის დირექტორი ძარცვა-მკვლელობისთვის არ აქეზებს გლეხებს, მაგრამ ის ხომ ემსახურება მდიდრების მესუფრიების იმ პატარა ჯგუფს, უამისოდაც რომ ძარცვავენ და ხოცავენ ხალხს პირველი ახალმოშენების დროიდან ღლეწედ, ასე რომ სოციალიზმის ქადაგება აღარ სჭირდებოდათ.

ბანკის დირექტორმა გლეხობას გააცნო თავისი პროგრამა, აღუთქვა იმა-

ზე მეტი, რასაც ინგოულფ არნარსონი ჰპირდებოდა: იგი ეფიცებოდა ხალხს, რომ თუ მას აირჩევდნენ, სულ მოკლე ხანში განახორციელებდა გეგმებს. შემდეგ ქალაქებს მიაშურა. ვიკის მოსახლეებს შეჰპირდა, რომ მათ ქალაქში გახსნიდა დიდ ბანკს, დააარსებდა დიდ სანაოსნო კანტორას. ფიორდში ხალხს აღუთქვა მალაროს და ძვლის საფქვეავი ქარხნის აგება. ბუნებრივია, რომ ზღვისპირა რაიონების მოსახლეობას ჰკუთავი დაუჯდა ასეთი დაპირებები და ბანკის წარმომადგენელს აქაც გაუჩნდა მომხრეები. ძვირფასი იყო ყოველი წუთი, ინგოულფ არნარსონი უკვე სახიფათო მდგომარეობაში აღმოჩნდა. რას იზამს ინგოულფი? არა, ღრმად პარტიცემულო ამომჩრეველებო, განა ინგოულფ არნარსონი ისეთი მიაბიტი კაცია, რომ ნება მისცეს ვინმეს მისი საკუთარი პოლიტიკური სატყუარათი მიიზიდოს ხალხი?

რა ქნა ინგოულფ არნარსონმა? მან მკვლრებით აღადგინა „მარადიული საკითხი“ — მისი წინამორბედის, ექიმ ფინსენის აჩემებული საგანი — ნავსადგომისა და მოლოს აგება. და კიდევ მეტიც. ინგოულფი შეჰპირდა ხალხს, რომ თუ მას აირჩევდნენ, პატარა ნავმისადგომსა და მოლოს კი არ დასჯერდებოდა, ისეთ დიდ ნავმისადგომს ააგებდა, რომ ნახევარი მილიონი კრონა დაჯდებოდა. მშენებლობის ასეთი ვრცელი პროგრამა იმის საწინდარი გახლდათ, რომ არა მარტო ფიორდის, არამედ მეზობელი ქალაქის — ვიკის მუშებსაც ექნებოდა სამუშაო. ინგოულფის სიტყვით, ნავსადგურის აგების შემდეგ სახელმწიფო კიდევ სხვადასხვა ნაგებობის მშენებლობას დაიწყებდა, მაგრამ ამის ჩამოთვლა ბევრ დროს წაგვართმევს. ნავსადგურის საკითხი არასოდეს არ ითვლებოდა ისეთ საჭირობორბოტო საკითხად, როგორც ახლა. ბანკის დირექტორმა ფიორდის მცხოვრებთ მალაროსი და ძვლის საფქვეავი ქარხნის აგება აღუთქვა, ინგოულფ არნარსონმა ძვლის საფქვეავი ქარხანას ვიკში გადაანაცვლებინა ადგილი, სანაოსნო დიდი კანტორის საბადლოდ კი (ეს ბანკის დირექტორის მთავარი სატყუარო იყო) გემის წვრილ მებატრონეთა კომპანიას აღუთქვა სახელმწიფო დიდი სუფსილია და არწმუნებდა, რომ მათი კომპანია ახლო მომავალში აყვავდებოდა, ვიკის მოსახლეობა, თვით უკიდურესა ღატაკებიც კი, კეთილდღეობის მაღალ საფეხურზე ავიდოდნენ. რაც შეეხება მალაროს, ააგებენ მხოლოდ იმ შემთხვევაში, თუ ხარისხიანი ნახშირი აღმოჩნდება. როცა საქმე ასე შორს წავიდა, ძნელი იყო იმის გამოკრევევა. თუ რომელი კანდიდატი აძლედა მათ უკეთეს დაპირებებს და ახლა არჩევნების შედეგი დაპირებებზე კი აღარ იყო დამყარებული, არამედ ორატორის ხელოვნებაზე, იმაზე, თუ რომელი მათგანი შესძლებდა თავისი მკვერმეტყველებით ხალხის გულის მონადირებას. ხმები დადიოდა, მუშებმა, რაკი მუდმივი სამუშაოს შოვნის იმედი მიეცათ, ზურგი შეაქციეს სოციალიზმსო მუდმივი სამუ-

შოა თუ გვექნება, როგორმე წელს მოვიმაგრებთ და მეთევზეთა ამხანაგობაში პაის ყიდვას მოვახერხებთო.

— ვინ იცის, როგორ შეტრიალდება საქმე, — უთხრა მთების მეფემ ბიარტურს, — ასეთ ვითარებაში ძნელია ერთ მხარეს გადახრა. ყოველ შემთხვევაში — პოლიტიკაში. ინგოულუფ არნარსონი, რა თქმა უნდა, ნიჭიერი ქაბუკია, ნიჭიერი დედ-მამისშვილი, ჩინებული ორატორიცაა, მაგრამ მე შარშანვე ვიგრძენი, რომ აქ ბევრ სმას დაჰკარგავდა. სანაპირო ქალაქების მოსახლეობა ერთხმად ლაპარაკობს კერძო თაოსნობაზე, ამიტომ მე შარშანვე გამოვაცხადე, რომ სამომხმარებლო საზოგადოებიდან გამოვედი. ჩემი პირადი საქმეები აქ არაფერ შუაშია; პოლიტიკა კერძო საქმე არ არის და ახლა კერძო პირივით კი არ ვლაპარაკობ. მეორე მხრივ, რა გასაკვირია, თუ ჩემს სიძეს ჩაებაბარე მთელი ჩემი საქმეები ვიკწი? ამით ჩრდილი კი არ მინდა მივყენო რედსმირელებს. ინგოულუფ არნარსონის დაპირებებისაგან, ჰაი, ჰაი. რომ ნერწყვი მოგდის კაცს, მაგრამ რა მოხდება, თუ ის არ აინჩივს, ნება მიბოძე გკითხო? თუ მისი პარტია დამარცხდა? რასაც უკვე ბევრი წინასწარმეტყველებს! მაშინ დიღხანს მოგვიწევს ნაკელის ცისტრანების და საქსოვი მანქანების ლოდინი, ასევე ხეირიანი სახლებისა. ჰოდა, რა დღეში ჩაუარდებიან ისინი, ვინც ინგოულუფ არნარსონს მიემხრობა? მაშინ ხომ ყველაფერი ბანკის დირექტორზე იქნება დამოკიდებული. ვერა, დედაქალაქელ თაოსნებს ეგრე ადვილად კვანტს ვერავეინ გამოსდებს, ამიტომ ვამბობ, პირს არავის დავეწვავს-მეთქი, თუ დიდი კაცის გულს მოვიგებთ.

ერთი რამ ცხადი იყო: ვიდრე მთების მეფე სამომხმარებლო საზოგადოებაზე იყო დამოკიდებული, ვერ გაბედავდა იმის გაკეთებას, რასაც ახლა აკეთებდა თავისი სიძის იმედით. მან სახლის მშენებლობა დაიწყო, ყოველდღე მიჰქონდათ მის ეზოში სატვირთო მანქანებით ცემენტი და ხე-ტყე. სახლი იენისში უნდა დაემთავრებინათ.

ბიარტურმა ქვეშ-ქვეშ გაჰხედა მთების მეფეს და თქვა:

— ჰში ყველას როდი შეუძლია ქალიშვილი მიათხოვოს ვაჟარს.

— ჩემო კარგო ბიარტურ, თქვენგან ხომ ჯერ არავინ დამოყვრებია რედსმირელებს? ჰოდა, ვერ გამიგია, რატომ უნდა გამოიღო თავი მათი გულისთვის? — ჰკითხა მთების მეფემ.

— დამოყვრებას რა მნიშვნელობა აქვს? — ცოტა არ იყოს იწყინა ბიარტურმა. — მე ხმას ვაძლევ იმას, ვისთანაც საქმე მაქვს. და კიდევაც მეცემ ხმას, ვიდრე მას პარტიოსნად მიჰყავს საქმე. იქნებ შენ გაქვს საიმიო საბაბი, რომ თავზე ევლებოდე დედაქალაქელ თაოსნებს, ასე რომ ტრახახობ მათი ახლობლობით, მე კი — არა.

— სახლის აშენებას აპირებ თურმე?

— გინდაც ასე იყოს, რა შუაშია აქ პოლიტიკა?

— როგორ თუ რა შუაშია? — მიუგო მთების მეფემ. — ჩემის აზრით, თუ მშენებლობის დაწყებას აპირებ, ბანკის იმედით უნდა იყო.

— არა მგონია, სამომხმარებლო საზოგადოებიდან გამაჰკირდეს სამშენებლო მასალის მიღება.

— ცარიელი სამშენებლო მასალით შორს ვერ წახვალ, ძვირფასო ბიარტურ, — სიტყვა ჩამოართვა მთების მეფემ. — მუშების ხაჯს რაღას უხამ? ნუთუ გგონია, რომ დურგლები და ქვის მთლელები ხელს გააჩქრევენ, თუ მშინვე ნაღდი ფულით არ გაუსწორე ანგარიში? რამდენივე ათასი რუ არ გექნა ხელთ, მშენებლობას ვერ დაიწყებ, უამისოდ არაფერი გამოგივა.

— ფულის შოვნა არ გამიჭირდება, — უპასუხა ბიარტურმა, — ამ ცოტა ხნის წინათ ერთი კაცი იყო აქ, პატარა კაცი არ გახლავთ, პოდა, მითხრა, როცა გინდა მოდი და შემნახველი ბანკიდან მიიღე სესხიო.

— ჰო, შემნახველი ბანკიდან, — სიტყვა შეაგება მთების მეფემ. — მე ცუდს ვერაფერს ვიტყვი შემნახველ ბანკზე. რედსპირელი იოუნი ჩემთან ერთად იჯდა სამრევლო საბჭოში ჯერ კიდევ ომის დაწყებამდე დიდი ხნით ადრე. იმას ლაპარაკი აღარ უნდა, რომ იოუნი შესანიშნავი აღამიანაა. რომ მისი ბრალი არ არის, თუ არაკეთილსინდისიერი ხალხი ჯერ გასაქანს არ აძლევს, გვასესხე ფულიო, მერე კი იმ პროცენტებზე, რომელზეც თავიდან თანამშა რყუნენ, საჩივარი შეაქვთ სასამართლოში. სულაც არ მიკვირს, რომ იოუნმა დააარსა შემნახველი ბანკი, საცა მისი ფული მუდმივ ბრუნვაშია და მხოლოდ კანონით დაწესებულ ექვს პროცენტს იგებს. კერძო პირისგან ფულის სესხებას ბანკიდან სჯობია სესხის გამოტანა. მართალია, იოუნი უწინ თორმეტი პროცენტიდან ოცდახუთ პროცენტამდე იგებდა, მაგრამ ეს საბიზნესო იყო. შემნახველი ბანკი კი ნაღდი საქმეა, სოლიდური, თუ შემთხვევით დაგპირდა პატარა თანხა, მაგრამ მხოლოდ პატარა თანხა და მოკლე ვადით, დიდ თანხას ასეთი ბანკიდან იმ პირობით, როგორც იქ არის დადგენილი, არავინ გამოიტანს. ვისაც მშენებლობის დაწყება უნდა, სჯობია დიდი ბანკიდან გამოიტანოს სესხი, რადგან იქ ორმოცი წლის ვადით აძლევენ.

— რაში მჭირდება ასეთი გრძელი ვადა? ორ წელიწადში გავასწორებ ანგარიშს. ყველა იმას გაიძახოდა, ომი დამთავრდა, ზავი დადეს და ახლა საქონლის ფასი დაეცემაო, მაგრამ თვითონაც კარგად ხედავ, რომ ამ გაზაფხულზე მატყლზე ერთიორად აიწია ფასმა. საიმედო ხალხისგან მაქვს გავგონილი რომ შემოდგომაზე კიდევ უფრო აიწევს ცხვრის ფასი.

მთების მეფე ჩაფიქრდა, დაბნევილი ისევამდა წვერზე ხელს. ასეთი ჩვეულებ-

ბა ჰქონდა, ვიდრე თავის აზრს იტყოდა, ათასწიარად ატრიალებდა სათქმელს. მის თვალში აზრს მხოლოდ მაშინ ჰქონდა ფასი, როცა მას წერილობით გამოთქვამდა, როცა ეს აზრი ოფიციალური დოკუმენტის სახეს იღებდა. ძლიერ დიდხანს მუშაობდა მოხელედ, რომლის მზრუნველობაზეც მინდობილი იყო პირუტყვი, ხალხი და მღვდლები; ამიტომ ნაჩქარევად დასკვნის გამოტანა არ უყვარდა.

— კარგი, ჩემო ბიარტურ, კარგი, — თქვა ბოლოს შთების შედეგად. — მე მხოლოდ შეგობრული რჩევა მინდოდა მომეცა, თუმც ეს საქმე მე არ მეხებოდა. არ იფიქრო, თითქოს ოფიციალური პირივით მოვედი შენთან. მეორე მხრივ, ვერც იმის მტკიცებას დავიწყებ, მხოლოდ კერძო პირივით გელაპარაკებო-მეთქი. არა, არც ესა ვარ, არც ის. შენც კარგად იცი, კოოპერაციულ მოძრაობას არასოდეს ვუპერდი მხარს, მიუხედავად იმისა, რომ ამ მოძრაობაში ბევრ სასარგებლოსა და კეთილშობილურს ვხედავ და რედამირელთა კარგ მხარეებსაც მუდამ პირველი ვამჩნევდი და ვაღიარებდი ხმადაღლა, განსაკუთრებით ფრუს. მართალია, მუდამ საშუალო გეზი მეჭირა, ამიტომ ვთვლიდი, რომ ორთავე მხარე მართალი იყო, ყოველ შემთხვევაში მანამ, ვდრე არ დამტკიცდა, რომ ერთი მხარე ცდებოდა. ახლა კი მიჩნდა გითხრა, მაღალი თანამდებობის პირთა მიერ ვარ რწმუნებული — თუმც წერილობით არ მაქვს ეს რწმუნება, რომ ხელსაყრელი პირობებით სესხი შემოგთავაზო. ეს იქნება იპოთეკური სესხი ორმოცი წლის ვადით სახალხო ბანკიდან, თუკი მშენებლობას აპირებ. მაგრამ ეს მხოლოდ იმ შემთხვევაში განხორციელდება, თუ შენ, როგორც დამოუკიდებელი ადამიანი, მე კი ვიცი, რომ დამოუკიდებლობის სიყვარული სისხლში გაქვს გამჭდარი, გაიგებ, რას მოითხოვს ჩვენი დრო. მოკლედ, თუკი ჰქუა გეყოფა იმისათვის, რომ იქით შებრუნდე. საათაც საქირთა.

თ ა ვ ი ს ა მ ო დ ა ა მ ო ვ ი დ ი

ს ა შ ე რ ხ ე ც ხ ე ნ ი

იმ გაზაფხულზე დიდსა და პატარას პირზე ეკერა ზაფხულის სავანელი გვენდურის სახელი. ჰერ ერთი, იმიტომ, რომ ამერიკაში აპირებდა გამგზავრებას, მეორე, იმიტომ, რომ განზრახვაზე ხელი აიღო, მესამე, იმიტომ, რომ ცხენი იყიდა — დოდის ცხენი — რომელიღაც შორეული სოფლის გლუხისაგან და დიდძალი ფული მისცა. გვენდურს დასცინოდნენ: ხედავო, რა ქნა მაგ შტერ-

მა? მთელი ღამე ინგოულღ არნარსონის ერთადერთ გოგოს სდია უშენში და ხომალდს ვეღარ ჩაუსწროო. სასაცილოა, მაშ რა არის! ერთი ამბობდა, ბიჭი შეირეკაო, მეორე გაიძახოდა, ცხენი არაფრად ვარგა, შებერებულიაო, სულელი, ნამდვილი სულელი! უწინ არავინ ამჩნევდა ზაფხულის სავანელ გვენდურს, ახლა კი ცნობილი გახდა. როგორც ტერი, როგორც შერეკილი. ყურს მოჰკრავდა თუ არა გვენდური, აქა და აქ კრება უნდა შედგესო, მოახტებოდა თავის ტიპს და დანიშნულ ადგილზე გაჩნდებოდა.

გლებები უშნოდ ხითხითებდნენ მის დანახვაზე. ქალაქელები დასცინოდნენ, ამასხარავებდნენ ამ სოფელს ხეპრეს, ძვირფას ცხენზე ამხედრებული რომ დაჰქროდა ბაზრიდან ბაზარში, მთელი ღამე რომ სდია უშენში ალთინგის დეპუტატის ერთადერთ ასულს. ჩარჩები გზაზე გადაუდგებოდნენ, კბილებს უსინჯავდნენ მის ცხენს, მოუტირებლად პირში დასცინოდნენ ჰაბუქს. მოდი კარგი ოინი მოუწყყოთ, ეს ცხენი გამოვტყუოთ და ამაზე უარესი შევაჩეჩოთ, ამბობდნენ.

ერთ კვირა დღეს დაბის მოსახლეობა წინასაარჩევნო კრებაზე მიიწვიეს რედსმირში. პასტორმა ამ შემთხვევით ისარგებლა და კრების დაწყებამდე წირვა გამართა. ვინც ადრე მოვიდა, ყველა დაესწრო წირვას. საერთოდ კი, პოლიტიკისადმი განზრდილი ინტერესი იმის საბუთი გახლდათ, რომ უზრარო აღამიანმა ძველ რწმენას დააღწია თავი და უკვე გაიგო, რომ მის ცხოვრებას მიწიერი წარმართავენ და არა ზეციერნი.

წირვა ჯერ დაწყებული არ იყო, გვენდურმა რომ საყდართან ცხენი მიაკენა. თავლასთან სოფლის ბიჭებს მოეყარა თავი, გვენდურის დანახვაზე უშნოდ მოჰყვენენ ღრეჰას. ამით აგრძნობინებდნენ, რომ ჰკიცხავდნენ, განზრახვაზე ხელი რაკი აიღო და ამერიკაში არ წავიდა. ზოგად ცივად, მტრული თვალთათვალი თვალიერებდა მის ცხენს. გვენდურმა ცხენი შეაყენა, მალულად თვალი გააპარა ორსართულიანი დიდი სახლისკენ, ახლდა მეზონინს — ხომ არავის შეუნიშნავს იქიდან, რომ გვენდური თავის რაშზე ამხედრებული მობრძანდა? არა, იმ დიდებული სახლის ფანჯრებიდან არავინ აპირებდა ეზოში თავმოყრილი ვიგინდარების თვალიერებას. ფანჯრის რაფაზე ქოთნებით მდგარ ყუავილებს (შგოსანი ქალის საკუთრება გახლდათ) მზის სხივებისკენ გაეწვდინათ ფურცლები. ჰაბუქმა გაიფიქრა, ალბათ, მამასახლისის ოჯახი უკვე საყდარშიაო, ცხენი თავლაში დააბინავა და საყდარში შევიდა, იქვე, კართან ჩამოჯდა სულ ბოლო სკამზე და ხალხს თვალი მიმოავლო. ის პირველ რიგში იცდა, ამბიონის მანლობლად; წითელი ქუდი ეხურა, ხალხის რიგები აშორებდა მათ და ამ ურიცხვ თავებში მხოლოდ ქუდი იპოვა გვენდურმა მისი თავი და უცებ მოეჩვენა, რომ დენმა დაუარა, განუმსჭვალა მთელი სხეული, ამ დენისაგან ფილტ-

ვები ძალზე გაუფართოვდა, გული კი შეეკუმშა, სმენა საშინლად გაუმახვილდა. მგალობელთა ხმამ გააყრუა, თვალზე ბურუსი გადაეფარა. დრო მიდიოდა, გუგუნი კი არ წყდებოდა. როგორ მივიდეს მასთან? როგორ დაუნიშნოს პაემანი? ოდნავ ხომ არ გაჰკრას ნიდაყვი, როცა გვერდით ჩაუვლის წირვის შემდეგ და ხომ არ უჩურჩულოს: „ქუჩაში დამელოდე, სახლს უკან“. არა, აბა ეს რა საკადრისია, როგორ შეიძლება საყდარში გოგონას გაჩერება, ისიც ასეთი გოგონასი. არა, როგორ ჰკადრებს, სახლს უკან დამელოდეო. სულ სხვაა, თუ ეტყვის, გამომყევი, ჩემი ცხენი მინდა გაჩვენო. მაგრამ გვენდურს უცებ გაუფლვა თავში, რომ საყდარში ცხენზე არ შეიძლება ლაპარაკი, რომ საღვთო წერილში ცხენი არსად არის ნახსენები, სახედაო კი მგონი უნდა იყოს მოხსენებული. ჰაბუკი თითქოს ბურუსში ზღვდა, როგორ გამოვიდა პასტორი საკურთხევილიდან და ფსალმუნის გალობა დაიწყო. ყველა წამოღდა, გვენდურიც ადგა და დაინახა, რომ მას ლურჯი პალტო ეცვა. არავის, არავის არა აქვს ქვეყნად ასეთი ლამაზი მხრები. დიახ, ეს მხრები მძიმე ტვირთისთვის არ არის შექმნილი. ოქროსფერი კულულები მოუჩანდა ქუდქვეშ და ეს ძვირფასი, წითელი ქუდი სწორედ რომ შეეხამებოდა მათი შეხვედრის საზეიმო წუთს. გოგონა მკაცრი და ამაყი ჩანდა. ოჰ, ნეტა გამოიხედოს მისკენ, ერთი წუთით, ერთი წამით მაინც, რომ გვენდურის სიყვარული გადაეცეს მას, გვენდურის გულიდან მოხეტიაელი სიყვარულის ტალღები. რა უნდა ქნას, თუ ცხენის სანახავად არ მოინდომა წამოსვლა? ხომ არ აჩუქოს ეს ცხენი? ძვირფასი ცხენია, თითქმის ათასი კრონი უღირს და მაინც სიხარულით აჩუქებს გვენდური, თუკი მიიღებენ მის საჩუქარს. შინ ფეხით წავა, მუხლებზე იხობებს, თუკი უბრძანებენ. ჰაბუკს საშინლად უნდოდა გამოეხატა, რასაც გრძნობდა, გვენდური ხომ მისი ყურმოჭრილი ყმა გახდა იმ წუთიდან, როგორც კი პირველად დაინახა. რაც უნდა უბრძანოს, ცხენთა წასვლა, თუ ოთხზე ზოხვა, ყველაფერი აუსრულებს. მან ხომ უკვე მოუტანა მსხვერპლად მთელ სამყაროში უღირესი ქვეყანა, სადაც აღამიანს ყველაფრის მიღწევა შეუძლია, სადაც აღამიანი მთელი ცხოვრება უაზროდ არ მუშაობს... დიახ, ისინი ერთად იწვნენ ტბის ნაპირას, ტბაში კი გედები ცურავდნენ, წყვილი გედი, დედალ-მამალი. რა მოუვიდათ იმ გედებს? სად გაქრნენ? ხომ არ ეზმანა ყველაფერი? არა. არა, ისინი ერთად იწვნენ, მას უყვარდა გვენდური, მერე კი გაექცა, თეთრ რაშზე ამხედრებული გაუჩინარდა ცისფერ შორეოში...

— ქრისტეს მიერ დანო და ძმანო, რამეთუ ვებდავ და გიწოდებთ დასა და ძმას. იცით თუ არა თქვენ, ექვსი ასო, ექვსად ექვსი ჰაწია ასო, ზე რომ ილტვიან?

პასტორი. როგორც იყო, ავიდა ამბიონზე. ნეტა გააჰიანუროს ქადაგება,

რომ მოსაფიქრებელი დრო იპოვოს გვენდურმა, გადაწყვიტოს, რა ქნას, რომ ზეშთავონება ეწვიოს.

— იფიქრეთ, დანო და ძმანო, იმ ექვს ასოზე, მხოლოდ იმ ექვს პაწია ასოზე, ჩვენს ზემოთ რომ არიან ამართულნი.

აჩუქებს, დიახ, აჩუქებს ცხენს. მაგრამ ვაითუ არ მიიღოს, უარი თქვას? თუ მიიღებს, გვენდური მისი მადლიერი, მისგან დავალებული დარჩება. იქნებ თქვას: „ცხენები მე არ მაკლია, ჩემი თავლა სავსეა საუკეთესო ცხენებით, მაგრამ ასეთი ლამაზი ცხენი ჯერ არ მინახავსო. მივიღებ შენგან ამას, იმიტომ, რომ ეს შენ მაჩუქე, იმიტომ, რომ შენ ისეთი ლამაზი ხარ, ისეთი ფართო ხარ აქ, აი აქაც. მაგრამ შინ რომ ფეხით მოგიწევს წასვლა?“ გვენდური უპასუხებს: „მე არაფერია, სიხარულით წავალ ფეხით, არა მარტო წავალ, მუხლებზე ვიხობებ, ძაღლივით ვიყვებ, თუ გინდა. მალე, სულ მალე ზაფხულის სავანის მფლობელი გავხდები, სახლის აშენებას ვაპირებთ, ისეთი სახლის, როგორც რედსმირშია, ოღონდ ჩვენ ქვიტკირის სახლს ავაშენებთ, თქვენი კი ხისა... დშერთო ძლიერო, მიშველე, საყდარში ხომ არ შეიძლება ცხენზე ლაპარაკი, მხოლოდ სახედარზე შეიძლება“.

— ვინ გამოიყვანეს? — ზეიმურად იკითხა პასტორმა და ამბიონზე დახარა თავი. ზაფხულის სავანელ ჭაბუკს გულით სწყუროდა, რომ ახლა მის ცხენზე ყოფილიყო ლაპარაკი, მისი ცხენის გამოყვანაზე.

— გამოიყვანეს ი გ ი, — თქვა პასტორმა, მკვეთრად, ხაზგასმით თქვა, ი გ ი. სამწუხაროდ, ჭაბუკმა არ იცოდა, ვისზე იყო ლაპარაკი.

— ვინ გამოიყვანა ი გ ი? — იკითხა პასტორმა და თვალი მოავლო მლოცველებს.

ჭაბუკი შიშმა აიტანა იმის გაფიქრებაზე, რომ კითხვაზე პასუხის გაცემას მოსთხოვდნენ. მაგრამ პასტორმა თავის თავს თვითონვე უპასუხა:

— იგი პილატეს მეომრებმა გამოიყვანეს! როდის გამოიყვანეს? ხუთ საათზე გამოიყვანეს. სად? ღია ცის ქვეშ. რატომ გამოიყვანეს? იმიტომ, რომ იქ დარჩენის ნება არ მისცეს მათ.

ჭაბუკმა შვებთ ამოისუნთქა.

ჩუმად რომ გავიდეს საყდრიდან, არ დაუცადოს ქადაგების დამთავრებას? მგონი ვერავინ შეამჩნევს. სულ უკანა რიგში ზის, შეუძლია მუხლი მოიყაროს, მერე ხოხვით წავიდეს კარისკენ და გარეთ გავიდეს. თავლიდან გამოიყვანს თავის ბედაურს, საყდრის კართან დადგება და წირვის დამთავრებას დაელოდება. ჰო, საყდრის კართან დადგება, თავისი ცხენის გვერდით, როცა ის გამოვა, სადავეს ხელში ჩაუღებს და ეტყვის: „ცხენი შენია!“ მაგრამ უცებ გაახსენდა ხალხი. რას იტყვის ხალხი? ურიგო ხომ არ არის, ხომ არ დასძრახავენ იმი-

სათვის, რომ მან, ღარიბი გლეხის შვილმა, რედსმირელი მამასახლისის შვილი-
შვილს ცხენი აჩუქოს? მასხარად ხომ არ აიგდებენ? იქნებ მან იწყინოს კიდევ,
თავხედობად ჩაუთვალოს? გვენდურს ციემა ოფლმა დაასხა, როცა გაიფიქრა,
რომ ქვეყნის მასხარა გახდებოდა. რაც მეტს ფიქრობდა, მით უფრო ებნეოდა
გონება.

— ქრისტეს მიერ დანო და ძმანო,—თქვა პასტორმა,—დრო მიდის.—ამ
ღრმაზროვანი სიტყვების შემდეგ ზანგრძლივი პაუზა გააკეთა, წინ გადმოი-
ხარა, თვალი მოავლო მლოცველებს, თითქოს სულში უნდაო ჩასწედეს ყო-
ველ მათგანს, განსაკუთრებით ზაფხულის სავანელ გვენდურზე შეაჩერა მზე-
რა. — დრო მიდის, — გაიმეორა მან. — გუშინ შაბათი იყო, დღეს კვარაა, ხვალ
ორშაბათი დადგება, ზეგ სამშაბათი... ცოტა ხნის წინათ პირველი საათი იყო,
ახლა ორი საათია, მალე სამი გახდება, მერე ოთხი...

ჰაბუქს ეჩვენებოდა, რომ ღრმა აზრით სავსე ამ სიტყვებს პასტორი, უწი-
ნარეს ყოვლისა, მის გასაგონად ამბობდა. მას მიმართავდა. იმის გაფიქრებაზე,
რომ დრო მიდის, მან კი ვერაფერი გადაწყვიტა, შუბლი და საფეთქლები ოფ-
ლით მოენამა. ქადაგება დასასრულს უახლოვდებოდა, წითელქუდიანი მხო-
ლოდ ერთხელ შეინძრა, უკან გადმოიწია ოდნავ, ყმაწვილი ქალი თვალს არ
აშორებდა პასტორს, თითქოს მისი სული ხარბად ნთქავდა პასტორის ბავთა-
გან მოწყვეტილ ყოველ სიტყვას, თითქოს ცხოვრებაში მხოლოდ ამ სიტყვე-
ბით უნდა იხელმძღვანელოსო. საცოდავ გვენდურს კი მარტო ცალკეული
ფრაზები ესმოდა, თავში ათასხაირი ფიქრი უტრიალებდა.

— და განიპო მთა, ძვირფასო დანო და ძმანო, და ტაძრის ფარდა ჩაიხა
თავიდან ბოლომდე და გამეფდა წყვილიადი დედამიწასა ზედა. დიახ, მთელს
დედამიწაზე.

დიახ, ქეშმარიტად გამეფდა წყვილიადი. ქადაგებას საცაა დაამთავრებენ,
აი, დაამთავრეს კიდევ, დაიწყეს უკანასკნელი ფსალმუნის გალობა. დიდი ხა-
ნი იყო უკვე, რაც ჰაბუქს აღარაფერი ესმოდა, ვეღარაფერს ხედავდა. ყველა
წამოდგა, ადგა ისიც. აქ დაუტადოს, ვიდრე არ ჩაუვლის, თუ გარეთ გავიდეს?
გვენდური ელოდა. შეხედოს თუ არა, როცა ჩაუვლის? შეხედოს და მზერას
ჩააქსოვოს მთელი თავისი სიყვარული, თუ თვლი დახაროს, მორჩილად, სა-
სოწარკვეთილებით? გვენდური ისე მიშტერებოდა წითელ ქუდს, თითქოს უნ-
დოდა მოზღვავებული სიყვარულის ნაკადი გადაეფრქვია მისთვის და უცებ
დაინახა, რომ ის, ის არ არის, ვინც ეგონა. დაბის მცხოვრები, ხანშიშესული
ქალი, რომელმაც ბუში გააჩინა, ტოურირის შუათანა ქალიშვილი იდგა იქ, ამა-
ზრზენი წითელი ქუდი ეხურა. ჰაბუქმა გაჭირვებით მოითქვა სული, გულში
საშინელი სიცარიელე იგრძნო, ირგვლივაც საშინელი სიცარიელე გამეფდა.

მაშ, ამოდ მჭდარა ამდენ ხანს საყდარში, მაშ, ამოდ იტანებოდა სულიერად ფსალმუნთა გალობის და ქადაგების დროს.

მღვდელმსახურების დამთავრების შემდეგ ხალხი საყდრიდან ეზოში გამოიფინა. მამასახლისის ფანჯრის ქვეშ პრიალა მანქანა იდგა. ცნობისმოყვარე გლეხები შემოეხვივნენ მანქანას, ვინ მინებზე აკაკუნებდა მოღუნული თითით. ვინ საბურავს აჭერდა ხელს, ამოწმებდა, მაგარია თუ არაო. გვენდურმაც დააკაკუნა მანქანის სარკმელზე, ხელი დააჭირა საბურავს. ალთინგის დეპუტატა წირვის დროს ჩამოსულიყო, ახლა თავის მშობლების სახლში, სასტუმრო ოთახში იჯდა. ამ დროს ბანკის დირექტორიც მოგრიალდა მანქანით თავის მომხრეებთან ერთად. მანქანა მოშორებით გააჩერეს. მამასახლისი სტუმრების შესაგებებლად გაეშურა, ისეთი დაკონკილი და მოთელილი ქურთუკი ეცვა, გვეგონებათ, ძაღლის საფენად ეგოთ აქამდე და ახლა, ამ საზეიმო წუთისთვის გამოაძრეს ძაღლს ქვევიდანო. საყელო ინგლისური ქინძისთავით ჰქონდა შეკრული, შარავალი წინდებში ჩატანებული, მოკლე, ისეთი საცოდავი შესახედავი იყო, რომ ძვირფას პალტოში გამოწყობილმა პარტიემულმა ბატონებმა ძლივს შეიკავეს უნებლიე მოძრაობა, კინაღამ ხუთი ერე ჩაუდეს ხელში, ის რომ მათ მიესალმა. სტუმრები დარბაზში შეიპატიყეს, დეპუტატები ყავას მიირთმევდნ და მერე გამოვლენო. ხალხი დასხდა, გვენდურიც დაჯდა სკამზე, ქული მუხლებზე დაიდო. ერთმა ბიჭმა ბურნუთი შესთავაზა და გვენდურს დააცემინა. გამობრძანდნენ კანდიდატები. ინგოულფ არნარსონ იოუნსონი, განა ქვეყნად მეორე იმისთანა კაცი მონახებოდა? რა დიდებულია, რა მაღალი, როგორი ფართო მხარბეჭი აქვს, ქერაა. ღვით დავიწყებულ ხეობებში მან გაიყვანა ჩინებული გზები ღარიბი გლეხობისათვის, ააგო ხიდები. მისი სახე, მისი მბრძანებლური გამოხედვა სათვალის მიღმა ისე ბრწყინავს, თითქოს მზესავით შუქს ჰფენს საცოდავ გლეხებს, მელერი, ძაღდაუტანებელი ხმით ლაპარაკობს, ქათქათა მანეიტებით დამშვენებულ პატარა ხელებს ისე ნარნარად ამოძრავებს. მისი სიტყვების აზრს აღარც კი უნდა ჩაუკვირდეს აღამიანი. საქმარისია ამ მეტყველ ხელებს ადევნოს თვალი. ზაფხულის სავანელ ჰაბუქს უკვირდა, რატომ ყველა არ ეთანხმებოა ინგოულფ არნარსონს, გულისძგერით ფიქრობდა იმაზე, რომ მისი ქალიშვილი უყვარს, რომ ეს ძღვეამოსილი კაცი, რომლის ახალთ-ახალი მანქანაც სარკმლის ქვეშ დგას, არსებითად მისი სიმამრია.

კრებზე წამოაყენეს ყველა საჭირბოროტო საკითხი. ილაპარაკეს: სამომხმარებლო საზოგადოებებსა და გლეხობაზე, ვაჭრების ძალმომრეობასა და შუაეკაცებზე, ბანკთა გავორტებასა და გემთმფლობელთა კომპანიების ზარალზე, კრედიტზე გლეხობისთვის, აგრარულ კანონპროექტზე, ინვენტარის უქსაძენ ფონდზე, ნაკელის ცისტერნებზე, ექსპორტსა, გზებსა და ხიდებზე, სატე-

ლევონო ქსელზე, ახალი მიწების მოხვნაზე, განათლებაზე, საცხოვრებელი სახლების მშენებლობასა და სოფლების ელექტროფიკაციაზე. ინგოულფ არნარსონი წარამარა დგებოდა, იჯგიმებოდა, არტიტულად იქნევედა ხელებს, ათითებდა თავის მოწინააღმდეგეზე, ამტკიცებდა, სწორედ ის არის პირდაპირი მიზეზი იმისა, რომ ბანკები დიდ ზარალს ნახულობენ, სპეკულანტები ფლანგავენ სახალხო დანაზოგს ამ კაცის წყალობით, გემთმფლობელების კომპანიებმა ფინანსიური სკანდალებით ისახელეს თავი, რომ ქონმახებში თავშეფარებულ ლატაკთა რისხვის—ჭლექის მიზეზიც ეს კაცი გახლავთ, კრონის კურსის დაცემის მიზეზიც, ესე იგი, მშრომელთა ურცხვი ძარცვის ხელშემწყობი, რომ ეს კაცი განათლების საკითხში ისეთ პოლიტიკას ადგია, მალე თავის თანამემამულეებს ზანგების დონეზე დაიყვანს. და ახლა, როცა გლეხობა ერთიანდება თავისი ინტერესების დასაცავად, თავისი მონაპოვრის შესანარჩუნებლად, ეს კაცი კვლავ აუშხედრდა გლეხობას, უნდა დაამციროს ის წოდება, საუკუნეების მანძილზე მხრებით რომ მიაქვს მძიმე ტვირთი, იცავს ქვეყნის კულტურას ათასი განსაცდელისგან.

გვენდური თავის თავს უკვე ინგოულფ არნარსონის სიძვდ თვლიდა და ყველაფერში ეთანხმებოდა, უსაზღვროდ აღტაცებული იყო ამ გენიალური კაცით, რომელიც იმით არ დაკმაყოფილდა, რომ შესანიშნავი გზატკეცილები გაიყვანა, აავო ხიდეები, მას უნდა ყოველ გლეხს ჰქონდეს ხეირიანი სახლი. და გვენდურს ველარ გაეგო, ზოგიერთები რატომ უსმენდნენ ასეთი გულისყურით ინგოულფის მოწინააღმდეგეს, ამ სქელ კაცს, რომელიც ორატორული ხიჭით არ გამოირჩეოდა, სამარცხვინო სიმშვედით იტანდა ლანძვას; და, მიუხედავად ათასი ბოროტმოქმედებისა, რაც ჩაედინა, უტიფრადაც იღიმებოდა, როცა ინგოულფი დაუფარავად, პირში ახლიდა ბრალდებებს. საკვირველი ის არის, რომ ეს კაცი დღემდე არ დაუპატიმრებიათ! ბოლოს, როცა ორივე კანდიდატმა ელფეროვნად დაუხატა მსმენელებს, თუ როგორ აპირებს ქვეყნის გადარჩენას, კრება დახურულად გამოაცხადეს. ხალხი დაიშალა, კანდიდატები ხმამაღალი სიცილით გავიდნენ ბაღში, თითქოს ასეთი გულითადი მეგობრები არასოდეს არ ყოფილან, როგორც დღეს გახდნენო. კრებამ ბევრი ასო ამოვნა, მაგრამ მთელ ამ ხალხში არავინ ისე მხიარულად არ გრძობდა თავს, როგორც ის ორი კაცი. ჰიშკართან მოწინააღმდეგეები ერთმანეთს გამოემშვიდობნენ, ხელი ჩამოართვეს, მრავალმეტყველად დიდხანს უყურებდნენ ერთმანეთს თვალებში, როგორც მიჯნურები საიდუმლო შეხვედრის შემდეგ. მანკის ღირექტორი გაემგზავრა. გლეხებმაც თავლიდან გამოიყვანეს ცხენები და ჭგუფ-ჭგუფად წავიდ-წამოვიდნენ თავთავისი გზით. გვენდური კი ფეხს ითრევდა, რამდენჯერმე შემოუარა მამასახლისის სახლს, მალულად სარკმელ-

ში შეიკვრიტა: უკანა კარზე ხომ არ დავაკაქუნო, ჩაქუჩი ხომ არ ვთხოვო ცხენის დასაკედად? ან ერთი კიქა წყალი? არა, რა აზრი აქვს? რომელიმე მოსამსახურე გამოვა და ამით მთლად წახდება საქმე, ბოლოს კარგი აზრი დაებადა: შოლტს დავმალავ ბავაში, წავალ, გზიდან გამოვბრუნდები, დავაკაქუნებ კარზე, ალბათ მოჩამაგირე გამოვა, ვთხოვ, თუ იპოვით ჩემს შოლტს, შემიწახეთ-მეთქი. მამასახლისის ოჯახში იქნებ ამაზე დაიწყონ ლაპარაკი, ახსენონ ჩემი სახელი და, ვინ იცის, ეგებ მალულად გამოვიდეს ვინმე შოლტის მოსაძებნად, იქნებ მან იპოვოს შოლტი? გვენდურმა თავლის კედელში, ქვეშ ღრმად შემალა შოლტი და წავიდა. ბორცეს რომ მიაღწია, ცხენი მოაბრუნა. როცა მამასახლისი ეზოში შევიდა, იქ აღარავინ დახვდა. სწორედ იმ წუთში გაიღო სადარბაზო კარი, ფართო პალტოში გამოწყობილი ინგოულუვ არნარსონი გამოვიდა დედის თანხლებით. დეპუტატმა დედას აკოცა, მანქანის კარი გააღო და ჩაჯდა. შემდეგ ცისფერ კაბაში გამოწყობილი, ოქროსფერკულულებიანი გოგონა გამოვიდა, პალტო მკლავზე ჰქონდა გადაკიდებული, კისერზე შემოეკიდო ბაბუას, გადაჰკოცნა, წაშში ჩამოფრთხილდა კიბეზე და მანქანაში მამას მიუჯდა გვერდით, თეთრი ხელი დაუქნია ბებიას და ბაბუას. გვენდურმა მანქანის მინის იქით დაინახა ღიმილით გაბრწყინებული მისი სახე—ეს იყო ჯადოსნური ზმანება. ძრავა ამუშავდა და როცა მანქანა დაიძრა, გოგონამ მამას ჭაულიმა: მზე ბრწყვიალებდა მანქანის მინებზე და ლაქზე, როცა მამა-შვილმა დაუხარა გვენდურს, არც ერთს არ დაუნახავს მოცარიელებულ მოედანზე საყდრის წინ მარტო მდგარი ჰაბუკი, რომელიც მათ შეჰყურებდა, როცა მანქანამ გვერდით ჩაუარა და ბენზინის საამო სუნი შეაფრქვია. არასოდეს არ უგრძვნია გვენდურს ასეთი სიცარიელე. თავლაში შევიდა, სამალავიდან გამოიღო თავისი შოლტი, ცხენს მოახტა და გაჰქუსლა. მანქანა ბორცეს მიეფარა, მაგრამ მეორე წუთში უკვე უღელტეხილზე გამოჩნდა. ეს რა გიჟური აზრი მოუვიდა—ცხენის ჩუქება? გვენდურმა ისე გამხეცებით გადაჰკრა შოლტი ცხენს; რომ პირუტყვემა დაიჭიბვინა. მართალი არიან, ნამდვილი ბებერი ჯაგლაგია. უვარგისია, უვარგისი. უნდა გაყიდოს. დიახ, გაჰყიდის, თუკი გასულელდება ვინმე და ამის ყიდვას მოისურვებს.

— ცოტა ხანს დამიცადე აქ, ჩემო მეგობარო, — უთხრა შვილს ალთინგის დეპუტატმა, — ერთი წუთით შევიხედავ ამ ქოხში, ბერიკაცს მინდა მოველაპარაკო, — მან მანქანა გზის პირას მიაყენა, ძრავა გამოართო. — ხომ არ წამოჩნდა ჩემთან ერთად?

— არა, — უპასუხა შვილმა. — მეშინია, ხამლი დამესვრება.

ყმაწვილმა ქალმა თვალი გააყოლა მამას. წარმოსადგეი, მხარბეჭვანიერი ინგოულფი ხუტორისკენ მიდიოდა.

ბიარტური საძოვარზე იყო ამ დროს, სტუმრის შესაგებებლად გამოეშურა, „ძვირფასი ინგი“ უწოდა დეპუტატს და შინ შეიპატიჟა. მაგრამ ინგოულფ არნარსონს ეჩქარებოდა, წუთით შეიარა თავის ძველ მეგობართან, თავის ძუძუმტესთან. მხიარულად მხარზე ხელი დაჰკრა მეგობარს და ჰკითხა, კრებაზე რატომ არ მოხვედით. სადა მაქვს იმის დრო, რომ კრებებზე ვიარო, ათას რომევისა და მიქარეებს ყური ვუგდოო, — უპასუხა ბიარტურმა.

— რაღა გითხრა აბა, — თქვა ღიმილით ალთინგის დეპუტატმა. — ჩემის აზრით, საჭირბოროტო საკითხებზე კამათის მოსმენა ყველასთვის სასარგებლოა, გონებას წმენდს.

— მე ეგ არ მიმაჩნია საჭირბოროტო საკითხებზე კამათად, თქვენ რომ კვირა უქმე დღეს შეიყრებით და ერთმანეთს ჯანდაბაში ისტუმრებთ. ძველ დროს ეს არ ითვლებოდა კამათად. მაშინ დიდი გმირული საქმეები ხდებოდა, ქვეყნად ჭეშმარიტი დიადი ხალხი ცხოვრობდა, ისინი ერთმანეთს ორთაბრძოლაში იწვევდნენ, ან ლაშქარს შეკრებდნენ და მტრის ურიცხვ ურდოს მუსრს ავლებდნენ.

ალთინგის დეპუტატს იმის დრო არ ჰქონდა, რომ ძველ პოემებში ნაქები პოლიტიკისთვის ეგდო ყური. მან თურმე საიდნაღაც გაიგო, რომ ზაფხულის საყანელი ბიარტური სახლის აშენებას აპირებს. თუ მართალია ეს, როდის აპირებს მშენებლობის დაწყებას?

— როცა მომეხასიათება, მაშინ დავიწყებ, — უპასუხა ბიარტურმა.

— თუ ზაფხულში აპირებ აშენებას, სჯობია ახლავე მოვილაპარაკოთ, თორემ ამ კვირის ბოლომდე ფიორდიდან წავალ და არჩევნების დამთავრებამდე აღარ დავბრუნდები.

— ჩემო ძვირფასო ინგი, ნუთუ დარწმუნებული ხარ, რომ სხვებმა უფრო ხელსაყრელი პირობები არ შემომთავაზეს? — ჰკითხა ბიარტურმა.

— მე არავითარ პირობებს არ გთავაზობ, ეს გაუგებრობაა, — უპასუხა ალთინგის დეპუტატმა. — სამომხმარებლო საზოგადოება საწერილმანო დუქანი არ გახლავთ. ჩვენ ვაჭრუკანებივით კი არ ვიტყუებთ მყიდველებს. სამომხმარებლო საზოგადოება — ეს შენი პირადი, ღვიძლი საქმეა. შენ თვითონ ადგენ პირობებს, შენ, და არა გარეშე ხალხი, ადგენ ცემენტის ფასს და სხვა სამშენებლო მასალის ფასს, შენვე, და არა სხვა ვინმე, მოსთხოვ საკუთარ თავს ვალის გადახდას. მე მხოლოდ გეკითხები, როგორი ზრძანებების მოცემას ინებებ? მე შენი მსახური ვარ. როდისთვის გინდა სამშენებლო მასალის მი-

ღება? შენს მაგივრად მე ვიანგარიშო, რა თანხის გამოტანა დაგჭირდება, თუ თვითონ გააკეთებ ამას?

— ხეირს არ მომცემს შემნახველი ბანკიდან ფულის გამოტანა. სჯობს ჩვეულუბრივი ბანკიდან გამოვიტანო.

— ე, ჩემო ძვირფასო ბიარტურ, ეგ ჩვეულუბრივი ბანკი ისე კარგია, რომ არ გამოიკვირდება, თუ ჩვენი მთების მეფე საშობაოდ ხუტორთან ერთად მთელ თავის ავლაღიდებას დაჰკარგავს და სიძეს კარს მიადგება მოჯამაგირედ. რაც შეეხება მის სიძეს, თუ მოვინდომე, ხელად ციხეში ვუკრავ თავს. დამიჯერე, ძვირფასო, ზაფხული გასული არ იქნება, რომ მე უკვე სახელმწიფო ბანკს ჩავიგდებ ხელში და მაშინ ან ეგ თაღლითების გროვა გაკოტრდება, ან მე ინგოულფ არნარსონი არ ვიქნები. გაიხსენებ ჩემს სიტყვას. ცუდ დღეში ჩავარდებიან ისინი, ვინც მაგ ავაზაკებს დაუჭერს მხარს და თავის ბედ-იღბალს მიანდობს. ჩვენი შემნახველი ბანკი კი, ძვირფასო ბიარტურ, ნაღდი საქმეა, მიუხედავად იმისა, რომ გრძელვადიან სესხს არ იძლევა. ანდა რა ხერხია გრძელვადიან სესხში? როცა ხუტორს ტვირთად აწევს გრძელვადიანი იპოთეკა, მისი მფლობელი მარტო ქაღალდზე ირიცხება ხუტორის პატრონად.

ეს იყო ფინანსიური დიდი საკითხი და ბიარტური შეეყოყმანდა. ის ხომ უბრალო გლეხი იყო, მთიელი, შიშველი ხელებით ებრძოდა ბუნებას და მოჩვენებებს. თუ რამ ისწავლა, მხოლოდ უძველესი პოემებიდან და საგებიდან. უყვარდა ეს საგები, სადაც ბრძოლებია აღწერილი, გამირების ბრძოლები, ზედმეტ სიტყვებს რომ არ ხარჯავენ და ჟღერენ ერთუროს.

— სამშენებლო მასალა ჩვენთან ერთი მესამედით იაფია, ვიდრე ვიკში,— განაგრძო დეპუტატმა, — მოკლე ხანში ჩვენი საზოგადოება უცხოეთიდან მიიღებს ცემენტს. ასეთი შემთხვევა შეიძლება მეორედ აღარ მოგვეცეს. გარდა ამისა, საქმეს ისეთი პირი უჩანს, რომ შემოდგომაზე კიდევ აიწვევს ცნვრის ფასი ორმოცდაათ კრონამდე.

— კაცი ხეირიანად ვერასოდეს ვერ გაიგებს, როდის ამბობთ მართალს და როდის სტყუით, — უთხრა დეპუტატს ბიარტურმა, — მაგრამ მე მაინც მგონია, რომ თქვენ მუდამ სტყუით.

ალთინგის დეპუტატს გაეცინა, მხარზე ხელი დაჰკრა ბიარტურს და უთხრა:

— მაშ ასე, ხვალვე შემიძლია გამოვიგზავნო პირველი ურემი ცემენტა. დანარჩენი თავისთავად გაკეთდება. ჩემს მოადგილესთან შეგიძლია ნახო ნახაზები. დურგლები და კალატოზები სამომხმარებლო საზოგადოებას არ აკლია, რაც შეეხება სესხს, დაახლოებით ვიცი, რამდენი დაგჭირდება. შემოიარე ჩემთან, დაწვრილებით მოვილაპარაკოთ ამაზე ხვალ ან ზეგ.

მანქანა გზაზე იდგა, ზაფხულის სავანის წინ. საფერზე ცხენი დაფრთხა, ყურები ცქვიტა, მხედარი რაც ძალი და ღონე ჰქონდა ფერდებზე უჭერდა ფეხებს, მაგრამ ბოლოს იძულებული გახდა დაქვეითებულიყო და სადავით წაეყვანა ცხენი. ჩამავალი მზის სხივებზე უფრო ბრწყინავდა და ლაპლაპებდა მანქანა, რაღაც უცნაური, ფანტასტიკური ჩანდა, სრულიად არ ეხამებოდა იქაურ ბუნებას. გვენდურმა. პირდაპირ მანქანისკენ წაიყვანა ცხენი. მანქანის ღია სარკმლიდან გამოიძაბა ცისფერი კვამლი. ყმაწვილი ქალი წინა საჯდომზე იჯდა და პაპიროსს ეწეოდა. გვენდურმა დაინახა მისი მხრები, თეთრი ყელი, თქროსფერი კულულები და ღაწვი. ჭაბუკი უკვე მიუახლოვდა მანქანას, მაგრამ ქალმა ზედ არ შეხედა. სარკმლიდან ისევ გამოდიოდა პაპიროსის კვამლი და რგოლებად ეხვეოდა. გვენდური ზედ მიადგა მანქანას.

— საღამო მშვიდობისა!

ყმაწვილი ქალი შეკრთა, უცებ დამალა პაპიროსი, მაგრამ მერე ისევ მიიტანა პირთან.

— რად შემაშინე? — ჰკითხა ჭაბუკს მელოდიური, ოღნავ ცხვირისმიერი ხმით.

— ჩემი ცხენი მინდა გიჩვენო, — უპასუხა გვენდურმა და გაუღიმა.

— ცხენი? — ისე იკითხა ყმაწვილმა ქალმა, თითქოს პირველად ესმის ამ პირუტყვის სახელით.

— ჰო, ცხენი, — გაუმეორა გვენდურმა და ისიც უთხრა, თუ რა მისცა. მისი ცხენი მთელ ოლქში ყველაზე ძვირფასი იყო.

— მერე მე რა მესაქმება მაგ ცხენთან? — იკითხა ყმაწვილმა ქალმა.

— ნუთუ ველარ მცნობ? — შეცბა ჭაბუკი.

— არ მახსოვს, — ხმადაბლა თქვა ყმაწვილმა ქალმა, პირდაპირ გაჰყურებდა გზას თავისი მამის მანქანის სარკმლიდან, ხელში პაპიროსი ეჭირა. გვენდური თვალდაჰყვტილი მიჩერებოდა.

ბოლოს ყმაწვილმა ქალმა თავი მოაბრუნა, მედიდურად შეათვალიერა ჭაბუკი თავით ფეხამდე და ისეთი კილოთი ჰკითხა. თითქოს პირადად მას მიაყენესო შეურაცხყოფა:

— რატომ ამერიკაში არ წახვედი?

— იმ ღამეს დავიგვიანე, ველარ ჩავუსწარი ხომალდს.

— მეორე ხომალდით რატომ არ წახვედი?

— ცხენის ყიდვა ვამჯობინე.

— ცხენის?

გვენდურმა გამბედაობა მოიკრიბა და უთხრა:

— მე ვფიქრობდი, რომ აქაც შემიძლია კაცი გავხდე, რაკი შენ გაგიცანი!

— მაწანწალაჲ! — წამოიძახა ყმაწვილმა ქალმა.

გვენდურს სისხლი ყელში მოაწვა, წამოჰარხლდა, ღიმილი შეეყინა სახეზე, ზედა ტუჩი აუთრთოლდა.

— მაწანწალა არ გახლავართ, — დაიყვირა მან, — დაგიმტკიცებ ამას. დიახ, გაიგებ როდისმე.

— თუ შუაგზაზე მიატოვე დაწყებული საქმე, მაშასადამე, მაწანწალა ხარ. მაწანწალა, უქნარა და ლაჩარი. დიახ, ლაჩარი. მრცხენია, არცკი მინდა გვეიხსენო, რომ შენ შეგხედე. და მით უფრო ვიწვი სირცხვილით, შენ რომ გელაპარაკები.

გვენდურმა ერთი ნაბიჯით უკან დაიხია, თვალეზი აენთო.

— ჩვენც ავაშენებთ სახლს, ისეთ სახლს, როგორიც რედსმირშია, იქნებ იმაზე ღიდი და უკეთესიც ავაშენოთ!

ყმაწვილმა ქალმა ზიზლით ჩაიციხა.

— თქვენ, რედსმირელები, — დაიყვირა გვენდურმა, — დარწმუნებული ხართ, რომ ჩვენი გაქვლვა შეგიძლიათ. ასე გეგონათ მულდამ. — უფრო ახლოს მივიდა მანქანასთან და მუშტი ზედ ცხვირთან შეუტრიალა ყმაწვილ ქალს. — მაგრამ დამაცადეთ, მე თქვენ გიჩვენებთ!

— თავი დამანებე, მე შენ არ გელაპარაკები!

— რამდენიმე წლის შემდეგ ზაფხულის საენის პატრონი გაეხდები, ისეთივე მდიდარი გლეხი, როგორც ბაბუაშენია. იქნებ იმაზე მდიდარიც გავხდე. აი, ნახავ!

ყმაწვილმა ქალმა კვამლის ბოლქვი გამოუშვა პირიდან, თვალმოჭუტულმა შეათვალიერა ჭაბუჯი.

— მამაჩემი მთელი ქვეყნის მბრძანებელი გახდება, — თქვა მან, წინ გადაიხარა, თვალი გაახილა, მუქარით ჩააქცერდა ჭაბუჯს, — მთელი ისლანდიის მბრძანებელი, მთელი ისლანდიის...

გვენდური მობიუზა, თვალი დახარა.

— ასე სასტიკად რად მექცევი? ხომ იცი, რომ შენი გულისთვის დავთმე ამერიკა, შენი გულისთვის არ წავედი, მეგონა, რომ გიყვარდი.

— ვირო! იქნებ ოდნავ მაინც მყვარებოდი, ამერიკაში რომ წასულიყავი, — უპასუხა ყმაწვილმა ქალმა, უცებ გონებამახვილური აზრი დაებადა და წამოისროლა: — სულ ოდნავ მყვარებოდი, განსაკუთრებით მაშინ, თუ არასოდეს არ დაბრუნდებოდი. ვაი, მამა მოდის! — და მან პაპიროსი თხრილში ჩაავლო.

— ვის ელაპარაკები, ჩემო მეგობარო? — ჰკითხა ინგოულფ არნარსონმა შვილს. — აი, ეს კი შესანიშნავია.

მანქანაში ჩაჯდა და სივარას ძოლავდა.

— ხუტორელი ყმაწვილია, ამერიკაში მიდიოდა, — უპასუხა მეილძა დააქი-

— აა, ის არის, — თქვა ალთინგის დეპუტატმა და სტარტერს ფენი რომ არ
რა, გაათავისუფლა ძრავა. — კარგად მოქცეულა ჰაბუკი, ამერიკაში რომ არ
წავიდა. ძალიან კარგად, სიძნელეებს აქ, სამშობლოში უნდა ვებრძოლოთ,
უნდა ვებრძოლოთ და დაეძლიოთ. გწამდეს შენი მშობლიური მიწის, ჰაბუ-
კო, და იგი უხვად დაგაჭილდოვებს. ყველაფერი ისლანდიისათვის! ჩამდენი
წლისა ხარ?

ჰაბუკი ჯერ მხოლოდ ჩვიდმეტი წლისა იყო, საარჩევნო ხმის უფლება
არა ჰქონდა.

ალთინგის დეპუტატმა ბერკეტს ხელი დააქირა, უცებ დაჰკარგა ინტერესი
ხუტორელი ჰაბუკისადმი, მანქანა დაძრა, დაბნევით მიიტანა ცალი თითი ქულ-
თან, თითქოს ემშვიდობებოდა ჰაბუკს, ან იქნებ ქულის შესწორება უნდოდა.

ასე გაემგზავრნენ. მანქანამ გზაზე მტერის ბული ააყენა, ცოტა ხანში
მტვერი ისევ დაჯდა.

თ ა ვ ი ს ა მ ო ც ლ ა მ ე რ ე ვ ე

თანამედროვე კომეზია

ყველაზე დახლართული საქმეებიც კი ასე თუ ისე მოგვარდება ხოლმე,
თუმცა გარკვეულ დრომდე ზოგიერთს არა სჯერა ეს. ჩვენი ოცნებებიც ხორ-
ციელდება, განსაკუთრებით მაშინ, როცა ამისათვის ხელსაყრ არ ვანძრევთ.
გონს მოსვლა ვერ მოასწორო ბიარტურმა, რომ პირველი ურემი ცემენტის უკ-
ვე ეზოში ჰქონდა. ამბობენ, როცა ადამიანი უკეთეს სახლში ცხოვრების
ღირსი გახდება, ეს უკეთესი სახლი, თითქოს მიწიდან ამოვიდა, უცებ ამოე-
მართებაო წინ. ცხოვრება ყველაფერს გვაძლევს, რისი ღირსნიც ვართ. და არა
მარტო ცალკეულ პირთ, არამედ მთელ ხალხს. მაგალითად, ავიღოთ ომი. ომმა
ფეხზე დააყენა არა მარტო ცალკეული პირნი, არამედ ზოგიერთი ხალხებიც,
მათი მხრივ ყოველგვარი მეცადინეობის გაუწევლად. საეჭვოა, რომ პოლიტიკურ
მთლვაწივებს, რაგინდ უბრძენსნი არ უნდა ყოფილიყვნენ ისინი, ისლანდიელი
ხალხისთვის ოდესმე იმის მესაედი გაეკეთებინოთ, რაც გააკეთა სისხლისმღვრე-
ლმა ომმა, სადღაც უცხო ქვეყანაში რომ ტრიალებდა. მას შემდეგ, რაც ბიარ-
ტური პატივცემული კაცი გახდა, აღარ უარჰყოფდა იმას, რომ წარსულში ზაფ-

სულის სავანეს ბევრი ჰირ-ვარამი და განსაცდელი უნახავს, მაგრამ რას იზამ, მოთმინებითა შენითა მოიპოვე სული შენით. სამაგიეროდ, მას სხვისი პური არ უჭამია. სხვისი პური—ეს ყველაზე საშინელი შხამია თავისუფალი და დამოუკიდებელი ადამიანისთვის. ეს არის ერთადერთი, რასაც შეუძლია წაართვას კაცს დამოუკიდებლობა და ჰემშიარტი თავისუფლება. იყო დრო, როცა ზოგიერთებს უნდოდათ ბიარტურისათვის ძროხა ეჩუქებინათ, მაგრამ ის ისეთი კაცი არ გახლავთ, რომ თავის მტრებისგან საჩუქრები მიიღოს. და თუ მან ერთი წლის შემდეგ დაკლა ის ძროხა, დაკლა მხოლოდ იმიტომ, რომ შორს იყურებოდა, ხედავდა შორეულ მიზანს. აკი მაშინვე თქვა, რომ ტყუილუბრალოდ ფულის ფლანგვას არ აპირებს, ფული მომავალში უფრო დასჭირდება; იქნებ, სასახლეც კი აიშენოს. ახლაც ასე თქვა სამომხმარებლო საზოგადოებაში: თუ აშენება, აშენება იყოს, ორსართულიანი სახლი მინდა, მეზონინითო. სამომხმარებლო საზოგადოებაში, როგორც იყო, დაარწმუნეს, რომ მისთვის ერთსართულიანი სახლი სჯობს. კარგი სარდაფი და სხვენი ექნება, იგივე სამსართულიანი სახლი გამოგივაო. მან მიიღო სესხი შემნახველი ბანკიდან. მიწის ცარიელი ნაკვეთი არ ითვლებოდა საკმაო გარანტიად გრძელვადიანი სესხის მისაღებად; სესხს მხოლოდ ერთი წლის ვადით აძლევდნენ. ჩვეულებრივად გირავნობის პირველ სიგელზე მხოლოდ ოცდაათ პროცენტს უხდიდნენ, ისიც იმ შემთხვევაში, თუ სამომხმარებლო საზოგადოება თავდებად დაუდგებოდა გლეხს. სამომხმარებლო საზოგადოებამ კი ამის სანაცვლოდ მიწის გირავნობის მეორე სიგელი მოითხოვა. სამაგიეროდ, შემნახველ ბანკში ბიარტურს შეჰპირდნენ, რომ შემოდგომაზე კიდევ მისცემდნენ სესხს, როცა სახლის მშენებლობას მოათავებდა და გირავნობის ახალ სიგელს გააკეთებდა, ამერად სახლსა და მიწის ნაკვეთზე ერთად. ამ მეორე სესხით დაჰფარავდა ბიარტური სამშენებლო მასალის ვალს სამომხმარებლო საზოგადოებაში. ამგვარი სამსახურის სანაცვლოდ, ბიარტურმა არჩევნებში ხმა მისცა ინგოულფ არნარსონ ოუნსონს, რათა იგი კვლავ გამხდარიყო ალთინგის წევრი, მჭდარიყო ალთინგის სხდომებზე, როგორც მათი წარმომადგენელი, გადაეჭრა ხალხის საჭირბოროტო საკითხები. ამრიგად, სამომხმარებლო საზოგადოების თავმჯდომარე კვლავ გავიდა ალთინგში და ამით ვაჭრებს ლახვარი ჩასცეს.

დიდი ზეიმი ჰქონდათ მათ, ვინც სამომხმარებლო საზოგადოების თავმჯდომარეს მისცა ხმა, ბანკის დირექტორის მომხრეებმა კი ყურები ჩამოჰყარეს, დანა პირს არ უხსნიდათ, მწარედ ნანობდნენ, რადგან სახალხო ბანკს უკვე წყალი შეუღდა, გაკოტრების პირზე იყო მისული, გარდა ამისა, მათ ხომ დაუფარავად გამოამყდავენეს მტრული განწყობილება რედსმირელებისადმი. რალა უნდა ექნათ ახლა, ვილას მიდგომოდნენ გაჭირვებაში, საკუთარი ხელით

რომ დაიტეხეს თავს? ამასთან ერთად, ახალი საფრთხეც ელოდათ: თურქმე უცხოელებს ძალა გამოეღია, აღარ შეეძლოთ ომი და მოკლე ხანში სასოფლო-სამეურნეო პროდუქტების ფასი დაეცემოდა.

საძირკვლის ამოსაყვანად ბორცვზე, ძველი მიწური ქოხის სამხრეთ მხარეს ამოთხარეს ქვაბული. ამოაშენეს საძირკველი და სარდაფი. საუცხოო სარდაფი გამოვიდა. ხელოსნებმა ერთი კვირით შეწყვიტეს მუშაობა, შემდეგ ოთახების ამოყვანას შეუდგნენ. ოთხი ოთახი და სამზარეულო იყო დაგეგმილი. ბიარტურის ეზოში ახლა მარტო ბავშვები აკლდნენ, პატარა ცნობისმოყვარე ბავშვები, უწინ რომ ანცობდნენ და დანავარდობდნენ იქ, როცა ფარებს აშენებდნენ. ახლა იმდენი საინტერესო რამ იყო აქ: ხისა და ბეტონის სუნი, ჩაქურჩების კაკუნი, ბეტონსარკვეების ხმაური, მუშები, მანქანები და ცხენები, სილა და ხრეში. მაშინ ჟერ კიდევ არ იცოდნენ ორმაგი კედლების ამოყვანა, არც რკინა-ბეტონს იყენებდნენ; ჩვეულებრივი, უბრალო, მაგრამ სქელი კედლები ამოიყვანეს. თიბვის დრო რომ მოაწლოდა, სხვენილა ჰქონდათ ამოსაშენებელი და სახლი გადასახურავი. მაგრამ ამ დროისთვის ბიარტურს ფული გამოეღია და ქალაქს წავიდა შემნახველი ბანკიდან ახალი სესხის გამოსატანად, ინგოულფ არნარსონი ფიორდში არ დაუხვდა და, მიუხედავად იმისა, რომ ბანკში შემოდგომისთვის შეპირებული იყვნენ მეორე სესხის გაცემას, ახლა უარით გამოისტუმრეს. სამომხმარებლო საზოგადოებაში გაზაფხულზე არ აღმოაჩნდათ გადასახურავი შიფერი და ფანჯრის მინები, ძალზე ბევრი იშენებდა სახლს, დუქანი გამოცარიელებული იყო, მასალის მეორე პარტიას ელოდნენ, ფანჯრის მინები ზაფხულში უნდა მიეღოთ, შიფერი კი შემოდგომაზე. „დავიცადოთ, ვნახოთ, საქონლის ფასი აიწევს თუ დაეცემა“, — ამბობდნენ სამომხმარებლო საზოგადოებაში. ასე რომ, ბიარტურის სახლი მთელი ზაფხული დაუმთავრებელი იდგა. მეტისმეტად ულაზათო სურათი იყო. გზაზე გამველვები თვალთ ეძებდნენ პატარა. ბალახით დაფარულ სახლს, რომელსაც წინ აფარებოდა ეს უფორმო ურჩხული. თითქოს ქარიშხალმა მიღწე-მოღწეა ყველაფერი და ნანგრევებილა დასტოვაო, ისე გამოიყურებოდა იქაურობა. მაგრამ თუ ვინმე ფიქრობდა, რომ ბიარტურის სახლი ასე დარჩებოდა მოუთავებელი, ძალზე შემცდარა. ომი ერთი წლის დამთავრებული იყო, მაგრამ შემოდგომაზე ისე აიწია ცხვარზე ფასმა, ასეოი ფასები ისლანდიაში ადრე სიზმრადაც არ მოლოდინებიათ. და შემოდგომაზე რედსმირელმა ფრუმ ქალთა კავშირების ყრილობაზე, დედაქალაქში, ფრთოსანი სიტყვა წამოისროლა: „ისლანდია — ციური ქვეყანა“.

ორმოცდაათ კრონად ფასობდა ერთი ცხვარი. დედაქალაქის გაზეთებმა აღტაცებისაგან იგულდებოდნენ, ქებით ცამდე აჰყავდათ გლეხის კულტურის

უპირატესობა წარსულში თუ აწმყოში, განსაკუთრებით აღიდებდნენ გლეხის ღვაწლს. ბიარტურმა შემნახველ ბანქში მიიღო მეორე სესხი, შემდეგ ხე-ტყე, მინები, გადასახურავი შიფერი, დაიჭირავე ხელოსნები და შემოდგომაზე სახლი უკვე გადახურული ჰქონდა. ოღონდ, როცა სხვენის გამართვას შეუდგნენ, სარდაფის კედლები დაიბზარა. ათისთავმა გამოაცხადა, ეს ნამდვილად მიწისძვრის შედეგიაო. ამ ზაფხულს მიწისძვრა არ ყოფილაო, უპასუხა ბიარტურმა.

— კორეაში იყო მიწისძვრა, — მოახსენა ათისთავმა და თან დაანუგეშა: — ეგ უბრალო ბზარებია, მაგათი შეკეთება ადვილია.

მიუხედავად ბზარებისა, ამ სახლის შეხედვაზე მის პატრონს მომავალი ცხოვრების წარმტაცი სურათები ეხატებოდა ოცნებაში. ბიარტური უყურებდა სახლს და თავისთვის რაღაცას დუღუნებდა.

როცა მთიდან ცხვარი ჩამორეკეს, მამა-შეილი ფიორდს გაემგზავრა ორი ფორნით. ათასი წვრილმანი რამ ჰქონდათ საყიდი ოჯახისთვის. ბიარტური მთელი გზა ხმას არ იღებდა, მაგრამ უშენის აღმოსავლეთ მხარეს რომ მიაღწიეს, დუმილი დაარღვია და გვენდურს უთხრა:

— მამ ასე, არა? ვაზაფხულზე მითხარი, თითქოს აუსტა სოულილიამ ჩემს ლექსებს უშნოდ შეითხნელი ლექსები უწოდა!

— ჰო, რაღაც ამდაგვარი მითხრა, — მიუგო გვენდურმა.

— და რომ მისი მეგობრები თანამედროვე პოეზიას აძლევენ უპირატესობას. ასე თქვი, არა?

— დიახ, აუსტას დანიშნული ჰყავს. თანამედროვე ახალგაზრდა პოეტი.

— ძნელი არ არის ისე წერა, როგორც თანამედროვე პოეტები წერენ, — თქვა ბიარტურმა, — ეგ ფაღარათსა ჰგავს, შინაგანი რითმა არ გააჩნია, მარტო ბოლო რითმა აქვს.

გვენდურს არ ეხერხებოდა ლექსების თხზვა და ვერაფერი უპასუხა მამას. ცოტა ხნის შემდეგ ბიარტურმა დაიწყო:

— ყოველ შემთხვევისათვის, თუ ვინცობაა კიდევ შეხვდი ქალაქში აუსტა სოულილიას, თანამედროვე ლექსს წაგიკითხავ, დაიხსომე და გადაეცი, სულ სამი სტროფია. ნულარ იტყვის, თითქოს ასეთი უბრალო რამის დაძლევა მიჭირდეს.

— გადავცემ, თუკი დამამახსოვრდა.

— არსად წამოგცდეს, ყმაწვილო, ერთი მოსმენით რომ სამი სტროფის დახსომება არ შეგიძლია, — ბიარტურმა კიდევ რაღაც ჩაილაპარაკა თავისთვის და დაუმატა: — ომზეა ეს სამი სტროფი. მომისმინე:

ძალიან ბევრი დაეცა ომში,
საზარელ ომში დაეცა ყველა,

მაგრამ მე რა ვქნა, არ შეუძლებს
არაინ,

ახლა ნაკლებად ველაგ.
იგავის ახსნას ამაოდ ვლამობ,
ომი დაიწყო ფედარში, დარში,
სულ ერთადერთი ყვაილის გამო,
რომელსაც ღერო მოსტეხეს მაშინ.
და ჩემი ლექსიც ყვაილთან ერთად
მოკვდა...

არ ვიცი, რამ ვამახაროს,
აწ აღარაფერს არ ვეძებ მეტად,
ღამშრალა ჩემი იმედის წყარო.

— უკეთესი არ იქნება, თვითონ მიხვლედ სოულასთან? — ჰკითხა გვენ-
დურმა.

— მე? — იტყვიცა ბიარტურმა. — არა, ასეთ ხალხთან საერთო არაფერი
მაქვს.

— როგორ ხალხთან?

— ვინც ჩემი ნდობა არ გაამართლა. განა ამის შემდეგ მევე უნდა ვეახ-
ლო და ქედი მოვუხარო? არა, ვინც იმედი გამიძრუა, იმას შეუძლია მოვი-
დეს და პატიება მოთხოვოს. მე იოტის ოღენა დანაშაულს არა ვგრძნობ არა-
ფერში. გარდა ამისა, ის ჩემი სისხლი და ხორცი არ არის.

— სულ ერთია, მაინც უნდა მიხვიდე მასთან, — უთხრა ჰაბუკმა მტკი-
ცედ, — დარწმუნებული ვარ, რომ ძალიან ცუდ დღეშია. შენ ხომ შინიდან
გააგდე. გააგდე მაშინ, როცა ფეხმძიმედ იყო.

— შენი საქმე არ არის, ვინ გავაგდე და როდის. ღმერთს უმადლოდე,
რომ შენც არ გააგდე. მაგრამ იცოდე, თუ კიდევ გამიბედავ ასეთ თავხედურ
ლაპარაკს, არც შენ აგცდება ეგ დღე.

— დარწმუნებული ვარ, რომ სოულას ძალიან გაუხარდება, თუ მოინა-
ხულებ.

ბიარტურმა ერთბაშად, მოსხლეთით მოსწია სადავე და წამოიძახა:

— არა, არასოდეს, ცოცხალი თავით მე მასთან მიმსვლელი არა ვარ. —
ცოტა ხნის დუმილის შემდეგ კი დაუმატა: — მაგრამ თუ მოკვდი, სალაში გა-
დაეცი ჩემგან და უთხარი, რომ შეუძლია დამპარხოს, როგორც წესი და რიგია.

აუსტა სოულილია ახალი გადასული იყო სანდვირში, თავისი საქმროს
სახლში. სახლი კი არა, უფრო მიწური ქოხი იყო, გოფირირებული თუნუქით
გადახურული, იმ ქოხების მსგავსი, როგორშიც ზანგები ცხოვრობენ ცენ-
ტრალურ აფრიკაში. ფანჯრის რაფაზე ქანგმოდებული თუნუქის ორი ქილა

იდგა, ერთი ქილიდან ამოწვერილიყო ყვავილის ღერი, ისიც იბრძოდა არსებობისათვის. ოთახში ორი საწოლი იდგა, ერთი აუსტასა და მისი საქმროსათვის, მეორე საქმროს დედისთვის, ვისი საკუთრებაც გახლდათ ეს ქოხი. საქმრო უმუშევარი იყო. აუსტა ცივად არ შეხედრია გვენდურს, მაგრამ მარცხენა ღაწვი საგრძნობლად სძლევდა მარჯვენას, გაფითრებული იყო, როგორღაც გამშრალ-გაცბუნებული, წინა გაფუჭებული კბილი ამოეღო და ცარიელი ადგილი კბილსა და კბილს შუა შავად მოუჩანდა. გრძელი საუბარი არ გაუბამს, არ უქითხავს, რატომ არ წახვედი ამეროკაშიო, უთუოდ გასაკვირველს არაფერს ხედავდა იმაში, რომ გვენდურმა გადაიფიქრა ამეროკაში წასვლა, რადგან პას არაფერი სწამდა ამერიკისა. გვენდური ხელად მიხვდა, რომ აუსტა ფეხპძიმედაა, ჩუმად იჯდა, დაჰყურებდა ქალს ხელის გრძელ მტევენებზე, რომლებშიც სასიცოცხლო დიდი ძალა იგრძნობოდა, გამხდარ მხრებზე. აუსტას უცებ ხველა აუვარდა.

— გაციებული ხარ? — ჰკითხა გვენდურმა.

— არა, სულ ასე მახველებს, დილილიობით სისხლიც კი ამომაქვს, — უპასუხა აუსტამ.

გვენდურს აინტერესებდა, როდის აპირებდა ჯერის დაწერას აუსტა, მაგრამ ქალი მომავალ ქორწინებაზე ისე ამაყად ვედარ ლაპარაკობდა, როგორც გაზაფხულზე, როცა ბიარტურის ვაჟს გამოუცხადა, დანიშნული ვარ, ჩემი საქმრო ახალგაზრდა, თანამედროვე პოეტიაო.

— განა რომელიმეს გაინტერესებთ. როგორ ეცხოვრობ? — ჰკითხა აუსტამ ძმას.

— მამაჩემმა ამ დილით სამი სტროფის დაზეპირება მიბრძანა, — დაიწყო გვენდურმა, — ომზეა დაწერილი, თანამედროვე ყაიდის ლექსია. წაგიკითხო?

— არა, არ მინდა მაგის მოსმენა, — მოკლედ მოუპრა აუსტამ.

— მე კი მგონია, რომ მაინც უნდა წაგიკითხო, — უპასუხა გვენდურმა და წაიკითხა, რაც დაავალეს.

აუსტა უსმენდა, თვალეზში სითბო ჩაუდგა, რაღაც ნაზი, ლმობიერი იერი დაედო სახეზე, თითქოს საცაა ტირილი წასკდებაო, მაგრამ ხმა არ ამოუღია, გულში ჩაიმაჩნა, რასაც გრძნობდა და უსიტყვოდ შეტრიალდა.

— ახალი სახლი უკვე გადახურულია, შემოდგომაზე გადავალთ, — უთხრა გვენდურმა.

— ოჰო, მამ ასეა? მერე მე რა მესაქმება თქვენ სახლთან?

— მგონი, მამას თავისი გვეგები უნდა ჰქონდეს. დარწმუნებული ვარ, რომ დიდი ოთახი შენთვის უნდა, შენ მოგცემს, თუ ჩამოხვალ.

— მე? — წამოიძახა აუსტამ და ამაყად ასწია თავი. — მე დანიშნული ვარ ახალგაზრდა ნიჭიერ პოეტზე, რომელსაც ვუყვარვარ.

— მე კი მგონია, სოულა, რომ შენთვის შინ დაბრუნება სჯობს, — უბასუხა გვენდლერმა.

— ნუთუ შენ ფიქრობ, რომ ოდესმე მივატოვებ იმ კაცს, რომელსაც ვუყვარვარ?

ქურასთან მდგარმა მოხუცმა ქალმა თავი ველარ შეიკავა და საუბარში ჩაერია:

— თუ ასეა, ცოტა ლმობიერად უნდა მოექცე იმ საცოდავს, თორემ შინ ველარ ჩერდება, სისხლი აქვს შენგან გამშრალი.

— ტყუილია, — გაწიწმატდა აუსტა, მოხუცს მიუბრუნდა, — მე მიყვარს იგი. დიახ, ყველაზე მეტად მიყვარს ამქვეყნად. არავითარი უფლება არა გაქვს, უცხო ხალხს უთხრა, თითქოს ცუდად ვექცევი მას. გაცილებით იმაზე უკეთ ვექცევი, ვიდრე იმსახურებს. განა მე მის ბავშვს არ ვატარებ მუცლით? გინდაც მუხლის ჩოქვით მოხობდეს აქ ის ზაფხულის სავანელი ბიარტური და პატიება მთხოვოს ყველა იმ ბოროტებისთვის, რაც გაუკეთებია ჩემთვის, ჩემი დაბადების დღიდან, მაინც არაფრის გაგონება არ მინდა მის სახლზე. გულშიც კი არ გაეივლება. თუნდ ერთი ნაბიჯი გადავდგა მისკენ. ასე მოახსენე ბიარტურს: ვიდრე სული მიდგა, ფეხის დამდგმელი არა ვარ ზაფხულის სავანეში. თუ მოვკვდი, შეუძლია დამმარხოს.

თავი სამოცდამეცხე

როცა კაცი უცოლოა

ახალი სახლი აშენებამდე გლოსის, არაქათს გაცლის. უცნაურია, რომ აღმინანს უსათუოდ სახლში სკირდება ცხოვრება, ნაკვალად იმისა, რომ თავისი ოცნების სავანეთი დაკმაყოფილდეს. უკვე ბევრი რამ ითქვა, ახალს ვერაფერს ვიტყვით ზაფხულის სავანელა ბიარტურის მომავალ კერაზე. კორეაში, როგორც ზემოთ ბრძანა ათისთავმა, მიწისძვრა მოხდა, მაგრამ მშენებლობა მაინც დაამთავრეს. სარკმლის ჩარჩოებში მინები ჩასვეს, სახურავს ზემოთ ამოიმართა საკვამური მილი, სამზარეულოში ხელსაყრელ ფასად ნაყიდი სამკომფორიანი ქურა გაჩნდა. როცა ზღურბლი და ხუთსაფეხურიანი კიბეც ამოაშენეს, დერეფნის გაკეთებას შეუდგნენ, რამეთუ სახლს უსათუოდ უნდა ჰქონდეს დე-

რეფანი. ახალ სახლში შემოდგომაზე უნდა შესულიყვნენ. ასე ჰქონდათ გადაწყვეტილი. ყველაზე დიდი ოთახი ღირსით მოაგეს. ზოგი ურჩევდა ბიარტურს, ღირსი შეღებო, ზოგი კი ეუბნებოდა, უცხოეთის გაზეთებიდან ამოჭრილი სურათები დააწებო, მაგრამ ბიარტური ზიზილპილოების მოყვარული არ გახლდათ და თქვა, სახლში ნაგავს არ დავაგროვებო. შემოდგომის დამდგეს ძლიერი ქარიშხალი ამოიჭრა, ამას შტორმის ქარი მოჰყვა აღმოსავლეთიდან და თოვლიც წამოვიდა. ახალ სახლში ისე დაზუზუნებდა ქარი, როგორც გარეთ. რატომ ჰქროდა ქარი სახლში? იმიტომ, რომ არც ერთ ოთახს კარი არ ჰქონდა ჩამობმული. თავის დროზე დაავიწყდათ კარის შეკვეთა, ახლა კი ღურგლები დაბანდებული იყვნენ.

— რამდენიმე ფიცარი შეჰკარი, მაგას რა დიდი რამ უნდა, — სთხოვა ღურგალს ბიარტურმა.

ქვიტკირის სახლს ეგეთი კარი ვერაფერს უშველის, ქარი ისევ იჭირქილებს შიგ, ჩარჩოს კი დიდებულს გაგიკეთებო, — უთხრა ღურგალმა ბიარტურს და დაუმატა:

— ისიც უნდა მოგახსენო, ჩემო კარგო, რომ ასეთი ჩარჩოსთვის საუკეთესო ხის, კარგად შეკრული, კარგ ჩამოსაბმელებზე ჩამოკიდებული კარია საჭირო.

— მშველელი ხელად გამიკეთებს ანჯამებს, რა დიდი რამ უნდა, — უპასუხა ბიარტურმა.

— არა, მეგობარო, ანჯამები არ გამოგვადგება, სკივრს ხომ არ ვაკეთებთ. საუკეთესო ხარისხის ჩამოსაბმელები გვჭირდება. ასეთ კარგ დროში კარი ჩამოსაბმელებზე უნდა ეკიდოს, — უპასუხა ღურგალმა.

— ჯანდაბას, ჯოჯოხეთის ცეცხლშიაც დამწვარა ეს სახლი: — დაიყვირა გაალმასებულმა ბიარტურმა. ვერ მოენგლებია, რომ ამ ქვის ურჩხულმა ზღვა ფული შთანთქა.

კარი არც ისე დიდი უბედურებაა. მართალია, სახლი გადახურულია, მაგრამ სად არის ის მოწყობილობა, ურომლისოდაც სახლი სახლს არ ჰგავს? გლეხს საწოლიც კი არ გააჩნდა. ძველ ქოხში გაურანდავი ფიცრების საწოლები კედლებში იყო ჩატანებული, იმათ ვერ გადმოიტანდი აქ. მაგიდაც ცუდად გარანდული ფიცრებისაგან იყო შეკრული და ფანჯრის რაფაზე მიქედებული. ანკი რა მაგიდა იყო ის, თუნდაც ასე გადმოიტანა შესაძლებელი ყოფილიყო. მართალია, დრომ კარგად გარანდა, მაგრამ სხვა საქმეც გააკეთა, ფიცარი დაფარა და დალა. არც კარადა გააჩნდათ, ერთადერთი თარო იყო კედელზე მიმაგრებული, ისიც კედელთან ერთად დალა. სკამები? არა, ზაფხულის სავანეში სკამი თვალთ არავის უნახავს. ისეთი ფუფუნების საგნებზე,

როგორც, მაგალითად, ფაიფურის ძაღლები, ფარდები ან სურათებია, ხომ ლაპარაკიც ზედმეტია, მათი მიწურის კედლები არასოდეს დაუმშვენებია ქრისტეს გამოსახულებას. პალდგრამ პიეტურსონის ან რუსთ ხელმწიფის სურათი. მოკლედ, ცარიელ-ტარიელები იყვნენ, არაფერი ისეთი არ ებადათ, რაც ყოველი სახლისთვისაა საჭირო. ამგვარად, როდესაც ალაუნი ცივილიზაციის მაღალ დონეს ეპოტინება, მარტო კარი კი არა, ათასი სხვა რამ-დაბრკოლება ეღობება და ბიარტურმა გადაწყვიტა, ერთი ზამთარი კიდევ გაეტარებინა ძველ ქოხში. მიო უფრო, რომ, როგორც ჩანდა, აღრე აპირებდა აცუვებას, და იდგა ბორცვზე ამართული ახალი სახლი, ვით მოგონება წარსულ კარგ დროებზე, იდგა და თავის გასაოცარ ფასადს უჩვენებდა სამყაროს.

ახლა კი რამდენიმე სიტყვა უნდა მოვახსენოთ მნე ქალებზე. ძნელია მეტისმეტად ძნელი, მნე ქალის ხელში ჩაუარდნა. მნე ქალები ცოლებისგან იმიო განსხვავდებიან, რომ თავნებობენ მაშინ, როცა გათხოვილი ქალის ვალი მორჩილებათ. მნე ქალები გამუდმებით რაღაცას მოითხოვენ, ცოლები კი მაშინაც გვემადლიერებიან, როცა არაფერს ვაძლეეთ. მნე ქალები სულ წუწუნებენ, ხან ეს აკლიათ, ხან ის, ცოლები კი იმიოაც კმაყოფილი არიან, რაც აქეთ. მნე ქალები ზოგ საქმეს უკრისობენ, ტუჩს იბუებენ, ეს მათ ღირსებას არ შეეფერება, ცოლის ბუზღუნს კი ვინ მიაქცევს ყურადღებას? მით უარესი მისთვის, თუ ხმის ამოღება გაბედა. იმაზე აღარაფერს ვიტყვი, რომ მნე ქალებს წარამარა უფუძვლებათ გუნება, სულ აღრენილები არიან. მნეს შეუძლია სახლის პატრონს სისხლი გაუწროს, თუ რაიმე მის გუნებისად არ კეთდება. „სჯობს სამი ცოლი გყავდეს ერთად, ვიდრე ერთი მნე ქალიო“, — იტყოდა ხოლმე ბიარტური, მაგრამ ამ საკითხში ის უანმიმდევრობას ვერ იჩენდა. მაინც მნე ქალი ერჩივნა, რომელიმე კაპასი აღქაჩი, გაუთავებლად რომ ეკინკლავებოდა.

პირველი სამი წლის მანძილზე სამი მნე ქალი გამოიცვალა, თითო თითო წელიწადს ჰყავდა: ერთი ახალგაზრდა, მეორე შუახნისა, მესამე კი მოხუცი. ახალგაზრდა მნეს ვერ შეეგუა, შუახნისამ გამწარა, მოხუცმა სისხლი გაუშრო. ბოლოს გაურკვეველი ასაკის მნე ქალი დაიჭირა და მალე დარწმუნდა, რომ მასთან შეგუება შეუძლებოდა. ბრუნგილდა ერქვა ქალს, მაგრამ ყველა ბრუნისა უძახდა. უკვე ორი წელიწადი იყო, რაც ბრუნგილდა ბიარტურის სახლში ცხოვრობდა და მისი უპირატესობა წინა სამ მნესთან იმაში მდგომარეობდა, რომ ბრუნია სახლის პატრონებს კეთილად და თბილად ექცეოდა. ახალგაზრდა მნე ქალი ყველაზე გემრიელ, ნუგბარ ლუქმას მალავდა, მოჯამაგირეს აკმევდა და ღამით მასთან ლაციცობდა, ისე რომ, მეორე დღეს მოჯამაგირეს აღარაფრის თავი არ ჰქონდა. ბრუნია ასეთ რამეს არ აკეთებდა. შუახნის მნე ისტერიული იყო, გაბოროტებული დმერთზეც და ხალხზეც,

ბრუნია კი—მშვიდი, თავაზიანი. მოხუცი მნე ერთთავად ბიარტურის დამცი-
რებას ცდილობდა, მისი სახლის სახურავს ალაგ-ალაგ რომ წვიმა ატანდა,
პასტორის დიდებული სახლის სახურავს ადარებდა და ერთთავად მოთქვამდა.
რომ იქ ქარებით დასნეულებიან საფრთხე არ მოელოდა, იქ უდარდელად
ცხოვრობდა. არა, ახალი მნე არ იყო ჭირვეული, თავაზიანად ექცეოდა ბიარ-
ტურს, ცილს არასოდეს დასწამებდა, არ ჰკიცხავდა, მაგრამ ქალთა სქესის დ-
მანხასიათებელ წვრილმანობას მაინც მოკლებული არ იყო. როგორც ყველა
ქალი, ბრუნიაც ფიქრობდა, რომ ცხოვრებამ დაჩაგრა, ვერ მიიღო ის, რაც
ეკუთვნოდა, რომ ბედი სდევნის, ვერავინ გაუფო მას. სულ ელანდებოდა,
თითქოს ეკვით უყურებდნენ, ქურდობას სწამებდნენ, უსამართლონი იყვნენ
მის მიმართ და ამიტომ ერთთავად მზირზე იყო შემართული, თავდასასხმელად
გამზადებული.

— ყავის ნალექი ხბოს მივეცი, — გამოაცხადებდა ბრუნია, თუ ბიარტუ-
რი სთხოვდა, დილის მონარჩენი ყავა გამიცხელეო.

— რასაკვირველია, მე მოვიპარე. — გამოაცხადებდა ბრუნია, თუ ბიარ-
ტური ზრდილობიანად ჰკითხავდა, დილას თევზის კუდი რომ დავტოვე, რა
იქნაო.

— მგონი აქ ხალხს ჰგონია, რომ გვიანობამდე ვგორაობ ლოვინში, ქალ-
ბატონივით ვნებივრობ, — წამოიძახებდა ბრუნია, თუ ბიარტური ეტყობდა.
ძროხები უფრო ადრე უნდა მოვწველოთ დილითო.

ბრუნია გაუთხოვარი იყო. ხმა დადიოდა, რომ ოდესღაც უყვარდა ერთი
ახალგაზრდა კაცი, რომელიც ცოლიანი გამოდგა და აქამდე ვერ. დაივიწყა
სატრფოო. ამბობდნენ, მდიდარიაო. საკუთარი ცბენი ჰყავდა, ქურანა ჰყავი,
რომელიც სიბერემდე გაუხედნავი დარჩა და რომელიც ბრუნიას ძლიერ უყ-
ვარდა. გარდა ამისა, ერთი ისეთი განძის მფლობელიც გახლდათ ბრუნგილდა,
რომელიც მთელი ოლქის მშრომელ ხალხზე მალა აყენებდა მას. ეს განძი
დასაშლელი. საწოლი გახლდათ, რომლის გადატანაც შეიძლება ერთი ადგი-
ლიდან მეორეზე, მოკლედ, ავეჯის პატრონი იყო. ჰქონდა კარგი ლეიბი, ხში-
რად დაშლიდა ხოლმე და ანიავებდა, როგორც კი მზიანი დღე გამოვიდოდა, და
კიდევ უფრო თხელი ლეიბი, წმინდა ბუმბულის საბანი და საუცხოო ბალიში.
ბალიშის პირზე ამოქარგული ჰქონდა: „ღამე მშვიდობისა!“ მოკლედ, საიმედო
ქალი იყო, წარმოსადეგი, ვეება, კაცის ძალა ჰქონდა და თუმცა კატასავით უყ-
ვარდა სისუფთავე, არავითარ ჭუჭყიან საქმეს არ ერიდებოდა, არ მიზეზიანობ-
და, დღედაღამ რომ ეზიდა ნაკელი, ხმას არ ამოიღებდა. უთუოდ ხელუბნი
ოდესღაც მოეყინა, დაკლული ცხვირის ფერი დაჰკრავდა, მოწითალო-მო-
ლურჯო კოფთა ტანზე ჰქონდა შემოსხებილი, კორსეტს არ ატარებდა და ამი-

ტომ სქელი ჩანდა, კარგ, მაგარ მუშა ცხენსა ჰგავდა. დაქარულ ღაწევებზე სამური ახალგაზრდული სიწითლე დაჰკრავდა. მაგრამ როცა შესცივდებოდა, დაეღაჟა ღაწევები ოდნავ ულურჯდებოდა. თვალები ნათელი ჰქონდა, გონივრული, პირის ირგვლივ მკაცრი ხაზები გასდევდა, რაც შრომისმოყვარეობაზე მეტყველებს, მისი ფიქრები და გრძნობები საესებით შეუზღუდავი იყო კრიტიკისადმი მიდრეკილებით, რაც ასე აბასიათებთ თანამედროვეთ. ისეთი დამაბული, ცივი კილოთი იცოდა ლაპარაკი, თითქოს ვიღაცამ ცილი დასწამა და სამართალში მისცესო. სულ ისეთი ვრძნობა ჰქონდა. თითქოს ვიღაცამ გული ატკინა, თითქოს ვიღაცამ აწყენინა.

ყინვებს უცებ წვიმა და თოვლქყაპი მოჰყვა. რაკი ახალ სახლში აპირებდნენ გადაბარგებას, ზაფხულში ძველი ქოხი არ შეუყვებიათ და ოთახში წვიმა ჩამოდიოდა. ბიარტურმა ოთმინა, ითმინა და ბოლოს ქვევით გადაბარგდა, საჯალაბო დიდ ოთახში. მოხუც პალბერას არ უყვარდა ადგილის გამოცვლა, ცივი უარი თქვა ქვევით ჩასვლაზე, საბანზემთ ტომრები გადაიფარა და გაუნძრევლად იწვა, ვიღრე ამინდი არ გამოკეთდა. ერთ საღამოს ბრუნია ბიარტურს ვახშამი მიართვა, ბიარტურმა ჯამი მუხლებზე დაიდგა და ჰამა დაიწყო, ბრუნია კი იქვე იდგა და შესსკეროდა მას. ჰამა რომ მოათავა ბიარტურმა, ბრუნია შებრუნდა, ასე აკეთებდა მუდამ, როცა ბიარტურს ელაპარაკებოდა. და თითქოს კედელს ეჩურჩულებო, ხმადაბლა ჩაილაპარაკა:

— რა აზრი აქვს დიდი და ლამაზი სახლის აშენებას, თუკი კაცი ჩაცუცქელი ზის ასეთ საძალღეში, სადაც დაცხრილული სახურავიდან ღვარად ჩამოდის წვიმა? რა ამბავს ასტეხავდნენ, ჩემი გამოისობით რომ მომხდარიყო ეს?

— სახურავიდან ჩამოსული წყალი დიდ ვნებას არავის მიაყენებს, ეგ წყალი სისარგებლოა. ისე კი, რას იზამ, დროზე ვერ შეეუკვეთე კარი.

— სიამოვნებით გადავიხდიდი ჩემი პატარა სენაკის კარის საფასურს, დროზე რომ ეთხოვათ ჩემთვის.

— მე მგონია, ჩემი სახლის კარი ჩემი ფულით უნდა გაკეთდეს, — უპასუხა ბიარტურმა, — გარდა ამისა, მარტო კარი კი არ გვაკლია. ვერ მოვასწარი ქალაქს წასვლა ახალი სახლისთვის ავეჯის საყიდლად, და ზამთარიც კარს მოგვადგა.

— აქამდე უავეჯოდაც კარგად გავდიოდით იოლად, — უპასუხა ბრუნია, — მაგრამ თუ ეს საჭირო იყო, მე შემეძლო ორი სკამის ყიდვა საკუთარი ფულით და საწოლის თხოვება, ანდა, ყოველ შემთხვევაში, საწოლის გაზიარება, ამ სახლში რომ ერთ სულდგმულთან მაინც შეიძლებოდეს რამეზე მოლაპარაკება.

— ჰმ! — ჩაიფრუტუნა ბიარტურმა და ბრუნისა შეხედა.

ვინ იტყოდა, რომ ბრუნია წარმოსადეგი, მარჯვე, მშრომელი ქალი არ იყო. გონიერი, პატივმოყვარეობას მოკლებული, მშვიდი და თვინიერი? ბიარტურს შეეძლო ცოლად შეერთო, ანდა უბრალოდ გაეზიარებინა მასთან სარეცელი, როგორც თვითონ ქალი სთავაზობდა ესოდენ ტლანქად. ბიარტური ჯერაფერში დაემდურებოდა ბრუნისა, ამ კლდესავით მაგარ ქალს, რომელსაც დრომ ვერა დააკლო რა, ვერ დაადო თავისი დადი, ვერც დაუტატანებდა. როგორც ამას ქალი იმსახურებდა. არა, ბიარტური თავის თავს გამოუტყდა, უაზრობაა, სისულელეა ჯამაგირი უხადო ქალს, როცა შეგიძლია ლოგინში შეუძერე ისეთ ჩინებულ საწოლზე, რომლის მსგავსი მთელ ოლქში არ მოიპოვებო. ბიარტურს ხომ არასოდეს არ ღირსებია ასეთ ჩინებულ საწოლზე წოლა. გარდა ამისა, ბრუნისა ბანკში ფულიც აქონდა.

— უნდა მოგახსენო, ძვირფასო ბრუნია, რომ თუ შემოდგომაზე ახალ სახლში ვერ გადავედი, უფულობის გამო არ მომხდარა ეგ. რამდენი კარიც მჭირდებოდა, იმდენის ყიდვა შემეძლო და არა მარტო კარის, საწოლების, სკამების და სურათებისაც კი, ქრისტე-ღმერთის გამოსახულების. ან რუსთ ხელმწიფის სურათისა. კედლებზე დასაკიდებლად.

— მე იმას არ ვკითხულობ, რატომ არ გადახვედი-მეთქი, — თქვა ბრუნამ და ისევ კედელს უჩურჩულა: — დაღის კაცი, დაბორიანებს, თხზავს ლექსებს იმათთვის, ვისაც არ ესმის, ან არ უნდა ამ ლექსების გაგება, სხვებს კი ერთ თბილ სიტყვას არ აღირსებს. არა, სხვებს სახურავიდან აწვეთავთ წყალი, მაგრამ ვის ენადვლება, დეე, აწვეთოს, სხვების ხვედრი მარტო ეს არის.

— სახურავიდან ჩამოსული წყალი არავის ავნებს, — გაამეორა ბიარტურმა. — გაცილებით უარესია, თუ შიგნით უწვეთავთ.

როცა კაცი უცოლოა, ხანდახან იძულებული ხდება ქარაგმებს მიმართოს, რომ მნე ქალი ჩააჩუმოს.

თ ა ვ ი ს ა მ ო ც ღ ა მ ა ი თ ი

პ რ ო ც ე ნ ტ ე ზ ი ს პ რ ო გ ლ ე მ ა

განა გასაკვირველი იყო, ხალხი თუ ფიქრობდა, ბიარტური შეცდა, სახლი არ უნდა აეშენებინაო?

მაგრამ ნება მიბოძეთ, გკითხოთ, მთების მეფის საქმე როგორღაა? იქნებ

რმას უფრო გაუღიმა ბედმა? არა, მართალი მოგახსენოთ, ბიარტური მთების მეფესთან შედარებით უფრო ბედნიერი გამოდგა.

ბიარტურის უკარო, ცარიელი სახლი ჭერ კიდევ იდგა საძირკველზე ბანკიდან მიღებული სესხით, პროცენტების ანგარიშში კი ცხვარს აბარებდა. მთების მეფეს უფრო ცუდად წაუვიდა საქმე, მის სახლს ყოველი ბურჯი გამოეცალა. ჩინებულად მოპირკეთებული, ისეთი ავეჯით გაწყობილი სახლი იყო, რედსმირელთა სახლს არაფრით ჩამოუვარდებოდა, არც ერთი ცივილიზებული ადამიანი არ იუკადრისებდა ასეთ სახლში ცხოვრებას, მაგრამ მთების მეფე იძულებული გახდა. გამოთხოვებოდა თავის კერას. თურმე შეძლებულ გლეხსაც, ასეთ კარგ დროშიც კი, არ გააჩნია ადამიანურად ცხოვრების სახსარი. ასე ყოფილა და იქნება მარად. უბრალო ადამიანისთვის მარტო ისეთი ქონია ხელმისაწვდომი, როგორშიც ცენტრალური აფრიკის ზანგები ცხოვრობენ, ისიც იმ პირობით, თუ ვაჭარი წყალობას მოიღებს და სულის შესანარჩუნებლად გადმოუგდებს ორიოდ ლუქმას, რომ საბოლოოდ არ ჩაქრეს მასში ოდნავ მბუტბავი სასიცოცხლო ნაპერწკალი. ასე მიათრევდა თავის წუთისოფელს ისლანდიელი ხალხი მთელი საუკუნის მანძილზე. რას იზამ, თავს ზევით ძალა არ არის. ძველ დროში ვაჭრის ვალი ჩვეულებრივი ამბავი იყო, თუ ვალი იმატებდა, ვაჭარი კრედიტს უხურავდა გლეხს. არავინ ხმას არ იღებდა, არავინ წუხდა იმაზე, რომ გლეხოზა შიმშილიც, იხოცებოდა, — ეს თითქოს ლელოს გატანადაც კი ითვლებოდა. მაგრამ მაინც ასე ძალღუმადურად ცხოვრება სჭობდა ბანკის ბადეში გახვევას, როგორც ახლა ხდება. მართალია, უწინ გლეხებს შიმშილით სული ძვრებოდათ, მაგრამ დამოუკიდებლები და თავისუფლები იყვნენ, მათი შეცდომა ისაა, რომ პრამდ მიენდვნენ ბანკს, ვერ დაინახეს, რა საფრთხე ემუქრებოდათ. სინამდვილეში ბანკი მხოლოდ იმათთვის არის უსაფრთხო, ვისაც დიდი ვალი აქვს — ერთი მილიონიდან ხუთ მილიონამდე. იმ დროს, როცა ბიარტურმა გაპყიდა თავისი საუკეთესო ძროხა, რომ სახლის მშენებელი ხელოსნების ვალი გაესტუმრებინა, სესხის ანგარიშში შეეტანა ათასი კრონი, პროცენტების ანგარიშში კი, რაც ექვსას კრონს შეადგენდა, ცხვარი ჩააბარა, მთების მეფემ გაპყიდა თავისი ხუტორი იმ ფასად, რა ფასადაც ჰქონდა დაგირავებული და ქალაქში წავიდა ხელცარიელი, მაგრამ მაინც უხაროდა, იოლად გადაერჩო. ამასობაში სახალხო ბანკი ინგოულფ არნარსონმა ჩაიგდო ხელთ და იმ კოლოსალური სესხის წყალობით, რაც მთავრობამ ინგლისიდან მიიღო, სახელმწიფო ბანკად გადააქცია. რასაკვირველია, ვალის გადავადებას ან ჩამოწერაზე ლაპარაკიც ზედმეტი იყო, თუ საქმე მილიონებს არ ეხებოდა.

სასოფლო-სამეურნეო პროდუქტების ფასი კი სწრაფად ეცემოდა. დიახ, იმ შემოდგომაზე, როცა ზაფხულის სავანელი ბიარტურის სახლს არსებობის ერთი წელიწადი შეუსრულდა, ფასები სწრაფად დაეცა პროდუქტებზე. მსოფლიო ომი ვაჭრებსა და მრეწველებს აღარ აფარებდა წყალბობის კალთას. უცხოეთში, ერთიმეორის ელეთის ნაცვლად, ცხვრის მოშენებას მიჰყვეს ხელი. სამწუხაროდ, ისლანდიური ხორცი აღარავის უნდოდა მსოფლიო ბაზარზე, არავის სჭირდებოდა ისლანდიური მატყლი, უცხოელების ცხვარი უკვე შეიმოსა მატყლით. ბიარტური თვალს ადევნებდა, როგორ ქრებოდა ასობით ცხვარი პროცენტების ანგარიშში, მაგრამ სისხლის ამგვარ გამოშვებას ისეთივე სიმტკიცით ხედებოდა, როგორც უწინ, შიმშილობის წლებში, ვაჭრებსა და მოჩვენებებს. ბიარტური არ ჩიოდა. ვალის ყულფი თანდათან მსხვილდებოდა, საქონლის ფასი კი ეცემოდა და მინც არ შედრკა ბიარტური, მტკიცედ ჰქონდა გადაწყვეტილი ებრძოლა თავისუფლებისათვის, თავი კედლისთვის ეხალა, ვიდრე ტვინის ნატამალი შერჩებოდა. მის გამუდმებულ ბრძოლაში თავისუფლებისათვის ახალი ერა დადგა — ბრძოლა ისეთ „ნორმალურ“ ეკონომიურ პირობებში, როგორც არ შეიძლებოდა არ დაბრუნებულყო, როცა ზებუნებრივი ბედნიერება გაქრა, მსოფლიო ომმა რომ მოუტანა ხალხს; იმ მომეტებული ოპტიმიზმის, რამაც ლატაკი გლეხი იმ ზომამდე გაასულელა, რომ ხეირიან სახლში ცხოვრება მოისურვა, ნიშანკვალიც აღარ დარჩა.

როცა „ბუმი“ მიწყდა, ბიარტური უკვე იმ საფეხობზე იჯდა, რომელსაც თავი დააღწია მძიმე წლებში. შიმშილობის წლებში შეინარჩუნა თავისუფლება, — კეთილდღეობის წლებში კი პროცენტების მონა გახდა. მძიმე წლებში არავისი არა ემართა რა, მიუხედავად იმისა, რომ ბავშვები ეხოცებოდა, მიწურ ქონში ცხოვრობდა, ვინჩარობით გაჰქონდა თავი, გამუდმებით შიმშილობდა, მაგრამ თურმე ის დრო სჯობდა ამ კეთილდღეობის ხანას. როცა მომრავლდა გამსესხებელი ორგანიზაციები და ყველას მშენებლობის ციებ-ცხელება შეეყარა.

იმ დროს, როცა ინგოულფ არნარსონმა აღადგინა სახალხო ბანკი სააქციო კაპიტალის რამდენიმე მილიონი, კრონის წყალბობით, ისლანდიის მთავრობისგან რომ მიიღო — ესე იგი, ლონდონის ბანკიდან, — ფიორდში სამომხმარებლო საზოგადოების ახალი თავმჯდომარე ჩავიდა.

„ეს რა საშინელი ქაოსია, რა დომხალია, — გაბრაზდა ახალი თავმჯდომარე და, რაც მეტს არჩევდა საქმეებს, მით უფრო ედებოდა ცეცხლი. უზომოდ დიდი თანხა ჰქონდა ხალხს სესხად გატანილი. — რასა ჰგავს ეს! სასწრაფოდ უნდა მივიღოთ გადაამკრელი ზომები“, — ბრძანა სამომხმარებლო საზოგადოების ახალმა თავმჯდომარემ და ისინი, ვისი ვალიც ქონების საფასურს აღემა-

ტებოდა, გაკოტრებულად გამოაცხადეს. გაკოტრებულებს ღმერთისთვის მადლი უნდა შეეწირათ, რომ ასე იოლად გადაჩნენ. ისინი კი, ვისგანაც კიდევ შეეძლოთ ცოტაოდენი რამის გამოცინეცლა, ყელში მარყუჟწაჭერილები ჰყავდათ, სისხლთან ერთად უნდა გამოეწოვათ მათთვის პროცენტები და, მგონი, ასეთ ყოფას ისევ გაკოტრება. შინიდან ხელცარიელი წასვლა სჯობდა. სამომხმარებლო საზოგადოების მესვეურები ასეთ გლეხებს მკირე ულუფას ურიგებდნენ. მხოლოდ იმდენ პროდუქტს აძლევდნენ, რომ სული შერჩენოდათ, ძაღლუმაღურად ეცხოვრათ, ოღონდ პროცენტის გადახდა მოეხერხებინათ; ხან ამ მკირე ულუფასაც არ იმეტებდნენ, თუ რომელიმე მდიდარი გლეხი თავდებად არ დაუდგებოდა გაჭირვებულებს. ყაეამ და შაქარმა ჩაილულის წყალი დალია, ეს მხოლოდ მდიდრებისთვის იყო ხელმისაწვდომი. ხორბალს ისე ცოტას აძლევდნენ, რომ პირის ქარად არ ეყოფოდათ, ზოგს იმ ერთ ჯამ ხორბალსაც არ აძლევდნენ, ტანისამოსის ყიდვას სასტიკად უკრძალავდნენ, განსაკუთრებით იმათ, ვისაც ყველაზე მეტად სჭირდებოდა ტანსაცმელი. რაც შეეხება თამბაქოს, ამაში დიდი გულუხვობა გამოიჩინეს. მთავრობამ გამოსცა კანონი, რომლის ძალითაც გლეხობას უფასოდ აძლევდნენ თამბაქოს ცხვრის დასაცავად ქეცისა და პიისაგან. მაგრამ ვინაიდან ეს ჩინებული წამალი. შინაგან წამალადაც ვარგოდა, თამბაქოს ღარიგებამ ალტაცების გამოძახილი გამოიწვია. ასეთ თამბაქოს „ხაზინა“ და „საპიაო“ შეარქვეს. თვით რედსმირელი მამასახლისიც კი ეკონომიისათვის „ხაზინას“ ეწეოდა, ვითომ ჩემთვისაც მძიმე დროა ახლათ.

— ეს უკვე მეტისმეტია, — თქვა ბიარტურმა, როცა გაიგო, რამდენი პროდუქტი უნდა მიეცათ მისთვის მგორე ზამთრის გასატარებლად სახლის აშენების შემდეგ. — ნუთუ იმის ყიდვა არ შემიძლია, რაც მჭირდება და რის ყიდვაც მინდა? თუ თქვენ უარს მეტყვით, სხვაგან ვიყიდ!

— ნება შენია, — უპასუხეს სამომხმარებლო საზოგადოებაში, — მაგრამ ასეთ შემთხვევაში მთელ შენს ქონებას ყადაღას დავადებთ.

— რაო? მონა ხომ არა ვარ, ან ძაღლი?

— არ ვიცი, — უპასუხეს მას. — ჩვენ კანონის თანახმად ვმოქმედებთ.

ამრიგად, ბიარტურმა მიიღო ნახევარი ტომარა ქვავის ფქვილი, ნახევარი ტომარა შვრიის ფქვილი, ნაყარსუყარი თევზი კი ბლომად მისცეს, რადგან სამომხმარებლო საზოგადოების საწყობები გატენილი იყო ასეთი თევზით. უხვად უბოძეს თამბაქოც. მას შემდეგ. რაც დამოუკიდებელი კაცი გახდა, პირველად უთხრეს უარი პურის ფქვილზე, რომელსაც ოჯახში მაჭკატებისთვის იზოგავდნენ, რომ სტუმარს გამასპინძლებოდნენ, თუ ოდესმე ეწვეოდათ ვინმე. ყაეასა და შაქარზე ხომ კრინტის დაძვრაც არ შეიძლებოდა, მხოლოდ ნაღდ ფულზე ჰყიდდნენ. უწინ ბიარტური არც დაფიქრებოდა, ერთი მაგრა შეუ-

აქორთხებდა მათ. ვინც მარწუხებს უქერდა საწყალ გლენს, მაგრამ ახლა ვისთვის შეეკურთხებინა? კანონისთვის?

და მაინც, ცისა და ქვეყნის ჯიბრზე. შემოდგომაზე ბიარტური ახალ სახლში გადავიდა. მართალია, სახლს ბევრი რამ აკლდა, მაგრამ დიდი ოთახი და სამზარეულო, ასე თუ ისე, მაინც მოიყვანეს წესრიგში, ჩამოჰკიდეს სამი კარი, ერთი გარეთა, ორიც შიგნით, ჩამოსაბმელებზე, როგორც დურგალი ბრძანებდა. ბიარტურმა ფიორდში ორი ძველი საწოლი იყიდა თავისთვის და გვენდურისთვის, სიდედრისთვის კი ფიცრებისგან შეკრა საწოლი, გარდა ამისა, რაღაც მაგილისა და პატარა სკამის მაგვარიც გამოიჩორკნა, წარმოდგენა არავის ჰქონდა. თუ დურგლობა შეეძლო. და აი, გადავიდნენ ახალ სახლში, ყველა ერთ ოთახში დაბინავდა, მაგრამ საქმე ის იყო, რომ ქურამ უმტყუნათ, ხრჩოლავედა, მთელი სახლი გაივსო კვამლით. მოიწვიეს მტოდნე ხალხი, ითათბირეს. გამოთქვეს ბევრი საინტერესო მოსაზრება და ბოლოს ბრალი საკვამურ მილს დასდეს: ერთი ამბობდა, მილი მეტისმეტად მაღალია, ამიტომ ვერ იტაცებს კვამლსო, მეორე ამბობდა, პირიქით, მილი მოკლეა და სწორედ ეს უშლისო, ზოგი გაიძახოდა, მილი ზომაზე ფართოა, ან პირიქით, ზომაზე ვიწროა და ამიტომ კვამლს ვერ ატარებსო. ზოგმა კი მოიშველია მეცნიერული თეორია, რომელზეც გაზეთებშიც კი წერდნენ: თუ საკვამური მილი ზღვის მოქცევის დროს ამოიყვანე, ჯახირს ვერ ასცდებო. როგორც ჩანს, ბიარტურის სახლის მილი მოქცევის დროს იყო ამოყვანილი, კვამლი ბოლქვებდად გამოდიოდა ქურიდან, ავსებდა მთელ სახლს, მიუხედავად ფილოსოფიური კამათისა. ეჭვს გარეშეა, რომ ქურის გასამართავად დიდი ხარჯის გაღება დასჭირდებოდა, ასეთი ხარჯის გაწევა კი არა ღირდა, ქურა უზომოდ ბევრ საწვავს ნთქავდა.

ადგა ბიარტური და ძველი პრიმუსი იყიდა, კერძს იმაზე აკეთებდნენ, სამზარეულოში კი უქმად იდგა ქურა, როგორც თავისებური მორთულობა.

თ ა ვ ი ს ა მ ო ც ღ ა მ ი თ ი რ თ მ ა ბ ა

გოლიათები შემოდგომაზე

ბრუნია ყოველ შემოდგომაზე თავის ქურანა ცხენით ქალაქს მიდიოდა ზამთრის სურსათის საყიდლად, მთელი კვირა რჩებოდა იქ. ეს მისი შევბუღება იყო. როგორც ყველას, მასაც თავისი ნაცნობ-მეგობრები ჰყავდა. საქმეს რომ მოაგვარებდა, შეგდებოდა თავის ფაშატზე და მიათოხნარებდა ზა-

ფულის სავანისკენ. უნაგირზე გადაკიდებული ჰქონდა პარკები და შეკრულ-
ლები, მოჰქონდა წვრილმანი საქონელი—ჩითი, ძაფი, ნამცხვარი, რომელსაც
გამოზოგვით, მხოლოდ საზეიმო დღეებში შეექცეოდა და ზოგჯერ წესიერ
ხალხსაც უმასპინძლდებოდა. ცოტაოდენი ყავა მოჰქონდა, ცოტაოდენი შაქ-
რი, მაგრამ ამ შემოდგომაზე მნე ჩვეულებისამებრ ცხენზე ამხედრებული კი
არ დაბრუნდა, ფეხით მოდიოდა, კარგა მაგრა დასაპალნებული ქურანი კი სა-
დავით მოჰყავდა. ბრუნია მხიარულ გუნებაზე იყო, ბიარტურს სთხოვა. ბარ-
გის შინ შეტანა მიშველყო.

— ამდენი რა გიყილია? — გაუყვირა ბიარტურს.

— არაფერი, წვრილმანია, ლაპარაკიც კი არ ღირს, — უპასუხა ბრუნია.

ქალს უცებ არ უნდოდა ეთქვა. რაც ჩამოიტანა. ცოტა თავი მოსწონდა,
ოდნავ ბედნიერიც იყო, ოდნავ გაამაყებელიც. ვინ იცის, იქნებ უშენს რომ
მოჰყვებოდა, გულის სიღრმეში ხარობდა იმის წარმოდგენით, თუ როგორ
ცნობისმოყვარეობას გამოიჩენდა ბიარტური, გამოკითხვას დაუწყებდა, რა ჩა-
მოიტანეო. მაგრამ ბიარტურს ოდნავადაც არ გამოუჩენია ცნობისმოყვარეობა.
ჩვევად არ ჰქონდა შეკითხვებით ვისიმე შეღონება: რაც უნდა, ის იყიდოს, ეგ
მაგის საქმეაო, გაითქვარა, ხმის ამოუღებლად შეიტანა ნავაჭრი დერეფანში.
მერე ცხენს აკაზმულობა აპყარა და მუშტის კვრით გააგდო ქაობისკენ. შემო-
დგომის ბნელი საღამო იდგა.

ბიარტურმა ეზოში რაღაც საქმე გაიჩინა და შინ მანამ არ შევიდა, ვიდრე
დაწოლის დრო არ დადგა. ეშინოდა, თუ აღრე შევალ, ბრუნია ნამცხვრით გამი-
ნასპინძლდებაო, რადგან ქალი მუდამ ასე აცეთებდა, როცა ქალაქიდან ჩამოდიო-
და, ახლა კი ბიარტურს სულ არ ეპიტნავებოდა ნამცხვარი, იმის შიშით ჰქონ-
და, რომ ბრუნია რაღაც ისეთს ეტყოდა, რასაც აუცილებლად კინკლაობა
მოჰყვებოდა. მაგრამ დერეფანში რომ შევიდა, გულმა ვერ მოუთმინა, ნე-
ტა რა ჩამოიტანა ქალმაო და სანთელი აანთო. დერეფანში იდო ნახევარი ტო-
მარა თეთრი ფქვილი, პარკით ბურლული, თავი შაქარი და ყუთი, რომელსაც
საბაულო საქონლის სუნი უდიოდა — ყავის. ქიშმიშის და კიდევ რაღაც საამო
სუნი ისეთი სანოვაგის, რომლის ყიდვაც ვალდებში ჩავლულ დამოუკიდებელ
გლეხებს აუკრძალეს თავისუფალ ქვეყანაში. ბიარტურმა ყუთს ერთი ფიცარი
ააგლიჯა, ჩაიხედა შიგ—და დაინახა... მაინც, რა დაინახა ისეთი? სურნელოვანი
საღეჭი თამბაქოს შეკრულა! კაცს მთელი თვე თვალით არაფერი უნახავს „ხა-
ზინის“ თამბაქოს გარდა და უცებ გული მოუვიდა, აღარ აინტერესებდა კიდევ
რა იდო ყუთში, სწრაფად ჩააქრო სანთელი და ოთახში შევიდა

მოხუც ჰალბერას უკვე ეძინა, გვენდურიც კედლისკენ პირშებრუნებუ-
ლი იწვა. საგარეო კაბაში გამოწყობილი ბრუნია კი თავის საწოლზე იჯდა და

შეკრულებს ხსნიდა. როგორც იმედგაცრუებულივით დახედავდა ნავაქრს და ვანზე აწყობდა. ბიარტურს ზედაც არ შეხედა. სულ ცოტა ხნის წინათ სიამაყით გაბრწყინებული ქალი ახლა თავიჩაქინდრული დასცქეროდა თავის ჩამოტანილ ნივთებს, მოლოდინის სიხარული ჩაქრობოდა.

— წვავენ ზეთს ტყუილბურალოდ! — ჩაიბურღლუნა ბიარტურმა და პატრუქს ისე ჩაუწია, რომ ლამპა ძლივსდა ბეუტავდა.

ბრუნამ ამჯერად თავის ჩვეულებას უღალატა და ბიარტურს არაფერი უპასუხა, მხოლოდ ნელა ამოისლუქუნა ცოტა ხნის შემდეგ. ბიარტურმა ფესნაცმლის ყაითნების გახსნა დაიწყო, უნდოდა მალე შემძვრალიყო ლოგინში, საბანი თავზე წაეფარებია, ვიდრე ბრუნია ნამცხვარს შესთავაზებდა, თვალს არიდებდა ქალს, თან მის საქციელზე ფიქრობდა. რა დაემართა? ჭკუიდან გადავიდა, თუ რა არის? აკი გონიერი ქალი იყო, არც ისე ახალგაზრდაა, არ შეეფერება ასეთი ფლანგვა და თავქარიანობა. მთელი ცხოვრება შრომობდა, კანკას კაპიკზე ადებდა, წუწურაქობდა, თავისთვის არაფერს იმეტებდა, წელიწადში ერთი გირვანქა ნამცხვრის გარდა, ახლა კი ზის გამჩვირული იმის გამო. რომ მას სიხარულით გული არ შეუღონდა, რაკი მთელი საპალნე სანოვავე იოზრდა ქალბატონმა მის სახლში, მის ახალ დიდ სახლში. რასაკვირველია. ბრუნია ერთგული ქალია, პატიოსანი, ყბედი არ არის, ცუდს ვერაფერს რტყვის იმაზე, არა, ცუდი არაფერი გაუკეთებია, მხოლოდ ერთხელ გაბედა და ცხვირი ჩაყო სხვის საქმეში. წარმოსადეგი ქალია, ჯან-ღონით სავსე, ჩასუქებული, სათვალე რომ გაუკეთო, ზედგამოჭრილი რედსმირელი ფრუ იქნება, ისეთი, გაფურჩქენის ხანაში, ამ რამდენიმე წლის წინათ რომ იყო. გარდა ამისა, სუფთაა და ფაქიზი; მის ტანზე დაფხრეწილ, აჩეჩილ-დაჩეჩილ ჭუჭყიან კბას ვერა ნახავ, სახლის კუთხეებში არ ავროვებს ნაგავს, გემრიელ კერძს აკეთებს. შრომა არ ეთაკილება, დღედღამ შეუძლია ნაკელის ზიდვა, ნებივრობა ჩვევად არა აქვს, არ ქალბატონობს. შეძლებულიც არის; ბანკში კაპიტალი აქვს დაბანდებული. და თუ მისი ფაშატი სიმკვირცხლეს ვერ დაიტრამბახებს, ფაშატი ხომ მანც ფაშატი. მარტო მაგის დიდებული საწოლი რადა ღირს, ყველაზე შესანიშნავი ნივთია ბიარტურის სახლში, ალბათ რედსმირელ ფრუსაც არ ღირსებია ასეთ რბილ ლოგინში წოლა.

არა, როგორც ჩანდა, ბრუნია არ აპირებდა ბიარტურისათვის ნამცხვრის წეთავაზებებს, ამის ხასიათზე არ იყო, მაგრამ დიდხანს კი იჯდა თავის საწოლზე, ტელეები უმწუოდ დაეწყო მუხლებზე. ბინდბუნდში ბიარტური თვალს აპარებდა ქალისკენ.

ბრუნისას სახეზე ჩრდილმა გადაურბინა. უცებ მოუსვა ხელი ნავაქრს და ისე ჩაყარა სკივრში, როგორც უვარგისი, ძველმანი ჭინჭები, მერე ამოიოხრა,

ლოგინს გადასაფარებელი გადაადრო, ჩვეულებისამებრ საგულდაგულოდ დაეცა, გადასწია წითელუჯრედნიანი ქსოვილის შალითაში ჩამჯდარი საბანი და ქათქათა ზეწარი, საწოლის კიდზე ჩამოჯდა და ტანთ ვახდა დაიწყო. გაიხსნა კოფთა, გაიხადა ქვედატანი, ყველაფერი საგულდაგულოდ დაეცა და ჩაალაგა სკინკრები. ბრუნის თავის ხელით ნაქსოვი მსხვილი ძაფის ქვედასაცვალი ეცვა, როცა იხდიდა, თითქოს მისი სხეული იზრდებოდა და იშლებოდა, შემოტმანნილ ტანსაცმლისაგან განთავისუფლებული. მკერივი, მოქნილი თეძოები ჰქონდა, ეტყობოდა, ჯერ კიდევ შეეძლო შეიღების შობა, მუხლები და ბარძაყები ძლიერი, ყელი ახალგაზრდული, ნორჩი ქალწულივით მკერივი და მაღალი მკერივი. ბრუნამ პერანგი გაიხადა. დიახ, გოლიათია, გოლიათი ქალი. თვითონაც ხომ გოლიათია ბიარტური, გოლიათური მხარბეჭი და ძალოვანი გულმკერდი აქვს. რომელიც ყველაფერს უძლებს. ბრუნამ ღამის პერანგი ჩაიცვა, ღამმა ჩააქრო და, როცა ლოგინში ჩაწვა, საწოლმა გაიჭრიალა.

ბიარტურს ძილი არ ეკარებოდა, შამფურივით ტრიალებდა ლოგინში, შურდა თავისი ვაჟის, უკვე გულის ძილით რომ ეძინა და არხეინად ხერინავდა. რამდენჯერმე ხმადებლა შეიგინა, ბრაზობდა, რომ სულელური ფიქრები ეტოვდა თავში და ძილს უფრთხობდა. თპ, როგორ უნდოდა თამბაქო! „წყეული „ხაზინა“, — ფიქრობდა იგი, — წყეული სამომხმარებლო საზოგადოება, ამოსაგდები შემნახველი ბანკი, წყეული სახლი!“ ამ ახალ სახლში რაღაც ასეთი ამაზრზენი სუნი ტრიალებდა, რომ ბიარტურს ეჩვენებოდა, ჯაცი დაიბრჩვებოდა. სულ ცოტა, ერთი ბეწო საღეჭი თამბაქო რომ მისცა, ამ ოხერი „ხაზინის“ ნაცვლად! რა უნდა ქნას? ძველი ხალხი ამბობს, უძილობას ლექსები შეეღისო და ბიარტურმა დუღუნით დაიწყო კითხვა:

...სიმღერა წამალზე ძლიერად მოქმედებს
 მიმწებრმა,
 დარღის და წუხილის ეამს,
 ველური თაფლივით,
 როდესაც მიქირს,
 მე წამლის მაგიერ
 სიმღერას ვსვამ.

ამის შემდეგ აეკვიტა უხამსი ლექსები, მოაწყდნენ, მიეძალნენ, ხროვად ეტოვდნენ თავში, ეღობებოდნენ რთულრითმიან ლექსებს.

რა ხანია ყველამ დაიძინა, ბიარტურის თვალს კი ძილი არ ეკარება, წრიალებს, გვერდს ინაცვლებს, იგინება. აწამებს სურვილის ცეცხლი, დაუძლევლად, საშინლად უნდა თამბაქოც. „დალაზვროს ეშმაკმა, გავალ დერე-

ჯანში, სულ ცოტას ჩამოეტეხ, რომ დანვშვიდდე, თამბაქოს მაინც დაველეკავ, აუ სხვა უკეთესი არა მაქვს რა“.

ბიარტურმა შარვალი ჩაიცვა, გამოძვრა ლოგინიდან, ფეხები ჩაპყო ფეხსაცმელში, ცდილობდა არ ეხმაურა, მაგრამ შემოდგომის დამე ბნელია, ძალზე ბნელი. ის კი კართან უნდა მივიდეს. ბიარტური ხელის ცეცებით წავიდა წინ, უცებ რალაც მრგვალს, თბილს შეეხო... რა არის? წინ გაიშვირა ხელი და სახეში ატაკა ბრუნისას, თურმე მის საწოლთან მისულიყო.

— ვინ არის? — გაისმა ბრუნისას ჩურჩული წყვილიადში.

— ვაგადვიძე? — ჰკითხა ბიარტურმა, რადგან ეგონა, რომ ბრუნისას ეძინა.

— შენა ხარ? — დაიხურჩულა ბრუნისამ.

საწოლი აკრაჭუნდა, ალბათ ბრუნისა ბიარტურისკენ გადმობრუნდა და წამოდგომა დააპირა.

— ჰმ, არა, არა! — თქვა ბიარტურმა.

ისევე ხელის ცეცებით წავიდა საწოლის გასწვრივ, იზოვა კარი, ვალო და კვლავ ეცა ცხვირში საბაყლო ნუგბარი საქონლის საამო სუნნი, მაგრამ ბიარტურს აღარ ახსოვდა, რომ საღეჭი თამბაქო უნდოდა, მას მხოლოდ ის ახსოვდა, რომ ამ უცხო ქალმა იყიდა სანოვაგე და მის სახლში მოიტანა. ვითომ რაო. ძალია თუ მონაა? ეს პირველად შემოიტანეს მის სახლში სხვისი პური.

ბიარტური გარეთ გავიდა. მიწისპირა ქარი ჰჭროდა, საშინლად ციოდა, მაგრამ სიცივეს არ გრძნობდა. ეზოს კუთხეში საპიროება მოიშორა, ხამლში შიშველფეხჩაყოფილი, შარვლისა და პერანგის ამარა იდგა და სიხარულით ისუნთქავდა სუფთა, გამახალისებელ ჰაერს, ნესტისა და აგურის სუნის შემდეგ, მის სახლში რომ ტრიალებდა. ნამდვილად მავნეა ასეთ სახლში ცხოვრება. ნეტა რა ეშმაკად ააშენა?

ისეც ასე, ისუნთქა სუფთა ჰაერი, ახლა კი ძილის დროა. ისევე ხელის ცეცებით აიარა ხუთი საფეხური, შევიდა დერეფანში, კვლავ შეუხიციანა ცხვირში საბაყლო საქონლის სუნმა—საამო, ნაღდი ფულით ნაყიდი, ნუგბარი, უხვი სანოვაგის სუნმა. არა, ეს პირველად და უკანასკნელად გაბედა უცხო ადამიანმა ბიარტურის სახლში თავისი პურის შემოტანა.

დღით ბიარტური ადრე აღგა, ცოტა ხანს ეზოში იმუშავა და მერე აღუღებელი ცხელი წყლის დასალევედ შინ შევიდა. ბრუნისამ ყავა დაუსხა, დიდი ფინჯანი გაუვსო, ცხვირში ეცა გემრიელი ყავის სურნელოვანი ორთქლი. ვერც ერთი მისი ცოლი ვერ ხარშავდა ასეთ ყავას, ბიარტურის აზრით, მარტო მისი ცოლები კი არა, მთელ დაბაში არავის შეეძლო ასეთი ყავის მოდუღება. კერძადაც გემრიელს აკეთებდა ბრუნისა, მისი გაკეთებული კერძი მადის აღმჭვრელი იყო. მნე ბიარტურისკენ ზურგშებრუნებული იდგა, მხოლოდ ერ-

თხელ შეხედა წამით, როცა ყავა გაუწოდა. უპასუხა თუ არა ბრუნია მ ბიარტურს, როცა ის მიესალმა: „დილა მშვიდობისაო!“ იქნებ ბიარტურს არ უთქვამს: „დილა მშვიდობისა?“ ბიარტური რამდენიმე წამი დასცქეროდა ფინჯანს. დიან, მას უყვარდა ყავა, ძალიან უყვარდა ყავა, მაგრამ მინც არ დააკარა პირი, ფინჯანი განზე გადადგა და მოუხრიდებლად უთხრა ბრუნიას:

— ბრუნგილდა, უნდა წახვიდე. მე ასე მინდა!

ბრუნია შეხედა მას. უნდა წავიდეს? არა, მოტეხილი, მობერებული. ულამაზო სსზე არ ჰქონდა ბრუნისა, ოი, არა, ახალგაზრდა ქალივით სანდომიანი სახე ჰქონდა, და ახლა შიძით შეპყურებდა ბიარტურს.

— შენ ალბათ ფიქრობ... — წააღულღულა ქალმა და ხმა ჩაუწყდა.

გოლიათი ქალი ისე მოიბუზა, თითქოს სილა გააწნესო, სახე ტანჯვით მოეღრცა, თავი ხელებში ჩარგო და გულამოსკენით ატირდა. ასლუკუნდა, როგორც პატარა ბავშვი. ბიარტურმა კარი გაიხურა და სამუშაოდ წავიდა.

ბრუნია მთელი დღე ნაპტირალები, თვალმდასიებული დადიოდა და ხმას არ იღებდა. მეორე დღეს შეკრა თავისი ბარგი-ბარხანა და წავიდა.

თავი სამოცდამეთორმეტე

როცა იღვალავი ხორციელდება

ნუთუ ინგოულფ არნარსონ იოუნსონის იდეები არც ერთ დარგში არ განხორციელდა? როგორ არა! განხორციელდა. განხორციელდა ყველგან, ყოველ დარგში! სასოფლო-სამეურნეო ახალი კანონი ძალაში შევიდა. ხალხი დიდ პრემიებს ლეზულობდა ახალი მიწების დიდი ფართობის დამუშავებაში, პატარა ახალი ნაკვეთის დამუშავებაშიც კი აძლევდნენ ჯილდოდ რამდენიმე კრონს. აჯილდოვებდნენ იმით, ვინც ბეტონის კარგი ბაყები და სათივებები ააგო, სესხს აძლევდნენ სასოფლო-სამეურნეო ძვირფასი მანქანების შესაძენად: ტრაქტორების, ფოცხების, გუთნების, სალფი მანქანების და საქსოვი მანქანებისაც კი. ნაკელის ცისტერნების საკითხიც კეთილად დაგვირგვინდა, გლეხობამ მიიღო დახმარება ნაკელის კარგი ცისტერნების და კომპოსტის ორმოების ასაგებად. სახელმწიფო ბანკში სპეციალური განყოფილება გაიხსნა, „სამშენებლო განყოფილება“ და იქიდან გლეხებს საცხოვრებელი სახლების ასაგებად აძლევდნენ სესხს მცირე პროცენტებით, ოღონდ იმ პირობით, რომ მათ უნდა აეგოთ დიდებული, თანამედროვე სტილის სახლები, არმირებული ბეტონის ორმაგი კედლები

უნდა ამოეყვანათ, მოეპირკეთებინათ ფირფიცარით, იატაკი ლინოლიუმით მოეგოთ, გაეყვანათ წყალსადენი, კანალიზაცია, ცენტრალური გათბობა და ელექტროგანათება, რადგან გამოცდილებამ დაანახათ, რომ იაფად, უხეიროდ აგებულ სახლს ზარალის მეტი არა მოაქვს რა. ბოლოს მთავრობამ გამოსცა კანონი, რომლის ძალითაც ხალხს მსხვილი ვალები ჩამოაწერეს და დიდი კარ-მიღამის მფლობელი მდიდარი გლეხები გაბედნიერდნენ, ახლა უფრო გიგანტური ვალის აღება შეეძლოთ. სამომხმარებლო საზოგადოებები სულ უფრო იფურჩქნებოდა, როგორც შეეფერება ამხანაგობის საწყისებზე დაარსებულ სავაჭრო წარმოებას, რომელსაც ვერსაიდან ვერ მიუღვებოდნენ შუაკაცები და სხვა მათი მსგავსი პარაზიტები, ვინც მეწარმეთა ხარჯზე სუქდებოდა. გლეხებს აძლევდნენ ფულად ჯილდოს, რამდენიმე კრონიდან ათას კრონამდე, იმის მიხედვით, თუ ვინ რამდენ პროდუქტს ჩააბარებდა სამომხმარებლო საზოგადოებას. უტირედსმირელი მამასახლისი რამდენიმე ათასი კრონით დააჯილდოვეს, როგორც საუკეთესო მეურნე; მას აძლევდნენ მაღალ პრემიებს, მან დაამუშავა ახალი მიწის დიდი ფართობი და საქონლის საუცხოო ბაკი ააგო. გარდა ამისა, სასოფლო-სამეურნეო ფონდიდან დახმარებაც უბოძეს ტრაქტორის, ახალი გუთნების, ფოცხების, ახალი სამკალი მანქანის, ახალი თევასაღები მანქანის და სხვა იარაღების შესაძენად. თვით საქსოვი მანქანისთვისაც კი. ამით არ ამოიწურა გულუხეობა. ცისტერნის ასაგები ფონდიდანაც მისცეს დახმარება და მან მთელს ოლქში ყველაზე საუკეთესო ცისტერნები ააგო. ამასობაში გამოირკვა, რომ თურმე მისი სახლი ძალზე დაძველდა, დანგრევის პირზე იყო მისული და „სამშენებლო ფონდიდანაც“ მისცეს სესხი. ააშენა თანამედროვე სტილის არმიტჯული ბეტონის ორმაგკედლებიანი დიდი, ორსართულიანი სახლი, მეზონინითა და სარდაფით, იატაკები ლინოლიუმით მოაგო, გაიყვანა წყალსადენი და კანალიზაცია, ცენტრალური გათბობა, ფრუსთვის სააბაზანო ოთახი, გაიყვანა ელექტროგანათება, ცივი და ცხელი წყალი. ასეთი აღამიანები, როგორიც იყო უტირედსმირელი მამასახლისი და ის ფიორდელი თადლითი, რომელმაც მთების მეფე გადაარჩინა—ერის სიამაყეა. თადლითი? არა, ის მხოლოდ თანამედროვე ფინანსისტი გახლდათ, რატომღაც მოეპრინა და სოფლის მეურნეობას მიჰყო ხელი. მთების მეფემ კი, იმ საცოდავმა ბენტერამ, არაფერში არ იცოდა ზომა. მიუხედავად იმისა, რომ ერთთავად ზომიერებას ქადაგებდა, ერთთავად საშუალო გემზე ლაპარაკობდა, მაგრამ ის ხომ ფინანსისტი არ იყო. და აი, ახლა, ამ სიბერეში მთების მეფე დღიურ მუშად მუშაობს ქალაქში და სიძის სამოწყალო გახდა. არა, მთების მეფის სახლის ახალი მემპატრონე როდი იყო თადლითი: როგორც კი სახლი დაისაკუთრა, მაშინვე მივიდა სამრევლო საბჭოში, ხელად

მიიღო დახმარება სასოფლო-სამეურნეო ახალი მანქანების შესაძენად, ააშენა საქონლის დიდებული ბაჟი და პრემიაც მიიღო. დახმარება მისცეს ნაკელის ცენტრის ასაშენებლად, სამომხმარებლო საზოგადოებას იმდენი პროდუქტი ჩააბარა, რომ პრემიაც უბოძეს, მთების მეფის სახლში გაიყვანა ელექტროგანათება. ასეთ ხალხს რომ გადახედავ, უნებლიეთ იმ დასკვნამდე მიდიხარ, რომ მსოფლიო ამაოდ არ ჩაბმულა ომში, სისხლი ამაოდ არ დაღვრილა.

დავიწყეთ გილტეიგელი ტოურირიდან, რომლის მხიარულ ქალიშვილებსაც ერთ დროს აბრეშუმის თხელი წინდებისკენ გაუბრძოდათ თვალი. ტოურირს არც ისე ცუდად წაუვიდა საქმე, როგორც მოსალოდნელი იყო. მის უმცროს ქალს ბედმა გაუღიმა, შეძლებულ კაცს მისთხოვდა და ახლა ქალაქში ცხოვრობს. ერთი სიტყვით, მოხუც ტოურირს არც ისე კარგად ჰქონდა აწყობილი საქმე, რომ დიდ დავალიანებას დიდ კაცად ექცია და არც ისე ცუდად, რომ მისი ავლადიდება გაეყიდათ, ომის დამთავრებისას ის უკვე საშუალო შეძლების გლეხად ითვლებოდა, დაბის მოსახლეობამ მთების მეფედ აირჩია, დასდევდა და იჭერდა მათ ცხვარს მთებში, წამლობდა ძაღლებს, პატარა პასუხისმგებლობა როდი დაეკისრა, მაგრამ არც ჯამაგირი ჰქონდა ურთივ. მოხუცი კარგად უძღვებოდა ორივე საქმეს, აღარ წუწუნებდა ქალების თავქარიანობაზე და აშკარა იყო, რომ სამრევლო საბჭოში გაძვრომა ეღო გულში. თითქოს უცნაურია, მაგრამ ტოურირი, ასეთ მძიმე დროში, სწორედ: გახსაცდენილმა ქალიშვილებმა იხსნეს, ისინი განსაკუთრებული მიზეზებისა გამო მამის ქერქვეშ დარჩნენ და შრომობდნენ მისთვის ომის წლებში, თავის უკანონო შვილებსაც ამუშაებდნენ: ტოურირმა ვერ გაბედა თავისი ჯალბისთვის სახლის აშენება, მხოლოდ ცხვრის ფარეხი აავო და კარგადაც მოიქცა, მწარე გამოცდილებამ დაგვანახა. რომ რაც ნაკლებს აკეთებ ხალხისთვის, მით უკეთესია.

სხვები? სხვები ძველებურად მიათრევდნენ მძიმე ჭაბანს, სულს ხდიდათ გადასახადები: პირუტყვის საკვების ხარჯი, საკუთარი სარჩოს საყიდლად თუ მიწის მოსახნავად აღებული ვალი, სტანჯავდათ საქონლის ჭირი, ავადმყოფობა და სიკვდილი, — ინგოფლუფ არნარსონის იდეები კი ცხოვრებაში ხორციელდებოდა იმიტომ, რომ ამ იდეების წყალობით შედავათისა და ყოველგვარი სიუხვის კალთას მხოლოდ მდიდარ გლეხებს აბერტყავდნენ თავზე.

ისტადალელმა ოულაფურმა თავის ხუტორზე ნასყიდობის სიგელს მოაწერა ხელი, მაგრამ ცხოვრობდა ისევე იმ მიწურ ქონში, რომელმაც იმსხვერპლა მისი ცოლ-შვილი. კაცის დღე არც ისე გრძელია, რომ დატაკმა გლეხმა მოასწროს ფეხზე დადგომა, წელში გამართვა, — ამბობენ, სწორედ ასე სწერია ერთი უცხოელი მეცნიერის წიგნშიცო.

ქელდელი პროდლოგური დიდი ხანი ცხოვრობდა მამასახლისისაგან იჯარით აღებულ ხუტორში, კურთხეული ომის დასასრულს პროდლოგურმა მოახერხა სესხის მიღება ამ ხუტორის შესასყიდად და ახლა ვინჩარობით იხდიდა პროცენტებს. სახლი ჰქონდა, საქმე კი ისე წაუვიდა, რომ სულის მოსაბრუნებლად მეორე ომისთვის უნდა ელოდა, მაგრამ ვინ იცის, იქნებ იმ დრომდე მამასახლისმა ხუტორი წაართვას, თუ ვერ შეიტანს პროცენტების ანგარიშში ფულს! რა ვუყოთ, დეე მოხდეს, რაც მოსახდენია. პროდლოგურმა ვერა და ვერ ისწავლა ბუნებრივისა და ზებუნებრივის გარჩევა ერთიმეორისაგან, იგი მუდამ მორჩილად ხვდებოდა, რასაც წილად არგუნებდა ბედი, კერის დანგრევასაც მორჩილად შეხვდებოდა, თუკი აქამდე მივა საქმე.

უნდირხლიდელმა ეინარმა ორიოდ წელიწადში ცოტათი შეამცირა თავისი ვალი, მაგრამ ხუტორის მფლობელი ვერა და ვერ გახდა, ვერც სახლი აიწმენა. ვალმა ისეე იმატა. თავის ცხვარში თუ იმდენს აიღებს, რომ ბეგარა გადაიხადოს და საქონლის საკვები იყიდოს, ეგეც დიდი საქმე იქნება. ექიმის ვალი დაიცდის, ნაყარნუყარ თევზის ყიდვაზეც თავს შეიკავებს, როგორმე უამისოდ გაეღუნ იოლად. ადამიანის სიცოცხლე—ადამიანის სიცოცხლეა. თუ ვინმე გარდაიცვლება, ეინარი ძველებურად თხზავდა სულის მოსახსენებელ ლექსებს და ღრმად იყო დარწმუნებული, რომ ღატაკი გლეხების მიმართ ღმერთი იმქვეყნად უფრო მოწყალე იქნება, ვიდრე ამქვეყნადაა და ღატაკები იქ მაინც ღატაკებიან ყველა იმ სიკეთით, რაც ეკუთვნის უკვდავ სულთა პატრონებს.

ნუთუ იმ სიხალეთა დანერგვისას, რომელთაც ახორციელებდა ინგოულფ არნარსონი, ღატაკ გლეხებს სიკეთის ნატამალი მაინც არ მიეცხობთ? რაღა გვეთქმის? საქმე ის არის, რომ არავითარი აზრი არა აქვს რომელიმე ღარიბ გლეხისთვის სახელმწიფო სალაროდან დახმარების შეთავაზებას ტრაქტორის, ახალი სალუწი მანქანის საყიდლად, ან გრძელვადიანი სესხის შეთავაზებას თანამედროვე სტილის დიდებული ორმაგკედლებიანი ბეტონის სახლის ასაგებად, თუნდაც პრემიების შეპირებას ახალი მიწების მოხვნის, პროდუქტების ჩაბარების ან ნაკელის ცისტერნის აგებაში, როცა ოჯახში ერთადერთი ძროხა ჰყავთ არავითარი აზრი არა აქვს შეღავათისა და უპირატესობის აღქმას ვინმესთვის, გარდა მდიდარი ხალხისა. მხოლოდ მდიდრებს აქვთ გზა ხსნილი შეღავათისა და უპირატესობისაკენ, სიღატაკე სწორედ იმით გამოირჩევა, რომ ღატაკს ხელი არ მიუწვდება იმ სიკეთემდე, რომელსაც უხვად თავს აყრიან მდიდრებს. თუ გლეხი ღარიბია, ეს იმას ნიშნავს, რომ ვერასოდეს ვერ ისარგებლებს იმ პრივილეგიებით, რასაც აღუთქვამენ ან სთავაზობენ პოლიტიკური მოღვაწეები, ეს გახლავთ „იდეების“ მონობა, მსხვერ-

პლთშეწირვა იმ იდეებისათვის, რომელიც მდიდარს უფრო ამდიდრებენ, ლატაკს კი უფრო ალატაკებენ.

ბიარტურმა ზამთარ-ზაფხული გაატარა თავის ახალ სახლში. ეს იყო დედამიწის ზურგზე ყველაზე უხვირო სახლი, საშინელი ცივი შენობა. შობა რომ მოახლოვდა, მოხუცი პალბერა უკვე ლოგინად ჩავარდა, ბიარტურმა მისი საწოლი ცხერის ცარიელ ფარეზში გადაიტანა, რომ სიცივით არ გათოშილიყო დედაბერი. თვითონაც საშინლად ტანჯავდა სიცივე, შიშმაკ კი აიტანა, სიბერე ხომ არ შემეპარაო, მაგრამ თავს იმით ინუგეშებდა, რომ მისი ვაჟიც, რომელიც აყვავების ხანაშია, ასევე სასტიკად იტანჯებოდა. ვერა და ვერ გამოშრა სახლის კედლები, ყინული მოედო, ფანჯრის მინებიც ერთთავად შეჭირბლული იყო, ქარი დაქირქილებდა სახლში. მამა-შვილს თვითონ უხდებოდა კერძის კეთება, რა თქმა უნდა, ეს გულს არ უმხიარულებდათ, მაგრამ, სამაგიეროდ, აღარავინ ებუზღუნებოდათ, არავინ ამტყიცებდა, მე ვარ მართალიო.

ზაფხულში ბიარტურმა ერთხელ კიდევ დაქირავა მთიბავეები ისლანდიური ცხერისთვის თივის მოსამარაგებლად, მიუხედავად იმისა, რომ ჭიებისა და მელიების მეტს ქვეყნად აღარავის უნდოდა ისლანდიური ხორცი, ფასი თანდათან ეცემოდა, არც ერთ მომხმარებელს არ სჭირდებოდა ისლანდიური ცხვარი, არც არასოდეს დასჭირებია. მთავრობამ სახალხო შემოსავლის მთავარ წყაროზე, მეთევზეობაზე, დასთმო უპირატესი უფლება, ამის სანაცვლოდ უცხოელებს მიჰყიდეს დამარილებული ხორცი მცირე რაოდენობით, ეს ხორცი უცხო ნავსადგურში იდო კასრებით და ლპებოდა, მერე ზღვაში ჰყრიდნენ ცხერის გაყიდვის შემდეგ. ბიარტურმა ისეთ მცირე თანხას მოუყარა თავი, რომ მხოლოდ მთიბავეებს გაუსწორდა და ბევარა გადაიხადა, პროცენტების და სესხის დასაფარავად გროშიც აღარ დარჩა, გინდაც მთელი თავისი ფარა გაეყიდა, ეს მაინც ზღვაში წვეთი იქნებოდა. და ბიარტური ქალაქს წავიდა, ბანკში უნდოდა ეთხოვა, ვადა გამიგრძელებოთ. ბანკში ძე-ხორციელი არ ჰკანებდა, ერთი გალუული, ჭლექიანი, მელოტი კაცის მეტი. ამ კაცმა ზანტად გადაფურცლა თავდავთარი და ბიარტურს მოახსენა, რომ ვადის გაგრძელება არ შეუძლია, რადგან შემოდგომაზე ვიკში იხსნება სახალხო ბანკის ფილიალი და ფიორდის შემნახველი ბანკი მას უერთდება, ახლა მხოლოდ ბანკის დირექტორს შეუძლია ვადის გაგრძელებათ და ბიარტურს ურჩია, წადი რეიკიავიკში, ნახე ინგოულფ არნარსონი, აუხსენი შენი მდგომარეობა, იქნებ დაგეხმაროსო. ბიარტური შინ წავიდა „მოსაფიქრებლად“. იქნებ არც კი ღირდა ამაზე ფიქრი? გინდ იფიქრე, გინდ არა, ისინი მაინც თაღლითები არიან. ვიდრე ბიარ-

ტური ფიქრობდა და გამოსავალს ეძებდა, ხმა დაირხა, ინგოულუფ არნარსონმა დასტოვა ბანკის ღირებულების პოსტი და პრემიერ-მინისტრად არის დანიშნული.

თ ა ვ ი ს ა მ ო ც ლ ა მ ე ტ ა მ ე ტ ა

ქალღეზი, სულღეზი და სს. და სს.

„აუქციონი. ამით ვაცხადებთ, რომ სახალხო ბანკის ვიკში არსებული ფილიალის მოთხოვნით, რედსმირის ოლქში მდებარე ხუტორი—ზაფხულის სავანე იყიდება აუქციონით, ვალის, პროცენტების და გასაყიდი ხარჯების დასაფარავად. აუქციონი დანიშნულია 29 მაისს, დღის სამ საათზე“.

მოსამართლე ს კ უ ლ ა ს ო ნ ი ო უ ნ ი.“

ასეთი განცხადება გამოაქრეს გაზაფხულის დამდეგს ვიკსა და ფიორდში, და დაბეჭდეს „იურიდიულ მოამბეში“. ცოტა ხნის შემდეგ კი ბიარტურსაც შეატყობინეს, იყიდება შენი ხუტორიო. ბიარტურს არაფერი უთქვამს, ჩვევად არ ჰქონდა სინანული იმისა, რაც დაჰკარგა. ჯავრის აყოლა არ იცოდა, რაც არ უნდა დატყდომოდა თავს. „თუ დაჰკარგე, რაც გებადა, დამაყოფილდი იმით, რაც დაგრჩა“. საკმაოდ ჰკვიანი იყო, ესმოდა, რომ ცხვრით ედგა სული, ცხვარს უნდა ჩაბლაუჭებოდა, მოფრთხილებოდა, ასი სულიდა შერჩა, ერთი ჰროხა და სამი მუშა ცხენი, გარდა ამისა, ყვითელი ძუკნაც ჰყავდა, მისი პირველი ძუკნის, ტიტლას ჩამომავალი, მეოთხე თაობა.

იმ საღამოს, როცა შეატყობინეს ეს ამბავი, ბიარტური ძველ ფარეხში შევიდა, მოხუცი ჰალბერას საწოლთან შედგა და გამოელაპარაკა:

— გახსოვს თუ არა, ძვირფასო ბერა, რომ ჩრდილოეთ მხარეს, სანდგის უშენში ოდესღაც ხუტორი გქონდა?

— ხუტორი? — ჰალბერას გარკვეული პასუხის მიცემა არ შეეძლო, დიდი ხანია ყველაფერი გადავიწყდა.

— ალბათ იქვე იქნება ის ხუტორი, რა მოუვიდოდა, აბა?

— ჰო, კარგი ხუტორი იყო, — გამოეხმიანა დედაბერი, — ორმოცი წელიწადი ვიცხოვრე იქ და არავითარი ხათაბალა თავს არ დაგვტყდომია. აქ კი დღეს ერთი უბედურება გამოტყვრება, ხვალ მეორე.

— ზაფხულის სავანეს უნდა გამოვეთხოვოთ, — გამოუცხადა ბიარტურმა.

— ვიცი, განა არა, რომ ასეთი ბოლო გვექნებოდა, — მიუგო პალბერამ, — წყევლი ეშმა მუდამ აქ იყო და სამუდამოდ აქ დარჩება. კოლუმბილის ბრჭყალებს ვერაინი გადაურჩა, ვერც ერთი, ვინც ამ ხუტორს ებლაუტებოდა. მე ხომ ზაფხულის სავანე არასოდეს არ მიმაჩნდა ჩემს სახლად.

ბიარტურმა წაუყრუა, არ უნდოდა მოჩვენებებზე ლაპარაკის გაბმა, მას ხომ არც მოჩვენება სწამდა, არც სხვა ზებუნებრივი არსებები, ვარდა იმათი, რომელთაც პოეზიაში იხსენიებენ, და პირდაპირ საქმეზე დაუწყო ლაპარაკი:

— როგორ ფიქრობ, ძვირფასო ბერა, გაზაფხულზე იჯარით ხომ ვერ მომცემ შენს ხუტორს?

— ურდარსელში ლამაზი დაისი იცის, — თქვა მოხუცმა, — როცა ნეტარხსენებული ტოურარის საგარეო პერანგს ჩაიცვამდა, მოახტებოდა ცხენს და დააქენებდა უშენში, იქვე ადგილზე კრეჭდა ხოლმე ცხვარს, სადაც დაიჭერდა. კარგი ძაღლებიც ჰყავდა.

— მართალსა ბრძანებ, ძვირფასო ბერა, ჩინებული ძაღლები ჰყავდა განსვენებულ ტოურარს, — დაუმოწმა ბიარტურმა, — მასხოვს მისი ყავისფერი ძაღლი. ვაჰ, რა ძაღლი იყო! სიბნელეში ისე ხედავდა, როგორც სხვები დღის სინათლეზე. იშვიათი პირუტყვი იყო. მეც მყავდა კარგი ძაღლები, ძვირფასო ბერა, ერთგული პირუტყვები, არასოდეს არ უღალატიათ ჩემთვის. ერთი ყვითელი ძუკნა მყავდა, ამ ჩვენი ძუკნის დიდედის დედა, სანთლით რომ ეძებო, მეორე იმისთანა ძაღლს ვერსად იპოვი. ზოგჯერ მეჩვენებოდა, რომ სიკვდილ-სიცოცხლე მის ხელთ იყო.

ასეა თუ ისე. აღამიანს თავისი ძაღლის მოგონება მაინც შერჩა, არავის ძაღლძს ამის წართმევა, მიუხედავად იმისა, რომ მსოფლიო ომი და ამ ომის შემდეგ დიდი აღამიანის „იდეები“ მტკრის კორიანტელად აიშართა ღატაკი გლეხის გზაზე და ჰორიზონტი დაუფარა.

— ვაგლახ, ძვირფასო ბიარტურ. ხედავ, როგორ შეტრიალდა საქმე? — სინანულით უთხრა ბიარტურს გილტვიველმა ტოურირმა.

გაზაფხულის დამდეგი იყო, რამდენიმე გლეხი ფარეხის ღობეზე იჯდა, ის იყო ცხვრებს ნიშანი დაადეს, ხელები გასისხლიანებული ჰქონდათ, ცხვრები კი მათ ფეხებთან ეყარნენ და გამწარებული ბლაოდნენ.

— ახლა შენი ჯგირია, — უპასუხა ტოურირს ბიარტურმა, — ყველამ თვალნათლივ დავინახეთ, რომ ძაღლის აქიმობა ვერავის იხსნის განსაცდელისაგან.

— რა მოგახსენო, ჩემო ძვირფასო. — გაბზარული ხმით მიუგო ამრეზილმა ტოურირმა, — ძაღლებზე პასუხს არ ვაგებ, მაგრამ ჩემის აზრით

მთავარი ის არის, რომ კაცს საკუთარი შვილების რწმენა ჰქონდეს, რაც უნდა მოხდეს. მე მუდამ მწამდა ჩემი ნაშვიერებისა, რაც უნდა შემთხვევითად, ფიქრადაც არ მომსვლია მათთვის ხელი მეკრა და სახლიდან გამეგლო. ჰოდა, ისინი მუშაობდნენ ჩემთვის და ამავე დროს თავისთვისაც. თუ შვილების გწამს, ეს იმას ნიშნავს, რომ სამშობლოსიც გწამს.

ღიახ, ტოურიჩი საშუალო შეძლების პატრონი გახდა, კილოზე ხელად შეატყობდა კაცი, წელი წამოიღდა უკვე, ხალხში გამოვიდა იმის წყალობით, რომ ქალიშვილებმა ბაბუად აქციეს და დარჩნენ მამის ჰერკვევთ თავისი უკანონო შვილებიანად. ამგვარად ტოურიჩის ომის წლებში უფასო მუშახელი ჰყავდა, მოიპოვა პატივი და ამიტომ სწამდა სამშობლოსი—ყველაფერი ისლანდიისათვის!

— ჩემს შვილებს არასოდეს შეუტყვენიათ მამა, — თქვა ბიარტურმა, — ისინი დამოუკიდებლები იყვნენ. ჩემი შვილები.

გლეხები მიხვდნენ, რომ საქმე ცუდად წავიდა, ცოტაც და აყალმაყალი ატყდებოდა, ეს კი კარგს არაფერს მოუტანდათ. მძიმე დუმილი ჩამოდგა. ისტადალელმა ოულაფურმა შემთხვევით ისარგებლა, რომ თავის აჩემებულ თემაზე ჩაერთო სიტყვა. მან გამოცდილებით იცოდა, თუ შემთხვევას ხელიდან გაუშვებ, მორჩა, ვეღარ დაიჭერ, ამიტომ დუმილი დაარღვია:

— საერთოდ, მე ასეთი აზრისა ვარ, — თქვა მან, — რომ ახლანდელ დროში, თუმცა მუდამ ასე იყო, სახლის აშენებით კაცი დამოუკიდებელი ვერ გახდება. ისლანდიაში, პირველი ახალმოშენებებიდან მოყოლებული დღემდე, მშრომელ კაცს არ ღირსებია ისეთი სახლის აშენება, რომელსაც შეიძლება სახლი დაარქვა. ახლაც ასეა, რა ყრია, აბა რა ხეირია სახლის აშენებაში? ჩვენთვის მიწური ქოხიც უპრიანია. რა მოხდა, თუ მთელ სიცოცხლეს მიწურში ვატარებთ? წუთისოფელი ისე მოკლეა, რომ ჩვენ სიცოცხლეს არც კი ჰქვია სიცოცხლე. სულ სხვაა, უკვდავები რომ ვიყოთ, მაშინ რალაც აზრი ექნებოდა სახლის აშენებას.

უნდირხლიდელმა ეინარმა თქვა:

— მე ოულაფური არა ვარ. თუ ხანდახან გამოვთქვამ ჩემს აზრს, გამოვთქვამ ჩემებურად, სწავლულივით არ შემოიძლია ლაპარაკი. მე ის მინდა მოგახსენოთ, რასაც ვფიქრობ საკუთარ თავზე. ვიცი, რომ სული არსებობს, სული უკვდავია და სწორედ ამიტომ ჩემთვის მნიშვნელობა არა აქვს, როგორ სახლში გავატარებ წუთისოფელს, სადაც სულს წამება აქვს მისჯილი. თუ გაჭირვებაში მიათრევ შენს დღეს, მიწურ პატარა ქოხში, ვალებში ჩაფლული, იმის სახსარი არა გაქვს, რომ ერთხელ მაინც მოიძლო კუჭი, ათასი სატიკივარიც გლრღნის,

გინდაც ასე იყოს, სული მაინც სულია. სული იყო და დარჩება უკედავი, მისი ადგილი უკეთეს სამყოფელშია.

— ჩანდაბამდის გზა გქონია შენი სისულელებით! — ზიზღით წამოიძახა ბიარტურმა და ღობიდან ჩამობტა.

კელდელმა პროდლოგურმა ახლა კიაზე ჩამოაგდო სიტყვა.

თ ა ვ ი ს ა მ ო ც ლ ა მ ა თ ო თ ხ მ ა ბ ე

საბნის დასასრული

სხვისი პური

იმ გაზაფხულს, როცა ბიარტურმა ჩრდილოეთ მხარეს, ურდარსელში ისეთივე ქოხი ააშენა, როგორც ოდესღაც ზაფხულის სავანეში—ასეთ მიწურ ქოხებს, ვისაც როგორ ეხერხებოდა, ისე აშენებდნენ,—უტირედსმირის სამრევლო საბჭოს თავმჯდომარემ თავისი ყოფილი „საზამთრისი“ იყიდა იმ ფასად, რა ფასადაც ბიარტურმა დააგირავა. მუქთად ჩაიგდო ხელში, ასეთი აზრის იყო ყველა. მამასახლისი იქ მელიის საშენის გამართვას აპირებდა. თურმე ადამიანის უსასტიკესი მტერი მელა კი არა, ცხვარი ყოფილა. ბიარტურმა თავისი ცხვარი წაასხა ჩრდილოეთში, სანდგილის უშენში, ავლადიდებაც თან წაიღო, თავის ჩანაველებულ კერაში კი მოხუცი პალბერა დასტოვა, მის წაყვანას ქალაქიდან დაბრუნების შემდეგ აპირებდა. ურდარსელელი ბიარტურის სახელით იგი პირველად ჩავიდა ქალაქში გვენდურთან ერთად. სამომხმარებლო საზოგადოების დიდი ვალი ედო და ჭვავის ფქვილიც აღარ მისცეს, მხოლოდ მოხუცი პალბერას სახელზე დაპირდნენ პროდუქტის მიცემას, თუ მის მინდობილობას მოიტანდა. რა აზრი ჰქონდა ჩხუბს, გინებას, სულ ერთია, ყურს არავინ დაუგდებდა, მისთვის პასუხის გასაცემად არავის ეცალა; საწყობში მომუშავე ბიჭი თუ ესროდა მოკვლედ, მოკეტე პირო, სხვა არავინ მიაქცევდა ყურადღებას, ვის სტაცებდა ხელს, ვის ჩასცნებდა მუშტს, იმას მაინც არ მოხედებოდა, ვისთვისაც გულით უნდოდა ცხვირ-პირში ედრუხა. თავისი საუკეთესო ორი ცხენი ურდარსელში ასაგები ქოხის მასალაში მისცა და შერჩა მხოლოდ ოცდაექვსი წლის ბებერი ბლესი, ის ბლესი, რომელიც კარგად გვახსოვს, გვახსენდება ის დღე, როცა როზას კუბო ფარეხში იდგა. პაუ, რა დრო გავიდა მას შემდეგ! ზამთრის დღეა. ბლესი კარის წირთხლზე გამოუხავთ, გარედან იყურება ფარეხში, ნიდურკოტელი ტოურდური დგას შვილის კუბოსთან და ფსალმუნს გალობს. ბევრის განცდა შეუძლია ცხენს, ამ ცხენმაც განი-

ცადა ყველა ის უბედურება, რაც მისმა პატრონმა — ზაფხულის სავანელმა გლეხმა. ბლესი მძიმე წლებში ამ გლეხის ერთადერთი ცხენი იყო, ერთი მრავალთაგანი გახდა კეთილდღეობის წლებში და ახლა კვლავ პატრონის ერთადერთი ცხენია, გაძვალტყავებული, დაუძლურებული, გაქეციანებული, ცალი თვალით დაბრმავებული! საბრალო ბებერი ცხენი! მაგრამ ამ ბებერ ცხენს ისეთივე ამტანი, კაუჩით გული აქვს, როგორც მის პატრონს.

ფიორდში გვიან ჩავიდნენ. ბიარტურმა ვერ გაბედა მაშინვე უკან გაბრუნება, ძალიან დაიქანცება ცხენით და ბლესი საბალახოდ გაუშვა. მაგრამ ბლესის კბილებიც აღარ უფარგოდა, დიდი დრო სჭირდებოდა გასაძღომად. მეტი რა გზა იყო, ის ღამე იქ უნდა გაეტარებინათ. დაბინდდა, სამომხმარებლო ღუქანი უქვე დაიკეტა, მამა-შვილმა თავისი საქმეები მოაგვარა და ქუჩაში გამოვიდნენ, მთელი დღე ლუქმა არ ჩასვლიათ პირში, ორივეს შიოდა, კაბიკი არც ერთს არ ედო ჯიბეში, საშინლად უნდოდათ ყავა, მაგრამ ამაზე არაფერს ამბობდნენ. ბურუსი ჩამოწვა, ზღვის მხრიდან ცივი ქარი უბერავდა.

— არა, არ გაავდრდება ამელამ, — თქვა ბიარტურმა, ცას რომ ახედა, — სადმე ბალის ლობესთან მივწვეთ, ერთი-ორი საათი თვალი მოვატყუთო.

ქალაქში რაღაც არეულობა იყო, მაგრამ ურდარსელები ბიარტურს თავისი დარდი აწუხებდა და ყურადღება არ მიუქცევია ამისთვის. საქმე ის იყო, რომ ინგოულუფ არნარსონის „იდეები“ ფიორდშიც ხორციელდებოდა. ორი კვირის წინათ შეუდგნენ ფიორდში ნავსადგურის მშენებლობას. თავის დროზე ხომ ნავსადგურის აშენების პროგრამა საარჩევნო კომპანიის დროს ახლანდელმა პრემიერ-მინისტრმა წამოაყენა, შემდეგ კი მისთვის დამახასიათებელი ენერჯით გაიტანა ეს საქმე ალთინგში და დაამტკიცა. ო, არა, ინგოულუფ არნარსონი ისეთი კაცი არ გახლდათ, უკან დაეხია, დაპირება არ შეესრულებინა. გარდა ადგილობრივი მოსახლეობისა, ვიკის მკვიდრებიც ჩაებნენ მშენებლობაში, მიატოვეს ოჯახი, ჩამოვიდნენ ფიორდში, დაბინავდნენ ძველ ბარაკებში, საღაც უწინ თევზს ასუფთავებდნენ, ახლა კი მათთვის საცხოვრებელი მოაწყვეს. მუშებს დაპირდნენ, რომ ხელფასს ისეთივე განაკვეთის მიხედვით გადაუხდიდნენ, როგორც სხვა მშენებლობებზე. დაიწყეს ცნობილი მოლოს აღდგენა, ამისათვის ბევრი სქვა და ბეტონი იყო საჭირო. მუშები ანგრევდნენ კლდეს, ეზიდებოდნენ ქვას, ასე გავიდა ერთი კვირა, დადგა ხელფასის გაცემის დღე და გამოირკვა, რომ მუშებს იმედო გაუცრუეს, რომ მათ ვაზვიადებული წარმოდგენა ჰქონდათ ხელფასზე და ამ გროშებით, რაც ახლა შესთავაზეს, ოჯახს ვერ შეინახავდნენ, ცოლ-შვილი შიმშილით გაუწყდებოდათ. მაშ, მშვიდობით აუხდენელო ოცნება, ამიერიდან წელში ველარ გავიმართებით, ხალხში ვერ გამოვალთ. ამ განაკვეთის „მშვირი განაკვეთი“ შეარქვეს, ასეთ პოლიტიკას,—მუშების გაყვლეფის პოლი-

ტიკა და გამოაცხადეს, რომ ისინი ილაშქრებენ ისეთი საზოგადოებრივი წესის წინააღმდეგ, რომლის წყალობითაც მუშას პირიდან ლუქმას აცლიან და სასი-
კვდილოდ სწირავენ! თითქოს ასეთი წესი ახალი ხილი იყო მათთვის! მუშებმა
ხელფასის გადიდება მოითხოვეს, მაგრამ არავის ჰქონდა განაკვირის შეცვლის
რწმუნებულება. ვის რა ენაღვლება, თუ მუშებს ცოლ-შვილი შიმშილით გაუ-
წყდება? ისლანდიელთა საზოგადოებრივი წესი წმიდათა წმიდაა! მუშებმა
გაფიცვა გამოაცხადეს, შეწყდა მუშაობა. ფიორდში უწინ არასოდეს არ გა-
ფიცულან მუშები და ახლა ამ მოძრაობას ვიკლები ჩაუდგნენ სათავეში, რად-
გან მათ ერთხელ უკვე მოაწყვეს გაფიცვა თავის ქალაქში და გაიმარჯვეს კი-
დეც: გაფიცვის შემდეგ მათ ოქანებს ერთი ხანი აძლევდნენ ჰვავის პურსა და
ნაყარნუყარ თევზს. ფიორდელები ორ ბანაკად გაიყვნენ: უმეტესობა გაფი-
ცულთა მხარეზე იყო, ზოგმა კი ხელი ჩაიქნია. რაც იქნება იქნება, ვიმუშავებთ,
ისლანდიის დამოუკიდებლობას მსხვერპლად შეეწირებითო. ათისთავეები ახალ
ბრიგადებს ადგენდნენ, თავს უყრიდნენ იმათ, ვინც ასეთ ხელფასზე ყაბულს
იყო. წვრილი მესაკუთრეები და წვრილი ბურჟუები უსასყიდლოდ სთავა-
ზობდნენ დახმარებას მშენებლობის ხელმძღვანელებს, რამეთუ ისლანდიის
ხალხის დამოუკიდებლობასა და საზოგადოებრივი წესრიგს იცავდნენ. მაგრამ
გაფიცულებმა ფეხი არ მოიცივალეს სამუშაო ადგილიდან, პიკეტებიც კი დაა-
ყენეს და მოხალისეებს არ უშვებდნენ. რამდენჯერმე დაერივნენ ერთმანეთს ისი-
ნი, ვისაც საკმაო ქონება ჰქონდა, ისლანდიელთა დამოუკიდებლობისათვის და
საზოგადო წესრიგისთვის იღვწოდა, და ისინი, ვისაც ცოლ-შვილი შიმშილით
ეხოცებოდა. იყო ერთი ცემა-ტყეპა. ხელჩართული ბრძოლა, ზოგს ძვლებიც
ჩაუშტვრიეს. წარმოიშვა ისეთი ჯარები და სიტყვები, უწინ არავის რომ არ გა-
მოუთქვამს, — მოვიდნენ აქ. ურცხვი გადამთიელები, საზოგადოების ნაძირა-
ლები, მშვიდობის დასარღვევადო. გაფიცულები პირდაპირ ამბობდნენ, რომ
უნდა შექმნან საზოგადოებრივი ახალი წესები და მუშები შიმშილით სიკვდი-
ლისგან იხსნან. პატარა ქალაქში არ იყო პოლიცია, რომ მოერჯულებინა ისინი,
თავიდან გამოებერტყა მათთვის ასეთი სისულელეები და, ამრიგად, საზოგადო
წესი, მასთან ერთად ხალხის დამოუკიდებლობა საფრთხეში აღმოჩნდა. ბოლოს,
ოლქის სასამართლოს თავმჯდომარემ მთავრობას დაურეკა და სთხოვა პოლი-
ციელთა რაზმი გამოგზავნეთ იმათ დასაცავად, ვისაც მუშაობა უნდა და გა-
დამთიელი მემამბოხეების დასასჯელად, ხელს რომ უშლიან სხვებს მუშაობა-
შიო. მთავრობა ხალხისთვით გამოეხმაურა ამ თხოვნას და აცნობა მოსამართლეს,
რომ გამოგზავნილია პოლიციელთა რაზმი კატერით. ამბობდნენ, გაფიცულები
თავდასაცავად მოეზადნენო, ბრძოლა ატყდებოდა, ქალაქი დელავდა და შიშით
ვლოდა მეორე დღეს.

ჰოდა, რაღა გასაკვირველია, თუ ზაფხულის სავანელი ბიარტურისთვის არავის ეცალა? ყველა იმაზე ფიქრობდა, რით დამთავრდება არეულობაო.

გვიანი საღამო იყო, მუშების ხმა მიწყდა, ზღვის მერცხლების ჭყვივილია ისმოდა. ღამემ გამჟვირვალე საბურველში გახვია ქალაქი. ხეობელი გლეხი და მისი ვაჟიშვილი გზის პირას ჩამოსხდნენ, მიძინებულნი, ჩაბნელებული სახლის წინ, ბალახს ღეჭდნენ და ხმას არ იღებდნენ.

ბოლოს შვილმა დაარღვია ღუმელი:

— აუსტა სოულილიასთან ხომ არ წავიდეთ? — ჰკითხა მამას. — ყური მოვკარი, ავად არისო.

მამას ხმა არ გაუცია.

— აუსტა სოულილიასთან ხომ არ წავიდეთ-მეთქი? — გაუმეორა გვენდურმა, — ამბობენ, საქმრომ შიატოვაო.

ისევ ღუმელი.

— მამი, დამიჯერე, აუსტა სოულილიას ძალიან გაუხარდება ჩვენი ნახვა. დარწმუნებული ვარ, ყავითაც გაგვიმასპინძლდება.

— ხმა ჩაიწყვიტე, ხომ არ გინდა, მაგრა მიგბეგვო, შე წყეულო მაწანწალავ, შენა. შენგან კაცი არასოდეს არ დადგება.

საუბარი ამით დამთავრდა.

დიღხანს იჭდა მამა-შვილი ჩუმად, უცებ ხმაური შეესმათ და დაინახეს გზაზე ნელი ნაბიჯით მომავალი კაცი. კაცი ნაშურის შარვალ-ხალათში იყო გამოწყობილი, ქუდი კეფაზე მოეგდო, დროდადრო შედგებოდა, სახლებს ათვალთვლიერებდა, დაინახა ბიარტური და გვენდური, ნელა წამოვიდა მათკენ და რამდენიმე ნაბიჯის დაშორებით შედგა. ჯიბიდან პაპიროსის ნამწვავი ამოიღო, დახედა, მერე მამა-შვილს გადახედა, ისევ პაპიროსის ნამწვავს დააცქერდა, გაიცინა, ასანთს გაჰკრა, ნამწვავს მოუკიდა და მიუახლოვდა მათ.

— საღამო მშვიდობისა, ძმებო! — მიესალმა უცნობი მამა-შვილს.

ბიარტურმა და გვენდურმა უხალისოდ უპასუხეს საღამზე, არც ერთი არ განძრეულა, ბალახის ღერო კბილებში ჰქონდათ გაჩრილი და თხრილს დაჰყურებდნენ. კაცმა რამდენჯერმე შემოუარა მათ გარშემო, მერე ცას ახედა და თქვა:

— ისევ მოიდრუბლა.

გლეხებმა არაფერი უპასუხეს.

— დაწყველილი კუთხე. როგორ მინდა ჩემს სახლში ყოფნა, თუმცა არც იქ ვიქნები უკეთეს დღეში ასეთ არეულ დროს. — თქვა კაცმა.

— სადაური ხარ? — ჰკითხა ბიარტურმა.

— ვიკელი გახლავარ. მეგონა, აქ სულს მოვიბრუნებდი, მაგრამ ხეირი

ვერც აქ ვნახე. რა ხმები დაყარეს, რა განგაში ატეხეს, მოიტყუეს ხალხი და ბოლოს ყველა მოგვადორეს. ყური მიგდე, მეგობარო, — თქვა კაცმა და ისე შეხედა ბიარტურს, თითქოს უცებ რაღაც კარგი აზრი დაებადაო, — პურს ხომ ვერ მომყიდო?

— პური მოგყიდო? შენს ჭკუაზე ხარ? სადა მაქვს გასაყიდი პური?

— აბა, მაშ ასეა საქმე? — ჩაილაპარაკა უცნობმა და როგორღაც უაზროდ გაიღრიჭა. — თუმცა, რა მეთქმის... პურის საყიდელი ფული მინც არა მაქვს.

დუმილი ჩამოვარდა. ცოტა ხნის შემდეგ ისევ უცნობმა დაილაპარაკა:

— ყველგან, ყოველ ნაბიჯზე გატყუებენ, ტყუილში ჩაიხრჩო ქვეყანა. ჯანდაბანს ყველაფერი!.. რომელ წიგნში წერია ეს?

— მგონი საღეთო წერილში, — უპასუხა ბიარტურმა.

— ჰო, რამ გამომასულელა ასე, რასაკვირველია, საღეთო წერილში წერია!

— გაფიცული ხართ? — ჰკითხა ბიარტურმა. — როგორ არა გრცხვენიათ? არ გირჩევენიათ, იმუშაოთ?

— რა ყრია მუშაობაში, თუ ყინულზე გაგაცურებენ? იმედია, იმათ არ ეკუთვნით, ვინც მუშაობის გაგრძელებას აპირებს.

— დიახ, იმათ ვეკუთვნი, — მიუგო ბიარტურმა. — მე მუდამ ვშრომობდი, ოღონდ სხვას კი არ ვემსახურებოდი, დამოუკიდებელი კაცი ვარ, ჭერ კიდევ მქვია დამოუკიდებელი კაცი.

— ამბობენ, რომ ხეალ პოლიციის რაზმი მოგვადგება, — თქვა უცნობმა, — რმედი მაქვს, იმათგანი არ იქნები, ვინც ინგოულფ არნარსონს, იმ პირისხსლიან ქოფაქს, ხმა მისცა არჩევნებში?

ბიარტურმა ამაზე პასუხის გაცემა არ ინება.

— დალანჯროს ეშმაკმა, როგორ გაძნელდა ლუკმაპურის ყიდვა, — თქვა უცნობმა, — ბიჭებმა პურის საშოვრად გამომგზავნეს, ყავის აღულებას ვაპირებდით.

— ახლა არა თქვი, პურის საყიდელი ფული არა მაქვსო? — ჰკითხა ბიარტურმა.

უცნობმა ისევ შეხედა ბიარტურს, ენა გააწკლაპუნა და უაზროდ გაიღრიჭა.

— ყიდვას არც ვაპირებდი, ხელი უნდა მომეფუთურებინა საფუნთუშეში.

— საფუნთუშე დიდი ხანია დაიკეტა, — უპასუხა ბიარტურმა.

— მაგას არა აქვს მნიშვნელობა, თუ პური არ გადამაღეს?

— გადამაღეს?

— ჰო, ჰო, გადამაღეს. ისეთი ფუნთუშა დიდი პურები ვნახე საღამოს-ღვიდ საათზე, სუფთა ჭვავის პური იყო.

უცნობმა მოათავა პაპიროსის ნამწვავის წევა.

— როგორ ფიქრობ, გაავდრდება? — ჰკითხა ბიარტურს და ცას ახედა.

— არა მგონია, — უპასუხა ბიარტურმა.

— ჩემთვის სულ ერთია, გაავდრდეს რა! — თქვა კაცმა — რა სიცოცხლეა ჩვენი სიცოცხლე. ფუი, დალახვროს ეშმაკმა, იცი, რა ხანია ქალთან არ ვყოფილვარ!

— აჰა! — თქვა ბიარტურმა.

— თუმცა ეს უკეთესიცაა, — თქვა ისევ კაცმა, — ჯანი უნდა შევინახო. თუ ხვალ პოლიციელების რაზმი მოგვადგა... ყური მიგდებ, მხარს ხომ არ აგვიბამ?

— ვის წინააღმდეგ?

— ვისი და იმ წყეული სატანის, ინგოულფ არნარსონის წინააღმდეგ! ბიარტური დაფიქრდა და უპასუხა:

— ვერა, ჩხუბისთვის აღარ ვვარავივარ.

— ბარის ტარებით და ჯოხებით ვართ შეიარაღებული...

— ოჰო, რაღა გიჭირთ! — თქვა ბიარტურმა.

— მაგრამ, თუ ის ტარტაროზები შეიარაღებული მოვლენ და თოფებს დაგვიმიზნებენ, რაღა თქმა უნდა, დავნებდებით, ასე გვაქვს გადაწყვეტილი. უმეტესობა ჩვენში წვრილშვილის პატრონია, მათ შორის მეც. შვილები რომ არ მყავდეს, ცას ქულად არ მივიჩნევდი, დედამიწას ქალამნად, ესროლათ, რამდენიც უნდოდათ. ყური მიგდებ, რას უზიხართ აქ, ელით რასმე? რაიმე განსაკუთრებულს? — ჰკითხა უცნობმა ბიარტურს.

— არაფერს, — უპასუხა ბიარტურმა, — მხოლოდ იმას ველი, რომ ჩემმა ცხენმა მუცელი ამოივსოს, ოცდახუთ წელს გადააბიჯა უკვე. შინ წასასვლელი ვარ, უშენი გვაქვს გადასავლელი, დილაადრიახად გავუდგებით გზას.

— ნუთუ, ძმებო, მანამდე წახვალთ, ვიდრე შეხლა-შემოხლა არ დამთავრდება? აქ რას უზიხართ, წამოღით ჩვენთან. ყავა დავლიოთ, პური ვჭამოთ!

— პური გაქვთ?

— პური? — გაოცებით დაუბრუნა კითხვა უცნობმა. — ჰო, ჰო, საკმარისი პური გვაქვს, წამოღით.

უცნობი ენაჭარტალა კაცი იყო, ისეთი ნდობით, მეგობრულად ელაპარაკებოდა, რომ გლეხები წამოღდნენ და გაჰყვნენ. უცნობი პირდაპირ კი არ მიდიოდა გზაზე, რაღაც უცნაურად იკანკლურად დადიოდა, ხან ჩერდებოდა, სახლებს ათვალეირებდა. მამა-შვილი კი სწორად მისდევდა გზას. უცნობმა ორჯერ გააჩერა ისინი, დამიცადეთო და რომელიღაც სახლს მიეფარა.

— ვაჰ, რა საოცარია! — თქვა მან, — ისე დაფრთხა ხალხი, რომ დედაკაცებმა სამზარეულოს კარიც კი გამოკეტეს, — და გაიცინა.

როგორც ჩანდა, მართლა სასაცილოდ ეჩვენებოდა ეს, რაკი იცინოდა. მაგრამ ბიარტური და გვენდური ვერაფერ სასაცილოს ვერ ხედავდნენ ამაში. უცნობი ენას არ აჩერებდა, ლაპარაკობდა პოლიციელებზე, ამინდზე, ქალებზე, ყველაფერზე, რაც კი თავში მოუვიდოდა.

— მე მგონია, — თქვა მან, — სულელი უნდა იყოს კაცი, რომ ასეთ დროში ქალი შეირთოს.

— ნუთუ? — ჰკითხა ბიარტურმა.

— დიახ, უტვინო უნდა იყოს, — დაუდასტურა უცნობმა და ისევ გააწვალა უნა ენა.

— ნუ შეირთავდი შენც რა, — უთხრა ბიარტურმა.

— ყური მიგდევ, ძმობილო. ერთ აქაურ ჭაბუქს ველაპარაკე, დიდი მებრძოლი ჭაბუქია და იცი, რა მითხრა: „სჯობს მთავრობამ ხალხი დახოცოს, ვიდრე შიმშილით ამოხადოს სული“.

— სისულელეს რომავ! — მიახალა ბიარტურმა.

— არა, არა, — აჩქარებით უპასუხა უცნობმა, — ეს ჭეშმარიტებაა, მეც ამ აზრისა ვარ. უბრალო ხალხი ისეთი გაქნილი ხომ არ არის, რომ ახლანდელ წესებს აუღოს ალღო, შეუხმატებილდეს. თაღლითებისაა ეს ქვეყანა.

ბიარტურისთვის ეს აზრი ძნელი გასაგები იყო და არაფერი უპასუხა.

— არც იარაღი გვაბადია, — განაგრძო უცნობმა, — იარაღი რომ გვექონდეს, მაშინ სულ სხვა იქნებოდა. პოდა, მეტი რა გზა იყო, ავდექით და იმათი ბარის ტარები მოვიპარეთ მათვე საცემად. მაგრამ თუ თოფებით შეიარაღებული პოლიციელები მოვლენ, მაშინ მორჩა... დამიცადეთ ცოტა ხანი, აქ ერთი დედაკაცი ცხოვრობს.

უცნობი ერთ-ერთი მაღალი სახლის უკან მიიმალა. ფანჯრის რაფებზე ყვეილების ქოთნები იდგა, იქვე გვერდით საქათმე იყო. რამდენიმე ხნის შემდეგ უცნობი საიდანაც გამოძვრა, ხელში დიდი, შავი პური ეჭირა.

— ხელი გავიკაწრე, — თქვა მან და განაკაწრზე ენა დაისვა, — არა უშავს რა, წავედეთ.

— იმედია, ეგ პური მოპარული არ იქნება?

— ერთი შენც, მოგცლია, ნახე რალა სალაპარაკო! — მიუგო უცნობმა, ხალათი აიწია, შარვლის სარტყელში პური ჩაიჩურთა და ზედ ხალათი ჩამოიფარა. — არა უშავს რა-მეთქი, ის დედაკაცი რამდენიმე ხუტორის მფლობელი ბრძანდება, პასტორის ქერივი გახლავს.

ბიარტური შედგა და თქვა:

— აღარ მოედივარ!

— წამოხვალ, — უპასუხა უცნობმა, — წამოხვალ და ყავასაც დაღევ. რა კარგი პურია, იფ. იმ დედაკაცს ეს პური სულ არ სჭირდება.

— არასოდეს არაფერი მომიპარავს და არც ქურდისთვის ხელი დამიფარებია, — თქვა ბიარტურმა.

— არც მე მომიპარავს უწინ, — მიუგო უცნობმა, — მაგრამ რას იზამ, როცა ყველა შენ გძარცვავს და მოკვლითაც კი გემუქრება. კაპიტალიზმმა ამ ომში ხომ თავისი სიამოვნებისათვის ათი მილიონი კაცი გაუღიბა. ჰოდა, მე მგონია, ამ ერთი პურის დაკარგვას ვერ შენიშნავს. კაპიტალიზმი იმას სჯის ყველაზე სასტიკად, ვინც არაფერს იპარავს. ჰოდა, რატომ არ უნდა მოვიპარო? ციხეში ნამყოფი ხალხი ამბობს, რომ იქ უკეთ ცხოვრობდნენ. ამ პურის პატრონ დედაკაცს კი სხვა საქმე არ აქვს რა, საიჯარო გადასახადს კრეფს თავისი ხუტორებიდან. მე თუ მკითხავ, ხუტორის მეპატრონეობას გაცილებით სჯობს ციხეში ჯდომა. დარწმუნებული ვარ, რომ ციხეში კაცი უფრო დამოუკიდებლად იგრძნობს თავს. წამოდით, წამოდით, ძმებო. ალბათ ყავა უკვე ააღუღეს და ქვეყნად, კაპიტალიზმის გარდა, სხვა ქურდი არ არსებობს.

ბარაკში ათ-თორმეტ მუშას მოეყარა თავი, აბოლებულ ნავთქურაზე ედგათ ქვაბით წყალი, ყავა უკვე დუღდა და ახალმოსულებმა ხარბად შეისუნთქეს ამ სასმელის საამო სუნი.

— ეგ ყმაწვილები ვინდა არიან? — იკითხეს მუშებმა.

— ესენი გზის პირას ისხდნენ და თამბაქოს ლეჭავდნენ, — უპასუხა უცნობმა ამხანაგებს, მაგრამ მან სიმართლე არ თქვა, ბიარტური და გვენდური, თამბაქოს კი არა, ბალახს ლეჭავდნენ, — და ყავაზე დავბატიყე.

— პური მოიტანე?

— კი, კი, — უბრალოდ უპასუხა უცნობმა, — ყველას გვეყოფა. შემოდით, ძმებო!.. გულმშვიდად შეგიძლიათ მიიღოთ ესენი. ესენიც კაპიტალიზმის წინააღმდეგი არიან.

მასპინძლებმა სტუმრები ბარაკში შეიყვანეს, მერხზე ჩამოჯდომა შესთავაზეს. ზოგს გაგონილი ჰქონდა ზაფხულის სავანელი ბიარტურის სახელი, იცოდნენ, რომ სახლს იშენებდა, ისიც გაეგოთ, ვალის დასაფარავად როგორ გაუყიდეს ავლადიდება, და გამოკითხვა დაუწყეს, რა მოხდა, როგორ მოხდაო. მაგრამ ბიარტური ხმას არ იღებდა. ბოლოს ყავა მიაწოდეს ბიარტურს, მან სიამოვნებით და მადლიერებით ჩამოართვა ფინჯანი, მაგრამ როცა საქმე პურზე მიდგა, ისევ აემღვრა გული. სხვისი პური იყო. რას არ მისცემდა ერთ ნაჭერ პურში. გვენდურმა პურის დიდ ნაჭერს დაავლო ხელი, თან მამას შეხედა.

— ამაზე შენვე აგებ პასუხს, — უთხრა ბიარტურმა.

— მითხარი, ბიარტურ, — მიმართა ზაფხულის სავანელ გლეხს ერთმა მუ-

შამ, რომელსაც საოცრად გულღია გამოხედვა, ძალზე ცოცხალი სახე ჰქონდა, — იცი თუ არა შენ, რა ჰქნეს რუსმა გლეხებმა?

ბიარტურმა არაფერი უპასუხა.

— უხსოვარ დროიდან ისინი დამოუკიდებლად ცხოვრობდნენ, როგორც გარეული კატები, უფრო სწორად, როგორც ისლანდიელი ხეტორელები, მაგალითად, შენ. კაპიტალიზმი ძარცვავდა, ჟღერდა მათ. ამ რვა წლის წინათ კაპიტალიზმმა ომი დაიწყო, ხოცავდა ამ გლეხებს ძალღებვივით, თავისი სიამოვნებისთვის. ასე ჟღერდა და კუწა სამი წლის განმავლობაში, ზოგჯერ დღეში ორასი ათასი კაცი იღუპებოდა. ბოლოს რუს გლეხებს აევსო მოთმინების ფიალა, გაერთიანდნენ თავის ამხანაგებთან, ქალაქელ მუშებთან, დაამხეს კაპიტალიზმი და მოჰკლეს ხელმწიფე. ხელში აიღეს ყველაფერი, რაც მათ კაპიტალისტებმა მოჰპარეს, დააარსეს, შექმნეს ახალი საზოგადოება, სადაც ვერავინ გამდიდრდება სხვისი შრომით, სხვის ხარჯზე. ამას ჰქვია კოლექტიური საზოგადოება.

— უყურე შენ, — გაეცინა ბიარტურს, — მაშ, რუსთ ხელმწიფეს მზე დაუბნელეს?

ბიარტური გახალისდა, უამბო მუშებს, როგორ ცხოვრობდა, რა მოჰპარეს და რა წაართვეს.

— ერთი ნაჭერი პური მეც მომეცით, ბიჭებო, — ველარ მოითმინა ბიარტურმა, რადგან ყველა მადიანად იღმურძლებოდა, ნახევარი პური შესანსლეს უკვე. ბიარტურს სქელი ნაჭერი მოუჭრეს. გემრიელი პური იყო.

— ვინ იცის, იქნებ იმათ ჩემი ჩაგვრისთვისაც იძიონ შური, — თქვა ბიარტურმა, — როგორც გრეტირ ძლიერისთვის იძიეს შური აღმოსავლეთში. მიკლაგარდში. სამაგიეროდ, გრეტირ ძლიერი ისლანდიის დიად ადამიანად ითვლებოდა.

— შენ ჯერ არ მომკვდარხარ, — უთხრა ერთმა მუშამ, — ხვალ მხარში ამოგვიღებები და ჩვენთან ერთად იბრძოლებ.

— არა, — უპასუხა ბიარტურმა, — ადგილსამყოფელი გამოვიცვალე, როგორც გითხარი, და ფიორდში ბრძოლისთვის არ მცალია.

— ერთ მშვენიერ დღეს მშრომელები დაეამხობთ ქურდებს და მკვლელებს, მაშინ ინანებ, რომ არ დაგვეხმარე, მხარში არ ამოგვიღებქი.

— მე მუდამ დამოუკიდებელი ადამიანი ვიყავი, — თქვა ბიარტურმა, — მე მინდა ჩემი მამული მქონდეს. ხვალ დილაადრიანად, როგორც კი ცხენი გაძლებს, ურდარსელში წავალ. ეს გადაწყვეტილია. ჩემს გვენდურს კი შეუძლია დარჩეს აქ და, თუ თქვენ კუდიტ ჰქვას ასროლინებთ რედსმირელებს, ტირილს არ დავიწყებ. ყური მიგდებ, შვილო, თუ გინდა დარჩი ამ ბიჭებთან. ვინ იცის,

ეგებ სწორედ ამათ მოგცენ ის შენი ამერიკა, რომელზეც მთელი წელიწადი ნაღვლობდი.

ყავის მას რომ მორჩნენ, მუშები მერხებზე მიეყარნენ, ორ-ორი და სამ-სამი ერთად დაწვა და საბნის მაგივრად რაღაც ძონძები გადაიფარეს. გვენ-დურსაც შესთავაზეს დაწოლა.

— თუ გავიმარჯვებთ, ამ ბიჭსაც ექნება სამუშაო, — უთხრეს მუშებმა ბიარტურს, — ჩვენს კავშირში ჩავეწერთ.

ყველა დაწვა, ბარაკი მიყურდა. დაწვა ბიარტურიც, გულს აზიდებდა, ეჩვენებოდა, საცაა ამომასაქმებსო, — რა თქმა უნდა, ეს მოპარული პურის ბრალი იყო. ცოტა ხანში გულზიდებამ გაუარა, მაგრამ ძილი არ ეკარებოდა, ვერაფრით ვერ მოხუჭა თვალი, თავში ათასნაირი ფიქრი უტრიალებდა: საზინდარ ქურდბაცაცებში ხომ არ მოხვდა? ესენი ხომ მოძალადეები არიან, ყაჩაღები, მთავრობის დამხობა და ქვეყნის გაძარცვა უნდათ. ძალიან ხომ არ აჩქარდა, შვილს ამ ყაჩაღებთან დარჩენა რომ ურჩია? რა საერთო აქვს მას, თავისუფალ კაცს, ამ ბრბოსთან, ან მის შვილს რა საერთო აქვს? რა ეშმაკმა მოახსოვნა აქ, ის, დამოუკიდებელი კაცი, ახლა რომ მიიღო მეორე ხუტორი? მაგრამ სხვა მხრივ, ვინ იცის, იქნებ ესენი სამართლიანი ხალხია? და თუ ეს ასეა, მაშინ პირველად შეხვდა სამართლიან ხალხს თავის ცხოვრებაში. ორში ერთი უნდა იყოს: თუ მთავრობაა სამართლიანი—მაშინ ესენი ბოროტმოქმედები არიან, თუ ეს ხალხია სამართლიანი—მაშინ მთავრობა ყოფილა ბოროტმოქმედი. ძნელი იყო ასეთი საკითხის გადაჭრა ერთ დამეში და ბიარტური ნანობდა, რომ აქ მოვიდა. მუცელი ჰგვრემდა, არ ასვენებდა მოპარული პური, ისე ეჩვენებოდა, თითქოს მთელი ცხოვრების მანძილზე ახლა განიცადა ყველაზე დიდი მარცხი, ისე რცხვენოდა, რომ სისხლი მოაწვა სახეში, აი, ადგება ახლა, გავა კარში და ალბათ იქვე კართან ამოასაქმებს ამ დამცირების ლუქმას. მაგრამ ბიარტური არ ადგა, მის ირგვლივ კი უკვე გაისმა ხერხინვა.

თ ა ნ ი ს ა მ ო ც ღ ა მ ი თ ხ უ მ ი მ ბ ი

რუსთხელმწიფე დაახმეს

დიდი წვალეების შემდეგ ბიარტურმა, როგორც იყო, დაიძინა, თვალი რომ გაახილა, ბარაკში უკვე შუქი იდგა, დილის მზე იყურებოდა ღია კარიდან. ბიარტური ადგა, მზეს გაჰხვდა, დაახლოებით დილის ექვსი საათი იქნებოდა, სულ

სამი საათი სძინებია. მუშები ჯერ კიდევ ხვრინავდნენ. წუხანდელი თავგადასავალი, მოპარული პურის ჰამა, საუბარი ყავის სმის ღროს აჩრდილისებურ ზმანებასავით ჩარჩა ხსოვნაში, თითქოს რაღაც არასაკადრისი დაესიზმრაო და უცნაურია, რომ სწორედ მას შეემთხვა ეს. ბიარტურს ზურგი სტეხდა, ხელ-ფეხი უბეუოდა. საუბარს კიდევ არა უშეავს, რას არ გაიგონებს კაცი, მაგრამ პური, ის წყველი პური რომ არ შეეჭამა! და უცებ გაახსენდა, რომ ამ ხალხს მისცა ბიჭი. თავი სადა ჰქონდა? ყავაში გასაბრუებელი რამ ხომ არ ჩაუყარეს ნეტა? ბიარტური ბარაკის ზღურბლთან იდგა, ხან გარეთ გაიხედავდა, ხან მძინარე მუშებს გადაავლებდა თვალს, ფიქრობდა, რა ექნა, როგორ წავიყვანო გვენდურიო. ნელა წავკრავ ხელს და გავაღვიძებო, გადაწყვიტა, ფეხაკრფით წავიდა შვილისკენ. გვენდურს მშვიდად ეძინა ორ მუშას შუა, ორი ზორბა, ბრგე ჰაბუკი ეწვა აქეთ-იქით, განიერი მხარბეკი ჰქონდათ, ენერგიული ნიკაბი, ტლანქი, ნაყაფარი. დაყოყნებული ხელები. რა ტკბილად სძინავს ჩემს შვილს ამ ორ ბრგე ჰაბუკს შუა, გაუღვლა ბიარტურს და შეყოყმანდა. ღირს თუ არა გვენდურის წაყვანაო. ალბათ ამ ბიჭებში ჩემი შვილი თავს კარგად იგრძნობს, როცა გაიღვიძებს, და განა ამისთანა ჰაბუკებისთვის უფრო უპრიანი არ არის თავისი ქვეყნის ბატონ-პატრონობა და მართვა? მაგრამ უცებ შემფოთდა, ვაითუ ინგოჯულუ არნარსონის გამოგზავნილი ვაჟბატონები შეიარაღებული დაესხნენ თავს, დახოცონ მუშები და მოუკლან შვილიც? მაშინ რაღა ექნას? არა, ურჩევნია გააღვიძოს გვენდური, წაიყვანოს მთაში, ვიდრე აქ დასტოვოს იმისათვის, რომ ავაზაკებმა ქუჩაში ძალღვიით მოჰკლან! ბიარტურს ხომ ძლიერ უყვარდა ეს ბიჭი, არ ამკლავებდა, თორემ ძლიერ უყვარდა. მართალია. გვენდური კინაღამ წავიდა ამერიკაში, მაგრამ მინც დამოუკიდებლობის სიყვარულმა გაიმარჯვა მის გულში, დარჩა მანასთან, მამასთან ერთად უნდა იბრძოლოს, დასძლიოს სიძნელებები თავის სამშობლოში. რა გაეწყობა, — გაიფიქრა ბიარტურმა, — ერთხელ და ორჯერ ხომ არ მიწვენვია შვილის დაკარგვის სიმწარე, — და გაახსენდა, როგორ მიჰქონდა ზურგზე წამოკიდებული ბავშვები ყუთით, რედსმირის სასაფლაოზე დასამარხავად. გაახსენდა ის შვილებიც, რომლებიც დამოუკიდებლობისათვის ბრძოლაში დაჰკარგა. იქნებ უკეთესიც იყოს, თუ მის უკანასკნელ შვილსაც იგივე დაემართება, რაც სხვებს? ვისაც ვაჟკაცობა არ ეუფლა, მარტობას შეუდრკება, ის არც არის დამოუკიდებელი კაცი. გრეტორ აუსმუნდარსონი უსახლკარო იყო, შარაგზის ყაჩაღი, ცხრაშეტი წელიწადი დამარწოდა ისლანდიის მთებში, ვიდრე დრანგეიში არ დაიპირეს. მაგრამ გრეტორისათვის შური იძიეს მიკლაგარდში, დედამიწის ზურგზე ყველაზე დიდ ქალაქში. იქნებ ოდესმე, რომელიმე დიდ ქალაქში ბიარტურისთვისაც იძიონ შური? და უცებ გაახსენდა, რუსთებლმწიფე მოსპეს, გული სიხარულით

წეუთროლოდა. ნეტა ახლა რას იტყვის, უტირედსმირელი ბერიკაცი იოუნი?
ბიარტურმა გადაწყვიტა გვენდური იქ დაეტოვებინა და ფეხაკრეფით
გავიდა ბარაკიდან.

შინ დაბრუნებაზე უნდა ეფიქრა, საბალახოზე დატოვებული ცხენი უნდა
მოენახა, მაგრამ ნაცვლად ამისა ბიარტური მეთევზეთა დაბაში დაყოლობდა,
დაბნევით პასუხობდა სალამზე მოხუც მეთევზეებს, უთენია რომ ამდგარიყვნენ,
ზოგი ხელისგულისოდენა ბოსტანში მუშაობდა, ზოგი ბადეს შლიდა, ზოგი
ბადეს კემსავდა. ბიარტურმა უკებ მტკიცე გადაწყვეტილებით იბრუნა პირი
ქალაქის გარეუბნებისკენ, სადაც ყველაზე უბადრუკი ქონმახები მჭიდროდ
მიჰკვროდა ერთმანეთს. ქალაქის ამ უბანს სანდერი იერქვა, არასოდეს არ ყო-
ფილა იქ, მაგრამ იქაური მოსახლეებიდან კი ზოგიერთს იცნობდა. ქალები
უკვე გამოსულიყვნენ ქონებიდან, ტომრებს ფერთხავდნენ. ერთ ქონთან მუ-
შები შეჯგუფულიყვნენ. ბიარტურისთვის ყურადღება არ მიუქცევიათ, უთუოდ,
კრება ჰქონდათ.

გზის პირას ერთი გამხდარი, წვრილი გოგონა ჩაცუტქულიყო და თიხის
ღვეზელებს აკეთებდა. ის იყო ბიარტურს გვერდით უნდა ჩაევილო ბავშვის-
თვის, რომ სწორედ იმ წუთს გოგონა წამოდგა, თიხით დასვრალი ხელი მუ-
ცელზე გაისვ-გამოისვა, თავის ასაკთან შედარებით გრძელი ხელ-ფეხი ჰქონდა,
სახე კი არაბავშვური, თითქოს გამოცდილების დალი ამჩნევიაო. როგორც კი
ბავშვმა ბიარტურისკენ სახე მიაბრუნა, ბიარტური შედგა, ეცნაურა მისი თვა-
ლები, ცალი სწორი, მეორე ელამი. ეს ხომ აუსტა სოულილიაა.

— რაო, რა თქვი? — ჰკითხა ბიარტურმა ბავშვს, რადგან მოეჩვენა, რომ
მან რაღაც უთხრა.

— მე არაფერი არ მითქვამს, — უპასუხა ბავშვმა.

— ასე აღრიანად რამ აგაყენა, შე საცოდავო, ჯერ მხოლოდ დილის ექვსი
საათია.

— ვერ დავიძინე, ყვიანახველა მჭირს. დედამ მითხრა, შენთვის სუფთა
ჰაერზე ყოფნა სჯობიაო.

— ოო, ხველა ბატონები გჭირს! დაგახველებს, აბა რა იქნება, ასეთი სი-
ფრიფანა კაბა გაცვია.

ბავშვმა არაფერი უპასუხა. ისევ ღვეზელების კეთება დაიწყო. ბიარ-
ტურმა თავი მოიქეჭა.

— მაშ ასე, ჩემო ძვირფასო სოულა, — თქვა ბიარტურმა. — ვაი, შე სა-
ცოდავო!

— მე სოულა არა ვარ, — უთხრა გოგონამ.

— მაშ, ვინა ხარ?

— ბიორტი შექვია. — ამაყად უპასუხა ბავშვმა.

— კარგი, ჩემო ძვირფასო ბიორტი, დიდი განსხვავება არ არის, — თქვა ბიარტურმა.

ბიორტმა მინანქრის ძველ ფინჯანში სილა ჩაყარა და გამოსაცხობად ქვაზე დადგა.

— საშობაო ღვეზელს ვაცხობ, — უთხრა ბიარტურს და გაუღიმა.

ბიარტური მღუმარედ შეჩუყრებდა ბავშვს.

— რას უღგებნარ აქ? რას მიყურებ?

— მოდი, დედაშენთან წავიდეთ და ყავა დავლიოთ!

— ჩვენ ყავა არ გვაქვს, მარტო ცხელ წყალს ვესვამთ, — უპასუხა ბავშვმა.

— ცარიელ წყალზე ბევრი გადადის ახლა.

ბავშვს ხველა აუვიარდა, ჩაბყირდა, გალურჯდა, მიწაზე გაწვა, ვიღრე ხველამ არ გაუარა. რომ წამოდგა, ისევ ჰკითხა ბიარტურს:

— აქ რას უღგებნარ? რატომ არ მიღიხარ?

— იმიტომ არ მივიღივარ, რომ თქვენთან ერთად მინდა დავლიო ცხელ წყალი, — უპასუხა ბიარტურმა.

ბავშვმა გამომცდელი თვალით შეხედა ბიარტურს და მერე უთხრა:

— მაშ, წავიდეთ და დავლიოთ!

თუ წუხელ სხვისი პური ჰქამა, ისიც მოპარული პური, ამ პატარა გოგონას სახლში რატომ არ უნდა დალიოს წყალი, ბიარტური ღობეზე გადაძვრა და ბავშვთან ერთად ქობისკენ წავიდა.

არასოდეს, არასოდეს არ ყოფილა სულით ასე დაძაბუნებული, როგორც წინა ღამეს, რომელმაც უკვე განვლო, და ასევე ამ მზიან დილას. ისიც კი საეჭვოა, არის თუ არა კიდევ ბიარტური დამოუყიდებელი ადამიანი.

ოთხკვადრატისანი სარკმელი ძირამდე იყო გაღებული, მხოლოდ ერთ კვადრატს შერჩენოდა მინა, ორში ტომარა ჩაეჩურთათ, მესამე კი ფიცრით იყო აქედელი. ბიორტი წინ მოუძლოდა სტუმარს. ოთახს, როგორც ჩანდა, ოდესღაც ქალაქურ ყაიდაზე შპალერი ჰქონდა გაკრული, მაგრამ დროთა ვითარებაში შპალერი ნესტისგან ჩაშავებულიყო, თბი მოსდებოდა, აქა-იქ აყრდელიყო და ჩამოხეული ქაღალდი ჩამოკონწიალებული ეკიდა კედლებზე. ერთ საწოლზე იმ ქობის პატრონი მოხუცი ქალი იწვა, მერეზე აუსტა სოულოლიას ეძინა თავის პატარა ბავშვთან ერთად. სარკმელთან ყუთი, დამტვრეული სკამი და მაგიდა იდგა, მაგიდაზე კი ნავთქურა.

— უკვე დაბრუნდი? — ჰკითხა აუსტამ შვილს და ლოგინზე წამოიწია, როცა კარში ბიორტი დაინახა. შალის გულამოდებული პერანგიდან მოშვეებული ჩამოკიდებული ძუძუები მოუჩანდა, თმა აბურძგნული ჰქონდა, გამხდარი,

გაფთრებული იყო. ბიარტურის დანახვაზე თვალები გაუფართოვდა, თავი ისე გააქნია, თითქოს ზმანებას იშორებდნო, მაგრამ ეს ზმანება როლი იყო, ბიარტური ოთახში იდგა, დიახ, ბიარტური.

— მამა, — დაიკვილა აუსტამ, თითქოს იხრჩობაო, ჰაერი ხარბად შეისუნთქა, თვალები დაუმრგვალდა, გუგები გაუფართოვდა, სახე ისე გაეზარდა, თითქოს ამ ერთ წამში გასუქდა და გაახალგაზრდავდაო.

და ისევ დაიკვილა თავგზაარეულმა:

— მამა! მამა!

მერე ქვედაკაბას დასწვდა, ფაციფუცით გადაიცვა, თეძოებზე ჩამოისწორა, ლოგინიდან წამოიჭრა, ფეხშიშველი გაქანა მისკენ, კისერზე შემოეკვლო და სახე მის წვერქვეშ, მკერდზე ჩამალა.

დიახ, ბიარტური იყო. აუსტა კვლავ მიეკრა ლოყით იმ ადგილს, წვერქვეშ. მოვიდა, მოვიდა! ბოლოს თავი ასწია, სახეში შეაქქერდა და ამოიხსრა.

— აღარ მეგონა, თუ ოდესმე მოხვიდოდი!

— ჩემო საბრალო გოგო, უნდა ვიჩქაროთ, აბა, მარდად აადულე წყალი, ჩააცვი ბავშვებს. დღეს თან უნდა წაგიყვანო.

აუსტა გაშეშებული იდგა ერთ ადგილზე, ბიარტურს თვალს ვერ აშორებდა და იმეორებდა: მამა! მამა! არა, არ მჭერა, ნუთუ მართლა შენ ხარ!

ბიარტური აუსტას საწოლთან მივიდა. აუსტამ მოჯადოებულებით გააყოლა თვალი მამას, რომელიც მის ბავშვს დააქქერდა. ძუძუთა ბავშვის დანახვაზე ბიარტურს მუდამ გული სიბრალულით ეგვებოდა.

— როგორი პაწიაა, ერთი ციქნა, — თქვა ბიარტურმა. — დახე ერთი, რა სუსტია, რა უსუსურია კაცის მოდგმა! აი, ამისთანა პაწიას რომ დაინახავ, მაშინ ნათლად წარმოგიდგება ადამიანის უმწეობა.

— არა, კიდევ არ მჭერა, თუ მართლა შენ ხარ! — წამოიძახა აუსტამ და ისევ მივიდა ბიარტურთან.

— ტანთ ჩაიცვი, ჩემო პატარავ, გრძელი გზა გვიძევს, — უთხრა ბიარტურმა.

აუსტამ ჩაცმა დაიწყო და უცებ ხველა აუვარდა.

— რატომ არ დაბრუნდი, ვიღრე აქამდე არ მიხვიდოდი, ვიღრე ასე დაგილუსტდებოდა ფილტვები, — უთხრა ბიარტურმა, — სახლი ავიშენე, როგორც დაპირებული ვიყავი, მაგრამ ამით ველარ გავიხარებთ, უკუღმა წავიდა ჩემი საქმე და ახლა მოხუცმა პალბერამ იჯარით მომცა თავისი ხუტორი.

— მამა! — დაუსრულებლივ იმეორებდა აუსტა და სხვა ვერაფრის თქმას ვერ ახერხებდა.

— მე ჩემს აზრს ვერაფერი შემაცვლევინებს. მითქვამს და გავიმეორებ,

რომ კაცი, ვიდრე ცოცხალია, არ უნდა დანებდეს. არ უნდა შედრკეს, გინდაც ყველაფერი გამოაძალონ ხელიდან და ცარიელ-ტარაელნი დასტოვონ. პერსს ხომ ვერ წაართმევენ. ასე, ჩემო გოგონი! წუხელ კი მოპარული პური ვკამე და ჩემი შვილი დავუტოვე იმ ხალხს, ვისაც მთავრობის დამხობა გადაუწყვეტია. ჰოდა, ამ დილით ვთქვი, აუსტასთან წავალ-მეთქი.

თ ა ვ ი ს ა მ ო ც დ ა მ ე თ ი ა ვ ს მ ე ბ ა

სისხლი მღელღე

— გადაიკარგე და აღარ გამოჩნდი, გოგონი, რა ხანია არ მინახეხარ, — უთხრა მოხუცმა პალბერამ აუსტას სალამოს, მართო რომ დარჩნენ. უკანასკნელ ღამეს ათვედნენ ზაფხულის სავენეში. ბიარტურმა. სურსათი წაიღო ურდარსელში. — მე შეგონა, რომ მოკვდი.

— ჰო, ბები, მე მართლა მოკვდი, — უპასუხა აუსტამ.

— საოცარია! ყველა კვდება ჩემს გარდა.

— ჰო, მაგრამ მე მკვდრებით აღვსდექი, ბები.

— რაო? — ჰკითხა პალბერამ.

— მკვდრებით აღვსდექი-მეთქი.

— ოო, არა, ჩემო გოგონი, მკვდრებით ჭერ არავინ აღმსდგარა.

პალბერა შებრუნდა, საქსოვ ჩხირებზე ამოკრეფილ თვლებს დახედა და მკვდრებით აღდგომის ფსალმუნნი ჩაიკითხა დუდუნით.

სალამოს აუსტამ ბავშვები წაიყვანა ნაკადულთან. გაოცებული ათვალღიერებდა უშნოდ აჩონჩხილ ახალ სახლს. მის მახვილ კუთხეებს, სარკმელებზე შემორჩენილ ცემენტს, ჩალეწილ მინებს. ირგვლივ ისე იყო მიწა ამოთხრილი, რომ ეს ნაგებობა ნანგრევს უფრო ჰგავდა, თითქოს ყუმბარა დასცემია, მიუღეწ-მოუღეწია და გადაუთხრია იქაურობაო. მამ ესაა ის სახლი, რომელსაც ბიარტური აშენებდა იმ იმედით, რომ აუსტა სოულილია დაბრუნდებოდა? აუსტაც ოდესღაც ოცნებობდა ზღვის პირას, მდელობზე მდგარ თეთრ სახლზე. ახლა კი სინანულით მოიგონებს ზაფხულის სავენის ამ პატარა ქოხს, მის მომრგვალებულ ხაზებს, პარმონიულ პროპორციებს. ამ ქოხთან იყო დაკავშირებული მისი წმიდათა წმიდა განცდები, სანუკვარი ოცნებები... და მანაც რა საამოა ამ მთების ხილვა. ისევ აქ დგანან, თავის ადგილზე. აუსტას კი მიკვებოდა, რომ ასმა წელიწადმა განვლო მას აქეთ, რაც მათ დაშორდა.

ტბაც იქვეა, სადაც იყო, მდორე მდინარეც ძველებურად ერთვის ჭაობს. ზაფხულის ერთ ღამეს, ივანობის წინა ღამეს, აუსტა სოულილია უშენში გამოვიდა ვრცელი სამყაროს დასანახად. ერთხელ უცხო კაცმა ჩახედა თვალუბში და აუსტას მოეჩვენა, რომ მისი გული მარად შემოინახავდა ამ მზერის სიტკბოს. აუსტას მანამ დაუნგრის ცხოვრება, ვიდრე ცხოვრებას დაიწყებდა, დაუნგრის ისევე, როგორც გულბიარტურ იოუნსონს თავისი კერა და ოცნება დამოუკიდებლობაზე. აუსტა ორი შვილის დედაა, იქნებ სამისაც, მაგრამ ვის რა ესაქმება.

აუსტამ ბავშვები მოიყვანა აქ, აკოცა მათ და უთხრა: „შეხედეთ ჩემს ძველ ნაკადულს“. აუსტა ჰგავდა მთის დაუცავ ქანს, რომელსაც ანადგურებს ქარი, რადგან არაფერი და არაფერი არ იცავს მას—არც ღმერთი, არც ხალხი. ხალხი ხომ ერთიმეორესაც არ იცავს. ღმერთი კი? ამას მაშინ გაიგებ, როცა ჭლექით მოკვდები. ეგებ ყოფილად ძლიერმა დაინახა, რარიგ ეწამა, რა ტანჯვა გამოიარა აუსტამ? მაგრამ როგორც არ უნდა ყოფილიყო, იმ საღამოს აუსტას მაინც ეჩვენებოდა, რომ ჯერ კიდევ არ დაბერებულა, ჯერ კიდევ შეუძლია ოცნება მომავალზე, ახალ მომავალზე. იმედი ხომ სიცოცხლეს ნიშნავს.

მეორე დღეს ბიარტურის თავისი ჯალაბით ურდარსელის გზას დაადგა. ბლესის ზურგზე გადაჰქიდა ორი კალათი—ერთი მოხუცი ჰალბერასათვის, რომელმაც ოთხმოცდაათ წელს გადააბიჯა, მეორე—ბავშვებისთვის და ცხენს წინ გაუძღვა, აუსტა სოულილია გვერდით მიჰყვებოდა, დასავლეთით ეკირათ გეზი, უღელტეხილისკენ. ძალდი ძუნძულით მისდევდათ, ხალისით ყნოსავდა ყველაფერს, რასაც გზაზე დაინახავდა, როგორც საერთოდ იციან ძაღლებმა გაზაფხულის სურნელებით დაბანგულ დღეს. ხმას არაფერი იღებდა. ისინი ყარბებებს ჰგვანდნენ, შემთხვევით რომ გადაიღამეს ხრიოკ, უდაბურ ადგილას. ეს ცხოვრების ხრიოკი იყო. გზას უფრო შორეული ხრიოკისკენ მიჰყავდა ისინი. არაფერი დრტვინავდა, არაფერი ჩიოდა რასმე! ნუ აჰყვები დარდს, ნუ დასტირი იმას, რაც დაჰკარგე! ბორცვზე რომ ავიდნენ, ბიარტურს თავისი ხუტორისკენ არც გაუხედავს, მაგრამ როცა გუნვერის ყორღანს გაუსწორდნენ, შარავზიდან გადავავდა, ხელი დაავლო საფლავის ქვას, რომელიც გუნვერს დაადო, და ხეობაში გადაუძახა.

ახლა კი იცოდა, რომ გუნვერი და კოლუმპილი განუყრელნი იყვნენ, გუნვერი მუდამ მასთან იყო მძიმე თუ კარგ დროში, ის ახლაც მასთანაა. ერთხელ კიდევ დაუნგრის საწყალ გლესს კერა. ისინი არ გამოცვლილან, დარჩნენ იმად, რანიც იყვნენ საუკუნეების მანძილზე. ეს კი სულ უბრალო მიზეზის გამო: იმიტომ, რომ გლესიც დარჩა იმად, რაც იყო დასაბამიდან დღემდე. უცხოეთში ამტყდარა ომმა თითქოს ცოტა შეუმსუბუქა ხვედრი, მაგრამ ეს მოჩვენები-

თი შვება იყო, მირაჟი გახლდათ. ლატაკი გლეხი ვერასოდეს თავს ვერ დააღწევს გაჭირვებას, ვიდრე ადამიანი ადამიანის ქომაგი და მოსარჩლე კი არ არის, მოსისხლე მტერია, რომ ლატაკი გლეხის ცხოვრება, დამოუკიდებელი კაცის ცხოვრება თავისი არსით პირის ბრუნება გახლავთ, გაქცევა, მას მისდევენ, მისდევენ მოსაკლავად, ის კი გარბის ღამის გასათევად ერთი ადგილიდან მეორეში და თანდათან უფრო უარესში გადადის. აი, ადგილსამყოფელს იცვლის ღარიბი გლეხის ოჯახი, მთელი ოთხი თაობა იმ ოცდაათი თაობიდან, რომლებიც იცავდნენ, ინახავდნენ სიცოცხლის ნაპერწკალს ამ ქვეყანაში. ვისთვის? ყოველ შემთხვევაში, არა თავისი თავისთვის და თავისიანებისთვის. ღარიბი გლეხები ლტოლვილებს ჰგვანან, ხანგრძლივი ომის შემდეგ, მტრისგან განადგურებულ ქვეყანაში რომ უგზოუკვლოდ დაბორილობენ, ეს ხალხი კანონგარეშე გამოცხადებულ, დევნილ ხალხსა ჰგავს. რომელ ქვეყანაში? ყოველ შემთხვევაში, არა თავის ქვეყანაში. ერთ უცხოურ წიგნში წერია ლეგენდა ადამიანზე, რომელიც სრულქმნილი გახდა იმით, რომ ღამე გამოდიოდა თავისი მტრის მიწაზე და პურს თესავდა. საგა ზაფხულის სავანელ ბიარტურზე ეს არის საგა ადამიანზე, ვინც მთელი თავისი სიცოცხლე, თავისი დღე და მოსწრება პურს თესავდა მტრის მიწაზე. ეს გახლავთ საგა დამოუკიდებელ ადამიანზე.

უშენი. ჭაობი. გაისმა საშინელი გრუხუნნი. კლდეზე ხათქახუთქით დაეშვა გუნვერის საფლავის ქვა უფსკრულისკენ.

უღელტეხილზე, საიდანაც უტირედსმირი მოჩანს, მგზავრებმა შარაგზოდან გადაუხვიეს, ჩრდილოეთით აიღეს გეზი, სანდგილისკენ. ბავშვმა დაიძინა, კრიჭინებდა კალათები, მოხუცი ჰალბერა გამხმარი, გალურჯებული თითებით ებღალუქებოდა უნაგირს, ის შინ ბრუნდებოდა უშენში შემთხვევით გადაღამების შემდეგ.

თანდათან გაჭირდა სიარული ამ გაუკვალავ ბილიკებზე, ნიადაგი ზოგან მოშვავებული იყო, ზოგან ნაპრალი, ჭაობი, ქვები ზედებოდათ. აუსტას ძალა გამოეცალა, მდელიოზე დაეცა, ხველა აუვარდა. ხველამ რომ გაუარა, დაიჯნენსა, წამოდგომა ველარ შესძლო. ბიარტურმა ჩამოსნა კალათები, მოხუცი ჰალბერა ძირს დასვა, ბავშვებიც ამოიყვანა კალათიდან და ცხენი საბალახოდ გაუშვა. პატარა ბიორტმა თითი პირში ჩაიყო, დასცქეროდა დედას, ჰალბერას კი ჩვილი მუხლებზე ეწვა და არწევდა:

სადაც გუნვერია — იქ სისხლის ღვარია.
გუნვერთან ვერავის ვერ გაუხარია,—
იძინე, იძინე, ბალლო!

ყველა გააოცა იმან, რომ მდელი სისხლით შეიღება, როგორც სიმღერაში იყო. ელოდნენ, როდის მოიკრებდა ძალას აუსტა სოულილია. შეცბუნებული ბიარტური ვანზე გადგა, პატარა ბიორტი კი დედას ეკითხებოდა, ხომ არაფერი გტკივაო. არა, არაფერო სტკივა, მაგრამ სიარული აღარ შეუძლია. აუსტა მდელიზე იწვა, პირიდან სისხლის წვრილი ნაკადი გადმოსდიოდა, თვალები დაეხუჭა და ნელა კენკროდა. მოხუცმა პალბერამ ცერად დახედა ქალს და ჩაიჩიჩიფა:

— ვიცოდი, ვანგ ხრა! კიდევ ერთი მიცვალებულის კოცნა მომიწევს!

ბიარტური მიხვდა, რომ ახალგაზრდა ქალს სიარული აღარ შეეძლო, ბავშვები და მოხუცი ისევე კალათებში ჩასხა, კალათები ცხენს გადაჰკიდა, აუსტა სოულილია კი ხელში აიყვანა, მაგრად მომეჭიდე კისერზეო, უთხრა, და ცხენს წინ გაუძღვა. ციკაბო ფვრდობი რომ აიარეს, აუსტამ დაიჩურჩულა:

— კვლავ შენთან ერთად!

— მან უპასუხა: ()

— მაგრად მომეჭიდე კისერზე, ჩემო ყვავილო.

— დიახ, — დაიჩურჩულა აუსტამ, — მუდამ, სანამ ცოცხალი ვარ, ერთადერთი ყვავილი ვიქნები შენი. შენი ცხოვრების ყვავილი. და იცი, მალე არ მოეკვდები, არა, არც ისე მალე.

და კვლავ გზას გაუდგინა.

1935 წ. გაზაფხული.
რეიკიასლიდი — ლაუარვანტი.

შ ი ნ ა ა რ ს ი

ისლანდიელი პიონერი
ნ ა წ ი ლ ი პ ი რ ვ ე ლ ი

თ ა ვ ი პ ი რ ვ ე ლ ი . კოლუმბილი	3
თ ა ვ ი მ ე ო რ ე . მიწა	6
თ ა ვ ი მ ე ს ა მ ე . ქორწილი	14
თ ა ვ ი მ ე ო თ ხ ე . მსრბოლავი ღრუბლები	27
თ ა ვ ი მ ე ხ უ თ ე . საიდუმლო	34
თ ა ვ ი მ ე ე ქ ე ს ე . სიზმრები	36
თ ა ვ ი მ ე შ ე ი დ ე . გულის დაეადება	42
თ ა ვ ი მ ე რ ე ე . ხორშაკი	47
თ ა ვ ი მ ე ც ხ რ ე . გასეირნება „ტყეში“	49
თ ა ვ ი მ ე ა თ ე . მთაში ლაშქრობის წინ	56
თ ა ვ ი მ ე თ ე რ თ ე ტ ე . სექტემბრის ღამე	69
თ ა ვ ი მ ე თ ო რ მ ე ტ ე . ექიმის რჩევა	78
თ ა ვ ი მ ე ე ა მ ე ტ ე . პოეტი ქალი	80
თ ა ვ ი მ ე თ ო თ ხ მ ე ტ ე . გამოთხოვება	84
თ ა ვ ი მ ე თ ხ უ თ მ ე ტ ე . ძებნა	82
თ ა ვ ი მ ე თ ე ქ ე ს მ ე ტ ე . რითმები	94
თ ა ვ ი მ ე ჩ ე ი დ მ ე ტ ე . შინ დაბრუნება	102
თ ა ვ ი მ ე თ ე რ ა მ ე ტ ე . უტირედსმირი	103
თ ა ვ ი მ ე ე ხ რ ა მ ე ტ ე . სიცოცხლე	111
თ ა ვ ი მ ე ო ე ე . რუღუნი	114
თ ა ვ ი ო ც დ ა მ ე ე რ თ ე . მეჭონეები	126
თ ა ვ ი ო ც დ ა მ ე ო რ ე . ქარბუჭი	135
თ ა ვ ი ო ც დ ა მ ე ს ა მ ე . გამოსათხოვარი სიტყვა	137
თ ა ვ ი ო ც დ ა მ ე ო თ ხ ე . ყინვის ალი	138

ვალისგან თავისუფალნი

ნ ა წ ი ლ ი მ ე ო რ ე

თ ა ვ ი ო ც დ ა მ ე ხ უ თ ე . ზამთრის დილა	141
თ ა ვ ი ო ც დ ა მ ე ე ქ ე ს ე . დღე	155

თავი	ოცდამეშვიდე. საღამო	169
თავი	ოცდამეჩვი. ლიტერატურა	174
თავი	ოცდამეცხრე. ძროხა	178
თავი	ოცდამეათე. ძლიერნი ამა ქვეყნისანი	183
თავი	ოცდამეთერთმეტე. სიმღერის შესახებ	191
თავი	ოცდამეთორმეტე. სამყაროს შესახებ	197
თავი	ოცდამეცამეტე. მტარვალობა	216
თავი	ოცდამეთოთხმეტე. მნიშვნელოვანი ამბები	226
თავი	ოცდამეთხუთმეტე. სტუმარი	233
თავი	ოცდამეთექვსმეტე. ბიარტური მშენებლობას იწყებს.	244
თავი	ოცდამეჩვიდმეტე. პატარა ყვავილი	250
თავი	ოცდამეთვრამეტე. ბრძოლა	256
თავი	ოცდამეცხრამეტე. სიკვდილი გაზაფხულზე	260

მძიმე დრო

ნაწილი მესამე

თავი	მეორეოცე. სახლის ზღურბლთან	266
თავი	ორმოცდამეერთე. ვირთავეები (საშობაო მარხვა)	273
თავი	ორმოცდამეორე. მარცხენა ლაწვი	278
თავი	ორმოცდამესამე. საუბარი ზებუნებრივ ძალებთან	281
თავი	ორმოცდამეოთხე. პარაკლისი	285
თავი	ორმოცდამეხუთე. სულის შესახებ	290
თავი	ორმოცდამექვსე. მართლმსაჯულება	297
თავი	ორმოცდამეშვიდე. მარჯვენა ლაწვი	304
თავი	ორმოცდამეჩვიდმეტე. თეთრი ალი	310
თავი	ორმოცდამეცხრე. უკეთესი დროება	315
თავი	ორმოცდამეათე. პოეზია	327
თავი	ორმოცდამეთერთმეტე. ღმერთი	331
თავი	ორმოცდამეთორმეტე. ეამი სურვილის აღსრულებისა.	337
თავი	ორმოცდამეცამეტე. გარდაუვალი	344
თავი	ორმოცდამეთოთხმეტე. როცა ცხოვრების ყვავილი გვაეს	351
თავი	ორმოცდამეთხუთმეტე. გაზაფხულის დღეები	356
თავი	ორმოცდამეთექვსმეტე. უფროსი და	359
თავი	ორმოცდამეჩვიდმეტე. ბიჭი და ქვეყნები	363
თავი	ორმოცდამეთვრამეტე. რედსმირელი მანდილოსნის დამარცხება	369
თავი	ორმოცდამეცხრამეტე. მე ვარ	376

ნ ა წ ი ლ ი მ ე ო თ ხ ე

კეთილდღეობის წლები

თავი მესამოცე. როცა მოკლეს ფერდინანდი	382
თავი სამოცდამეერთე. რწმენის შესახებ	387
თავი სამოცდამეორე. ბილეთი	394
თავი სამოცდამესამე. დგას კლდე შიშველი და შავი...	402
თავი სამოცდამეოთხე. საუბარი ზღაპრულ ქვეყანაზე	405
თავი სამოცდამეხუთე. ამერიკა	411
თავი სამოცდამეექვსე. პოლიტიკა	421
თავი სამოცდამეშვიდე. საფერხე ცხენი	429
თავი სამოცდამერვე. თანამედროვე პოეზია	441
თავი სამოცდამეცხრე. როცა კაცი უკოლოა	447
თავი სამოცდამეათე. პროცენტების პრობლემა	452
თავი სამოცდამეთერთმეტე გოლიათები შემოდგომაზე	456
თავი სამოცდამეთორმეტე. როცა იდეალები ხორციელდებიან	461
თავი სამოცდამეცამეტე. ძაღლები, სულელები და სხვა და სხვა	466
თავი სამოცდამეთოთხმეტე. საგის დასასრული. სხვისი პური.	469
თავი სამოცდამეთხუთმეტე. რუსთებლმწიფე დაამხეს	478
თავი სამოცდამეთექვსმეტე. სისხლი მღვლეობე	483

რედაქტორი ც. ჯაფარიძე
მხატვარი ნ. იანჭოშვილი
მხატვრული რედაქტორი დ. ღუნდუა
ტიპნოკური რედაქტორი ნ. ქვეთარაძე
კორექტორი ლ. ეძგვერაძე

გადაეცა წარმოებას 25/IV-68 წ. ხელმოწერილია დასაბუქლად 1/XI-68 წ. ქალ.
ზომა 70×90¹/₁₆. პირობითი ნაბეჭდი თაბახი 35,98. სააღრ.-საგამომც. თაბახი 29.32
ტირაჟი 40 000. შეკვ. 7637.

ფახი 1 მან. 60 კაბ.

გამომცემლობა „საბჭოთა საქართველო“
თბილისი, შარჯანიშვილის 5.

საქართველოს სსრ მინისტრთა საბჭოს ბეჭდვითი სიტყვის
სახელმწიფო კომიტეტის მთავარპოლიგრაფმრეწველობის სტამბა №5,
ქუთაისი, თ. ქვექავაძის პროსპექტი, 11.
Типография № 5 Главполиграфпрома Государственного комитета
Совета Министров Грузинской ССР по печати,
г. Кутаиси, пр. И. Чавчавадзе, 11.

Халлдор Лакснесс

Самостоятельные люди

(Роман)

(На грузинском языке)

Издательство «Сабчота Сакартвело»

Тбилиси, ул. Марджанишвили, 6

1968